

# Acta Colloquij Mont- tis Belligartenfis:

*Quod habitum est, Anno Christi 1586.*

*Fauente Deo Opt. Max.*

P R A E S I D E,

## ILLVSTRISSIMO

### PRINCIPE AC DOMINO, DOMI-

NO FRIDERICO, COMITE VIRTEMBER-  
GICO ET MOMPELGAR-  
TENSIS, &c.

INTER CLARISSIMOS VIROS, D. IA-  
COBVM ANDREAE, Præpositum & Cancellarium Aca-  
demiæ Tubingensis: & D. THEODORVM BEZAM, Pro-  
fessorem & Pastorem Geneuensem,

*AUTHORITATE PRÆDICTI PRINCI-  
PIS FRIDERICI, &c. nunc Anno Chri-  
sti 1587. publicata.*

HAEC ACTA CANDIDE ET BONA FIDE CONSI-  
gnata, vanissimos de hoc Colloquio sparsos rumores, inprimis verò  
Epistolam quandam, vanitatibus & calumnijs refertam, & typis ex-  
cusam, abundè refutabunt.



CVM PRIVILEGIO.

TUBINGAE,

PER GEORGIVM GRVPPENBACHIVM,

---

ANNO M. D. LXXXVII.



At College

1811

Received of the Treasurer of the College

the sum of

Five Dollars

for

tuition

of

the said

student

for

the term

of

the year

1811

1811

1811

1811

1811

1811

1811

1811

1811



FRIDERICVS  
Dei Gratia Comes Vvirtem-

BERGICVS ET MOM-

PELGARTEN-

SIS, &c.

CHRISTIANO LECTORI, VE-  
ritatis cœlestis studioso, Sa-  
lutem.

**D**EO OPTIMO MAXIMO GRATVM OFFI-  
cium, & sua persona dignum præ-  
stiterunt olim Christiani Impera-  
tores, & nostro seculo multi pij  
Electores, Principes & Ordines Imperij, dum  
magna cum sollicitudine, indefesso studio (ne-  
que laboribus, neque sumptibus parcentes) in  
id incubuerunt, ut Religionis controuersia, in  
Ecclesia Christi exorta, vel quàm primum so-  
pirentur, vel legitimis rationibus prorsus è me-  
dio tollerentur. Eum autem, in suo pio conatu  
scopum sibi propositum habebant, ut & erran-

tes in viam reducti, animarum suarum exitium  
effugerent: & suauissimus veritatis cœlestis  
consensus & concentus in Ecclesia Christi, ad  
laudem Dei Omnipotentis, restitueretur, &  
passim in Ecclesijs audiretur.

Eodem prorsus consilio, atque ad eundem fi-  
nem, Nos mense Martio, Anni proximè  
elapsi, clarissimos Theologos D. Jacobum An-  
dreæ, Præpositum & Cancellarium Acade-  
miæ Tubingensis, & D. Theodorum Bezam,  
Professorem & Pastorem Geneuensem,  
Mompelgartum in arcem nostram euocavi-  
mus: ut ibi in nostra præsentia de articulis in-  
ter ipsos controuersis, placidè conferrent atque  
colloquerentur. Quod sanè haudquaquam à no-  
bis ea de causa institutum fuit, ut de Confessio-  
nis nostræ veritate demum certi aliquid apud  
nos constitueremus: quippe qui iam dudum unâ  
cum Imperij Electoribus, cæterisque Principi-  
bus & Ordinibus, synceræ Euangelicæ doctri-  
næ subscripsimus, atq; veritati cœlesti testimo-  
nium

nium publicum dedimus: à quo, diuina adiuti gratia, nunquam recedemus: sed illud potius ad omnem posteritatem extare, & ratum firmumque esse volumus. Rogauerant autem nos demissè & obnixè Galli exules, qui à Pontificia religione discessionem fecerunt, ut Colloquium inter clarissimos illos Theologos instituere-  
mus: propterea, quòd magnam spem conceperant, fore, ut in articulis controuersis, in quibus Gallicæ Ecclesiæ à nostris dissident, pia concordia constitueretur: atque per hoc salutare remedium Gallicæ & aliæ quædam extær Ecclesiæ cum nostris melius coalescerent.

Ut autem antea ex commiseratione pia Gal-  
lis exulibus hospitium in vrbe nostra Mom-  
pelgarto, concessimus: memores dicti illius  
Prophetici: Egenos vagosq. induc in domum Esa. 58.  
tuam: Et illius Apostolici: Hospitalitatis noli- Heb. 13.  
te obliuisci: ita Colloquium (ipsis adeò demissè  
& obnixè petentibus) denegare nolimus: ne  
quid prætermittere videremur, quod vel ad

*Ecclesiae Christi tranquillitatem, vel ad ipsorum salutem æternam facere posset.*

*Cum autem Theologi, quorum suprà mentionem fecimus, in arce nostra conuenissent, unâ cum ijs, quorum nomina in Actis suo loco subscripta leguntur: admisimus ad eam Collocutionem non modò Consiliarios & aulicos nostros, verùm etiâ Gallos exules, quotquot adesse cuperent, et qui Latinæ linguæ non ignari essent. Neq; verò Nos ab illo Colloquio, vel ad horæ momentum abesse volumus: neq; in retanta, aliorum negotiorum Politicorum interea rationem habendam duximus, ut huic uni rei expeditius vacare possemus. Is autem Colloquij processus fuit institutus & obseruatus, ut nostræ partis Theologi de singulis Articulis cōtrouersis, primùm Theses suas aduersæ parti traderent: & ab ea responsum scriptum vicissim acciperent: quibus contrarijs scriptis publicè coram omnibus præsentibus clarè recitatis, deinde de eo Articulo (de quo Theses et Responsum*

ſponſum tractabant) D. Facobus Andreae, &  
 D. Theodorus Beza, placidè collocuti ſunt.  
 Articuli, de quibus agebatur, hi erant:  
I. De Cœna Domini. II. De Perſona Chriſti.  
III. De Imaginibus, templis & ſimilibus rebus.  
IIII. De Baptiſmo. V. De Prædeſtinatione. Certò enim nobis conſtabat,  
 quòd de his Articulis, inter noſtros & Gallicos  
 Doctores non eſſet conſenſus.

Et ſi autem interdum in eiufmodi Colloquijs  
 publici & iurati Notarij, qui ſingula utriuſq;  
 partis dicta excipiant, conſtitui ſolent: tamen  
 initio huius Colloquij, ab utraq; parte indicatũ  
 & in eo conuentum eſt, Notarijs utendũ non  
 eſſe: ne tempus extraheretur, ſi ad pennam lo-  
 quendum eſſet: & ne ſermo tardior, ad excipi-  
 endum accommodatus, quaſi in multas particu-  
 las diſtractus, minùs commodè, & à collocto-  
 ribus, & ab auditoribus intelligeretur. Hoc .n.  
 in hoc Colloquio quæſuimus, ut utraq; pars, fa-  
 miliariter conferendo, alteri ſuam ſententiã  
 quàm



quàm simplicissimè aperiret atq; exponeret: Ita quidem, ut aduersa pars nostrorum mentem in singulis controuersis capitibus plenè perciperet: & vicissim suam sententiam ita copiosè & abundè declararet, ut posthac conqueri nō posset (ut hactenus saepe) quòd neque satis unquam audita, neque rectè intellecta esset.

Interim tamen singulis præsentibus liberū fuit, ea quæ vellent, annotare. Et quia non dubitabamus iam ab initio huius Colloquij, quin multi absentes eiusdem Acta magno desiderio essent expetituri: quibusdam ex nostris id negocij dedimus, ut singula, quæ ab utraque parte dicebantur, quanta possent celeritate, dexteritate, diligentia & fide summa exciperent, atq; in chartas conijcerent, ne quicquam, quod scitu necessarium esset, in Actis, si aliquando publicarentur, desideraretur: sed ut pars utraque fateri cogeretur, Acta illius colloquij bona fide fuisse collecta.

Neque verò nos piguit, nostra etiam manu  
ea an-

nu ea annotare, quæ ab aduersa parte contra pi-  
 am, simplicem, & synceram doctrinam, in Chri-  
 stiana nostra Catechesi comprehensam, dicebā-  
 tur, atque pertinaciter asserebantur. Qualia  
 erant: Quòd nullam aliam habeamus in sacra Fol. 67. A  
Cœna Domini præsentiam corporis & sangui-  
nis Christi, nisi eam, quam suo tempore Abra-  
ham in veteri Testamento habuerit: cùm qui-  
dem tunc Filius Dei nondum esset incarnatus,  
& caro atque sanguis eius nondum existerent.  
Quòd humanæ Christi naturæ, propria diuini Fol. 221. 2  
tatis infinita nulla ratione communicari possint:  
itaque humanitati Christi assumptæ realiter  
neque omnipotentiam, neque omniscientiam,  
neque omnipræsentiam, neque adorationem cõ- Fol. 346. 348. 358.  
petere: quamuis cum Filio Dei personaliter sit  
unita: sed humanæ naturæ in Christo tantum Fol. 247.  
fnita & creata dona esse communicata. Quòd Fol. 472. 5.  
innumerabiles pueri baptizentur, qui tamen  
nunquam regenerentur: f deoq; de infante ba-  
ptizato certò dici non posse, quòd sit renatus: ta-  
 b met si

- 4 Fol. 434. met si de ea re benè sit sperandum. Quòd Chri-  
 Fol. 547. stus non pro totius mundi peccatis sit mortuus:  
sed tantum pro electis: cæteros occulto & æter-  
 5 Fol. 463. no Dei decreto perire. Quòd David etiam in  
 167. Theol. Vindob.  
 58. p. 104.  
ipso adulterio, Spiritum sanctum & fidem re-  
tinuerit, &c. Hæc & similia Nos ipsi penna  
excepimus. Postea verò, omnibus annotatis  
& consignationibus nostrorum in unum colla-  
tis, mandauimus, ut (quanta omnino fieri posset  
diligentia & fide) in unum corpus redigeren-  
tur: ut & disputationis contextus constaret: et  
oratio non esset hiulca: neue quicquam, quod ad  
substantiam totius Colloquij pertineret, deside-  
raretur.

Et cùm intelligeremus, studiosæ iuuentuti  
 gratū atq; utile futurū, si ad marginem scripto-  
 rū illorū, quæ aduersa pars in hoc Colloquio ex-  
 hibuit, castigationes annotarentur, quæ breui-  
 ter errores, & errorū causas, quasi digito mon-  
 strarent: libenter, ut id fieret, concessimus: tam-  
 etsi iidem errores etiam in nostrorū responsis  
 copio-

copiosè refutentur. Etenim hac in re habendā  
 rationem duximus ALUMNORVM celebris il-  
 lius Academiae, cuius Maiores & Agnati  
 nostri fundatores extiterunt, omni certè  
 laude dignissimi: in qua Uniuersitate inclyta  
 Nos olim Rectorem egimus: ibiq; peculiare  
 alumnos (in usum Ecclesiarum & Scholarum  
 nostrarum) liberaliter fouemus. Horum alio-  
 rumque Theologiae studiosorum, utilitas,  
 quā ex editione Colloquij à Nobis institui per-  
 cipient, maioris aestimanda fuit, quàm calumia-  
 torum malitia: quibus (iuxta Theognidis senten-  
 tiam) placet illud: CALVMNIARE AVDACTER:  
 semper aliquid hærebit: quorum improborū ho-  
 minum calumnias contemnendas iudicauimus,  
 ut quàm plurimis prodesse possemus. Publicè  
enim testamur, in horum Actorum collectione,  
nihil omnino, vel insertum, vel ademptum esse,  
in quo CARDO CONTROVERSIARVM verte-  
batur. Nihil enim in hoc toto negotio, vel fa-  
uori, vel odio, huius vel illius partis, datum  
est.

*Et si autem initio, non eo consilio supra commemoratos duos clarissimos Theologos, ad colloquium euocauimus, ut illius colloquij Acta publicarentur: qua de causa etiam publicos & iuratos Notarios (ut supra diximus) non adhibendos putauimus: quippe qui haec Acta (pacis & tranquillitatis maioris causa) intra priuatos quasi parietes delitescere posse existimabamus: tamen necessitas mutare nos consilium nostrum coegit: ne silentium nostrum gloriae nominis diuini & saluti Ecclesiae fraudi esset. Statim enim post finitum Colloquium longe lateque sparsi sunt varij, vani & iactabundi rumores: (qui partim sermonibus, partim literis ad nos allati sunt) quod videlicet ab aduersa parte, pianostra confessio (qua tamen immoto Dei verbo nititur) in illo Colloquio confutata, deuicta, & explosa esset: quodque eius defensores confusionem & ignominiam inde domum reportassent. Et quamuis istas vanissimas gloriations contemnere poteramus: quod sciremus (experientia edocti)*

edocti) aduersæ parti, vanitates etiam crassas  
 spargere, nimis iucundum, minimeq; insolitum  
 esse: tamen cum etiam de Colloquio Mompel-  
 gartensi Epistola quædam typis euulgata in lu-  
 cem prodierit, figmentis & vanitatibus tota  
 referta: & quidem sub fictitio authoris & loci  
 nomine: (quod legibus & statutis Romani Im-  
 perij prohibitum esse omnibus constat) necesse  
 fuit, veritatem, et personæ nostræ dignitatem,  
 contra iniurias illius lucifugi & improbi ho-  
 minis, qui nobis ipsis mendaci sua relatione non  
 pepercit, asserere, editione Actorum Colloquij:  
 ut hac ratione illius vanitas manifestè redar-  
 gueretur. Et sanè aduersa pars, si publicationem  
 prædictæ Epistolæ prohibere nō potuisset, cer-  
 tē ne illa inter suos latiùs spargeretur, & pu-  
 blicè in ijs locis vendendo & emendo distrahe-  
 retur, cauere, idque famosum scriptum suppri-  
 mere meritò debuisset: si illi pia concordia &  
 Ecclesiarum tranquillitas cordi esset. Sed ad-  
 uersa pars conniuendo ad tam impudens figmē-



tum, passim disseminatum, hoc ipso suum cum  
 vanissimo illo nugatore & calumniatore con-  
 sensum satis prodidit: iuxta vetus dictum: Qui  
tacet, consentire videtur.

Nobis igitur vanissima illa Epistola, &  
 alia quoque ab aduersa parte hinc inde scripta,  
 & occasionem præbuerunt, & necessitatem  
 imposuerunt, ut Colloquij Acta, verè & bona  
 fide consignata, in lucem daremus, & Ecclesie  
 Christi cognoscenda proponeremus: ut & pia  
 nostræ partis causa calumnijs posthac minùs  
 grauaretur, & persona nostra ab iniuria istorum  
 calumniatorum vindicaretur. Cumque veritas  
 confessionis nostræ luculenter in Actis illis de-  
 nuò demonstretur: hoc ipso vera & Deo grata  
 pax aduersarijs nostris offertur: quæ constitui  
 facile poterit, si illa veritatem cœlestem, in ver-  
 bo Dei propositam & expressam, unanimi cõ-  
 sensu nobiscum amplecti voluerit: id quod ex  
 animo optamus, Deumq; ut fiat, precamur. Ut  
 enim concertationibus (præsertim in religio-  
 nis

*nis negotio) minimè delectamur : ita editione Colloquij, noua dissidia serere, aut maioribus animorum distractionibus causam præbere, animus nobis non fuit.*

*Quòd etiam author illius Epistolæ famosæ nos insimulat, quasi FVDICIS & quidem FAVORABILIS partes in Colloquio sæpius iam cōmemorato nobis sumpserimus : ea etiam in re luculentam nobis iniuriam facit.*

*Etenim, Dei beneficio, ex frequenti sacrarū literarum & Historicorum monumentorū lectione iamdudum didicimus, vnū & solū Christum (unicum illum nostrum Magistrum, Mat. 23. quem audiendum Pater cælestis mandauit) Matth. 17. sententiā suā in scriptis Prophetis & Apostolicis expressā, omnes religionis cōtrouersias, etiam antequā exorirētur, dijudicasse. Et probè nouimus, magnū illum (nomine & re) Constantinum Episcopis in Niceno Concilio congregatis grauitè iniunxisse, ut hostili inter se certamine deposito, præsentium quæstionum solutionem,*

tionem, ex codice Dei, antiquorum Prophetarum sanctionibus, Euangelicis, ac Apostolicis libris sumerent. Id cum à nostra parte, in asserenda prima & incorrupta Augustana pia Confessione, fieri, eiusdemque veritatis defensione observari auribus nostris audiremus: plurimum nobis gratulati atque in fide & conscientia nostra confirmati et delectati sumus. Contrà verò doluimus, cum animaduerteremus, aduersam partem, inuicta illa & clarissima sacrarum literarum testimonia, quibus meritò erudi, & in viam reuocari debebat, temerè vel eludere, vel humana aliqua glossa peruertere, neque veritati cœlesti, apud se locum dare: quæ sanè pertinacia perniciosissima animum nostrum vehementer perturbauit.

Grauius etiam, Nos, & iniuste, author suprâ dictæ Epistolæ in eo læsit, quòd audacter confingere ausus est: Nos post habitum Colloquium Gallis exulibus potestatem fecisse, ut unâ cum ciuibus nostris, sub libera protestatione,

tione, quòd Confessionem suam Gallicam retinere vellent, communicare, atque sanctam Domini Cœnam sumere possent: id quod ante Colloquium (ut nugator ille maliciosè confingit) ipsis permittere noluerimus: indeq̃ colligendum censet, quòd aduersæ partis Confessioni æquiores facti fuerimus. In eam igitur suspicionem coram Ecclesia Christi, nos adducere hoc figmento conatur, quasi ad doctrinam aduersæ partis inclinare, atque ad eam aliquam accessiorem facere incœperimus: in quo toto commento author illius Epistolæ vanissimus est. Ea enim, per Dei gratiam, sacrarum rerum cognitione præditi sumus, ut sciamus, sacram Domini Cœnam, inter alios fines, etiam hunc vsum habere, ut sit religionis, quam quisque profitetur, nota atque Symbolum. Qui enim cum Ecclesia aliqua in huius Sacramenti sumptione communicant, hoc ipso publicè profitentur, quòd eiusdem Ecclesiæ doctrinam amplectantur, & contrariam reiiciant, seq̃ ab alijs separent: veluti si quis

cum Pontificijs sub una (ut vocant) specie communicat, ostendit, se Pontificiam religionem approbare: qui verò cum Lutheranis (ut appellant) Cœnam Domini sub utraque specie sumunt, testantur, se puram Euangelij doctrinam profiteri, & contrariam abijcere: Itaque sumptione Cœnæ Dominicæ nequaquam laudandum, aut quiduis simulandum esse, à quo animus abhorreat, semper iudicauimus. Quare Gallos exules, quotiescunq; cum nostris communicare cupiuerunt: (petiuerunt autem id ipsum sepius, licet à nemine essent rogati:) semper illos, ad Confessionem nostram, tam post, quàm ante Colloquium, remisimus, admonentes eos, ut tum communicarent, si Confessionem nostram sincere amplecterentur. Ut autem sub libera protestatione (retinendi Confessionem suam Gallicam) Cœnam Domini cum nostris sumerent, nunquam illis permittere voluimus, etsi illud obnixè & demissè peterent: de qua re in Appendice (quæ Actis Colloquij

quij annectetur) copiosius tractabitur. Facile enim intelligebamus, talem permissionem piæ nostræ Confessioni, non parum derogaturam, & sinceræ religioni fraudi futuram: nosque in eam suspensionem venturos, quasi alteri etiam Confessioni vel patrocinaremur, vel certè occultè faueremus.

Et quidem ea in re Christianos Imperatores imitati sumus, qui Arrianis, petentibus in communionem Orthodoxorum recipi, non prius postulatum suum concesserunt, quàm illi Orthodoxorum doctrinam approbarent: tametsi ne ista quidem pia vigilantia cauere potuerint, quin multi ore, & calamo aliud profiterentur, quàm corde premebant. Sic igitur Gallos exules, petentes cum nostris communionem, ad Confessionis nostræ lectionem, & approbationem remisimus: Vt interim eos grauius & clementer admoneremus, ne quid dubitante conscientia facerent: fore enim aliàs,



ut per illam hæsitationem, conscientie suæ malè consulerent, & corpus atque sanguinem Domini indignè & ad iudicium sumerent, ut quæ Sacramentum illud salutare ad vitam atque salutem institutum, in mortem & condemnationem ipsis cederet. Itaque in Natiuitatis Christi festo (ante habitum Colloquium) à Domini Cæna abstinuerunt. Postea verò Paschatis festiuitate, quæ Colloquium subsecuta est, unâ cum nostris ciuibus communicarunt: idem etiam sequente Pentecostis festo ab ipsis factum est. Unde colligimus, plerosque ex audito Colloquio tantum profecisse, ut intelligerent, nostram de Cæna Domini sententiam firmis & immotis verbis Christi niti: atque in ijs conscientiam hominis pij tutò acquiescere posse.

Quòd verò, nobis peregrè absentibus, quidam Gallorum exulum coram aliquibus Ministris Ecclesiæ Mompelgartensis protestationem fecerunt, se videlicet, sub Confessionis suæ Gallicæ opinione communicaturos: postea  
verò

verò digressis Ministris (qui protestationi contradixerunt) Galli quidem etiam super sua protestatione Instrumentum, per Notarium publicum erexerunt: id nos non modo improbamus, verum etiam annihilamus, nullumque valorem habere volumus: de qua re publicè protestamur. Id enim Instrumentum & veræ pietati, & nostris decretis, aliquoties super eo negotio datis, prorsus repugnat, nobisque & Ministris nostrarum Ecclesiarum inscijs creditum est. Et Ministri nostri Evangelici, officium suum fecerunt, quòd (instructi nostris decretis) Gallos ad communionem Cænæ Dominicæ admittere noluerunt, nisi Confessionem nostram approbarent, & Confessionis suæ Gallicæ commoda explicatione, ad nostram piam sententiam accederent.

Legationem in Galliam pro exulibus illis (rogati à magnis Viris) suscepimus: non quòd ipsorum errores, quos in religionis negotio habent,

bent, approbaremus : sed quòd illis condole-  
 bamus , qui propterea patrijs sedibus pulsi, in  
 exilio vagantur, quòd Pontificis Romani ty-  
 rannidem in Ecclesia, multiplicemq; Idoloma-  
 niam Pontificiam auersantur: His reditum in  
 patriam, & securitatem atque tranquillitatem  
 impetrare conati sumus: eorum autem errores  
 fouere aut propagare, nunquam in animum no-  
 strum induximus. Commiseratione verò moti,  
 officium pietatis, intercedendo apud potentissi-  
 mum Galliarum Regem, miseris exulibus prae-  
 stare volumus: prorsus eodẽ animo, quo agna-  
 tus noster Dux Christophorus Uirtember-  
 gensis, piæ et felicitis memoriæ, olim Francofur-  
ti ad Mænum habitantibus exulibus Gallis  
liberalem eleemosynam dedit: adiuncta hac pro-  
testatione: se eam eleemosynam dare, non ipso-  
rum religioni, sed inopiæ.

Precamur autem Deum æternum, Patrem  
 Domini nostri Iesu Christi, ut per Spiritum  
 sanctum

*Sanctum eum fructum Mompelgartense Collo-  
quium proferat, ut ij, qui adhuc sunt sanabiles,  
neq; gloriolam suam animæ saluti præferunt,  
approbatione & Confessione veritatis cælestis,  
ad nos accedant, & sic pia atque dudum optata  
pax & concordia inter nostras et Gallicas Ec-  
clesias constituatur: & ut ij, qui doctrinam pi-  
am amplectuntur atq; profitentur, constanter in  
ea usque ad vitæ finem per gratiam Dei, perse-  
uerent, Amen. Scriptum Mompelgarte in  
Arce nostra, 11. die Feb. Anno à nato Ser-  
uatore nostro Jesu Christo,*

1587.





# DE OCCASIO.

## NE COLLOQVII

MOMPELGARTEN-

SIS.



ANNO Domini 1586. die 13. Ianuarij, Colloquium Baro-  
nis de Cleroan cum  
D. Iacobo Andree de  
Colloquio institu-  
endo.  
cū serenissimi Domini, D. Henrici  
Regis Nauarreni Legatus, N. Baro de  
Cleroan Stutgardiam venisset, & D.  
Iacobum Andree quoque adesse co-  
gnouisset: misso ad ipsum nuncio vi-  
ro Nobili, cum ad Colloquium familiare vocauit.  
Habere enim se, de quibus cuperet cum ipso confer-  
re. Eius voluntati cū satisfaceret D. Iacobus: de re-  
bus Gallicis pauca quædam cum ipso contulit, inter-  
prete vsus fratre, Barone Malroy, quod D. Iacobus  
Gallicam linguam non intelligeret, neque Baro de  
Cleroan latinè expeditè loqueretur.

Postquā verò D. Iacobus testatus esset, se de rebus D. Iacobus de nego-  
cijs politicis eum sibi  
iudiciū non sumat.  
Gallicis, quod ad Politicæ (presertim motus in regno  
Galliæ excitatos) attinet, sibi iudiciū non sumere,  
quæ ad Iurisconsultos, & ipsorum iudiciū pertine-  
rent: ab ipsius autē professione aliena essent: D. Baro  
instabat, in veteri Testamento, etiam Sacerdotes ab  
Israelitis consultos fuisse. Cui D. Iacobus: quò minus Exod. 28.  
ipse exemplo summi Sacerdotis responderet, vnū si-  
bi deesse, videlicet pectorale: in quo duodecim gem-  
mis nomina 12. tribuū Israelitarum inscripta fuerint:  
quo indutus summus Pontifex sic Deo ordināte, po-  
pulo interroganti responderit. Sibi autem dictum es-  
se, aiebat D. Iacobus: Quis me constituit Iudicem in-  
Luc 2.

Rationale summi  
Sacerdotis.



## 2 Colloquium Mompelgartense

ter te & fratrem tuum? Cui responso cum subridens Baro de Cleroan, acquiesceret: de rebus Theologicis, inprimis verò de certamine differere incepit, quod inter Ecclesias Germanicas, Augustanâ Confessionem profitentes, & Gallicas Ecclesias, quas ipse reformatas appellabat, hoc est, quæ iugum & Tyrannidem Pontificiam abiecerant, magno cum scandalo plurimorum, & præsentissimo Regni Galliæ, totiusque Ecclesiæ damno, multis nunc annis durauerit. De quo cuperet cum D. Iacobo colloqui.

Introitus Baronis de Cleroan, de diffensione nostra.

Sibi enim videri, Disputationem circa vnam duntaxat partem doctrinæ Christianæ, inter vtriusque partis Theologos, videlicet, De Cœna Domini, versari: In cæteris verò articulis fidei & confessionis, ut ipse quidem opinetur, per omnia pium consensum esse.

Consilium Baronis de Cleroan, de concordia instituenda.

Matth. 26.  
Marc. 14.  
Luc. 22.  
1. Cor. 11.

Sibi igitur (quod tamen pace D. Iacobi diceret) hanc viâ commodissimâ & expeditissimam ad piam pacem, & firmâ concordiam faciendam videri: si ab vtraque parte nihil prorsus de verbis Christi ampliùs disputaretur: Sed quoniam Christus dixit: Accipite, manducate: hoc est corpus meum, &c. Accipite & bibite: hic est sanguis meus noui Testamenti: simplice fide hæc Christi verba complectenda: modum autem præsentis, omnipotentis & sapientis diuinæ commendari oportere, qui verax, omnipotens & sapientissimus sit. Ideoque facile præstare possit, quod promissit, ut maximè captum ingenij, & intelligentiæ humanæ (sicut alia innumera Dei opera) excedat.

Responsum D. Iacobi.

Cui D. Iacobus respondit: Expeditissimâ sanè rationem hanc, & viam ad piam concordiam, non modò constituendam, esse: sed eandem quoque, iam inde ab

## Colloquium Mompelgartense. 3

de ab exorta illa infelici cōtrouerſia, à noſtris ſemper propoſitam fuiſſe. Eam ſi ingreſſi fuiſſent Zvvingliani: hoc certamen, aut nunquam exortum, aut facili-  
mè denuò ſopiri potuiſſe. Siquidem Lutherus, & qui cum illo ſentiunt, hanc fidei ſimplicitatem in omni-  
bus ſuis ſcriptis & concionibus vſerint, vt videlicet verba Teſtamenti Chriſti ſimpliciter intelligamus, ſicut ipſa verba ſonāt: & ſimpliciter credamus, quòd verè nobis in diſpenſatione panis & vini conſecrati corpus & ſanguis Chriſti diſtribuantur, & ore ( ſic enim in Cœna manducare præcepit ) ab omnibus in Cœna veſcentibus percipiantur. Modum autem præſentiae ſanguinis & corporis Chriſti, (cùm non ſit naturalis; aut Phyſicus, ſed cœleſtis & diuinus, neque etiam manducatio Capernaitica fiat ) D. E. O., eiufque omnipotentiae commendandum eſſe.

Expedita via ad Com-  
cordiam in contro-  
uerſia de Cœna Do-  
mini.

Doctrina Lutheri de  
Cœna Domini.

Verùm, hanc doctrinam de Sacramentali mandu-  
catione corporis Chriſti in ſacra Cœna, Zvvinglia-  
nos & Caluinianos, quos ſic vocant, in hunc uſque  
diem tanquam Capernaiticam Ianienam & cyclo-  
picam *προφαγία η ανθρωποφαγία* Chriſti damnare,  
& pertinaciter contendere: Verba Chriſti non intel-  
ligenda eſſe, quemadmodum ſonant, ſed ſimplicem  
hanc, quam nos conſtanter doceamus, fidem, horri-  
bilem Idololatriam eſſe, omnibusq; Chriſtianis fu-  
giendam.

Lutheri doctrina de  
Cœna Domini quo-  
modo à Zvvinglia-  
nis & Caluinianis  
damnata.

Præterea, non de vno hoc duntaxat articulo inter  
Caluin. & noſtros, ſed de alijs etiam quàm plurimis  
controuerſiam eſſe, qui non minoris momenti ſint:  
videlicet, de perſona Chriſti, in qua oēs articuli ſym-  
boli Apoſt. de filij Dei incarnatione, de natiuitate, de  
paſſio-

Certamen inter Cal-  
uin. & Auguſt. Con-  
ſeſ. doctores, in mul-  
tis articulis religio-  
nis Chriſtianæ.

#### 4 *Colloquium Mompelgartense.*

passione, de morte, de resurrectione, de ascensione, de sessione ad dexteram Dei, inuoluantur: Item, de ipsius omnipotentia: de eius infinita & non mensurata scientia & sapientia: de eiusdem presentia in administratione omnium creaturarum: de eius religiosa adoratione & inuocatione in omnibus tribulationibus: de Baptismo: de Predestinatione electorum ad vitam æternam, & alijs; quos errores illorum explanationes subinde magno numero gignant. De quibus omnibus, nisi pius quoque consensus statuatur: frustra de concordia in vno duntaxat articulo (de Cœna Domini) facienda laboratum iri.

Ad quæ Baro de Cleroan respondit, hæc sibi prius inaudita fuisse, plerisque etiam in Gallijs ignota. Se enim hæctenus, quemadmodum etiam alios quàm plurimos Gallos, in ea opinione fuisse: de Cœna Domini solùm inter illorum & nostras Ecclesias, dissensionem esse.

Consilium Baronis  
de Colloquio inter  
D. Iacobum, & D.  
Bezam instituendo.

De his cùm inter Baronem de Cleroan, & D. Iacobum collocutio brevis facta esset, D. Baro Doctori Iacobo dixit: An nõ inter ipsum & D. Bezam familiare colloquium institui possit? Ad quam rem, vel Argentotatum, vel Mompelgartum commodissimum locum fore, in quo convenire, & placide de hoc negotio conferre queant. Cui D. Iacobus respondit: Quod ad suam personam attineret, se semper promptum & paratum fore. Et sperare se, ut maximè consensus, & concordia non constitueretur: non contemnendum tamen fructum inde expectandum esse: videlicet, ut iublatis mutuis accusationibus, quæ cuiusq; partis perpetua & constans sententia, eiusq; fundamenta propria

Quis fructus ex Colloquio sperandus.

## Colloquium Mompelgartense. 5

pria essent, tanquam in breui tabella depicta, omnibus demonstrari queat.

Vtrinque enim partes litigantes conqueri, multa eis falsò tribui, quæ in ipsorum scriptis nō reperiantur. Verbi gratiâ: D. Beza cū suis, Ecclesias Germaniæ, Augustanæ Confessionis, non modò in Gallia, sed per vniuersum Christianum quoq; orbē, publicis scriptis accusat, quòd Cyclopicam & Capernaiticam mādicationem corporis Christi in Cœna Domini, doceant: in qua corpus Christi dentib. atteratur, per guttur in ventrem traiciatur, in ventriculo digeratur, & saluo honore, per secessum eijciatur.

*Ecclesiæ Augustanæ Confessionis quomodo à Beza accusentur.*

Hoc persuasi sunt Galli de nostris Ecclesijs, qui D. Bezam audiunt, & ei fidem habent. Qui hoc vno duntaxat potissimùm nomine, se à Cœna nostra Dominica abhorreere, apertè testantur.

*Cur Galli ab Ecclesijs in Germania reformatis abhorreant.*

Cùm autem nihil horum vel Luthero, vel nostris in mentem vnquam venerit; nec ex vllis nostrorum scriptis vnica proferri litera possit, qua id D. Beza, aut alij eiusdem opinionis assertores demonstrare queant: quin potius hanc ipsam Capernaiticam manducationē omni tēpore apertissimis verbis damnauerint, gradū ad concordiam vtriusq; partis ingenua negatione Capernaiticæ manducationis non contemnendum factum esse, omnes fateri oportet. Sic quoq; D. Beza cum suis fratribus ostendere posset, si suam suorumque opinionem nostri non assequerentur, se non rectè intelligi: sed contra ipsorum voluntatem ipsis tribui, quod minimè tueri velint.

*Capernaitica manducatio carnis Christi à Luthero semper damnata.*

In alijs verò, si neutra pars de sua, vel sententia, vel opinione aliquid remittere, aut cedere posset: remo-

## 6 *Colloquium Mompelgartense.*

tis illis accusationibus falsis, & posito vero contro-  
uersiæ statu, vtriusq; doctrinæ fundamenta breuiter  
signata subijcerentur. Ex quib. omnes pij, etiam me-  
diocriter intelligentes, faciliè iudicare possent, vtra  
pars expresso Dei verbo: an verò humanâ glossâ  
suam doctrinam cōfirmaret. Idem quoq; in reliquis  
Articulis cōtrouersis fieri posse, vt collatione placi-  
dè facta, vel nobis, quos Lutheranos vocant, assenti-  
ri cogerentur. quos sic appellant, Zvvingliani & Cal-  
uiniani: aut tam absurda & impia asserere, à quib. piæ  
mentes toto pectore abhorrent; quæ sua absurdi-  
tate, & impietate se ita cōfutarent, vt nulla alia pro-  
lixiore refutatione opus esse, omnes intelligerent.

Hæc cum ad eum modum inter Baronem de Cle-  
roan, & D. Iacobum tractata essent: omnis deinceps  
sermo de conuentu, & colloquio inter D. Iacobum,  
& D. Bezam instituendo fuit.

*Colloquium Baro-  
nis de Cleroan cum  
D. Osiandro de Col-  
loquio inter D. Be-  
zam, & D. Iacobum  
instituendo.*

Qua dere cum D. Baro de Cleroan etiam cum D.  
Luca Osiandro, in Aula Principis Vvirtembergensis  
collocutus esset: eundem diligenter rogauit, quan-  
tum in ipso esset, hunc Theologorum D. Bezæ, &  
D. Iacobi conuentum promoueret. Se enim cura-  
turum, vt D. Beza quoque compareat, & pacis & ve-  
ritatis se studiosum declaret.

*Petitio Gallorum  
apud Illustriss. Prin-  
cipem Fridericum  
Vvirtembergens-  
sem, &c. de Collo-  
quio instituendo.*

Paucis deinceps interiectis septimanis, quum D.  
Iacobo ignotū esset, quid Baro de Cleroan interim  
effecisset: Illust. Princeps Fridericus, Comes Vvirtē-  
bergensis, & Mompelgartēsis, à Gallis propter Reli-  
gionē Mōpelgarti exulātib; aliquoties sollicitatur,  
si qua ratione fieri possit, vt Colloquiū inter D. Be-  
zam, & D. Iacobum institueretur. Quorū petitioni  
tamen



## *Colloquium Mompelgartense.* 7

tamē Princeps Fridericus assentiri noluit, nisi de voluntate ipsius Beza cōstet, & D. Beza idē literis petat.

Quod cū factum esset, Fridericus Comes ad Illustriss. Principem Ludouicum Ducem Vvirtembergensem, cognatū suum scribit, ac petit, vt D. Iacobus Mompelgartum, ad petitam cum D. Beza placidam collationē mittatur. Ad quam 13. dies Martij dicta erat. Idem quoq; binis literis ad ipsum Doctorem Iacobum scriptis, clementer postulauit, ne Colloquium cum D. Beza detrectare velit, quod tanto studio à Gallis expetatur.

Illustriss. Princeps, Comes Fridericus à Duce Ludouico petit D. Iacobum ad Colloquium mitti.

D. Iacobus binis literis Illustriss. Principis Comitris Friderici ad Colloquium vocatur.

Quum igitur Princeps Ludouicus non agré assentiretur, & cognato suo Friderico Comiti gratificari cuperet: D. Iacobo, D. Lucam Osiandrum Theologum, & Politicos Consiliarios duos, nobilitate generis & eruditione præstantes viros, Ioannem Vvolffgangum ab Anvveil, & D. Fridericū Schutz, I V. Doctorem adiungit.

Comites itineris D. Iacobi Andreæ.

Postquam autem Vvirtembergici Theologi & Politici, 14. Martij Mompelgartum peruenerant: à Gallis exulibus, à Barone Beluoës, & Barone Vefin, & multis nobilibus, viris doctis, in Arce humanissimè excipiuntur, & saluantur.

D. Iacobus cum Legatis Vvirtembergicis à Gallis humanissimè exceptus.

Absente verò adhuc D. Beza cum suis, Theologi Vvirtembergici interea, de singulis cōtrouerfis Articulis, quorū numero quinque potissimū erant, de Cœna Domini: de persona Christi: de Prædestinatione: de Baptismo: & de tēplis Pontificijs reformādis, &c. breuissimas, & perspicuas Theses cōscripserunt. Et vt collocutio magis expedita esset, in singulis articulis ab initio Theses positæ sunt, quib. breuiter

Theses de controuerfis Articulis à Theologis Vvirtembergensibus cōscriptæ.

ter



## 8 *Colloquium Mompelgartense.*

1. ter ostēditur, de qua re nulla controuersia sit, aut vnamquam inter vtramque partem fuerit. Qua ratione multæ nō necessariae disputationes rescindi possint.
2. Deinde, status controuersiaē verus & proprius positus est, de qua re potissimum in singulis articulis controuertatur, & vtrinque pugnetur.
3. Tertiò, fundamenta assertionis & confessionis Ecclesiarum Augustanae Confessionis in libro Concordiaē comprehensa subiiciuntur, ex verbo DOMINI petita: quibus suam doctrinam eius Doctores & Pastores propugnant.
4. Quartò, doctrina aduersariorum, & eorum dogmata recitantur, & reiiciuntur, quæ cum expresso Dei verbo pugnant.

Comites itineris  
D. Beza.

Quibus perfectis & absolutis, postquam D. Beza cum Theologis, Abrahamo Musculo Bernensis, & Antonio Faio Geneuensis Ecclesiae ministris: Petro etiā Hiebnero Græcæ linguæ in Gymnasio Bernensi Professore publico, Claudio Alberio D. Professore Philosophiæ in Academia Lausannensi: & politicis, Samuele Mayero Reipub. Bernensis Senatore, Antonio Marisio Geneuensi Senatore, (quos secū adduxerat) 20. Martij Mompelgartum peruenisset: ab Illust. Principe Friderico in arcem vocati, statim Theologos Vvirtembergenses salutare cupiuerunt. Quod cū Vvirtembergensib. significatū esset: eandem humanitatem ipsis quoq; declarare voluerunt.

Primus congressus  
Theologorum in  
arce Mompelgartensi.

Primo ergo hoc cōgressū factō: cū de sua voluntate testificarus esset D. Beza, se ad collationem hanc placidam, animum docilem, veritatis & concordiaē studiosum attulisse: Vvirtembergici Theologi suam quoque

quoque vicissim voluntatem illis declarârunt, seque non verbis multa polliceri, sed ipso facto in collatione instituta comprobaturos, animum veritatis, & pię sanctæq; concordie studiosum, ipsis nunquam defuisse, aut vnquam defuturum.

Sequenti die, qui erat 21. Martij, Illust: Princeps Comes Fridericus rogatus à Gallis fuit, ( qui Mompelgarti hoc tempore propter Religionem exules commorantur ) vt illis quoque Colloquio interesser. Quod Celsitudo ipsius clementer ita concessit, vt quibus Latina lingua nota esset, ne ab eo excluderentur.

Galli exules petunt  
se ad Colloquium  
quoque admitti.

## COLLATIO DE COENA DOMINI, INCHOA- TA XXI. MARTII.



**H**ORA igitur septima, cùm Illust: Princeps, Comes Fridericus in locum Colloquio destinatum, vnâ cū Consiliarijs & Nobilibus suis aulicis venisset: Theologi quoq; vtriusq; partis, & simul magno numero Galli exules adessent, duabus mensis positis, & parùm à se inuicē remotis, priorē Illust: Princeps Fridericus cū Theologis & Legatis politicis Virtēbergicis suprà nominatis (quibus Concionatorem suū Aulicum M. Gasparum Lutz adiunxit) occupat. In altera verò D. Bezza cū Geneuensibus, & Bernensibus Theologis, Philosophiæ, & linguæ Græcæ Professoribus, & ipsis ab vtraque Repub. adiunctis politicis collocati sunt.

Confessus Collocu-  
torū in Colloquio.

B

Omni-

10 *Colloquium Mompelgartense*

Omnibusigitur ad Colloquium inchoandum paratis: Princeps Fridericus per Cancellarium suū oratione sequente Theologis de felici aduentu solenniter gratulatur, & eosdem ad studium pacis & veritatis clementer hortatur.

CANCELLARII MOMPEL-  
gartensis, D. Hectoris Vogelmanni, Oratio.

Gratulatio Illust:  
Principis, Comitis  
Friderici.

**P**Osteaquam Illustriss. Princeps, Dominus Fridericus, Comes, Uirtembergicus, & Montisbelgardenensis, &c. Princeps meus Clementissimus, annis superioribus per inclytæ nobilitatis Gallicanæ clarissimos quosdā viros, non semel admonitus fuerat, ut illis, de quibusdā Articulis controuersis in negotio Religionis, collationis instituendæ hoc in oppido, et ipsius Celsitudinis curia daretur locus: opportunitatē siquidem propter idioma Gallicum, et Imperij Maiestatem, quibus hīc frui liceret, fore commodissimam. Quorum etiam petitioni hactenus moderni quoq; Domini exules sæpi-

ſæpiùs inſtiterunt. Princeps itaq; meus Clementiſſimus, pro ſibi innato cãdore, vt graue illorũ exilium, et conſcientiam (quorum vices piẽ Chriſtianeq; cõdolet) quodammodo conſolaretur: deſiderio, et votis ipſorum deeſſe noluit. Negocio itaque tam arduo, quã ſalutari, ad Celſitudinis ipſius cognatum, Illuſtriſſ: D. Ducem Vvirtembergicum Ludouicum, & c. delato, omnem tandẽ rem eò deduxit, vt ipſius Celſitudo quoque pro ſuo erga Religionem Chriſtianam pio affectu aſſenſerit, et Reuerendiſſimos ſuos Theologos, pacis & concordiaẽ ſtudioſos, cum Politicis quibuſdam nobilibus hũc tranſmiſerit: id quod à vobis quoq; factitatum eſſe apparet. Quorum omnium aduentui Clementiſſimus meus Princeps ex animo congratulatur, & ſummis à Deo Opt. Max. precibus flagitat, vt per gratiam præſidis Spiritus ſui ſancti, omnia ad ipſius

12      *Colloquium Mompelgartense*  
*nominis gloriam, & Reipublicæ salutarem*  
*concordiam à vobis unanimiter sententiæ*  
*dicantur. Sic itaque bono initio inchoata*  
*res, ut optato quoq; peragatur exitu: postu-*  
*lat Clementissimus meus Princeps, ut pro*  
*tua singulari humanitate, Reuerende D.*  
*Beza, animum tuum, & tuorum Symmi-*  
*starum aperias. Idem quoque facturi sunt*  
*Illustriissimi D. Ducis Ludouici, &c.*  
*Theologi: & persuasum habeas, ipsius Cel-*  
*situdinem totis viribus elaboraturam, ut*  
*nuncupatis votis, desiderio omnium adpri-*  
*mè & quoad fieri potest, salua veritate, sa-*  
*tis fiat.*

Posteaquam hæc à Cancellario recitata sunt; D. Beza D. Iacobo honorem detulit, ut ille prior ad ea responderet. Quia verò D. Beza peculiariter Oratione Cancellarij compellatus fuit: D. Iacobus D. Bezam rogat & hortatur, ut ad postulationem Illustriss: Principis Friderici respondeat, & animum suum de processu Colloquij aperiat.

D. BEZA.

D. B E Z A.

**P**rimùm igitur Illustriss. Principi, Comiti Friderico pro Pio voto, & clementissima voluntate gratias egit D. Beza: cuius pietate hac collatio ad petitionem Gallorum instituta sit. Quod verò ad processum Colloquij attinet: optaret, omnia in scriptis peragi. Posse enim in collatione instituta, alicui vocem inconsideratam excidere: quod in scriptis caneri queat, ubi omnia accuratè expendantur, & singula magis circumspèctè scribantur.

Præfatio Beza.

Beza optaret scriptis collationem institui.

Placere autem rationem, quæ per Principem, Comitem Fridericum, illi statim, post aduentum eius, ex sententia Theologorum Vvirtembergensium pridè significata fuerit: videlicet, ut primùm de controuersis articulis breuissima Theses proponantur, in quibus præmittatur, de quibus in singulis articulis, inter ipsos Theologos disputantes conueniat. Deinde status cōtrouersia disertè, perspicuè, & breuiter ponatur, ut auditores intelligant, de quare disceptetur.

De processu Colloquij consensus D. Beza.

Tertiò utriusq. partis sententia Fundamenta ex solo Dei verbo assignentur, quibus qualibet pars suam doctrinam in controuersis articulis confirmet.

Postremò dogmata recitentur, quæ cum Scriptura sacra, vel ex hac, vel altera parte pugnare videantur.

Nec transitus in collatione instituta ex vno Articulo in alterum fiat: sed tantisper de vno duntaxat colloquantur Theologi, donec in eo vel consensus pius constituatur: aut quibus in rebus una pars alteri cedere non possit, apertè offendatur.

D. I A C O B V S.

**D**. Iacobus, cum ipsi quoque dicendi locus datus esset, primùm Deo æterno, patri Domini nostri Iesu Christi

Summa responsi D. Iacobi Andrea, ad orationem Beza de processu Colloquij,

B 3

sti gra



## 14 *Colloquium Mompelgartense*

sti gratias egit pro hoc conuentu instituto: eumq; rogauit, vt sua gratia adesse, & vtriusque partis corda suo sancto Spiritu gubernare, & singulorum cogitationes & sermones, ad nominis sui gloriam, & Ecclesiæ salutem dirigere velit.

Gratias quoque Illustriss. Principi, Comiti Friderico egit, quod ipse pietate, & clementissima voluntate, ad propagationem veritatis doctrinæ coelestis, piamque ac Deo gratam concordiam cōstituendam, hoc Colloquium susceptum esset. Et cum in eo promouendo nullis sumptibus pepercerit: Deum largissimum remuneratorem fore, dixit.

*Norma & regula iudicii, verbum Dei.*

Quod verò ad processum Colloquij attinet: probari sibi propositam rationem, testatus est. De qua ipsi quoque Theologi Vvirmbergici cogitauerint: nec meliorem videri, quæ omnia compendio peragi, & expediri queant. Normam autem, & regulam diiudicandi omnes controuersias vnicam & solam esse verbum Dei, ostendit: quod ad dirimenda omnia certamina in Ecclesia sufficiat, cuiq; ipsius optimus sit interpres, cui omnia subijciantur.

*D. Iacobus vrget Colloquium.*

Vt autem scriptis duntaxat agatur: sibi minimè consultum videri. Si enim hæc colloquendi ratio ineunda fuisset: potuisse vtramque partem, & sumptibus parcere, & molestijs quàm plurimis subleuari, quæ in itinere eundo, & redeundo sustinendæ fuerint, hac præsertim aëris inclementia,

Deinde, exoptatum finem non fuissent consecuti auditores, dixit. Qui cum iam pridem vtriusque partis scripta legerint: non tamen semper in illis se expedire potuerint. Optasse ergo, & desiderasse eos familiarem illam collationem, in qua viuo sermone (qui nescio quid latentis energiæ habet) suam sententiam ad interrogata alterius partis, singuli diserte, & perspicue explicent. Quod D. Bezæ minimè graue, aut molestum futurum speret. Neque esse, vt quidquam insidiarum, aut captionum hic metuendum sit. Candidè enim, & syncerè, ad inquirendam veritatem omnia actum iri: & vtriusque parti integrum semper fore, si quid minus circumspicte dictum sit, vel retractare, vel suam sententiam magis perspicue explicare.

*Quia*

Quia verò initium controuersiæ, quæ inter Ecclesias Gallicanas, & Augustanæ Confessionis Germanas, nunc multis annis durauit, in Articulo de Cœna Domini factum sit, ex qua deinceps aliæ quoque ortæ sint: videri sibi consultum, vt collationis quoque placidæ exordium ab eodem articulo fiat.

Colloquium cur?  
Cœna Domini in-  
choandum.

De quo vt magis expedita collatio esset, D. Iacobus Theses paucas scripto comprehensas D. Bezæ exhibuit, & vt eas cum suis Collegis non modò diligenter expenderet, sed etiam quid in singulis desiderarent, breui scripto ipsi quoque complecti, & suam de Cœna Domini sententiam explicatam Vvirmbergensibus Theologis tradere vellent, rogauit. Quibus vtrinque perlectis, deinceps ad familiarem collationem in præsentia Illust. Principis, & reliquorum auditorum procederetur.

## THESES THEOLOGO- RVM VVIRTEMBERGENSIVM de Cœna Domini.

### I.



**E**XTRA controuersiam est, omnes fideles spiritualiter manducare carnem filij hominis, & bibere eius sanguinem: secundum illud Christi dictum: Nisi manducaueritis carnem filij hominis, & biberitis sanguinem eius, non habebitis vitam in vobis, Ioan. 6. Hæc spiritualis manducatio fit per fidem, etiam extra vsum Cœnæ Dominicæ: & semper salutaris est. Sic enim Christus ait: Qui manducat meam carnem, & bibit meum sanguinem, habet vitam æternam, Ioan. 6. Cum manducatio in Cœna Domini interdum sit pernitiosa, & ad iudicium cedat. Itaque constat, hanc ab illa diuersam esse: ramentum ad salutem Sacramenti Cœnæ Dominicæ perceptionem, spiritualis manducatio sit necessaria.

*Spiritualiter, sed non corpore, & non ore. Corporali ut vultis. Quis enim amittit ore manducare? & carnem esse spirituales manducationem carnem Christi Ioan. 6. & sacramentalem.*

Neque

## II.

Manducatio carnis  
Christi Capernaïti-  
ca damnata.

Neque vnquam cum Capernaïtis sensimus, neque sentie-  
mus: qui putabant, carnem Christi dentibus laniandam, &  
manducandam eo modo, quo carnes bouinæ, aut aliæ com-  
eduntur. Quare nihil opus est de Capernaïtica laniena aut  
manducatione disputare.

## III.

Transsubstantiatio  
Papistica damnata.

Neque transsubstantiationem Pontificiorum recipimus,  
qui fingunt, panem in sacra Cœna Domini conuerti in sub-  
stantiam corporis Christi, & vinum transmutari in sangui-  
nem Christi: sed fatemur, quod in sacra Cœna verum panem  
edamus, & verum vinum bibamus, nulla intercedente trans-  
substantiatione.

## IV.

Præsentia corporis  
& sanguinis Christi  
non localis.

Neque Phycicam & localem, corporis & sanguinis Christi  
in sacra Cœna præsentiam, aut inclusionem statuimus.

## V.

Status Controuer-  
sæ.

In controuersiam autem venit: An in sacra Cœna verum  
corpus, & verus sanguis Domini nostri Iesu Christi verè &  
substantialiter sint præsentia: atque cum pane, & vino distri-  
buantur, & ore sumantur, ab omnibus illis, qui Sacramento  
vtuntur, siue digni, siue indigni, boni aut mali, fideles aut in-  
fideles: ita tamen, vt fideles in Cœna Domini consolationem,  
& vitam percipiant: infideles autem eam ad iudicium su-  
mant. In hac quæstione, nos affirmatiuam sententiam am-  
pleximur & defendimus.

## VI.

De particulis *IN*,  
*SUB*, *CUM* pa-  
ne, &c.

De vocabulis: sub-  
stantialiter, corpo-  
raliter, realiter, ora-  
liter, essentiali-  
ter, &c.

Per vocabula: *In*, *Cum*, *Sub* pane: nihil aliud intelligimus  
nisi hoc: quod ij, qui in Cœna Dominica panem illum com-  
edunt, & vinum bibunt, simul etiam sumant reuera corpus  
& sanguinem Christi. Sic etiam vocabula substantialiter,  
corporaliter, realiter, essentialiter, oraliter, nihil aliud nobis,  
nisi veram corporis & sanguinis Christi in sacra Cœna, præ-  
sentiam & manducationem significant.

## VII.

Huius nostræ fidei fundamenta hæc sunt: Primum quidem  
verba

verba Christi, Dei & hominis, qui in sacra Cœnæ Dominicæ institutione (panem discipulis suis porrigenſ) dixit: Edite, hoc eſt corpus meum, quod pro vobis datur. Et calicem vini exhibens, dixit: Hic eſt ſanguis meus, qui pro vobis effunditur. Et Paulus de hoc Sacramento loquens, ait: Calix benedictionis, cui benedicimus, nōne COMMUNICATIO ſanguinis Chriſti eſt? Et panis quem frangimus, nōne participatio corporis Chriſti eſt? In hoc primo fundamento verborum Teſtamenti Chriſti, etiam ſequentia comprehenduntur.

(Matth. 26.)  
(Mar. 14.)  
(Luc. 22.)  
(1. Cor. 10.)

## VIII.

Secundum eſt: quod Chriſtus, qui Deus eſt, mentiri neſcit, Tit. 1, & quod in ore eius non inuentus eſt dolus, 1. Pet. 2.

Dei, nec enim Chriſtus  
mentiri, cum figurat  
loquitur. Hic eſt corpus  
in hoc panis eſt ſigne  
corporis mei.

## IX.

Tertium eſt: quod Chriſtus eſt Deus & homo, in vna inſeparabili perſona. Quare ei nihil eſt impoſſibile. Quæ enim impoſſibilia ſunt apud homines: poſſibilia ſunt apud Deum, inquit Chriſtus, Luc. 18. Et Angelus Gabriel inquit: Non erit impoſſibile apud Deum omne verbum, Luc. 1. Et de Homine Chriſto inquit Ioannes: Sciebat Jeſus, quod omnia dedit ei pater in manus, Ioan. 13. Et Scriptura teſtatur: Chriſtum filium hominis collocatum eſſe ad dexteram Dei: quæ eſt infinita Dei potentia: & datam eſſe illi omnem poteſtatem in cœlo & in terra, Matth. 28. Itaque Chriſtus omnia, quæ promiſit, præſtare poteſt. Cum igitur verbis Teſtamenti ſui promiſerit, quod VELIT nobis corpus ſuum manducandum, & ſanguinem ſuum bibendū dare: & omnia quæ promiſit, præſtare POSSIT; certiſſimum eſt, quod in ſacra Cœna cum pane corpus Chriſti edamus, & cum vino ſanguinem eius bibamus.

Eph. 1.  
Heb. 1.  
Pſal. 110.

ſi potui ad velle non  
valere. Deus poſſit  
decem milia mundos  
creare. Ergo poſſit  
ſine ſine eſſe

## X.

Modus autem, QUOMODO in ſacra Cœna cum pane & vino, digni & indigni ſumant corpus & ſanguinem DOMINI: in ſacris literis non exprimitur. Quare de MODO tantum hoc dicere poſſumus: eum eſſe ſupernaturalem, & rationi humana-

De modo præſentia & manducationis corporis Chriſti, non diſputandum,

## 18 *Colloquium Mompelgartense*

humanae incomprehensibilem; ideoque de eo non disputandum. Deus enim plures rationes & modos (pro sua immensa sapientia, & Omnipotentia) inuenire potest, quibus efficiat, ut corpus & sanguis Christi alicubi sint, & uelcentibus exhibeantur, quam duntaxat Physicum & naturalem modum, quem sola humana ratio intelligit. Itaque in hoc diuino Mysterio rationem nostram captiuam ducimus, & simplici fide uerbis Christi (Hoc est corpus meum: Hic est sanguis meus) sana & tranquilla conscientia innitimur.

### *SEQUENTIA DOGMATA cum Scriptura sacra pugnare iudicamus.*

#### I.

Quod uerba Testamenti Iesu Christi non simpliciter uel *καὶ ὁ πῶς*, ut sonant, intelligenda sint. Ea enim obsecura esse: ideoque uerum eorum sensum ex alijs Scripturæ locis petendum.

#### II.

Quod in sacra Cœna tantum panis & uinum ore accipiantur: Corpus uero Christi spiritaliter duntaxat, *FIDE* nimirum, sumatur. Fide enim in cœlum ascendendum, ut ibi corporis & sanguinis Christi participes fiamus: quia Christi corpus post ascensum in cœlos, ante nouissimum diem nusquam nisi in cœlo sit.

#### III.

Deum enim ne uniuersa quidem sua Omnipotentia efficere posse, ut corpus Christi, vno eodemque tempore, in pluribus quam vno tantum loco, sit præsens.

#### IV.

Itaque nobis in Sacramento Eucharistiæ corpus Christi non magis in terris præsens esse, quam olim Abrahamæ fuerit.

In

## V.

In sacra Cœna duntaxat virtutem, operationem, & meritum ablentis corporis & sanguinis Christi dispensari.

## VI.

Quod inter indignè manducantes, & iudicium (è Cœnæ Domini perceptione) sibi sumentes, numerentur etiam ij, qui aliqua fidei imbecillitate, aut alijs infirmitatibus laborant: cum tamen veram fidem habeant.

## VII.

Quod quidam (non sine horribili blasphemia) affirmant: Theodor. Beza in volumine 2. Theologi tractationum, pag. 450. ex manducatione sacramentali sequi, corpus Christi in ventriculum trajici, & ibi concoqui, vel non concoqui: indeque tandem adeo vel excerni, vel non excerni: & si quæ sunt similia, auditu horrenda, & Christianis hominibus indigna, vel dicta, vel scripta.

D. B E Z A.

*C*um ita Theologis Vvirtembergicis videatur: sibi quorū propositam colloquendi rationem non improbari: ideo repugnare nalle, aiebat.

Dimissis ergò auditoribus, D. Beza eodem die cum suis fratribus Theses de Cœna Domini exhibitæ legit, expendit, suamq; sententiam cum de Cœna Domini, tum etiam de Thesibus, scriptis comprehensam, Theologis Vvirtembergicis sequente die ante prandium exhibuit: de quibus hora pomeridiana prima eiusdem diei familiaris & placida collatio instituta est.

C 2

Scriptum



*Scriptum D. Bezæ; in quo**ipſius & Collegarum eius Confefſio  
de Cœna Domini, con-  
tinetur,**SVMMA NOSTRÆ,  
de Cœna Domini, do-  
ctrinæ.**Proteſtatio D. Bezæ, & fra-  
trum eius, de Colloquio in-  
ſtituto.**ANNOTATIONES  
marginales refutato-  
riæ D. Iacobi An-  
dreæ.**a. Quamvis & nos Eccleſijs  
noſtris nihil præiudicamus:  
doctrinæ tamen noſtræ nos  
minimè incertos, aut dubi-  
os eſſe teſtamur, ut quæ  
aperto & expreſſo Dei verbo  
nitiſſentur.**EVERENDI viri, quibus cum nunc eſt nobis  
agendū, inprimis hoc teſtamur; nos qui ex vo-  
luntate Illuſtriſſimi Principis Friderici, Comi-  
tis Vvirmbergensis & Mompelgarte ſs, ex  
Eccleſiæ Bernenſis & Geneuſenſis conſenſu, ad hanc  
rationem venimus; hæc omnia, ut priuatas perſonas agere, nullo  
prorſus vlliſ Eccleſiæ vel paſtoris cuiuſquam præiudicio.**Deinde hæc, quæ ſequuntur, vobis proponimus: ut cum  
breuem totius noſtræ, de Cœna Domini, doctrinæ ſummam  
habueritis, tantò facilius ea cum veſtro ſcripto comparata,  
in quibus conueniamus, aut diſſentiamus, vring, animad-  
uertiri poſſit.**I.**DE SIGNIS.**Quid Sacramenta Bezæ ſi-  
gnificent.**b. Aequiuocatio vocabuli  
(SACRAMENTI) lati-  
bulum erroris, quod in Ec-  
cleſijs noſtris ſemper duas  
res complectitur, terrenam,  
& cœleſtem, ſacramentali-  
ter & realiter coniunctas.**Signa, ſive ſymbole, ſive<sup>b</sup> ſacramenta, cū anguſtiore ſigni-  
ficatione hæc vox accipitur, appellamus in hoc argumēto  
res in ſenſu externos incurrentes; ex Domini inſtitutione  
et mandato à cōmuni & naturali uſu rebus ſpiritualibus et  
ſacris*

sacris nobis significandis, destinatas. Cuiusmodi sunt panis & vinum in Cæna Domini, unâ cum ritibus à Christo in eorum rectâ administratione præscriptis.

Hanc autem <sup>c</sup> significationem sacramentalem dicimus minimè nudam esse rerum significatarum externam representationem, qua mens tantum admoneatur ad id concipiendum, quod sensibus obijcitur; qualis est imaginum & picturarum usus vulgaris: sed quod ad Deum attinet, semper cum ea coniunctam esse ipsam rerum significatarum veram animis nostris oblatam præbitionem.

c: Christus non ad significationem: sed ad exhibitionem rerum spiritualium, externa organa ordinavit.

### Fundamentum huius Thæseos.

In hac re <sup>d</sup> consentire nos per omnia arbitramur; eo uno excepto, quod soli Menti præberi res significatas docemus, quas vos existimatis ori quoque sumendas exhiberi. Quæ de re dicendum erit in altera questione, in qua videlicet agimus de signorum & rerum significatarum exhibitione.

d: Nullus hic consensus est, sed aperta dissensio. Nam ad exhibitionem, non ad significationem rerum spiritualium externa elementa in sacramentis destinata sunt.

## II.

### DE REBUS SACRAMENTALITER significatis.

**P**Ane illo, corpus illud Christi pro nobis traditum; vino illo, sanguinem illum pro nobis effusum; panis illius fractione, & sanguinis illius fusione, diros illos pro nobis tum in corpore, tum in anima, à Christo toleratos cruciatus: exteriorum eorumdem symbolorum traditione, interiorum ac spirituales mentibus nostris à Christo factâ præbitionem: denique eorumdem symbolorum sumptione externa, spirituales eiusdem Christi per fidem receptionem sacramentaliter, verè tamen (sicuti diximus) ex ipsius Christi <sup>e</sup> ordinatione significari, docemus.

e: Ex diuina ordinatione, non significationis, sed communicationis causa, panis & vinum adhibentur.

## Fundamentum secundæ Theſeos.

f: Ritus In Sacramentis obſeruandi ſunt, quos Chriſtus ſeruandos præcepit.

Cum Dominus, non tantum quibus ſignis utendum ſit in his Myſterijs, oſtenderit: ſed etiam faciendum præceperit, quod fecit: docemus, non tantum panem, & vinum, ſed etiam illorum adminiſtrandorum <sup>f</sup> ritus diligenter obſeruandos eſſe: quod ſua ſignificatione, & ea quidem minime vana, non careant.

## III.

## DE SIGNORVM ET RERVM SIGNIFICATARVM CONIUNCTIONE, ſeu copulatione ſacramentali.

g: Externa elementa non ſunt Sacramenta: ſed pars tantum Sacramentorum. Ideo inſidiæ ſub varia acceptione vocabuli (Sacramenti) diligenter obſeruandæ, & cauendæ ſunt.

Cum & Sacramenta anguſtiore (ut dictum eſt) ſignificatione ſint ſigna: ſacramentalem coniuñtionem ponimus in mutua ſignorum, & rerum ſignificatarum relatione & habitudine: qua ſit, ut res illa in ſenſus incurrentes, ex Chriſti ordinatione, à communi & naturali ſuo uſu, ad res ſacras nobis & ſignificandas, & re ipſa diuinitus præſtandas, adhibeantur.

## Fundamentum huius Theſeos.

i. h: Veritas corporis Chriſti circumſcripti & localis, cum præſentia eiſdem corporis Chriſti reali in Sacramento nõ pugnat; quoniam Phyſica, & localis non eſt, ſed ſacramentalis.

Primum fundamentum huius Theſeos eſt, <sup>h</sup> veritas corporis Chriſti, verè circumſcripti et localis tum ante, tum poſt glorificationem: qua veritas ſtare non poteſt, ſi alia ratione dicatur aſſeſſe pani, Chriſti corpus, quàm illa relatione habitudine. Itaque quot testimonijs illa veritas corporis Chriſti confirmatur, (ſunt autem penè innumerabilia) totidem testimonijs realis conſubſtantiatio conuellitur.

Secun-

## De Cœna Domini.

23

*Secundum: Quot locis confirmatur vera<sup>i</sup> & Physi-  
ca corporis Christi discessio à terris in cœlos, & eiusdem  
de cœlis reuersio, extremo demum illo die futura, tot locis  
refutatur illud ipsum dogma, his ex diametro repugnans.*

2.

i: Sic quoque Physica dif-  
fessio corporis Christi à ter-  
ris, cum sacramentali præ-  
sentia non pugnat.

*Tertium: Expresse dicit Paulus 2. Cor. 5. Nos nūc<sup>k</sup> per-  
egrè abesse à Domino: & ut sit cum Christo, cupit dissolui:  
subensq; nos superna querere, non temerè addit, ubi Chri-  
stus est ad dexteram Dei sedens: quod superuacaneum esset,  
si adhuc in terris nobiscum versaretur.*

3.

k: Peregrinatio corporalis  
seu terrena à Christo, non  
pugnat cum sacramentali  
præsentia, & coniunctione  
cum corpore Christi; qua  
non est terrena, sed cœlestis  
& supernaturalis.

*Idem (ut alia innumera testimonia praterreamus) te-  
statur Christus expressis verbis: se ire ad parandum locum,  
ubi suos est recepturus.*

Ioan. 14.

Ioan. 3.

*Ex quo efficiuntur duo: <sup>l</sup> Vnum, abisse ipsum in certum  
locum, cum hunc mundum desereret. Alterum, qui sunt in  
mundo, non esse cum Christo, id est, non esse eo in loco, ubi  
nunc est caro Christi: sed exeuntes è mundo, in eum locum  
recipi, ubi iam Christus est, id est, in Paradysum: sicut ipse  
explicat, latronem illum compellans, Luc. 23.*

l: Putat Beza cum suis, nos  
non aliter cum Christo, ne-  
que Christum aliter nobis-  
cum esse posse, nisi fiat id  
localiter, & Physica præsen-  
tia; quod fundamentum  
est totius huius erroris de  
cœna Domini.

*Quartum: Affirmamus perpetuum hunc fuisse vete-  
ris Ecclesie<sup>m</sup> consensum de vera essentia carnis Christi,  
ex quo in cœlos ascendit, à nobis absentia: & perpetua eius-  
dem essentia carnis Christi, nunc in cœlis, non in terris po-  
sita, circumscriptione organica & localitate: qua cum alia  
sacramentali coniunctione, quàm cum illa<sup>n</sup> *ἁλὺν* & re-  
latina coherere non magis possunt, quàm simul stare con-  
tradictoria.*

4.

m: Non esse hunc veteris  
& purioris Ecclesie consen-  
sum; in solida refutatione  
Consensus Orthodoxi de-  
monstratum est.

n: Coniunctio corporis  
Christi cum signis in ter-  
ris, non est *ἁλὺν*  
& relatiua: sed realis, cœle-  
stis, diuina, & supernatu-  
ralis.

DE SI-

DE SIGNORVM ET RERVM SIGNIFICATARUM, in Cœna Domini ritè administrata, perceptione.

(o) Voculi (Sacramenti) æquiocatio, erroris latibulum est: quod purioris Ecclesiæ doctoribus duas res significat, terrenam & cœlestem: sicut vocabulum quoque *ἐὺχὰρις*, apud Irenæum & alios scriptores Ecclesiasticos.

**C**um<sup>c</sup> *Sacramenta* (hoc vocabulo latiore notatione accepto) duabus rebus constant; una videlicet terrena, altera cœlesti: docemus, rem terrenam, id est, panem & vinum, terrenis instrumentis, manu scilicet, & ore percipi: & similiter ritus Sacramentales, corporeis itidem instrumentis peragi. Rem autem cœlestem, id est, quidquid per illa sacramentaliter significatur, sicuti soli Menti subijciatur, sic sola Mente per fidem apprehendi.

Fundamentum huius Theseos.

(p) Christus in verbis Testamenti, corpus suū ore manducari iussit; nulla mentis, aut fidei mentione facta.

(q) Chrysostomus testatur, Christum per corporalia, spiritualia dispensare, cum panem exhibens dicit: Accipite, manducate, Hoc est corpus meum. Ita etiam, per corporale organum, hoc est, ore accipere iussit. Analogia ergo optimè quadrat: quod sicut CVM pane datur corpus Christi; ita ORE percipitur.

(r) Corporalem esse modū perceptionis, ex verbis Christi demonstratur, accipite, manducate; quod ore fit: non dicit, Credite.

(s) Nequaquam figurata māducatio corporis Christi in Cœna Domini est: sed vera, & realis, quæ in mysterio fit: ideo Metonymia hic locum non habet.

*Et si* <sup>p</sup> corpus Christi, quod in Cœna sumendum præbetur, est verum corpus organicum; tamen analogia poscit, ut qualis est alimonia, & eius finis; talis sit illius alimonia percipiendi modus. Atqui rei sacramentaliter significata, id est, carnis & sanguinis ipsius Christi, alimonia & finis sunt spirituales, & id est, ad spirituales coniunctionem cum Christo, & vitam æternam ex illo hauriendam spectant. Spirituales ergo earundem rerum percipiendarum<sup>r</sup> modum esse necesse est; & anime instrumento proprio, id est, fide, tam in verbo simplici, quàm in Sacramentis peragi. Deinde terrena signorum terrenorum sumptio, pignus est alterius, nempe spiritualis illius; ac proinde voces comedendi & bibendi, sicuti propriè de signorum sumptione,<sup>s</sup> SIC FIGVRATE de rebus significatis dicuntur Sacramentali METONYMIA; qua, quod signis competit, rei significata attribuitur.

*Vitæque*

*Vtraque ergo sumptio ore peragi nec potest, nec debet. Quia aut vtraque res esset hac ratione pignus tertie alicuius rei, toto genere diuersa; aut earum altera esset suus ipsius signum & pignus: siue simul signum, & res significata: siue pignus, & res ipsa, cuius pignus esset: quod utrumque est absurdissimum. Quamobrem etiam in hoc ipso argumento, ab Irenæo res illa cœlestis appellatur, & à terrena distinguitur.*

*Secundo, si substantia ipsius corporis Christi perciperetur: maneret quoque ipsa saltem in pijs & fidelibus: qui proinde fierent substantialia membra Christi: unde consequeretur aliud absurdissimum, Ecclesiam videlicet non esse mysticum corpus CHRISTI, sed corpus quoddam ex substantia ipsius corporis Christi, & piorum omnium corporibus re ipsa & essentialiter conflatum.*

*Tertio, cum caro illa Christi vinculum sit, quo pii omnes in unicum corpus mysticum coalescunt: necessario efficeretur, non esse separatas substantias, siue personas piorum: sed sicut cum capite Christo: ita inter se suis re ipsa essentijs, & personis coherere. Contra verò cum spiritalis sit, & tamen verissima & arctissima illa fidelium membrorum inter se connexio, aded quidem, ut unum cor, & una anima esse dicantur: consequitur spiritaliter quoque illa per fidem cum suo capite coniungi. Qui cum propterea sicut unum corpus, nempe Mysticum: ita etiam unus spiritus esse dicuntur, & per spiritum Christus in eis habitare.*

*Quartò: Merè spiritualem esse et fidei instrumento peragi, Christi Dei & Hominis coniunctionem cum Ecclesia sponsa sua: liquet ex eius coniugij quasi liberis, qui fructus iusti-*

D

tia ap-

t. Vtraque sumptio ore fieri potest, quamuis diuersa earum sit ratio. Sicut Maria Deum & hominem vno partu peperit: quamvis alia ratione Deum, alia hominem. Ideo absurda, quæ inde colliguntur, nequaquam sequuntur. Cum corporis Christi Mystica sit manducatio, in Physica manducatione sacra panis in Sacramento.

u. Si Physica corporis Christi in cœna Domini esset manducatio; sequerentur illa absurda. Sed quia est cœlestis, & supernaturalis, adeoque modus planè spiritalis; ideo consequentia hæc nulla est. Et sicut Ecclesia cum Christo mysticum corpus est: ita etiam hæc perceptio in mysterio fit.

x. Membra Christi, ratione substantiarum suarum, quo ad se, manent separata personæ; quæ tamen nihilominus cum Christo mysticè, hoc est, realiter, non

separantur, aut relatiuè; sed verè in hoc mysterio, modo supernaturali coniunguntur.

y. Coniunctio autem illa non est relatiua, aut relatiua; sed realis, non signifi-  
catua, sed exhibitua.

1. Cor 6.

z. Hanc coniunctionem *συστήματα* locorum non tollit; cum coram Deo, & apud Deum, neq; locus neq; tempus sit.

a. Hæc spiritalis autem coniunctio per organa fit corporalia & externa: quæ res spirituales cum rebus externis coniunguntur.



## 26 Colloquium Mompelgartense

*tia appellantur. Qualis enim est prolis conditio: talem etiam oportet esse, tum conceptionem, tum generationem, tum etiam ipsum coniugij modum.*

V.

### DE COENAE DOMINI effectis.

a. Et si cœna Domini propter panem & vinum nõ est instituta; tamen visum est Christo, cum pane & vino corpus & sanguinem suum sacramentaliter coniungere, & in cœna Domini vescentibus distribuere: sicut expressa eius verba sonant: Accipite, Manducate, Hoc est corpus meum, &c.

**C**OENam Domini, non propter panem et vinum, sed ad hominum salutem constat esse institutam. Propriũ igitur illius effectum est, dignè, id est, cum pœnitentia et fide ad illam accedentium salus, per confirmationẽ spiritualis ipsorum cum Christo consociationis: qua nimirũ sit, ut quemadmodum in corpore naturali animato membra cum capite naturaliter coherentia, sensum & motum inde percipiunt: ita ipsi Christo spiritualiter copulati, dona omnia spiritualia, regenerantium propria, ac tandem etiam vitam ipsam aeternam, à Christo capite in coherentia membra emanantem, magis & magis adipiscantur. Cuius etiam propterea sigillatim quidem membra, coniunctim verò mysticum corpus appellantur: aucto propterea etiã in illis charitatis dono per S. sanctum: quoniam separata alia ab alijs membra, neq; corpus unum efficere, neque unius eiusdemq; capitis corpus unum esse possunt. Alterum aut effectum est, indignè, id est, vel cum ignorantia huius Mysterij, vel cum mera incredulitate & impœnitentia accedentium condemnatio: b non ab ipsa cœna sed ab indigno ipsius usu καὶ σωματικῶς emanans.

b. Christus in cœna suam efficaciter iudicium operatur in indignis, quàm vitam & consolationem indignis conuiuis. Quia non solum odor vitæ ad vitam, sed etiam odor mortis ad mortem est, 2. Cor. 2.

c. Quamvis per S. Spiritum Christus agat; non tamen in cœna Domini dictum est:

### DE SALVTARIVM COENAE effectuum causis.

**C**ausas in hoc Mysterio concurrẽtes sic distinguimus, ut Spiritus quidem sancti infinita & ineffabili potentia in soli-

in solidum acceptam feramus illam nostri cum CHRISTO consociationem: quam Paulus propterea *Mysterium magnū* vocat, Ephes. 5. omnia autem illa cœlestia dona, de quibus diximus, ac tandem etiam eternam illam, tum corporis tum animæ vitam, ab uno CHRISTO Deo & Homine pro nobis crucifixo, et tandem supra res omnes in illa carne euecto, in nos emanare credamus, ex Dei patris Omnipotentis ordinatione.

Instrumentales verò causas, ipsius Dei respectu, constituimus, partim Pastorem, Dei nomine & mandato agentem quod agit: partim verba institutionis: partim symbola, & sacramentales ritus. Nostri verò respectu <sup>d</sup> fidem, nobis ex Dei dono iustitiam. Istis autem instrumentis sic uti Deum docemus, ut tamen illis <sup>e</sup> nullam vim intrinsecam efficientem insinuet: sed duntaxat, quòd ipse vnus intus agat, nobis per ea testificetur, nempe spiritualem illam Christi nobiscum consociationem, & quacunque inde nanciscimur.

<sup>f</sup> Has duas posteriores Theses, nulla probatione apud vos indigere arbitramur.

Accipite, Manducate, Hoc est Spiritus sanctus. Nequaquam ergo caro Christi hac efficacia spolianda, & soli Spiritui sancto tribuenda, cuius participatione caro viuificat.

d. Sacramentalis perceptio corporis & sanguinis Christi, non fit fide tantum, sed ore quoque corporis; quia dicit: Accipite, Manducate; non dicit, accipite, & credite.

e. Sublata hac intrinseca vi sacramentali; substantia sacramenti dissoluitur. Non enim restituitur tantum: sed operatur, & vim illam exercet Christus in vsu huius Sacramenti.

f. Maxime opus erat; quia Sacramenta sua vi spirituali spoliant.

Mompelgarti, 22. Mart. Anno 1586.

Theodorus Beza, Geneuensis Ecclesiæ Minister.

Abrahamus Musculus, Bernensis Ecclesiæ Minister.

Anthוניus Faius, Ecclesiæ Geneuensis Minister.

Petrus Huebnerus, Græcæ linguæ, in Gymnasio Bernensi Professor.

Claudius Alberius, D. & Professor Philosophiæ in Academia Laupennensi.

# RESPONSES

ad Theses Theologorum Uvire-  
tembergensium.

## Ad I.

g. Hoc aperte pugnat cum verbis Testamenti Christi, qui de oris perceptione loquitur, cum inquit, Accipite, MANDUCATE, Hoc est corpus meum. Præterea manducatio corporis Christi, quæ fit ore, ad confirmationem manducationis per fidem facta instituta est.

h. Spiritualis dicitur, quia modus eius spiritualis: qui etiam sine fide ad iudicium fieri potest, quando manducantes indignè, corpus Domini non dijudicant, 1. Cor. 11.

i. Non solum externa forma: sed etiam re ipsa differunt, quia singularis est modus ille manducationis in Sacramento.

**I**pfius Christi & NULLAM ALIAM statuimus perceptionem, siue in simplici verbo, ut Ioan. 6. siue in Sacramento, ut in institutione Cæna Domini: nisi<sup>h</sup> spiritualement, id est, eam, quæ Spiritus sancti virtute, & fidei instrumento peragitur. Eam tamen, quæ est simplicis verbi, à sacramentali differre agnoscimus externa quidem forma,<sup>i</sup> sed non re ipsa quæ significatur et præbetur, neque eius perceptione. Nam in verbo simplici Deus per aures tantum nobiscum agit: in Sacramento verò adhibet etiam alia, in reliquos sensus incurrentia. Vnde fit, ut nisi accedentium indignitas obstiterit Sacramentorum efficacie: vehementior & expressior sit Sacramentalis, quàm merè et nudè spiritualis per simplex verbum, communicatio.

## Ad II.

k. Nos sacramentalem manducationem esse dicimus.

l. Non hoc solum modo differunt, sed quòd per omnia spiritualis sit ratio corporis Domini, in hoc mysterio: quæ cum Capernaitarum crassis cogitationibus aperte pugnat.

m. Non queritur, quid vos videre, vel non videre possitis: sed num hæc cum verbo & voluntate Christi pugnet.

Et si<sup>k</sup> essentialis corporis Christi usus, & eiusdem sanguinis potus, statuatur<sup>l</sup> eo differre à vulgari edendi & bibendi modo, quòd ille quidem inuisibiliter, iste verò visibiliter fiat: tamen nos quidem<sup>m</sup> non videmus, quàm unus & idè non sit edendi modus, quantum ad rem ipsam: Non autem, quòd ad illam circumstantiam visibilitatis vel inuisibilitatis attinet, si statuatur, ipsam corporis & sanguinis Domini substantiam, ore corporis comedi & bibi.

## Ad III.

## Ad III.

*Assentimur.*

## Ad IV.

*Ipsius corporis & sanguinis Christi, quantumvis glorificati substantiam, <sup>n</sup> non videmus posse re ipsa cum pane & vino, præsentem statui, aliter quàm <sup>o</sup> physica & locali circumscriptione. Quia glorificatio, ut rectè ait Augustinus, ex perpetuo totius Ecclesiæ consensu, corpori Christi immortalitatem dedit, naturam non abstulit.*

## Ad V.

*Nos verò negatiuam tuemur: nec tamen negamus verum illud corpus, & verum illum sanguinem Domini nostri Iesu Christi, verè quibusuis accedentibus in Cœna actione legitima <sup>p</sup> præberi: <sup>q</sup> sed mente, non corpore: nec ore, sed fide percipienda. Vnde fit, ut indignè accedentes, & fidei instrumento carentes, quanquam <sup>r</sup> integrum Sacramentum illis quoque præbeatur: nihilominus tamen sola signa percipiant, & ita quidem, <sup>s</sup> ut rei fiant corporis & sanguinis DOMINI: non quæ sumpserint, sed quæ contempserint.*

## Ad VI.

*Veteres quidem, scimus, illis etiam formulis usus: at non ut substantia rerum significatarum, <sup>t</sup> IN, SVB, vel CVM ipsis signis <sup>u</sup> eodem loco adesse statueretur: sed ut re ipsa fidei accedentium præberi tam verè corpus ipsum & sanguinè Domini intelligeretur, quàm verè verba institutionis pollicentur, & externa symbola sensib. accedentium*

*n: Non quæritur, quid vos videre, aut non videre possitis: sed quid Christus dicat, & iubeat: Accipite, Manducate: Hoc est corpus meum. o: Nihil ergo cōtra nostram doctrinam pugnat: qui minime asserimus, corpus Christi physica locatione in cœna Domini adesse.*

*p: Præstigiæ verborum, & æquiuocatio in vocabulo præberi: quod propriè præsentiam rei in apertis verbis præsupponit.*

*q: Cōtra Christus: qui nulla fidei mentione facta, dixit: Accipite, Manducate, Hoc est corpus meum.*

*r: Integrum Sacramentum non præbetur ei, qui partem eius, eamque minimam, videlicet, externa tantum signa accipit.*

*s: Manducando, non negligendo, aut contemnendo accipiunt iudicium:*

*1. Cor. 11.*

*t: Iniquè ergo nobis illas obijciunt aduersarij, tanquam à nobis excogitatas: cum orthodoxa vetustas illis vsa sit.*

*u: Possunt duo eodem loco adesse, quorum alterum tamen non physicè, aut localiter addit: sicut Deus ipse, & sancti eodem loco adsunt: ille illocaliter, hi localiter. Vobis autem eodem loco adesse, & localiter adesse, æquipollentia sunt: quod falsum est.*

## 30 Colloquium Mompelgartense.

k: Non aliò, quàm ad veram & realem præsentiam trahuntur à nobis, quam illi sub his particulis traderunt

y: Non est consubstantiatio, sed sacramentalis & supernaturalis præsentia.

z: Nos non ad modum præsentia: sed ad res ipsas referimus, quod vere adsint.

a: Idem asserimus.

b: Cur? Nisi quoniam vestro errori repugnant.

c: Oraliter, ut vestra opinio ne barbarum: sensu tamen verum, pium, & verbo Christi consentaneum, Manducate: quod ore fieri iussit.

d: Papista, quantumvis crassi, illud sensu aliter non asseruerunt.

testificantur. Quia tamen has formulas videmus<sup>x</sup> aliò iam pertrahi, nempe ad Realem illam<sup>y</sup> consubstantiationem: iccirco illas ut periculosas, & minùs còmodas refugimus. Hac autem vocabula: SUBSTANTIALITER, CORPORALITER, ESSENTIALITER, <sup>z</sup> si ad res ipsas, quæ præbentur, referantur: recto sensu usurpamus: non autem si ad sacramentalem coniunctionem siue ad præsentia modum accommodentur. <sup>a</sup> Realiter, etiam pro reuera & non simulatè, rectè dici fatemur: <sup>b</sup> nec tamen temerè illis vocibus utendum existimamus. <sup>c</sup> Oraliter autem, ut & sensu falsum, & forma barbarum: sicut & illud Papisticum<sup>d</sup> (sensualiter) penitus repudiamus.

### Ad VII.

e: Cùm sine glossa verba Christi non recipiatis; manifestum est, quòd in illis non acquiescatis.

f: Nullam còsubstantiationem nos ponere, suprà diximus. Relatiuam, tanquam nihil efficientem, repudiamus.

g: Tropum in verbis Pauli, tanquam Sacramenti euacuationem aperte damnamus.

h: Vos ita sentire non est mirandum; cùm Tigurini pastores nobiscum de cœna Domini recusent disputare, quamdiu Omnipotentiam pro fundamento fidei nostræ in hoc Mysterio, vnà cum verbis cœnæ Domini ponimus.

Absit<sup>e</sup> à nobis, ut verbis institutionis Cœnæ Domini non acquiescamus: tantum illa ad Analogiam, & normam totius fidei Christianæ, in Apostolico Symbolo fideliter comprehensa, necessariò, ut & ceteros, sine vlla exceptione, locos Scripturæ, exigenda esse asserimus. <sup>f</sup> Quod si fiat: existimamus illam signorum & corporis & sanguinis Christi consubstantiationem, ab illa *ἀλλοτρίῃ*, quam posuimus, diuersam, non modo non probari: sed etiam manifestè, & necessariò euerti. <sup>g</sup> Calix certè benedictionis communicatio sanguinis Christi, & panis quem frangimus communicatio corporis Christi, sine Tropo dici non potest.

### Ad VIII.

Credimus & prædicamus verum esse, quod dicitur: sed<sup>h</sup> ad id malè, de quo agitur, applicari affirmamus.

Ad



# De Cæna Domini.

31

## Ad IX.

Christo<sup>i</sup> Deo & homini, nihil esse impossibile, & ipsi  
profitemur: sed ita, ut huius dicti interpretatio, & quod  
inde colligitur, ad fidei normam examinetur. Affirmamus  
ergo<sup>k</sup> primùm, istam Omnipotentiam unicā esse, non aut  
duplicem, quarū una sit increata, Deitati propria, et in nul-  
lam rem creatā transferenda: altera creata, quæ sit qualitas  
in Christi humanitatē infusa. Nec minus falsum & absur-  
dum esse dicimus, plures numero Omnipotētias, quā plu-  
res numero Omnipotentes, id est, Deos cōstituere.<sup>1</sup> Est igitur  
non Christi humanitas in se Omnipotens: <sup>m</sup> sed Chri-  
stus homo in λόγῳ est Omnipotēs: sicut Humanitas illa non  
est Deitas, sed homo ille est Deus λόγος.<sup>n</sup> Deinde Deū ipsum  
ita dicimus esse Omnipotētem, quod ad potestatē per se con-  
sideratā attinet, ut tamen ea nō possit. <sup>a</sup> G T V, quæ non fa-  
cere decreuit: aut ijs, quæ decreuit, cōtraria sunt. Ratio eius  
rei est, non quod non sit Omnipotens: sed quia posse mutare  
voluntatem, ac proinde mutari, nō esset potentie, sed infir-  
mitatis, & eius, qui mentiri posset. <sup>o</sup> In his autem numera-  
mus, corporis Christi immutabilem circūscriptionem & lo-  
calitatē: quia Deus cōstituit, ut quod semel assumpsit, nun-  
quam aboleat: quod fieret, si vel ante, vel post glorificatio-  
nē, simul pluribus, nedū omnib. locis, corporis Christi sub-  
stantia esse posset. <sup>p</sup> Tertiò negamus cōsequi, ut ubiq. sit ipse  
Essentia, qui imperiū in omnes res creatas accepit. <sup>q</sup> Aliud  
est. n. de quopiam explicare quid possit, quā quid sit in se:  
cū in creaturis sine ulla proفس exceptione aliud sit pos-  
se, quā esse. His aut positis, nihilominus verū illud cor-  
pus, (quod nunc in cælis est, & non alibi) in Cæna Domini  
ritē administrata, nobis, qui nūc in terris sumus, & nō ali-  
bi, verissimē & efficacissimē per fidē sumendum, ad animæ  
& cor-

i: Deum absolutē, & sim-  
pliciter omnipotentem  
esse, non concedunt.

k: Verbum vnum monstra-  
ri in nostrorum scriptis non  
potest, quod creatam Om-  
nipotentiam vnquam do-  
cuerint. Est enim vna Om-  
nipotentia, eaque æterna,  
& infinita: sed in Christo  
duplex eius ratio.

l: Humanitas Christi IN  
S E, hoc est, per se, proprie-  
tate suā naturā nō est Om-  
nipotens: sed participatio-  
ne personali Diuinæ Na-  
turæ.

m: Homo in λόγῳ  
est Omnipotens: ambigua  
oratio, de qua suo loco  
plura.

n: Negatur Deus absolutē  
Omnipotens.

o: Negant salua proprietate  
corporis Christi Deum sua  
Omnipotentia efficere pos-  
se, ut simul & semel sit in  
pluribus locis. Quod est  
apertē Omnipotentiam  
Dei negare.

p: Phantasia humana de  
imperio Christi super om-  
nes cœlestes & terrestres  
creaturas, sine vera & reali  
præsentia eius.

q: In Deo posse esse, & esse,  
idem sunt: cuius virtutis  
caro Christi particeps fa-  
cta est.



## 32 Colloquium Mompelgartense.

r: Hæc virtus cùm sit infinita, humanam naturam eius participem factam esse negant. Ideo Spiritui sancto soli attribuant, quod Christus suæ carni tribuit.

s: Huius virtutis participatione carnem Christi prorsus spoliant: Quomodo ergo hæc vis ei tribuitur?

t: Hoc de physica & locali presentia asserit Beza, quam nemo docet: ideo suum proprium figmentum oppugnat.

u: Modus relatus hic est phantasia humana, ad tegendum errorem excogitata. Nulla enim hic relatio: sed spiritualium per corporalia vera & realis exhibitio insinuatæ est.

x: Ingens discrimen inter ciuiles contractus, & Sacramenta Evangelica.

y: Maiorem potentiam fidei, quàm Christo tribuunt: quod illa ad Christum in cælum ascendere: hic verò per suam Diuinam virtutem participatam in terris adesse non possit.

z: Imò manifestum est, quia non sit physico & naturali modo.

& corporis salutem, & ineffabili illa Spiritus sancti virtute præberi affirmamus. Et hac ratione Christi Dei & Hominis <sup>s</sup> inexplicabilem illam vim multò expressius à nobis poni existimamus, quàm ab ijs, qui existimant, non posse nos ipsi CHRISTO consociari, <sup>t</sup> nisi & ipse in terris sua essentia adsit, pani & vino inseparabiliter adhærens.

### Ad X.

<sup>u</sup> Modum, quo res significata ex diuina ordinatione cum signis coniungitur, ipsa signorum appellatio explicat, & ostendit esse Relatiuum ex Dei pacto: <sup>x</sup> quod & in ipsis contractibus humanis & ordinarijs locum habet. Modum autem perceptionis rei significatæ, siue quæ fieri possit, ut corpus illud in cælo manens, nobis in terra positum, & instrumentalis causæ, nempe fidei interuentu communicetur, adeò efficaciter, ut vitam æternam inde hausturi simus, & spiritualia tot beneficia iam nunc percipiamus: verè mysterium magnum esse, cùm Apostolo profiteamur, ac proinde credendum, & adorandum, non perscrutandum. At enim si verum est, re ipsa carnis & sanguinis Christi essentiam, cum pane & vino in terris adesse, & ab omnibus accedentibus, quamuis inuisibiliter, tamen eadem & unica orali sumptione percipi: <sup>z</sup> non videmus, quinam modus iste dici possit inscrutabilis, cum merè sit naturalis, & tum signis, tum significatis communis.

AD

AD DOGMATA, QUÆ  
Domini Collocutores cum S. Scriptura  
pugnare iudicant.

## Ad I.

<sup>a</sup> Nos contrà existimamus, verba institutionis Domini, ut & omnium, sine vlla exceptione, Scriptura locorū interpretationem ad normam fidei in symbolo Apostolico comprehensa, ut suprà dictum est, reuocari, & ex collatione Scripturarum explicari debere: <sup>b</sup> neque *ἡ* *ἐκ* *τῆς* *ἐκ* *τῆς* accipi, salua fidei analogia, posse: vel propterea obscuram censi debere Cæna Dominica institutionem, quòd tropus in ea inesse dicatur.

a. Obscura loca indigent tali illustratione. Sed verba cænae Domini sunt aperta, & clara.

b. Simpliciter falsum est, si cut collatio sequens docet.

## Ad II.

<sup>c</sup> Satis videmur nos probasse, quod hic improbat.

c. Nihil omninò probatum esse, ex verbis Christi demonstratum est.

## Ad III.

<sup>d</sup> Quinam non desinat Deus esse Omnipotens, etiam si efficere non possit, ut Christi corpus vno eodemq; tempore pluribus locis essentialiter præsens sit, aut ut alibi nunc sit, quàm in cælis: diximus ad p. Thesin.

d. Aperta negatio omnipotentiae Dei: Quia apud Deum non est impossibile V L L V M V E B V M, hoc est, vlla res, Luc. i.

## Ad IV.

Christum Deum & Hominem, ut qui Mediator alioqui esse nō potuerit, fatemur quidem <sup>e</sup> actū non fuisse hominem ante realem incarnationem: sed tamen fidei Abrahami,

e. Alia præsencia Christi hominis tempore Abrahæ: & alia eiusdem præsencia in N. Testamento post incarnationem factam.

E

(qua

## 34 Colloquium Mompelgartense

f. Paulus non dicit, quòd fides sit *ὁπόςασις* rerum quæ non sunt, Heb. 11. sed rerum sperandarum, & non apparentium.

g. Beneficiorum Christi patres fuerunt participes: sed Christum secundum humanitatem præsentem non habuerunt, quem venturum crediderunt.

h. Fuit sanè idem Christus: sed non utrisque pari ratione præsens.

Tract. 20. in 1. oan.

i. Respectu finis & virtutis: sed non præsentia Christi secundum humanitatem pati.

k. Christus non MENTI solum: sed ori corporis suam carnem & sanguinem sumenda in Sacramenta offert & præbet, siue quis verè credat, vel non credat.

*que dicitur ὁπόςασις: rerum quæ non sunt) non illusoria opinione, & sed verè & efficaciter, ut cateris sanctis patribus, præsentem fuisse docemus. Vidit enim Abraham diem illum Domini: nec<sup>h</sup> alius fuit numero Christus venturus, quod ad fidem patrum attinet, quàm nobis Christus, qui venit. Vnde meritò Augustinus asseruit: veterum Sacramenta, i<sup>re</sup> paria fuisse nostris, signis autem diuersa.*

### Ad V.

*Tantum abest ut Christi virtutem, & beneficia in COENA DOMINI ab ipsiusmet Christi communicatione separemus, ut contra in verbo quoque simplici & in Baptismo, hæc utraq; inseparabiliter coniungi, & Menti<sup>k</sup> per fidem sumenda præberi, asseramus.*

### Ad VI.

*Nunquam nobis in mentem venit, ut perfectam fidem in quoquam statueremus: cum hac perfectio stare cum carnis reliquijs nequeat: tantum abest, ut veram fidem à perfectâ non distinguamus, aut à Cæna arceamus ista fidei imbecillitate laborantes: quam potius idcirco institutam esse dicimus, ut in fide confirmemur, & augeamur.*

l. Cur igitur duo genera indignorum facitis: & credentes verè etiam iudicium sumere asseritis?

### Ad VII.

*Facile credimus, neque Transubstantiationis, neq; consubstantiationis defensoribus in mentē venisse, ut hac portenta affirmarent: sed videre nos non posse facemur, qui-*

*nam hac, quantumvis absurda, falsa, & blasphema necessa-  
 riò non consequantur oralem illam manducationem: nisi  
 constituere malint, Christi carnis & sanguinis substantiam,  
 ubi dentes & palatum traiecerint, evanescere. Quod tamen  
 bona omnium pace dictum volumus.*

m. Horrendum auditu; si  
 corpus Christi cum pane  
 ore accipiat, idem etiam  
 per seccum excerni.

*Mompelgarti, 22. Mart. Anno 1586.*

Theodorus Beza, Geneuensis Ecclesiæ Mi-  
 nister.

Abrahamus Musculus, Bernensis Ecclesiæ  
 Minister.

Anthonium Faius, Ecclesiæ Geneuensis Mi-  
 nister.

Petrus Huebnerus, Græcæ linguæ, in Gym-  
 nasio Bernensi Professor.

Claudius Alberius, D. & Professor Philoso-  
 phiæ in Academia Lausannensi.

E 2

HO2

*HORA POMERIDIA*  
*na secunda, die Martij*

XXII.

POSTquam Theologi Vvirtembergici duo nunc commemorata scripta legissent, & examinassent, præsentè Illustrissimo Principe, Comite Friderico, cum delectis Aulicis, Ecclesiæ quoque Mompelgartensis ministris, & Gallis exulibus quàm plurimis admissis: D. Iacobus pio voto collocutionis initium fecit.

D. Iacobi votum.



**I**N NOMINE Domini, & Saluatoris nostri Iesu Christi, Amen: Quem toto pectore oramus, vt collocutionem institutam suo sancto Spiritu gubernare, & ad nominis sui gloriam, piamque & salutarem pacem Ecclesiarum dirigere velit, Amen. Reuerende & doctissime Domine Beza, duo scripta vestra de Cœna Domini paulo ante prandium nobis exhibita, ex parte nostra legimus, relegimus, & in timore Domini diligenter examinauimus. Ad quæ breuiter & perspicuè respondebimus, quantum quidem fieri potest. Et sibi cerò persuadeant Domini: nobis nihil aliud, quàm gloriam Dei, veritatem verbi diuini, piamque pacem, & concordiam Ecclesiarum, tanquam institutæ collationis placidæ, scopum vnicum propositum esse. Quo nomine Iesum Christum saluatorem vnicum, cordium scrutatorem, testem super animas nostras, inuocamus. Quòd si verò alicubi, vel breuiores, vel obscuriores in sermone interdum fuisse videbimur: moneri cupimus: lenitatem spiritus nobiscum allatam, & promissam, Spiritu sancto nos gubernante, re ipsa declarabimus, & retinere studebimus. Idem non solum à T. D. nobis quoque pollicemur, sed etiam amice oramus.

Testificatio D. Iacobi, de sua  
& Collegæ voluntate.

Scopus disputationis institutæ.

Ad

Ad duo ergo vestra scripta de Cœna Domini exhibita quod attinet: etli quam plurima continent: ea tamen omnia duobus potissimum capitibus compræhendi posse arbitramur. Quorum prius est de vera & reali præsentia corporis & sanguinis Domini nostri Iesu Christi in sacra Cœna Domini. Alterum verò de eorundem vera, & sacramentali perceptione, manducatione, & bibitione, vt sic loquamur. De quibus cum ab initio actum fuerit: facile erit quoque deinceps ad omnia ea respondere, quæ in hoc articulo controuersa videbuntur. Vbi etiam omnibus de vero statu controuersæ in hoc articulo constabit. Dabimus autem operam, quantum quidem fieri potest, ne quicquam silentio præterijisse videamur, ad quod respondendum erat, in vtroque vestro scripto annotatum.

Duo principalia capita in controuersia de cœna Domini.

Primum omnium autem coram Deo æterno, & patre Domini nostri Iesu Christi, coram Illustrissimo Principe, ac Domino, Domino Friderico, Comite Vvircbergico, & Mompelgartenfi, Domino nostro clementissimo, cuius Celsitudo post Deum Opt. Max. præsidem huius collationis agit, & coram auditoribus omnibus testatû volumus: à nobis, & in Ecclesijs nostris vnanimi consensu constanter de Cœna Domini doceri: quòd ne quidem ad latum pilum à verbis Testamenti Iesu Christi sit recedendum, cum videlicet panem discipulis suis exhibens, dixit: Accipite, manducate,

Confessio Vvircbergensium, de præsentia corporis & sanguinis Christi in cœna Domini.

**HOC EST CORPVS MEVM, QVOD PRO VOBIS DATVR:** & calicem porrigens, dixit: **Accipite, bibite ex hoc omnes: HIC EST SANGVIS MEVS NOVI TESTAMENTI, QVI PRO VOBIS, ET PRO MVLTIS EFFVNDITVR, IN REMISSIONEM PECCATORVM.** Quibus verbis docemus, simplicem fidem habendam, neque ad examen rationis humanæ reuocanda esse, quippe quæ hoc mysterium compræhendere non potest: sed captiuum ducendum intellectum nostrum in obsequium Christi, & simplicem sententiam, quemadmodum ipsa verba sonant, retinendam,



## 38 *Colloquium Mompelgartense*

nendam, & modum Christo committendum, quomodo id fiat, aut fieri possit.

A literali & simplici sententia verborum Cœnæ Domini, cur non recedendum.

Cum enim Christus sit ipsa veritas, quæ mentiri non potest: & non modo omnipotens, sed ipsa quoque omnipotentia, ut præstare queat, quod expressis verbis promittit; docemus, pios & fideles nullam causam habere, cur à literali, & simplici sententia & fide horum verborum recedant, aut alium sensum quærant, quam quem ipsa verba nobis aperte monstrant.

Cum igitur dixerit: *HOC EST CORPVS MEVM*: Item, *HIC EST SANGVIS MEVS NOVI TESTAMENTI*, &c. Primum auditores nostros docemus, quod his verbis apertis & simplicissimis fidem habentes, minimè dubitare debeant, & corpus & sanguinem Christi in hoc sacro conuiuium verè & realiter adesse, adeoque cum pane & vino distribui: & ab omnibus etiam verè & realiter percipi, qui Cœna Domini vtuntur, siue digni sint, siue indigni. A dignis quidem & verè fidelibus, ad vitam: ab indignis verò & impenitentibus, ad iudicium, vel temporale duntaxat, si poenitentiam egerint: aut æternum, si in infidelitate sua & impenitentia permanserint.

Confessio Vvitembergensium Theologorum de mädicatione Sacramentali corporis, & sanguinis Christi in cœna Domini.

Manducare quid in Verbis Testamenti Christi significet.

Deinde cum & Christus inquit, *MANDVCATE*: docemus quoque auditores nostros, quod verbum (*MANDVCATE*) non significet idem quod credite, quemadmodum Ioannis sexto capite, in verbis Christi Metaphoricè pro credere sumitur, cum inquit Christus: nisi *MANDVCARE* ITIS carnem filij hominis: Item, qui *MANDVCAT CARNEM MEAM*: manet in me, & ego in illo, &c. Sed manducare in verbis Testamenti Christi, significat *ORB ACCIPERE*, quod Christus exhibuit.

Cum igitur Christus non dixerit, accipite & manducate, hoc est panis: accipite, bibite, hoc est vinum: sed dixerit: *HOC EST CORPVS MEVM: HIC EST SANGVIS MEVS*: credimus, & docemus, quod cum illo pane & vino (secur

(secundum verba institutionis huius Sacramenti apertissima) quoque dederit corpus & sanguinem suum: quod etiam discipuli ipsius mandato obtemperantes, ORE acceperunt.

Et cum non sit alia huius Sacramenti ratio in Ecclesia nostra, quam quæ fuit in prima Cœna, à Christo & Apostolis eius celebrata: idem etiam de Cœna Domini omnibus temporibus in toto terrarum orbe celebrata affirmamus.

Sacramenti Cœnæ omnibus temporibus & locis eadem semper ratio.

Apertè autem primum omnium in Theſibus nostris testatissimum, Capernaiticam manducationem, & Cyclopica-  
cam lanienam carnis Christi in Cœna Domini, nequaquam à nobis doceri, aut in Ecclesijs nostris vnquam traditam esse: quam etiam semper damnavimus, & nunc quoque apertè damnamus.

Capernaitica & Cyclopica manducatio carnis Christi damnata.

Quemadmodum etiam de manducatione quæ per fidem fit, & ab aduersarijs nostris spiritualis appellatur, nulla vnquam inter nos controuersia fuit: quæ nihil aliud est, quam credere, quod corpus Christi sit pro nobis traditum, & sanguis eius pro peccatis nostris effusus.

De manducatione spirituali nulla controuersia vnquam fuit.

Hæc est de Cœna Domini, de vera & reali præsentia corporis & sanguinis Christi, & de sacramentali manducatione, ingenua & aperta nostra confessio, & assertio: quæ præsentia corporis & sanguinis Domini nostri. **ESV CHRISTI**, & sacramentalis manducatio in veteri Testamento non fuit.

Et si enim Patres veteris Testamenti quoque veram carnem, & realem sanguinem in suis Sacramentis habuerunt: non tamen caro & sanguis **CHRISTI** realis, sed figuraduntaxat, typus & umbra carnis & sanguinis Christi fuerunt, quæ carnem Christi & sanguinem solum figurabant, significabant, & adumbrabant. Quemadmodum dicta Scripturæ apertè testantur, Hebr. 10. Lex umbram habuit futurorum bonorum, non ipsam imaginem rerum. Item, quæ sunt umbra futurorum, corpus autem Christi, Coloss. 2.

Discrimen inter præsentiam & manducationem, corporis & sanguinis Christi, in V. & N. Testamenti Sacramentis.

Sic

## 40 *Colloquium Mompelgartense*

Sanguis Sacramentorum  
Veteris Testamenti umbra  
& typus Christi.

Exod. 24.

Sanguis Sacramenti N. Te-  
stamenti non est typicus,  
sed verus, & realis sanguis  
Christi.

Discrimen Sacramentorum  
V. & N. Testamenti.

Figura & umbra in N. Te-  
stamento sublata.

Coloff. 2.

Sic Exod. 24. legimus, quòd Moses sanguine vitulorum oblatorum, post recitatum volumen fœderis, asperisit populum, dicens: Hic est sanguis fœderis, quod pepigit Dominus super cunctis sermonibus istis. Hic sanguis fuit verus, substantialis, & naturalis sanguis vitulorum: sed symbolicus, significatiuus, & figuratiuus tantum respectu Christi venturi, & filij Dei incarnandi, in quem promissum & venturum illi crediderunt: nos in exhibitum credimus.

In Testamento autem suo inquit Christus: *HIC EST SANGVIS MEVS*: & addit, *NOVI TESTAMENTI*: ad notandum discrimen inter sacramenta V. & N. Testamenti. Non enim ait Christus: Hoc vinum significat sanguinem meum: aut est signum vel figura sanguinis mei, meum sanguinem significans, figurans, aut adumbrans: sed ait, *EST, EST, EST sanguis MEVS NOVI TESTAMENTI*.

Si enim sanguinem suum duntaxat significare, aut figurare voluisset: potuisset etiam Moses dicere: Hic est sanguis Iesu Christi, veri illius agni, qui peccata mundi tollit, quippe quem figurat & significat. Sed Christus his vocabulis, *MEVS, ET NOVI TESTAMENTI*, discrimen Sacramentorum V. & N. Testamenti ostendere voluit, ut sciamus in Sacramentis veteris Testamenti, per sanguinem realem vitulorum, sanguinem Christi realem duntaxat adumbratum fuisse, & figuratum: in Sacramento autem Eucharistiæ realiter adesse, distribui, & percipi corpus & sanguinem Christi.

In Nouo enim Testamento, omnes figuræ, omnes vmbrae sunt sublatae: in quarum locum successit corpus, sicut Apostolus testatur, quod est Christus Filius Dei incarnatus, secundum carnem exhibitus, & praesens, sicut scriptum est: Lex per Moysen data est, veritas autem per Iesum Christum. Hebr. 10. Lex vmbra futurorum bonorum habebat,

Quantum igitur discrimen est inter vmbra & corpus, inter figuram & rem figuratam: tantum etiam discrimen est, inter Sacramenta V. & N. Testamenti. Quoniam in Sacramentis

mentis veteris Testamenti duntaxat fuit umbra Christi secundum carnem: per quam tamen non minus beneficia Mediatoris populo suo conferebat Dominus, quæ sua morte nobis promeriturus erat, quam per Sacramenta noui Testamenti, quæ continent corpus, hoc est, Christum secundum humanitatem seu carnem nunc existentem, & qui vera sua carne in usu Sacramentorum noui Testamenti verè & realiter præfens, eadem beneficia fidelibus suis confert.

Quod igitur ad primum caput controuersię in hoc articulo, videlicet de vera, & reali præsentia corporis & sanguinis Christi in Cœna Domini, attinet: cum aduersa pars apertè scribat: Corpus Christi tam præfens Abrahę fuisse, quam nobis in Sacramento Eucharistię præfens est: omnibus auditoribus iudicandum relinquo, quomodo hæc opinio cum verbis Testamenti Christi consentiat.

Confessio Beza de præsentia Christi in omnibus Sacramentis. Beza in placido responso ad argumenta Brentij pag. 27.

Etenim omnibus manifestum est, corpus Christi tempore Abrahę nondum extitisse, aut natum fuisse. Quomodo igitur tam præfens Abrahę esse potuit, cum nondum esset, quam præfens nunc nobis est, postquam reuera existit, quod tum non erat? Et paulo antè dictum est, quòd lex duntaxat umbram habuerit, non corpus aut veritatem.

Habuerunt quidem Patres umbram, imaginem, & figuram Christum significantem & adumbrantem: Item, eadem quoque beneficia Christi per mortem eius impetrata, quę nos habemus, videlicet gratiam Dei, remissionem peccatorum, propter Christum immolandum, & spem certam vitę æternę consequendę.

Quemadmodum etiam, quo ad alias aliquot causas & circumstantias, illorum Sacramenta multa cum Sacramentis nostris communia habuerunt, videlicet, quantum ad causam efficientem principalem, & finem Sacramentorum attinet: sed materiā & formā differebant plurimum, sicut paulo post explicabitur. Ingens igitur discrimen est inter hæc beneficia, & corpus Christi, quod nobis hæc beneficia promeruit

## 24 *Colloquium Mompelgartense*

Hoc corpus verba Testamenti Christi nobis expressè & diligenter commendant & exhibent, cum inquit: Accipite, Manducate, Hoc est **CORPVS MEVM**, quod pro vobis traditur. Corpus inquam Christi, non vmbra, figura aut signum corporis Christi: quæ plurimum inter se differunt.

Nam sanguis vitulorum non fuit pro peccatis mundi effusus: sed sanguis Christi, cuius figura & vmbra fuit sanguis taurorum. Sanguis enim Christi pro nostris peccatis effusus est: hunc sanguinem Christus se nobis in hoc Sacramento exhibere, apertis & minimè obscuris verbis testatur.

**Confessio** Vvitem-  
bergenſium Theolo-  
gorum de modo præ-  
ſentia corporis Chri-  
ſti in coena Domini.

Quod verò ad modum huius præſentia ſacramentalis corporis & ſanguinis Chriſti attinet: ſemper docuimus, ſcripſimus, & aperte teſtati ſumus, quòd non ſit Phyiſicus, naturalis, aut localis, quemadmodum Chriſtus hominibus in terris conuerſatus eſt.

**Carnales cogitationes** de corpore Chriſti in pane.

Nihil enim aliud quàm carnales cogitationes ſunt de hoc myſterio, quando ſibi homines ſimplices imaginantur corpusculum aliquod contractis membris in hoſtia oblata latitare: ſed dicimus modum huius præſentia eſſe ſupernaturalem, coeleſtem, quem neque ſenſus, neque ratio hominis comprehendat, aut comprehendere poſſit in hac vira, ſed relinquendum eſſe infinite ſapientia Dei, qui nouit modum, & pro ſua infinita potentia etiam præſtare poteſt, quod in Teſtamento ſuo promiſit, qui omnipotens, & verax eſt, & mentiri & fallere non poteſt.

**Pia & ſancta confeſſio** Chryſoſtomi de coena Domini.  
Hom. 60. ad popu-  
lum Antiochenū.

Inprimis verò omnibus pijs & fidelibus verba Chryſoſtomi commendatiſſima eſſe debent, quæ in homilia ad populum Antiochenum de Coena Domini extant: In omnibus Deo pareamus, **NE QVE CONTRADICAMVS**, licet  
” **COGITATIONIBVS** noſtris aduerſari videatur & oculis,  
” **QVOD DICITVR**: ſed ſit & cogitationibus, & viſu **DI-**  
” **GNIOR** ipſius **SERMO**. Sic & in **MYSTERIIS** agamus: nec  
” **SOLVM PRÆ OCVLIS** poſita reſpiciamus, ſed **IPSIVS**

VER-



**VERBA CONTINEAMVS.** Ipsius enim sermo infalli-  
 bilis: sensus autem noster **SED VCI FACILIS:** ille  
 nunquam decideret, hic autem vt plurimum **ERRAT.** Quo-  
 niam igitur verbum dicit: **HOC EST CORPVS MEVM:**  
**ET PAREAMVS, ET CREDAMVS,** & intellectualibus  
 ipsum oculis intueamur. Nihil enim sensibile nobis tradidit  
 Christus, sed res quidem sensibiles, omnes autem intelligibiles.  
 Itidem & in Baptismate: per rem nempe sensibilem, aquam,  
 donum confertur: intelligibile verò quod perficitur, genera-  
 tio, & renouatio. Si enim incorporeus esses, nuda & incorpo-  
 rea tibi dedisset ipsa dona: sed quoniam anima corpori infer-  
 ta est, **IN** sensibilibus, intelligibilia **TIBI** præbet. Quot nunc  
 dicunt: vellem ipsius formam aspicere, figuram, vestimenta  
 calceamenta? **ECCE EVM VIDES, IPSVM TANGIS,**  
**IPSVM MANDVCAS:** & tu quidem vestimenta videre  
 cupis: ipse verò tibi concedit, non tantum videre, sed &  
**MANDVCARE ET TANGERE, ET INTRA TE SV-**  
**SCIPERE.** Et paulò post: Nec parua pœna proponitur in-  
 dignè fumentibus. Considera quantum aduersus prodito-  
 rem indignaris, contra eos qui Christum crucifixerunt. Ita-  
 que considera, ne **TV QVOQVE SIS REVS CORPO-**  
**RIS ET SANGVINIS CHRISTI.** Illi sanctissimum cor-  
 pus iugularunt: **TV VERO POLLVTA SVSCIPIS ANI-**  
**MA POST TOT BENEFICIA.** Nec enim satis fuit, homo  
 fieri, colaphis cædi: verum & semetipsum **NOBIS COM-**  
**MISCET ET NON FIDE TANTVM, VERVM ET RE**  
**IPSA, NOS EFFICIT SVVM CORPVS.** Hactenus Chry-  
 sostomi verba,

NB.

Cur Deus spiri-  
 tualia dona per  
 corporalia in Sa-  
 cramentis dis-  
 penset.

NB.

NB.

Hæc augustissima verba si sequeremur pariter omnes, iam  
 omnis controuersia de hoc articulo penitus sublata esset.  
 Quod quidem ex parte nostra facimus, & auditores nostros  
 sedulo ac diligenter monemus, vt idem faciant: Qua ratio-  
 ne salutis suæ rectissime & securissime consulant.



THEODORVS BEZA.



**A**PRECIBVS similiter exorsus est, ut Deus suo sancto Spiritu collationi adesse, & eandem ad sui nominis gloriam, & Ecclesie salutarem concordiam gubernare & dirigere velit. Quem admodum se Ecclesie affuturum promisit, & missurum spiritum veritatis: ita, inquit Beza, mihi quoque cum largiatur, quem propter rei magnitudinem, & meam infirmitatem video mihi necessarium esse.

Testificatio Theodori Bezae, de sua voluntate.

Testari autem possumus per animas nostras, nos asserere animum cognoscendae veritatis cupidum, nosque fore dociles, si meliora doceamur. Video tamen nos dissentire, cum tamen Spiritus sanctus a se non dissentiat. Sed id nouum non est: imò si aliter fieret, id nouum esset. Etenim non omnes quod vident, rectè dijudicant. Superest ergo, ut rursus Dominum precer, ut nobis oculos aperiat: ut intelligatur, utra pars erret.

Repetitio brevis capituli Confessionis D. Iacobi.

Iam ut rem aggrediar, Reuerende domine Doctor, multa simul argumenta complexus es, quae omnia profecta sunt ex simplici interpretatione verborum institutionis Christi: ex qua eruisti confirmationem De Trina vestra in hac controuersia, quam in reali praesentia corporis & sanguinis Christi constituisti: in quorum perceptione digni & indigni concurrant. Et sanè nos quoque praesentiam corporis Christi in sacra Caena, & eius veram manducationem minimè negamus.

Inde delapsus es ad comparationem V. & N. Testamenti, & eorundem Sacramentorum: & videor mihi sententiam vestram

vestram affecutus, videlicet, veteres umbram tantum habuisse cum beneficijs: Ipsum autem Iesum Christum non habuisse. Ex quo sequatur, quod etiam in Sacramentis suis umbram tantum habuerint, non ipsum Christum presentem.

Ego verò libentissimè peterem, ut Syllogisticè ageremus: Beza petit Syllogisticè agi. Et quandoquidem multa argumenta congesisti, sigillatim singula ordine explicaremus. Sic enim melius apparerent omnia, Et facilius perciperentur. Nec ignoras pro tua sapientia, quamvis aliud sit esse λογισμὸς. Et aliud esse Theologum: tamen etiam in Theologia λόγος habere locum, modò principia Et confirmationes ex Theologia sacra petantur.

Videtur autem tua sententia esse: Verba Christi in sacra Cæna intelligenda esse, sicut sonant. Hæc tua opinio est, Et eius confirmatio: Dixit D O M I N U S: Hoc est corpus meum. Ergo sic simpliciter intelligendum est, sicut verba sonant. Id autem non videtur sequi. Repetitio Argumenti D. Iacobi.

Sunt enim multe tales, et similes orationes in sacra Scriptura: quas si simpliciter intelligeremus, multa manifesta Et aperta absurda sequerentur. Exemplum: Christus inquit Ioan. 14. Pater maior me est. Hæc verba Patres aliter intellexerunt, Et interpretati sunt, quàm Arriani: qui eam sententiam simpliciter, sicut verba sonant, accipiebant: Et inde probare conabantur, Christum non verum Deum, sed duntaxat hominem esse, Et creaturam Deo subiectam. Responsio D. Beza ad Argumentum D. Iacobi. Ioan. 14. Pater maior me est.

Sic nouisti quomodo Scriptura de Deo loquatur: Os Domini locutū est: itē, oculus Domini videt. Quæ cum secundum literam intelligerēt ἁνθρωπομορφῆται hæretici, Deum corporeum esse suā substantiā diuinitatis falsò asseruerunt. Nego igitur, quando ad hunc modum argumentaris: Dixit Dominus: Hoc est corpus meum. Ergo ita simpliciter est intelligendum.

# 46 *Colloquium Mompelgartense*

D. IACOBVS.

Excusatio prolixita-  
tis in edenda con-  
fessione de Cœna  
Domini.

Cur propria & ger-  
mana significatio  
verborum Testamē-  
ti Christi retinenda.

Quod in exordio Colloquij paulo prolixior fui: pero mihi ab auditoribus veniam dari. Factum enim est, vt omnibus de vera sententia & confessione nostra in hac controuersia oprime constaret: & de quibus deinceps disputabitur, eo facilius percipere queant. Quandoquidem autem in formam argumentationis petit D. Beza redigi mea argumenta: faciam quod petit. Sicigitur argumentor: In omnibus Testamentis, propria & germana significatio verborum diligenter attendenda, & retinenda est. Ergo multo magis hoc in Testamento Christi faciendū, & propria & germana sententia verborum Christi attendenda & retinenda est, quod longe præstantiora beneficia in eo contineantur, & legata sint Ecclesiæ.

Antecedens probatur. Alias enim nulla esset certitudo Testamentorum, & testificationis extremæ voluntatis Testatoris: quemadmodum & legatorum quoque, quid, & quantum cuiuslibet cedat, si tanta obscuritas esset verborum Testamenti, vt ex verbis Testatoris voluntas eius non cognosci aut demonstrari posset, quid, & quantum cuique in testamento legatum sit.

Quapropter testatores intelligentes, ne lites & contentiones inter hæredes relinquant, aut seminent: sedulo operam dare student, vt disertè & perspicuè loquantur. Id multo magis Christum in suo Testamento condendo fecisse existimandum est, vt omnes etiam simplicissimi Christiani & fideles, quorum in Ecclesia semper maximus est numerus, intelligere possint, quid ipsis à Christo in hoc Testamento legatum, & obsignatum sit. Quod Testamentum Christi etiam nemo melius intelligit, quàm simplicissimi Christiani, qui in simplicissimis eius verbis simplici fide acquiescunt: & quod credere & facere iubentur à Christo, etiam simplici fide & obedientia faciunt.

D. B E Z A.

R.

*Equidem miror Reuerende D. I. Doctor, Cœnam Domini  
à te*

à te Testamentum appellari, quod mihi planè nouum vide-  
tur. Est enim Cæna Domini non ipsum Testamentum, sed  
santum pars Testamenti Christi, videlicet eius obsecratio.

An Cæna Domini  
 Testamentum rectè  
 appelletur. 7.

Deinde dico, non conseq̃ui: obscurum esse, quod non pro-  
 priè dicitur. Nam sæpè figura & tropi adhibentur & usur-  
 pantur, ut res per eas illustrentur.

2.

Præterea, minimè negari potest, in verbis institutionis  
 sacra Cæna tropum inesse, & figuratè dici, cum inquit Lu-  
 cas: Hoc poculum est N. Testamentum in meo sanguine. Po-  
 culum enim non potest esse Testamentum: neque sine tropo  
 verba Lucæ, cum verbis Matthæi & Marci conciliari pos-  
 sunt: Hic est sanguis meus N. Testamenti: quamuis ego pro  
 [HIC,] semper lego [HOC.] Item, aliud sanguis Testa-  
 menti: & aliud ipsum Testamentum. Item, quot tropos &  
 figuras habet Testamentum Patriarcha Iacobi? Quod ne-  
 gari non potest.

3.

4.

## D. IACOBVS.

Reuerende Domine Beza, mihi vicissim prorsus nouum &  
 inauditū viderur, quòd Cæna Domini Testamentum Christi  
 esse negetur, cōtra aperta verba ex Euāgelista Luca iam abs te  
 recitata: Hoc poculū N. Testamentum est in meo sanguine.

5.

Luc 22.

Deinde manifestum est omnibus, quòd omnia substantia-  
 lia habeat, quæ in Testamento legitimo & solennī requirun-  
 tur. Primum enim Testator D. N. Iesus Christus expressè  
 nominatur, qui hoc Testamentum condidit. Secundo: For-  
 malia verba Testatoris, quibus suam voluntatem declara-  
 uit. Tertio: Designantur etiam hæredes, videlicet, omnes  
 qui credunt in Christum, pro quibus effusus est sanguis Chri-  
 sti, & in mortem traditum eius corpus. Quarto: Legata quo-  
 que exprimuntur, videlicet, remissio peccatorum, & vita  
 æterna: Hic est sanguis meus, qui pro vobis, & pro multis  
 effunditur in remissionem peccatorum. Quinto: Adfunt Te-  
 stes Apostoli duodecim. Sexto: Addita sunt etiam sigilla,  
 partim visibilia, partim inuisibilia, nō solum panis & vinum,

Eucharistia omnes  
 solennitates veri  
 Testamenti habet.  
 1. Testator.

2. Verba Testatoris.

3. Hæredes.

4. Legata.

5. Testes 12.

6. Sigilla.

sed

*Testator non potest*

*corrumper*

*Genb et Testator*

*Sago.*

*Genb non potest*

*corrumper*

*Exponitur*

Sententia, & Mens  
Testamenti Christi.

Consolatio in cœna  
Domini proposita.

2.

Nullus tropus in  
verbis Testamenti  
Christi.

Tropus non illustrat  
verba Testamenti  
Christi.

sed etiam corpus & sanguis Christi, sicut verba expressa sonant: quibus Legatorum promissio obsignata est. Nam cum pane & vino nobis hoc ipsum corpus, & hunc ipsum sanguinem communicat, quæ pro nobis tradita sunt. Et his fidei nostram Christus confirmat: quæ confirmatio fidei finis est Sacramenti Cœnæ Domini. Ex quibus constat, sacram Cœnam Domini, optimo iure, neque sine autoritate Spiritus sancti, Testamentum dici, quia promissio gratiæ, & remissionis peccatorum in credentibus obsignatur & confirmatur.

Mens enim, & sententia verborum Christi hæc est: Hætenus audiistis, quàm clementer, & humaniter omnes peccatores ad me inuitauerim, & eis promiserim, quorquot poenitentiam agant, & verè in me credant, habituros, propter obedientiam meam legi præstitam, & mortem meam quam subiturus sum, omnium suorum peccatorum plenariam remissionem, & vitam æternam. De veritate, & certitudine huius promissionis, ne quisquam dubitet: Ecce hoc pane benedicto do vobis pignus certissimum, hoc ipsum corpus, quod pro peccatis totius mundi in mortem tradidi, & eundem sanguinem meum, & non alium, quem pro peccatis mundi effudi. Hæc consolatio in grauissimis tentationibus est longè maxima & firmissima, quam in vfu huius Sacramenti repositam habent, qui non in res propositas externas solum, sed in verbum Christi respiciunt, & firma fide amplectuntur.

Deinde non nego, sed concedo, per figuras & tropos interdum res non obicurari, sed potius illustrari. Sed Christus in Testamento suo non voluit explicare, aut illustrare: sed perspicuis, apertis, & paucissimis verbis Testamentum condere & exponere, quæ res sit, quam cum pane & vino, suis discipulis & vniuersæ Ecclesiæ N. Testamenti, donare & exhibere voluerit: vbi tropo, vel figura, ad rem illustrandam minimè opus fuit.

Præterea, tropus quem vos verbis Christi affingitis, non illustrat, sed prorsus tollit rem, quæ in verbis Christi propo-  
sita



fira est, & Ecclesiæ exhibetur: Per quem, corpore & sanguine Christi è Cœna Domini sublati, nuda signa, symbola, figure, atque umbrę in locum corporis & sanguinis Christi, adeoque excluso nucleo putamina Ecclesiæ Dei obijciuntur & & relinquuntur.

Quòd verò Reuerendus D. Beza subiungit: in Luca ad tropum necessario recurrendum esse, si verba consideremus, quibus institutionem Cœnæ Domini descripsit: Hoc poculum nouum Testamentum est in meo sanguine: quæ alias cum Matthæi & Marci verbis conciliari non possint: quæ sic sonant: Hic est sanguis meus noui Testamenti. Respondeo, Tantum abesse, vt Lucas cum Paulo in descriptione verborum Cœnæ Domini de calice in verbis tantam diuersitatem habeat, vt ad eorum conciliationem, necessario ad tropum recurrendum sit: quin ipsæ prorsus verbis, non minus de poculo quàm de pane vtantur, apertissimè demonstrabo. Differentia autem solum est in diuersitate phrasium. Nam Matthæus & Marcus Græcorum, & vsitato more locuti sunt: Hic, siue hoc est sanguis meus noui Testamenti. Lucas autem, & Paulus phrasi Hebræa vsi sunt: Hoc poculum est nouum Testamentum in meo sanguine. Quæ phrasis Hebræis vsitata est, & sepe in Scriptura occurrit. Gen. 32. loquitur Patriarcha Iacob: In baculo meo transiui Iordanem, hoc est, cum baculo. Iudic. 15. In Maxilla asini, in Mandibula pulli asinorum deleui eos, & percussi mille viros, hoc est, cum maxilla. Psalm. 63. Introibo in domum tuam in holocaustis, hoc est cum holocaustis. Ios. 24. Non in gladio, & in arcu tuo eieci duos Reges Amorrhæorum, hoc est, cum gladio. Sic Lucas cum Paulo non simpliciter & absolute dicit: hoc poculum est N. Testamentum: sed addit phrasi Hebræa, **IN SANGVINE ME O**, hoc est, cum sanguine meo. Nam sine sanguine Christi non potest esse N. Testamentum. Sed quoniam sanguis Christi, secundum verba promissionis, cum poculo hoc coniunctus est, non significat N. Testamentum, sed **REVERA EST**. Nam præsentia sanguinis Christi, & eius efficacia, efficit N. Te-

3.

An in verbis Pauli de calice ad tropum recurrendum sit.

Conciliatio verborum Pauli cum verbis Matthæi & Marci de poculo cœnæ Domini.

Phrasis Hebræa in Scriptura vsitata.

Quomodo poculum cœnæ Domini, sit N. Testamentum.

Quid N. Testamentum.



## 50 Colloquium Mompelgartense

stamentum : qui sanguis in veteri Testamento duntaxat ad-  
umbratus fuit.

**Euangelistæ cū Pau-  
lo iisdem verbis cœ-  
nam Domini descri-  
pserunt, sed phrasî  
diuersa.**

Vident ergo auditores omnes, quemadmodum in priore  
parte Sacramenti trium Euangelistarum, & Pauli, eadem sunt  
verba: Hoc est corpus meum: sic etiam de calice eadem verba  
esse in quatuor illis descriptionibus, sed phrasin duntaxat pro-  
pter linguarum Idiotismos diuersam esse. Nam si vocabula  
numeres, Hoc, sanguis, nouum Testamentum, EST: eadem  
in omnibus reperientur. Alia autem atque alia est, pro cuius-  
que linguæ ratione, eorum connexio. Idéoque ad concilia-  
tionem verborum Euangelistarum & Pauli, nullo prorsus  
tropo, sed diuersitatis phrasium explicatione tantum opus est:  
cū res ipsa demonstret, ab omnibus verba Christi accurate  
retenta esse.

**4.  
De Testamento Pa-  
triarchæ Iacobi ver-  
bis.**

Quod verò ad verba Testamenti Patriarchæ Iacobi at-  
tinet: longè diuersissima ratio est. Is enim filiis in vltimis  
suis verbis de singulorum fortuna magis concionatus est,  
quàm Testamentum condidit: vbi tropis & figuris locus fu-  
it. In Testamento autem suo Christus non ad eum modum  
concionatur: sed panem, & vinum ad dispensationem cor-  
poris & sanguinis sui ordinauit. Quemadmodum etiam  
prescripsit, quomodo ad confirmationem fidei & salutis no-  
stræ æternæ, administranda sint: Vbi nullus vsus tropis & fi-  
guris est.

D. B E Z A.

1. *Quoniam vsus es hoc fundamento generali, videlicet in  
Testamenti non esse locum figuris aut tropis: ideo exemplum  
Patriarchæ Iacobi produxi.*
2. *Et addo: Tu affirmasti cœnam Domini esse Testamentum  
nouum: ego dixi, non esse propriè Testamentum, sed pignus.*
3. *Item: si Christus Cœnam Dominicam non instituisset:  
num propterea Testamentum nouum non fuisset institutū?*

Et

*Et, si nihil præter Cœnam Domini intelligis per N. Testamentum: quid ergo de Baptismo dicemus? Num verò & hoc quoque Sacramentum non eâdem ratione Testamentum verè dici poterit? Nam hic est Testator Christus, qui Baptismum instituit. Hic sunt Legata Christi, remissio peccatorum. Et dico etiam, quòd Baptismus habeat quoque sanguinem Christi. Et Pontificios ex simplici intelligentia verborum institutionis, Transsubstantiationis delirium hausisse, non ignoras.*

*Quemadmodum ergo sigillum appensum instrumento, non est ipsum instrumentum, sed est eius duntaxat confirmatio, quo authenticum redditur: sic etiam Cœna Domini non est Testamentum, sed duntaxat sigillum, & obsignatio Testamenti.*

*Præterea miror, quòd fieri possit, ut idem sit Testator & Testamentum. Confundis enim Testatorem & Testamentum.*

*Similiter quoque non videtur, posse stare, quod dixisti: Nullum esse posse in Testamento Christi locum tropis: Quia Christus hic nihil voluerit illustrare. Ratio non militat. Videtur enim maximè opus fuisse illustratione: Quoniam discipuli videbant Christum tenere panem: & merum panem & vinum esse, quod suis manibus porrexit: videbant quoque, hunc panem non esse essenziale corpus Christi: ideòq; egebant tali explicatione & illustratione, ad quam Christus Tropo usus est, qui contra delirium Papistarum de Transsubstantiatione pugnat. Qui tropus discipulis minimè ignotus fuit. Et si enim aliàs satis rudes erant: tamen in his locutionibus exercitati erant, ut eas probè intelligerent: Quia non modò in Mysterijs & Sacramentis, sed aliàs quoq; in communi sermone usitata erant. Sic dicitur: Cir-*

De phrasibus Sacramentalibus.

## 52. Colloquium Mompelgartense

*cumcisio est fœdus: Agnus est phasē, seu transitus Domini: hoc est, significat, seu est signum fœderis: significat transitum Domini.*

10. Sic quoque cum index aliquem in possessionem exercendi iudicij immittit: porrigit illi gladium, & dicit: Hæc est potestas tibi data. Item, in contractibus cum literæ exhibentur: Ecce trado tibi literis pratum, agrum, domum, &c. & si quæ sunt alia. Et hæc locutiones tropica in Scriptura quoque usitata sunt. Exemplū: Luc. 13. Christus inquit de Herode: Dicite, vulpi: quod per tropum dictum est: quo multò significantius malitiam Herodis declarauit, quàm si absq. tropo locutus esset, & malum atque astutum hominem dixisset. Sic quoq. Petro dicit: Abi post me Sathan. Vbi vocabulo Sathana plus dicitur; & magis perspicue locutus est, cum eum Sathanam seu Diabolum appellat; quàm si eum aduersarium dixisset. Similiter, Christum quoque per tropum loqui voluisse, certum est, cum inquit: Hoc est corpus meum: ne tantum de pane accipiamus, sed de tali pane, qui corporis Christi signum & figura sit, quæ Christi corpus menti hominum priorum efficacissimè representet & offerat.
12. Et quando Paulus cum Luca dicit: Hoc poculum nouum Testamentum est IN ME O SANGVINE: malo reddere per meum sanguinem, quàm cum meo sanguine.
- 13.

D. I A C O B V S.

Multa dixit Reuerendus Dominus Beza: ad quæ, si memoria lapsus, non ordine respondero ad omnia: rogo mihi condonari & me commonefieri. Nam & ipse imbecillitatem memorię in me agnosco.

Quod igitur ab initio à me dictum est de Testamento, quod Cœna Domini sic à Luca & Paulo nominetur: supra

tis probatum est. Et qua ratione sit perfectum Testamentum, in quo omnis solennitas, quo ad substantiam Testamenti, observata est: perspicue demonstravimus. Sic quoque fuisse novum Testamentum concedo, etiam si Cœna Domini non instituta esset. Sed Cœnam Domini neque Testamentum esse, aut dici posse: nego. Causæ prius à me commemoratæ sunt. Et caruisset hoc Testamentum altero sigillo, quod Christus in Cœna Domini appendit.

Quod verò de Baptismo assertur, eum hoc modo pariter Testamentum dici posse. Respondeo: De singulis Sacramentis ex verbo Dei pronuntiandum est. Cum ergo Scriptura hoc de Baptismo non dicat: & nos quoque tacemus. Et quod ad discrimen Sacramentorum attinet, id ex verbo Dei, & signis externis sumitur. Nam etsi unus idemque numero Christus in omnibus Sacramentis est: non tamen ideo per omnia eadem Sacramentorum ratio est. Sic Baptismus in verbo Dei non Testamentum, sed lavacrum regenerationis & renovationis in Spiritu sancto appellatus est.

Et de Baptismo Christus non dixit: Hic est sanguis meus: sed aquam, & Spiritum ad regenerationem coniunxit, cum inquit: Nisi quis renatus fuerit ex aqua & spiritu, &c. De Testamento Patriarchæ Iacobi paulo antè diximus, quod magis fuerit Prophetica concio de fortuna & successu filiorum & posteritatis ipsorum, quam Testamentum: Ideoque tropis illustrare voluit Patriarcha. In Cœna autem Dominica longè alia ratio est. Et manet perpetuò vera regula: In Testamento, non tropis aut figuris, sed simplicissimis & perspicuis verbis homines uti solere, ut de Testatoris voluntate constet.

Quod verò Pontificij ex simplici intelligentia verborum Testamenti Christi, Transubstantiationis figmentum & delirium in Ecclesiam introduxerunt: quomodo id non sequatur, manifestum est. Nam sicut ex literali & simplici sensu verborum Ioannis falso colligeretur, cum dicitur: Super quem videris descendentem spiritum, quod factum est in

2.

3.

4.

Cur Baptismus non Testamentum appellatur.

Discrimen Sacramentorum vnde petendum.

Ioan. 3.

5.

Ex simplici intellectu verborum Cœnæ Domini, non sequitur Transubstantiatio.  
Ioan. 3.  
Luc. 3.

## 54 *Colloquium Mompelgartense*

specie columbæ : Ergo columba est transubstantiata in Spiritum sanctum : Sic etiam non sequitur : quia Christus panem demonstrans dixit : Hoc est corpus meum , Ergo panis est transubstantiatus in corpus Domini.

Sicut enim substantiæ columbæ & Spiritus sancti, distinctæ in hac reuelatione Spiritus sancti permanserunt , nec facta est vlla substantiarum confusio , aut substantialis alterius in alterum mutatio : Ita & in Cœna Domini, nulla facta est substantiarum panis & corporis , vini & sanguinis Christi transmutatio secundum substantiam : Sed exprimitur his verbis duntaxat præsentia corporis Christi , & sacramentalis vnio, quæ inter panem & corpus Christi , virtute verborum institutionis, facta est.

Nullus tropus in  
verbis Testamenti  
Christi.

Quemadmodum igitur in his verbis nullus tropus est, cum dicitur : Hæc columba est Spiritus sanctus : Verè enim Spiritus sanctus fuit , qui in specie columbæ descendit , & non signum duntaxat Spiritus sancti : Ita etiam nullus tropus est in verbis Testamenti Christi : Hoc est corpus meum : neq; tamen Transubstantiatio ex literalis sensu sequitur.

Sic quoque non euincit tropum , quod discipuli vident Christum sua manu tenere essentialem panem , quem Apostolis distribueret . Nam ipsi non solum oculis suis panem aspexerunt , sed vera fide verbis Christi intenti fuerunt : hoc est corpus meum : quibus simpliciter sine omni tropo crediderunt.

7.

Nec video , quomodo ex sententia nostra sequatur confusio Testatoris & Testamenti , vt idem sit Testator & Testamentum . Non enim corpus Christi ( quo nomine Testator intelligi possit ) est totum & integrum Testamentum : sicut nec Testamentum Christi nihil aliud quam corpus Christi est : sed in Testamēto Christi , corpus & sanguis eius tanquam sigilla promissionis continentur.

Discrimen inter Testamentum, & sigillum Testamenti.

Et sic quoque aliud est & manet Testamentum , quod est promissio gratiæ , propter corpus & sanguinem Christi pro nobis traditum , & in remissionem peccatorum effusum : & aliud corpus & sanguis Christi cum pane & vino Cœnæ Dominiç,

minicæ, quibus hæc promissio obsignata est. Sicut autem alias quoque ad totum & perfectum Testamentum, & eius perfectionem non nuda membrana, sed sigillum quoque appensum requiritur: Ita in Christi Testamento, nō solum promissio membrana descripta, sed sigillum quoque appensum est, ut de gratia Dei omnes verè pœnitentes peccatores certissimi essent.

Vehementer autem miror, quòd ais: In Cœna Domini opus fuisse illustratione, ad quam eiusmodi locutione vsus sit Christus, quæ eius discipulis probè cognita fuerit: cum earum exemplum nullum in veteri Testamento extet.

Nam quod de locutionibus sacramentalibus veteris Testamenti attulisti, discipulis Christi non ignotis: Circumcisio est fœdus, hoc est, signum fœderis. Item, Agnus est Phas, seu transitus Domini, hoc est, significabat transitum Domini: Has locutiones Tropicas & figuratas esse, simpliciter & categoricè nego.

Cum enim dicitur: Circumcisio est fœdus: Vocabulum (EST) hyperbolicè, hoc est, sicut sonat, accipiendum, videlicet, non pro (SIGNIFICAT) sed quod REVERA EST. Nam circumcisio non significauit fœdus, sed FUIT verum fœdus inter Deum & posteritatem Abraham, cui tradita fuit.

Circumcisio autem non significat tantum amputationem, seu amputationem pelliculæ præputij, quasi tota in illa præcisione pelliculæ consistiteret: sed requiritur quoque verbum Dei, tanquam substantialis pars fœderis: sine quo illa externa circumcisio non fœdus, sed ociosa cæremonia est.

Sicut videre licet apud Turcas & Iudæos, qui nostro tempore hac externa cæremonia vtuntur, & masculi ipsorum circumciduntur. Non autem ipsis est vera circumcisio: Quoniam caret verbo Dei, eius mandato, & promissione, Abraham factis: quæ solum vsque ad aduentum Christi durare debebat, & per Baptismum abrogata est, qui in circumcisionis locum successit.

Cum igitur ad circumcisionem nō solum externa cæremonia, sed etiam verbum Dei necessariò requiratur; manifestum est,

8.

Nullus tropus in verbis Sacramentorum veteris Testamenti.

9.

Circumcisio est fœdus, quomodo intelligendum.

Circumcisio quid complectatur.

Turcarum circumcisio ociosa est cæremonia.



## 56 *Colloquium Mompelgartense.*

est, quòd circumcisio nequaquam sit duntaxat signum fœderis, sed reuera & realiter est ipsum fœdus.

Quando autem Scriptura de externa duntaxat cæremônia loquitur : tum recte dicitur, quòd fuerit signum & sigillum fœderis, tanquam pars eius. Sicut Paulus Roman. 4. de Abrahamo loquitur. Et signum accepit circumcisionis, signaculum iustitiæ fidei.

Agnus Paschalis non est phasè Domini.

Agnus non significauit transitum Domini.

Agnus Paschalis figura & typus Christi.

Sic nusquam scriptum legimus : Agnus est transitus Domini. Neque hanc phrasin seu locutionem D. Beza, in Mosis citato loco Exodi 12. demonstrare potest, vt ex ea ratiocinari possit ad confirmandum tropum in verbis Cœnæ Domini asserendum. Sicut igitur agnus non dicitur transitus Domini, neque hunc transitum significauit : Ita etiam ex eo falso colligitur, quòd panis cœnæ non sit corpus Domini, sed corpus Domini solum significare.

Nam agnus Paschalis significauit duntaxat verum agnum Dei, qui est Iesus Christus : Nequaquam verò significauit transitum Domini. Idèoque est manifesta fallacia compositionis, quòd D. Beza coniungit, quæ disiuncta sunt in verbis Mose, in Exodo cap. 12. descriptis. Mose enim causam reddit, cur de sanguine agni super postes & super liminare domuum ponere, & carnes eius festinanter comedere debeant. Sic autem comedetis (inquit Mose) Renes vestros accingetis, & calceamenta habebitis in pedibus, tenentes baculos in manibus, & comedetis **FESTINANTER**. Est enim phasè seu transitus Domini. Hæc postrema verba ad agnum referri non posse, sequentia verba Mose luce meridiana clariùs demonstrabunt. Sequitur enim : Et transibo per terram Ægypti nocte illa, & percutiam omne primogenitum, in terra Ægypti ab homine vsque ad pecus.

Hic nihil de signo, figura, figuratione aut significatione transitus Domini, sed de reali transitu dicitur, quòd realiter transiturus esset Dominus : quem transitum agnus non figurauit, aut significauit, sed sanguis eius sanguinem Christi adumbravit, cuius merito seruati sunt, qui est hodie, heri, & in seculum.

seculum. Quod etiam sequentia verba Mose magis perspicue indicant, cum inquit: Et cum dixerint filij vestri, quæ est ista religio? dicetis eis: victima transitus Domini est, quando transiuit Dominus super domos Israel, &c. Vbi nihil de significatione transitus Domini dicitur: sed res disparatæ recitantur, victima videlicet agni, & tempus, quo Dominus transiuit, & pepercit Israel in occidendis primogenitis Ægypti.

Cum igitur circumcisio sit verum & reale foedus, & non significet foedus: & agnus Paschalis non dicatur transitus Domini, neque transitum Domini, tanquam rem absentem significauerit: in allegatione horum exemplorum dupliciter peccatur. Primum, quod falsum sensum verbis Mose affingunt: Deinde, quod illum peruersum sensum ad verba Cœnæ Domini accommodant: & sic per incertum, seu potius manifestè falsum, æquè incertum, seu potius falsum sensum in verbis Testamenti Christi, demonstrare conantur, cum phrasæ de circumcissione, & agno Paschali nequaquam sint tropicæ: sicut demonstratum est.

Quapropter falsò dicitur: Discipulis has tropicas locutiones notas fuisse: siquidem non sint tropicæ, sicut ostensum est.

Malè quoque simile de iudice gladium exhibente ministro, huc accommodatur. Alię enim sunt phrasæ Sacramentales: alię verò in rebus politicis vsitatę. Nam in Sacramentis Deus res spirituales verbo comprehensas non significare, sed suis distribuere & exhibere voluit, & reuera quoque exhibet.

10.

Refutatio argumenti à simili de gladio producti.

Sic quoque literæ contractuum in ciuilibus actionibus, malè ad verba Christi, quasi eadem in vtrisque ratio esse videatur, accommodantur. Non enim vsitata locutio est, cum exhibens literas contractus, aliquis diceret: accipe, Hoc est, domus, ager, pratum, aur si quę sunt alia: Christus autem panem exhibens, dicit: Accipite, Manducate: Hoc est corpus

11.

Refutatio argumenti à ciuilibus contractibus.

H

meum

## 58 Colloquium Mompelgartense

meum. Quæ phrasis & locutio longè alia est, quàm quæ in contractibus vsitatæ sunt.

12. In exemplo de Herode allato, fateor tropum inesse, qui dicitur Metaphora: sed hæc non est Sacramentalis locutio.

13. De Petro autem nego in verbo Sathan, tropum inesse: quoniam in lingua Hebræa Sathan generale vocabulum est, quod aduersarium significat.

Nullus tropus in  
verbis Christi.

Ad Pauli locum suprà responsum est, quòd non dicat simpliciter: Poculum est nouum Testamentum. Si enim hæc verba in Paulo vel Luca absolute posita essent: vtique in his verbis tropum agnoscerem, sed quoniam addit: *I N S A N G V I N E M E O*: phrasi hac Hebræa tropus omnis excluditur. Idem enim sonant Lucæ & Pauli verba: Hoc poculum nouum Testamentum est in meo sanguine, quod Matthæi & Marci verba: Hic, seu, hoc, (nam in nullo discrimine pono) est sanguis meus noui Testamenti.

Manet ergo firmum adhuc & inconcussum: Verba Testamenti Christi: Hoc est corpus meum: *ἔστι τὸ σῶμα*, hoc est, secundum literam, sicut sonant simpliciter, absque omni tropo intelligenda esse.

D. B E Z A.

*Quòd Patriarchæ Iacobi Testamentum allegauit: ideo factum est, vt probarem, in Testamentis quoque tropum locum habere posse. Tu autem respondes, aliam rationem in verbis Christi esse.*

An Ioannes 5. vi-  
derit.

Caterum quòd affers de Spiritu sancto, quem dicis à Ioanne visum: Ego non concedo sine tropo dici posse, quòd Ioannes Spiritum sanctum viderit. Quoniam columbam, non ipsam Spiritus sancti substantiam vidit. Cum igitur columba, non fuerit Spiritus sanctus: sed signum solum Spiritus sancti, ideoq; per tropum hæc de S.S. dici necesse est.

*Quod*

Quod autem de Filio Dei dicitur: Eum visum esse, id propter unionem hypostaticam dicitur, quòd Deus & homo in Christo sint una persona. Id verò de Spiritu sancto & columba locum habere non potest, quòd non hypostaticè unita fuerit columba, & S.S. sed columba signum tantum fuerit S. sancti.

In eo etiam, ut tua pace dicam, mihi errare videris, & non rectè agere: quòd putas verborum Cæna Dominica explanationem ex alijs Testamentis & Scriptura locis non sumendam esse.

Et quamvis fateor, non eandem simpliciter rationem Baptismi & Cæna Domini esse: tamen non negari potest Sacramenta aliquid commune habere: Idque non solum in nouo, sed etiam veteri Testamento, si cum illis Sacramenta noui Testamenti conferantur, sicut de circumcisione dictum est, quòd sit fædus, hoc est, signum fæderis: Sic quoque dici panis in Cæna Domini est corpus Christi, hoc est, signum corporis Christi.

Quod verò de Petro dixisti, quem Christus Sathanam appellauit, ubi vocabulo Sathana, non Diabolum sed aduersarium intelligas: fateor, me talem explanationem non legisse, neque à quoquam sic explicatum esse existimo.

Neque ignoras, Bernbardum verba Cæna Dominica, similitudine seu exemplo annuli explicare, qui à sponso peregrè proficiscente sponsa datur, ad conseruandam sponsi memoriam, donec reuersus fuerit: Sic Christum panem cænae sponsa sua Ecclesia dedisse ad conseruandam sponsi sui memoriam, donec ad iudicium reuersus fuerit. Vbi sine tropo dici non potest, quòd annulus sit sponsus, sed signum, & memoriale sponsi, quod sponsam de ipsius reuitu, perpetuò commonefaciat.

# 60 Colloquium Mompelgartense

D. I A C O B V S.

*r.*  
Ioannes ipsum Spi-  
ritum sanctum vidit.

Matth. 3.

Luc. 3.

In exemplo de Spiritu sancto & columba, in qua se ipsum S. S. reuelauit, nullum tropum inesse supra satis dictum est. Nam quod Iohannes vidisse dicitur, non signum Spiritus sancti, sed ipse Spiritus sanctus erat: sicut verba textus aperte sonant: *ET VIDIT SPIRITVM SANCTVM DESCENDENTEM SICVT columbam, & venientem super eum.* Non dicit: & vidit Iohannes columbam descendantem, quæ Spiritum sanctum significauit. Item, descendit Spiritus sanctus corporali specie, tanquam columba in ipsum. Vbi quæso, aut in quo vocabulo est figura aut tropus, si omnia & singula accuratissimè excutias?

Simile de homine  
velato.

Et si autem Iohannes Spiritum sanctum in proprietate substantiæ & essentiæ Diuinæ non vidit, qua ratione tanquam spiritus & nihil corporeum, inuisibilis est: Vidit tamen verè ipsum Spiritum sanctum in ea forma, in qua se reuelauit, videlicet in specie columbæ. Quæ columbæ species, non est tropus aut figura Grammatica. Quemadmodum si quis hominem velatum facie, & toto corporis habitu rectum videat: verè dici potest, quod talem hominem viderit, sed ea duntaxat forma, quæ in ipsius oculos incurrit. Vbi similiter quoque tropus nullum locum habere potest, quasi signum duntaxat, & non ipsum hominem præsentem viderit. Et nusquam scribitur, quod Iohannes viderit columbam, quæ Spiritum sanctum significauerit, sed aperte dicitur: Iohannes vidit Spiritum sanctum descendantem: vbi Spiritu sancto, propter formam & speciem, in qua apparuit, & propter realem, non figuratam, aut significatiuam præsentiam, tribuitur, quod non Spiritus S. sed columbæ proprium. Idque  $\epsilon\tau\ \phi\acute{\iota}\nu\tau\epsilon\upsilon$ , sine omni figura aut tropo.

Visitata forma lo-  
quendi, non figu-  
rata.  
Demonstratio pro-  
nominis H O C.

Deinde, nouerunt omnes, cum duæ res coniunguntur & simul exhibentur, quod nobilius & præstantius duntaxat nominetur, & denominationem à nobiliore fieri. Sic diuersa genera vini, hospes in diuersis poculis aut vitris apponens, in-

quit

quit: Hoc est rubrum vinum: hoc est album vinum: hoc est Rhenense, hoc est Allaticum. Vbi Pronomine (HOC) in omnibus illis enunciationibus monstrantur duo, videlicet vitrum, quod continet vinū, & vinum, quod continetur in vitro: nec tamen vitrum, sed vinum tantum tanquam nobilius & præstantius nominatur.

Hæc ratio loquendi minimè tropica est aut figurata, sed simplex & vsitata in omnibus linguis: quæ intelligitur, sicut verba in propria sua significatione accepta sonant. Quoniam hoc ipsum, quod datur, reuera est vinum eius speciei, quæ nominata est. Neque enim vel dicitur, vel intelligitur: Hoc vitrum significat rubrum vel album vinum: Aut, hoc vitrum est figura & signum vini, significans vinum. Sed quemadmodum dicitur: hoc est vinum rubrum: sic in verbis Christi Pronomen (HOC) vtrumque monstrat, panem & corpus Christi: sed nobilius tantum nominatur, ad cuius dispensationem & perceptionem panis seruit. Similiter quoque in reliquis verbis nullus est tropus, sed literalis & grammatica significatio singulorum. EST, reuera ESSE: Corpus verum corpus: ME VM, Christi & non alterius, significat vel enunciat. Cum igitur propriæ significatione singulorum vocabulorum in verbis Christi trementur: quomodo ergo tropus illis inesse potest? Ex quo intelligitur, non modo non Tropicam esse illam locutionem, sed etiam adeo absurdam eius Tropicam explicationem, vt etiam res ipsa eam ferre non possit, sicut explicatum est.

A Regula de comuni formula loquendi in omnibus linguis.

Pronomen (HOC) quid in verbis Christi monstret.

Eadem planè ratio est de Filio Dei, de quo scribit Ioannes: Quod erat ab initio, quod audiuius, quod vidimus oculis nostris, quod spectauimus, quod manus nostræ contrectauerunt de Verbo vitæ. Et si enim visibilis humana natura, aliter cum Filio Dei, quam columba cum Spiritu sancto, & quidem hypostaticè, vnita est: tamen quoad externam visionem, & realem præsentiam vtriusque, eadem prorsus est ratio. Sicut enim Filius Dei & Spiritus sanctus proprietate Diuinæ naturæ inuisibiles sunt: sic non nisi in externa visi-

2.

An Apostoli Filium Dei verè viderint, an tropice.  
1. Ioan. 1.

H 3 bili



## 62 *Colloquium Mompelgartense*

bili assumpta natura visi sunt. Non autem per tropum, figuratiuè, aut significatiuè: sed verè & realiter, præsentés, non absentes.

3.  
Analogia Sacramen-  
torum Vet. & Nou.  
Testamenti.

Quod ad Analogiam Sacramentorum Vet. & No. Testamenti inter sese attinet: fateor ea quædam communia habere: Quod videlicet, simul omnia verbo & elemento constant: quod sunt sigilla gratiæ, gratiæ remissionis in Christo, & propter Christum promissæ. Ex eo autem minimè sequitur, quod per omnia eorundem eadem ratio sit.

Quantum enim discrimen sit inter Sacramenta veteris & noui Testamenti, videlicet, quantum umbra a corpore differt, supra ostensum est.

4.  
De Analogia Baptis-  
mi ad Cœnam Do-  
mini.

Et de Analogia Baptismi ad Cœnam Domini quoque dictum est, cur non Baptismus, sed Cœna Domini duntaxat Testamentum ab Euangelistis dicatur. Siquidem de singulis Sacramentis secundum præscriptum verbi Dei loquendum & sentiendum est. Est quidem Christus in utroque Sacramento præsens: sed in Baptismo regeneramur, non cibo aut potu reficimur. In Cœna autem Domini reficimur cibo & potu spiritali, non regeneramur.

5.  
Vocabulum (signū)  
vbi & quomodo, in  
Sacramentis locum  
habeat.

Signum fœderis, & ipsum fœdus differre concedo: cum per signum fœderis sigillum appensum solum intelligatur. Circumcisionem autem sola externa ceremonia sine verbo constare, constanter nego. Sicut enim in externis Testamentis, membrana sine sigillo, & sigillum sine membrana nullam auctoritatem habet: Sic Christus quoque propter nostram infirmitatem & imbecillitatem fidei nostræ, membranam, hoc est, promissionem Euangelij cum sigillo, & sigillum cum membrana, hoc est, promissionem & sigillum coniunxit, & sic tanquam perfectum Testamentum suæ Ecclesiæ commendauit & reliquit.

6.  
Quomodo Petrus  
Satan appellatus sit.

Quod per Satanam in verbis Christi ad Petrum dictis: vade post me Satan: nō diabolum, sed aduersarium intelligam & explicem: ad iudicium peritorum Hebrææ linguæ prouoco, quibus significatio huius Chaldaici vocabuli nota est: qua lingua

lingua Christus inter Iudæos, tanquam eius temporis post reditum ex Babylone populo Iudaico vernacula, locutus fuit. Quod enim generale hoc vocabulum Sarhan diabolo tribuitur, in causa est, quoniam diabolus summus Dei aduersarius est: sed hoc nihil obstante, etiam in generali significatione Christo licuit aduersus Petrum vti, qui non tanquam Diabolus odio, sed amore Christi, hanc errabundam vocem edidit, propter quam à Christo reprehenditur & Sarhan appellatur.

Similitudo annuli ex Bernhardo allata, non latius extendenda est, quam verba Auctoris permittunt. Sic enim sonant verba Bernhardi: Vt de vſualibus ſumamus exemplum: Datur annulus abſolute propter annulum, & nulla eſt ſignificatio: Datur ad inueſtiendum de hæreditate aliqua, & ſignum eſt, ita vt iam dicere poſſit, qui accipit: annulus non valet quidquam, ſed hæreditas eſt, quam quærebam. Item, vt inueſtitur Canonicus per librum, Abbas per baculum, Episcopuſ per Baculum & Annulum ſimul: ſicut, inquam, in huiuſmodi reb. eſt, ſic & DIVISIONES GRATIARVM, diuerſis traditæ ſunt Sacramentis. Ex quibus manifeſtū eſt, Bernhardum per ſimilitudinem annuli nequaquam ſubſtantiam Sacramenti Cœnæ, ſed eius vſum & ſinem duntaxat declarare voluiſſe: qua ratione ſimilitudo optime quadrat.

Quòd autem ad ſubſtantiam Sacramenti detorquetur, quaſi panis ſit duntaxat ſignum corporis Chriſti in ſacra Cœna: hoc Bernhardo nunquam in mētem venit, ſed cum ipſius expreſſis verbis pugnat, quæ in ſequenti ſermone de Cœna Domini extant: cum autem (inquit) vnum ſit Sacramentum, TRIA ibi DISCRETA proponuntur: ſcilicet ſpecies viſibilis, VERITAS CORPORIS, & virtus gratiæ ſpiritalis. Et iterum: Tria quippe in Sacramento altaris attendere debes, ſpeciem panis, veritatem carnis, & virtutem gratiæ ſpiritalis. Haſtenus Bernhardi verba. Nihil igitur ſimilitudo annuli facit ad confirmandum tropum in verbis Teſtamenti Chriſti: quem neque Bernhardi, neque Chriſti verba admittunt,

Ex qui.

7.

Bernhardus in ſermone de Cœna Domini.

“ Similitudo de annulo.

Abuſus ſeu peruerſa interpretatio ſimilitudinis de annulo.

“ Bernhardi fides & Confefſio de Cœna Domini.

## 64 Colloquium Mompelgartense

Τὸ ἁπλῶς

verborum Testamenti Christi firmum.

Ioan. 6.

Simplex fides discipulorum Christi de Cœna Domini.

Ex quibus omnibus manifestum est, nos nulla prorsus necessitate vrgeri, vt à simplici & literali sensu verborum Testamenti Christi recedamus, sed ea τὸ ἁπλῶς intelligenda, & simplici fide accipienda esse: quemadmodum sine dubio discipuli Christi simpliciter, fide illa acceperunt, memores illius Petri Apostoli: Quò ibimus? verba vitæ æternæ habes. Hoc crediderunt discipuli, & in verba Christi non curiosè inquirunt, nec rationi humanæ aut sensibus indulgent, qui nihil præter panem & vinum, suis oculis externis videbant: sed verbis Christi intendentes, quæ verba vitæ esse sciebant, simpliciter credunt, Christum dare corpus suum manducandum: M O D V M præsentia Christo commendant, ipsi verò obedientiam præstant, & faciunt quod iubet Christus. Nisi enim simpliciter hoc credidissent: sine dubio Christum interrogassent, quomodo hæc ipsius verba: Hoc est corpus meum: intelligenda essent. Quod alias sæpe ab ipsis factum est, quoties rem aliquam non intellexerunt, aut dubitarunt.

Idem alibi nos Caluinus quoque facere iubet, qui dicit: Mysterium esse, quod omnem humani ingenij captum excedat, quodque magis in se ipso experiatur, quam intelligat: In eo si absque omni fuco & Sophistica permaneremus, neque aliud ore loqueremur, aliud corde cogitaremus: tota hæc controuersia feliciter sopita & prorsus sublata esset.

Cœna Domini est Mysterium intellectum humanum excedens.

A verbis Testamenti Christi, & eorum simplici literali sensu, non recedendum.

Quod quidem ex parte nostra semper iam inde ab exordio huius controuersia Lutherus, & nos vnà cum illo testati sumus, nos modum præsentia corporis & sanguinis Christi in sacra Cœna non scrutari, aut definire, sed omnipotentia & veritati Christi committere, qui M O D V M nouit, quem nos nō intelligimus: cui nos simpliciter fide subiicimus. Idem nunc quoque coram Illustriss. Principe, & præsentibus auditoribus omnibus repetitum esse volumus, nos neque debere neque posse à simpliciter, verbis Testamenti Christi, & simplici eorum sensu & intelligentia recedere, nisi velimus corr-

corruptores & perueriores Testamenti Christi euadere : quod minime faciendum est.

Si enim leges ciuiles violatoribus humanorum Testamentorum grauissimas poenas decernunt, vt infamia notentur, & parte hereditatis ipsis destinata & in Testamento legata, excident : quid violatoribus Testamenti Filij Dei, à Christo expectandum erit ?

Pœna violatoribus Testamentorum decreta.

Quapropter in simplici sententia & fide verborum Testamenti Christi permaneamus, etiam si sensus noster, & ratio eam non capiant. Qui enim ambulat simpliciter, inquit Salomon, securè & confidenter ambulat : qui autem deprauat vias suas, manifestabitur. Neque metuendum est, ne forte propter simplicitatem hanc fidei, à Christo in nouissimo die accusemur aut damnemur : quippe quæ illi laudem omnipotentis & veritatis tribuit, quantumvis rationi humane absurdum videatur, quod creditur. Et perpetuò memores simus grauissimæ admonitionis Pauli, quæ ad Corinth. extat : Adiunxi vos vni viro, vt virginem castam exhibeam Christo : sed metuo ne quâ fiat, vt quemadmodum serpens Euam decipit versutia suauitate corrumpantur mentes vestre à simplicitate in Christum.

Prouerb. 10.

Simplicitatis fidei securitas & fiducia.

2. Cor. 11.

A simplicitate fidei non recedendum.

Simplicitas Deo grata, & in Ecclesia necessaria est : siquidem maximus numerus eorum est, qui non sunt doctores, non eruditi, qui tropos & figuras ignorant : qui Deo plus probantur, & placent, quàm sapientes, & secundum carnem eruditi & docti. De quibus Christus ait : Gratias ago tibi Pater, quòd hæc absconderis à sapientibus & prudentibus, & reuelaueris ea paruulis. Inter hos nos quoque numeramus, & simpliciter credamus : sic Deo gratissimi discipuli erimus, & securissimè ac tutissimè ambulabimus.

Simplicitas fidei Deo magis grata, quàm sapientia mundi.

# 66 Colloquium Mompelgartense

D. BEZA.

1. Reuerende D. Doctor, videris mihi non manere in statu proposito. Non enim negamus, corpus & sanguinem Christi verè adesse, & verè dari in Cæna & percipi, qua pane et vino Cæna Dominica significantur. Neque etiam negamus: Panem esse corpus Christi: Vinum esse sanguinem Christi: sed disputatio est, quo sensu hæc dicantur. Nos modum sacramentalem vulgatum esse dicimus, omnibus Sacramentis in veteri & nouo Testamento communem, quo videlicet corpus & sanguis Christi significatur & representatur: quo presentie modo menti adesse dicuntur, qua in cælum eleuata suis cogitationibus Christo perfruitur.

4.  
Significatio sacramentalis.

2. Significationem autem hanc sacramentalem dicimus minime nudam esse rerum significatarum externam representationem, qua mens tantum admoneatur ad id concipiendum, quod sensibus obijcitur: qualis est imaginum & picturarum usus vulgaris: sed quod ad Deum attinet, semper cum ea coniunctam esse ipsarum rerum significatarum veram animis nostris oblatam præbitionem.

3. Modum verò perceptionis, Mysterium esse dicimus: credendum quod ratio non intelligit, sed sola fides capit: Quod videlicet, sumus os ex ossibus, & caro ex carne eius: quod Christo capiti tanquam membra coniungamur, & cum ipso uniamur.

4. Et sic Dominus Calvinus sentit, quando scribit: Mysterium esse, quod captum humani ingenij & intellectus excedat. Non enim loquitur de coniunctione signorum & rerum signatarum: sed de perceptione, qua fit per fidem in usu Cæna Domini. Et hoc ipsum mirabile est, corpus Christi absens & in cælo permanens, præsens tamen per fidem in sacra Cæna creden-

credentibus præberi & exhiberi. Menti enim, non corpori aut panis præsens est corpus Christi per fidem.

Ideo de Abrahamo inquit Christus: Abraham desideravit videre diem meum, & vidit & gavisus est. Sic omnes Patriarchæ per fidem Christum præsentem habuerunt, non minus quàm nos. Illi enim in venturum crediderunt: nos venisse illum credimus.

Quod ad dictum Augustini: Hoc accipite in pane, quod pendit in cruce: Hoc bibite ex calice, quod effluxit ex Christi latere: ad perceptionem rerum oblatarum referendum est, non ad præsentiam corporis Christi, eo loco, ubi panis est. Et hoc videtur maius mysterium, cum res abesse, & tamen dari dicitur.

Sic visus est Spiritus sanctus in illa columba, quia Spiritum sanctum significabat: non autem visus est is, qui est inuisibilis. Sic panis Sacramentum corporis Christi est, quod corpus Christi absens, & non nisi in cælo & non in terra existens, significat.

Præterea, veritas corporis Christi non concedit, corpus Christi eo loco præsens esse, ubi panis Cæna distribuitur: quod tantum in loco est, & non in terris, usque ad diem extremi Iudicii.

Neg. etiã negari potest, Synechdochen tropum esse: quem vestri in verbis Cæna Domini admittunt.

De Baptismo quoque certum est, quod sit sigillum Testamenti Christi: quo peccatorum remissio, non minus quàm in Cæna DOMINI obsignatur. Non minus ergo Testamentum Christi dici potest secundum vestrã sententiam: quamvis & in Cæna Domini Christus non dixerit, corpus suum esse novum Testamentum.

8.

9.

10.

11.

12.

13.

14.



D. I A C O B V S.

Testamentum nouum.

Vt ad vltimum primò respondeam, quòd Cœna Domini à nobis Testamentum appellatur: ex qua causa id fiat, suprà satis dictum: & phrasis Hebræa in verbis Lucæ & Pauli explicata est, qui poculum Cœnæ Domini apertè Testamentum appellant, non autem simpliciter, sed in sanguine Christi. Neque enim vel poculum, vel panis, vel corpus, aut sanguis Christi, sed hoc totum Testamentum nouum est, quod verba institutionis Cœnæ Domini complectuntur: Idque verè & propriè est, & sine omni tropo, quod nulla ratione refutari potest. Cum igitur verba & phrasin Spiritus sancti sequamur: iniuste hoc in nobis reprehenditur.

Cur Christus &amp; Apostoli cœnam Domini Testamentum N. appellauerint.

Et non ignoramus Christum non dixisse: Corpus meum est nouum Testamentum. Sed cum Lucas & Paulus, hoc de poculo apertè ponant: quis Spiritum sanctum in Apostolis tanquam falsarium accusabit? Qui authorem Christum secuti, sine dubio ad fœdus veteris Testamenti respexerunt (de quo Exod. 24. scriptum, & suprà satis dictum est) vt discrimen vtriusq; Testamenti, veteris & noui, in Sacramentis, omnibus fidelibus, vel his duobus vocabulis (*NOVVM TESTAMENTVM*) probè inculcetur.

I.  
Non de modo, sed de vera & reali præsentiâ corporis & sanguinis Christi in cœna Domini, controuersia est.

Quòd autem D. Beza dicit: nullum de vera & reali præsentiâ corporis & sanguinis Christi in Cœna Dominica, sed solum de modo præsentiæ certamen esse: vtinam verum esset. Sic enim omnis controuersia sublata, & ab Ecclesia diu desiderata & expectata concordia in hoc articulo restituta esset.

Verus controuersias status in controuersia de cœna Domini.

Nam non semel, sed sæpe, & iam inde ab exordio huius controuersiæ, nostri semper & apertè testati sunt, se de modo præsentiæ nolle cum quoquam contendere: qui nobis absconditus, rationi humanæ incognitus, & soli Deo notus sit. Modo aduersarij nostri, candidè & syncerè, veram præsentiâ fateantur. Sed res ipsa loquitur, diuinationem & controuersiam non de modo præsentiæ, sed de ipsa præsentiâ esse, an cor-

an corpus Christi in Cæna verè & realiter in terris adfuit:  
NON N QVOMODO ADSIT.

Ad quam quæstionem D. Beza iam pridem apertè respondit: corpus Christi nobis in Cæna Dominica non aliter adesse, quàm sicut Abraham affuerit. Hic ad iudicium omnium auditorum prouoco, an non hoc sit apertè præsentiam corporis & sanguinis Christi in Cæna Domini negare, & asserere corpus Christi in Cæna Dominica prorsus non adesse? Nam tempore Abraham corpus Christi nondum conceptum aut natum fuit. Quòd autem non est, quomodo realiter cuiquam adesse potest? Denuò hic ad iudicium auditorum prouoco. Nihil enim dubito, omnes etiam mediocriter institutos hoc intelligere posse.

D. Beza veram præsentiam corporis & sanguinis Christi aperte negat.

Quapropter apertè & ingenuè fatemur, nos hanc sententiam seu opinionem minimè probare, neque aduersarijs nostris vnquam assentiri posse. Nam apertè contrarium docemus, videlicet: corpus Christi, quod tempore Abraham nondum natum erat, non modò natum, sed etiam ad dexteram virtutis Dei collocatum, & in Eucharistia verè & realiter respectu sui, adesse, secundum aperta verba Christi: Hoc est corpus meum: quæ vox, neque ad Abrahamum, neque ad vllum alium Patriarcharum aut Prophetarum facta est: quibus omnibus Christus secundum carnem absens, & non præsens fuit.

Verè præsentia corporis & sanguinis Christi in Cæna Domini, assertio.

Qua ratione omnes vident, nos non de modo præsentia, sed an præsens sit, solum disputare. Quod autem de veritate corporis Christi opponunt, quòd simul & eodem tempore in pluribus locis præsens esse non possit: Respondemus: ingens discrimen esse, inter corpus Filij Dei, & corpus Petri. Et si enim substantia & essentia corporis Christi, corpori Petri, excepto peccato, similis est, & nostra quoque corpora, corpori Christi glorioso conformia erunt: hoc tamen nihil obstante, corpori Christi, respectu nostrorum corporum, eiusmodi propria & prærogatiuas tribuit Scriptura sacra, quibus omnes creaturas etiam Angelicas superat. Quæ enim Analogia & proportio est corporis inanimati ad animatum: eadem

Discrimen inter corpus Christi, & corpus Petri aliorumque sanctorum.

Philip. 3.

Hebr. 2.

Analogia corporis animati ad corpus Deificatum.

## 70 *Colloquium Mompelgartense*

& longè maior est corporis animati, ad corpus Deificatum, sicut Patres locuti sunt. Verbigratia, mensa hæc, cui assidemus, corpus est, præditum sua longitudine, latitudine, & profunditate. Oculi meus etiam est corpus, habens suas dimensiones, longum, latum, & profundum. Oculi autem meus, quantumvis minutus, videt, & in momẽto hæmisphærium cœli complectitur, non quia corpus est, sed quia animatus, hoc est, cum anima vnitus est. Mensa non videt, neque hoc præstare potest, quia caret anima. Nec propterea definit oculi esse corpus, quod præstare potest aliquid supra omnia etiam maxima corpora inanimata. *Si hoc potest præstare corpus animatum: quid non præstaret corpus Deificatum: hoc est, à Dei Filio, in vnitatem personæ assumptum?* Ideo Christus non simpliciter dicit: Accipite, hoc est corpus: sed addit, *MEVM*, hoc est, Filij Dei corpus, quod viuificam vim omnem à Filio Dei hausit, vt viuificare possit, quod nullius sancti hominis corpori datum est.

*Prærogatiua corporis Christi Deificati.*

Hoc corpus in veteri Testamento nondum fuit: nedum, vt à Filio Dei in vnitatem personæ assumptum esset. Ideoq; sua essentia præsens non fuit. Nunc verò non solum existit, sed etiam factum est Filij Dei corpus, & ad dexteram virtutis & omnipotentia Dei (quæ neque locus, neque in loco est) collocatum est: & inde habet diuinum, cœlestem, & supernaturalem modum, vt adesse possit, quod Petri, Pauli, & omnium Sanctorum corporibus negatum est.

Quod autem ex Christi dicto, de Abrahamo assertum: Abraham vidit diem meum, & gauisus est: nihil ad rem presentem facit. Non enim presentem vel vidit vel habuit Abraham Christum: neque Christus hoc dicit: sed vidit *DIEM EIVS FUTVRVM*, & Christum *VENTVRVM*: Quare ratione cum vidisse dicitur.

*Abraham quomodo vidit diem Christi.*

*Luc. 10.  
Alia visio Christi in  
Apostolis, quàm in  
Abrahamo.*

Ideo Christus inquit discipulis suis: Beati oculi qui vident, quæ vos videtis: quia multi reges voluerunt videre, quod vos videtis, *ET NON VIDERUNT*. Et de Simone scriptum legimus, ei responsum datum, non visurum mortem

tem, priusquam Christum Domini **VIDERET**: quem in  
vlnis gestans, clamauit: Nunc dimittis seruum tuum Domi-  
ne, Quia **OCVLI MEI VIDERUNT** salutare tuum.  
Alia ergo est præsentia Christi in nouo Testamento, quam  
in veteri, tempore Patriarcharum & Abrahæ. Nunc enim  
hic homo præsentiam suam promissit: Vbicunque sunt duo  
aut tres congregati in meo nomine, sum in medio ipsorum:  
quem Patres venturum, non autem præsentem crediderunt.

Matth. 18.

Fallitur autem Beza, vt pace eius dixerim, quòd præsen-  
tiam Christi secundum carnem, sola fide, hoc est, duntaxat  
respectu nostri definit: qua fides ipsum præsentem faciat, quæ  
omnibus temporibus vna sit. Idque similitudine castris ex-  
plicat, quod eminus positum visio præsens faciat, si quis ocu-  
los aperiat: sin vero claudat, absens sit. Sic fidem præsens  
efficere corpus Christi in Cæna Domini: qua si quis careat,  
Christi corpus ei quoque non adesse, sed abesse. Quod nos  
aperte negamus. Præsentia enim corporis Christi in Cæna  
Dominica, non à fide aut cogitatione nostra de Christo pen-  
det, quam neque fides efficit, neque incredulitatis impedit:  
sed definitur personà Christi, & verbis institutionis eius.  
Quia enim Filius Dei omnipotentis corpus est, ideo adesse po-  
test, & reuera adest, siue quis credat, siue non credat. Et quia  
dixit, hoc est corpus meum: ideo cerò adesse minime dubi-  
tandum est.

Fides non facit  
Christum præsen-  
tem.  
Simile de castro.  
Beza in præfatione  
libri, de verbis Cy-  
rilli.

Præsentia corporis  
Christi non pendet  
à fide nostra, sed  
ipsius Christi com-  
municata omnipo-  
tentia.

Requiritur quidem fides ad Christi salutarem præsen-  
tiam, ne ad iudicium corpus eius accipiatur: sed ipsam præ-  
sentiam minime efficit. Nam Christus non modo pñs præ-  
sens est: sed etiam in medio inimicorum suorum dominatur,  
non absens, sicut castrum absens perpetuò manet, siue quis  
oculos aperiat, siue claudat, nisi corpore suo accedat: sed præ-  
sens inimicis suis, omnibus locis & temporibus domina-  
tur: adeoque longè præsentior, quam hostes sibi ipsi præsen-  
tes sunt.

Fides reddit præsen-  
tiam corporis Chri-  
sti salutarem.

Non localis autem est hæc præsentia, sed diuina, cœlestis  
& supernaturalis: quam caro Christi à Filio Dei habet, cum  
quo

Carnis Christi præ-  
sentia non localis,  
sed cœlestis & super-  
naturalis.

## 72 *Colloquium Mompelgartense*

quo vna persona est. Quia non nos ad illum, sed ille ad nos accedit, vel ad vitam, vel ad iudicium.

Simile de Magistratu.

Quemadmodum enim Magistratus respectu sui ex æquo adest bonis & malis: his ad poenam, illis ad gratiam: & vnus idemq; Magistratus est, qui contraria operatur: Idem ipsum Paulus de Christi præsentia in Cœna Dominica concionatur. Christus enim non solum saluator, sed etiam iudex est, secundum illud Ioan. 5. Pater neminem iudicat, sed omne iudicium dedit filio, quia filius hominis est.

Præsentia Sacramentalis corporis Christi in Cœna Domini à qua virtute dependat.

Præsentiam ergo sacramentalem corporis Christi, nequaquam fide definimus, sed communicatione virtutis diuinæ, ad quam caro Christi ad dexteram Dei collocata, euecta est: & verbo institutionis, cuius veritatem incredulitas hominum irritam facere non potest.

Quomodo præsentiam corporis Christi in Cœna Domini, Beza definit.

Id cum aduersarius neget: manifestum est, nullam eum prorsus præsentiam veram & realem corporis Christi in terris credere, vbi Cœna Domini celebratur. Non enim ratione personæ secundum verbum, sed ratione fidei duntaxat præsentiam hanc definit. Quod nō modo cum expresso verbo Dei, sed etiam cum totius antiquitatis pio consensu pugnat: sicut aliàs demonstratum est.

Consensus de participatione beneficiorum Christi.

Quod ad beneficia Christi attinet, eiusque meritum: nulla vnquam lis aut contentio inter nos fuit, eorum Patriarchas & omnes fideles in V. Testamento non minus in suis Sacramentis, (quæ vmbra futurorum erant) quàm nos per veram fidem in vsu nostrorum Sacramentorum, participes factos esse. Qua ratione Christus est hodie, heri, & in seculum: & iam inde ab origine mundi agnus occisus: manente interim præsentiæ ratione lōgè diuersissima, quod nunc propior nobis sit salus, quàm cum illi crediderunt, Apostolo teste.

Hebr. 13.  
Apoc. 13.

Rom. 11.

Sed dabit mihi Reuerentia tua veniam, quòd ad primum caput tuæ orationis fuerim prolixior. Volui enim paulò copiosius ea exponere, vt quæ nostra sit sententia, & quis status nostræ disputationis verus & proprius sit, intelligeretur. Nunc ad reliqua capita breuiter respondebo,

Nam

Nam quòd dicitis, vos non negare, panem esse corpus Christi: cum Metonymiam statuat, vos contrarium sentire, suo loco docebimus.

2.  
Metonymia cum vera præsentia pugnat.

Modus autem sacramentalis præsentig, quòd non sit idem in veteri & nouo Testamento, nunc copiose explicatum & probatum est.

3.  
Præsentia Relatiua & significatiua, non est rei præsentia.

Eti enim dicitis, non esse nudam significationem, aut representationem, qualis est imaginum aut picturarum vsus vulgaris: nihil tamen hoc ad præsentiam veram asserendam facit. Talis enim præbitio corporis & sanguinis Christi, etiam in Sacramentis veteris Testamenti fuit, qua illis beneficia Christi applicata, ideoque ipse Christus donatus fuit. Non autem propterea illis substantia carnis affuisse dicitur, sicut nunc nobis adest.

4.

Et manet quoque perceptionis Mysterium, quæ sit per fidem, qua Christo coniungimur, & caro de carne, & os de ossibus eius efficimur. Non autem per hanc præsentiam corporis Christi, tollitur Mysterium, quo Christus cum pane corpus suum realiter præsens, ad confirmationem manducationis per fidem factæ, verè & realiter exhibet.

5.  
Mysterium perceptionis, non tollit Mysterium præsentia.

Caluinum quoque de hoc posteriore Mysterio, sua verba intellexisse, ex commentario eius in Ioannem liquet: Vbi monet, eos toto cœlo errare, qui opinantur, vnam & eandem manducationem corporis Christi Ioannis sexto, & in Cœna Domini, esse: Item, qui opinentur, MANDVCARE corpus Christi in Cœna Domini idem esse, quod credere, Ioan. 6. Ideo nihil certius est, eum locutum de coniunctione signorum cum rebus signatis. Quapropter falsum est, quod vos in Thesibus vestris dicitis: perceptionem Christi, siue in simplici verbo, vt Ioan. 6. siue in Sacramentis, vt in institutione Cœnæ Domini, EANDEM ESSE.

6.  
Manducatio Sacramentalis corporis Christi, mysterium. MANDVCARE corpus Christi & credere in Christum, forma differunt & re ipsa. In Respons. ad Thes. i.

Quòd autem non sit mirabile, corpus in cœlo existens & permanens, in terris per res terrenas Relatiuè significari & re præsentari, & eorum vsus communicari: omnibus notum est.

Nihil mirum in relatione, sed vsuatum.

K

Sic



## 74 *Colloquium Mompelgartense*

8. Sic Christus non dicit: Ego præsens fui Abrahe. Sed dicit: Abraham venturum non præsensem Abraham desideravit videre diem meum, videlicet, venturum, non ipsi præsensem: & vidit ipsum Christum venturum, non præsensem: de quo paulo antè satis est dictum.

9. Quod ad Augustini locum attinet: quoniam ex calice iubeat bibere, quod fluxit ex Christi latere: non de spiritali perceptione eum loqui, verba apertè docent. Nam ex calice bibere iubet, non ex calice credere, quod fluxit ex Christi latere. Ore fit illa perceptio, de qua sola sermo est, non fide tantum.

10. Spiritum sanctum verè & non tropicè aut significatiuè visum, paulo antè explicatum, & demonstratum est: quamvis non in propria, sed in assumpta forma, seu specie columbæ visus est.

11. De veritate autem corporis Christi, quod dicitur: quomodo præsentiā eius veram & realem, illam supernaturalem & cœlestem, non tollat: analogia corporis animati & Deificati, demonstravi.

12. Quod ad Synecdochen atinet: verum quidem est, cum aduersarij Lutheri, vsque adeo figuris delectarentur, Lutherum quemadmodum & Brentium respondiisse, cur loco Metonymiæ non potius Synecdochen arripuerint, quæ & ipsa inter figuras numeraretur, & præsentiā corporis & sanguinis Christi in Cœna non tolleretur. Quamvis enim figura sit: immerito tamen inter tropos refertur. Neque enim hic Nomen pro nomine ponitur: neque Christus dicit: Panis est corpus meum, sed inquit: hoc est corpus meum. Vbi Pronomine (HOC) duo demonstrat: quorum alterum ad sensum, alterum ad intellectum refertur. QUID enim discipulis suis dare voluerit, verbis expressit, cum inquit: EST CORPUS MEUM. Quo autem organo & instrumento dei aut dederit: vocabulo (HOC) simul demonstravit: sed non nominavit, ne discipuli panem duntaxat manducare iussi videantur.

Synecdoche propriè non tropus.

Nullus tropus in verbis cœnæ Domini.

13. Cur Baptismus Testamentum non nominetur, suprà satis dictum est. Et nos quoque fatemur, quod Christus in Cœna non

14.

non

non dixerit : Corpus meum est Testamentum. Sed hoc nihil prohibet, quò minus descriptio integra verborum institutio-  
nis Cœnæ Domini, sit verum, perfectum & integrum Testa-  
mentum, cuius partes quoque sunt, corpus & sanguis Domi-  
ni, sicut suprà explicatum & probatum est. Et hæc hætenus.  
Posthac breuior ero.

Descriptio cœnæ  
Domini, est integræ  
& perfectum Testa-  
mentum.

D. B E Z A.

*Reuerende D. Doct̃or, Non agitur de præsentiâ, sed de tro-  
po: An in verbis Cæna Dominica tropus admittendus sit.*

1.

*Nam de præsentiâ dicimus, quòd corpus & sanguis Chri-  
sti verè in Cæna adsint. Non autem corpori, sed MENTI.*

2.

*Quam præsentiâ non ipsa fides, sed virtus & verbum Dei  
faciat.*

Qualem præsentiâ  
corporis Christi  
D. Beza in Cæna  
Domini statuat.

*Ideo longè certiozem hanc præsentiâ, qua fit per fidem,  
quàm illam esse dicimus, qua vos illum corpori adesse dicitis.  
Siquid. m res longè certius mente, quàm oculis percipiamus.  
Et interdum videmus hominem alicui præsentez, absen-  
tem esse.*

3.

*Nam quòd fides videt, verè videt virtute Spiritus san-  
cti. Quòd autem oculis videre se putat, sæpe fallitur. Qua-  
propter non omnem tollimus præsentiâ corporis Christi in  
sacra Cæna : sed illam duntaxat, qua corpi Christi, nostris  
corporibus adesse dicitur : contra autem præsentiâ statui-  
mus, qua menti præsens esse dicitur, per fidem. Fides autem  
in verba Dei respicit. Quapropter non est imaginaria præ-  
sentiâ, qua mens & fides corpus Christi absens & in cælo  
permanens complectitur.*

4.

*Præterea, corporalis hac præsentiâ, de qua vos loquimini,  
cum analogia et articulis fidei de Christo pugnat. Docent. n.  
articuli symboli, quòd Filius Dei, ex Maria virgine, verū &*

5.

6.

## 76 Colloquium Monach. Regensse

naturale corpus assumpserit circumscriptum, in quo passus, crucifixus, mortuus, sepultus, resurrexit, ascendit in cœlos, unde iterum hoc corpore ad iudicandum venturus est.

7.

Et Christum primam Cœnam celebrasse, priusquam ad dexteram Dei collocatus est. Nam post mortem, resurrectionem, et ascensionem in cœlum, demum ad dexteram Dei collocatus est in cœlestibus. Quomodo ergo ex sessione ad dexteram Dei, præsentia hæc corporis Christi probari potest? Cessante enim causa cessat etiam effectus.

8.

Peruersa explicatio  
Deificationis corporis  
Christi.

Quod ex Damasceno de Deificatione corporis Christi allatum est: non de tali Deificatione intelligendum est, quemadmodum vos dicitis, qua corpus Christi suas proprietates amisserit, & Deitas factum sit: neque Damascenus de tali Deificatione loquitur. Proprium enim corporis Christi est, *QUANTUM ESSE*, finitum & circumscriptum esse. Si igitur corpus Christi simul & semel in pluribus locis præsens esse statueretur, non amplius verum corpus esset, sed amisisset suam quantitatem, & circumscriptionem, qua corporis propria est. Quod semel Christus assumpsit, inquit Damascenus, nunquam amplius deponit.

9.

Peruersa explicatio  
donorum in humanitatem  
Christi collatorum.

Et quando Patres de diuinis donis loquuntur in carnem Christi collatis, de vniione loquuntur personali, qua Filius Dei assumptum corpus sibi vniuit, non autem in Deitatem conuertit, aut in illud diuinas suas proprietates contulit. Habitualia enim sunt dona glorificationis, quibus Christus non modo super omnes beatos Angelos ornatus est, sed etiam omnes angelos potentia, gloria, & maiestate superat. Non autem ipsa Deitas facta est eius humanitas.

10.

Fateor etiam, corpus Christi Abrahamo *ACTV* non fuisse præsens, neq. tempore Abraha *ACTV* extitisse. Inde autem consequi nego, quod simpliciter illi præsens non fuerit.

Nam

Nam fides est *πίστις* *ἡ* *ἐν* *τῷ* *λόγῳ*, hoc est, substantia rerum, *QUAE NON SVNT*: sicut Epistola ad Hebræos *Hebr. 11.* testatur. Quoniam fides intuetur in verbum Domini, in quo res promissa præsens est suo modo.

Ita credimus multa, quæ scimus facta esse: credimus secula condita. Quamvis enim creatio præterijt, tamen eam fuisse credimus: atq; hoc modo fidei est præsens: sic credimus etiam multa futura, quæ hoc tempore actu non sunt.

Et nolim sanè ego dicere: Corpus Christi tempore Abrahamæ non extitisse. Fuit enim, sed non actu. 11.

Ex quo sequitur, quòd ad veram præsentiam, non semper illa realis existentia requiratur. Fides enim etiam extra mundum emigrat. 12.

Dixisti quoq;: Beneficia Christi Patribus etiam in veteri Testamento collata esse: videlicet, remissionem peccatorum, imputationem iustitiæ, & vitæ æternæ. Num ergo vis, & credis, quod *EX NON ENTE* illa beneficia profecta sint? Nam illa beneficia pro suo *ENTE* habuerunt Christum non minùs Patribus, quàm nobis præsentem: qui etiam corporis & sanguinis Christi, non minùs participes fuerunt, quàm nos sumus in Cæna Dominica, & omnibus Sacramentis novi Testamenti. 13.

Neg. tibi concedere possum comparisonem sanguinis in veteri & nouo Testamento ex Mose allatam: quòd sanguinem Mosaicum, dicis tantùm fuisse figuram & umbram sanguinis Christi absentis, cum Mose dicit: Hic est sanguis fæderis, quod pepigit *DOMINVS* super cunctis sermonibus istis. In Cæna Domini autem esse ipsum verum sanguinem Christi: non figuram aut signum tantùm, cum Christus dicat: Hoc est sanguis meus *N. Testamenti*. *Vnus. n.* & idem sanguis est in utroque Testamento, & in utriusque Testamenti 14.

## 78 Colloquium Mompelgartense

menti Sacramentis, videlicet, verus sanguis Domini nostri Iesu Christi, fidei & menti præsens: quamuis illi crediderunt in Venturum, sicut nos credimus eum venisse, & sanguinem hunc pro peccatis nostris effudisse.

Sicut enim verus & naturalis sanguis vitulorum verum sanguinem Christi Israelitis representavit & significavit, & illorum fidei atque menti præbuit, quem effusus erat: Sic vinum benedictum in Cæna Domini representat, significat fidei & menti nostra, eiq. præbet verum sanguinem Christi, qui iam pro peccatis nostris effusus est.

16. Ex quibus omnibus constat, nos minimè negare veram præsentiam corporis & sanguinis Christi in Cæna Domini: sed eam tantum præsentiam oppugnare, qua corporibus nostris, & non mentibus præbeatur.

### D. IACOBVS.

1. Cur in verbis Cœnæ Domini tropus introductus sit.

Reuerende D. Beza, scio equidem de tropo controuersiam esse, an in verbis Christi admittendus sit: sed disputationem hanc de tropo, à vobis hanc potissimum ob causam introductam negare non potes, quia apertè negatis corpus Christi panem adesse. Ideo per tropum verba Christi necessario intelligenda esse, hætenus contendistis: quod nos apertè negamus, & contradicimus: de quo paulò post plura.

2.

Quòd autem nobis persuadere conamini, vos quoque veram & realem præsentiam corporis & sanguinis Christi in Cæna Domini credere & docere, vt controuersia magis de modo præsentiae, quàm de ipsa præsentia esse videatur: ad illud quoque breuiter respondebimus.

3.

Quomodo Beza verbis Iudæ de præsentia corporis Christi in Cæna Domini.

Dicitis vos: corpus Christi per panem Cœnæ DOMINI re præsentari, significari, & exhiberi. Dicitis quoque quòd fides hanc præsentiam non efficiat, sed virtus Spiritus sancti, & verbum. Fateor, verba splendida esse, quæ non statim ab omnibus, secundum vestram opinionem, percipiuntur & intelliguntur. Quisquis enim simplex Christia-



mus hæc audiens, arbitratur, nullū inter nos de præsentia ipsa certamen esse, sed duntaxat de modo præsentia.

Verum si explicationem expendamus, & negatiuam statim subiunctam examinemus, videlicet, **NON CORPORI AVT ORI** præsens esse: mediocriter instituitur statim animaduertere possunt, nullam veram & realem præsentiam à vobis doceri, statui, aut credi, & vos vobis ipsis apertè contradicere.

Et si enim verum est, quòd corpus Christi per panem cœnæ menti & fidei nostræ exhibeatur: inde tamen non sequitur, quòd panis non præsens sit, & ori nostro non præbeatur: sed contrarium verum esse, verba Christi apertè testantur. Quando enim Christus panem **HVNC** manducare iubet ore, cum inquit: Accipite, manducate, hoc est corpus meum: manifestum est, quòd corpus Christi non modo repræsentetur, & significetur: sed, sicut dicis, virtute Spiritus sancti secundum verbum Christi, præbeatur quoque & exhibetur. Quomodo ergo cum pane non adest, & ori non præbetur & exhibetur corpus Christi, cum panem non nisi ore accipiamus?

Quando igitur dicis, panis & ori nostro corpus Christi in Cœna Dominica non adesse, quod per hunc cibum ad immortalitatem pascitur: ne quidem menti adesse aut præberi, necessario sequitur. Mens enim in corpore est, neque ipsa sola in cœna pascitur: sed totus homo, anima & corpore constans, spiritualiter hoc cibo & potu reficitur.

Et quemadmodum mens verba Christi inuenitur, quibus simpliciter fidem habens falli non potest: sic oculi panem propositum inueniunt, quem autem Christus nō solum ore percipere iubet, sed addit: Hoc est corpus meum: neque fidei, neque mentis ullam mentionem facit, sed de manducatione loquitur, quæ externo corporis ore fit.

Si igitur corpus cum pane verè præbetur per verbum Christi: Accipite, manducate, Hoc est corpus meum: quis quæso negare potest, ori corporis præberi, & verè exhiberi: in mysterio tamen, non Capernaïtice, aut carnaliter, quemadmodum Chrysostomus spiritualia per corporalia in Sacramenti dispensari dicit,

D. Beza nobiscum loquitur: sed non nobiscum sentit. Quomodo hæc falsitas deprehendatur.

Corpus Christi non solum menti: sed etiam ori corporis præsens esse, & præberi.

Corpus Christi etiam menti non præbetur præsens, ex sententia Beza.

*Bene si spiritualiter  
non non carnaliter  
hæc enim sunt spiritualia  
spiritualiter et corpore  
valere.*

Sive-



Fidei maior vis &  
virtus, quam poten-  
tiz Christi tribuitur.

Si verò ori corporis non præbetur, neque ei præsens est, sed fidei duntaxat, & per fidem menti: absens ergo corpus Christi, quoad se, statuitur, quod non virtus Dei, sed cogitatio fidei præsens faciat: cum corpus Christi, non per virtutem Spiritus sancti præsens sit, sed necesse sit, ut fides sese in locum cœli euehat, vbi corpus Christi solum præsens est, & non in terris. Hæc vestra sententia est, in qua recitanda nihil cauillamur, aut sophisticamur. Cupimus enim vtriusque partis sententiam ab omnibus rectè intelligi: cuius rei causa potissimum hæc placida collatio, sine omni animorum acerbitate, instituta est.

4.

Beza omnem præ-  
sentiam corporis  
Christi cum suis ne-  
gat in Cœna Do-  
mini.

Ex quo manifestum est, etiamsi nequaquam videri velitis, quòd omnem præsentiam corporis Christi in Cœna Domini negetis: id tamen vos re ipsa facere, cum apertè dicatis: Corpus Christi, pani & ori nostro in terris in vfu Cœnæ **NULLO MODO** adesse: idq; duntaxat, in cœlo collocatis vsque ad extremum iudicij diem, ut vobis in terris nequaquam adsit.

5.

Imaginaria præsen-  
tia corporis Christi  
in Cœna, secundum  
D. Beza doctrinam.

Esse autem imaginariam præsentiam, quam vos fingitis, ex eo manifestum est, quòd quando de rebus absentibus cogitamus mente nostra, eas actu nobis non præsentibus sistimus: sed cogitatio duntaxat est in nobis, res ipsa autem absens manet: sicut paulò post, iisdem exemplis demonstrabo, quæ abs te allata sunt.

6.

Præsentia realis cor-  
poris & sanguinis  
Christi in Cœna  
Domini, cum analo-  
gia fidei non pugnat.

Quòd autem præsentiam corporis Christi, quam nos in Cœna Domini statuimus, veram & realem, cum analogia fidei & articulis symboli Apostolici de Christo, pugnare dicatis, quibus doceatur corpus Christi circumscriptum ex Maria virgine natum, passum, crucifixum, mortuum, sepultum, resurrexisse, in cœlum ascendisse, &c. non autem posse circumscriptionem suam retinere, si simul & semel in pluribus locis præsens statuatur: Respondemus, si physica, naturalis, aut localis præsentia corporis Christi à nobis in Cœna Domini statueretur: fateor sequi, quod hoc loco abs te colligitur,

Notum

Notum autem est ex thesibus nostris, quòd illam Physicam, naturalem & localem præsentiam non statuamus, neque vnquam docuerimus: quod nostra scripta apertè doceant.

Cum autem in responsione vestra ad Theſin nostram quartam apertè dicatis: vos ipsius corporis Christi quantumvis glorificati substantiam, non videre, posse re ipsa cum pane & vino præsentem statui *ALITER, QVAM PHYSICA ET LOCALI CIRCUMSCRIPTIONE*: omnibus auditoribus manifestum est, vos in tota hac disputatione, & omnibus libellis vestris non doctrinam Ecclesiarum nostrarum, sed vestrum figmentum oppugnare, & nobis opinionem falso tribuere, quam nunquam asseruimus, sed apertè semper damnauimus. Quod fundamentum & vnica causa est vestri erroris de Cœna Domini.

Crassa opinio Beza & sociorum eius, de præsentia corporis & sanguinis Christi.

Beza suum figmentum oppugnat.

Fundamentum & causa erroris Beza de cœna Domini.

Neque enim inter nos controuersum fuit vnquam, an corporis & sanguinis Christi substantia, physica & locali circumscriptione pani & vino Cœnæ præsens sit: sed apertè semper hanc præsentiam negauimus, sicut paulo post, amplius docetur.

In cœna Domini non est Physica & localis præsentia corporis Christi.

Quæstio autem est & fuit semper à nostris proposita: An nulla alia præsentia corporis Christi in Cœna esse possit, quàm visibilis illa, localis, physica & circumscripta: Quod nos semper negauimus, & adhuc constanter negamus. Habet enim Deus infinitos modos, quibus res præsentem sistere potest: & non solum localem illum, physicum, visibilem, & circumscriptum crassum modum, quem sensus percipit.

Verus status controuersie de præsentia corporis Christi in cœna Domini.

Dicimus ergo præsentiam Sacramentalem corporis Christi in Cœna Domini, veritatem, localitatem & circumscriptionem corporis Christi non tollere. Quemadmodum enim in prima Cœna, locale, finitum & circumscriptum corpus Christi permansit, cum corpus suum cœlesti modo discipulis suis distribueret: sic nunc quoque in gloria finitum & circumscriptum proprietate suæ substantiæ manet, & nihilominus secundum verba Testamenti Christi in Cœna

Præsentia corporis Christi sacramentalis, localitatem & circumscriptionem corpori Christi non adimit.

## 82 *Colloquium Mompelgartense*

præfens est, & cum pane non solum menti, sed etiam ori corporis præfens est, dispensatur & ore percipitur, modo cœlesti, quem solus Deus nouit: cuius potentia, & veritati nos id tribuimus, & Mysterium hoc adoramus.

7.

De Dextera Dei.

Quod verò ex Analogia fidei & articulis symboli opponis, Christum Cœnam suam Dominicam cum discipulis celebrasse, priusquam ad dexteram Dei collocatus esset, adeoque ex hac sessione præsentiam non posse confirmari: Respondeo, Articulum de sessione ad dexteram Dei, rectè & Scripturæ sacræ consentaneè intelligendum & explicandum esse.

Dextera Dei quid sit.

Docet enim Scriptura sacra, Dextera Dei nihil aliud esse quàm omnipotentiam Dei, adeoque ipsum Deum esse. Et quamuis prolixior eius explicatio ad locum de persona Christi pertinet: paucis tamen respondebo ad Argumentum, quod ex hoc Articulo ab aduersarijs iam inde ab initio huius controuersia extructum & nostris obiectum est: (Christus in cœlo ad dexteram Dei collocatus est: Ergo suo corpore in Cœna præfens esse non potest.) Cum enim Dextera Dei sit ipse Deus: Corpus autem Christi, cum Deo in vtero matris personaliter sit vnitum: manifestum est, quod corpus Christi post ascensionem in cœlum altius non potuerit exaltari, quàm in vtero matris exaltatum, hoc est, vnum personale cum Deo factum est. Hoc nemo sanus negare potest: nisi fortè quis asserere velit, aliquid ipso Deo magis altum existere posse.

Homo Christus in vtero matris iunime exaltatus.

Deus quomodo sit altissimus.

Quis sit altissimus post Deum.

Cum igitur Deus sit Altissimus, non loco (siquidem neque locus, neque in loco est Deus) sed Maestare: sequitur inde, eum qui Deo proximus est, post Deum, omnium creaturarum respectu altissimum esse, neque altiozem fieri posse, nisi in Deitatem mutaretur, quod fieri non potest.

Homo pro humanitate assumpta, phrasibus Orthodoxorum Patrum.

Docet autem fides & religio Christiana, quod *H O M O A S S U M P T V S* (sic enim vniuersa orthodoxa vetustas loquitur, ne quis nobis ignorantiam concreti & abstracti obijciat) vna persona cum Filio Dei factus sit. Ideoque etiam altissimus,

simus, & sicut Epistola ad Hebræos loquitur, ipsi cœlis sublimior factus est, idque in vtero matris, in ipsa conceptione, priusquam nasceretur. Heb. 7.

Quod autem in Symbolo Apostolorum, sessio ad dexteram Dei non modò post conceptionem & natiuitatem, sed passionem quoque, mortem, resurrectionem, & ascensum eius in cœlum, Christo tribuitur, qua super omnem principatum, potestatem & dominium exaltatus est: id respectu formæ serui, Christo tribuitur, quam post mortem demum deposuit. Cur Christus homo post mortem demum dicatur sedere ad Dexteram Dei.

Quod D. Paulus ad Philip. 2. cap. perspicuè explicat, ubi dicit: Christum, cum in forma Dei esset, non rapinam arbitratum, esse se æqualem Deo, sed semetipsum exinanivisse, formam serui accipiendo. Vbi Apostolus non dicit, quod Christus in forma serui formam Dei deposuerit: sed in forma Dei permanferit, & formam serui allumpserit, qua formam Dei operuit, quæ a puncto conceptionis perpetuò in ipso permanfit. In ipso enim omnis plenitudo Deitatis habitauit corporaliter: quam tamen non ostentauit: interdum autem miracula editurus, declarauit, & eius quasi gustum quendam hominibus amicis & inimicis præbuit. Philip. 2.  
Explicatio loci ad Phil. 2. de forma Dei, & forma serui.  
Col. 2.

Formam igitur serui ita gestauit Christus, donec opus Redemptionis generis humani perficeret: vt interim semper Dominus permanferit, sicut discipulis suis ait: Vos appellatis me Magistrum, & Dominum: & rectè facitis, quia sum. Fuit verus Dominus non modò vt Deus, sed etiam vt Homo: quoniam vna persona Deus & Homo, vnus est Christus, non duo. Christus etiam formam serui gestans Dominus permanfit.  
Ioan. 13.

Cum ergo etiam in statu humiliationis & exinanitionis, & forma Serui, formam Dei (quæ Dei ipsa dextera, & eius omnipotentia, adeoque Deus ipse est) semper rectam retinuerit, & secundum Humanitatem **I N E A F V E R I T**, neque vnquam deposuerit, sed quo ad humanitatem plenus vsus ad tempus abdicauerit: eam Manifestatem particulariter Distributio corporis & sanguinis Christi in primâ Cœna, opus est infinite virtutis communicatæ.

## 84 *Colloquium Mompelgartense*

culariter in prima Coena vſurpauit, cū corpus ſuum diſcipulis ſuis diſtribueret. Quæ diſtributio corporis & ſanguinis Chriſti, non formę ſerui, ſed formę Domini, & Maiestatis proprium opus fuit, homini Chriſto communicatæ.

Quemadmodum etiam paulò poſt in horto eandem hoſtibus ſuis, priuſquam caperetur, declarauit. Quæ, & cū duodecim annorum eſſet, inter eruditos Hieroſolymis in ipſo eluxit, & per miracula poſtea innotuit. Quamuis nihilominus ſapientia creuiſſe, & parentibus obediſſe ſcribitur.

Luc. 2.

Simplex vera & germana ſententia ſeſſionis ad dexteram Dei.

A& 2.  
Sedere ad dexteram Dei non ſignificat phyſicam locationem.

Simile de Principe peregrinante.

Poſteaquam autem opus redemptionis generis humani perfecit, & formam ſerui prout depoſuit, articulus ſymboli Apoſtolici dicit: S E D E T ad dexteram Dei Patris Omnipotentis: hoc eſt, non ſolum vt Deus, verum etiam vt homo, æquali potentia cū patre omnia gubernat, ſicut ſcriptum eſt: Certiſſimè ergo ſciat omnis domus Iſrael, quia & Dominum & Chriſtum fecit Deus hunc Ieſum, quem vos crucifixiſtis. Sedere enim phraſi Scripturę, nequaquam phyſicam locationem in articulo ſymboli, ſed cū Deo æquali potentia regnare ſignificat, quod D. Beza negare non poteſt.

Id verò vt auditores melius intelligant, ſimilitudine explicabimus. Princeps aliquis (quod non inuſitatum eſt) ad terram ſanctam profectionem adornans, ſerui habitum induit, ſecuritatis gratia, ad cauenda pericula, ne in itinere ab omnibus agnoſcatur: & in itinere præſtat etiam ſeruilia obſequia, ſtabulum & equos curat, ocreas purgat illis, qui eo longè inferiores adeoque ſerui ipſius ſunt, ipſe verò eorum Dominus eſt, & permanet. Idque facit, donec peregrinationem abſoluat. Domum reuerſus, eum habitum ſerui deponit, & non tum demum fit Princeps, quia Princeps natus eſt: ſed duntaxat adminiſtrationem ſuſcipit regni, quam aliquandiu abdicauit.

Sic Chri-



Sic Christus secundum carnem è Spiritu sancto conceptus, & ex Maria virgine natus fuit verus Dominus, non modo secundum Deum, sed etiam secundum hominem, qui Maiestatem suam diuinam, in ipsa natiuitate ita declarare potuisset, vt in totius mundi oculos summo cum stupore incurrisset: verum noluit, sed salutis nostræ causa, secundum hominem eius vsum abdicauit, quam secundum Deum immutabilis permanens, nunquam deposuit, aut deponere poruit. Post mortem autem, serui deposita forma, administrationem omnium creaturarum secundum hominem suscepit, & nunc sedere, hoc est, regnare dicitur: quod iam inde à tempore cœceptionis & natiuitatis eius, vsque ad resurrectionem ex mortuis, & ascensum eius in coelos, secundum humanitatem non fecit.

Quomodo Christus post mortem & resurrectionem ad dexteram Dei collocatus dicatur.

Est ergo æquiuocatio in verbis, [Sedere ad dexteram Dei] Nam alias significant habere hanc diuinam Maiestatem, & non exerere: alias verò non solum habere, sed etiam exerere & exercere. Illud tribuitur Christo etiam in statu humilitatis: hoc verò duntaxat post resurrectionem, & ascensionem in coelos, vbi ad dexteram Dei demum collocatus sedere, id est, vbique regnare dicitur: nec amplius seruus est, aut in serui forma, sed in Maiestate diuina se toti orbi reuelabit.

Duplex intellectus in verbis, sedere ad dexteram Dei.

Hæc igitur subsequens Maieestas, quæ in pleno vsu consistit, nihil detrahit communicationi maiestatis, quam Christus habuit in prima Cœna, forma serui tectam.

Vna Christi diuina Maieestas in statu humilitationis & exaltationis.

Neque igitur plus aut minus habemus nos in celebratione Cœnæ Domini, quam discipuli in prima Cœna Dominica habuerunt. Sed copiosior explicatio ad locum de persona Christi rejiciatur, vbi omnia plenius tractabuntur.

Ad locum ex Damasceno allatum de Deificatione hominis Christi, respondemus: non modo Damascenum, sed etiam Nazianzenum, & alios Scriptores Ecclesiasticos, corpus Christi Deificatum asserere. Εὐδοκῆς, inquit, Deificatum est: Neque Damascenus, neque nos corpus Christi Deificatum

3.  
Corpus Christi quomodo Deificatum esse dicatur.



Vni-  
ficatio Deitatis  
propria, carni Chri-  
sti communicata.

Cyrellus.

eo sensu scriptum, aut diximus vnquam, quòd in Deitatem conuersum seu Deitas effectum sit. Qua ratione etiam suum QVANTVM, suamque circumscriptionem non amisit: sed quemadmodum corpus animatū propter vnionem cum anima, alia propria quàm corpus inanimatum habet: sic Damascenus quoque corpori Christi propter personalem vnionem cum Dei Filio, propria tribuit, quæ nullius sancti hominis corpori, imò ne Angelis quidem tribui possunt. Ex quorum numero viuificatio est: quæ ita Deo propria est, vt nihil magis ei proprium esse possit: cuius vim TOTAM caro Christi hausit, & in eius dignitatem & operationem conscendit, vt ipsa quoque viuificare possit, & verè viuificet. Sicut Orthodoxi Patres vno ore, & vnanimi consensu, Cyrillus inprimis, docent & testantur.

9.

In Humanitatem  
Christi non tantum  
habitualia dona col-  
lata esse.

Quòd Patres non solum habitualia dona in humanitatem Christi per vnionem personalem collata, sed ipsius Diuinitatis propria ei verè & realiter communicata esse, aperte restentur: in loco altero de persona Christi, ad oculū demonstrabimus, quò etiam vberiore tractatum de persona Christi rejicimus, ne articulos confundamus, sed singulos suo loco tractemus. Ex quo tamen nullo modo sequitur, quòd corpus Christi in Deitatem conuersum, aut Deitas factum sit, sicut aperte ostendetur.

10.

Fides non est eorum  
quæ non sunt.  
Hebr. ii.

Hic codicem Graecum, Minister Ecclesie Geneuensis, Beza exhibuit, & hortatus esse eum, ne frustra contenderet, quia in Epistola non habentur verba, quæ ab ipso allegata sunt.

Quod faretur Dominus Beza: Corpus Christi tempore Abrahamæ actu non fuisse: tanquam confessum accipimus. Quòd autem ex Epistola ad Hebræos demonstrare conatur, non ideo menti & fidei Abrahamæ absens fuisse, quia fides sit *ἐπίσσις τῶν μὴ ὄντων*, hoc est, substantia earum rerum, quæ non sunt: Respondeo, hæc verba in Epistola ad Hebræos non reperiri. Sic enim sonant Epistolæ verba: *ἔστι δὲ πίσσις ἐλπίς τοιούτων ἐπίσσις, πραγμάτων ἐλεγχῶ δὲ βλεπομένων*, hoc est, fides est substantia rerum sperandarum, & argumentum earum, quæ non videntur. Longè verò aliud est, rem sperari & non videri: & aliud, rem prorsus non esse.

Et si verò fides credit, quæ vel futura sunt, vel quæ præterierunt: non tamen propterea res illæ præsentēs sunt. Sufficit enim fidei, res promissas, fore aut futuras esse, aut fuisse, etiam si eo tempore præsentēs non sunt, quando creduntur, hoc est, per fidem aspiciuntur.

11.

Præsentia autem, qua menti credentis, præsentēs esse dicuntur res in futurum promissæ aut præteritæ: non est ipsarum rerum realis & vera præsentia, sed est certissima fiducia mentis & voluntatis, eas aliquando fore aut fuisse, etiam si præterierint, vel NONDUM sint.

Præsentia, qua menti præsentēs sunt.

Neque reformido dicere: Christi corpus, tempore Abrahami non fuisse, quoniam actu non fuit. Non enim nego in lumbis Patrum fuisse, priusquam definitum tempus compleretur. Nos autem de præsentia loquimur corporis Christi, quæ communicatione Diuinæ Maiestatis efficax est in Ecclesia, & qua Christus tanquam homo etiam videt & audit gemitus piorum, & illos consolatur: qua præsentia nunc Ecclesie suæ in verbo & Sacramentis adesse dicitur. Quæ præsentia tempore Abrahami prorsus non fuit.

12.

Vera præsentia Christi secundum carnem in terris.

Ex quo sequitur, quòd realis existentia semper requiratur ad eam præsentiam, qua actiones rebus existentibus tribuuntur. Et quamvis fides extra mundum egrediatur: non tamen ipsa res, sed cogitatio fidei duntaxat de rebus per fidem cogitatis, præsens est.

13.

Realis præsentia requirit realem existentiam rei.

Quod autem D. Beza querit, cum concedam etiam Patres beneficiorum Christi participes factos, & remissionem peccatorum consecutos esse: num velim, aut credam, QVOD EX NON ENTE illa beneficia profecta sint, quæ pro ENTE Christum habuerint, non minus Patribus quam nobis præsentem:

Vnde beneficia Christi Patriarchis collata sint.

Respondēdo: quòd hæc beneficia nequaquam ex NON ENTE profecta sint, sed pro ENTE suo habuerint Christum, certum est: Non autem præsentem, sed futurum, & venturum, & pro generis humani redemptione passurum, quique in sacr-

in sacr-

in sacrificijs veteris Testamenti adumbratus fuit : Ideoque in veteri Testamento , tam accuratè omnes circumstantias obseruari oportuit. Nemo fuit in precibus exauditus , nisi respectu propitiatorij , quod verum propitiatorium Christum significabat. Ad id facies erat conuertenda , vbicunque terrarum agerent Iudæi : sacrificia certo loco & ordine peragenda erant , vt Archetypo responderent. Ad illum typum alligati erant Israelitæ , qui carnem Christi repræsentabat , figurabat , significabat , in qua Filius Dei incarnatus , genus humanum redempturus erat. In hac vmbra & per hanc vmbra Filius Dei (qui non est ex NON ENTIBVS) beneficia patribus conferebat , non propter vmbra , sed propter eum , qui hac vmbra repræsentatus & significatus fuit. Remissio enim peccatorum est opus Dei proprium . Ideoque Iudæi Christo irascebantur , cum diceret : Confide fili , remittuntur tibi peccata tua : & in corde , intra se dicunt , Hic blasphematur . Quia tanquam homo sibi tribuerit Christus , quod solius Dei proprium est. Hunc effectum Deus per vmbra Mosais contulit Patribus. Qua ratione non modò ipsum Redemptionis opus , obedientia videlicet & mors Christi , sed ipsa quoque natura eius humana patribus reuera absens , & non præsens fuit.

Christus homo sibi tribuit , quod solius Dei proprium est.  
Matth. 9.

Ad meriti Christi participationem , non requiritur absoluta præsentia hominis Christi.

Ad cuius operis & meriti participationem , non opus fuit vel ipsius personæ , quoad Naturam humanam , vel operis præsentia : sed sufficiebat , quòd illud ENS horum beneficiorum crederent futurum , & hanc obedientiam præstiturum.

Quemadmodum etiam nobis nihil derogat , quòd non nobis præsentibus , sed plus quàm ante mille & quingentos annos hoc opus Redemptionis peractum est. Sufficit enim fides ad participationem beneficiorum Christi , qua firmiter credimus , hoc pro nobis factum esse.

Menti nostræ & fidei quomodo Christus nunc adsit.

Longè autem nunc alia præsentia est Christi , etiam respectu mentis & fidel , quàm tempore Abrahamæ fuit. Non enim ita Christus hoc opus in terris præstitit , vt secundum humanitatem

nitatem suam à nobis nostraque mente perinde absit, sicut Abraham non præsens fuit. Sed quia humana natura, cum Deo personaliter vnita, & in Thronum Deitatis proprium collocata est, qui nullo loco definitur: ideo re ipsa existens Christus, etiam re ipsa secundum humanitatem suis electis verè & realiter adest, sine respectu fidei, aut incredulitatis. Et hac ratione etiam corpus & sanguinem suum realiter cœlesti modo præsentem, secundum verbum & promissionem sui Testamenti exhibet: quod tempore Abraham, aut Patriarcharum, & in Sacramentis Mosaicis veteris Testamenti non fecit, neque factum est.

Præterea, effectus seu beneficia Christi principaliter à Divinitate, tanquam efficiente causa, proficiuntur. Quapropter effectus, hoc est, beneficia Christi patribus per fidem applicata, nequaquam ex non entibus eliciuntur: sed ipse *λογος* incarnandus in sacrificijs & Sacramentis adumbratus, per hos typos & figuras, respectu incarnationis futurae, illa beneficia in eos contulit. Idcirco etiam discrimen Sacramentorum veteris & noui Testamenti in æternum stabit, neque vlla ratione euertere potest: Quod videlicet Sacramenta veteris Testamenti duntaxat vmbra Christi secundum humanitatem: nostra verò Sacramenta in nouo Testamento ipsum corpus habeant, quod realiter præsens est, dispensatur, & cœlesti modo præsens externo ore cum pane percipitur.

Beneficiorum Christi princeps causa Deitas.

Discrimen Sacramentorum V. & N. Testamenti firmum.

Et si enim vnus & idem sanguis Christi est, in quem sanguis Sacramentorum veteris Testamenti respexit, & sanguis noui Testamenti, cum vnus sit Christus: tamen illic tantum figuratus est, hic verò sublata figura per corporalia, seu externa Elementa panem & vinum, realiter & verè præsens est, & dispensatur.

Et suprà dictum est, quòd verba Testamenti Christi non duntaxat menti, sed ori etiam præbeant corpus eius, cum inquit; Accipite, manducate, hoc est corpus meum.

M

Ex

## 90 *Colloquium Mompelgartense*

Nullus tropus in Sa-  
cramentis V. & N.  
Testamenti.

Exod. 24.

Absurditas tropi in  
verbis Testamenti  
Christi.

Sanguis veteris Te-  
stamenti symboli-  
cus.  
Sanguis noui Testa-  
menti non symboli-  
cus.

Cur per corporalia,  
Christus dispenser  
spiritualia dona.

In Sacramentis spi-  
ritualia cum corpo-  
ralibus coniuncta.

Ex quo sequitur, nullum prorsus tropum, neque in verbis Sacramentorum veteris aut noui Testamenti admittendum esse: cum sanguis sacrificiorum verus sanguis fuerit, sicut Mo- ses loquitur: Hic est *SANGVIS FOEDERIS*, & non signi- ficat sanguinem foederis, nihil obstante, quod sanguinem Chri- sti repræsentet. Quale enim foedus est, talis quoque sanguis est, Et sanguis quoque noui Testamenti, verus Christi sanguis est: qui non alium significat aut repræsentat, qui est sanguis Chri- sti.

Sicut enim absurdum esset, secundum tropum Mosis ver- ba de sanguine vitulorum interpretari: Hic est sanguis foede- ris, hoc est, significat sanguinem foederis huius: sic etiam ab- surdum esset, verba Testamenti Christi per eundem tropum interpretari: Hic est sanguis meus noui Testamenti, hoc est, significat sanguinem meum noui Testamenti, qui pro vobis effusus est: quasi alius esset sanguis noui Testamenti, quam qui à Christo effusus est.

Ideoque sanguis vitulorum Mosaicorum, & foederis eius, verus, naturalis & essentialis fuit, sed symbolicus, significati- uus, repræsentatiuus veri sanguinis Christi: Sanguis autem noui Testamenti quoque verus, naturalis & essentialis, non autem figuratiuus, significatiuus aut repræsentatiuus: Quem enim repræsentaret aut significaret? sed est sanguis Iesu Chri- sti realis, qui effusus est pro peccatis totius Mundi.

Quod autem ad dispensationem eius, vino in poculo vi- tur Christus: ex Chrysostomo supra ratio reddita est, quod videlicet non solum spirituales, sed etiam corporales sumus. Si enim homo rotus spiritualis esset: Deus spiritualia dona, cuiusmodi sunt corpus & sanguis Christi in Mysterio oblata, sine corporalibus organis conterret.

Et si Christus veller, tam facile illi esset sine pane & vino nos pascere & reficere suo corpore & sanguine, quam quod cum pane & vino facit.

Sed quia homo partim corpus, partim spiritus est: ideo Christus in Sacramento corporalia cum spiritualibus con- iunxit.

Inpri



Inprimis verò notandum vocabulum (*MEVS & MEVM*) Emphasis vocabulorum (*MEVS & MEVM*) in verbis Testamenti Christi. quod emphaticum est, & umbris atque tropis opponitur, ac nullum tropum admittere potest. Aliàs in vetus Testamentum relaberemur, & corpus in umbram conuerteremur.

Neque enim cibus ventris hic quæritur, sed cibus ad vitam æternam viuificus, qui est corpus Christi, vitam præstans in fide manducantibus. Si enim aliàs mille hominum corpora manducaremur, non tamen spiritaliter viuificaremur. Sed qui carnem Filij Dei manducat, is viuificatur. Hoc, umbra & figura seu signum, sine respectu cibi viuifici, qui est caro Christi, præstare non potest.

Quapropter Sacramenta veteris & noui Testamenti minime confundenda sunt, nisi ludæi fieri, & corpus Christi abjicere velimus: quod à nobis absit.

Sic apud Paulum, quod legitur: petra quæ eos sequebatur est Christus: (cuius suprà oblitus sum, quò minus responderim) hoc loco petra neque lapidem significat, neque Christum figurare intelligitur. Lapidea enim petra Israelitas non secuta est, sed suo loco perpetuò mansit, & prior populo Israelitico erat. Petra autem de qua Paulus loquitur, ipse Christus erat: qui Israelitas in deserto existentes longè post secutus est, & genus humanum redemit: Qui etiam secundum Diuinitatem populum nusquam deseruit, sed perpetuò comitatus est.

Petra in phrasi Paulina non significat Christum.

Christus est vera & realis petra.

Est igitur in vocabulo petrae tropum admitto, non tamen concedo Metonymiam esse: quia hic nequaquam nomen pro nomine ponitur: sed est Metaphora à re inanimata ad animatam. Nam Matth. 16. Christus Petra per Metaphoram appellatur, ad significandum certitudinem & firmitatem, super quam ædificata est Ecclesia, aduersus quam portæ inferorum non præualebunt. Est enim Petra firmissima, quæ aduersus omnium ventorum procellas, & insultus Diaboli atque mundi, Ecclesiam sustinere potest, ne euertatur, sed immota in æternum permaneat.

Metaphora, non Metonymia in verbis Pauli.

Sed satis est demonstrasse ad oculum, in veteri Testamento duntaxat umbras fuisse, quæ Christum secundum carnem representarint & adumbrarint: In N. Testamento autem omnes illas



## 92 Colloquium Mompelgartense

figuras ablatas, & in earum locum corpus successisse: quod secundum clara & perspicua verba Christi: *HOC EST CORPUS MEUM*, &c. in sacra Coena praesens habemus. Modum autem praesentis nos ignorare libenter fateamur: quem sapientiae & omnipotentiae Dei committimus, qui ipsa veritas est, & mentiri non potest.

D. B E Z A:

1. *Audio multa dici, sed pauca probari.*
2. *Agnosco & ego sublatas veteres figuras et Sacramenta, sed non instituta esse. Quod si Sacramenta: ergo signa sunt. Ergo significabunt. Quid? Christum. Non autem est nuda significatio, aut representatio, quemadmodum per statuas, aut alias imagines homines mortui representantur: sed in Sacramentis novi Testamenti verè praestatur menti perfidem, quod in signis significatur: Videlicet, ut menti praebeantur corpus & sanguis Christi, quae per panem & vinum significantur.*
3. *Vehementer autem miror, quod dixisti, sessionem ad dexteram Dei ab unione personali seu incarnatione Filij Dei inchoatam esse: cum non ignores, distinctos fidei & symboli Apostolici articulos esse, de incarnatione, & de sessione ad dexteram.*
4. *Deinde videris semper hominem sumere pro humanitate, & sic vocabula concreta ab abstractis non distinguere, sed confundere: quod à Patribus non factum legimus.*
5. *Præterea in verbis Pauli ad Philip. 2. quod de persona dicitur, tu ad humanitatem refers: cum scias vocabulum [Christus] personam, non alteram solum Naturam significare.*
6. *Item, D. Paulus non de conditione humanitatis, sed de Divina*

Summa doctrinae de  
coena Domini,  
Theol. I.

Diuina natura loquitur, quam per vocabulum [FORMA DEI] intelligit: sicut forma serui, non conditionem, statum, vel habitum seruilem significat, sed ipsam humanam Naturam, quam Christus assumpsit.

Agnosco etiam ex illa Pauli sententia summam gloriam, qua Christo homini acciderit, eiꝫ omne genu flectendum, quod dominetur super omnia, qua in hoc & futuro seculo nominari possunt. Ea verò gloria corpori Christi suam circumscriptionem & veritatem non aufert. Quemadmodum Regi Hispaniarum propter dominium, quod habet, omne genu in India flectitur, & eius dominationem agnoscunt, & se illi subiiciunt: qui tamen in uno certo loco sui Regni commoratur.

7.

Planè autem mihi nouum est, quod Deus per umbras Patribus beneficia remissionis peccatorum et gratiae suae contulerit. Sanguis enim taurorum & vitulorum non purgauit conscientias. Nec umbra eam vim latentem habuerunt, ut conferrent vitam & alia. Ideoꝫ Christum Deum & hominem Patribus & illorū menti per fidem presentem fuisse, per quem & à quo omnia in suis sacris perceperunt.

Simile de Rege Hispaniarum.

8.

An Deus per umbras: & typos V. T. gratiam contulerit. Ebr. 9.

Et sic eadem ratio fuit Sacramentorum vtriusꝫ Testamenti: in quibus menti per externas res Christus prabetur, qui fide percipitur, & perceptus sua dona membrīs corporis sui communicat. In quibus Filius Dei nos non ludit.

9.

Ideoꝫ panis est Sacramentum, vinū est Sacramentum, hoc est, signum, per quod Christus in cælo manens menti prabetur, non minùs efficaciter, quàm si suo corpore in Cæna corpori, & ori nostro præsens esset.

10.

Quoniam igitur in multis consentimus in hoc articulo, videlicet de communione sub utraque specie: de Transubstantiatione et sacrificio Missæ contra Papistas: de spiritali

11.

## 94 Colloquium Mompelgartense

manducatione, quæ sit per fidem : Item , quòd Sacramenta sint sigilla , quibus promissiones gratiæ de remissione peccatorum obfigmentur : Item de vera & salutari præsentia corporis Christi : & de modo duntaxat variemus : quæ causa est , ut propter tantillam rem tantopere dissentiamus , & tam acerbè & hostiliter pugnemus ? Quin potius frater-  
 „ nam charitatem exerceamus , & inuicem declaremus : si  
 „ fortassis hallucinamur , non sit id improbitate , aut malitia ,  
 „ sed ignorantia . Dominus autem vtra pars erret , ei oculos aperire , & Spiritu sancto illuminare velit .

D. I A C O B V S .

1.

An ea , quæ pro assertionem nostræ doctrinæ adduxi , ex verbis Testamenti Christi , & apertis sacræ Scripturæ testimonijs probauerim nec ne : in iudicio omnium auditorum repono .

2.

Fallacia à falsa definitione Sacramenti.

Quòd autem tua D. Sacramenta signa esse dicit , & inde contra realem præsentiam corporis Christi in Cœna Domini argumentatur : minimè concedo . Est enim fallacia à falsa definitione Sacramenti , quod non tantum signum , sed etiam signatum complectitur . Sic Eucharistia duabus rebus constat , terrena & cœlesti . Neque ad significandum , sed ad exhibendum corpus Domini , hoc Sacramentum est institutum . Non autem menti solum , sed etiam ori exhibetur secundum expressum verbum ( M A N D U C A T E ) quod nequaquam hic credere , sed ore percipere significat .

3.

Communicatio Maiestatis in humana natura quando corperit.

Non etiam ignoro , incarnationem Filij Dei , & sessionem hominis Christi ad dexteram Dei , distinctos articulos Symboli esse . Inde autem non sequitur , participationem Maiestatis ( cuius plenus usus Christo post resurrectionem demum secundum carnem collatus est ) initium suum ab incarnatione non accepisse . Quæ sine omni confusione articulorum symboli , optimè simul consistere possunt : sicut Pauli verbis demonstratum est .

4.

Homo & humanitas promiscuè usurpata.

Ecclesiasticos autem Scriptores promiscuè vocabulis ( hominis & humanitatis ) de Christo usos esse : nemo negare potest .

est, qui mediocriter in illorum scriptis versatus est. Inter quos Dñus Augustinus facile principem locum obtinet. Quapropter studio non humanitatem, sed hominem posui, quem Augustinus plerunque assumptum nominat: in quo propter hæresin Nestorianam nihil periculi est.

Vide solidam refutationem Orthodoxi Consensus.

Neque ignotum est D. Bezæ, etiam si vocabulum (Christus) nomen personæ sit: ei tamen alia atque alia ratione, nunc propter hanc, nunc propter alteram seu respectu alterius naturæ diuersa tribui, quæ sine reali communicatione consistere & vera esse non possunt.

s.  
Nomen (Christus) variè usurpatum.

Cum igitur consensu omnium Orthodoxorum Patrum constet, Naturam diuinam nec exaltari nec exinani posse, (quod proprium humanæ naturæ est) ipsi D. Bezæ quoque regula Orthodoxorum Patrum nota est: Quæcunque de exinanitione & exaltatione Christi in Scriptura sacra dicuntur, ea omnia de ipsius humanitate seu de Christo secundum humanitatem dicta intelligenda esse. Qui verò de Diuinitate ea interpretatur, hunc inquit Leo 1. in suam societatem rapit Arrius.

Regula Orthodoxorum Patrum de exinanitione & exaltatione Christi.

Loqui autem Paulum non de assumptione humanæ naturæ, sed de ipsius assumpti hominis seruili conditione: ipsa verba textus apertissime docent & confirmant, quæ sic sonant: Is affectus sit in vobis, qui & fuit in Christo Iesu. Qui eum esset in forma Dei, non rapinam arbitratus est, vt esset æqualis Deo: sed semetipsum exinaniuit, forma serui assumpta. Proponit autem Paulus hominem Christum summe humilitatis exemplum, qui cum, inquit, esset in forma Dei, hoc est, verus Deus, & in summa Maiestate constitutus, & hac ratione Deo æqualis, qui declaratione suæ Maiestatis totum mundum in stuporem conuertere potuisset, sicut in nouissimo die facturus est: tamen formam seruilem assumpsit, in qua nihil Diuinæ Maiestatis apparebat. Qua ratione se ipsum exinaniuit, seu vt Apostoli vox sonat, euacuauit, *ἐκένωκε*: quod diuinitati absolutæ sine contumelia tribui non potest, quæ se ipsam euacuare nequit, quia immutabilis est, sed secundum naturam.

Philip 2.

Vera & propria sententia verborum Pauli, Philip. 2. de forma Dei & forma serui.

Christus secundum quam naturam exinaniuit.

96 *Colloquium Mompelgartense*

Christus perfectissimum exemplum humilitatis.

Christus non amplius seruus.

Quid sit esse in forma Dei.

naturam eam se ipsum exinaniuit & euacuauit, in qua omnis plenitudo Deitatis corporaliter habitabat, cuius usum ad tempus abdicaauerat & formam serui gestabat, usque ad mortem: Dominus interim semper permanens. Qui seruilia officia discipulis & omnibus ad ipsum confugientibus praestitit: unde ipse Christus quoque suo exemplo omnes ad discendam humilitatem inuitauit: Discite à me, inquit, quoniam sum **HVMILIS CORDE**. Quid, quaeso, magis perspicue, & Scripturae sacrae, adeoque ipsius Pauli propriae explanationi, magis consentaneè dici posset? Cum igitur formam serui post resurrectionem & ascensionem in coelum deposuerit, neque amplius seruus sit, aut secundum Scripturam dici possit, naturam autem humanam nunquam deponat: de serui conditione, verba Pauli intelligenda esse, omnes vident. Quamuis interim non negem, à Patribus de natura diuina intellecta, & contra haereticos ad Diuinitatem Christi asserendam, iuxta Analogiam fidei pie & rectè usurpata esse. Neutra enim interpretatio alteram tollit, sed ratione Diuinitatis se inuicem consequuntur & confirmant, cum Christus sit verus Deus, & homo assumptus cum Deo vnitus. Vtra autem magis propria sit, facile cognoscitur, si verba accurate expendantur. Expressè enim dicit, quod Christus sit **IN FORMA DEI**. Quae verba aperte docent, Paulum de Christo secundum humanitatem loqui. Aliud enim est, esse ipsam formam Dei, aliud esse in forma Dei; quorum vtrumque Christo verè tribuitur. Nam Christus ipse Dei forma est, quatenus Deus est. In forma autem Dei, quatenus homo est (quae phrasis communicationem formae Dei in humana Natura significat) quia cum Deo personaliter vnitus est. Cum ergo quatenus homo, gloriam suam, sibi à Diuinitate communicatam & Deitatis essentialiter propriam, ostentare, quia in forma Dei fuit (quod nulli Angelorum contigit) & illam formam omnibus parefacere potuisset: tamen noluit, sed in serui habitu & conditione eam rexit. Idem vult Paulus, vt omnes pii imitentur, neque propter dona Dei insolecant, sed exemplo Christi alter alteri seruiat,

Quod



Quod gloria dominationis, veritati & circumscriptioni corporis Christi nihil adimat : suprà apertè demonstrauimus. Sed quod ita omnibus rebus dominetur homo Christus, sicut Rex Hispaniarum Indiæ : valde crassâ est de regno & dominio Christi cogitatio, quæ regnum Christi spirituale & cœleste in regnum mundanum conuertit. Neque enim per vicarios dominatur sicut Rex Hispaniarum : sed ipse omnia omnibus temporibus & locis præsens, agit & administrat, modo cœlesti, & humanæ rationi imperscrutabili & imperuestigabili.

7.  
Regnum Christi non  
mundanum.

Non minùs nouum atque inauditum est, quod negare audes, Deum per vmbas Sacramentorum veteris Testamenti gratiam Patribus contulisse. Etsi enim taurorum & vitulorum sanguis, peccata ipsorum non expiauit, sed sanguis Iesu Christi eos ab omnibus peccatis emundauit : nullam tamen gratiam contemptores horum Sacramentorū consecuti sunt : quibus, vt Paulus loquitur, pædagogia fuerunt ad Christum, in cuius fide his Sacramentis vsi sunt : Per quæ etiam illis gratiam suam contulit, & propter Christum eos in gratiam recepit, quem secundum humanitatem absentem figurabant & adumbrabant.

8.

Quapropter nequaquam est eadem ratio Sacramentorum veteris & noui Testamenti : siquidem non solum mentis, verum etiam ori corporis Christi corpus nunc in Eucharistia datur, quod in veteris Testamenti sacris duntaxat adumbratum fuit.

9.  
Discrimen V. & N.  
Testamenti.

Nec panis & vinum sunt Sacramentum, sed pars duntaxat Sacramenti, eaque ignobilior, ad quam res cœlestis accedat necesse est, corpus & sanguis Christi : aliâ Eucharistia non erit, sicut suprà dictum est.

10.  
Sacramenti integritas.

Postremò, verum est, in multis nos consentire, quæ partim nunc à te commemorata sunt : de quibus nulla inter nos dissensio & controuersia vnquam fuit.

11.

In eo autem adhuc nullus consensus est, de quo tot annis inter Ecclesias nostras & vestras controuersia est : videlicet, de vera

De qua re semper  
controuersia fuerit  
in hoc articulo.

N

de vera



## 98 *Colloquium Mompelgartense*

de vera & reali præsentia corporis & sanguinis Christi in cœna. De qua re si constaret, facile etiam de verborum Cœnæ proprio & vero sensu consentiremus. Quæ nos ideo simpliciter secundum literam, *וְהָיָה בְּעֵינָם*, sicut verba sonant, & sine tropo intelligimus, quia de hac vera & reali præsentia nihil dubitamus, cum Christus expressis verbis eam promiserit (qui verax est & omnipotens) & infinita eius sapientia sit, qui nouit modum, cui committendus est.

An Beza cum suis  
realem præsentiam  
corporis Christi in  
cœna credat.

Hic cum vos omnimodam præsentiam apertè negare non audeatis, sed eandem nobiscum asserere videri velitis: apertè autem dicatis, quòd *NON ALIO MODO* corpus Christi adsit, quam sicuti Abrahæ adfuerit: omnium auditorum iudicio committimus, an iniuriam vobis faciamus, si dicamus, vos nullam præsentiam credere: siquidem corpus Christi, temporibus Abrahami nondum erat conceptum & natum, multò minus illi alijsue Patribus præsens.

Diuerſa ratio personæ  
Christi in V. & N.  
Testamento.

Quapropter constanter dicimus, quàm diu in illa opinione perseueratis: nullam inter nos in hoc articulo consensionem constitui posse. Sicut enim alia est ratio personæ Christi in veteri Testamento, cum filius nondum incarnatus esset: & alia in nouo Testamento, postquam incarnatus est: ita etiam alia & alia eius præsentie ratio est, quòd illi duntaxat vmbra Christi secundum humanitatem in suis Sacramentis, nos autem corpus & rem ipsam adumbratam, figuratam & significatam habeamus. Hæc ab omnibus auditoribus probe intellecta esse, nihil dubitamus.

Gradus ad concordiam  
factus.

Cum igitur vtrinque Capernaïticam manducationem & Cyclopïcam lanienam carnis Christi in Cœna Domini apertè damnemus: (quo nomine tamen Ecclesiarum nostrarum Doctores, non modo per Galliam, sed in alijs quoque regionis, quò scripta vestra peruenerunt, miserè deformati, & plurimi ex vestris à nostris Ecclesijs, hac solum de causa alienati sunt, quasi hanc Cyclopïcam lanienam doceant, quàm nunquam somniauimus:) & de spiritali manducatione, quæ  
sit

Non dicas falsum  
testimonium.

fit per fidem, non solum in usu, verum etiam extra usum Cœnæ Domini, nulla vnquam inter nos controuersia fuerit: non contemnendum gradum hac ingenua declaratione voluntatis nostræ, ad piam concordiam factum esse arbitramur.

Et restat duntaxat tertius modus præsentia & manducationis corporis Christi, videlicet manducatio, quæ sacramentalis dicitur, & ore fit: de qua queritur, An ea tantum sit externorum signorum, panis & vini: an verò cum pane & vino, corporis quoque & sanguinis Christi. De quo, Domino volente, plura conferemus.

De quare potissimum adhuc controuersia sit. De Sacramentali manducatione, Questio.

## D. B E Z A.

*Non video ego, quemodo caro Christi possit esse omnipræsens. Si de fructu consentiamus, quid opus est de alijs minime necessarijs disputare? Patres multos habent errores, quos tamen non propterea abijcimus. Sacramentalem modum manducationis corporis Christi concedimus. Cuperem autem, si fieri posset, mea morte pacem redimere.*

## D. I A C O B V S.

Et ego similiter affectus sum. Veram enim & Deo gratam concordiam ex animo opro & desidero. Facile enim cogitare possum, quàm gratus vterque nostrum Papæ sit: in cuius manus, si, permittente Deo, incideremus, terram supplicij nostris purgare conaretur. Sed ex parte nostra veritatem non possumus deferere, neque à verbis apertis Testamenti Christi propterea recedere, quòd non videamus aut intelligamus, quomodo corpus Christi possit in omnibus locis verè & realiter adesse, & ore percipi, vbi Cœna Domini celebratur.

# 100 *Colloquium Mompelgartense*

Controuersia de  
Cœna Domini gra-  
uissima est.

Neque verò nobis ad eò non necessaria, aut non magni momenti res est, quemadmodum vobis esse videtur, quando corporis Christi loco, Ecclesiæ panis duntaxat obtruditur, idque sub nomine corporis Christi, quod solum significatur, non autem cum pane exhibeatur: Item, verba Testamenti Christi tam violenter, quæ sunt manifesta, in alium sensum pertrahi.

Patres in erroribus  
suis dociles.

Et verum sanè est, quòd Patres habent suos errores. Eiusmodi ramen, vt si de his tam accurate & diligenter admoniti fuissent, sine dubio eos correxissent.

Beza nobiscum lo-  
quitur, sed non no-  
biscum sentit.

Sacramentalem modum præsentia & manducationis nobiscum quidem asseritis verbis: sed cum ad explicationem peruentum est, nihil aliud, quàm manducationem panis intelligitis, quæ absente corpore Christi fiat: quod concedere non possumus. Sed de his cras, Domino volente, plura.

## XXIII. MARTII, AN- no, &c. 86. hora 7. anteme- ridiana.

D. I A C O B V S.



**I**N NOMINE Domini & saluatoris nostri Ie-  
su Christi, Amen. Quod felix faustumque sit,  
collationem institutam continuare volumus,  
& initium eo facere loco, vbi hesterno vespere  
desimus.

In quibus partibus  
sit consensus.

I.

Physica seu localis  
præsentia in Cœna  
Domini reiecta.

Primum omnium inter nos conuenit, quod ab vtraque  
parte de præsentia & perceptione corporis & sanguinis  
Christi sentimus, eam non esse Physicam, localem (quomo-  
do in terris hominibus conuersatus est) Capernaïticam, aut  
Cyclo-

Cyclopicam lanienam, qua caro Christi, instar carnis vitulinæ dentibus atteratur, per guttur in ventrem tranſciatur, in ventre digeratur, & si quæ sunt alia, quæ hinc absurda colliguntur. Quo nomine tamen innocenter, & sine causa nostræ Ecclesiæ per Galliam & in alijs regnis diffamata sunt, quasi eiusmodi Capernaiticam lanienam carnis Christi in Cœna doceant, cum litera demonstrari in scriptis nostris non possit, quod tam absurda vnquam docuerimus.

2.

Capernaitica manducatio semper damnata à Theologis Germanis Augustinæ Confessionis.

Quod verò ad spiritualem manducationem attinet, quæ fit per fidem, non solum in vsu, verum etiam extra vsu Cœnæ Domini: de ea quoque nulla inter nos & antecessores nostros aut vestros controuersia vnquam fuit. Siquidem hæc manducatio nihil aliud est, quam credere in Iesum Christum, quod propter corpus ipsius in mortem traditum, & sanguinem effusum, per fidem habeamus remissionem peccatorum & vitam æternam. Hoc, inquam, credere est manducare corpus, & bibere sanguinem Christi: de qua Ioan. 6. capite agitur.

3.

De manducatione spirituali nulla controuersia. Manducatio corporis Christi, quid sit.

Deinde diximus quoque ex parte nostra, de discrimine præsentia corporis & sanguinis Christi in Sacramentis veteris & noui Testamenti: Quod in veteri Testamento fuerint tantum vmbra & Figuræ: in Nouo autem res ipsæ & corpus.

4.

Discrimen Sacramentorum V. & N. Testamenti.

Quod fides nostra hanc sacramentalem præsentiam non faciat, sed eam duntaxat salutarem reddat corpus & sanguinem Christi ore percipientibus: quoniam Christus se ipso & propria virtute adsit, siue credamus, siue non credamus: pijs quidem & fidelibus ad salutem, impijs verò & infidelibus ad iudicium.

5.

Fides non facit sacramentalem præsentiam corporis Christi.

Dictum est quoque paucis, de ratione, cur in Sacramentis noui Testamenti non possint esse vmbra, typi & significationes corporis & sanguinis Christi. Si enim Sacramenta & eorum substantia conlisteret tantum in significatione & representatione corporis, & sanguinis, mortisque Christi: Sacramenta veteris Testamenti longè illustriora fuissent, quam

6.

Cur typi in Sacramentis noui Testamenti sublati.

Sacramenta veteris  
Testamenti signifi-  
catione illustriora  
Sacramentis noui  
Testamenti.

Sacramenta noui Testamenti. Nam caro Vitulorum, Taurorum, Agnorum magis perspicue & significanter carnem Christi, quam panis Cœnæ Domini representasset. Sic quo ad ritum, illa quoque occisione pecudum, & sanguinis eorum effusione, mortem Christi magis repræsentarunt, quam ritus Sacramenti Cœnæ Domini, qui in fractione panis, in edendo & bibendo consistit.

Typus agni Pascha-  
lis illustris.

Quando enim paterfamilias agnum Paschalem mactauit, spectantibus liberis & vniuersa familia, potuit eos ad hunc modum erudire: Quemadmodum videris à me agnum occisum, & eius sanguinem effusum: sic promissus Messias cum venerit, occidetur & sanguis eius effundetur in remissionem peccatorum omnium, qui credituri sunt in illum. Hæc representatio, inquam, passionis & mortis Christi, in veteri Testamento longè illustrior fuit, quàm quæ in Cœna Domini, in vsu panis & vini sacrati, sit. Quæ comparatio panis & vini nihil propemodum simile cum corpore & sanguine Christi, quo ad externos sensus, habet.

Ideoquæ substantia Sacramenti Cœnæ Dominicæ non consistit in adumbratione,figuratione aut representatione vel corporis vel sanguinis Christi, vel etiam mortis eius: sed est corporis & sanguinis Christi VERA EXHIBITIO, cum inquit Christus: Accipite, manducate, Hoc est corpus meum.

In quam sententiam ipse quoque Reuerendus D. Beza scripsit: Verba eius sunt hæc: Quod in veteri Testamento nudo symbolo repræsentabatur, id nunc vnà CVM apparentibus & sensui subiectis symbolis VERE ac SVBSTANTIALITER donatur: quæ verè, pie ac rectè à Beza scripta sunt. In qua sententia si perseveraret: etiam in hac parte consensus declaratus & constitutus esset.

Status controuersie  
de tertio modo præ-  
sentia & manduca-  
tionis corporis &  
sanguinis Christi.

Controuersia autem de vera præsentia corporis & sanguinis Christi in Cœna Domini adhuc hæret: An, videlicet, tertius modus præsentia præter duos commemoratos (videlicet localem seu Capernaïticum modum, & qui sit per fidem) in scripturis demonstrari possit, quo neque caro Christi den-

tibus



stibus atteratur & deglutatur, neque soli menti repræsentetur & fide percipiatur, sed vna cum symbolis externis ori exhibeatur & ore percipiatur.

Hic tertius modus manducationis seu perceptionis, cardo controuersie est de Cœna Domini. Is si vel probatus vel refutatus fuerit: finem huic controuersie faciet.

Nam D. Beza in eo persistit, sicuti Theses oblate testantur: quod in Sacramentis veteris & noui Testamenti non sit alius modus præsentie corporis & sanguinis Christi, quam quod MENT I hæc per externa symbola offerantur & repræsententur: quæ in veteris Testamenti Sacramentis longe præsentius Patribus affuerint, quam si localiter sisterentur. Eandem prorsus & non aliam præsentiam corporis & sanguinis Christi etiam in Eucharistia credit & docet.

In summa doctr. de  
Cœna Domini,  
Thes. 3.

Quod ad localem præsentiam attinet, quam solam nobis D. Beza in suis scriptis perpetuo obijcit: nostrorum testantur scripta, quod eam nunquam docuerint, sed semper & constanter damnaverint. Quam etiam in nostrorum scriptis, sicut & Capernaïticam manducationem, nusquam demonstrare possunt. Ideoque quando contra eam disputant aduersarij, non nostram doctrinam, sed suum ipsorum signum oppugnant: Cum hac de re quoque nulla vnquam fuerit controuersia, & manifestus inter nos sit consensus.

Localis præsentia:  
corporis Christi in  
Cœna reiecta.

Nam sicut in prima Cœna Christus suo corpore localiter vni discipulorum propior fuit, & alteri remotior: quæ localis præsentia dispensationem corporis eius in Mystério factam, neque promouit neque impediuit: sacramentalis autem siue præsentia, siue dispensatio minime localis fuit: sic nunc quoque, postquam corpus Christi in cœlum receptum est, localis absentia (si per omnia eo modo in cœlis esset, sicut in terris hominibus conuersatus est, nec adhuc corpus Christi gloriosum factum esset) præsentiam sacramentalem, quæ à communicatione diuinæ Maiestatis dependet, nihil impedit. A qua, quoniam cum filio Dei personaliter vnita est caro Christi, sicuti vim viuificandi omnem

Localis præsentia:  
nihil promouet sacramentalem præsentiam corporis Christi.  
Localis absentia nihil impedit sacramentalem præsentiam corporis Christi.

hau-



Modus præsentiæ  
sacramentalis.

haufit : ita etiam præfentis modum habet , quo hanc viuifica-  
tionem efficiat & operetur. Quem modum nos diuinum,  
coelestem , supernaturalem , & rationi humane impertueftiga-  
bilem effe dicimus. Ideoque fimplici fide verbis Testamenti  
Chrifti adhærendum , qui dixit : Hoc eft corpus meum. Er-  
go credamus effe.

D. B E Z A.

Reuerende D. Doct̃or, Vehementer optarim, vt non mo-  
do in ijs, de quibus tua Reuerentia differtuit, conueniremus,  
fed etiam in cæteris. Dominus det nobis gratiam Spiritus  
fui, vt velt tandem fiat. Sed quantum ex sermone Reueren-  
tia tue intelligere potui, nondum vel à nobis fententia ex-  
plicata fatis, aut à vobis non intellecta eft. Putas nos con-  
uenire de præfentia corporis Chrifti ? Et verum sanè eft,  
vtrunque hoc constitutum eft, in sacra Cæna adesse verum  
illud corpus Chrifti & sanguinem eius. Sed adesse I N,  
CVM vel SVB pane, non conuenit. Et proinde tu intelli-  
gis, quod nos dicimus menti adesse, idem effe quod I N,  
CVM, vel SVB pane ori adesse, eo loco, quo panis eft, &  
nos corporibus nostris sumus.

I.  
Explicatio opinio-  
nis Beza, de præfen-  
tia corporis Chrifti  
in Cæna.

II.

Nos autem dicimus corpus Chrifti menti præfens effe, li-  
cet in vno loco cæli contineatur, & absens fit à terra. Si  
modo id mens per fidem in verbo intueatur, & per fidem in  
cælum euehatur.

NB.  
Confessio Beza.  
Beza tantum loca-  
lem præfentiam cor-  
poris Chrifti in ter-  
ris oppugnat.

Præter hunc modum præfentia, fateor nos corpori Chri-  
sti NVLLVM ALIVM MODVM præfentia tri-  
buere posse, quàm LOCALEM. Si enim Chriftus suo  
corpore fit in loco, in quo nos corporibus nostris sumus:  
NECESSARIO fequitur, quod localis fit præfentia.

Hic

Hic D. Iacobus interfatus est & monuit, vt de singulis ordine & sigillatim dicatur. Deinde perrexit Beza.

*Ego nondum cæpi disputare, sed tantum ostendere volui, quòd nondum consensus de presentia corporis & sanguinis Christi in Cæna inter nos sit constitutus.*

*Scimus Christum Iudicem esse & seruatorem: Seruatorem eorum, qui ipsum in verbo & Sacramentis amplectuntur: Iudicem vero illis, qui eum aspernantur. Quæstio autem manet: An iudicium & condemnatio ex ipso Christi corpore, sumpto vel neglecto oriatur? Quapropter dico, de presentia nondum conuenire, neque de manducatione indignorum, quæ inde procedit.*

III.

Diffensio de presentia corporis Christi, & de manducatione indignorum.

*Explicasti illud caput, de veterum & nostrorum Sacramentorum collatione: & addidisti rationem, quòd in illis umbra, in his autem corpus & veritas contineatur. Et non minuerat Reuerentia tua eius argumenti, quod nunc attulisti: Si non statuantur exhibitina Sacramenta nostra, quibus corpus Christi non significetur aut representetur, sed cum externis symbolis verè exhibeatur, hoc absurdum consequi: quòd Sacramenta veteris Testamenti longè illustriora fuerint significando & representando Christum & mortem eius, quàm Sacramenta noui Testamenti.*

IV.

Comparatio Sacramentorum veteris & noui Testamenti.

*Respondeo: Fateor sanè signa & significationes in veteri Testamento magis perspicuas, & typos illustriores fuisse. Sed nego propterea veterum meliorem conditionem fuisse, quàm nostra sit. Et si enim signa illustriora fuerunt, tamen promissiones ipsis facta, obscuriores fuerunt.*

NB.

Confessio Beza. Sacramenta veteris Testamenti ritu & significatione illustriora fuisse, Sacramentis noui Testamenti.

*Sicut enim non firmior est, qui duobus baculis indiget, vt incedat, eo, qui vno baculo nititur: fortior etiam qui leui, quàm qui crasso baculo incedit: Ita cū promissiones de Christo, illis*

## 106 Colloquium Mompelgartense

sto, illis longè obscuriores fuerint, quàm nobis: hinc factum est, quòd oportuerit Sacramenta veteris Testamenti, ritu & significatione illustriora & magis perspicua esse.

Et cùm promissiones sint velut anima Sacramentorum, & Sacramenta non sint aestimanda tantum ex illa significatione, qua oculis representantur res promissæ: ideo Sacramenta noui Testamenti sunt magis spiritualia, quàm veteris Testamenti, quæ crassiora fuerunt illis.

Quòd igitur magis spiritualia sunt, eò magis conueniunt nobis, quàm veteribus. Nos enim non indigemus crassis illis imaginationibus, sed spiritualibus, quæ à terrenis nos, ad spiritualia & cælestia reuocant.

Epist. 118.

Et huc pertinet illud Augustini, quòd scripsit: Christum Sacramentis numero paucissimis, obseruatione facilimis, significatione prastantissimis, societatem noui populi collegisse, quæ sunt perfectione nobis magis accommodata. Præterea Christus est hodie, heri, & in seculum. Ideo est in utrisque populi Sacramentis aequaliter participatus.

Heb. 13.

V.

Quapropter Sacramenta veteris Testamenti & noui, non differunt re, sed dispensatione. Et Christus fuit mediator in utroque Testamento, secundum utramque naturam. Ideoque veteres etiam totum Christum habuerunt Deum & hominem, aut sine Mediatore fuerunt. Licet autem secundum humanam naturam tum non fuerit, fuit tamen fide.

Quòd ad verba mea attinet, ex quodam meo scripto allata, etsi non dubito à te bona fide allata esse: tamen quæ sit mea mens, ex alijs meis scriptis satis intelligi potest. Non enim volo Sacramenta veteris Testamenti fuisse nuda sym-  
bòla

*bola, sed habuisse etiam Christum præsentem: nisi dicere velimus, Patres ab æterna salute excidisse.*

D. I A C O B U S.

Reuerende D. Beza, quod ad primam partem orationis tuæ attinet, qua R. T. D. per capita recitauit, de quibus hæsterno die collatum est, in quibus fuerit inter nos consensus, & ubi reliqua sit controuersia: & addidit, quod de præsentia corporis Christi nondum sit consensus inter nos constitutus: eandem quoque meam sententiam esse, ex præcedente familiari & placida collatione intelligi potest.

Non autem concedo eum statum controuersiæ esse, quem T. R. proposuit, quando dicimus, eo loco ubi panis est, ibi quoque corpus Christi præsens esse: quod sentiamus corpus Christi IN, CVM, & S V B pane, localiter adesse & contineri.

Nos enim expressè remouimus à disputatione nostra in Cœna Domini localem præsentiam: sicuti non modo collatio, sed etiam Theses nostræ de Cœna Domini vobis oblatae, apertè demonstrant.

Quapropter omnes auditores sciant, de locali præsentia corporis Christi IN, CVM, vel S V B pane, nullam inter nos controuersiam vel esse, vel fuisse vnquam, quam diu infelix hæc controuersia Ecclesias nostras exercuit: Quam localem præsentiam nos apertè in omnibus nostris scriptis (sicut Capernaiticam quoque lanienam carnis Christi) reijcimus & damnamus.

Sed de TERTIO MODO præsentiae disputamus, qui Sacramentalis dicitur. An ori corporis nihil aliud præter panem & vinum exhibeatur: neque os quicquam amplius, quam panem & vinum percipiat? Hic disputationis status & scopus est,

I.

Deprauatio doctrinæ  
Vviremberg. Theologorum de præsentia corporis Christi in cœna Domini.

Localis præsentia corporis Christi in cœna Domini damnata.  
Verus controuersiæ status.  
De Sacramentali modo præsentiae corporis Christi.

## 108 *Colloquium Ampelgartense*

1.  
Confessio ingenua  
Theologorum Vvir-  
tembergenſium.

Vbi ex parte noſtra aperte remouimus, primum, figura-  
tium, ſeu ſignificatiuum modum, Sacramentorum veteris  
Teſtamenti proprium, in quibus corpus & ſanguis Chriſti ad-  
umbrabatur, ſignificabatur, repræſentabatur, quod eo tempo-  
re nondum extiterat, ſed futurum credebatur.

2.

Deinde, localem etiam, phyſicum, naturalem & circumſcri-  
ptum ſeu corporalem modum: quo nequaquam corpus Chri-  
ſti adſeſſe aſſerimus.

3.

Status controuerſiæ  
verus.

Loquimur autem de tertio modo, qui neque ſignificatiuus,  
neque phyſicus aut localis ſit, ſed ſupernaturalis, diuinus &  
cœleſtis: Num hic modus in Scripturâ ſacra expreſſus ſit? quo  
demonſtretur, non ſolum MENT I, ſed etiam O R I adſeſſe,  
& præberi corpus Chriſti, & ore percipi. Hic ſtatus controuer-  
ſiæ eſt, huc animum attendant auditores omnes.

Vera præſentia cor-  
poris Chriſti in Cœ-  
na Domini.

Quòd igitur ad hanc præſentiam attinet, nos ex parte no-  
ſtra candidè & aperte aſſerimus: Nos in Cœna Domini  
eiufmodi præſentiam corporis Chriſti ſtatuerè, credere, doce-  
re, ad quam Chriſtus hde noſtra prorsus non indigeat. Quod  
omnes auditores velim diligenter obſeruare, & apud ſeipſos  
accuratè expendere.

Chriſtus enim ſeipſo, hoc eſt, propria virtute ſibi à Diuini-  
tate communicata, adſeſt: ſiue quis credat, ſiue non credat,  
Quam præſentiam fides non facit, neque adiuuat, cùm ſeipſo  
Chriſtus ſatis potens ſit, vt ſine auxilio fidei noſtræ adſit: ne-  
que eam incredulitas, impietas, aut indignitas hominum ma-  
lorum impedire poteſt.

Vnde præſentia cor-  
poris Chriſti in ſa-  
cra cœna.

Hanc præſentiam, ſeu hunc præſentiaæ modum, corpus  
Chriſti non habet, quarenuſ eſt corpus. Nam hac ratione eſt  
& manet finitum & circumſcriptum proprietate naturæ, et-  
iam in gloria ſua. Sed habet hoc à Diuinitate *ὁ Θεὸς υἱὸς* Filij  
Dei, cum quo perſonaliter vnitus, vna perſona exiſtit: quod  
nulli angelorum aut beatorum hominum contigit.

Hunc



Hunc præsentia modum corpus Christi tempore Abrahami non habuit, etiam si menti eius per Sacramenta corpus Christi repræsentatum sit. Cum enim eo tempore non existeret: nec illi præsens esse potuit. Quapropter aliud est cum dicitur: Filium Deum adesse: & aliud, filium Dei incarnatum adesse, qui tempore Abrahamæ nondum incarnatus erat. Nunc verò non modo est incarnatus, & existit secundum carnem, sed etiam dominator est cœli & terræ secundum carnem: quorum neutrum tempore Abrahami secundum carnem fuit.

Quod verò ad effectum huius sacramentalis præsentia attenditur, aliud est præsentia, aliud effectus præsentia. Nam ratione effectus, qui diuersi in vſu & perceptione huius Sacramenti Christo tribuuntur, aliæ quoque causæ requiruntur: videlicet, ad viuificationem & consolationem, fides: Ad iudicium autem & damnationem incredulitas, seu impœnitentia. Ita enim caro Christi est cibus vitæ, vt non, nisi credentes viuificare velit, cum inquit: Caro mea verè est cibus. Item: iustus ex fide viuet: sicut Propheta loquitur. Sic non sine incredulitate Christus quenquam iudicat, sicut scriptum est: Qui verò non crediderit, condemnabitur. Item: Qui non credit, iam iudicatus est.

Discremen inter præsentiam & effectum corporis Christi.

Ad effectum Sacram. quid requiratur. Ioan. 6. Habac. 2.

Marc. 16. & Ioan. 3.

Incredulitas autem non facit Christum iudicem & condemnatorem: sed parer constituit eum iudicem: qui ei omne iudicium dedit, quia filius hominis est. Neminem autem iudicat aut damnat, nisi incredulos & infideles.

Quis Christum iudicem fecerit. Ioan. 5.

Sicut aliàs quoque in iudicio, quod exercetur in delinquentes, quando supplicium de hominibus facinorosis sumitur, duæ causæ concurrunt: primum scelus flagitiosi aut facinorosi hominis: deinde, iustitia & potestas magistratus: vbi potestatem iudicandi & exercendi iustitiam, non accipit Magistratus a facinoroso homine, sed à Deo. Sic in iudicio, quod Christus in Cœnæ Dominicæ vſu, in infideles, hypocritas, & Epicurges homines exercet, concurrunt quoque duæ causæ: altera est hominis incredulitas, propter quam

Vnde Christus potestatem iudicandi habet.



## 110 *Colloquium Mompelgartense*

homo iudicatur : altera est Christi potestas , quam Christus non à facinoroso , sed à Deo patre accepit , qui eum iudicem omnis carnis constituit.

*Christus iudex quatenus filius hominis.*

Non autem dedit ei hanc potestatem Pater , quia Filius Dei est , qui potestatem hanc ab æterno habuit : sed quatenus filius hominis est : sicut verba Christi , Ioan. 5. aperte sonant :  
*QVIA FILIVS HOMINIS EST.*

*In iudicio dux causæ concurrunt.*

Hoc iudicium quando in facinorosos exercetur , non potest vna solum causa definiri. Nisi enim peccetur , Magistratus quidem se ipso manet iustus iudex , habens potestatem iudicandi : sed quando nemo est , qui peccat , etiam ipsius iudicium cessat. Sic quando quis furatur aut homicidium perpetratur , neque Magistratus punit : nullum adhuc est iudicium. Si vero facinorosus & iudex concurrunt , & iudex suam iustitiam in facinoroso exercet : tum iudicium , hoc est , executionem iustitiæ fieri dicimus.

*Omnis Magistratus laudabilis , iustus & clemens.*

*Eadem laus iustitiæ & misericordiæ in Christo.*

Quando ergo in usu Cœnæ Dominicæ impij iudicium manducant : causa , propter quam iudicantur , est in ipsis impijs , videlicet incredulitas : potestas autem & executio pœnæ huius est in Christo , in exercitio iudicij , & ex CHRISTO : quæ si nunquam accederet , impij nunquam iudicarentur. Nemo enim se ipsum damnaret : Christus autem est , qui saluat & iudicat , qui viuificat & mortificat. Et quemadmodum Magistratus si facinorosos non puniret : benignus quidem & clemens erga facinorosos diceretur : sed interim tantum iniustus accusaretur , quod malos non puniret. Tunc autem boni Magistratus commendatio perfecta est , cum bonis benefacit , & eos contra vim & iniurias malorum tuetur. Et tam laudabile est in illo , quum malos iuste punit , quàm si bonis benefacit. Sic quoque in Christo eadem laus est iustitiæ , quæ est bonitatis & misericordiæ : quoniam virtutes in Deo sunt pares : ideo non minùs laudabile , & gloriosum Christo est , cum impium hypocritam iudicat & damnat , qui

qui pietatem simulat, quàm si pium & fidelem gratiâ & misericordiâ sua saluat.

Sic à Christi corpore, & ex eo proficiscitur iudicium, quatenus Christus homo iustitiam suam in impijs exercet. Iustitia enim obstat, quò minus vitam quoque in impijs operetur: sicut misericordia causa est, quòd credentibus vitam confert. Ab impijs autem proficiscitur iudicium, quatenus illi causam præbent exercendi huius iudicij, ad quod incredulitate & impietate sua dispositi sunt impij, sicut fide credentes ad vitam. Idèoque non simpliciter contemnendo & respuendo, sicut D. Beza sentit & loquitur, sed etiam recipiendo Christum in vsu huius Sacramenti, impij sibi iudicium manducant & bibunt ore.

Quomodo ex corpore Christi iudicium proficiscatur.

Quomodo ab impijs iudicium proficiscatur.

Nam quo ad Christi præsentiam in iudicio hoc exercendo, impiorum incredulitas illam impedire nequaquam potest, sicut eam fides non facit. Quapropter impij & indigni conuiuæ Christum tanquam saluatorem impio suo corde contemnere & respuere quidem possunt: sed quia vnum & idem cum pijs Sacramentum accipiunt, Christus non solum Saluator, sed quoque iudex est: nolint velint etiam contra suam ipsorum voluntatem, coguntur eundem Christum admittere iudicem, qui tam præsens & efficaciter iudicem in illis operatur, quàm salutem in credentibus.

Quomodo impij iudicium manducant RECIPIENDO Christum.

Quemadmodum enim facinorosus, quando ad supplicium rapitur, libenter Iudicem executorem iustitiæ repelleret, quò minus puniretur: sed non potest eum repellere propter potestatem, quam habet iudex auctoritate armatam: Sic impij quoque libenter respuerent & repellerent Christum Iudicem, sed ipse eis longè potentior, non patitur se in exercitio iudicij huius, ab impijs repelli.

Quod verò D. Beza hic apertè se declarat, quòd præter repræsentatiuum seu significatiuum modum præsentia corporis

poris Christi & ipsius sanguinis in Cena Domini, corpori Christi **NULLVM ALIVM MODVM** presentiae tribuere possit, quàm **LOCALEM**: Denuò coram Illustribus. Principe & auditoribus omnibus testificor, nos illam presentiam localem corporis Christi nunquam credidisse, nunquam predicasse, nunquam scripsisse. Quemadmodum etiam in scriptis nostris, nusquam, ne syllaba aut litera de ea reperitur, quasi nos eam asseramus.

Non dicas falsum  
testimonium.

Cum igitur D. Beza, cum omnibus suae opinionis socijs & fratribus, hanc vnam in omnibus suis scriptis, contra nos editis, oppugnet, eaque scripta per multa regna distrahantur: ipsorum conscientiae relinquimus, quomodo Deo rationem reddituri sint, quòd cuiusmodi praesentiae modum nobis tribuere, & hoc modo apud Gallicas & alias Ecclesias suspectos & exosos nos reddere studuerint, cum sciant nos aliter sentire.

Quod verò ad postremam partem commemorationis attinet, de collatione Sacramentorum veteris & noui Testamenti: nolo prolixè repetere, quae vtrique à nobis dicta sunt. Pono enim in iudicio Auditorum, qui omnia propè perceperunt, & facile intelligere possunt, quod ad representationem & significationem attinet, si ea solà Sacramenta definienda essent, longè illustriora veteris, quàm noui Testamenti Sacramenta fuisse: quod ipse quoque Dominus Beza fateretur.

Augustinus.

Quando igitur Augustinus inquit, Sacramenta noui Testamenti significatione praestantissima esse: certum est eum nequaquam ad nudam significationem aut representationem, sed ad exhibitionem rerum promissarum, corporis & sanguinis Christi, respexisse, quam asseruit.

s.

D. Beza nobiscum  
loquitur: sed non  
nobiscum sentit.

Derecitatione verborum T. Reuerentiae, quae de discrimine Sacramentorum veteris & noui Testamenti scriptissint, non est quòd dubites, quae in Tomo 1. operum tuorum Theologicorum, pag. 289. extant. Quemadmodum etiam alia quamplurima recitare possem, in quibus nobiscum ita loqueris,

queris, vt imperius lector non aliter cogitare possit, quàm T. R. per omnia nobiscum sentire. Sic enim loqueris, Tom. 1. pag. 28. Respondeo paucis verbis, R E M Sacramenti, id est, ipsum corpus & sanguinem Christi, N O N M A G I S à Cœna abesse Q V A M ipsa symbola. Item, pag. 262. Scitote denique nobis N O N esse certamen de ipsius S V B S T A N T I Æ, id est, de ipsius C O R P O R I S κοινωνία; sed de bruto & cyclopico esu, sine quo somnias illam κοινωνίαν stare non posse. Ibidem: Cyclopicum esum, qui tibi est cum Papistis communis, T I B I obijcimus: Hæc, mi Beza, tua verba sunt.

Quod ad similitudinem attinet de baculis, quam attulisti: non ignoro eandem conditionem omnium hominum & omnium temporum (ratione infirmitatis nostræ) esse: præsertim quando in agone constituti sunt homines perturbati & morti vicini, vt multis egeant baculis. Ea verò consolatio maxima nobis in Cœna Domini non ratione significationis seu representationis, sed ratione exhibitionis reposita est, sicut paulo antè ostendimus: Cum nimirum perturbata conscientia erigitur ad confirmationem fidei suæ, non representari, sed vere, secundum verba institutionis, exhiberi corpus Christi, ore manducandum, & sanguinem ore bibendum, quæ pro peccatis nostris in mortem tradita sunt. Ecce, inquit pastor, Cœnam Domini ægroto administrans, vt scias, te à Deo non abiectum, propter peccata tua, gratiam suam non modo verbis tibi promissit & iuramento confirmavit: sed in hoc suo Testamento, hoc ipsum quoque corpus, tanquam pignus tibi exhibet, quod pro te in mortem traditum est: & hunc ipsum sanguinem, qui pro te in remissionem peccatorum effusus est. Dicas ergo Sathanæ: Recede à me Sathan, nullam partem in me habes, totus sum Christi, & Christus meus, qui est mea iustitia, sanctitas, & vita. Hæc longè efficacissima consolatio est.

6.  
Consolatio in vero  
vfu cœnæ Domini.

Ad hanc prærogatiuam populi in nouo Testamento significandam, Paulus Iudaicum populum paruulis comparat, qui sub elementis Mundi, hoc est, sub vmbri legis, tanquam

## 114 *Colloquium Mompelgartense*

quam sub tutoribus & curatoribus vsque ad plenitudinem temporis conseruabantur, donec Christus veniret. Sicut enim puer nihil differt à seruo, quandiu est sub tutela: quando autem liberatur à cura & tutela, tum ipse sua bona administrat: Ita populus Dei in veteri Testamento, sub vmbra habebat quidem bona promissa: sed in nouo Testamento illis plenè sunt exhibita, & in Sacramentis exhibentur atque communicantur.

Consolatio in Sacramentis N. Test. illustrior, quàm in Sacramentis V. Testamenti.  
Colloquij instituti finis.

Sic consolatio maxima non solum in apertis promissionibus, sed etiam in Sacramentis noui Testamenti longè illustrior est, quàm in veteri Testamento fuit.

Quapropter in hoc nobis maximè in ista collatione, elaborandum erit, vt auditoribus Colloquij constet: An corpus Christi in Cœna Domini verè & realiter adsit: & quæ vtriusque partis de hoc statu sit sententia: An consentiamus, vel dissentiamus.

D. Bezz intentio.

Ex parte enim vestra non vultis videri, præsentiam corporis & sanguinis Christi veram in Cœna Domini vnquam negasse: sed contra brutum & cyclopicum esum tantum carnis Christi pugnare: sicut paulo ante verba tua recitata sunt.

D. Bezz opinio, de præsentia corporis Christi in cœna Domini.

Ad hanc quæstionem nos perspicuè & disertè respondemus: Ex parte vestra nullam veram & realem præsentiam corporis & sanguinis Christi in Cœna Domini statui. Quoniam aperte dicitis: Corpus Christi NON ALITER in Cœna Domini præsens esse, quàm fuerit Abrahamæ præsens: Et substantiam corporis Christi non aliter posse quàm Physica & locali circumscriptione adesse: (quomodo nos quoque fatemur, corpus Christi in Cœna Domini non adesse) quomodo quæso veram præsentiam statuere potestis? Si enim non alio modo: Ergo nullo adest modo. Quia tempore Abrahamæ corpus Christi non erat: quomodo ergo præsens esse potuisset? Abraham quidem in Spiritu per fidem corpus Christi eminus vidit, sed præsens non habuit. Nunc autem



tem postquam venit plenitudo temporis, (inquit Paulus) Gal. 4.  
 misit Deus filium suum factum ex muliere, &c. Is se præsen-  
 tem fore Ecclesiæ suæ, promissit. Adest autem non localiter  
 & circumscriptiue, sed diuino & cœlesti modo, quem ipse no-  
 uit. Promissio enim fallere non potest: Ego sum vobiscum Matth. 28.  
 omnibus diebus, usque ad consummationem seculi. Et,  
 ubi duo aut tres in nomine meo congregati sunt, sum in me- Matth. 18.  
 dio ipsorum.

D. BEZA.

*Reuerende D. Doctor, peto ut Syllogisticè agatur. Sic* 1.  
*enim utrinque argumenta rectius percipiemus, & facilius*  
*respondere licebit.*

*Reuerentia vestra tres modos presentia constituit, lo-* 2.  
*calem, figuratiuum & cœlestem. Ego tantum duos mo-*  
*dos constituo, quibus CHRISTVS vel menti repre-* Fundamentum &  
 causa erroris Sacra-  
 mentarij.  
 D. Beza tantum du-  
 os modos presentia  
 nouit.  
*sentatur & offertur: vel localiter, eo loco ubi panis est, si-*  
*stitur.*

*Si enim Christum personaliter nomines, & de humani-*  
*tate intelligas, eumque in Cæna adesse dicas: eam presenti-*  
*am ego spiritualem intelligo, qua per fidem menti præsens*  
*est. Alteram verò constituo, qua corpus Christi nunc in*  
*cælis est.*

*Qua presentia localis & circumscripta est, pertineans ad* 3.  
*essentiam humanitatis CHRISTI: quæ proprietates cor-*  
*poris CHRISTI est perpetuò manens, & quam non de-*  
*ponit.*

*Tertium modum quem tu asseris, puto à disputatio-* 4.  
*ne de PERSONA CHRISTI pendere. Illum mo-*  
*dum presentia ego in sacris literis, & Patrum scriptis*



## 116 Colloquium Mompelgartense

non inuenio: qui veritatem Naturæ humanæ in Christo tollere videtur.

5. Quod ad iudicem Christū attinet: non dubitamus, quin iudex sit constitutus. Scimus etiam, & magno atque vnanimi consensu fatemur: causam damnationis in incredulitate positam esse. Scimus etiam iudicium Christo secundum humanitatem datum esse.

Quid Beza per iudicium intelligat.

Quando autem Christo secundum humanitatem iudicium datum esse dicimus, non ad condemnationem restringimus, sed dominium cæli & terræ, visibilibus & inuisibilibus gubernationem intelligimus. Et cum pater dicitur neminem iudicare, à gubernatione eum planè non excludimus. Is enim in filio & per filium gubernat omnia.

Quæstio de manducatione impiorum.

Queritur autem: An corpus Christi ab impijs participetur, sicut à pijs & fidelibus participatur? Et an tam verè eius particeps fiat impius, quàm pius?

Quomodo corpus Christi secundum Bezam iudicet, & damnet.

Hic nos dicimus: Corpus Christi neglectum damnare, non autem perceptum. Quia asserimus, non nisi fide percipi, & respui incredulitate. Quapropter perceptio, seu modus perceptionis, est proprius fidelium. Impiis quidem præbetur Christi corpus, sed ab illis non recipitur.

Et præbetur omnibus cum conditione, quam impij non præstant, videlicet, sub conditione fidei. Nemo enim potest corporis Christi particeps fieri, nisi fiat membrum eius.

Quibus autem Christus ad mortem cedit, id fit, quia respuitur, non quia recipitur.

Apoc. 13.

Discrimen veteris & noui Testamenti, non in re, sed in dispensatione positum esse dico. Nam agnus occisus est ab origine mundi. Ideoq; tam illis præsens fuit in ipsorum Sacramentis, quàm nobis præsens est in nostris Sacramentis. Denudò autem peto vt syllogisticè agatur.

D. Iaco

D. I A C O B V S.

Reuerende D. Beza, placet vt syllogifticè agamus. Sic enim citius nos ipsos expediemus, & collatio ipsa auditoribus minus ingrata erit.

1.

Satis autem dictum est de discrimine præsentiae Christi, ratione humanitatis, in veteri & nouo Testamento. Quod videlicet in veteri Testamento Christus secundum humanitatem sit tantum adumbratus, significatus, figuratus & representatus: per quam umbram & figuras, Deus populo suo beneficia distribuit, & applicauit, morte Christi impetrata, videlicet remissionem peccatorum, iustitiam, & vitam æternam. In nouo autem Testamento corpus ipsum præsens cœlesti modo vel ad vitam vel ad iudicium in Cœna Domini distribuitur. Ideo nolo de his plura addere: de quibus etiam in Theſibus nostris dictum est.

2.

Discrimen præsentiae Christi in veteri & nouo Testamento.

Satis etiam dictum est de manducatione spiritali, quæ fit per fidem, de qua nulla questio est: qua ipsis Patribus veteribus pares sumus, qui & ipsi per fidem manducarunt corpus Christi. Sed de substantiæ præsentia, in vtriusque Testamenti Sacramentis, **TANTVM EST DISCRIMEN, QVANTVM** discrimen est inter **ENS & NON ENS**. De dicto Christi, quod dicit D. Beza, non de damnatione, sed de gubernatione, vocem (**IUDICII**) intelligendam esse: id planè nouum & inauditum est. Sic etiam Paulus de pœna loquitur, quam Deus Corinthiis propter abusum Cœnæ Domini inflixit. Quod etiam ipse Paulus explicat proprijs verbis. Si nos ipsos, inquit, iudicaremus, non iudicaremur, hoc est, non puniremur à Domino.

Manducatio spiritalis, eadem in V. & N. Testamento.

Iudicium quid in Paulo significet.  
1. Cor. 11.

Est autem hoc iudicium, seu pœna temporalis, si post illam poenitentiam agant: Sin vero in impœnitentia permanferint, damnatio est.

Iudicium duplex.

Idem Christus quoque apertè confirmat Ioannis 5. Vbi loquitur de iudicio, quod subituri sint impij ratione pœnæ sustinendæ, quam illis infliget Christus. Statim enim post

P 3

verba :

verba (omne iudicium dedit filio) subiungit : (Nolite mirari hoc, quia venit hora, in qua omnes, qui in monumentis sunt, audient vocem Filij Dei. Et prodibunt qui bona fecerunt in resurrectionem vitæ : qui verò mala egerunt, in resurrectionem I V D I C I I) quod alij reddiderunt, condemnationis.

Impij non respuendo, sed recipiendo Christum, manducant iudicium.

Quòd autem impij iudicium manducant non respuendo, sed recipiendo Christum : ex verbis Pauli manifestum est, qui inquit : Panis quem frangimus, non ne communicatio corporis Christi est : hoc est, cum illo pane corpus Christi communicatur, quisquis hunc panem edit. Sed hunc panem non solum manducant pij, sed etiam impij. Ergo manducando, adeoque recipiendo corpus C H R I S T I in eo organo, quod D E V S ordinavit, & non respuendo, manducant iudicium. Sed in formam Syllogismi redigamus.

Syllogismus.  
Impij MANDUCANDO corpus Christi, iudicium manducant.

Quisquis manducat panem Cœnæ Dominicæ, is manducat corpus Christi.

Impij manducant panem Cœnæ Dominicæ. Ergo impij quoque manducant corpus Christi. Et sic non respuendo, sed recipiendo Christi corpus, iudicium manducant.

D. B E Z A.

*Probetur maior propositio.*

D. I A C O B V S.

Paulus scribit, 1. Corinth. 10. Panis quem frangimus, communicatio corporis Christi est. Non dicit, communicatio remissionis peccatorum, sed communicatio corporis Christi est.

D. B E Z A.

D. B E Z A.

*Proba per Syllogismum.*

D. I A C O B V S.

Scripturæ sacræ dicta non indigent, vt probentur per Syllogismum: sed propter authoritatem diuinam illis creditur.

D. B E Z A.

*Fac Syllogismum.*

D. I A C O B V S.

Hoc nouum & in omnibus scholis inauditum est, Scripturæ testimonia per Syllogismum probari.

D. B E Z A.

*Fac Syllogismum.*

D. I A C O B V S.

Dictorum Scripturæ germana sententia non Syllogismo probanda, sed ex Scriptura demonstranda est. Et qualis est communicatio, vbi nulla est perceptio.

D. B E Z A.

*Corpus Christi communicatur intentione Dei, hoc est, offertur omnibus: sed impij non accipiunt, quia non induunt Christum, Gal. 3.*

D. I A C O B V S.

Nulla est communicatio, sed oblatio tantum, quando ali-

do aliquid offertur & non recipitur. Quando autem offertur & recipitur : tum dicitur communicatum , secundum naturam & rationem relatiuorum. Sic communicatio versatur inter communicantem & recipientem , alias nulla communicatio esse aut dici potest.

Communicatio corporis Christi, non beneficiorum.

Aperta autem sunt verba Pauli, quòd non dicit : Panis quem frangimus , est communicatio beneficiorum Christi. Si enim sic locutus esset , omnes intelligerent , impios ab illa communicatione exclusos esse, qui beneficiorum Christi non fiunt participes. Sed Paulus inquit : est communicatio corporis Christi : quid magis apertè dici posset ad probandum, omnes corpus Christi manducare, qui panem Domini manducant : quem communicationem corporis Christi esse dicit, quocunque tandem id fiat modo. Et hæc est germana, consensu omnium doctorum , Pauli sententia & intelligentia, nullo, inquam, doctore excepto, quòd videlicet cum hoc pane corpus Christi omnibus communicetur, qui hunc panem manducant.

D. B E Z A.

*Præbatur quidem corpus Christi omnibus panem manducantibus: sed non ab omnibus recipitur, qui panem manducant.*

D. I A C O B V S.

Quomodo impij corpus Christi non percipiant.

Si de receptione loqueris, quæ fit per fidem : nulla controversia est, quòd corpus Christi infideles non percipiant, quoniam carent fide. Verum Paulus hic non loquitur de manducatione fidei, sed de manducatione oris, cum inquit : Qui manducat panem hunc, &c.

Impij corpus Christi in Cœnâ sacra ore manducant.

Sed probabo expresso alio testimonio Pauli, qui suorum verborum optimus interpret est, quòd hæc manducatio oris non ad panem tantum , sed etiam ad corpus Christi dirigitur.

tur. Sic autem sonant verba eius : ( Quicumque manducauerit panem HVNC, & biberit calicem DOMINI indigne, reus erit corporis & sanguinis Domini. Probet autem seipsum homo, & sic de pane ILLO edat, & de calice bibat. Qui enim manducat & bibit indigne, iudicium sibi manducat & bibit, NON DIIVDICANS CORPVS DOMINI.) Quid quæso magis apertè dici posset, ad explicandam mentem & sententiam verborum Pauli, quæ paulo antè posita sunt : (Panis quem frangimus, nonne communicatio corporis Christi est ?) Vbi Emphatica vocabula in verbis Pauli diligenter obseruanda sunt, cum inquit : Panem HVNC : De pane ILLO : calicem DOMINI. Qui manducauerit panem HVNC, videlicet quem suis discipulis dedit Christus, & dixit : Hoc est corpus meum. Item, de quo prius ipse dixerat : Panem quem frangimus, nonne communicatio corporis Christi est ?

Emphatica vocabula in verbis Pauli diligenter obseruanda.

Sic etiam hoc loco non dicit Paulus, quòd indigne manducantes iudicium manducant, QVIA NON DIIVDICENT HVNC PANEM à communi pane : sed quòd non diiudicent CORPVS DOMINI : Idèoque etiam eos fieri reos CORPORIS ET SANGVINIS CHRISTI. Ex quo luce meridiana clariùs apparet, corpus Christi non modo præberi, sed etiam percipi ab indignis, sed ad iudicium, hoc est, ad pœnam vel temporalem, sicut Corinthiis accidit, quos peculiari morbo Christus puniuit : aut si impœnitentes permanserint, æternam.

Cum igitur nullo modo negari possit, indignos & impios corpus Christi ad iudicium manducare posse : quod verbis Pauli ad oculum demonstratum est : hoc ipso etiam manifestè probatum est & demonstratum, quòd sit tertia manducatio inter manducationem, quæ fit per solam fidem, & inter Capernaïticam manducationem & lanienam carnis Christi : videlicet, Sacramentalis, qua non solum panis qui frangitur, sed corpus quoque Christi, cuius communicatio est, ore percipitur : & non solum vinum ex calice, sed sanguis quoque Christi, cuius communicatio calix benedictus est,

Tertius modus manducandi corpus Christi in cœna Domini.

Q

bibi-



bibitur ab omnibus, qui de hoc pane & calice participant, siue boni siue mali sine, sicut Pauli verba aperta sunt: (Quoniam unus panis, & unum corpus sumus multi (inquit Paulus) nam omnes de vno pane & vno calice participamus.) Quia multa autem putrida membra in hoc corpore fuerint apud Corinthios, eodem loco docet.

1. Cor. 12.

Fauida enim membra in corpore Ecclesie.

D. S E Z A.

Hoc est concionari, non disputare. Quid paulo ante quid fuisse, qualis sit communicatio rei, vbi eius nulla sit receptio? Respondetur, idem fieri in verbo, quod in Sacramento. Scriptum est: Euangelium est potentia Dei ad salutem omnium credentium. Inde non sequitur, quicunque, Euangelium audiant, quod etiam illud percipiant.

Collatio Sacramenti cum predicatione verbi.

Rom. 1.

D. I A C O B U S.

Imo idem Euangelium in auribus, & corde impiorum est, qui perunt & damnantur, quod in auribus & corde piomm est, qui saluantur: quod etiam auribus percipiunt, qui damnantur, & apud quos nullus fructus fert. Et gaudeo aliam esse hoc exemplum, quod presentem controuersiam illustrare potest.

Argumentatio de verbo predicatione.

Argumentatur tua Reuerentia ab effectu ad causam ad hunc modum: Imponi Euangelium, quod est potentia Dei ad salutem, audientes, non percipiunt salutem. Ergo quod percipiunt, non est potentia Dei, adeoque non verbum Dei sed diuitiarum taxat bonus quidam sine potentia. Quare argumentatio est vitiosa.

Euangelium vnum in auribus piomm & impiorum. Ioan. 12. Euangelii duplex vis.

Nam Euangelium & verbum Dei, quod audiunt impij iudicandi, est vnum & idem Euangelium cum eo, quod audiunt pi om & saluandi. Sicut Christus loquitur: Sermo quem locutus sum, ille iudicabit eum in nouissimo die. Et habet duplicem effectum, vel iudicandi eos, qui inermunt & non vnde accipiunt: vel saluandi eos, qui vera fide accipiunt. Sicut idem Apostolus scribit: Bona Christi fragrantia fuitus Deo.

1. Cor. 12.

in his qui salvi sunt, ET IN HIS QUI PEREUNT. His quidem ODOR MORTIS AD MORTEM. Illis vero odor vite ad vitam. Quibus verbis testatur: Verbum Evangelij, quod est potentia Dei ad salutem omni credenti, etiam odorem esse MORTIS ad mortem, in his qui audiunt, sed ei non credunt. Sunt enim omnibus temporibus & locis punita tenebra Ecclesie, quam diu in terris militat.

D. BEZA.

*Quando impij audiunt Euangelium, non adest illis potentia saluanda, sed sonus tantum aures feriens, ut audientes non audiant.*

D. IACOBVS.

Vna & eadem potentia est saluandi & damnandi, quamvis diuersa eius sit ratio. Et Christus non inquit: Sonus, sed verbum quod locutus sum, indicabit illum in nouissimo die, sicut credentem saluabit vna & eadem potentia: sed diuersissimi effectus sum, pro diuersitate auditorum.

Idque minime absurdum esse, in rebus creatis alijs demonstrari potest, videlicet vnius causae diuersos & contrarios effectus posse esse. Est vnus & idem radius solaris, qui locum liquidum indurat, & ceram duram liquefacit: vna & eadem vis radij solaris, duos illos contrarios effectus operatur. Causa autem diuersitas, non est in radio solis: quia vnus & idem radius, vna & eadem vis, atq; potentia radij, non duo aut diuersi radij sunt: sed causa diuersorum & contrariorum effectuum, est in diuersitate subiectae materiae, ut quia pro sua natura solis radius operatur.

Similitudo radij solaris de diuersis effectibus.

Vna causa diuersorum effectuum.

D. BEZA.

*Sol per accedens indurat. Sed ostende entem duplicem vnam in corpore Christi. Nam nos dicimus corpus Christi i carnem saluificum esse, & vinificam carnem eius.*

Et corpus Christi duplicem vnam habet.

2 2

D. IACO-

## 122 Colloquium Mompelgartense

1. Cor. 10.

Putrida etiam membra in corpore Ecclesie.

bibitur ab omnibus, qui de hoc pane & calice participant, siue boni siue mali sint, sicut Pauli verba aperta sunt: (Quoniam vnus panis, vnum corpus sumus multi (inquit Paulus) nam omnes de vno pane & vno calice participamus.) Quam multa autem putrida membra in hoc corpore fuerint apud Corinthios, eodem loco docet.

D. B E Z A.

Collatio sacramenti cum prädicatione verbi.

Rom. 1.

*Hoc est concionari, non disputare. Quòd paulò antè quæsiisti, qualis sit communicatio rei, vbi eius nulla sit reuerentia? Respondeo, idem fieri in verbo, quod in Sacramento. Scriptum est: Euangelium est potentia Dei ad salutem omni credenti. Inde non sequitur, quicunq; Euangelium audiunt, quòd etiam illud percipiant.*

D. I A C O B V S.

Argumentatio de verbo prädicato.

Euangelium vnum in auribus piorum & impiorum.  
Ioan. 12.  
Euangelij duplex vis.

2. Cor. 2.

Imò idem Euangelium in auribus, & corde impiorum est, qui pereunt & damnantur, quod in auribus & corde piorum est, qui saluantur: quod etiam auribus percipiunt, qui damnantur, & apud quos nullus fructus fert. Et gaudeo allatum esse hoc exemplum, quod præsentem controuersiam illustrare potest.

Argumentatur tua Reuerentia ab effectu ad causam, ad hunc modum: Impij Euangelium, quod est potentia Dei ad salutem, audientes, non percipiunt salutem. Ergo quod perceperunt, non est potentia Dei, adeoque non verbum Dei, sed duntaxat sonus quidam sine potentia. Quæ argumentatio est vitiosa.

Nam Euangelium & verbum Dei, quod audiunt impij iudicandi, est vnum & idem Euangelium cum eo, quod audiunt pii & saluandi. Sicut Christus loquitur: Sermo quem locutus sum, ille iudicabit eum in nouissimo die. Et habet duplicem effectum, vel iudicandi eos, qui spernunt & non vera fide accipiunt: vel saluandi eos, qui vera fide accipiunt. Sicut idem Apostolus scribit: Bona Christi fragrantia sumus Deo, in hunc

In his qui salui fiunt, ET IN HIS QUI PEREUNT. His quidem ODOR MORTIS AD MORTEM: illis verò odor vitæ ad vitam. Quibus verbis testatur: Verbum Euangelij, quod est potentia Dei ad salutem omni credenti, etiam odorem esse MORTIS ad mortem, in his qui audiunt, sed ei non credunt. Sunt enim omnibus temporibus & locis putrida membra Ecclesiæ, quàm diu in terris militat.

D. BEZA.

*Quando Impij audiunt Euangelium, non adest illis potentia saluanda, sed sonus tantum aures feriens, ut audientes non audiant.*

D. IACOBVS.

Vna & eadem potentia est saluandi & damnandi, quamuis diuersa eius sit ratio. Et Christus non inquit: Sonus, sed verbum quod locutus sum, iudicabit illum in nouissimo die, fitur credentem saluabit vna & eadem potentia: sed diuersissimi effectus sunt, pro diuersitate auditorum.

Idque minime absurdum esse, in rebus creatis alijs demonstrari potest, videlicet vnus causæ diuersos & contrarios effectus posse esse. Est vnus & idem radius solaris, qui lutum liquidum indurat, & ceram duram liquefacit: vna & eadem vis radij solaris, duos illos contrarios effectus operatur. Causa autem diuersitatis, non est in radio solis: quia vnus & idem radius, vna & eadem vis, atq; potentia radij, non duo aut diuersi radij sunt: sed causa diuersorum & contrariorum effectuum, est in diuersitate subiectæ materiæ, in qua pro sua natura solis radius operatur.

Similitudo radij solis de diuersis effectibus.

Vna causa diuersorum effectuum.

D. BEZA.

*Sol per accidens indurat. Sed ostende mihi duplicem vim in corpore Christi. Nam nos dicimus corpus Christi tantum saluificum esse, & viuificam carnem eius.*

An corpus Christi duplicem vim habeat.

2 2

D. IACO-

D. I A C O B V S.

Duplex vis in Christo, saluandi & damnandi.

Matth. 1.

Ioan. 5.

Matth. 25.

Christus in impijs non est ociosus.

Suprà satis superque demonstratum esse confido, quòd duplex vis sit in Christo, iudicandi & saluandi: vnde etiam simul & Iudex & Saluator est & dicitur. Propter vim saluandi, appellatur Iesus, hoc est, Saluator, quia saluabit populum suum à peccatis suis. Dicitur quoque iudex, quia Pater omne iudicium ei dedit, non solum ratione gubernationis, sed etiam ratione infligendæ pœnæ temporalis & æternæ. Ideoque etiam non tantum dicet in illo die, VENITE: sed etiam dicet, ITE in ignem æternum.

Sic Christus in terris, cum impij ad Cœnam Domini accedunt commixti pijs, non quidem operatur in eis salutem: sed sicut non definit in seipso Saluator esse, ita in illis quoque minimè ociosus est, sed eos iudicat: sicut paulò antè dictum est, quòd iudicium manducent, & rei corporis & sanguinis Christi fiant,

D. B E Z A.

An causa damnationis sit in Christo.

*Non audio probationem. Et quero: An causa damnationis sit in Christo? Glossam audio non Textum.*

D. I A C O B V S.

Anglossam afferam, vel aperta Scripturæ testimonia, eaq; minimè violenter detorta, sed perspicua & planissima: in iudicio auditorum repono. Non enim puto, aliquid magis aperte verbis Spiritus sancti demonstrari posse, quam hoc loco ex verbis Pauli à me ostensum & probatum est.

Sed vt ad quæstionem propositam disertè & perspicuè respondeam, suprà dictum est: Causam damnationis, propter quam homo damnatur, esse in homine & ex homine, non in Deo, neque etiam ex Deo. Ea autem neminem damnaret, nisi iustitia Dei, Christi iusti iudicis, & eius executio accederet

ret

ret. Ideoque ipsa damnatio non potest vna solùm causa definiri, quæ inter duo versatur, videlicet, Deum damnantem, & hominem qui à Deo damnatur.

Iudicium damnationis non vna causa definitur.

D. B E Z A.

*Iterum quero : An causa damnationis ita emanet à Christo, sicut ab eo emanat causa salutis?*

D. I A C O B V S.

Respondeo : Nequaquam. Ersi enim virtutum in Deo eadem est ratio, si Deus ratione naturæ suæ consideretur, ideoque sicut ab eo vis viuificandi proficiscitur, sic ab eodem quoque vis iudicandi procedit : (nam idem Deus est iustus & misericors, qui saluat & damnat) veruntamen quando homines iudicandi, & saluandi considerantur : horum diuersorum effectuum longe diuersissima est ratio. Nam causa iudicii diuini, quod exercet in hominibus iudicandis & damnandis, & propter quam homines damnat : nō promanat à Deo, sicut salus in saluandis.

An eodem modo causa damnationis à Christo emanet, sicut causa salutis.

Deus enim non est causa incredulitatis, propter quam homines damnantur : neque à Deo promanat incredulitas, sed à Diabolo, & peruersa voluntate hominis.

Quando autem homines saluantur : non modò misericordia Dei causa est huius salutis, sed fidei quoque tanquam causæ instrumentalis : quæ & ipsa donum Dei est, & à Deo & ipsius sancto Spiritu promanat. Qua ratione nulla causa salutis est ex homine : sed damnationis causa est in homine, & ex homine damnato.

D. B E Z A.

*Tutransis à Christo ad Deum: cum Christus sit salus & vita nostra, à quo emanant. In eo causa vnica salutis nostræ*

2 3

posita



## 126 Colloquium Mompelgartense

posita est. Causa verò efficiens damnationis unica, est incredulitas nostra. Ideoq; dicimus, quòd incredulitas nostra damnet: non Christus, aut Cæna Domini percepta.

Aliter etiam Deus, & aliter Christus considerandum est. Quoniam in solius Christi merito salus & vita nostra posita est: quæ inde in nos emanant, & nos vivificant & saluant.

D. I A C O B U S.

Salus nostra à solo  
Christo emanat.

Verum est, me loco vocabuli (Christi) Deum posuisse sed prorsus eadem ratio est. Cum enim dixerim, salutem nostram ex Dei misericordiâ emanare: Christum quoque nomine misericordiâ complexus sum & inclusi, cum extra Christum, qui verus Deus est, Deus nemini misericors & propitius sit. Quæ igitur de Deo dixi, ea omnia de Christo dicta sunt, quòd ex ipsius misericordiâ & merito omnis salus nostra emanet.

Incredulitas quomodo efficiens causa damnationis.

Et si verò incredulitas quoque efficiens causa damnationis dicatur, cum instrumentales causæ etiam inter efficientes numerentur: non tamen propterea iustitia Christi à damnationis causa excluditur. Christus enim est, qui iudicat & damnat.

Sic fides quoque est causa instrumentalis, & ideo efficiens salutis & vitæ in credentibus saluandis. Id verò quum dicimus, videlicet, fidem quoque esse efficientem causam salutis nostræ: non obstat, quò minus solius Christi merito, omnem salutis nostræ causam adscribamus. Christus enim non solum sua obedientia, passionem, & morte omnia nostra peccata deleuit: sed idem quoque per Spiritum sanctum operatur fidem in electis, qua Christum unâ cum merito ipsius apprehendant & saluentur. Sic simul & causa efficiens principalis est Christus, & instrumentalis fides. Solius Christi, non nostrum opus est, ut ipsi soli omnis laus salutis, & vitæ tribuatur. Sicut scriptum est: Perditio tua ex te Israel, in me autem salus tua,

osc. 11.

Ex quo

Ex quo manifestum est, quòd vel in saluandis, aut dam-  
nandis hominibus non vna duntaxat causa sufficiat, sed  
semper duæ concurrant, sicut dictum est. Christus est qui sal-  
uat, tanquam efficiens: fides est, quæ saluat tanquam instru-  
mentalibus causa, respectu hominis. Sic Christus est, qui iudi-  
cat & damnat, ratione iustitiæ suæ: & incredulitas quoque  
damnat, tanquam causa efficiens instrumentalis, propter  
quam homo damnatur. Nam causæ instrumentales etiam  
inter efficientes numerantur.

Duæ causæ in sal-  
uandis & damnan-  
dis hominibus con-  
currunt.

Sic fides est causa instrumentalis salutis, quia Deus nemi-  
nem absoluta misericordia saluat: sed per fidem tantum om-  
nes saluantur, quotquot saluantur. Ita quoque iustitia Chri-  
sti absoluta neminem damnat, alias totus mundus damna-  
tus fuisset: sed propter incredulitatem, quæ est efficiens cau-  
sa, respectu hominis, quòd mundus damnatur, Ioan, 3.  
Marc. 16.

Deus neminem ab-  
soluta iustitia da-  
mnat.

Sic cum prædicatur Euangelium, (quod est potentia Dei  
ad salutem) non vna, sed plures causæ concurrunt. Principa-  
lis est, potentia Dei, tanquam efficiens causa salutis nostræ:  
instrumentalis, respectu Christi est prædicatio, seu ministe-  
rium verbi vocalis: Respectu hominum, est auditus verbi  
prædicati, per quem Deus fidem operatur, secundum illud  
Pauli: Fides est ex auditu, auditus per verbum Dei.

Rom. 10.

Ita in Cæna Dominica, sunt corpus & sanguis Christi,  
tanquam cibus & potus vitæ æternæ, sub ratione causæ ef-  
ficientis vtriusque, salutis videlicet, & iudicii. Instrumen-  
talis respectu Christi, est verbum, & elementa panis & vi-  
ni benedicti: respectu hominum siue dignorum, siue in-  
dignorum est os hominis, quo à Christo iubentur homi-  
nes oblatum panem & calicem, edere & bibere. In qua  
actione, Christus pro dispositione cuiusque hominis, hoc  
pane & calice communicantis, vel vitam vel iudicium  
operatur.

Potest

D. B E Z A.

*Poteſt ne Reuerentia tua dicere, incredulitatem eſſe inſtrumentalem cauſam damnationis? Vt quemadmodum fides eſt cauſa inſtrumentalis ſalutis, ita incredulitas indi-  
& damnationis?*

D. I A C O B V S.

Fides & incredulitas  
cauſæ inſtrumenta-  
les ſalutis & damna-  
tionis.

Omninò: Quoniam contrariorum eadem eſt ratio. Sicut enim ſine fide nemo ſaluatur: ſic, niſi incredulitas eſſet in dam-  
nandis, nemo damnaretur.

D. B E Z A.

Cauſa efficiens ſe-  
cundum Bezam  
quid ſit.

*Cauſa efficiens propriè ea eſt, quæ habet effectum καὶ αὐτὴ, in ſe, & per ſe: & habet vim illam in ſe, vt ſequatur eam effectus. Sed talis non eſt fides. Ergo non eſt cauſa efficiens.*

Hic Antonius Faijus, D. Bezam de cauſis inſtrumentalibus monuit ex Ariſtotele, ne ampliùs de his cum D. Iacobo contendat: Eas enim quoque inter efficientes cauſas numerari.

D. I A C O B V S.

Diſcrimen cauſarum  
efficientium.

Cauſarum efficientium non eſt eadem ratio. Aliter enim ſe habent principales, & καὶ αὐτὴ efficientes: aliter inſtrumentales. Sic Deus eſt καὶ αὐτὴ & abſolutè cauſa efficiens, omnium creaturarum, ad quas creandas nullo inſtrumento indiguit. Nunc in creatione hominis vtitur inſtrumentis, Mare, & Pœmina. Non autem eſt fides ex cauſis καὶ αὐτὴ efficientibus ſalutem: ſed duntaxat, ſicut diximus, inſtrumentalis, quæ ſine Chriſto efficiente cauſa, ſalutem præſtare non poteſt.

Sic

Sic scriptum est : & erunt omnes à Deo docti : sed hoc <sup>Joan 6.</sup>  
 nihil prohibet , quo minùs etiam verbi ministri inter causas <sup>Isa. 48.</sup>  
 efficientes , non *καὶ ἄνθρωποι* , sed instrumentales numerentur ,  
 per quos prima & princeps causa Deus homines conuertit , <sup>Quæ causæ in con-</sup>  
 qui etiam sine ipsorum ministerio & voce , homines conuer- <sup>uersione hominis</sup>  
 tere posset.

Non igitur potentia Dei , à verbo Euangelij prædicato <sup>Potentia Dei à ver-</sup>  
 separanda est : propter quam vocale verbum seu scriptum , <sup>bo vocali non sepa-</sup>  
 seu prædicatum , à Paulo potentia Dei appellatur. Quicun- <sup>randa.</sup>  
 que enim hoc audit , non inanem sonum , sed potentiam Dei  
 audit.

Quando autem fides , & incredulitas inter se conferuntur ,  
 unde proueniant , sine quibus nemo saluatur , aut damnatur :  
 res manifesta est , quòd eorum non eadem , sed longè diuer-  
 sissima ratio sit. Nam fides donum & opus Dei est : Incredu-  
 litas autem Diaboli opus in homine. Et quemadmodum per  
 fidem , quæ opus Dei in nobis est , saluamur : sic per incredu-  
 litatem , quæ opus Diaboli est , damnamur. Non autem pro-  
 pter fidem saluamur , quemadmodum propter incredulita-  
 tem damnamur. Incredulitas enim meretur damnationem :  
 Fides autem ita donum Dei est in nobis , ut ipsa non tanquam  
 opus vitam æternam mereatur , quoniam imperfecta est , &  
 nemo tam firmiter ( quàm firmiter credere tenetur ) credit :  
 sed fides apprehendit Christi meritum , quod solius Christi  
 obedientiæ tribuitur.

D. BEZA.

*Dico Christum non receptum, sed repudiatum impios da-  
 mnare: ideoq; solam incredulitatem causam efficientem da-  
 mnationis impiorum, non Christum, esse dico.*

D. IACOBUS.

Quæro igitur , Reuerende Domine Beza : num impij se-  
 ipsos damnent ?

R

D. BEZA.

D. B E Z A.

*Impij dant causam Deo, ut eos damnet. Christus pronun-  
ciat sententiam.*

D. I A C O B V S.

Quomodo Christus  
damnet.

Quæro iterum: An Christus solum pronunciet senten-  
tiam?

D. B E Z A.

*Non solum pronunciat, sed etiam fert sententiam Chri-  
stus contra impios.*

D. I A C O B V S.

Dux causæ in iudi-  
cio concurrentes.

Manet ergo verum, quod dixi: iudicium, quod mandu-  
cant impij, non vna solum causa, sed duabus causis definien-  
dum esse, videlicet, incredulitate hominis, & iustitia Christi  
quæ in hoc iudicio & condemnatione concurrunt.

Christus executor  
iustitiæ.

Et experti sunt Corinthij: quod Christus non solum pro-  
nunciaverit & tulerit sententiam, sed etiam opere executus  
sit iustitiam, iudicando, hoc est, puniendo. Quod certe ali-  
ud est, quam pronunciare tantum, & ferre sententiam. Qua-  
propter cum iudicium sit executio iustitiæ, quod Christo à  
Patre traditum est, Christus est & manet eius causa efficiens.

Christus causa effi-  
ciens iudicij.

Nemo absoluta Dei  
misericordia vel iu-  
sticia saluatur aut  
damnatur.

Quia verò Christus neminem, vel absoluta misericordia  
saluat, vel absoluta iustitia damnat: intrepide dico, tam cau-  
sam salutis in pijs, quam causam iudicij in impijs esse homi-  
nibus. Hoc autem discrimine, seu hac differentia posita:  
quod fides non sit ex hominibus, seu ipsorum viribus, sed  
ex Deo, tanquam donum Dei, quod virtute Spiritus san-  
cti per verbum prædicatum operatur: Incredulitas autem à  
Diabolo est.

Quomodo causa iu-  
dicij & salutis sit in  
hominibus.

Hæc

Hæc causa damnationis efficiens est, sicut tu ipse in The-  
sibus vestris, & in hac collatione affirmas, & minime negas :  
non autem sola, sicut paulò ante dictum est. Nisi enim iusti-  
tia Christi, & eius executio accederet : neque Diaboli, neque  
homines impij damnarentur : qui seipsos nunquam damna-  
rent, si in ipsorum potestate positum esset.

D. B E Z A.

*Christus decreuit, & pronunciauit sententiam contra  
damnatos, non propter receptum, sed propter spretum corpus  
& sanguinem ipsius.*

D. I A C O B V S.

Christus non solum decreuit, & pronunciauit sententiam  
iudicij & damnationis contra impios: sed etiam exequitur de-  
cretam & pronunciatam sententiam: sine qua executione, de-  
creta & pronuntiata sententia, fulgur ex pelui esset. Neque  
enim Diaboli, vel seipsos, vel damnatos affligent tantum: sed  
iustitia Dei affliget, & ipsos Diabolos, & homines: Cuius im-  
perium ratione suæ iustitiæ se in infernum vsque, & non so-  
lum in cælos misericordia eius extendit.

Christus est execu-  
tor iustitiæ Dei in  
impijs.

D. B E Z A.

*Fides non est salus, sed est illud quod apprehendit salu-  
tem, quæ est Christus. Sic Christus decernit & pronunciat  
sententiam: sed causam iudicij inuenit extra se in homine  
impio, videlicet incredulitatem. Ideo non est causa iudicij,  
seu damnationis: Ipse autem homo huius iudicij causa uni-  
ca efficiens est.*

D. I A C O B V S.

Nunc aliquoties dictum est, fidem non eo modo causam  
salutis



salutis esse, quemadmodum incredulitas iudicii. Sed ex argumento D. Beze planè contrarium sequitur, quod ipse probare intendit.

Inuersio argumenti  
D. Beze.

Ioan. 5.

Sicut enim fides non est ipsa salus, sed Christus est salus, quem fides apprehendit: ita incredulitas non est ipsum iudicium, sed id quod respuit quidem Christum Saluatorem, sed apprehendit & mouet iudicem, qui est Christus, iudicantem impium propter incredulitatem. Quemadmodum ergo fides sine Christo nunquam saluaret: ita incredulitas sine Christo nunquam damnaret. Quoniam pater (sicut ipse Christus loquitur) neminem iudicat, hoc est, extra Christum, & sine Christo, Deus pater neminem iudicat: sed omne iudiciū filio dedit, *QUIA FILIUS HOMINIS EST.*

Et ut merecè tua Reuerentia intelligat: Quoniam disputatio de causis efficientibus, & instrumentalibus ad Philosophiam pertinet, quam pauci ex auditoribus intelligunt: disputationem de terminis artis, hoc est, de causis efficientibus καὶ αὐτῶν, & efficientibus instrumentalibus omitteutes, de re ipsa dicamus,

Ezech. 18.

Quomodo Deus homines saluet & damnet.

Dispositio hominis ad vitam & salutem.

Heb. 11.  
Hab. 2.

Dispositio hominis ad damnationem. Marc. 16.

Discrimen dispositionis ad vitam & mortem respectu Dei.

Ego enim aperte dico: Deum neque peccati incredulitatis, neque damnationis causam esse. Sicut enim Deus non vult peccata: ita non vult mortem. Saluat autem hominem non absoluta voluntate, sed ad salutem dispositum: Sic quoque neminem damnat absoluta voluntate, sed ad damnationem dispositum. Dispositio ad salutem in homine requirit fidem, quæ reddit hominem habilem ad salutem recipiendam, quæ omnis in Christo reposita est. Absque fide enim inquit Apostolus, impossibile est Deo placere. Item, iustus ex fide viuet.

Ita quoque impius ad damnationem dispositus est per incredulitatem. Nemo enim nisi incredulus damnatur.

Sed discrimen in eo apparet, quòd Christus non modò salus est, sed ipse quoque hominem ad salutem percipiendam disponit, & per auditum Euangelij fidem in eo operatur. In impijs autem, incredulitatem non operatur, quæ opus Diaboli

holi est, quam inuenit in impijs : qui cum sñt & mancant contemptores verbi Dei, nec volunt discere à patre, qui per filium, per Apostolos, per synceros ministros loquitur: ideo in sua ipsorum incredulitate permanentes & perseverantes iudicat, hoc est, non solum decernit & pronunciat sententiam, sed etiam efficaciter in ipsis eam exequitur.

D. B E Z A.

*Dispositio fidei, & incredulitatis tamen differunt naturâ sui. Nam fides quidem disponit hominem: sed non quod propter ipsam homo saluetur, sed ut possit recipere Christum, qui est salus. Sed incredulitas ita disponit hominem ad damnationem, ut ipsa, sine respectu alterius, Deum impellat ad condemnandum: quod fit non quia Christum recipit, sed quia contemnit & respuit.*

*Sic audio aliquem mihi loquentem: sed quia Germanicè loquitur, non intelligo: quod perinde est, ac si non audirem, & ille mihi non loqueretur. Imò diaboli audiunt Christum, & intelligunt, & tamen non percipiunt eius verbum, quia non credunt. Fides autem aliquid amplius requirit, quàm auditũ duntaxat verbi prædicatĩ. Nam de fide electorum propriâ loquimur, quæ sola saluat: quæ non modò percipit sonum, sed percipit rem ipsam sono expressam, & applicat sibi promissiones uniuersales de gratia in Christo promissas.*

Simile de homine  
ignora lingua lo-  
quente.

*De hoc auditu loquitur Paulus ad Rom. 10. capite, quum dicit: quod fides sit ex auditu verbi Dei: quod tantum de fidelium auditu intelligitur, qui non modò sonum externum percipiunt, sed rem sono expressam quoq, intelligunt, percipiunt, & sibi applicant.*

R 3

D. IACO-

D. IACOBVS.

Incredulitas simpliciter & per se neminem damnat: sicut fides per se, & simpliciter neminem saluat. Sed sicut fides respectu Christi tantum, cuius meritum per fidem homini applicatur, saluat: sic incredulitas respectu Christi damnat, cuius meritum non recipit, neque sibi applicat. Iudicem autem repellere non potest: quem in Cœna Domini, non minus ore percipit, quam pius & fidelis.

Deprauatio verborum Pauli, Rom. 10.

Rom. 10.

Mirabilis autem verborum Pauli explicatio est, qua Reuerentia tua dicit: Paulum tantum de fidelium auditu loquitur cum Paulus eo loco doceat, non quomodo fideles audiant, sed quomodo ex infidelibus fideles fiant, videlicet per auditum verbi Dei. Loquitur enim de externo auditu verbi, qui fidelibus, & infidelibus communis est. Sicut etiam de externa prædicatione, seu verbo vocali loquitur, quod pijs & impijs, fidelibus & infidelibus commune est. Quomodo (inquit) credent, de quo non audierunt? Quomodo autem audient, absque prædicante? Hæc verba omnia de externa prædicatione, & de externo auditu loquuntur, quæ D. Beza ad internum refert, & ab externo separat: Quasi electi aliud verbum audiant, quam damnati.

Inuersio argumenti ab analogia verbi prædicati, ad Cœnam Domini.

• Recte autem accommodatur hic locus ad explicationem verborum Pauli, quæ ex Epistola 1. Corinth. 10. produxi-  
mus: Panis, quem frangimus, communicatio corporis Christi est. Quemadmodum enim per verbum externum prædicatum offertur potentia Dei pariter ad salutem credenti, & ad iudicium non credenti: Sic per panem Cœnæ Domini offertur corpus Christi, omnibus in Cœna Domini vescentibus, vel ad salutem, vel ad iudicium. Et sicut infidelium auditorum aures non percipiunt tantum sonum verbi prædicati, sed etiam rem verbo prædicato allatam, idem videlicet planè verbum, quod piorum aures percipiunt, non ab illa potentia separatum: ita etiam impij in Cœna vescentes, corpus Christi O R E S V O accipiunt, quod pijs S V O O R E accipiunt.

Sicut

Sicut enim externum verbum, seu prædicatio & lectio verbi Dei, est organum, per quod Deus in animis hominum concionatur: sic panis & vinum Cœnæ Domini sunt organum, per quod Christus corpus & sanguinem suum, vel ad fidei nostræ confirmationem, vel ad iudicium communicat.

Quod autem non omnium corda conuertit, neque potentia hæc verbi salutem in omnibus operatur: Spiritus sanctus causam aperte ostendit.

Quidam enim profusus audire nolunt, sicut scriptum est: Quoties volui congregare filios tuos, sicut Gallina pullos suos: ET NOLVISTI. Actor. 7. obturarunt aures, ne audirent verbum Dei ex ore Stephani. Hi quoniam organum Spiritus sancti contemnunt, per quod Spiritus sanctus fidem operatur: ideo nunquam conuertuntur, sed damnantur. Et tales sunt illi, qui extra Ecclesiam Dei, in cecitate mentis suæ ambulant.

Causa cur non omnes ad fidem Christi conuertantur.  
Matth. 23.  
Acor. 7.

Deinde sunt impij in ipso Ecclesiæ cœtu, & externa professione fidei etiam membra Ecclesiæ: qui audiunt quidem verbum Euangelij prædicatum, sed oscitanter, quia non accedunt studio discendi à patre. Perinde ergo est, ac si non audirent: Ideoque etiam in illis virtutem suam non exerit ad conuersionem, sed ad iudicium. Sicut inquit Christus: Sermo quem ego locutus sum illis, iudicabit eos in nouissimo die.

Ioan. 8.

Ioan. 12.

## D. B E Z A.

Paulus eo loco incipit à fide: non ergo agit de sola prædicatione externa. Audiri enim potest verbum Dei, ut ipse sonus tantum audiatur, non res sono verbi expressa: Vt si quis homini lingua ignota loqueretur: Sic impij quidem audiunt verbum prædicatum, sed rem ipsam non percipiunt. Ad eundem quog, modum Sacramenta habent rem externam, panem & vinum: hæc impij sibi applicant: sed corpus & sanguinem Christi his significata, quia fide carent, non percipiunt.

## D. I A C O.

# 136 Colloquium Mompelgartense

D. IACOBVS.

Paulus Rom. 10. de  
externo auditu ver-  
bi Deiloquitur.

Reuerende Domine Beza, Paulus non à fide, sed à prædicato verbo incipit, & ab effectu ad causam procedit, quæ fidem præcedit. Nam prædicatio verbi tanquam causa, præcedit fidem tanquam effectum, & non fides prædicationem. Et contextus totus eius loci indicat, Paulum de externo auditu loqui. Sunt enim correlata, prædicare & audire. Quomodo audient, inquit, si non prædicabunt? Ideoque etiam Paulus Romanos ad auditum illius verbi externi reuocat. Non dicas (inquit) in corde tuo, quis ascendet in cælum? Propè est verbum in **ORE ET IN CORDE TVO**. Audis verbum esse **IN ORE** & idem quoque, & non aliud verbum **IN CORDE**? Ideoque Paulus non à fide, sed ab externa prædicatione verbi Euangelij incipit: & eos credere non posse dicit, nisi **PRIVS** illis verbum prædicatum fuerit.

Discrimen Iudicij.

Ioan. 35.

Etsi verò etiam illi damnantur, qui non audiuerunt, & non crediderunt: fortius tamen damnantur, & maior est damnatio eorum, qui audiuerunt, & non crediderunt, quàm qui non audiuerunt, secundum illud Christi: Si non venissem & locutus fuisset illis, peccatum non haberent. Sic in Cæna Domini etsi iudicantur quoque contemptores Sacramenti, quòdeo non vñ sunt: fortius tamen damnantur, & maius illorum iudicium est, qui Sacramentum, hoc est, non signum duntaxat, sed rem quoque signatam accipiunt indigne: de quibus dicit Paulus, quòd iudicium manducant, quia non dijudicant corpus Domini. Hæc omnia, tam aperta, & manifesta sunt, vt mirum sit, posse hominem Christianum in his hæsitare, ne dicam contra ea disputare.

D. B E Z A.

Confirmatio D. B.-  
zz. quòd corpus  
Christi ore non per-  
cipiatur.

*Quòd ore corpus Christi in Cæna Dominica nò percipiat, aut percipi possit: quam plurima Scripturæ testimonia manifestè confirmant. Quoniam in cælis nunc est et non in terra.*

terra.

terra. sicut oramus: Pater noster qui es in cœlis: Ad quos Chri-  
 stus suo corpore ascendit. Item: Vado vobis parare locum: Re-  
 linquo mundum: Peregrinamur à Domino: Cupio dissolui et  
 esse cum Christo: Superna querite, ubi Christus est ad dexte-  
 ram Patris: Ille in nubibus veniet: & quæ sunt his similia  
 quàm plurima. Quæ simul omnia confirmant, corpus Chri-  
 sti in cœlis esse, non in terris: ideoq; non esse eo loco, ubi panis:  
 neque externo ore percipi, sed fide tantum: quod per panem  
 MENT I tantum præbeatur, non corpori.

Præterea verba Pauli: Quis ascendet in cælum, &c. sunt  
 verba hesitantis: quam hæsitacionem Paulus damnat. Non  
 enim vult, ut absque medio in cælum assurgamus. Et non  
 simpliciter negamus, non posse de externo auditu intelligi:  
 sed certum tamen est, Paulum de interiore auditu loqui.

## D. I A C O B Y S.

Quod ad Scripturæ testimonia attinet à D. Beza allata, qui-  
 bus demonstrare conatur, Christum corpore suo ita in cœ-  
 lis esse apud Patrem, ut nobiscum non simul etiam sit in ter-  
 ris præsens: Respondeo, Testimonia allegata male ad hoc  
 Mysterium accommodari. Nam Christus quidem corpore  
 suo in cœlis est apud Patrem, quod negari non potest: sed  
 quod addit D. Beza: ET NON IN TERRIS: contra-  
 dicimus. Etenim non minùs illustra testimonia habemus de  
 illius præsentia in terris: Ego sum vobiscum omnibus diebus:  
 Vbi duo vel tres, &c. Ascendit supra omnes cœlos, ut omnia  
 impleret. Quapropter etsi vnus est Christus, & non duo, al-  
 ter in cœlis, alter in terris: duplex tamen corporis, seu huma-  
 nitatis eius consideratio est. Altera, quatenus verum, & essen-  
 tiale corpus, nostris corporibus, excepto peccato, simile est:  
 quod essentialia proprietates veri corporis retinet, & nun-  
 quam deponit.

Corporis Christi du-  
 plex consideratio.

Et hac ratione consideratum corpus Christi, duntaxat  
 S nunc  
 Quomodo Christi  
 corpus in cœlis, &  
 non in terris.



## 138 *Colloquium Mompelgartense*

nunc in cœlis, hoc est, in statu alterius seculi est, cum Deo patre, & non in terris.

Quando corpus  
Christi simul in cœ-  
lo & in terris esse  
possit.

Corpus Christi in  
thronum Deitatis  
proprium colloca-  
tum.

Psalm. 110.  
Heb. 1.

Loca Scripturæ de  
absentia Christi in  
terris, quomodo in-  
telligenda.

Sicut autem cum oramus: Pater noster, qui es in cœlis Pater non ita in cœlis est, ut in terra præsens non sit, aut non esse dicatur: est enim etiam nobiscum in terris, qui cœlum & terram implet, Ierem. 23. Sic quoque Christus non ita proprietate corporis sui, seu, ut Augustinus loquitur, propter veri corporis modum est in cœlis, ut non etiam alio modo suo corpore nobiscum in terris esse possit: Cum corpus eius in diuinitatis proprium thronum (qui neque locus, neque in loco est) translatus & collocatus sit. Cœlum, inquit Dominus, Eia. 66. mihi sedes est, & terra scabellum pedum meorum. In hunc thronum nullus beatorum hominum, vel angelorum, collocatus est: sed soli filio hominis Christo dictum est: Sede à dextris meis. Quis ergo non haberet modum in illo throno, quo nobis in terris quoque præsens esse posset?

Quapropter omnia Scripturæ sacræ testimonia, quæ de absentia Christi in terris loquuntur, simul omnia de Christo dicuntur, & intelligenda sunt, **NON SIMPLICITER**, quasi nullo modo adsit: sed secundum **QVID**, hoc est, de veri corporis modo, seu proprietate corporis, qua tanquam corpus sine vilius rei respectu, in sua essentia consideratur, & intelligitur.

Nihil autem per ea maiestati Christi derogatur, qua in throno maiestatis diuinæ proprio collocatus, etiam in terris, in verbo & Sacramento Ecclesiæ suæ **T O T V S**, & **T O T V M** adest, Deus & homo, Diuinitate & humanitate suæ: de qua suo loco plura.

De verbis Pauli: Non dicas in corde tuo: ut maxime sint hominis hæsitantis, qui cæcutiens viam salutis quærat: certum tamen est, quod ijs verbis homines **AD AUDITVM EXTERNI VERBI EXTERNVM**, tanquam ad organum & instrumentum Spiritus sancti, Paulus reuocet: per quod ad agnitionem Christi homines perueniant.

Et quod de **SOLO** externo, & non de interno auditu intelligat.

telligat, ipsa verba expressè docent. Cum enim auditus interior sit ipsa fides, seu fidei effectus, manifestum est, Paulum de illo interno auditu non loqui, cum doceat fidem illam per **AVDITUM VERBI** dari, qua homines carent, priusquam audiant, & per verbum prædicatum Dominus fidem hanc in auditoribus operetur.

Consistit ergo immotum argumentum meum: Quemadmodum aures hominis sunt organum & instrumentum, per quod in externo auditu verbi prædicati recipiunt æternum Dei verbum, quod propriè est potentia Dei ad salutem omni credenti, propter quod, verbum externum potentia quoque Dei est & dicitur: Ita etiam in Coena Domini externum os hominis, est organum & instrumentum, respectu hominis, per quod corpus Christi cum pane, vel per panem, (nam voculam **IN** declinas, propter metum opinionis de inclusione locali corporis Christi in pane) non solum **MENTI**, sed etiam **ORI** præbetur, exhibetur, & etiam ore percipitur.

Sicut enim **MENS** per fidem in verbum promissionis respicit: Hoc est corpus meum, quod pro vobis traditur, quo verbo **MENTI** offertur & exhibetur corpus Christi: Ita os corporis & oculi ad panem respiciunt, qui est communicatio corporis Christi: hoc est, respectu Dei organum & instrumentum, à Christo ad sacramentalem perceptionem corporis sui ordinatum.

Christi corpus per panem coenæ Domini ori & mentis simul offertur & exhibetur.

Quapropter manifestè falsum est, cum dicitur: Quod pijs est Sacramentum, id impijs duntaxat panem & vinum esse. Nam incredulitas nostra non facit fidem Dei irritam. Et Sacramentorum substantia, non à nostra dignitate, aut fide pendet, sed solum à verbo instituentis Sacramentum: quod incredulitas hominis mutare non potest, si institutio et usus à Christo institutus servetur.

Impij etiam integra Sacramenta percipiunt. Rom. 3.

Et nota est similitudo Christi de homine seminante semen bonum: quod tamen in quarta parte agri solum fert fructum. Non est aliud semen, quod in viam, quod super petram, & inter spinas cadit: sed illud ipsum semen, quod in terra bona fructum profert. Vis seminis in omnibus est una & eadem: sed non in omnibus fructum fert.

Similitudo de semine. Matth. 13.

## 140 Colloquium Mompelgartense

Verbum prædicatum  
ad corda impiorum  
penetrat.

Ioan. 12. 15.

Luc. 8.  
Matth. 13.

Eadem ratio quoque est verbi prædicati in auribus & cordibus piorum & impiorum, eandem vim ubique secum retinens: non autem in omnibus proferens.

Nam non solum aures, sed etiam corda impiorum transit verbum auditum, eosque coram Deo inexcusabiles reddit: qui virtute huius verbi excitati, interdum de emendatione vitæ cogitant: sed denuò ad vomitum redeunt, cum Satan verbum ex corde rapit, & deinceps ad flagitia & scelera impellit.

Ex quo intelligitur, verbis Christi verba Pauli consentire, & virumque duntaxat de externo auditu verbi loqui, qui pijs & impijs communis est. Vnum autem, & idem verbum in auribus piorum & impiorum esse.

D. B E Z A.

Ioan. 6.

*Ego ipse distinxi inter auditum internum, & externum verbi. Oportet enim nos non solum per externum verbum, sed etiam internè doceri: Sicut Iohan. 6. scriptum est: Et erunt omnes à Deo docti. Aliàs exterior doctrina nihil prodest. Et loquitur Christus in similitudine de semine, de generali fide. Habet enim fides sua rudimenta. Sicut fœtus in utero mulieris, primum formatur ex semine concepto: Ita etiam fides ab initio auditus verbi, est imperfectus fœtus, quæ suâ incrementa habet, & non in omnibus ad perfectionem suam peruenit, quia verbum non apud omnes procedit. Sicut Diaboli quoque habent fidem, de qua Iacobus, & contremiscunt: Ita etiam eorum fides non est vera fides, apud quos semen in viam, super petram, & inter spinas cadit.*

D. I A C O B U S.

Reuerende D. Beza: Tu de verbo interrogatus, respondes de fide. Dico enim & manifestè probaui, verbum Dei verum, viuum, & viuificum esse, & sua natura manere, non modo in  
auri-

auribus, sed etiam in corde hominis **NON CREDENTIS**, quamvis impios non viuificet. Nam hoc quæsitum fuit: an verbum, quod impius audit, & non credit: & quod in cor eius penetrat, sit duntaxat **SONVS**, an verò ipsum verum Dei verbum viuum, quod in cordibus piorum fructificat: in impijs autem nullum fructum fert. Ad hoc cum tibi respondendum esset: de fide, & eius incrementis, de generali & diabolorum fide disputas: quæ omnia extra contro- uersiam posita sunt.

Verbum Dei viuum  
in corde impij.

D. B E Z A.

*Nemo negat.*

D. I A C O B V S.

Quamobrem ergo Reuerentia tua contendit: non verbum Dei, sed nudum sonum esse in auribus impiorum? Et de duplici verbo disseruit, interno & externo: cum vnū sit verbum Dei in cordibus piorum & impiorum.

Deinde quamvis verum est, quod omnes oporteat à Deo doctos fieri, & non solum exterius, verum etiam interiùs doceri à Deo: tamen hoc quoque verum est, quod Deus interiùs non nisi per externum verbum doceat, nisi velimus homines ad occultas reuelationes citra verbum remittere, quod fanaticum est. Quapropter ex tua Reuerentia quæro: An idem verbum sit in auribus & corde impij, quod est in auribus & corde pij, quando prædicatur? Ad hoc cupio mihi Categori- ce responderi.

Quomodo omnes  
à Deo docti fiant  
& doceantur.

D. B E Z A.

*Quæstio est: an percipiatur ab impijs.*

D. I A C O B V S.

Oportet priùs statuere: an sit idem verbum, priùsquam de perceptione disputetur. Ad hanc quæstionem cum responsum fuerit, deinde quoque ad alteram respondebitur: An ab impijs percipiatur, nec ne? Nam duæ sunt distinctæ

S 3

quæ-

## 142 Colloquium Mompelgartense

quæstiones : altera de verbo , quod ab impijs auditur : an sit idem, adeoque verū verbum Dei, cum eo, quod pii audiunt, Altera verò, an & quomodo illud percipiant pii & impij.

Ad utramque autem quæstionem nos apertè respondemus : Esse in vtrisque pijs & impijs , vnum & idem verbum Dei verum: Et ab vtrisque pariter non solum auribus percipi, sed etiam in cor penetrare. Et inde argumento, quod D. Beza attulit, inuerso, ad Sacramentum Eucharistiæ sic argumentor : Vnum & idem corpus Christi pane Sacramenti ori piorum & impiorum in vsu Cœnæ præberi & exhiberi, ab vtrisque etiam ore percipi : Sicut verbis Testamenti Christi, & Pauli duobus testimonijs apertè probatum est.

Sicut enim verbum per aures in cor recipitur, & impiorum cor vellicat , & excitat ad aliquem amorem veritatis & salutis suæ : sed quoniam indulgent voluptatibus , aut securi sunt, eis non ad salutem, sed in iudicium cedit : Sic etiam integrum Sacramentum, non panis duntaxat, sed corpus quoque Christi cum pane oblatum, per os accipitur ab ijs, quibus ad iudicium, & non ad salutem ac vitam cedit.

D. B E Z A.

An verbum auditum  
in cor descendat.

*Verbum Dei, seu potius sonus verbi in impijs non ulterius peruenit, quàm in aures eorum : Ad cor autem eorum non descendit: aliàs si corde reciperent, etiam crederent.*

Matth. 13.  
Luc. 8.

Hic D. Lucas Osiander D. Iacobo assidens, verba Christi ex Euangelista Matthæo & Luca recitauit: Qui audit sermonem regni, & non intelligit: venit ille malus, & rapit quod SEMINATVM EST IN CORDE ILLIVS. Item Lucas: Qui iuxta viam, hi sunt, qui audiunt, deinde venit Diabolus, & tollit sermonem DE CORDE eorum, ne credentes fientur.

D. IACO.

D. I A C O B V S.

Hic videt, & audit Reuerentia tua, mi Beza, quòd verbum regni, quo videlicet homines ad regnum Dei adducuntur, seminatum sit non solum in auribus, sed etiam in CORDE: & quòd Diabolus auferat ex CORDE impiorum, ne credant & saluentur. Potest ergo cor recipere verbum, & tamen non credere.

D. B E Z A.

Concedo, integra Sacramenta offerri non modo pijs, sed etiam impijs: verum ab impijs integra non percipi, sed duntaxat externa signa, & iudicari & damnari. Sicut agrotus audiens sibi parari Medicamentum, quod ut maxime illi offeratur, ille tamen aut non sumit, aut statim reijcit: huic Medicamentum nihil prodest, sed agrotus moritur: Ita quoque offertur quidem corpus Christi cum pane impijs, sed illi dum vera fide non percipiunt, sed respuunt & reijciunt, iudicium sibi sumunt, & spiritualiter moriuntur.

D. I A C O B V S.

Nos ab initio testati sumus, quòd de manducatione & receptione, quæ sit per fidem, ad quam tu perpetuò recurris, inter nos nullum sit certamen vel controuersia: quam ab utraque parte iam inde ab exorta disputatione confessi sumus. Cum igitur impij veram fidem non habeant: quis non videret, eos per fidem corpus Christi non percipere? Quemadmodum ex parte nostra quoque Capernaiticam manducationem, seu lanienam corporis Christi, semper reiecimus & damnauimus.

Sed quæstio & controuersia est de tertio modo manducationis corporis Christi: Videlicet de Sacramentali modo, qui ore fit in vsu Cœnæ Dominicæ, quem nos ex verbis institutionis Christi, & Pauli verbis aperte probauimus, & ad oculum demonstrauimus. Vbi nihil vel de fide vera, aut temporaria, sed duntaxat de pane dicitur, qui est corpus CHRISTI.

Vt ver-



## 144 *Colloquium Mompelgartense*

Manducatio fidei  
præcedit in mandu-  
cationem sacramen-  
talem corporis  
Christi.

ut verba Christi sonant : seu, ut Apostolus loquitur, communicatio corporis Christi. Et Christus manducare iubet quod non significat credere, sed ore percipere. Hic etiam domino Beza respondendum erat, & demonstrandum, quod talis modus tertius manducationis sacramentalis, neque in verbis Christi, neque in Pauli verbis sit expressus: quod nunquam fecit, neque etiam facere potest. Ideoque quoties de hac tertia manducatione corporis Christi, quæ sacramentalis est, vrgetur: quia non audet affirmare, quod panis solum manducetur, semper ad manducationem confugit, quæ sit per fidem: cum de ea nulla quæstio sit. Nam omnes iubentur prius esse fideles & credentes, & per fidem manducare corpus Christi, quam ad Sacramentum accedant, & id percipiant. Siquidem per fidem manducare corpus Christi, nihil aliud est, quam credere, quod Christus corpus suum in mortem tradiderit, & sanguinem pro peccatis nostris effuderit. Quisquis hoc non verè crediderit: hunc iubemus à Coena Domini abstinere. Eum enim alias ad iudicium communicaturum, si corpus Domini sine fide cum pane accipiat, qui est corporis Christi communicatio. Quæ communicatio est mysterium, quod non videtur aut intelligitur, sed creditur & sentitur spiritualiter, vel ad consolationem & vitam, vel ad iudicium. De hac communicatione in hac collatione nihil categoricè respondet Beza.

Similitudo de Me-  
dicamento oblato.

Deinde accipio similitudinem de Medicamento, quod ægrotanti offertur. Nunquam verò audiui, medicamentum alicui ad mortem celsisse, quod non sumpsit. Paulus verò aperte dicit, quod eiusmodi homines sibi iudiciū **MANDUCENT**: non dicit, quod non sumant, aut respuant, aut reiciant: sed quod **NON DIIVDICENT** corpus Domini, quod secundum Christi & Pauli expressa verba, sumplerunt in Sacramento.

Inversio argumenti  
Beza, à similitudine  
de medicamento  
corporis, sumpti.

Aliter ergo, & commodissimè hæc similitudo ad propositum negotium accommodari potest. Videlicet: Quemadmodum interdum à Medico ægrotanti medicamentum exhibetur,

betur, quod ægrotans non respuit, sed sumit: verum propter stomachi & virium imbecillitatem, virtutem suam in eo exercere non potest, & hominem occidit medicamentum, quod ad recuperandam valetudinem exhibitum & sumptum fuit. Occidit autem, non quod per se mortem afferat, sed propter malam corporis dispositionem, quæ est in homine. Quo nomine nec deinceps medicus accusatur, quod eiusmodi hominem occiderit: istis enim impunè occidere licet, non homines, sed morbos. Sic corpus Christi in Cœna Domini cum pane, homini propter incredulitatem & impietatem male disposito, exhibitum & sumptum, spiritaliter hominem occidit non sua culpa, quoniam caro viuifica & corpus viuificum est, sed culpa sumentis, quoniam impius & profanus est: Ideo illi ad iudicium cedit, quod alijs vitam & consolationem adfert.

Adhunc modum fieri potest, vt vnum & idem medicamentum simul ex eadem massa per pharmacopœum paratum, duo sumant, est vnum & idem Recipe à Medico scriptum. Et quando vterque sumit, alter euadit sanus, alter moritur statim, post haustum Medicamentum. Sic in Cœna Domini sumit vnus, sumunt mille, tantum iste quantum ille: sumunt boni, sumunt mali: sorte tamen INÆQUALI: & sumptus non consumitur: sicut dictum pium & vetus sonat.

Sed quoniam Reuerentia tua, contra manducationis hunc tertium modum, quem sacramentalem Patres appellant, De ascensu Christi ad patrem. ascensum Christi localem, & commorationem eius in cœlo localem aliquoties mihi obiecit & vrsit: Quæro igitur: an An ascensus Christi ad patrem sit localis. ascensus ad Deum patrem fuerit localis?

D. B E Z A.

*Non dubito.*

D. I A C O B U S.

Quantum ergo itineris, & quot millaria ei conficienda

T

da

# 146 *Colloquium Mompelgartense*

da fuerunt, donec perueniret ad patrem suum, ad quem ascendit.

D. B E Z A.

*Ego non sum mensus. Dominus nouit.*

D. I A C O B V S.

Quòd non de locali ascensu possit intelligi, ad oculum  
Ioan. 14. omnibus auditoribus demonstrabo. Nam Ioan. 14. cap. scriptum legimus: quòd Christus Philippo dixerit: Non credis, quòd ego in patre sum, & pater in me? Philippe, qui uider me, uidet & patrem meum. Hæc Christi aperta uerba nullam glossam admittunt, & apertè testantur: quòd pater non modò cum Christo, *SED IN CHRISTO FVERIT*, cum adhuc in terris uersaretur. Quid igitur opus fuit locali ascensu, ut ad patrem suum perueniret, secundum uestram opinionem? Hic cupio mihi Categoricè responderi.

D. B E Z A.

*Christus uoluit dicere, se diuinitatis ratione esse unum cum patre. Agit enim de diuinitatis natura, in qua distinguuntur persona non duæ essentia. Loquitur ergo Christus de λόγῳ incarnato, seu persona incarnata, quam uidebat Philippus. Ergo sciendum, quòd DISCESSV demum impleuit, quod Philippo dixerat. Et sufficiat nobis fides Centurionis.*

D. I A C O B V S.

Ego de præsentia quero: An pater cum Christo in terris præsens fuerit, cum hæc uerba loqueretur. Hic responde. Non enim potest essentia à persona separari. Si essentia Diuinitatis adest, adest igitur & persona quoque: quod nunquam fallere potest. Et vos semper dicitis: Patrem in coe-  
lia

his esse illis summis, qui nomine dexteræ Dei intelligantur.

D. B E Z A.

*Non aderat Pater Christo in terris eo modo, ut Christus esset in gloria.*

D. I A C O B V S.

Hic nulla etiam fit mentio gloriæ, aut humanitatis: sed simpliciter de præsentia Patris in Christo sonant verba eius. Pater, inquit Christus, EST IN ME, & ego in patre: de hac duntaxat præsentia quæritur, non de gloria.

D. B E Z A.

*Pater & Filius sunt unus Deus. Christus autem eo loco de se non agit simpliciter, tanquam de λόγῳ, hoc est, ratione Diuinitatis. Sed quoniam viitur vocabulo videndi, ideo inquit Philippum videre & aspicere ipsum tanquam hominem, qui tamen sit verus Deus, quem nunc non amplius videmus.*

D. I A C O B V S.

Quæstio etiam non est de videndo Filio Dei, quomodo illum viderit Philippus. Nam extra controuersiam est, filium Dei non videri externis oculis, sicut corpus viderur. Idèoque certum est, quod Philippus Christum Filium Dei non viderit, in proprietate essentiæ diuinæ, sed quatenus homo visibilis factus est.

Quomodo Philippus filium Dei viderit.

Idèoque etiam hoc responsum, sicut priora de sensu verborum Christi, nihil ad quæstionem propositam facit. Nam de præsentia quæritur: An pater in terris verè, substantialiter, & essentialiter in Christo fuerit præsens, cum hæc verba Christus loqueretur: vnde manifestè constabit, an de locali ascensu verba Christi intelligenda sint, quo Christo opus fuerit, DONEC ad patrem suum peruenerit.

T 2

Nam

# 148 *Colloquium Mompelgartense*

Visibilis ascensus  
Christi ad coelos, hi-  
storicus.

Nam quod ad veritatem visibilis ascensus Christi in coelum attinet: historia Actorum 1. capite, omnibus nota est, quod Christus suo corpore à terra eleuatus ad aspectabiles coelos sit euectus, & quod nubes illum ab oculis eorum suscepit. Hanc ascensionem localem fuisse, nemo sanus negare potest.

Sed hoc quaeritur: An illo locali ascensu opus fuerit Christo, vt ad Patrem perueniret: & quod ante localem ascensum in coelos cum patre non fuerit, nec sine illo ad patrem peruenire potuerit: hoc, inquam, quaeritur: ad hoc Categorice respondendum erat, sicut nunc aliquoties quaesitum est,

D. B E Z A.

*Non dicimus, quod opus fuerit tali ascensu, vt perueniret ad Patrem: Sed vt perueniret ad caelestem illam gloriam, qua SITV ET NATVRA loci à terris distat.*

D. I A C O B V S.

Christus per resurrectionem in suam gloriam ingressus est.

Hæc glossa, & interpretatio verborum Christi, similiter quoque locum habere non potest. Quia Christus per resurrectionem suam ingressus est in suam gloriam, sicut Scriptura aperte confirmat: & nihilominus suis discipulis quadraginta diebus in terris ante illum visibilem ascensum conuersatus est. Quapropter ad ingressum suum in gloriam, tam non opus fuit illi hoc visibili ascensu, quam ad præsentiam illam, qua cum Patre esset.

De situ, & gloria coelorum humana somnia.

Quæ autem vos dicitis de SITV, ET NATVRA coelorum, & gloria, ad quam Christus cum beatis hominibus supra aspectabiles coelos ascendisse, à vobis creditur: humana & meæ carnalis est imaginatio & phantasia, qua regnum coeleste & spirituale, quod gloria & beatitudine definitur, in similitudinem regni mundani transformatur,

D. BEZA.

D. B E Z A.

Concedo sanè, quòd initium illius gloriæ fuerit, in quam Christus post resurrectionem suam ingressus est : & quòd per dispensationem ederit cum discipulis à resurrectione, usque ad eius ascensionem. Nondum autem collocatus fuit plenè in illam gloriæ, ad dexteram patris. Nam medius status est inter gloriæ, qua Angeli aspiciunt faciem Dei patris : & eum statum gloriæ, in quem Christus ingressus est & fuit, donec visibiliter in cælum ascendit : in quo medio statu homines angelorum conspectum non potuerunt ferre in terris.

D. I A C O B V S.

Negare ergo non potes, quòd Christus etiam in gloriæ ingressus sit, antequam visibiliter ascenderet ad cœlos. Ex quo manifestum est, te concedente, quòd CHRISTO neque ad præsentiam apud Patrem, neque ad consequendam gloriæ, visibili ascensu opus fuerit.

Sed hoc quoque non ignoras, apud Scriptores Ecclesiasticos triplicem statum Christi doceri. 1. Humilitatis, 2. Gloriæ, 3. Dispensationis. Humilitatis statum durasse usque ad resurrectionem. Gloriæ, post resurrectionem secutum esse, qua Christus in gloriæ suam ingressus dicitur. Tertium statum *οικονομίας* seu dispensationis appellatum, à resurrectione usque ad visibilem ascensionem durasse. Cum enim discipulorum fides, de vera eius resurrectione confirmanda esset, qui gloriæ resurrectionis propter naturæ imbecillitatem ferre non potuissent : ut illis quadraginta diebus per intervalla temporis conuersaretur : testâ gloriâ alium atque alium habitum corporis assumpsit, & nunc in persona hortulani, sicut Mariæ Magdalenæ, nunc hominis peregrinantis, quemadmodum duobus discipulis in Emaus euntibus, se illis aperuit. Sic quoque D. Paulo post visibilem ascensionem in cælum, non modò in die conuersionis eius, sed etiam

Triplex status Christi.

1.

2.

3.

De statu œconomix seu dispensationis Christi.

Act. 23.

T 3

postea,



Christus post visibilem ascensum in celos, in terris visus est.

Christus gloriam suam secum gestavit rectam.

Coloss. 2.

Matth. 17.

In Mysterio Cœnz Domini omnes carnales cogitationes de locali gloria abijcienda

Ioan. 16.

postea, cum in vinculis detineretur, IN TERRIS Christum astrisse scribitur, & Paulum confirmasse, ne reformidaret in conspectum Cæsaris venire, & de ipso testimonium perhibere.

Quod verò ad gloriam ipsius attinet, eam Christus iam inde à natiuitate, etiam in statu humiliationis secum habuit, sicut Ioan. 2. scriptum legitur: Hoc initium est signorum, quæ fecit Iesus in Cana Galileæ, & manifestauit GLORIAM SVAM. Hanc gloriam regere voluit, donec opus redemptionis perficeret. Eam autem semper secum habuit, quoniam plenitudo Diuinitatis in ipso habitauit corporaliter: cuius gustum aliquem interdum suis discipulis præbuit. Sicut in monte Thabor factum legimus: cuius aspectu ita captus fuit Petrus, vt vxoris & totius Oeconomix oblitus, aiò non peteret, vt qui se in cœlo esse existimaret. Quod si aduersarij carnales cogitationes de locali gloria, quam imaginantur, abijcerent: sese ex his labyrinthis facile expedire possent. Sic quoque patrem suum secum semper præsentem habuit, sicut inquit: Ego non sum solus, quia Pater mecum est: vt neque gloriæ, neque huius præsentis causa, illi ascensu visibili opus fuerit.

D. B E Z A.

*Reuelatio, de qua Actor. 23. scribitur, qua Christus Paulo apparuisse dicitur, nocturna visio fuit. Nam Christum post ascensum suum in cælum, suo corpore in terris nunquam amplius præsens fuit, sed è tertio cælo per visionem sese manifestauit.*

D. I A C O B V S.

Hæc verba D. Osander ex codice recitauit.

Inspiciatur textus, & manifestum fiet omnibus, quòd hæc glossam vestram nō possit admittere. Sic enim verba sonant: Sequenti autem nocte ASSISTENS EI DOMINVS & ἰσῆας ἀντὶ κυρίου, ait: Bono animo esto Paule. Vt enim testis

vestificatus es de me Hierosolymis, sic te oportet & Romæ testificari. Vbi expressè ponitur vocabulum *ἰσχυρῶς*; A S S I S T E N S, quod non de visione intelligi potest. Id dum vestri interpretes contra expressam literam negant: tam varias interpretationes afferunt, ut se inuicem misere iugulent & confutent. Quod fieri necesse est, cum veritati manifestæ cedere nolunt.

D. B E Z A.

*Sic de Stephano scribitur: quod viderit cælos apertos, & Iesum stantem ad dexteram Dei. Quæ reuelatio, sicut alia quoque, ex tertio cælo facta est, ut non opus fuerit in terram descendere.*

D. I A C O B U S.

Hanc apparitionem minimè nego visionem fuisse: sed è tertio cælo factam esse, cogitatio humana est, quæ se ipsam confutat. Cum enim oculi nostri amplissima corpora cælestia, quæ magnitudine sua terram superant, dicuntur, in firmamento vix videre queant: qui fieri posset, ut acies oculorum eò penetraret: & corpus humana quantitate nostris simile videret? Quapropter si visio fuit, in terra fieri potuit, ut tertio cælo non indigeret. Sin verò ex tertio cælo, corpore Christi bidem existente, facta est: visio non fuit, aut esse non potuit. Et interpretes vestri etiam inter sese non consentiunt, sed se inuicem confutant.

In summa: Gloria Christi, in quam post resurrectionem suam ingressus est, nihil est locale. Quapropter ad reuelationes factas dispensatione usus est, ut non appareret ea gloria, quam declarare potuisset, si voluisset: sed ea ratione, quam naturæ humanæ imbecillitas requirit & ferre potest. Verè enim Christus, & non spectrum fuit, quod cum Paulo in itinere locutum est. Ego, inquit, sum Iesus, quem tu persequeris: & qui ei astitit in nocte illa, quando Hierosolymis captivus tenebatur.

Gloria Christi post resurrectionem non est localis.

A d o r. 9.

Videre

Cur apparitio Stephanano facta, sit visio.

Videre autem Christum ad dexteram Dei stantem, hoc non est oculorum corporis, sed mentis. Quoniam dextera Dei inuisibilis est. Ideoque visio fuerit necesse est, de qua Lucæ Actorum 7. scribit: Quod Stephanus cœlos apertos, & Christum ad dexteram DEI STARE VIDERIT.

Sed, vt redeamus, vnde digressi sumus: gloria Christi, in quam ingressus dicitur, nihil locale est, sed est maiestas illa, quam quidem habuit ex vnione personali, sed in statu exinanitionis sue, forma serui sumpta textit: in cuius plenariam possessionem & vsurpationem, serui forma deposita, peruenit.

D. B E Z A.

Opinio D. Bezz de gloria Christi.

*Semper habuit Christus gloriam, si de λόγῳ & diuinitate intelligas: sed non, si de humanitate intelligatur. Nam humanitas eius donata quidem est MAGNA gloria, supra omnes angelos & beatos homines: sed non ea gloria, quæ diuinitatis propria est. Eam gloriam interdum exruit, quando libuit. Caruit itaque altera gloria, qua petit se glorificari, videlicet ea gloria, quam habuerit apud Deum, priusquam hic mundus esset, de qua quodammodo exciderat.*

D. I A C O B V S.

Christus gloriam suam non modo, vt Deus, sed etiam vt homo semper secum habuit.

Col. 2.

Si de gloria intelligenda sunt Christi verba, quæ Diuinitatis propria est: quomodo ea excidisse dici potest? nisi velimus dicere Diuinitatem mutabilem esse? Hanc autem gloriam non modo ratione Diuinitatis, sed etiam secundum humanitatem habuit, cum in ipso secundum humanitatem omnis plenitudo Deitatis corporaliter habitauerit. A qua plenitudine Deitatis hæc ipsa gloria Diuinitatis non exclusa aut separata fuit. Nisi forte dicere velimus, Deum, seu omnem plenitudinem Diuinitatis, sine sua gloria esse, aut extranea gloria ad sui glorificationem indigere, quæ non sit ipsius gloria

gloria propria. Quod planè absurdum esset de Deo cogitare: qui sibi ipsi ad perfectissimam gloriam sufficit.

Quia verò hæc disputatio de gloria Deitatis, propriè ad locum de persona Christi pertinet, ubi de glorificatione Christi tractandum erit: & hora prandij est, nec Illustrissimus Princeps diutius cum molestia detinendus sit: eò rejiciemus.

Ex his autem, de quibus hætenus collocuti sumus, constat omnibus: de duobus his capitibus inter nos prorsus non convenire. Alterum est de præsentia sacramentali corporis & sanguinis Christi, qua cum pane corpus Christi omnibus exhibetur, quibus panis porrigitur: Alterum verò de perceptione sacramentali, qua non solum menti, sed ori corpus Christi præsens, etiam ore corporis percipi dicitur. Nam Capernaïticam lanienam & Cyclopicam manducationem corporis Christi, vtrinque rejicimus & damnamus: sicuti nunc aliquoties repetitum est. De manducatione autem, quæ per fidem fit, nulla vnquam controuersia fuit.

In quibus adhuc  
dissensio sit,

D. B E Z A.

*Nos corpus Christi per panem Cæna Domini, menti representari & præberi, offerrique dicimus: non autem ori corporis. Et perceptionem eius spiritualement esse tantum affirmamus: ideoque neque à dignis vel indignis ore, sed sola fide percipi.*

*Quod si verò hora secunda denuò conferendum erit, non poterimus ad Theses de persona Christi allatas responsum nostrum scripto adornare. Et fratribus meis, qui mecum aduenerunt, ad Ecclesias redeundum est.*

D. I A C O B V S.

Toties nunc testati sumus, de illa præsentia, qua menti corpus Christi repræsentetur & offeratur: & de perceptione eiusdem,

Repetitio & incul-  
catio status contro-  
uersiæ.

V

# 154 Colloquium Mompelgartense

Corpus Christi,  
quomodo menti &  
ori corporis in Sa-  
cramento simul of-  
feratur.

eiusdem, quæ sit per fidem: sicut & de Capernaïtica & Cyclo-  
pica Ianiæna corporis Christi, nullam vnquam inter nos con-  
trouersiam fuisse: sed de tertio modo tantum, qui Sacramen-  
talis est: quo corpus Christi cum pane, non solum adesse, nec  
menti duntaxat, sed ori quoq; offerri dicimus: menti quidem  
per verbum, quæ sola verbum intelligit: per panem autem ori  
verè & realiter exhiberi.

Sic quoque mente in verbo, ore autem cum pane verè &  
realiter, non Capernaïticè, sed in mysterio, modo coelesti &  
humano ingenio inperuestigabili percipi, secundum verbum  
Christi: Accipite, M A N D V C A T E, Hoc est corpus  
meum, &c.

Modus præsentia  
πισος.

Dei autem potentia & sapientia committimus modum,  
quo id fieri possit. Cum enim verax & omnipotens sit: fal-  
lere non potest.

Illustris. Princeps  
Fridericus conti-  
nuationem Collo-  
quij vrget.

Quod ad continuationem colloquij attinet: Illustrissi-  
mo Principi consultissimum videtur, priusquam Domini pe-  
culiari scripto responsum suum ad Theses nostras adornent,  
articulum de Coena Domini concludendum esse. Quod bre-  
uiter fieri poterit, nisi forte noua argumenta pro assertione sug-  
gerentis producere voluerint: cum ad ea, quæ & in Thesi-  
bus, & responsionibus vestris, & collatione instituta à vobis  
allata sunt, nostro iudicio satis responsum sit. Nec tempus de-  
rit vobis ad alterum quoque scriptum adornandum: in quo  
minimè festinandum erit.

D. B E Z A.

*Quantum ergo intelligo, hoc unum restat, ut à prandio  
primus articulus, qui est de Coena Domini, concludatur.*

D. I A C O B V S.

1.  
Scopus instituti  
Colloquij.  
2.

Sic est. Auditoribus enim constare oportet, in quibus  
consentiamus, & in quibus dissentiamus. Et quibus funda-  
mentis innixi, vel vos nobis, vel nos vobis cedere non possi-  
mus.



mus. De quibus fundamentis deinceps singuli accuratè cogitare poterunt, vtri parti, meliore conscientia & firmiore fide adhærere possint. Plerique enim persuasi sunt, cum verbis nobiscum præsentiam & manducationem, non panis solum, sed etiam corporis Christi concedatis: per exiguam aut nullam prorsus de rebus ipsis dissensionem esse. Et hoc modo controuersiam illam facili conciliari & sopiri posse.

Communis & perniciosus error in multis, de controuersia Sacramentalia.

## HORA SECVNDA POST meridiana, XXIII. Mart. &c.

LXXXVI.

D. IACOBVS.



REVERENDE & doctissime Domine Beza. postquam placida collatione pleraque capita percurrimus, quæ in Thesibus & responsionibus vestris, & nostris, de Cœna Dominica posita sunt: eaque nostro iudicio sufficienter tractata sint, vt auditores omnes faciliè intelligere potuerint, vti a pars apertis & minimè detortis sacre Scripture testimonijs, aut humana glossa duntaxat nitatur, nec videantur plura produci posse: reliquum est, vt hunc articulum vel tandem concludamus.

Primum omnium igitur testati sumus aliquoties, quòd in Ecclesijs & Scholis nostris nunquam tradita sit Physica, seu localis præsentia corporis & sanguinis Christi in Cœna Domini.

Quemadmodum etiam Capernaiticam & Cyclopicam manducationem corporis Christi, nunquam docuimus, nunquam scripsimus: neque in vllis nostrorum, Lutheri, Brentij, mejs, aut aliorum scriptis, demonstrari potest.

Ανακεφαλαιωσις præcipuorum capitum colloquutionis factæ, de cœna Domini.

1.

De præsentia & manducatione corporis Christi, V. viremb. Theologorum sententia.

2.



3.

Falsus scopus aduersariorum.

Protestatio Vvittenbergenſium Theologorum contra omnia ſcripta Bezae, & fratrum eius de cœna Domini.

Quum autem in omnibus veſtris ſcriptis, hi duo errores noſtris non modo tribuantur, & falſo aſcribantur: ſed vnus ſcopus ſcriptorum polemicorum veſtrorum omnium, ſicut theleon & reſponſionum veſtrarum ſit, vt Phyſicam & localem corporis & ſanguinis Chriſti cum pane præſentiam, & Capernaïticam ac Cyclopicam lanienam carnis Chriſti in eadem Cœna, refuteis: Illuſtriſſimo Principi, Comiti Friderico, & omnibus auditoribus, Baronibus, Nobilibus, Doctõribus, & Viris Ornatiſſimis teſtatum fecimus, illa dogmata de Cœna Domini ab ipsis damnata, nihil prorsus ad nos pertinere: ſed nos paſſim per Galliam, & in alijs regnis apud optimos quoque iniuſte & iniquè traduci, quali tam craſſam & impiam opinionem de Cœna Domini tueamur, à qua omnes p̃mmerito abhorreant & abhorreere debeant.

4.

De manducatione fidei, nulla controuerſia vnquam fuit.

Præterea quoque, ſicut Theſes noſtræ habent, aliquoties teſtati ſumus de manducatione corporis Chriſti, quæ ſit per fidem, nullam vnquam inter nos controuerſiam fuiſſe: ſed eam à nobis adeò conſtanter aſſertam fuiſſe, vt docuerimus, & noſtros auditores ſedulo commonefecerimus, niſi per fidem corpus Chriſti manducauerint, priuſquam ad hoc ſacram Conuiuium acceſſerint, eos Cœnam Domini non ad vitam, ſed ad iudiciũ perceptoros.

Manducatio carnis Chriſti per fidem, quid ſit.

Nam hæc manducatio niſi aliud eſt, quàm credere, quod corpus Chriſti ſit pro nobis in mortem traditum: & ſanguis eius in remiſſionem peccatorum effuſus.

Sacramentalis præſentia & manducatio carnis Chriſti.

Reliqua autem eſt tertia præſentia & manducatio corporis Chriſti, quæ ſacramentalis dicitur: qua aſſeritur quod corpus Chriſti ſecundum verba Teſtamenti Chriſti: Hoc eſt corpus meum: illud, inquam, ipſum corpus, ſine reſpectu fidei aut incredulitatis hominum, verè & realiter cum pane Cœnæ adſit, modo ſupernaturali & cœleſti: & non ſolum menti, ſed etiam ori corporis virtute verbi Chriſti (MANDUCATE) exhibeatur, & ore corporis à credentibus ad confirmationem fidei & vitæ per fidem inchoatæ, ab impijs autem ad iudiciũ, percipiatur.

De hac tertia sacramentali præsentia & manducatione quæstio est, in ea cardo Disputationis vertitur: quam nos verbis Testamenti Christi apertissimis (Accipite, manducate, hoc est corpus meum, &c. Bibite, hic est sanguis meus) & D. Pauli testimonijs (Panis, quem frangimus est communicatio corporis Christi: Item, qui indignè manducant, iudicium manducant, NON DIIVIDANTES corpus Domini: Item, rei sunt corporis & sanguinis Christi) ita confirmauimus, vt omnes intelligerent, ne quidem ad larum pilum à simplici & germana verborum Christi & Pauli sententia nos recedere.

Cardo disputationis  
& controuersia de  
Cœna Domini.

Fundamenta asser-  
tionis sacram: præ-  
sentia corporis  
Christi in sacra  
Cœna.

Hæc doctrina de præsentia & manducatione corporis Christi, non est nostra glossa, non nostrum figmentum: sed verborum Christi, & Pauli, genuina & apertissima sententia. Hæc D. Beza & fratribus eius confutanda erat in collatione instituta: & si nobiscum sentire non possint aut velint, probandum illis erat, quod hæc tertia manducatio non possit consistere, & quod non alia corporis Christi præsentia esse queat, quam localis & Physica, aut Relatiua, seu significativa. Item, quod non possit alia corporis Christi esse manducatio, quam Capernaitica & Cyclopica laniena carnis Christi: aut quæ per fidem fit, quæ nihil aliud est, quam in Christum credere.

Hæc si ex verbo Domini, & non humana glossa duntaxat, demonstrauerint: fatebimur eos victoriam obtinuisset: & nos paratos esse, ipsi credere, & nostram doctrinam publice reuocare. Si vero non possunt probare, quod sanè ab ipsis hæcenus non est factum: omnes auditoris vident, nos à verbis simplicissimis Christi non posse recedere: nec vllam causam demonstratam esse, cur ab eis eorumque simplicissimo sensu recedere debeamus propter humanam glossam, quæ nullo testimonio Scripturæ probari, aut demonstrari potest.

D. B E Z A.

Reuerende D Doct̃or, putauimus huius pomeridiana col-  
lationis

V 3

lationis scopum esse, non ut disputationem nouam aggrediamur: satis enim & heri & hodie disputatum est: sed ut difficiatur inter nos, an ex illis, de quibus heri & hodie collatum est, colligi possit, in quibus consentiamus vel dissentiamus. Si autem noua disputatio persequenda est, persequamur. Sed mihi utilissimum videretur dispicere, in quibus consentiamus vel dissentiamus: & in quibus alter alterum ferre possit, ut aliquis fructus ex hac collatione consequatur: quem hic cætus, & alij quoque absentes magno desiderio expectant & expetunt.

Consilium D. Beze  
de via perueniendi  
ad Concordiam.

Quapropter cum pace & venia Illustrissimi Principis, explicabo, quid mihi in mentem venerit. Nam in articulo de Cæna Domini, de quo hætenus collocuti sumus, expeditissima ratio fuerit, si nos seorsim scriptum componeremus: idem quoque ex vestra parte fieret: ut deinceps ex communi collatione utriusque scripti (postquam de sensu cõtulerimus) cõtune fiat scriptum, quod in consensu auditorum legatur: ex quo cognosci queat, an pax & concordia aliqua inter nos constitui possit. Nam habemus communes hostes: & res ipsa docet, eos hoc certamine accendi, & audaciam concipere, non modò ex ipsa controuersia, sed etiam ex agendi modo, quòd tam acerbè utringque hætenus pugnatum sit: qui modus agendi ostendit, animos ex utraque parte valdè exultantes esse. Ego sanè pro mea persona fateor, me multa scripsisse, qua vellem à me non scripta esse: idem etiam ex parte vestra fatebuntur.

Hac proposita ratio, si Illustrissimo Principi placuerit, ineatur: nos ex parte nostra parati sumus eiusmodi scriptum adornare.

D. IACOBVS.

Reuerende Domine Beza, quod ad propositam rationem de scripto componendo attinet: eadem mihi & fratri meo  
D.D.

D. D. Lucę Osiandro placet, & in eadem prorsus sententia sumus: vt ex collatione Scriptorum facta, colligantur: in quibus consentiamus, vel dissentiamus. Nam & hic scopus quoque Colloquij instituti fuit, vt maximè non concordia omnimoda constituatur, aut non constitui possit (quod tamen vnicè optandum esset) non modò auditores præsentēs, sed etiam abentes, Galli, & Germani, & alijs in regnis pij homines in hac controuersia hesitantes, certò cognoscerent, in quibus consensus, aut dissensio inter nos sit: cum ab vtraque parte libelli editi, pleni querelis reperiantur, in quibus vtraque pars conqueritur, sibi ab altera iniuriam fieri, & quàm plurima falsò tribui, quę nunquam senserint, crediderint, docuerint, & scripserint. Vtra ergo pars alteri iniuste aliquid impurauerit, placida collatione doceri poterit: quod nos arbitramur in nostra colloctione de hoc primo articulo factum esse. Quilibet enim cognouerit, quę his diebus inter nos collata sunt: ex ijs faciliè intelliget, quę constans & perpetua cuiusque partis sententia, & quę illius fundamenta sint.

Scopus Colloquij instituti.

Desiderium piorum in multis regnis, de constituenda Concordia pia.

Desiderio piorum in hac collatione satisfactum.

Donec ergo Domini consignationem fidei & Confessionis suę in secundo articulo controuersio de Persona Christi expediuerint, & sententiam suam de Theſibus nostris oblatiſ scripto complexi fuerint: nos eiusmodi scriptum compone-  
mus. Qua ratione etiam tempus redimetur, si ab vtraque parte nos simul expedire studuerimus.

Non autem per me noua Disputatio instituta est, quod Colophonis vice quædam ex collatione facta recitauī. Ea enim instituto maximè seruiunt, quòd breuiter ostenderim, in quibus partibus, post collationem factam, vel consentiamus, vel dissentiamus. Primum quidem de locali & Physica præsentia corporis Christi cum pane, quòd eam nunquam docuerimus vel scripserimus. Deinde quoque de Cyclopica & Capernaitica laniena corporis Christi in Cœna Domini: quam similiter apertè semper & constanter tanquam impiam damnauimus.

Anacephalozosis necessaria.

An verò hac nostrâ ingenuâ Confessione, nō videtur magnus gradus ad piā Concordiā factus: Cum in omnib. scriptis vestris

Ad piā concordiam magnus gradus factus est.

160 *Colloquium Mompelgartense*

vestris de hoc articulo, hæc duo potissimum capita oppugnanda sumpseritis: quæ si ex scriptis vestris eximantur, **NE VNVM QVIDEM ARGVMENTVM** relinquetur, quod contra nos, nostramque doctrinam hæcenus produxistis. Quod ut optimi Auditores diligenter expendant, per Christum Iesum oro & obsecro.

Diffensio reliqua in quibus consistat.

Quod ad diffensionis capita attinet: Offendimus eam **VNAM & TOTAM** esse de tertio præsentia corporis & sanguinis Christi, & manducationis modo, in Sacramento Cœnæ Dominicæ: videlicet, an corpus Christi verè & realiter, non autem Physicè & localiter, nec etiam relatiuè & significatiuè tantum, adsit: Item: an non solum menti, sed corpori quoque nostro in terris præsens sit, & ore vescentium in Cœna cum pane percipiatur.

Hinc quæritur: An illum modum simpliciter negetis: an eum impossibilem esse affirmetis: quem etiam Deus ipse sua Omnipotentia re ipsa præstare non possit? Hoc, inquam, vnum quæritur.

Nam hunc præsentia modum vos hæcenus in scriptis vestris, semper tamen sub nomine physicæ & localis præsentia, cum alium modum non noueritis, non solum tanquam absurdum, sed etiam planè impossibilem oppugnastis. Ideoque etiam manducationem corporis, quæ sit ore, siue à dignis, siue ab indignis, prorsus negatis. Nihil me calumniari aut vobis falsò tribuere, præter collationem nunc factam, Theses vestrae, & omnia vestra scripta demonstrant: nequæ à vobis, ut opinor, negabitur.

Causa primaria erroris Caluin. de Cœna Domini.

In Responsione ad Dogma tertium,

Expressè enim Thesis in vestris responsionibus ad nostram quartam Thesin posita, hæc verba habet: Ipsius corporis & sanguinis Christi, quantumvis glorificati substantiam **NON** **VIDEMVS** possere ipsa cum pane & vino præsentem statui **ALITER, QVAM PHYSICA ET LOCALI CIRCVM-** **SCRIPTIONE.** Quia glorificatio corpori Christi immortalitatem dederit, sed naturam non abstulerit. Item: quod **DEVS**



DEVS non desinat esse omnipotens, etiamsi EFFICERE  
 NON POSSIT, ut Christi corpus vno eodemque tem-  
 pore pluribus in locis essentialiter præsens, aut ut alibi  
 NVNC SIT, quàm in cælis.

D. B E Z A.

*Duplex est ista quaestio, ut mihi quidem videtur: Vna  
 continet coniunctionem corporis & sanguinis Christi cum  
 signis: Altera verò coniunctionem nostram cum corpore &  
 sanguine Christi.*

*Ad primam quaestionem: An Deus essentiam corporis &  
 sanguinis Christi coniungat cum pane, ut I N, S V B, &  
 C V M pane corpus Christi & sanguis eius inuisibiliter, nec  
 samen localiter, et circumscriptivè ac visibiliter in terris sit  
 præsens: non videmus, quomodo hæc verè dici, & asseri, aut  
 simul consistere possint. Id enim veritati corporis Christi  
 repugnat, quæ eiusmodi præsentiam non admittit.*

*Sacramentalem autem dicimus coniunctionem corporis  
 & sanguinis Christi cum pane & vino Cænae Dominicae  
 &c. id est, relativam signorum panis & vini in terris, ad  
 corpus & sanguinem Christi in cælis.*

De præsentia  
 &c. &c.  
 &c. relativa.

*Quod verò ad coniunctionem corporis et sanguinis Chri-  
 sti attinet cum hominibus in cæna vescentibus, fatemur,  
 etiam corpus & sanguinem Christi nobis communicari, & à  
 nobis percipi per Fidem, qua caro de carne, & os ex ossibus  
 eius fiamus. Quam coniunctionem nostrum cum Christi  
 corpore & sanguine, cum Paulo magnum mysterium esse di-  
 citimus.*

D. I A C O B U S.

Ex hac responsione liquet, vos nullam prorsus præsentiam  
 corporis & sanguinis Christi in Cæna Domini statuere:

X

sed



## 162 Colloquium Mompelgartense

sed corpus & sanguinem Christi in ea tantum significari per panem & vinum Coenae Domini: non autem in teris **VULO MODO REALITER** praesentia esse: quia non possit aliter praesens esse corpus Christi, quam physice & circumscriptiue: quem modum praesentiae omnes nostri negant.

Ne autem simplices Christiani hoc animaduertant, vos **NVLLAM** prorsus praesentiam statuere: ambiguus & obscuris utimini verbis, quae imperiti & indocti homines non intelligunt, quin etiam eruditi non facile assequuntur.

Menti aliquid dupliciter adesse dicitur.

Nam quod **MENTI** corpus Christi adesse & praebere dicitis: ambiguum est, & dupliciter intelligi potest.

1.  
Realis & efficax praesentia rerum in mente hominis.

Alias enim verè & realiter aliquid adesse dicitur: ut, cum inquit Christus: Ego & pater meus venimus ad eum, & mansionem apud ipsum faciemus. Sic quoque Spiritus sanctus menti adesse dicitur, qui eam renouat ad veram Dei agnitionem. Qui Spiritus sancti praesentiae modus, non est representatiuus seu significatiuus: sed **REALITER** Spiritus sanctus **EO LOCO** praesens est, ubi **MENS** hominis est.

2.  
Praesentia rerum abscentium in mente.

Alias verò res menti praesentes dicuntur, de quibus **mentis** cogitat: ipsae autem res perpetuò absunt. Ut quando homo in verbo de corpore Christi cogitat, quod (vestra opinione) usque ad nouissimum diem nunquam in terris praesens est, sed in coelo tantum. Haec non est vera & realis praesentia: sed cogitatio tantum de re absente, cuius merito fruatur homo per fidem in Coena Domini: Sicut Abrahamo, & Patriarchis in veteri Testamento praesens fuit.

De *ἁλην*  
& Relatiua praesentia corporis Christi in coena Domini.

Id verò sic se habere, ut omnibus constet, peto abste, Reuerende Domine Beza, ut auditoribus assidentibus & magno numero astantibus, explicare velis, quid significet, aut quid tu intelligas per *ἁλην* praesentiam corporis & sanguinis Christi in Coena Domini. Non enim existimo **VNUM** inter omnes esse, qui id intelligat. De hoc autem Mysterio sic loquendum & differendum existimo, ut omnes etiam simplicissimi auditores intelligant. Non enim pro doctis & eruditis tantum: sed etiam pro indoctis & minimè eruditis, quorum

quorum in Ecclesia omnibus locis & temporibus maximus numerus est, hanc Cœnam instituit Dominus.

D. B E Z A.

*Explicabo. Sacramenta sunt signa, quæ non considerantur secundum suam substantiam, & materiam: sed secundum* Explicatio  
ἡ ΕΤΙΜῆς  
πρόνοιας,  
*usum à Deo in Sacramentis ordinatum. Sic panis & vinum ratione materie considerata, sunt substantia. Deinde eadem considerantur ratione usus, in quæ à Domino destinata sunt in Sacramentis. Usus autem panis & vini in Cœna Domini*

*est, ut sint signa externa, corporalia, in sensus incurrentia, ut representent animo & menti spiritualia, videlicet corpus & sanguinẽ Domini: idq; per promissionem à Christo in* id est, relatiuæ præ-  
sentis corporis  
Christi in cœna Do-  
mini.  
Vfus panis & vini in  
cœna Dominica se-  
cundum D. Bezam.

*verbis cœna factam, cum inquit de pane: Accipite, manducate, hoc est corpus meum, &c. Et de calice: Accipite, bibite, Hic est sanguis meus N. Testamenti. Quibus verbis Christus promittit, se velle nos corporis & sanguinis sui participes facere in remissionem peccatorum, & vitam æternam. Non quidem quod hoc nunc primum facere incipiat, cum Sacramento fideles utuntur: sed quod per usum Sacramenti in illis hæc communicatio* **AVGEATVR.**

*Nunc quaeritur, quomodo in hoc Sacramento signa & res signata coniungantur? An ita, ut ubi est essentia signorum, ibi quoque sit præsens essentia rerum signatarum corporis & sanguinis Christi? Hic respondemus, illam coniunctionem sacramentalem non requirere, ut eodem loco, ubi sunt signa, ibi etiam res signata sint: sed sufficit, ut signa quandam* Signa & res signatæ  
quomodo in Sacra-  
mentis coniungan-  
tur.  
Localis coniunctio.  
*ἡ εἰς οὖν, id est, Relationem & habitudinem habeant ad illas res quas significant, representant, et menti offerunt ac præbent. Hanc coniunctionem seu unionem nos ἡ εἰς οὖν appellamus, seu relationem & habitudinem signorum ad res signatas.*

# 164 Colloquium Mompelgartense

*Hæc ratione sunt in Prædicamento Relationis. Nam signum ratione usus, est in Prædicamento relationis, & non in Prædicamento substantiæ. Sic quoque Sacramenta veteris Testamenti habuerunt  $\chi\epsilon\iota\sigma\mu$ , id est, relationem & habitudinem ad corpus & sanguinem Christi, planè eodem modo & ratione, quemadmodum Sacramenta noui Testamenti habent. Alio enim modo Christi corpus neque nobis adest, quàm illis adfuit in Sacramentorum usu: Quoniam corpus Christi respectu sui, realiter non potest **ALITER** adesse quàm **LOCALITER** & **CIRCUMSCRIPTIVE**. Natura enim corporis non est destructa: ideòque non potest illocaliter esse in loco, ubi panis Cæna Domini est. Tertius autem modus, de quo vos dicitis, præsentia, est materia colationis futurae.*

Axioma D. Beza:  
Corpus Christi nusquam adesse potest nisi localiter.

D. I A C O B V S.

1.  
Sacramenta non sunt tantum signa.

Reuerende D. Beza: Si rectè percepi mentem tuam, tu Sacramenta dicis esse tantum signa. Id nos simpliciter & categoricè negamus. Signa enim non sunt Sacramenta: sed tantum pars Sacramentorum. Nam ad substantiam Eucharistiæ requiruntur duo: signum, & res signata: siue, vt Irenæus loquitur, res terrena, & cœlestis: terrena, panis & vinum: cœlestis, corpus & sanguis Christi.

2.

Deinde quod ad  $\chi\epsilon\iota\sigma\mu$  attinet signorum, quemadmodum abs te explicata est, ( quod tamen paucissimos intellexisse arbitror ) hæc est tuorum verborum sententia: quod in terris in usu Sacramentorum sint duo: Alterum est substantia signorum, qua ratione in Prædicamento substantiæ collocatur: Alterum verò est  $\chi\epsilon\iota\sigma\mu$ , relatio seu habitudo signorum ad res signatas. Præter hæc duo nihil adest in terris, secundum tuam  $\chi\epsilon\iota\sigma\mu$  explicationem: quia corpus Christi est & manet in cœlis, & ( secundum vestram sententiam ) **N V L L O M O D O** est

DO est in terris. Nam Corpus Christi dicitis non posse aliter adesse, quàm localiter & circumscriptivè. Quando ergo Sacramentum Cœnæ Domini, secundum vestram opinionem, celebratur: communicaturis datur & exhibetur panis cum *ἄρτος*, seu habitudine & relatione ad corpus Christi à terris absens, & in cœlo existens.

Sed, ut pace vestra dixerim, quid quæso opus est illis prestigis verborum: quæ, sicut dixi, imperiti, quibus Dialectica non est nota, prorsus non intelligunt: & interim in ea opinione & errore versantur, quia in *ἄρτιον* præsentia vocabulum præsentis audiunt, ut inde falso opinentur, vos etiam veram præsentiam corporis & sanguinis Christi credere & docere: quod vos minime facere iam demonstratum est.

Præstigia verborum  
D. Beza, de præsentia corporis Christi in sacra Cœna Domini.

Nam *ἄρτιον* illa præsentia siue habitudo, nihil aliud est, quàm representatio & significatio duntaxat corporis Christi absentis. Quando igitur latius esset & præstaret, vos simpliciter, sine inuolucris verborum loqui, & apertis verbis fateri, quod in corde sentitis: ut quæ vestra sententia sit, omnes intelligere possent: Sic enim facilius & vos ipsos, & alios expedire possentis: & omnibus constans, & perpetua vestra sententia nota esset: quam sub inuolucris verborum, quibus utimini, homines simplices intelligere non possunt.

*ἄρτιον*  
præsentia nullam præsupponit realem præsentiam.

Quis enim ignorat, quando dicitur: Panis Cœnæ representat corpus Domini, in cœlis existens, & à terra absens: quòd eo ipso manifestè corporis Christi absentia in Cœna Domini asseratur? Hæc facilius intelligi possunt ab omnibus, quàm quæ multis & splendidis verbis de illa præsentia *ἄρτιον* disseritis: quæ etiam à multis doctis non intelligitur. Et ubi quæso sunt verba Christi: aut in quo Testamento Christi reperitur, quòd dixerit in institutione sacrae Cœnæ: Accipite, manducate, hoc est panis cum *ἄρτος* seu habitudine corporis mei coniunctus? Vbi dixit: Accipite & bibite, hoc est signum, id est, vinum, cum *ἄρτος* seu habitudine sanguinis mei coniunctum? Nusquam hoc dicitur. Nec

Explicatio opinionis Beza, de præsentia corporis Christi in Cœna Domini.

Paulus dicit : Panis est communicatio  $\chi\epsilon\iota\omega\varsigma$ . Nihil hîc de significatiua habitudine , sed de reali communicatione , vel ad vitam , vel ad iudicium dicitur : Panis est communicatio corporis Christi : Calix est communicatio sanguinis Christi. Quis autem piorum hominum , æternæ suæ salutis consulens , his persuasionebus tam friuolis , à verbis Testamenti Christi expressis (Hoc est corpus meum: & Hic est sanguis meus) ad  $\chi\epsilon\iota\omega\varsigma$  & habitudinem illam corporis , se abduci patietur: Nemo sane pius & intelligens faciet , qui suæ fidei certus esse , & suam conscientiam in vsu huius Sacramenti tranquillam reddere velit. Nec iubet nos Christus cogitationibus fidei asurgere , & euehi in locum cœli , ubi est corpus Christi , ut ibi eo perfruamur : sed verbis Testamenti sui , iubet nos oculis corporis respicere ad panem & vinum , tanquam externa elementa proposita : oculis autem fidei ad VERBA TESTAMENTI , Hoc est corpus meum , quod pro vobis traditur: & Hic est sanguis meus , qui pro vobis effunditur in remissionem peccatorum: ad verbum , inquam , verbum , verbum Christi , & non in cœlos , respicere nos iubet: cui , sicut Chrysostomus loquitur , simpliciter credamus , nec dubitemus & esse , & dare Christum , quod verba eius sonant.

Christus non iubet nos mente , & per fidem in cœlum euehi.

$\chi\epsilon\iota\omega\varsigma$  in verbis Testamenti Christi locum habere non potest.

Causa erroris in doctrina de Cœna Domini.

Præsentia sacramentalis non destruit veritatem corporis Christi.

Ex quo intelligi ab omnibus potest , quòd illa  $\chi\epsilon\iota\omega\varsigma$  in verbis Testamenti , locum habere non possit : cum quibus aperte pugnat.

Causa autem huius erroris est : quòd arbitramini & persuasi estis , nullā veram & realem corporis & sanguinis Christi in terris præsentiam esse posse , quā localem illam & circumscriptiuam. Hic error si animis vestris eximi posset : non modò facilis via ad concordiam , sed ipsa concordia iam facta esset.

Non enim veritas corporis Christi destruitur , si alio modo in hoc Mysterio adesse credatur , quā quo modo secundum proprietatem corporis nunc in cœlis est. Date , quæso , gloriam Deo , & eius omnipotentiae , ac veritati non detrahatis: qui modum nouit pro sua infinita sapientia , quem nos



nos non nouimus: & sua omnipotente virtute præstare potest, & veritate infallibili secundum verba Testamenti etiam præstat.

D. B E Z A.

*Ὁ μυστήριον ἐστὶν ἐν vocabulo Sacramenti. Nam Sacramen-* De ὁ μυστήριον  
tum interdum sumitur pro signo tantum Sacramentali, vocabuli Sacra-  
substantiali, & corporeo: quod ad res spirituales significan-  
das & representandas adhibetur. Sic circumcisio appella-  
tur signum fæderis: & panis & vinum dicuntur Sacra-  
menta corporis & sanguinis Christi, propter ἁῶν & ha-  
bitudinem, quam habent ad corpus & sanguinem CHRI-  
STI. Interdum verò sumitur pro signo & resignata simul:  
ut cum dicimus, Sacramentum Cæna Dominicæ non so-  
lum panem & vinum, sed etiam corpus et sanguinem Chri-  
sti complecti. Sed hoc non obstat, quò minus Sacramenta  
sint ex numero signorum. Ideoq; etiam ab Augustino visibi-  
lia verba dicuntur, quòd verbis Dei tanquam visibilia  
signa adhibeantur, & eorum virtutem confirment. Quo-  
niam eadem est perceptio ipsius Christi in Sacramento, quæ  
est in simplici verbo: quæ externa quidem forma differunt,  
sed non re ipsa, quæ significatur & præbetur. In verbo per  
aures tantum: in Sacramento autem per eiusmodi signa,  
quæ in reliquos sensus incurrunt. Sic verba voces sunt si-  
gnorum. Dicimus tamen, etiam re ipsa adesse corpus Chri-  
sti: SED NON IN TERRIS. Quod enim significa-  
tur: id simul etiam præbetur, non autem corpori, sed menti  
per fidem.

An Sacramenta ex  
numero signorum  
Sacramenta visibi-  
lia cur dicantur  
verba.

D. Beza, in respon-  
sione.

Si quis autem obijciat: Ergo fructus corporis Christi  
duntaxat ad animum peruenit? Respondeo: Etsi Fides uni-  
cum instrumentum est, quo Christus percipitur: fructus ta-

men



# 168 *Colloquium Mompelgartense*

*men etiam ad corpus peruenit, quia corpora, communica-  
tione huius cibi, immortalia redduntur.*

D. I A C O B V S.

Fallacia diuisionis.

Sacramentum dua-  
bus rebus constat.

Reuerende D. Beza: Non ignota est tibi fallacia diuisionis, qua disiunguntur quę coniungenda sunt, & inde falso argumentamur. Sic in presenti negocio Cœnæ Domini, non disputamus de vna tantum parte, sed de toto Sacramento, quod Irenæus testatur duabus rebus constare, videlicet terrena & coelesti. Non dicit Irenæus, Sacramentum constare VNA RE, videlicet pane & vino cum *ἁγιῶς*, hoc est, habitudine & relatione ad absens corpus Christi, coniunctis. Nam panis & vinum non est Sacramentum, corpus & sanguis Christi quoque non est Sacramentum: sed hæc duo simul in Mysterio per verba Testamenti coniuncta, sunt Sacramentum, quod appellatur Eucharistia. Et hæc est vnanimis sententia omnium Orthodoxorum Patrum, qui simul omnes Sacramentum non vna duntaxat parte, sed duabus simul definiunt.

Augustinus vocabu-  
lo Sacramenti ab-  
usus.

Augustinus in sen-  
tentijs Prosperi  
Di. 2 de Conf. cap.  
Hoc est.

Non autem ignoro, Augustinum vocabulo Sacramenti abusum, & sæpe pro vna eius parte, pane & vino tanquam signis, vsurpasse. Idem tamen aperte testatur, quod Sacramentum Eucharistiæ duabus rebus constet, sicut verba eius aperte resonant: Caro eius est, inquit, quam forma panis OPER- TAM in Sacramento accipimus: & sanguis eius, quem SVB vini specie & sapore potamus. Item: Sacrificium (vritur autem sacrificij nomine pro Sacramento) Ecclesię DVO- BVS CONSTAT, visibili elementorum specie, & invisibili Domini nostri Iesu Christi carne & sanguine. Ideoque hac vocabuli homonymia euadere non potest. T. reuerentia, quę in Scriptura nullum fundamentum habet.

Quod autem dicis: Corpus Christi respectu sui, non posse in terris aliter adesse, quam localiter & circumscriptiue id pernegamus. Et hac voce omnipotentis Dei detrabit, omni

omnes mediocriter instituti intelligunt. Neque etiam id vllō Scripturæ testimonio doceri aut probari potest.

Et localem seu circumscriptiuam præsentiam nos in Cœna Domini nunquam asseruisse, iam aliquoties à nobis dictum est: contra quam vnam pugnat, quasi eam doceamus, quod non est.

Quid enim, quæso, Consensus Orthodoxus, quem sic vocant, agit, quàm vt contra Lutherum, Brentium & nos doceat, primum: In Cœna Domini corpus Christi localiter, & circumscriptiuè non adesse? Deinde: Corpus Christi in Cœna non Capernaiticè manducari? Sed quid opus erat, tam ingenti volumine, hoc à proprietate corporis, ab analogia fidei, & alijs argumentis probare: cum nemo sit, qui hoc asserat? Hoc est proprium figmentum confutare. Negatio igitur localis & phycæ præsentia corporis Christi in Cœna Domini, & Capernaiticæ manducationis corporis Christi, est totius huius libri, qui Consensus Orthodoxus appellatur, breuissima & solidissima refutatio. Quia nemo est, qui illam præsentiam & manducationem corporis Christi asserat, quam ex æquo omnes damnamus.

Summa & argumentum libri Consensus Orthodoxi.

Breuissima confutatio Orthodoxi Consensus.

Deinde docet: Panem Cœnæ Domini, corpus Christi *NON ALIA RATIONE ESSE AUT DICI*, quàm hac sola, quod sortitus sit nomen corporis Christi propter significationem, qua corpus Christi absens significet. Quod nos non modo constanter negauimus, sed etiam firmissimis argumentis solide refutauimus. Non enim dixit Christus: Accipite & manducate, hoc est panis, qui habet nomen duntaxat mei corporis, quod representat: sed dixit: Hoc est corpus meum: *EST, EST* (dicit Christus) corpus meum.

Quidam etiam ex vestris scripserunt: corpus Christi nunc in cœlo existens, suo in terris officio ita defunctum esse, vt ei nihil amplius nobiscum in terris negotij sit: quod similiter cum verbis Testamenti Christi pugnat. Quemadmodum enim in cruce sacrificium fuit pro totius *MUNDI* peccatis: sic in Cœna Domini nunc cibus & potus est, non ventris, sed

Figurini contra breuem Confessionem Lutheri de Cœna Domini.

170 *Colloquium Mompelgartense*

vitz æternæ, tanquam spiritualis alimonia, qua fides nostra confirmatur, & corpus nostrum ad immortalitatem verè pascitur.

Beza cum suis nobiscum loquitur, sed non nobiscum sentit.

Sæpe autem tam splendide de vera & reali præsentia corporis & sanguinis Christi in Cœna Domini concionamini: vti auditores vestri simplices, quin etiam eruditi, non aliter iudicare, aut pronunciare possint, quàm vos nobiscum per omnia sentire: modo Cyclopica Creophagia è medio tollatur. Et hac fide, quàm plurimos in vestris Ecclesiis pios communicare, & Sacramentum sumere à vobis, **NIHIL DVBITO.**

Quòd verò res longè aliter se habeat: spero auditores omnes in hac instituta collatione facillè intelligere potuisse.

Quando enim ad explicationem peruentum est, cum dicitis: Corpus Christi adest verè & realiter: additis *ἁγρικῶς*, id est, relatiuè, habitudine quadam sacramentali, representatiua & significatiua: Item, quia panis habet nomen corporis Christi: Item, *μεταωμικῶς* esse: hoc ipso demonstratur in verbis duntaxat, & non in rebus consensum esse.

Sicut etiam Cyclopicam illam *κρεοφαγίαν*, & Capernaiticam lanienam carnis Christi **NVNQVAM** credidimus, **NVNQVAM** docuimus, **NVNQVAM** scripsimus: sed damnamus, & damnauius semper. Sic ad oculum demonstravi, vos **NVLLAM** veram & realem præsentiam corporis & sanguinis Christi in Cœna Domini credere aut statueret: quod ex *ἁγρικῶς* relatiua illa habitudine manifestum est, quam in Cœna Domini docetis.

Metonymia in verbis Christi non habet locum.

Præterea, omnibus manifestum est, Metonymiam, quæ à vobis in Testamento Christi, verbis eius affingitur, cum ipsis verbis tam apertis minimè consistere posse. Neque enim hic nominum transmutatio est, ubi nomen pro nomine ponatur: Et neque Christus neque Paulus dicunt, quòd panis tantum habeat nomen corporis Christi, non autem ipsum corpus in Mysterio sibi coniunctum.

Idèoque

Idēque hæc omnia, tanquam verbis Testamenti Christi & Myſterio huic minimè consentanea rejciuntur, in quibus *ἁγίως*, relatio, habitudo & representatio seu significatio hæc locum non habet.

Quapropter securissima, & longè omnium tutissima via *Expedita ratio ad*  
& ratio est, si verbis Christi simplicissimè fidem habeamus: & *piam concordiam*  
credamus illorum verborum virtute, quæ Christus semello-  
cutus est, corpus & sanguinem Christi in Cœna Dominica  
non significari, aut representari, sicut in typis & figuris Sacra-  
mentorum veteris Testamenti factum est: sed cum pane & vi-  
no cœnæ corpus & sanguinem Christi verè adesse, cum pane  
distribui, & ore percipi, modo cœlesti & diuino, qui soli Deo  
cognitus est. Sic enim conscientia tranquilla reddi potest, quæ  
indubitato verbo Dei nititur.

Quod amplius in summa Confessionis doctrinæ ipsorum *Crassa ratiocinatio*  
de Cœna Domini, Fundamento IIII. Assertionis dicitur: si *de manducatione*  
substantia corporis Christi ore perciperetur, & maneret quo-  
que ipsa saltem in pijs et fidelibus, quod fideles fierent substan-  
tialia membra Christi, nec mysticum corpus Christi Ecclesia  
esset: speciem aliquam veritatis haberet, si physica & loca-  
lis præsentia cum Capernaitica laniena, & Cyclopica mandu-  
catione corporis Christi in Cœna Domini, à nobis statuere-  
tur. Cum autem nihil minùs à nobis fiat, sed hæc tanquam  
portenta semper à nobis damnata sint: nulla hîc consequen-  
tiæ quoque ratio est. Præsentia enim, & perceptio sacra-  
mentalis corporis & sanguinis Christi cum pane & vino Cœnæ, &  
quæ fit ore, Myſterium est, quod neque ratio neque sensus ca-  
pit, sed sola fides intelligit. *Refutatio eiusdem.*  
*Manducatio carnis*  
*Christi in cœna Do-*  
*mini, non est Caper-*  
*naitica laniena.*

D. B E Z A.

*Nos ex perpetua Sacramentorum natura & proprietate,*  
*Sacramenta signa esse dicimus: interim verò non negamus,*  
*his signis totum contineri, videlicet signum, & rem signa-*  
*tam, hoc est, rem Sacramenti: sed relatiuè & ἁγίως.* *Relatiua præsentia.*

Υ 2

Quem-

# 172 Colloquium Mompelgartense

Metonymica prædicatio.

*Quemadmodum nemo sua mente potest concipere patrem, nisi simul filium cogitet. Prædicatio autem est Metonymica, qua nomen signati tribuitur signo.*

Panis non est essentialiter corpus Christi.

*Sic Patres dicunt, corpus Christi in terram cadere, dentibus atteri, dentes corpori eius insigi: Quæ non propriè accidunt corpori Christi, sed tribuuntur illi per æquip & relationem illam, qua signato tribuitur id quod signo accidit. Quæ Metonymia est tropus, quo natura Sacramentorum explicatur. Sic quoque panis dicitur corpus Christi. Et dicimus nos quoque, quod panis SIT corpus Christi, quia Filius Dei non est mendax. Sed non est essentialiter corpus Christi. Sic dicimus adesse menti, sed non pani: quia propter panem non est, sed propter hominem: & Sacramentum non est panis, sed actio. In summa, conuenit inter nos, corpus Christi in Cæna Dominica esse præsens: sed de modo præsentie non conuenit.*

Nihil minus verum est.

D. IACOBVS.

Sacramenta nõ sunt: signa significantia tantum.

*Sacramenta signa esse, nemo vnquam negauit: sed tantum signa significantia & representantia esse rerum signatarum, per quæ fructus rerum signatarum applicetur percipientibus: hoc nunquam concessimus, neque vnquam concedemus.*

In Sacramētis nõ est æquip præsentia corporis Christi.

*Neque Relatiuam seu æquip hanc præsentiam esse concedimus. Vt, si quis Patrem præsentem habens, de Filio cogitet: eodem modo res signatas cum præsentibus signis adesse: quod nunc aliquoties refutauimus. Et si enim Pater relationem habet ad Filium in mente hominis cogitaram: non tamen propterea Filius adest, vbi Pater præsens est.*

Partes Sacramenti quomodo in prædicamento Relationis.

*Nec partes substantiæ Sacramenti simpliciter relata sunt: sed ea solum ratione, qua inter se comparantur. Sed quatenus substantiam Sacramentorum constituunt: nequaquam relata*



relata sunt, sed absolutam rationem habent, & singulæ pro sua ratione adsunt, qua actioni Cœnæ Dominicæ inferuiuit, non diuisim & separatim, sed coniunctim pro natura vnionis Sacramentalis, qua neutrum sine altero in vsu Cœnæ agit. Neque enim in vsu Sacramenti Cœnæ corporalia à spiritualibus separanda, sed semper coniungenda sunt, & coniuncta manere debent, sicut verba institutionis coniuncta sunt.

In Sacramētis à corporalibus spiritualibus non separanda.

Quod ad locutiones à Patribus de hoc Mysterio vsurpatae attinet, corpori Christi dentes infigi, & quæ sunt his similes: nequaquam Metonymicæ sunt, sed corpori Christi hæc tribuuntur propter veram & realem corporis Christi præsentiam, & vnionem sacramentalem cum pane cœnæ factam. Sicut suprà de columba & Spiritu sancto dictum est, qui descendisse dicitur non Metonymicè, vt nomen Spiritus S. pro columba ponatur: sed quia Spiritus S. verè præsens erat in specie illa columbæ, & sese ad hunc modum reuelauit. Ideo non columba, quæ Spiritum sanctum representauerit, sed ipse Spiritus S. descendisse dicitur.

De phrasib. Patrum Orthodoxorum, dentes infigi corpori Christi.

Ioannes videt Spiritum S. non est Metonymica oratio.

Quemadmodum etiam nequaquam Metonymia admit-  
tenda est in verbis Ioannis: (Quod vidimus, quod oculis nostris aspeximus, quod manus nostræ contrectauerunt de verbo vitæ.) Etsi enim verbum vitæ videri, & manibus in proprietate suæ essentiae contrectari non potest, quia spiritus est: non tamen propterea Apostoli tantum hominem, sed verè Deum contrectasse rectè dicuntur.

1. Ioh. 1.

Apostoli externis oculis viderunt verbum vitæ.

Non autem inde sequitur, panem cœnæ essentialiter corpus Christi esse: sed sacramentaliter est corpus Christi, propter vnionem sacramentalem cum corpore Christi. Et quia ratione non solum menti, sed etiam corpori & orī nostro adfit corpus Christi in Eucharistia: nunc aliquoties dictum & explicatum.

Panis non essentialiter, sed sacramentaliter est corpus Christi.

Neque ignoramus, Christum non propter panem, sed propter hominem adesse. Sed inde non sequitur, quod propterea corpus Christi pani non adfit sacramentaliter, cum

Corpus Christi non propter panem, sed propter hominem adesse.



# 174 *Colloquium Mompelgartense*

Christus panem monstrans dixerit : Accipite , manducate, Hoc est corpus meum : quia non panem sine corpore suo, neque corpus suum sine pane , sed spiritualia hæc per corporalia, sicut Chrysostomus loquitur, in hoc Mysterio dispensare & percipi voluit Dominus.

Sacramentum non est actio.

Sic quoque non ignoramus , panem non esse Sacramentum, sed partem Sacramenti. Sed vicissim Sacramentum non est tantum actio : sed ad Sacramentum requiritur actio, sine qua non est Sacramentum. Nam extra usum à Christo institutum, non est Sacramentum. Substantia tamen Sacramenti, quæ exhiberi & percipi dicitur, in his duobus absolutis consistit, verbo Dei copularis: videlicet re terrena, & re cœlesti (sicut Irenæus testatur, & verba Testamenti docent) pane & vino, corpore & sanguine Christi.

Substantia Sacramentorum in quibus consistat.

Cum igitur D. Beza perpetuo repetat & inculcet, corpus Christi tantum in cœlis esse, & in terris alio modo realiter adesse non posse, quam locali & physica presentia, quam ab utraque parte constanter negamus : vehementer miramur, quomodo toties asserere audeat, consensum inter nos de presentia corporis Christi in Cœna esse.

De presentia corporis & sanguinis Christi in cœna nullus consensus.

Nam relatio, quæ ex non agentibus est, nullam presentiam efficit, sed respectum duntaxat, quo res procul abesse potest. Nos autem tertium presentia modum apertè & manifestissime probauimus, qui neque physicus est, neque relatiuus, verus tamen & realis: qui in Mysterio consistit, quod ratio capere non potest, fides autem in verbo apprehendit. Hunc modum presentia Beza vel nobiscum probet necesse est, si inter nos consensus constituendus: aut refutet: quorum neutrum hactenus fecit. Ideoque dissensio inter nos adhuc manet.

D. B E Z A.

An corpori Christi dentes insignantur.

*Nos dicimus: fieri non posse, etiamsi inter corpus & panem sacramentalis unio sit, ut corpori Christi proprie dentes insigi possint: sed signo duntaxat hoc accidit. Ideoq. Metonymiam*

*onymiam esse, seu per Metonymiam fieri dicitur. Nam infixio dentium signi corporis, non ipsius corporis signati est.*

D. I A C O B V S.

Reuerende D. Beza, hoc vnum tibi potissimum obstat, quò minus, ad nostram sententiam accedere possis, quòd perpetuò imaginariis, nos localem & physicam præsentiam corporis Christi asserere: quod nunc toties negauimus. Hinc etiam imaginatio tua, quod arbitraris nos docere, dentes corpori Christi infigi, quemadmodum fit in esu carnis vitulinæ: quod nunquam cogitauimus. Sed hæc Chrysostomus, propter assertionem præsentiae, corpori Christi tribuit: cuius præsentia cum sit spiritualis, nequaquam dentes illi infigi possunt. Sed sicut verbum vitæ ab Apostolo verè visum esse dicitur: sic quoque de corpore Christi illud verè, piè & rectè dictum est a Chrysostomo & alijs doctoribus, etsi in proprietate substantiæ nihil horum fiat.

Quid Beza in cognoscenda veritate obstat.

Quomodo in usu Cœnæ corpori Christi dentes infigi dicantur.

Ideoquæ dico, nec æticip relatiuam, nec Metonymiam in hoc Mysterio locum habere. Nihil enim hic figuratum, sed omnia cœlestia, diuina & realia, in Mysterio tamen & verè præsentia sunt, quæ præter visibiles res verbis Testamenti Christi enunciantur & exprimuntur.

D. B E Z A.

*Christum suo corpore & sanguine adesse in Cœna non negamus: sed addimus, MENTI non PANI: sicut nunc aliquoties diximus.*

D. I A C O B V S.

Quæro igitur mi Beza, vbi nam celebretur Cœna Domini: in cœlione, an in terra?

D. B E Z A.

*Corpore in terra, mēte in cælo celebratur. Cum .n. corpus Christi in cælo sit, & non in terra, vsq. ad nouissimū diem: ideo mēte nostra in locū cæli ascendere oportet, vbi est corpus Christi:*

# 176 *Colloquium Mompelgartense*

*Christi, ut ibi eo perfruamur, quod nobis à Patre cum omnibus suis beneficijs donatum est.*

D. I A C O B V S.

**Cœna Domini in  
terris celebratur  
corpore & mente.**

Christus in verbis Testamenti sui, non iussit nos panem manducantes in cœlum respicere, aut euehi in cœlum mentem nostram. Nullum Christi verbum extat de tali Cœna Domini: sed iussit oculos in panem propositum, & MENTEM in verba proposita euehere: Accipite, manducate, Hoc est corpus meum, quod pro vobis traditur. Sic in terris iussit hanc cœnam & corpore & mente vsque ad diem reditus sui ad iudicium, & quidem in memoriam mortis suæ, celebrare.

**In Responsionibus  
ad Thesin.**

**Hebr. 2.**

Quod autem in Responsionibus vestris dicitis: Vos **VIDERERE** non posse, quomodo corpus & sanguis Christi, cum pane & vino re ipsa possint presentia statui, aliter quam Physica & locali circumscriptione: fatemur, & nos quoque id ipsum **VIDERERE** non posse, sed credere, propter verba Christi & Apostoli eius, qui de hac presentia testantur, quamuis eam non videamus, quia neque physica, neque localis, nec tamen propterea nulla est coniunctio, quam Deus pro sua infinita potentia & sapientia facile prestare potest. Vnum autem peto & moneo, vt tua Reuerentia diligenrer expendat. Non ignoras, in librum, cui Titulus, Orthodoxus Consensus, omnia congesta esse, quæ pro assertione opinionis vestræ facere videbantur: In quo visus est Author, seu potius Authores (nam multorum labore & incredibili studio congestum esse, præfatio testatur) statum torius controuersix de industria transposuisse, & studiosè tenebris inuoluere voluisse.

**Falsum testimonium  
Authorum Orthodoxi  
consensus contra Theologos  
Augustinæ Confessionis de Cœna  
Dominica.**

Scopus enim totius Libri, sicut paulò antè etiam monuimus, in his duobus capitibus positus est: vnum, vt probet præsentiam corporis Christi in cœna, non esse physicam, naturalem, seu localem: alterum, corporis Christi in Cœna Dominica non fieri Capernaiticam manducationem aut laticianam

nienam Cyclopicam: Quorum vtrunque Lutherum, Brentium & nos asseruisse & asserere, cum vniuersa Ecclesia in eodem libro accusamur.

Cum autem nihil horum vnquam docuerimus aut senserimus, neque adhuc sentiamus: quid quæso arbitraris, Autorem hunc cum omnibus suæ opinionis socijs in nouissimo die Domino nostro Iesu Christo responsurum Iudici iusto, de hoc falso testimonio, per tot regna publicis scriptis euulgato: cuius rei nunc quidem ne vllus modus est, quin toties publicis scriptis moniti, idem facere non desinant.

D. BEZA.

*Author libri, vir doctissimus, nunc cum Filio Dei viuit: quis adesset, fortassis respondere et se defendere posset. Ideoq; de eo nihil amplius.*

D. IACOBVS.

Sed vos idem facitis in Responsione vestra ad dogmata à nobis improbata, vbi hæc portenta nobis tribuuntur, & quæ ex his sequantur, magis horrenda. Probarionis autem loco addiitur, VOS NON VIDERE posse, quomodo hæc quantumuis absurda, falsa, & blasphema, oralem manducationem non consequantur: Quod videlicet corpus Christi dentibus teratur, per guttur deglutiatur, in ventrem traiciatur, concoquatur, & tandem excernatur: quæ omnia auditu horrenda sunt.

*Friuola probatio eorum, quæ Lutherus, Brentius, D. Iacobo, & alijs falsò tribuuntur.*

Non autem fatis est dicere: VOS NON ALITER VIDERE posse. Nam illud videre, soluitur per NON VIDERE.

Nondum enim probatum est, nos eiusmodi Cyclopicam manducationem carnis Christi vnquam docuisse, ex qua hæc blasphema deducantur: sed eandem aperte semper damnamus, & adhuc constanter damnamus.

Status autem disputationis, & totius negotij cardo, quem admodum nunc sæpe diximus, versatur in questione de ter-

*Controuersæ status virgetur.*

Z

tio

## 178 *Colloquium Mompelgartense*

rio modo præsentia corporis Christi, quo neque physice & localiter, neque relatiue, sed verè tamen & realiter corpus Christi præsens sit: Neque Capernaiticè, neque symbolicè, sed reuera tamen cum pane distribuatur & ore corporis percipitur, eo modo, quo Deus per corporalia spiritualia distribui & percipi voluit.

Ad hoc respondendum: hic modus confutandus erat, quem nos verbis Christi & Pauli perspicue demonstrauimus, Sed nullum hic responsum, neque in Orthodoxo Consensu, neque in omnium eorum scriptis, qui vique in hunc diem aduersus nos scripserunt. Sed omnis illorum sermo est, vel de laniena Cyclopica, vel de manducatione corporis Christi, que fit per fidem, de quarum vtraque nulla vnquam controuersa fuit.

Exhortatio D. Iacobi ad D. Bezam.

Hæc, mi Beza, queso diligenter apud animum tuum cum fratribus tuis expende. Vterque enim nostrum, vt vides, canus est & morti vicinus, & vtrique coram tribunali Domini & Saluatoris nostri Iesu Christi comparendum, & doctrinæ, quam auditoribus nostris proposuimus, ratio reddenda erit. Demus igitur operam, ne per nos stetisse videatur, quò minus pia, sancta, & Deo grata concordia fanciasur.

Qua ratione pius consensus constitui possit.

Consensus autem omnis in eo positus erit, vt ab vtraque parte nos Christo & verbo ipsius subijciamus humili Spiritu: & intellectum nostrum, sicut Apostolus loquitur, in obsequium Iesu Christi captiuum ducamus: & explosa Cyclopica laniena & Capernaitica manducatione carnis Christi, vnà cum μετῶνυμιν, & τινι & relatiua præsentia eius, simplici fide verba Testamenti Christi honoremus, eique laudem veritatis, sapientiæ, & potentiæ tribuamus: qui nos non fallit, & quod promissit, præstare potest, etiam si nos non intelligamus.

Qua simplicitate fidei ad cenam Dominicam multi Galilæi accedant.

Quemadmodum non dubito, plurimos cum ex Gallis circumstantibus, tum alijs quoque locis in vestris Ecclesiis non alia fide aut mente ad mensam Domini accedere, corpus & sanguinem Christi cum pane & vino accipere: nihil de



*Ætæ*, de relatione atque habitudine cogitantes, de quibus hic differitis, oculis elementa proposita, mente verba Christi in-  
tuentes, simplicitate fidei Deo longè gratissima hoc Sacra-  
mentum suscipere. Quorum simplicitas Deo magis probatur,  
quàm de *Ætæ*, relatione, & habitudine conficta in hoc nego-  
cio disputantes. Hæc si vtrunque fecerimus, IAM PAX  
ET CONCORDIA inter nos de hoc Articulo constituta  
est. Et quid quæso periculi in assertionem huius præsentie Sa-  
cramentalis? si Capernaïtica damnetur, & simul spiritalis,  
quæ per fidem fit ante sumptionem Sacramenti, præ doceatur?

B. B E Z A.

Reverende D. Doctor, Optamus & nos pacem et concordiam, eamq; maximo desiderio expetimus: sed eiusmodi pacem, quæ non perturbet conscientias nostras. Perturbarentur autem conscientia nostra, si ijs reluctantis vobis assentiremur. Nam quod fortassis vestras conscientias tranquillas reddit, id ipsum nostras perturbaret.

Dissensio autem non est de præsentia, sed de modo præsentia. Nos ad Cænam Domini accedentes, respicimus in promissionem, qua Christus pollicetur, se nolle pascere corpora nostra, sed præbere illa Sacramenta nobis, ut anima pascatur. Quapropter non disputamus, quid percipiamus: sed quo sensu dicatur, corpus Christi in Cæna Domini manducari. Dicimus non de substantia, sed usu. Substantia panis in terris est: substantia corporis Christi in cælis est. Est quoque in terris, quia verba nos monent, quis nobis loquatur. Et miraculosior est hic præsentia modus, quo corporis Christi substantia in cælis est, & tamen nobis in terra communicatur, quam si substantia eius adesse dicatur: Quando videlicet per fidem virtute Spiritus sancti corpori CHRISTI ita coniungimur, ut simus caro ex carne eius, & os ex ossibus eius,

Nihil minus est.



# 180. Colloquium Mompelgartense

adeoque unum corpus cum Christo ( qui nostrum caput est ) fieri nos certum est. Et manifestum est, veritatem corpori naturaliter obstare, nec admittere, ut simul sit in cælo & in terra verè & realiter præsens.

D. I A C O B V S.

1.

Relabimur ad ea, de quibus hoc biduo disputauius. R. ètè disserit D. Beza de spiritali manducatione, quæ sit per fidem. Sed de ea nulla vnquam controuersia fuit. Et verum

2.

Quomodo corpus Christi non sit cibus ventris.

quidem est, quod corpus Christi non sit cibus ventris, quo vel fames naturalis pellatur, aut corpus naturaliter pascatur. Sed hoc ipso nondum confutatum est, Christum per corporalia ex parte sua, pane & vino, & ex parte nostra perceptione, quæ sit ore, velle nobis hæc spiritualia dona conferre & exhibere, eaque à nobis percipi. Hoc inquam nondum confutatum est hoc responso. Et corpus Christi substantia sua secundum proprietatem corporis, & veri corporis modum in cælo esse, & non in terris, supra diximus & assensum sumus.

NB.

3.

Sed propterea **NVLLO MODO REALITER IN TERRIS** Sacramentis in Mysterio adesse, hoc constanter negamus. Et hic verè miraculosus modus præsentia est, quod corpus

4.

Miraculosus modus præsentia Sacramentalis.

Christi propter veri corporis modum in cælis existens & permanens, absque omni locali motu alio modo in omnibus locis adsit, distribuatur, & percipiatur, vbi Coena Domini celebratur. Qui modus præsentia neque physicus aut localis, neque *ἁγιωδὲς* est & relatiuus, sed mysticus, sicut Antiquitas locuta est: Mysterium quod creditur, non autem intelligitur. Nam manducationis vocabulum aliter Ioan. 6. & aliter in verbis Coenæ accipi, nulla probatione indiget: Quod

Manducationis vocabulum *ἁγιωδὲς*.

Ioan. 6. credere, sed in verbis coenæ Dominicæ **ORE MAN- DVCARE** & percipere, significat. Quod si quis de fide interpretetur, quàm id absurdum esset? Inde enim sequeretur, quod in dubium vocandum sit, an panis Coenæ ore manducandus sit, si manducare in verbis Testamenti Christi idem signi-

significaret, quod credere: & sic sine mandato Christi ore perciperetur, quod planè absurdum est.

Cum igitur de spiritali manducatione, quæ sit per fidem, nulla fuerit controuersia vnquam: & D. Beza audiat, Cyclopicam lanienam carnis Christi apertè à nobis damnari: Tertium autem modum præsentia non possit refutare, quo Christus cum pane & vino exhibet corpus & sanguinem suum, & ore iubet manducare, & sic per corporalia, spiritalia non solum offert & exhibet, sed etiam percipi veli: quæ causa est, vt diutius se veritati opponat: Ah quæso veritati manifestare cedas.

Nam sacramentalis illa distributio & perceptio corporis Christi, quæ sit cum pane & ore: ad confirmationem spiritalis per fidem factæ manducationis, à Christo instituta est: quod nemo negare potest.

Hæc omnia, mi D. Beza, vt cum tuis fratribus diligenter expendas, & Ecclesiæ Dei piam & salutarem pacem, vel tandem redimas, denuò obnixè oro. Videt enim tua Reuerentia, me non humana somnia, non humanas glossas, sed expressum & indubitatum Domini verbum attulisse. Huic subiiciamus nostrum intellectum simplici fide, & omnis controuersia sublata erit. Nos enim ex parte nostra non possumus ab expressis verbis Christi, & eorum simplici & germana sententia recedere, cum nulla necessitas vrgeat, vt id faciamus. Præsentia enim illa neque cum analogia fidei, neque cum veritate corporis Christi, aut vlla sacrae Scripturæ sententia pugnat: sed duntaxat sensibus nostris & rationi humanæ absurda videtur. Quibus expressum verbum Dei, simplex, planum, & perspicuum opponendum est, quod nobis in verbis Testamenti Christi expressè proponitur. In quibus conscientia nostra tutissimè, sine omni disputatione, simplicitate fidei acquiescit, & merito acquiescere debet, vt quæ fallere non possunt, cum sensus & ratio falli possint.

D. B E Z A.

*Reuerentia tua satis cogitare potest, nobis tam charam pacem esse, vt ea nihil sit optatius. Sed illam non possumus cum perturbatione cōscientiarum redimere. Obicitur simplicitas fidei, quam putamus & nos sequi, & intellectum nostrum in obsequium Christi captiuum ducere. Nam caro & sanguis non docent, nos corpus Christi in cælo manens, præsens mente habere. Sub verbo ergo Domini captiuam mentem nostram, quod coniungit nos cum absente corpore Christi. Perceptio hac est mirabilis, quando manens corpus Christi in cælo, in Sacramentis nobis præbetur & percipitur, quamuis nos in terris maneamus.*

D. I A C O B V S.

*Nequaquam consulimus, vt cum conscientiarum vestrarum perturbatione pacem Ecclesiæ redimatis. Eam vero facile expedire possertis, si sensus & rationem humanam in spiritualibus cæcam, captiuam ducentes, à simplicitate verborum Testamenti Christi non recederetis.*

**Doctrina D. Beza**  
non fidei, sed carnis  
& sanguinis, in Cœ-  
na Domini est.

*Quod enim tua Reuerentia dicit: carnem & sanguinem non docere, corpus Christi in cælo manens, in Sacramentis menti nostræ præberi, & nos in terra manentes cum illa coniungi. Respondeo: Si præsentia corporis & sanguinis Christi in Cœna Domini non alia est, quàm æqualis & relatiua, sicut explicastis: certum est, eam à carne & sanguine doceri & intelligi. Nisi negare velis: Dialecticam, cuius pars est tractatus de relatione, à ratione doceri & intelligi. Et exempla de contractibus, quibus verba Christi supra interpretatus es, certè caro & sanguis docet & intelligitur. Quapropter vestra doctrina de Cœna Domini, & interpretatio verborum Testamenti Christi, nihil aliud est, quàm caro & sanguis*

sanguis, hoc est, humana cogitatio de Mysterio, quod caro & sanguis non intelligit.

Et quod sæpe à nobis dictum est, quando Reuerentia tua D. Beza ex falso præ ex nostra sententia dicit: Substantiam carnis Christi, cum substantia panis Coenæ Domini coniungi: certum est, quod non aliam quàm physicam & localem præsentiam & coniunctionem intelligatis & oppugnetis. Quia in re, ex parte vestra, erratum est.

Eam enim præsentiam, & coniunctionem nos quoque rejicimus, & damnamus. Neque discrimen vel præsentia localis, & quæ est in Sacramento, sicut & modi manducationis carnis Christi in Coena Dominica, & vulgaris modi manducandi ore, in eo collocamus, quod ille visibiliter, hic vero invisibiliter fiat. Non enim invisibiliter tantum, sed ita spiritaliter hæc à Christo sunt, ut nihil carnale hic sit cogitandum, quod vulgaris modus edendi secum affert: cum præsentia modus planè sit spiritalis, non autem duntaxat Spiritus sancti virtus, sed ipsius Christi corporis præsentia & manducatio.

Quomodo intelligendum sit: corpus Christi, invisibile in Coena Christi præsens, dispensari.

Quapropter mera imaginatio carnalis hæc vestra est, de nostra doctrina, non nostra doctrina: cum nihil horum doceamus, quod vos, in scriptis vestris contra nos editis, damnatis. Nec docemus consubstantiationem (quæ nobis ascribitur) corporis Christi cum pane: Sed quemadmodum transubstantiationem rejicimus & damnamus: sic quoque omnem illam physicam consubstantiationem, siue visibilis sit, siue invisibilis, prorsus rejicimus: & coniunctionem duntaxat sacramentalem docemus, & asserimus.

Imaginatio carnalis D. Beza, de doctrina Ecclesiarum Augustinæ Confessionis, in articulo de Coena Domini. Consobstantiatio, & transubstantiatio damnata.

Nam coniunctionem corporis Christi cum pane dicimus esse Mysterium, quod caro & sanguis non capit, hoc est, humana mens non intelligit, sed sola fides in verbis Testamenti apprehendit, cui simpliciter credit: & modum infinitæ sapientiæ, potentiæ, & veritati committimus, quo id fiat, & id Christus efficere possit. Dicimus tantum, quid non sit: videi-

Comunio panis cum corpore Christi, Mysterium.

## 184 Colloquium Mompelgartense

videlicet quòd non sit physica, & localis præsentia, neque etiam *æreæ* seu relatio, quæ inter duas res absentes versetur. Item, quòd non sit Capernaïtica manducatio, & laniena corporis Christi: neque etiam duntaxat fidei manducatio, quæ nihil aliud sit, quàm credere in Christum: sed eiusmodi manducatio, qua fides in nobis confirmetur, & quæ ore fiat, sicuti panis (qui est corporis Christi communicatio) ori præbetur, & ore percipitur: Quòd in usu Cœnæ Domini auellere à pane, aut separare non debemus.

Mysterium est, quòd Deus spiritualia per corporalia distribuat.

Comparatio mensæ Domini, & mensæ Dæmoniorum.  
1. Cor. 10.

Quomodo autem fiat, quòd Deus spiritualia per corporalia distribuat, & nos corporalibus instrumentis ea accipimus, ignoramus: sed verbo credimus, quod iubet ore manducare, nulla hîc fidei mentione facta. Hoc si credere possent ex parte vestra, omnis controuersia sublata esset. Idem videre licet etiam ex participationis comparatione mensæ Dæmoniorum, & mensæ Domini: de qua Paulus ad Corinth. ubi reprehendit, quòd Corinthij ad fidem Christi conuersi, simul & mensæ DOMINI, & mensæ Dæmoniorum participes facti sint. Qui edunt hostias, inquit Apostolus, participes sunt altaris: & quia Idolothyta Dæmonijs immolabantur, socij erant Dæmoniorum, quotquot de illis edebant: sic quotquot edebant de pane Cœnæ DOMINI, participes erant corporis Christi.

D. B E Z A.

1. Cor. 10.  
An quis simul mensæ DOMINI, & mensæ Dæmoniorum particeps esse possit.

*Paulus inquit: Non potestis, non potestis, inquam, calicem Domini bibere, & calicem Dæmoniorum: non potestis mensa Domini participes esse, & mensa Dæmoniorum. Ideoq; mensa DOMINI, hoc est, corporis Christi non erant participes, qui mensa Dæmoniorum participes erant.*

D. I A C O B V S.

Fuerunt tempore Pauli Christiani, qui in ea opinione versabantur, quia idola nihil essent, per consequens quæ illis immo-



immolabantur, nihil differre à communibus carnibus seu cibis. Ideo putabant sibi licere sine offensione Dei ad illa conuiuia accedere, ad quæ ab Idololâtris inuitabantur. Sicut nostro tempore quidam reperiuntur, qui ex verbo Domini edocti, sacrificium Missæ nihil esse: ideo ad conuiuia in eius solennitate instituta, accedunt: quod D. Paulus in Corinthiis reprehendit.

D. BEZA.

*Paulus inquit: Non potestis: Non potestis.*

D. IACOBVS.

Quomodo quæso non possunt? Nisi enim à Corinthiis factum esset, Paulus hoc nomine eos non reprehendisset. Sicut igitur ore externo sumpserunt & manducarunt, quæ Idolis immolabantur: sic quoque ore externo panem manducabant, de quo Paulus inquit, quod sit communicatio corporis Christi. Et vsitata phrasis est, qua dicitur: Tu non potes simul religionem Christianam profiteri, teque pro Christiano venditare, & simul etiam auaritiæ, libidinibus, ebrietati, alijsque flagitijs studere. Sed optimus suorum verborum interpret est Paulus ipse, cum subiungit: omnia mihi licent, sed non omnia expediunt: omnia mihi licent, sed non omnia ædificant. Quibus verbis Paulus apertè docet, posse quidem Corinthios simul ad mensam Domini, & ad mensam Dæmoniorum accedere: sed hoc neque ipsis, neque alijs vtile fore. Deus enim iubet Idola fugere, & cauendum esse ab offendiculis, monet. Contra vtrunque mandatum Dei peccabant Corinthi, ad conuiuia gentilium sacra accedentes, quod seipsos polluerent idolis, infirmos in fide offenderent, & Idolâtras in sua impietate confirmarent. Sed interim Paulus non negat, eos simul mensæ Domini participes esse: sed iudicium salutem, & poenam minatur. Ideo non vult eos socios Dæmoniorum esse.

Interpretatio verborum Pauli, per verba Pauli.

Aa

D. BEZA

# 186 Colloquium Mompelgartense

D. B E Z A.

Corpus Christi (Ecclesia) ex cuiusmodi membris compa-  
ctum.

*Vnum est verum corpus Christi, quod constat tantum vi-  
vis membris, hoc est, verè credentibus: ad quod socij Dæmo-  
niorum non pertinent. Nemo potest enim simul membrum  
Christi, & membrum Diaboli esse.*

D. I A C O B V S.

In corpore Christi  
multa putrida mem-  
bra.

Imò verò, sicut in vno corpore humano sunt multi pra-  
ui humores, qui corpus molestant: sic in Ecclesia, quæ est cor-  
pus Christi, sunt multa quoque putrida membra, hoc est, ex-  
terna professione Christiani, sed hypocritæ, socij Dæmonio-  
rum: qui tamen etiam sacris Christianorum, & mensæ Domi-  
ni communicant, imò interdum ita præ alijs splendent, ut  
optimi esse videantur.

Sed existimat Illustrissimus Princeps Comes Fridericus,  
Dominus noster clementissimus, satis de hoc articulo Cæne  
Domini, nos collocutos esse. Nihil enim noui amplius ex par-  
te vestra assertur. Ex his autem quæ vtrinque dicta sunt, ar-  
bitror auditores omnes facile intelligere potuisse, vtra pars  
glossa humana, aut solidis Scripturæ sacræ testimonijs doctri-  
nam suam confirmauerit, quorum iudicio etiam commendae-  
mus.

Alterius autem partis Theologi, poterunt ex collatione  
facta etiam colligere, in quibus consentiamus, & in quibus  
dissentiamus. Et sciant nos ad pacem, & Deo gratiam con-  
cordiam constituendam promptissimos esse. Si quid in do-  
ctrina nostra amplius desiderant ad explicationem, & ratio-  
nem reddendam, omni hora parati erimus. DOMINVS  
sanctum Spiritum largiatur, ut concordia solida consti-  
tatur, quæ coram Deo, & Ecclesia eius consistere possit, ut in  
CHRISTO IESV vnum simus.

D. B E Z A.

Reza studium pacis,  
& concordie decla-  
rat.

*Hoc est quod optamus, ut quamvis maximè non possumus  
per omnia cōsentire: tamē appareat in quibus dissentiamus,  
vel cōsentiamus. Testor Deū, me ex animo loqui. Et nisi mo-  
lestū fuerit, recitabo paucis, quæ ante annos 27. in fine Scri-*

pri adiecerā, quod contra Vvestphalum edidi, qui mihi occa-  
 sionem prauit, anno 69. Vbi in fine Apologia, hæc mea verba  
 leguntur: Sed age, obtestor vos oēs, qui hanc Apologiam estis  
 inspecturi, ego omnium infimus: serio tandem non quis ista in-  
 cendia excitari, sed qua tandem ratione penitus extingui pos-  
 sint, consideremus. Plus satis est litium, plus satis conuitiorum,  
 plus satis criminationum, et apologiarum: & nos tandem profe-  
 ctio panitere debet, tot annos Euangelij profectum istis tam lu-  
 etuosis contentionibus fuisse retardatum. Hactenus igitur  
 (quando ita promerita sunt peccata nostra) sit odijs certatum:  
 cur non tandem charitate potius certamus? Certè communes  
 habemus hostes, communem confitemur Deum patrem, Filium &  
 Spiritum S. de Mediatoris officio, de fide, de bonis operibus, de  
 verbo Domini, de Ecclesia, de Magistratu, idem sentimus.  
 In sacramentali causa, quicquid est dissidij, an obsecro eius-  
 modi est, ut scindi nos oporteat, & ludos communibus hosti-  
 bus præbere? verbi simplicis prædicationem, non æquamus  
 illi, quæ est Sacramentis veluti vestita. De vera veri corpo-  
 ris & sanguinis communicatione in cæna Domini inter nos  
 conuenit: adeo præsentem esse Christum, ut verè nos sua car-  
 ne & suo sanguine pascat in vitam æternam, profitemur. In  
 modo tantum communicationis controuersia est: quoniam  
 contenti sumus spirituali, quæ fit per fidem. Hanc controuer-  
 siam satis intelligimus alias duas secum trahere: sed utra-  
 que obsecro, cuiusmodi? Christum in cælos ascendisse: cæleste  
 regnum nostro nomine inijisse: eius unius virtute, potentia,  
 charitate nos regi & seruari scimus: eius spiritui, quicquid  
 boni à nobis proficisci potest, acceptum ferimus in solidum.  
 Sessionem ad dexteram, nonnulli cum ascensione confun-  
 dunt: sed in eo, unde pendet salus nostra, quod dissidium est?  
 Quorunque indigere, id est, sine fide, manducant ex sancto

## 188 Colloquium Mompelgartense

„ pane, & indignè bibunt ex sacro poculo, reos esse corporis &  
 „ sanguinis Domini agnoscimus. Ergo in re ipsa quoq. conu-  
 „ nit. Manet hic quoq. controuersia, an sola symbola indigne  
 „ sumât, reiecto per infidelitatem corpore: an verò etiam cor-  
 „ pus ipsum sumant. An, obsecro, propter controuersiam hanc  
 „ de impijs, diutius perturbabuntur piorum animi? Si quid  
 „ Dominus cuiusdam reuelarit, depromatur: sed eo modo, qui  
 „ Christianos deceat. Instituatur doctorum & piorum homi-  
 „ num Colloquium: interponatur Christianorum principum au-  
 „ thoritas, qui omnem acerbitalatem mitigent, & (quandoqui-  
 „ dem hoc requirit nonnullorum petulantia) effrenes istos mo-  
 „ tus coercerent: neutri certum præiudicium afferant, sed ani-  
 „ mum paratum ijs cedere, quæ candida et simplex veritas de-  
 „ cuerit. Neg. verò quum hæc scribo, mihi in mentem venit,  
 „ ut ego homuncio inter tanta doctrina & autoritatis homi-  
 „ nes, velut arbitri & disceptatoris partes agā. Quis sum, &  
 „ ego, ut hanc cogitationem suscipiam? sed tamen quando ita  
 „ tulit occasio, quis meus sit animus, & quæ quotidiana suspi-  
 „ ria, volui Ecclesie Dei testari: & hoc meum desiderium sum  
 „ præsens expertus tum illustrissimis aliquot principibus, tum  
 „ etiam doctissimis Germanie Theologis haud ita pridem non  
 „ displicuisse: quos ego iterum in nomine Domini supplex ro-  
 „ tor & obtestor, ut potiùs de miserabili hoc dissidio Ecclesie  
 „ componendo, quàm de ullis alijs negocijs cogitēt. Nihil enim  
 „ equè ad Christianos Principes puto pertinere. Et quod ad  
 „ nostros attinet, confido fore, ut quoties liberi & Christiani  
 „ Colloquij cōditiones offerentur, in quo spes aliqua vel mini-  
 „ ma futura concordia affulgeat, non modò non refugiant, sed  
 „ etiam cupidissimè amplectantur. Hactenus verba Beze.

Quæ adhuc mea sententia est, DOMINVS pacem la-  
 giatur.

D. I. A. C.

D. IACOBVS.

Reuerende D. Beza, Credo vos in hac collatione instituta re ipsa deprehendisse, quod nulla animorum acerbitate hanc controuersiam tractemus, sed veritati, paci, & concordie ex animo studeamus. Et diuina prouidentia singulari factum esse existimo, quod in præsentia Illustrissimi Principis, Comitis Friderici, Domini nostri clementissimi, & plurimorum optimorum & doctissimorum virorum ante obitum vtriusque conuenire, & placide de controuersia hac & alijs colloquicuerit. Quod ego diu multumque exoptauimus, non quod de veritate & certitudine doctrine nostræ dubitarem, quam scio in verbis Testamenti Christi fundatam esse: sed cum vtrinque in scriptis nostris publicis cōquesti simus, multa nobis à te, tuisque fratribus, tribui, quæ minime doceamus: & similibus querelis vestros quoque libros polemicos repletos esse constet: vt placida collatione instituta, omnibus demonstretur, quid ab vtraque parte iuste vel iniuste, verè vel non verè, alteri parti imputatum sit.

D. Iacobus verè & pia pacis & concordie cum suis studiosus.

Scopus & fructus Colloquij instituti, cuius causa D. Iacobus cum D. Beza colloqui optauerat.

Et cum plurimi in ea opinione ab vtraque parte hætenus versati sint, quod arbitrentur, non procul nos ab inuicem dissentire, si modò alter alterum rectè intelligere, & alter alterius verba & sententiam candide interpretari velit: spero Auditores præsentis, nunc cum fructum ex collatione placida & familiari percepisse, vt non modò intelligant, quæ vtriusque partis perpetua & constans sit sententia & doctrina, sed etiam vtra in verbo Domini fundata, vel eidem contraria sit. Vnde etiam facile statuere poterunt, vtram posthac securè ac tuto absque periculo æternæ salutis sequi velint aut possint.

Opinio plurimorum de controuersia in negotio de Cæna Domini.

1. Nam de manducatione carnis Christi quæ sit per fidem, nulla vnquam controuersia fuit. 2. Capernaiticam manducationem, & Cyclopicam lanienam carnis Christi, nunquam

Α' αναγκαία-  
σις breuis totius  
controuersia.



docuimus. 3. Physicam & localem præsentiam corporis Christi, siue visibilem, siue inuisibilem, semper in Cœna Domini reiecinus. 4. Repræsentationem, significationem, & umbras corporis Christi, veteris Testamenti esse demonstrauimus. 5. Præsentiam autem veram & realem, & manducationem eiusdem corporis Christi sacramentalem, credimus qua per corporalia, panem & vinum, Deus spiritualia, videlicet corpus & sanguinem Christi, non solum menti, sed corpori quoque nostro præbet, exhibet, 6. & per corporale instrumentum, hoc est, ore percipere iubet, cum inquit: Accipite, manducate (quod sanè non significat credere, sed ore percipere) Hoc est corpus meum: 7. vbi nihil carnale imaginandum, quod ad præsentia aut manducationis modum atinet, qui sapientiæ, potentia, & veritati omnipotentis Dei tribuitur, qui modum solus nouit.

Quomodo pia concordia constitui possit.

Α' ΨΥΟΦΗ  
& exhortatio ad D.  
Bezam.

Hæc vera & verbis Christi consentanea esse, omnes pie mentes iudicabunt. Ea si vos quoque credatis, doceatis, & confiteamini: iam iam pius consensus constitutus est. Quod facile fieri potest, si modo carnales imaginationes de hoc mysterio abieceritis. Quod vt faciatis, & Ecclesiam Dei, plurimos pios & fideles exhilaretis, etiam atque etiam oro: vt vnanimis coram tribunali Dei Christi saluatoris nostri, ad quod propediem sistendi sumus, læti & hilares compareamus.

D. B E Z A.

Declaratio voluminis D. Bezae

Verè affirmare possum, nos placidū, cōcordia amantem, & docilem animum, ad hanc collationem attulisse. Vnde confido, Dominum huic colloctioni benedicturum. Habet Deus sua momenta: si non hoc, saltem alio die, plenus consensus sequatur. Quamuis enim aliter ceciderit, quàm speraueram, & adhuc aliquam dissensionem inter nos esse videam:

*deam : non tamen eam talem existimo , qua fundamenta religionis tollantur.*

D. IACOBVS.

Et nos pariter animum concordiaë studiosum attulisse , re ipsa expernestis. Et confidimus nos quoque , hanc collationem sine fructu non abituram : quem Dominus suo tempore proferet. Sed tua Reuerentia cum suis fratribus , laborem in responsione ad alterum scriptum nostrum de persona Christi adornandum , suscipiat : in qua vt breuitati studeatis , oramus.

D. BEZA.

*Gravitas argumenti tempus requirit : & vos parati advenistis , instructi libris , quibus nos caremus : sed breuitati studebimus , quantum possumus.*

D. IACOBVS.

Sanctè vobis affirmare possumus , nos domi nihil prorsus , sed partim in itinere , partim hic omnia conscripsisse : idq; hanc potissimum ob causam , vt tempus redimeremus ; & libros nobiscum non attulisse.

D. BEZA.

*Precamur Deum , vt nobis suo sancto Spiritu adesse velit.*

D. IACOBVS.

Amen.

Postquam Articulus primus de Cœna Domini absolutus fuit : Theologi VVirtembergici peculiare scriptum adornarunt , (sicut inter collocutores con-

conuenerat) quo ostendebant, in quibus partibus cōsensus, & in quibus dissensio adhuc esset. Et viam quoque monstrarunt, qua ratione absque offensione cōscientiarum, salua & illæsa veritate, pia concordia, in hoc articulo constitui possit. Quod cū alteri parti exhibitum esset: ipsi suam quoque sententiam peculiari scripto complexi sunt. Cū autem inter partes conuenire nō potuisset: vtrique sua cōsignatio restituta, & de hoc articulo nihil amplius ad concordiam faciendam tentatum est. Pleraque enim cū in scriptis vtrunque ante collationem cōmunicatis, tum in collatione instituta, ita explicata sunt, vt omnes facillè videre queant, in quibus cōsensus aut dissensio esset. Et quæ via ad piam concordiam constituendam, sit: satis perspicuè monstratum est.

## DE PERSONA

CHRISTI, XXV. MARTII

HORA II. POMERIDIANA.



ANTE collationem de secundo Articulo cōtrouerso institutam, præsentè Illustrissimo Principe, Comite Friderico, & Auditoribus Colloquij reliquis, consiliariis aulicis & Gallis exulibus: primū, à D. Luca Osandro Theses de persona Christi à Theologis Vvrtēbergicis conscriptæ, publicè recitabātur. Quem postea secutus D. Abrahamus Musculus, respōsiones D.

Bezz

Beza, & fratrum suorum nomine conscriptas, quodque recitauit. De quibus postea D. Beza, & D. Iacobus coram vniuerso auditorio, non minùs placidè, quàm in Articulo de Cœna Domini, collocuti sunt.

## THESES THEOLOGO-

RVM VVIRTEMBERGICO-

rum, de Persona Christi.

### I.



**E**X T R A controuersiam est, quòd Filius Dei æternus assumpserit in tempore humanam naturam, anima & corpore constantem, ex substantia, carne & sanguine virginis Mariæ: qua ratione per omnia (peccato excepto) nobis fratribus suis similis est factus. Assumpsit autem humanam naturam in vnitatem personæ, ita vt in Christo non sint duę personę, sed vnica tantum, & vnus tantum Christus: neque hæc persona in omnem æternitatem solui potest.

### II.

Etsi autem duę naturę in Christo arctissimè sint copulatę: tamen non est facta earum confusio, qualis est, cum ex duobus integris sit quiddam tertium: vt, cum ex aqua & melle sit mulsium. Neque vna natura in alteram est mutata. Et quemadmodum diuinitas non conuersa est in humanitatem: ita neque humanitas mutata est in diuinitatem, vel ante vel post ascensionem Christi in cœlum. Ad integram enim personam mediatoris Christi, requiruntur duę naturę.

### III.

Constat etiam, quòd quęlibet natura in Christo suas habeat & retineat proprietates; verbi gratia: diuinę naturę

E b

pro-

## 194 *Colloquium Mompelgartense*

proprietates sunt, esse omnipotentem, æternam, infinitā, &c. Humanæ naturæ proprietates sunt, esse corpoream creaturam, finitam, circumscriptam, quæ possit pati, mori, &c. Nec in omnem æternitatem proprietates vnius naturæ, fiunt proprietates alterius naturæ: inde enim sequeretur naturarum confusio, imò etiam earum abolitio.

### III.

Præter proprietates naturarum in Christo, sunt etiam in Christo homine dona creata: quibus ille omnes homines & Angelos superat. Sed hæc non in considerationem veniunt, quando de proprietatibus naturarum in Christo disputatur.

### V.

In persona Christi est communicatio quædam proprietatum, qua toti personæ tribuitur, quod alterius naturæ est proprium: & de vna natura pronuntiatur, quod altera natura proprium habet. Vnde doctrina de communicatione idiomatum in Ecclesia orta est.

### VI.

Cum docetur: Filium Dei communicare suas proprietates naturæ humanæ assumptæ: verbi gratia, omnipotentiam, omnipræsentiam: id non sic intelligendum est, quasi Filius Dei in assumptam naturam humanam, ita suas proprietates effuderit (sicut aliquid ex vno vase in aliud effunditur) vt humana natura, per se, & ex se (etiam in abstracto, seu extra unionem personalem considerata) habeat peculiarem omnipotentiam, quæ sit iam ipsius non modo propria, verum etiam ipsius proprietas. Sic enim in Christo constituerentur duæ Diuinitates: & per consequens in Deo non esset trinitas, sed quaternitas. Itaque sic sentiendum est: si vnio personalis solui, & Christi tamen humana natura constare posset tum humanæ naturæ, neque omnipotentia, neque omnipræsentia rectè tribui posset.

### VII.

Neque statuendum est, humanam in Christo naturam factam



Eam esse essentiam infinitam & incircumscriptam: aut in omnia coeli & terre loca extensam: aut eam tali modo vbique esse, quo Diuinitas vbique est: aut eam cum diuina natura exequatam esse. Nihil enim horum, ex vera & reali proprietatum communicatione, consequitur.

## VIII.

Realem proprietatum communicationem cum dicimus, non physicam intelligimus, qua natura vna in alteram transiret: sed vocabulum (REALIS) opponimus communicationi VERBALI, quæ naturis tantum NOMINA proprietatum facit communia.

## IX.

Quæritur igitur: an inter diuinam & humanam naturam in Christo propter vnionem personalem, REALIS, hoc est, vera & re ipsa existens in persona Christi, fiat quædam communicatio, vt vna natura alteri proprietates suas communicet: & præterea quæritur, quoultque illa realis communicatio extendatur. Status controuersus.

## X.

Nos credimus, quòd ex vnione personali sequatur talis proprietatum realis communicatio, qua Filius Dei communiter assumptæ humanæ naturæ suam omnipotentiam, omniscientiam, omnipræsentiam & vim seu virtutem viuificandi, &c. per quam communicationem, diuina natura in Christo non sit infirmior, humana autem natura exaltatur, non aboletur. Erudita antiquitas vsa est in hoc mysterio explicando similitudine animæ & corporis: Item, ferri candentis. Corpus enim re vera viuut, sed virtute animæ viuut. Et ferrum candens re vera vrit, sed virtute ignis vrit. Neque tamen corpus in animam mutatur, neque propter illam communicationem aboletur: neque ferrum in ignem conuertitur, neque ferrum esse desinit.

## XI.

Itaq; (propter vnionem personalem et proprietatum com-

## 196 *Colloquium Mompelgartense*

municationem) credimus, Christum etiam secundum humanitatem suam esse omnipotentem, seu (quod idem est) humanam in Christo naturam esse omnipotentem. Scriptura enim sacra Christo, etiam quatenus homini, omnem potestatem (quæ nihil aliud est, quàm omnipotentia) tribuit. Omnia (inquit Psalter) subiecisti sub pedibus eius, Psalm. 8. Et Paulus hunc Davidis locum explicans, inde probat: quod Christo OMNIA sint subiecta præter eum, qui subiecit ei omnia, 1. Corinth. 15. Ioannes Euangelista inquit: Sciebat Iesus, quod OMNIA dedisset ei pater in manus, Ioan. 13. Et Christus ipse (etiam ante passionem suam) dicit: omnia mihi tradita sunt a patre meo, Matth. 11. Et post resurrectionem inquit: Data est mihi omnis potestas in coelo & in terra, Matth. 28. Huc referenda sunt etiam miracula Christi, ut indubitata eius omnipotentia testimonio: Quod tactu mundavit leprosum: visum cæcis restituit: quod voce sua Lazarum in vitam reuocauit: quippe quæ miracula Christus non aliena virtute, (ut Propheta & Apostoli) sed propria potestate edidit.

### XII.

Christum etiam secundum humanam naturam (iam in statu gloriae & Maiestatis) omnia quæ fuerunt, quæ sunt, & quæ futura sunt perfectissimè scire & nouisse, credimus. Ioannes enim Baptista testatur: Christo spiritum non ad mensuram, ut alijs hominibus, sed ita datum, ut nos de ipsius plenitudine accipiamus, Ioan. 3. Et Christus in statu exinanitionis videbat Phariseorum. COGITATIONES. Et Paulus de Christo loquens dicit: In quo sunt OMNES THESAURI sapientia & scientia absconditi, Col. 2. Et necesse est Christum OMNIA scire: cum sit futurus Iudex viuorum & mortuorum, Ioan. 5. Quod enim diem iudicii ante passionem suam ignorabat, non simpliciter ad humanitatem eius, sed ad formam serui quam deposuit, referendum est.

### XIII.

Quod autem Christus omnibus creaturis, in primis verbis  
Eccle

Ecclesiæ & electis suis, ubique etiam humanitate sua, præfens sit: id sacræ literę euidenter testantur. Vbi (inquit Christus) sunt duo aut tres in nomine meo congregati, ibi sum in medio eorum, Matth. 18. Et alibi: Ecce (inquit) ego vobiscum sum omnibus diebus, usque ad consummationem seculi, Matth. 28. In quibus dictis, nihil opus est diuellere humanam naturam à diuina: quia personam Christi, ne mors quidem ipsa diuidere potuit. Paulus de ascensu hominis Christi in cælum scribit: Ascendit super omnes cœlos, VT IMPLERET OMNIA, Ephes. 4. Et in eadem Epistola de Christo homine testatur, quod omnia in omnibus impleat, Ephes. 1. Implere autem omnia secundum Scripturę phrasin, omnibus rebus cœlesti modo præsentem esse significat. Ego cælum & terram impleo, dicit Dominus, Ierem. 23.

## XIII.

Modus autem huius præsentix in sacris literis non exprimitur: Itaque QVOD Christus non localiter quidem & physice, sed supernaturaliter omnibus creaturis verè præsens sit, credimus. QVOMODO autem id fiat, ignorare nos in vera & pia humilitate libenter fatemur.

## XV.

Quin etiam carnem Christi verè viuificam esse, cum pia antiquitate (quæ etiam mortuorum resurrectionem, ex carnis Christi viuificæ sumptione, confirmauit) credimus. Christus enim dicit: Ego sum panis vitæ. Patres vestri manducauerunt Manna in deserto, & mortui sunt. Hic est panis de cœlo descendens, vt si quis ex ipso manducauerit, non moriatur. Ego sum panis viuus, qui de cœlo descendi: si quis manducauerit ex hoc pane, viuet in æternum. Et panis, quem ego dabo, caro mea est pro mundi vita, &c.

## XVI.

Hanc Maiestatem omnipotentix; omniscientix; omnipresentix, & virtutem viuificandi habuit Christus, quate-

## 198 *Colloquium Mompelgartense*

nus homo (propter personalem vnionem) etiam cum in utero matris esset : sed tum eam non exeruit aut vsurpauit. Postea vero natus in hunc mundum , quoties opus fuit , eam in miraculis & distributione corporis & sanguinis sui demonstrauit & vsurpauit: quantum quidem ratio vocationis & officij eius postulabat. Erat enim tunc Christus in forma serui, & se exinanierat, vt pati & mori posset, Philip. 2.

### XVII.

Status autem exinanitionis & formæ serui , quæ ad breue tempus in Christo durabant , nihil derogant eius Maiestati, in quam plenè ingressus est, cum ascenderet ad cœlos, & consideret ad dexteram Dei patris Omnipotentis : quæ dexteram Dei est Maiestas Christi, secundum vtramque naturam præsentem regnantis in cœlo & in terra. Itaque iam Christus, in cum, & per assumptam humanam naturam , omnia in cœlo & in terra gubernat. Hoc est enim sedere ad dexteram Dei. Itaque Apostolis in orbem terrarum emissis , cooperatus est Christus , & sermonem Euangelij confirmauit sequentibus signis, quæ ex virtute, & potentia, & in nomine Iesu Christi fiebant, Marc. 16.

### XVIII.

Quin etiam propter indissolubilem vnionem personalem rectè & verè dicitur : Homo Iesus Christus est Deus verus: & Deus æternus, homo factus est. Nihil aliud enim dicit Ioannes, cum inquit : *VERBUM CARO FACTVM EST*, Ioan. 1. Verbum enim illud (teste eodem Apostolo in eodem capite) erat *DEVS*: Caro autem secundum phrasin Scripturæ significat *HOMINEM*. Itaque hæc propositio: Verbum caro factum est: nihil aliud significat, quàm, Deus homo factus est. Eam ob causam Paulus de Christo sic scribit : Ex quibus (Iudæis) est Christus secundum carnem: *QVI* est super omnia *DEVS* benedictus in secula, Rom. 9.

### XIX.

Hanc ob causam rectè & verè dicitur : Deus passus est pro nobis

nobis: Deus mortuus est pro peccatis humani generis: et filibenter fatemur, quod diuinitas in se nec passa sit, nec mortua: sed quod Christus passus sit in carne, ut Petrus loquitur, 1. Petr. 4. Interim tamen, etsi diuinitas mori non potest, contumeliæ non modo ad filium hominis, sed etiam ad Filium Dei pertinebant, quia non sunt duæ in Christo personæ, sed vnica tantum. Nisi enim Dei sanguis pro nobis effusus esset: nos nec ab æterna morte redempti, nec à peccatis nostris emundati essemus. Ideo Paulus Ecclesiam Ephesinam verbi Ministris commendans, ait: Spiritus sanctus posuit vos Episcopos, regere Ecclesiam Dei, quam acquisiuit SANGVINE SVO, Actorum 20. Et Ioannes inquit: Sanguis Iesu Christi FILII eius, emundat nos ab omni peccato, 1. Ioh. 1.

## XX.

Et hic mediator & redemptor noster Iesus Christus, totius religiosa adoratione est adorandus, secundum vtramque naturam: quia non habemus duos Christos, quorum alter sit adorandus, alter non adorandus. De toto enim Christo scriptum est: Adorent EVM omnes Angeli eius, Hebr. 1. Et cæci illi adorationem & inuocationem dirigebant, non tantum ad Filium Dei, sed etiam ad filium Dauidis, hoc est, ad humanam naturam in Christo, dicentes: Domine miserere nostri FILI DAVID: neque tamen à Christo eam ob causam reprehenduntur, sed potius curantur, Matth. 20. Marc. 10. Luc. 18. Et Stephanus Martyr, qui certè solidam cognitionem Christi mediatoris habebat, in agone animam suam Christo commendans, dicebat: IESV suscipe spiritum meum: Deo & homini IESV Christo, animam suam commendans.

## XXI.

Hæc sana & pia doctrina de inseparabili vnione personali duarum naturarum in Christo: de communicatione Idiomatum reali: de exaltatione humanæ naturæ ad dexteram, hoc est, Maiestatem & virtutem Dei: adeo non tollit



collit præsentiam corporis & sanguinis Christi e sacra Coena, ut eandem potius confirmet. Quia humana natura in Christo cum Filio Dei INDISSOLVIBILITER vnita, & proprietatum diuinarum particeps facta, atque ad dexteram Dei collocata, non modo in sacra Domini Coena, sed etiam toti Ecclesiae semper præsens est. In sacra autem Coena caro & sanguis Christi dispensantur, &c.

## SEQUENTIA DOGMA ta cum Scriptura sacra pugnare iudicamus.

### I.

QVOD in Persona Christi nulla sit alia proprietatum communicatio, respectu naturarum, quam ea, quæ faciat communia nomina: qua ratione Humanitas in CHRISTO nihil acciperet à Diuinitate: neque ea, quæ acciderunt humanitati, quicquam pertinerent ad Filium Dei æternum. Et quòd affirmatur, phrasin tantum esse, & modum quendam loquendi, cum dicitur: Deus est homo, & homo est Deus. Deum enim nihil cum humanitate, & humanitatem nihil cum Deitate REALITER, hoc est, verè & re ipsa cõmune habere. Et in propositione, Homo est Deus: vocabulũ (Hominis) non significare verũ hominem, sed Filium Dei, qui sustentat humanam naturam. Itaq; hanc propositionem (Deus est passus) sic interpretantur: Deus, id est, humanitas Deitati vnita, est passa: & homo est omnipotens, id est, Deitas humanitati vnita, est omnipotens. Hoc est dogma Nestorij, qui dixit: Noli gloriari Iudæ: non Deũ, sed hominem crucifixisti. Hoc. n. dogma facit duos Christos, quorum alter diuinam haberet Maiestatem; alter cum ea nihil haberet

commune. Alter passus esset pro genere humano : alteri verò cum passione nihil omnino fuisset commune.

II.

Quòd omnis potestas in cœlo & in terra, quæ Christo in tempore data est , data sit personæ Saluatoris secundum VTRAMQVE naturam. Et quòd Christo secundum DIVINAM suam naturam in resurrectione & ascensione ad cœlos, iterum RESTITUTA fuerit omnis potestas in cœlo & in terra: perinde quasi dum in statu humiliationis erat, eam potestatem etiam secundum diuinitatem deposuisset & exuisset. Hoc dogma Arianismum sapit : quia talis in Christo diuinitatem statuit , quæ pariat incrementum & decrementum : cum veræ diuinitati nihil addi, nec detrahi possit.

III.

Quòd TOTA persona Christi, secundum VTRAMQVE naturam, officij respectu, maneat SVB DIVINITATE. Et hoc Arianismum redolet. Christo enim talis diuinitas tribuitur, quæ sit SVB DIVINITATE: cuiuscunque tandem respectu id fiat.

IIII.

Christum secundum humanitatem, omnipotentia, aliarumque proprietatum diuinæ naturæ, prorsus non esse capacem, eumque ( secundum humanam naturam ) cum omnipotentia Dei nullam habere communicationem : sed habere mediam inter diuinam atque Angelorum & hominum potestatem.

V.

Quòd asseritur, Christo secundum spiritum suum humanum, certos limites positos esse, quantum videlicet, ipsum scire oporteat, & quòd non plus sciat quam ipsi conueniat, & ad executionem sui officij, iudicis nimirum, necessario requiratur. Et Christum ne hodie quidem habere perfectam cognitionem Dei, & omnium ipsius operum. Et Christo im-

## 262 *Colloquium Mompelgartense*

sto impossibile esse, humano suo spiritu nouisse, quicquid ab æterno fuerit, quid iam nunc vbique fiat, & quid in omnem æternitatem sit futurum.

### VI.

Quòd Christo impossibile sit, propter humanæ naturæ proprietatem, vt simul eodemque tempore IN PLVRI-  
BUS, nedum in omnibus locis suo cum corpore esse possit.  
Et Christo, postquam nos passione & morte sua redemerit, se-  
cundum humanitatem suam nihil amplius nobiscum esse ne-  
gocij.

### VII.

Quòd docetur, carni Christi vim & virtutem viuifican-  
di aliam non tribuendam, nisi quatenus Christus passione sua  
in carne nos redemerit.

### VIII.

Quòd is, qui ad ipsam Christi carnem, suam adorationem  
aut inuocationem dirigit ( etiam in illa vnione personæ ma-  
nentem ) ex ipsius Dei ore sit maledictus. Christum enim ef-  
se CONSERVVM nostrum, ( quasi verò non sit Domi-  
nus gloriæ ) idéoque eum esse Idololatram, & in Deum blas-  
phemum, qui Christi carnem etiam glorificatam, & in vnione  
personæ manentem, adoret, &c.

*Jacobus Andree D.  
Lucas Osiander D.*

RESPONSIO AD THE-  
ses de Persona Christi, à dominis col-  
locutoribus, Mart. 23.  
exhibitas.

## Ad I. &amp; II.

Vtramque probamus.

## Ad III.

Assentimur & valdè probamus illam formulam, qua  
dicitur: proprietates nunquam egredi sua subiecta.

## Ad IIII.

Assentimur, & hùc probamus distinctionem inter<sup>b</sup> gra-  
tiam unionis, qua homo ille est Deus: & gratiam, quam ha-  
bitualem vocant, qua homo ille ornat<sup>us</sup> est habitibus, &  
qualitatibus tot & tantis, quantis nulla alia res creata or-  
nari potest.

## Ad V.

De persona Christi interdum predicantur voces, utriq;  
naturæ sine toti Christo convenientes: ut, cum Christus, &  
Iesus, & Mediator, cæterisque eiusmodi nominibus appella-  
tur. Interdum verò<sup>c</sup> propter unitatem personæ, ab altera  
tantum natura denominatur, idq; dupliciter: interdum enim  
habet predicata, illi ipsi naturæ convenientia, à qua<sup>d</sup> deno-  
minatur: ut cum dicitur Deus benedictus, æternus, omni-  
potens, &c. quemadmodum etiam si dicas, hominem illum

## ANNOTATIONES

Marginales D. Iaco-  
bi Andrea.

a. Non vsi sumus hac phra-  
si, tametsi recte intellecta  
non improbat<sup>ur</sup>; vos autem  
ea ad verbalem communi-  
cationem asserendam abu-  
timini.

b. Quid gratia unionis sit  
& complectatur, de eo dis-  
puratio est.

c. Hanc unitatem sola con-  
binatione, sine reali com-  
municatione propriorum  
intelligitis & describitis;  
quod falsum esse demon-  
strabitur.

d. Non denominatur tan-  
tum, sed alteri naturæ reali-  
ter communicatur.

e. Enunciationes illæ non sunt propriæ sed inusitata: quia res, hoc est, Myſterium vnionis naturarum est inusitatum.

f. IN SESE, æquiuocum est, aliàs proprietatem naturæ denotans, aliàs communicationem realem factam significans.

g. Non est denominatio tantum Grammatica, sed realis communicatio.

h. In concretis vocabulis latet error aduersariorum, quem vocabula abstracta aperiant.

i. Nestorij hæresis nequaquam ex ignoratione harum vocum orta. Quia Nestorius vnā singularem personam confessus est, sed communicationem idiomatum negauit: inde hæresis eius orta est.

k. Non ideo hæreticus iudicatus: quia Cyrillus idem dixit: sed quia vnā tantum naturam in Christo post assumptionem in cælum asseruit.

l. Regula falsissima, quod proprietates vnus naturæ, non possint alteri tribui: Nam hæc hæresis Nestoriana fuit.

m. Hæc hæresis, Nestoriana est longè deterior. Nestorius enim communicationem duntaxat proprietatum Humanitatis impugnavit. Hi verò etiam communicationem proprietatum Diuinitatis negant.

n. Nulla hic æquiuocatio, sed natia significatio vocis communicationis: quæ propter vnionem, & naturas & earum proprietatibus tribuitur.

fuisse passum, mortuum, pro nobis crucifixum, &c. Et istiusmodi enunciationes sunt maximè propriæ. Interdum verò habet predicata toti quidem Christo, quia vnica est persona indissolubilis, verè & propriè conuenientia: at non tamen natura<sup>e</sup> in sese, ne in vnione quidem considerata, competentia, à qua & denominatur: vt cùm dicitur, Deum redemisse Ecclesiam suo sanguine, et Dominus gloriæ crucifixus, itemq; filius hominis in terris loquens cum Nicodemo, fuisse in cælis: quod loquendi genus à veteribus vocatur ἀντὶ τοῦ οὐραίου, & recentioribus, communicatio proprietatū. Hæc autem predicatio usurpari non potest, nisi in concretis nominibus: quoniam tota persona Christi nunquam in abstracto, ab vlla duarum suarum naturarum denominatur. Et ex huius inter concreti et abstracti voces discriminis ignoratione orta est hæresis Nestorij, qui Deum (nempe τὸν λόγον) negabat & filium esse Mariæ, & crucifixum fuisse: tum Eutychetis, qui Deitatem Christi passam asserbat. Stat ergo illa<sup>1</sup> regula vniuersalis: neque naturam de natura, neque proprietates vnus natura posse alteri attribui.

## Ad VI. &amp; VII.

Nos verò vt proximè precedenti responso diximus, docemus ex hypostatica vnionis definitione, neque Deitatem, neque Deitatis proprietates de Humanitate<sup>m</sup> villo modo, nec vnione quidem, verè dici posse.

## Ad VIII. &amp; IX.

Ὁ μὲν ὁμοῦς (i. æquiuocatio) est in vna voce communicationis, qua modò pro vnione hypostatica, modò pro illius effectis accipitur. Itaque communicationem realem, id est, vnionem



unionem naturarum admittimus, in qua manent singula natura per se, etiam in unione, suis proprietatibus distincta, ° citra ullam aliam communicationem. Itaq, communicationem, cuius hic fit mentio, qua dicitur Humanitas sui quodam modo ubique & omnipotens, & ne verbalem quidem esse dicimus: sed tam falsam esse existimamus, quàm falsum est, unione hypostatica humanitatem euasisse Deitatem. Quamvis, ut suprà diximus, homini unito cum λόγῳ, id est, toti personæ in concreto, ab altera natura, nempe humanitate denominato, siue Christo ὁ λόγος, non κτ' μίση, siue in naturis distinctè considerato, & rectè & verè, quæcunque sunt Dei propria, attribuantur.

## Ad X.

De humanitatis omnipotentia, omnipresentia, omniscientia, aliquoties respondimus, illa, nō humanitati etiam unita, sed homini illi ° κατ' ἄλλο attribui: & rursus infra sgillatim dicemus. Et quod attinet ad illas similitudines ferri igniti, & corporis cum anima cōiuncti: ex illis definiri nequit hypostatica unio, sed tantum delineari, nedum ut inde possit cōmunicatio, quam statuitis, exoriri. Nam plurima sunt in his dissimilia, ac proinde nō aliò trahenda, quàm quo sensu, à patribus Orthodoxis, hæ similitudines sunt accommodatæ: nempe, quod ad similitudinē ferri igniti, attinet, ut docerent cōtra Eutychianos & Monothelitas, proprietates & operationes naturarū, quamvis unitarum inter ° se non cōmunicari, nec subiecta sua egredi, tantum abest, ut vestra sententia fauceat. Similitudo aut uniois anima et corporis ad constituendū hominē, notū est, quàm

o: Hæ hæresis est Samosateniana, unioem naturarum sine communicatione asserere.

p: Blasphema hæc assertio: Humanitatem Christi, ne quidem verbaliter omnipotentem, contra illud Christi: data est mihi omnis potestas, Matth. 28.

q: Non sequitur: quia alio modo Deitas omnipotens dicitur, videlicet per se: & alio modo humanitas in Christo, videlicet participatione omnipotentia.

r: Præstigia verborum, quibus oculi imperitorum perstringuntur. Omnia enim verbalia sunt, non realia: & hoc est verba dare.

s: Ludus Verborum est, & deprauatio particulæ distinctiæ, quæ non tantum ostendit, cuius naturæ proprium sit, sed causam indicat quoque, cur quod vnus naturæ proprium est, alteri tribuatur, videlicet propter unionem cum altera natura, quæ ei personaliter, id est, verè & realiter communicatur.

t: Per has similitudines Patres mysterium unionis, & realem communicationem propriorum, quod sine confusione naturarum fieri possit, declararunt.

u: Imò contrarium verum est: nam communicationem realem inde demonstrarunt. Contra Eutychianos ita quidem, quod in nulla confusio naturarum, vel abolitio alterius sequatur.

x: Nulla similitudo quatuor pedibus currit: sed in eo quadrat, ad quod à patribus accommodata fuit.

*multipliciter ab unione duarum in Christo naturarum, differat. nec aliud ab Orthodoxis fratribus est accommodata, quam ad unitatem personæ, in duabus perfectis naturis, ostendendam, nec longius est trahenda. Stat denique hæc regula, in hac hypostatica unione, tum distinctas manere ipsas naturas, & tum agere utrang. distinctè, quod sibi proprium est: ac proinde τὸ λόγον esse distinctè id, quod est λόγος, & ἡ ἀγὼν agere distinctè id, quod est ἡ ἀγὼν. Sicut manet etiam caro distinctè id, quod est caro, & exequitur distinctè id, quod est carnis. Ac proinde, ut paucis omnia: sicut, licet non separata, dua tamen sunt numero distinctæ naturæ: ita dua quoque sunt voluntates & αἰεργίαι, & ἡ ἀγὼν αἰεργίαι, unicum autem ἀπετέλεσμα, sicuti unica est persona. Nec aliter intelligendū est illud Athanasij: placuisse τῷ λόγῳ potentiam suam diuinam per illam carnem, in ipsa, & cum ipsa, exercere.*

## Ad IX.

*Hæc omnis potestas, ut ex omnibus testimonijs, quæ huc citatis, constat, diuersa prorsus est ab ea, quæ est in Deo essentialis, & absolutè consideratur. Nihil .n. aliud est, quam summa secundum Deum, potestas, in rebus omnibus creatis administrandis, ad quas etiam ipsa refertur: ac proinde inter dona in carnem Christi collata, id est, ad gratiam habitualement referenda est, quam tamen thesi 4. ab hac vestra communicatione exclusistis. Et quod ad miracula à Christo edita pertinet, sequimur Orthodoxæ veteris Ecclesiæ uniuersalem consensum, ex analogia fidei depromptū, quo confossi sunt Nestoriani, Eutychiani & Monothelita: ex quibus patribus satis sit ista descripsisse. Ex Tertulliano aduersus Praxeam. videmus duplicem statum non confusum, sed*

contin.

y. Falsa est hæc regula. Nam actiones in persona Christi, nequaquam distinctæ, hoc est, seorsim aut diuise naturis, sed toti personæ tribuuntur.

z. λόγος nihil sine carne agit, sicut anima distinctè nihil sine carne, neque caro sine anima: quamuis natura sint & maneant distinctæ, sed tota persona Christus agit.

a. Nestorianismus crassissimus. Sunt dua voluntates distinctæ in Christo, & dua distinctæ εἰρήναι &

αἰεργίαι: actiones autem sunt communes ad vnum finem directæ.

b. Athanasij sententia hæc non patrocinatur errori de distinctis naturarum actionibus, sed eam refutat & euenit.

c. Hæc non modò sine omni Scripturæ sacræ testimonio, sed contra eam dicuntur. Ideo falsa.

d. Potentia Christo homini collata, nunquam inter creatæ dona numeranda, consensus sacræ Scripturæ & Patrum apertus est.

coniunctum in una persona, Deum & hominem Iesum: & ad id salua est utriusque substantia proprietates, ut & spiritus, id est, <sup>e</sup> Diuinitas res suas egerit in illo, id est, virtutes, opera, signa: & caro passiones suas functa sit, esuriens sub Diabolo, & sitiens sub Samaritide.

Ex Cyrill. lib. de Trinit. Quae diuino modo facta sunt à Christo, non sunt humanae uisae attribienda, sed naturae ineffabili, & omnem mentem transcendent. Ex Nysseno contra Eunomium: Neque humana natura Lazarum uiuificat, nec desit iacentem impassibilis potentia: sed lachryma quidem hominis <sup>f</sup> est propria, uita autem ea, quae uera uita sunt.

Ex Damasceno lib. 3. de Orthodoxa fide, cap. 15. Neque humana natura Lazarum à mortuis excitauit, nec rursus diuina potentia lachrymatur. Nam lachryma quidem sunt quiddam humanitatis proprium, uita uero eius, qui est ipsa in se subsistens uita.

## Ad XII.

Quaecumque fuit tempore humilitatis, & nunc est in gloria, <sup>e</sup> scientia Christi quatenus homo est, donum fuit & est creatum, & subiectiue Christi anima insitum: ac proinde ad illam, quam ponitis, communicationem, nihil pertinet.

<sup>h</sup> Formam autem serui, id est, humanitatem, absit, ut Christum deposuisse, aut unquam depositurum esse doceamus, utpote quam ab humilitate ad illam eminentem, supra ipsum etiam angelorum gloriam, transtulit, supra omnes caelos collocatam.

## Ad XIII. &amp; XIII.

De omnipresentia aliter etiam statuimus, quam de superioribus duobus, id est, potestate & scientia: quibus agnosci-

e: Orthodoxi Patres his dictis ostendere uoluerunt, cuius naturae propriae sint actiones, uel passiones in Christo: sed sine communicatione & distincte eas excutias esse, nunquam somniantur. Sic accipiende esse dicta Tertulliani, Cyrilli, ipsi optimi suorum uerborum interpretes, docent.

f: Nyssenus non tam sui, quam Tertulliani & Cyrilli uerborum interpres est, quod de naturarum proprietate, non de communicatione loquatur: quae non pugnant. Quod Damascenus quoque aperte confirmat. Et si enim non proprium est humanae naturae excitare Lazarum: diuina tamen potentia, sine humana natura Lazarum non excitauit. Sicut non purus homo, sed Deus fleuit, quamuis Dei proprium non est, flere.

g: Haec contra Scripturas aperta testimonia dicuntur: In ipso absconditi sunt omnes thesauri scientiae & cognitionis, Col. 2.

h: Forma serui non est humanitas, sed seruilis conditio hominis Christi. Qui est Dominus, Ioan. 13. Vos appellatis me Dominum, & recte facitis, sum enim.

i: Absoluta omnipræsentia præsupponit infinitam essentiam. Sed participare sufficit, ut natura eius particeps facta, unita sit cum infinita natura, cuius participatione habet, quod infinita natura per essentiam est k: Non sufficit dicere: nullo modo fieri posse: sed oportet probare. Nam contrarium aperte sacra Scriptura testatur, Ephes. 1. 4. l: Omnipotentia, omniscientia, omnipræsentia non sunt

ἀτιφυσικά, sed ὑπερφυσικά, supra naturam humanam, non contra eam: Ideoque etiam eam non evertunt.

m: Verba Christi aperta sunt, qui se ipsum interpretatur, & vim illā CARNI tribuit, quæ ipsā λόγῳ

communicata est, quæ à Christo tanquam capite deriuatur.

n: Carnem Christi viuificam esse, VI DEITATIS PROPRIA: totus chorus Patrum Orthodoxorum confirmat. Ideo aperte falsum, quod in hac responsione asseritur.

o: Dona in carnem Christi subiectiue effusa, non esse omnipotentiam, omnipræsentiam, omniscientiam, vim viuificandi, supra demonstratum est. Quia non sunt accidentia neque in DEO, neque in assumpta humana natura: sed in Deo essentialia, in assumpto homine personaliter donata.

agnoscimus abundantissime et ineffabiliter donatam & unitam esse à λόγῳ assumptam carnem. Istam verò omnipræsentiam, quæ infinitam essentiam necessario præsupponit, uni Deitati prorsus, & quarto, ut loquuntur, modis propriam, nullo modo in humanitate Christi, quantumvis hypostaticè unita, & nunc glorificata, circumscriptiōnem tamen suam retinente, agnoscere possumus. Denique ὑπερφυσικά quæ cognoscimus, & quibus summè exornata est Christi humanitas, ab ἀνθρωπινότης, quibus humanitas aboleretur, penitus discernimus: & quæ hic profertur testimonia, partim ad unicam Deitatem τῆς λόγου (licet ab humanitate non separatam, distinctam tamen) referuntur, partim ad ipsius, tanquam capitis, in membris suis vim sese exerentem, spectant.

## Ad XV.

Quod ad viuificationem attinet, carnem Christi viuificatricem esse non negamus: n at non eo sensu, de quo hic agitur. Est enim viuificatrix, nō tamen ea vi, quæ est propria Deitatis, & prorsus ἀκονῶντες: sed primum, quoniam in hac carne Christus mortem pro nobis aboleuit, impletis omnibus, quæ ad uitā aternam nobis acquirendam requirebantur: Deinde, quia non nisi huius carnis spiritualiter nobis per fidem cōmunicata interuentu, uitam illam aternam ex Christo Deo & homine nanciscimur: & eò accommodanda sunt Scripturarum testimonia à vobis prolata.

## Ad XVI.

o Dona in carnem Christi subiectiue effusa (cuiusmodi sunt, quæ hic recensetis) nec statim, nec perfectè, ut nunc CHRISTI anima & carni collata fuisse, liquet ex eo, quod

¶ quod crenisse ut corpus staturâ, sic anima sapientiâ & gratiâ verè dicitur, Luc. 2. & diem illum ultimum ignorasse, Matth. 24. Et omnibus carnis nostræ infirmitatibus, excepto peccato, verè obnoxius fuisse humiliationis suæ tempore ab Apostolo dicitur. Quo sensu παθὴρ, Act. 26. dicitur, non autem ἐδύνατο, ut Marcion blasphemavit. Hæc autem caro nullo modo simul & eodem tempore παθὴν & talis esse potuit, qualem illam in ipso veræ suæ abiectionis tempore fuisse statuitur. Vnde consequitur, per ascensionem ad cælos & per sessionem ad dexteram Patris, Christi carnem non duntaxat declarationem & usum huius gloriæ & potestatis, sed ipsius gloriæ & potestatis consummationem fuisse adeptam.

p. Hæc testimonia omnia ad statum humilitatis & exinanitionis referenda sunt.

q. Contrarium Paulus, qui dicit, Christum fuisse in forma Dei, & simul gestasse formam serui, Phil. 2.

r. Consummatio hæc fuit Maiestatis communicatæ reuelatio, quæ prius forma serui recta fuit.

## XVII.

Assentimur huic thesi, duobus exceptis. Primum, quod formam serui, & statum exinanitionis, quem vocatis, pro vno eodemque accipitis, & à Christo utrumque depositum arbitramini. Nos autem per formam serui ipsam humanitatem, secundum quam semper fuit, est, & erit, seipso λόγῳ inferior, & nobis ὁμοῖοι & intelligimus: quamvis infirmitates omnes per actum redemptionis nostræ ministerio, deposuerit. Inter illas autem infirmitates, minimè reponenda est circumscriptio, utpote quæ ipsam humanitatē formaliter cōstituat. Alioqui cum ultimo illo die venturus est visibilis, ac proinde corporea substantia circumscripta, dicendus tunc esset nō gloriosissimus, sed rursus hac infirmitate resumpta, humilis appariturus. Deinde Christum regnare nunc quidē, & tum in cælo, tum in terra omnem potestatem, secundum utramque naturā habere profiteamur: at non præsender, quod

s. Videantur verba Pauli, & res manifesta erit.

t. Vos dicitis, sed non probatis; quod non sufficit.

u. Et si humanitas naturā λόγῳ semper inferior; tamen non ampliùs est serua, Act. 2. 12.

x. Maiestatis communicatio, cum circumscriptione non pugnat, nec eam abolet, aut naturam euertit, sed in summum gradum gloriæ in thronum proprium Dei exaltat.

y. Præsentissimus, quia non per vicarios, sed se ipso dominatur, sicut supra dictum est.

D d

ad car-



## 210 Colloquium Mompelgartense

**z.** Peregrinatio est illa physica & localis, quæ illam spirituale præsentiam non admittit, qua Christus nobis præsentissimus est.

**a.** Visibiliter, qui nobis nunc inuisibiliter hic in terris cælesti modo præsens est.

**b.** Diuersa est communicationis ratio, propter naturarum diuersitatem, & naturæ diuinæ immutabilitatem.

**c.** Nos & verba & sententiam Lutheri amplectimur. Non autem intelligimus dumtaxat de verbali, sed reali naturarum vnione. Vos autem de verbali dumtaxat accipitis, quod falsum est.

**d.** Hoc falsissimum est. Quoniam duæ illæ naturæ ita vniuntur, ut altera det, altera accipiat. Sed hic diuina nihil neque perfectionis neque imperfectionis, ab humana accipere potest, propter summam perfectionem & immutabilitatem. Ideo ratio vniōis diuersissima est.

**e.** Ex vniōis gratia habet humana natura, quæ Deitas propria sunt.

*ad carnem attinet: dicente Apostolo, quod nunc in terris peregrinatur. & ad Christum absumus, & desiderante migrare ex corpore, ut cum eo coniungeretur: qui etiam propterea non iam venisse, aut adesse sua carne, vel ex inuisibili visibilis denudaturus, sed venturus conspicuus dicitur.*

### Ad XVIII. & XIX.

*Assentimur: sed hoc præterea à vobis requirimus, ut quem admodum rectè & pie, propter hypostaticam vniōem, et respectu totius personæ, Deo incarnato tribuitis per Idiomatū communicationē, quæ assumpta humanitatis sunt propria: ita etiā homini, quæ Deitatis Θεὸς λόγος assumptis propria sunt, attribuatis. Et ne rem nouā à vobis petere videamur, petere nos dicimus, quod iam olim D. Lutherus totidem istis verbis faciendum esse scripsit, in nouissima verba Davidis: sicut duæ naturæ in unam personam vniuntur: sic vniuntur etiam nomina vtriusque naturæ, in nomen vnius personæ, id quod nominatur communicatio idiomatū vel proprietatum. Ut homo dicitur & est natus ex Maria virgine, & crucifixus à Iudeis: Idem nomen debet etiam tribui filio Dei, & dici: Deus est natus ex Maria virgine, & crucifixus à Iudeis: quia Deus & Homo est una persona, & non duo filij, alter Dei, alter Mariæ: sed vnus idemque est Filius Dei et hominis. Quamuis autem assumens natura excellat omnibus modis, & præsertim in eo, quod per se subsistens subsistentiā humanam naturæ præbeat: tamen non dissimili, sed vna & eadem vniōis ratione, Verbum carni, & caro Verbo, vnitur. Et ingens illud discrimen, quo fit, ut Deitas assumens, nihil à natura, quam assumit, accipiat, sed contra humanitas inde locupletetur, non ad vniōem ipsam hypostaticam, sed ad illud eius effectum pertinet, quod gratiam habitualemente vocari diximus.*

# De Persona Christi.

211

## Ad XX.

Nos in adoratione unica, unici illius nostri, secundum utramque naturam, mediatoris personam<sup>f</sup> minimè diuidimus: sed naturas sicuti par est, distinguimus. Est enim λόγος<sup>g</sup> verum<sup>g</sup> & absolutum adorationis nostræ obiectum, utpote quæ Deo soli debeat. Carnem autem illam assumptam sic ab adoratione illa non excludimus, ne cum Nestorio personam diuidamus, ut tamen illam (non<sup>h</sup> in sese) sed respectiue (id est, quatenus est caro filij Dei, unicam cum & in illo λόγος personam constituens)<sup>i</sup> simul adoremus. Simpliciter enim humanitas illa in<sup>k</sup> sese & non in alio respectu considerata, inquit Cyrillus seipsam adorantibus connumerat, & adorat etiam Christus, ut homo, postquam factus est homo. Adoratur autem semper cum Patre & Spiritu, quia Deus verus secundum naturam est. Et idem de recta fide ad Theodosium: Nam ut hominem (in sese videlicet, absolute, etiam in unione consideratum) Immanuelē adorabimus? Absit. Deliramentum enim hoc esset, & deceptio, & error. In hoc enim nihil ab ijs differremus, qui creaturam ultra factorem & conditorem colunt. Denig, ut paucis omnia, Anathematismum<sup>m</sup> octauum Concilij Calcedonensis secuti, una adoratione colimus Immanuelē: sed secundum quod essentialiter Dei filius factus est hypostatica unione caro.

## Ad XXI.

Sanam et piā doctrinā de inseparabili unione hypostatica, & ipsi profitemur. <sup>n</sup> Communicationem Idiomatū realem agnoscimus, unitatis personæ respectu. Hominem etiam illum, aduersus Nestorium, agnoscimus, tum illa hypostatica unione ad Deitatem ipsam, nedū ad maiestatem & virtutē

f. Verbis videri non vultis, sed re ipsa facitis, dum Christo secundum humanitatem adimitis, quæ ad adorationem religiosam necessario requiruntur, videlicet omnipotentiz communicatio nem.

g. Quia soli Deo debetur, ideo carni sine blasphemia tribui non posse, asseritis. h. Hic manifeste excluditis, quia I N SE SE, intelligitis ipsam substantiam naturæ humanæ, quæ non sit inuocanda, sed λόγος, cui vnita est.

i. Sicut pileus, seu corona Regis, cum Rex adoratur, quam nemo alloquitur.

Lib. in Ioh. 2. cap. 92. in hæc verba. Nos adoramus, quod scimus.

k. In sese. Cyrillus intelligit hoc loco & hac phrasi proprietatem substantiæ humanitatis, si per se consideretur; & simul statum exinanitionis complectitur.

m. Verbis probant illum Anathematismum, sed re ipsa improbant.

n. Communicatio idiomatum ipsis nihil aliud est, quam naturarū & proprietatum unio; cum hæc tantum causa & effectus differant.

NB.

- o. Homo euasit Θεός & λόγος, quod hactenus in nobis reprehenderunt: sed quid intelligant, sequetur.
- p. An non hoc est aperte communicationem Idiomatum cum Nestorio negare?
- q. Peruersa interpretatio dexteræ Dei & sessionis ad dexteram Dei; de qua in collatione plura dicentur.
- r. Manifesta est contradictio in verbis Thesium. Negant enim hypostaticam unionem efficere præsentiam sacramentalem; toti autem Ecclesiæ sua virtute, & quia vnica est persona Christi, adesse.
- s. Proprietate naturæ in cælis, & non in terris dicimus esse; quod præsentiam sacramentalem nihil derogat.
- t. Cum hæc insinuatio sine reali præsentia non fiat; quæ causa est, quod non datis Deo gloriam, & eam ingenuè nobiscum fatemini?

eius euectum fuisse, ut qui per illam euaserit Θεός & λόγος: tum etiam ineffabilibus donis, supra ipsos angelos ornatum. Ipsam autem humanitatem, contra Eutychetem, negamus illa hypostatica unionem Deitatem euasisse, vel proprietati diuinarum factam fuisse, vlla inde exoriente communicatione, participem. Collocationem verò ad dexteram Dei, ad incarnationem minimè putamus referendam: sed partim tempus exinanitionis & λόγος finire: partim consummationem gloriæ & gratia habitualis carnis Christi declarare. Præsentiam denique carnis Christi in Cæna Domini, non ad hypostaticam unionem, sed ad institutionis sacramentalis verbum referimus, qualem illam esse superiore nostro scripto diximus, spiritualem videlicet: qua etiam ratione illum secundum carnem, nunc toti Ecclesiæ, partim sua virtute, partim quia vnica est persona Iesu Christi, adesse, & ad consummationem usque seculi adfuturum, ex sacris literis discimus. Cum alioquin realis corporis sui substantiâ, sicut cum in terris esset, à cælis aberat: ita nunc in cælo positus, à terris absit. Verissimè tamen & efficacissimè carnem suam iam nunc admirabili & imperscrutabili mysterio suis ad vitam eternam, tum in verbo, tum in Sacramentis spiritualiter per fidem insinuamus.

*Mompelgarti 24. Martij, 1586.*

Theodorus Beza, Geneuensis Ecclesiæ Minister.  
 Abrahamus Musculus, Bernens. Eccles. Minister.  
 Anronius Paius, Geneuensis Ecclesiæ Minister.  
 Claudius Alberius D. Professor Philosophiæ in  
 Academia Lausannensi.  
 Petrus Hübnerus, Græcæ linguæ in Gymnasio  
 Bernensi pub. Professor.

## AD DOGMATA, QVÆ

D. Collocutores iudicant cum Scri-  
ptura S. pugnare, &c.

## RESPONSIO I.

**D**Amnamus & nos eos (si qui sunt eiusmodi) qui existi-  
mant per hypostaticam unionem naturas nominibus  
tenus uniri, quasi per illam λόγ & non sit, sed tantum di-  
catur homo, & vicissim homo ille nō sit re ipsa, sed nomine  
tantum dicatur Deus. Sed ex hac unionione humanitati cō-  
municari aliter quā uniri proprietates τὸ λόγ, quasi sit  
re<sup>b</sup> ipsa in λόγ<sup>ω</sup> omnipotens & omnipresens, &c. nega-  
mus. Quia<sup>c</sup> hæc cōmunicatio & unio, unum & idem est:  
& ut respondimus ad Thesin 18. & 19. <sup>d</sup> pari prorsus ratio-  
ne oporteret τὸ λόγ<sup>ω</sup> aliquid accipere ab illa humanitate.  
Ad nos igitur ista nihil pertinent, quæ hic primo loco repre-  
henduntur. Communicationem aut Idiomatum realem fa-  
cimus, ut & ipsam unionem: <sup>e</sup> non tamen naturarum, sed  
unitatis personæ respectu: & hæc enunciationem, qua Deus  
dicitur passus, sic interpretamur: <sup>f</sup> Deus, id est, caro Deitati  
unita est passa. Hoc .n. sentire didicimus ex Petro Apostolo,  
qui<sup>g</sup> CHRISTVM (id est, illam personam) dicit passum  
esse in carne, id est, in humanitate, nō in Deitate sua. Et vi-  
cissim interpretamur: <sup>h</sup> Homo est omnipotēs, id est, Deitas  
humanitati unita, est omnipotēs. <sup>i</sup> Nec ppter eā diuidimus  
personam cum Nestorio, sed naturas, & earū proprietates,  
ut poscit hypostatica unionis definitio, aduersus Eutychē-

a: Verbis damnatis quidē,  
sed re ipsa idem asseritis:  
quod paulo post planum  
fiet.

b: Quid magis aperte dici  
posset? Humanitatem ne-  
gant re ipsa in λόγ<sup>ω</sup>  
omnipotentem esse.

c: Unio sine communica-  
tione asseritur.

d: Unio & communicatio  
plurimum differunt.

e: Non sequitur quia ad  
unionem illam sufficit Dei-  
tatem dare, & humanita-  
tem accipere.

f: Nulla prorsus est com-  
municatio, si neutra natura  
alteri communicet, quod  
suum proprium est. Ethic  
fuit Samosatēni error.

g: Aperta negatio commu-  
nicationis idiomatum Nes-  
toriana.

h: Deprauatio verborum  
Petri, quæ priorem assertio-  
nem euerunt. Nam aliud  
est dicere: Christus passus  
est in carne: & aliud, caro  
Christi passa est.

i: Quid hic homini tribui-  
tur, nisi inanis titulus? Imò  
etiam illi homini deroga-  
tur, quæ soli Deitati adscri-  
bitur, omnipotentia.

NESTORIANISMVS.

i: Idem Nestorius dixit, sed  
eius nulla ratione habita,  
Patres Concilij eum hære-  
ticos damnarunt.

## 214 Colloquium Mompelgartense

k: Hoc non est distinguere, sed separare.

l: Hæc Lutherus de Christo scripsit, quatenus in statu exinanitionis fuit: & ut discrimen naturarum in Christo ostenderet. Nequaquam autem negat, Christum omnipotentem hominem esse in Deo.

m: Extant scripta, quibus permoti quidam, hominis Christi diuinitatem negant.

n: Per distinctas intelligit seorsim agentes, sine omni communicatione: quod falsum est. Nihil respondet ad Thefin.

tem<sup>k</sup> distinguimus. Denique respondeat vobis D. Lutherus, cuius hæc sunt verba in sermone Natalitio super 1. cap. Epistola ad Hebræos: <sup>1</sup> Humanitas Christi aequè ac alius sanctus & naturalis homo, non semper omnia cogitauit, dixit, voluit, animaduertit, sicut quidam omnipotentem hominem ex ipso faciunt, imprudenter confundentes duas naturas, & earum operationes.

### II.

Nescimus, an quisquam ita insaniuerit, ut existimari, Θεὸς λόγος aliquid in<sup>m</sup> sese decessisse, cum carnem assumeret, et rursum accessisse: cum illa caro, peracto nostræ redemptionis Ministerio, in illam suam gloriam, supra omne nomen eueheretur. Sed hoc quidem docemus Paulum secuti, ὁ λόγος non in sese, sed quatenus quasi latere, dissimulata sua ad tempus gloria, sustinuit, [quodammodo] sese exinanuisse: sicuti rursus, cum illa caro plenè glorificaretur, non in sese, sed in illa [quodammodo] gloriam illam suam priorem recepit, quam etiam à patre postulauit, Ioan. 17. v. 5.

### III.

Mediatoris officium docemus, & toti Christo, & toti Christi cōpetere: sed ut naturis, ita etiam earum operationibus<sup>n</sup> distinctis. Humanitas igitur semper infra ὁ λόγος subsedit, & adhuc subsidet, quantumuis glorificata. ὁ λόγος verò (etsi quatenus redemptor, medius est inter Ecclesiam & Patrem, cui nos suo sanguine acquisiuit, & cuius Ecclesia caput est) non est propterea Deus ὁ παντοκράτης vel patris persona inferior.

Humana



## IIII.

Humanitatem Christi, ut subiectum semper Deitate inferius, affirmamus sine blasphemia exaquare non posse, siue *ἡ οὐσία* siue *ἡ ἐξουσία τοῦ λόγου*, à quo assumpta est, quod & res ipsa indicat. Et Paulus 1. Cor. 15. disertè exprimit, de humani regni potestate differens, cum ait: illum excipi, qui filio omnia subiecit. Est autem ipse *λόγος*, et si persona distinctus à patre, & officio medius inter patrem & Ecclesiam, tamen secundum essentiam unus cum patre: & quatenus filius, patri suo aequalis.

o: *ἐξουσία* non absolutam Dei potentiam (quæ ipsa Deitatis *οὐσία* est) sed eius participationem significat.

## V.

Respondit antea vobis <sup>p</sup> Lutherus, loco suprà citato, Christum hominem (id est, secundum hominem) tantum potuisse & sciuisse, quantum voluit *λόγος* ipsum et posse & scire. Et certè agnoscere nos oportet, Christum hominem omnia sciuisse, & scire sine ulla mutatione, secundum Divinitatem suam: tempore autem humilitatis suæ, secundum humanitatem suam multa ignorasse, propter nos, <sup>q</sup> quorum tamen in gloria sua nihil est ipsi ignotum.

p: Lutherus nihil minus voluit docere: ideo locus inspiciatur, & accuratè examinetur.

q: Non tamen apertè asserere volunt, vel audent, quòd omnia sciat.

## VI.

<sup>1</sup> Priorem huius Articuli partem asserimus: posteriorem abominamur.

r: Multi præsentiam & omnipræsentiam reiiciunt apertis verbis.

## VII.

<sup>2</sup> Falsò quidem in nos istud dictum fuerit, ut apparet ex nostro responso ad 15. Thesin superiorem.

s: Dissimulatio erroris.

Respon-

## VIII.

t: De Danzo dicuntur,  
cuius formalia verba hic re-  
citata, & aliàs sæpe repe-  
rita sunt.

*Respondimus quoq; ad illud immeritò nobis obiectum,  
(si in nos hæc dicuntur) ad Theſin. 20.*

*Mompelgarti, 24. Mart. Anno 1586.*

Theodorus Beza, Geneuenſis Eccleſiæ Mi-  
niſter.

Abrahamus Muſculus, Bernenſis Eccleſiæ  
Miniſter.

Anthoſius Faius, Eccleſiæ Geneuenſis Mi-  
niſter.

Claudius Alberius, D. & Profeſſor Philoſo-  
phiæ in Academia Lauſannenſi.

Petrus Hübnerus, Græcæ linguæ, in Gym-  
naſio Bernenſi publ. Profeſſor,

D. I A C O B Y S.

Quis cauſam diſputandi de  
perſona Chriſti dederit.



REUERENDE D. Beza, qua ratione in certa-  
mine de Cœna DOMINI, ad diſputationem  
de perſona Chriſti peruentum ſit, tua Reueren-  
tia non ignorat.

Postquam enim ex parte noſtra, verbis Chri-  
ſti demonſtrata eſt VOLVNTAS, quòd Chriſtus ſuo  
corpore & ſanguine in Euchariftia adelle, & illud cum pane  
distribuere, & ore à nobis manducari velit, qui dixit: Acci-  
pite & manducate, Hoc eſt corpus meum, &c. Accipite, bi-  
bite, hic eſt ſanguis meus, &c. noſtros auditores, adeoque  
omnes pios & fideles ſedulo hortari ſumus, cùm ſcriptis, tum  
ſermone, vi verbis Teſtamenti Chriſti ſimpliciter fidem ha-  
beant, ſine omni diſputatione aut dubitatione: quod nunc  
quoque facimus. Quoniam Chriſtus non ſolùm ſit verax,  
qui

Theologi Vvrittembergici  
omnes ad ſimplicitatem ſi-  
dei hortantur.

qui fallere & mentiri non possit, sed etiam omnipotens, apud quem non est impossibile omne verbum, sicut Angelus Mariæ loquitur. Ibi ab aduersarijs nostris de potentia non solum Christi hominis, sed etiam de absoluta potentia Dei disputari cœptum est.

Luc. i.  
Disputationis de  
omnipotentia Dei,  
ocasio.

Nam Petrus Martyr in suo Dialogo expressè scripsit: **NULLA VI FIERI POSSE**, vt res creata sit vbique. Et haud ita pridem Lampertus Danæus in libello Geneue impresso scripsit: **CHRISTVM** ne quidem **VELLE POTUISSE**, vt corpus ipsius simul & semel in pluribus locis præsens sit, quia præstare non possit. Et in Thesibus vestris de Cœna Domini, idem quoque affirmatur, de quo in præcedenti articulo etiam dictum est. Quod in Responzionibus vestris de persona Christi repetitum est, vbi contenditis, Deum propterea non negari omnipotentem, etiamsi hoc præstare non possit.

Impia vox Petri  
Martyris in absolu-  
tam Dei potentiam.  
Blasphemia Lam-  
perti Danzi in asser-  
tione contra D. Ia-  
cobum Andreæ.

In Responzionibus  
de cœna Domini, &  
de persona Christi,  
Beza cum suis ean-  
dem opinionem  
probat.

Huic doctrinæ opposuerunt sese Theologi Confessionis nostræ: & demonstrarunt, non solum **VOLUNTATEM**, sed etiam **PACULTATEM**, quod non modo velit, sed etiam possit suo corpore in pluribus, adeoque omnibus locis, diuino et cœlesti modo, adesse, in quibus Cœna Domini in toto terrarum orbe vna hora celebratur.

Ex quo manifestum est, controuersiam & disputationem de persona Christi **NON A' NOBIS ORTAM**: verum aduersarios non modo eius occasionem, sed etiam causam dedisse. Si enim verum esset, quod Martyr & Danæus cum suis socijs dicunt, Christum vniuersa sua virtute, adeoque omnipotentia sua efficere non posse, vt corpus ipsius in pluribus, adeoque omnibus locis verè & realiter adsit, in quibus Cœna Domini, in toto terrarum orbe celebratur: frustra ex verbis Testamenti ea dere disputaretur.

Controuersia de  
omnipotentia Dei  
Christi, à quibus or-  
ta & excitata.  
Cur de omnipoten-  
tia Christi necessa-  
riò disputandum.

Sin verò concedatur, & de potestate Dei nihil dubitetur, aut disputetur, quod præstare possit, sicut nos semper fecimus, & nunc quoque facimus, ac porro etiam facturi sumus: illam disputationem prorsus omitteremus, & omnes ad

Lutherani contra  
suam voluntatem in  
disputationem de  
omnipotentia Dei  
petraçti.

E c

simplici

## 218 *Colloquium Mompelgartense*

simplicem fidem verborum Christi hortaremur, vt quia dixit: Hoc est corpus meum: simpliciter credant esse corpus Christi, quod illis dedit. Et quoniam iubet ore manducare: manducant, & in memoriam mortis eius faciant. In qua simplicitate fidei si permanfissent aduersarij nostri, ad hanc disputationem de persona Christi nunquam peruentum esset.

Disputationis autem huius exigua mentio facta est in collatione de Cœna Domini, quamuis vos eius in Thesibus de Cœna Domini memineritis, vbi de duplici diuinitate & omnipotentia quædam inferuistis: sed in hunc locum referuauimus, ne materia & doctrina diuersorum locorum commisceretur & confunderetur, quum ab initio collationis inter nos constitutum fuerit, ne cuiquam in alterum articulum descendere liceat, priusquam propositus locus absolutus, & collatio de eo perfecta esset.

Principalis quaestio in loco de persona Christi, videlicet de reali communicatione Idiomatum.

Tota autem disputatio circa vnā potissimum quaestionem versatur, quæ est de reali communicatione proprietatum diuinitatis & humanitatis. Ea si expedita fuerit, ad omnia responsum confido, quæ in Thesibus & assertionibus vestris continentur.

In quibus de persona Christi consensus.

Nam quod in Christo duæ naturæ sint, diuina & humana: Quod in Christo singulæ naturæ suas essentielles proprietates, etiam in ipsa vnione perpetuò retineant, neque vnquam deponant vel amittant:

3. Quod proprietates naturæ vnius, nunquam possint alterius naturæ proprietates fieri: Quod neque natura diuina in humanam, neque humana in diuinam mutari possit:
4. Quod neque naturæ, neque earum proprietates commiscantur, vt vna tertia fiat, quæ neque diuina neque humana natura esset: Quod neque naturæ separentur, quamuis naturæ, earumque proprietates perpetuò sint & permanent distinctæ:
7. Quod in Christo vna persona & non duæ personæ sint:

De his capitibus omnibus in doctrina de persona Christi, ut ego quidem iudico, nulla inter nos controuersia est. Nam idem ab utraque parte & ore & scriptis fatemur.

De communicatione autem questio est, eaque duplex: *De communicatione.*  
Altera de Naturis ipsis: Altera de Naturarum proprietatibus. *ne duplex questio.*

Queritur enim, an talis sit unio Naturarum in Persona Christi, in qua neutra natura alteri quicquam præter nomen communicet: ut: Cum Homo Christus, Deus appellatur: an duntaxat nomen Deitatis, an verò ipsa Deitas humanæ nature communicetur? *1.*

Deinde queritur etiam: An naturarum proprietates in persona Christi per unionem, non verbaliter duntaxat, sed realiter quoque communicentur, in abstracto: aut in concreto: ut cum dicitur: Deus est passus: Homo Christus est omnipotens. In his enim duabus questionibus cardo totius disputationis de persona Christi versatur. In quibus nos ex parte nostra affirmatiuam tenemus: quod videlicet naturarum & proprietatum realis communicatio sit in persona Christi, hoc est, in concreto, & non in abstracto, siue extra unionem in se & per se consideratis naturis & proprietatibus. Vos negatiuam hactenus propugnastis. *2.*

Nunc in arbitrio Dominorum relinquimus, & positum est: An ipsi nobis opponere velint: aut nos eis opponere debeamus: in quo parum differre existimamus, siue nos respondentis, siue oppositis partes sustineamus. Cum in ipso tractatu disputationis utriusque parti & opponendum, & respondendum, atque soluendum sit, si quid ex aduerso obiectum fuerit.

D. B E Z A.

*Reuerende domine Doctor, in ijs quæ libuit dignitati tuæ  
asserre, commendasti quoque simplicitatem fidei Christianæ  
Ec 2 dili-*



## 220 Colloquium Mompelgartense

1.  
Verbis Testamenti  
quomodo simplici  
fide credendum.

Ioan. 14.

diligenter, & affirmasti peccare eos, qui ab hac simplicitate  
recedant: quod speciosè dicitur, sed in nos non conuenit. Ne-  
mo enim ex nostris hoc unquam negauit. Etenim assenti-  
mur, verbis Christi simplicissima fide credendū, quia Chri-  
stus non mentitur, sed est ipsa veritas. De interpretatione  
autem verborum Christi in Eucharistia inter nos contendit-  
tur, quæ sit eorum germana & vera sententia. Nos enim ali-  
ter quàm vos intelligimus & interpretamur.

2.  
Cur meminerint  
creatæ omnipoten-  
tiæ & Deitatis.

Deinde meminimus creatæ et increatæ Diuinitatis et om-  
nipotentia. Memini enim me legere, non constitui posse pra-  
sentiam illam realem corporis & sanguinis Christi in Cæna  
Dominica, nisi omnipresentia corporis Christi posita sit, &  
concessa fuerit: de qua nunc agitur. Et memini quoque, me  
hac in scriptis tuis legisse. Superest ergo, ut dicam & expli-  
cem, quæ sit nostra sententia & doctrina de hoc articulo,  
quod breuiter faciam.

3.  
Confessio D. Beza.  
de persona Christi.

Verum est, in eo nos consentire, quòd in vniõne hypostati-  
ca sine omni separatione, confusione, aut permixtione sint  
vnitæ duæ naturæ, diuina & humana. Et quidem sic vnita  
& coniunctæ, ut **CONSTITVANT** vnā personam,  
non compositam ex partibus, sicut homo compositus est ex  
anima & corpore: sed quia λόγος in indiuiduo assumpsit  
naturam humanam.

4.  
Status controuersie  
de PERSONA  
CHRISTI.

Et cum proprietates inseparabiles sint à naturis, dicimus  
in hac vniõne singulis naturis saluas retineri, et non aboleri  
aut misceri proprietates. Sicut enim naturarum substantia,  
sic etiam proprietates naturarum saluæ et distinctæ manent.  
In his omnib. nos consentire arbitror. Sed queritur, an pro-  
pter & per hanc vniõnem hypostaticam naturarum, in per-  
sona Christi, præter illa eximia, singularia, et ineffabilia do-  
na, qui-

na, quibus humana Christi natura, pra alijs beatis hominibus, ornata est, & quae assumpta Caro per unionem personalem à λόγῳ adepta est, putandum sit: aliquam communicationem realem proprietatum factam esse, ut proprietates diuinitatis essentielles, humana natura assumpta ALI-  
QVO MODO re ipsa communicentur? Hoc video vos sentire, nos negamus, sed ita:

Confitemur huic Homini communicata esse, quaecunque possunt communicari, & quorum natura humana capax est. Cum igitur ille Homo assumptus sit Deus, necesse est ei proprietates Deitatis conuenire. Sed ita, ut non sint in homine PER SE, sed in λόγῳ. Et quamuis scimus in illa hypostatica unionem diuinā naturam infinitis modis excellere & superare carnem assumptam: una tamen ratione λόγῳ unitum carni, & carnem λόγῳ unitam esse dicimus. Unde etiam eadem ratione dicitur: Homo est Deus: & Deus est Homo. Item, Deus redemit suo sanguine Ecclesiam: Deus est crucifixus, seu, Dominus gloriae est crucifixus: sic quoque recte & eadem ratione dicitur: Hic Homo est omnipotens Deus, omnipraesens & omniscius.

Sicut enim propria humanitatis tribuuntur Deo: sic propria diuinitatis tribuuntur Homini, videlicet propter unionem hypostaticam: & sic etiā oportet loqui, & ita dicimus esse loquendum. Quia .n. unum est ὁ λόγος: ideo etiam communicationis una & eadem ratio est. Falsa aut enunciatio est, quando dicitur: Humanitas est Deitas: Deitas est Humanitas: quamuis verae sint enunciationes, Deus est Homo: & Homo est Deus. Fundamentum huius discriminis est, discrimen abstracti & cōcreti. Abstractū enim in scholis dicitur, nō quiddam auulsum ab alio, sed forma intelli-

5.  
Confessio D. Bezz,  
de communicatione  
Idiomatum.

6.  
Vna ratio vnionis  
Naturarum in  
Christo.

Abstractum in scho-  
lis quid significet.

gitur, quæ accidentaliter alicui inest. Sic iustitia & Iustus differunt tanquam abstractum & concretum. Vbi iustitia non significat quiddam ab homine iusto abstractum: sed formam homini iusto inhaerentem. Est enim iustitia accedens in homine iusto, non quiddam ab eo abstractum.

Sic Homo & Humanitas differunt, ut concretum & abstractum. Et quando de humanitate loquimur, non abstrahimus aut auellimus illam ab homine. Quemadmodum etiam, si Deitatem nominamus, eam à Deo non abstrahimus: sed consideramus utramque naturam diuinam & humanam, QVALIS illa in se est propriâ suâ naturâ.

Prædicationes in abstracto & concreto.

Hoc igitur posito fundamento, dicimus: Sicut natura non potest dici aut predicari de natura: Deitas est humanitas: Humanitas est Deitas: sic quoque proprietates essentialis naturarum de se inuicem dici aut predicari aut inesse non posse. Quapropter etsi in concreto dici possit, & verè: Homo est omnipotens: tamen dici verè non potest: Humanitas est omnipotens.

Nam in concreto tantum, quæ Deitatis propria sunt, tribuuntur homini: & vice versa, quæ humanitatis propria sunt, tribuuntur Deo.

D. IACOBVS.

Reuerende D. Beza, quicquid de simplicitate fidei dixi, & an ab ea recedatis, qui in verbis Testamenti & scripturæ impugnat, & necessario ad tropum confugiendum docetis, quem Metonymiam esse dicitis, quæ nomen pro nomine ponitur: iudicio auditorum relinquimus. Satis enim de hac re in præcedenti collatione de Cæna Domini dictum existimamus.

De Di-

De Diuinitate & omnipotentia duplici, creata & increata: an ea à me vel ab alijs vnquam tradita & scripta sint, quorum hic mentionem facis, quemadmodum etiam, quomodo doctrina de Cœna Domini à persona Christi dependeat: suo loco dicitur.

Nisi enim esset caro Filij Dei, in Cœna Domini cibus virg & viuificus esse non posset, & frustra in eum sinem manducaretur, si maxime adesset & distribueretur.

Sic quoque, quæ de vnione personali differuisti duarum naturarum in vna persona Christi: nulla inter nos dissensio est, sicut ex breui mea commemoratione præmissa constat.

Fateor quoque, statum controuersiae de hoc loco rectè à te positum esse, videlicet: Num proprietates diuinæ naturæ ALIQUO MODO naturæ humanæ REALITER in persona Christi communicatæ sint? Quod auditores diligenter meminisse velint.

Oportim autem vocabula (abstractum & concretum) omnibus auditoribus tam nota esse, quam nobis nota sunt, Quia autem metuo, illis minùs cognita esse: quantum fieri potest, hæc & alia scholastica vocabula vitabimus, & de re ipsa eo modo loquemur, vt ab auditoribus omnibus & singulis probè intelligamur. Nam ipsorum quoque causa, collatio hæc instituta est. Ideoque breuiter ad ea respondebo, quæ de significatione vocabuli abstracti monuisti. Nam discrimen vocabulorum concreti & abstracti, per gratiam Dei mihi bene notum est.

Quòd autem mones, per abstractum non significari quiddam auulsum aut separatum à re, sed rei ipsius formam: quod exemplo iustitiæ & iusti declarasti: vbi iustitia propterea non fit separata à iusto, quia abstracta sit, hoc est, quemadmodum IN SE EST, consideretur, sed in homine iusto permaneat cum eo vnita.

Respondeo, aliquid dupliciter ab alio abstrahi. Primum, Abstrahio dupliciter seu cogitatione, quando res in se ipsa consideratur, ratione suæ forme, siue substantialis siue accidentalis sit, vt quasi  
Idæa.

## 224 *Colloquium Mompelgartense*

Idea sit eius rei, à qua abstrahitur. Et hæc abstractio fit in indiuiduis seu singularibus rebus.

Altera est abstractio, quæ non fit mente & cogitatione tantum, sed etiam re ipsa, quando alterum ab altero ita abstrahitur, vt ab eo separetur & auellatur. Exemplo à te allato explicare volo. Iustitia dicitur abstractum, hoc est, forma quædam per se absque subiecto considerata, cui inest: à quo etiam re ipsa, salua manente substantia subiecti, auelli & abstrahi potest. Concretum eius est iustus, quod significat subiectum, illam formam habens. Ex quo manifestum est, vocabulo abstracti vnum tantum, videlicet formam significari, eamque vel mente tantum, vel etiam re ipsa abstractam.

Quid abstractum significet.

Concretum quid significet.

Concretum autem significare duo, videlicet formam, quæ inest alicui rei, & rem, cui inest hæc forma. Si igitur in Disputatione de persona Christi, vocabulum (Humanitas) abstractum, hoc est, formam hominis significat: Homo autem concretum, hoc est, quod hanc formam habet, sicut iustus iustitiam habere, & ideo iustus esse dicitur: Quæro ex te, an Filius DEI humanitatem illam abstractam assumpserit, an verò concretum, quod dicitur Homo? Hic mihi categorice respondeas.

D. B E Z A.

*Filius Dei assumpsit indiuiduum.*

D. I A C O B U S.

Nihil ad quæstionem meam responderetur de abstracto & concreto propositam. Ego enim quæro, cum ex tua sententia humanitas sit abstractum, Homo autem concretum (quæ minimè confundenda sunt, & hoc nomine nos à vobis reprehendimur, quod vocabula abstracta & concreta confundamus) An Filius Dei hominem aut humanitatem assumpserit?

D. B E Z A.

*Ego dico, quòd Filius Dei assumpserit indiuiduum.*

D. I A C O.



D. I A C O B V S.

Nihil ad questionem meam respondetur de abstracto & concreto propositam. Ego enim quero, cum ex tua sententia Humanitas sit abstractum, Homo autem concretum: (que minime confundenda sunt, & hoc nomine nos à vobis reprehendimur, quod vocabula abstracta & concreta confundamus) An Filius Dei hominem aut humanitatem assumpserit?

D. B E Z A.

*Ego dico, quod Filius Dei assumpserit indiuiduum.*

D. I A C O B V S.

Quero igitur, in quo prædicabili sit homo inter quinque prædicabilia?

D. B E Z A.

*In specie.*

D. I A C O B V S.

Ergo hæc duo vocabula (Homo & Humanitas) sunt in eodem prædicabili, quod est species, qua significatur forma & quasi imago indiuiduorum, quam mens abstrahit ab indiuiduis, & secum circumfert ad omnia eiusdem speciei indiuidua.

Quæ formæ extra mentem non sunt, sed in mente tantum. Sic homo extra mentem nihil est: nec ego vnquam hominem hoc est, abstractam talem formam vidi, sed Petrum vidi, Paulum vidi, Ioannem vidi: Petrus autem non est species seu abstractum hominis, sed est indiuiduum, sic Paulus quoque & Ioannes. Ita de reliquis omnibus. Ex quo vides, discrimen abs te positum, consistere non posse, quod ais, vocabulo (Homo) concretum, & vocabulo (Humanitas) abstractum significari, cum ambo vocabula sub eodem prædicabili comprehendantur.

Ff

D. BEZA.

# 226 Colloquium Mompelgartense

D. B E Z A.

*Ego loquor de illo Homine, qui est indiuiduum. Et de ta-  
li humanitate, qua praditus est Homo ille. Aliud ergo est hu-  
manitas, & aliud Homo ille.*

D. I A C O B V S.

Homo ille non est species, sed indiuiduum. Si enim Pro-  
nomen Demonstratiuum addas, non species hominis, sed  
certus quidam homo significatur, Petrus, Paulus, Ioannes  
vel alius. Ego autem quæsiui, in quo prædicabili sit Homo?  
Vbi tu recte respondisti: In specie. Species autem non est in-  
diuiduum, sed indiuidui forma seu imago substantialis. Quid  
enim Homo est aliud, quam quod constat corpore & anima  
rationali?

Homo & humanitas  
synonyma.

Et quid nomine humanitatis seu humanæ naturæ (quia  
Synonyma sunt) significatur aliud, quam creatura corpore  
& anima rationali constans? Quod cum nemo mediocriter  
eruditus negare possit: hinc factum est, vt orthodoxi vere-  
res doctores Ecclesiastici, Augustinus inprimis, vocabulo  
(Homo) pro (HUMANITATE) vsi sint, & per assum-  
ptum hominem, ipsam humanam naturam intelligant: quos  
nomine ignorantia vocabulorum abstracti & concreti accu-  
sare, durum esset.

Vt vsus vocabuli ab-  
tracti, apud veteres  
& neotericos do-  
ctores Ecclesiæ.

Quapropter omitrentes disputationem de abstracto &  
concreto, quam pauci intelligunt: nobis abstractum, signifi-  
cat omne id, siue substantia siue accidens sit, quod aut mente,  
aut re ipsa ab eo, cum quo coniunctum est, abstrahitur, & per  
se in suæ naturæ proprietate consideratur. Qua ratione Lu-  
therus in hac disputatione, sicut Brentius, & nos quoque sem-  
per, eo vsi fuimus. Sic humanitas in abstracto considerata,  
nihil aliud significat, quam ipsam humanam naturam, quæ  
corpore et anima rationali constat, quam Filius Dei assumpsit,  
**QVANDO SINE RESPECTV DIVINITATIS  
IN SE IPSA ET PER SE IPSAM CONSIDE-  
RATUR.**

RATVR. Quæ consideratio nihil differt à consideratione humanitatis, in alio quouis homine, qui cum Filio Dei personaliter non vnitus, sed ab eo separatus est.

Cum enim dico: Homo est Deus: quero mi Beza: an hæc propositio sit vniuersalis, aut particularis?

D. BEZA.

*Est singularis, quia tantum hic Homo est Deus, qui dicitur & est Iesus Christus.*

D. IACOBVS.

Vocabulum (Homo) est vniuersale vocabulum, quod omnibus hominibus tribuitur. Nam si dicitur: Homo est animal rationale, est creatura Dei, est mortalis, & similia infinita, quæ humanæ naturæ conueniunt: non opus est addere signum vniuersale, OMNIS, quia vocabulum Homo non significat indiuiduum, sed speciem, quæ omnia indiuidua eiusdem speciei sub se continet. Quapropter vt vera sit hæc propositio: Homo est Deus: necesse est, vt addas Pronomen (HIC) vel proprium nomen Christi: Hic Homo est Deus: vel, Homo Iesus Mariæ filius, est Deus: alias non est simpliciter vera. Ex quo manifestum est omnibus, quod vocabulum (Homo) si sine determinatione ponatur, non sit concretum, sed abstractum. Sed si determinatio addatur: hic Homo: Homo Iesus Nazarenus, Mariæ filius: tum demum est concretum, & significat eiusmodi hominem, qui cum Deo personaliter vnitus, & propterea Deus est & esse dicitur.

Homo species, non indiuiduum est.

Vocabulum (HOMO) quando sit concretum.

D. BEZA.

*Cum ago de homine, ago de homine assumpto. Sed longè aliud est humanitas, quam Homo. Falsa enim est hac enunciatio: Humanitas est Deitas: sed vera est hac enunciatio: Homo est Deus.*

Ff 2

D. IACO-

D. IACOBVS.

Ego iam demonstraui, hanc propositionem: Homo est Deus, NON ESSE VERAM, nisi addatur Pronomen HIC, vel ISTE, & dicas: Hic Homo ( solum Iesum Mariæ filium monstrans ) est Deus. Ideo vocabulum (HOMO) non est concretum, sed abstractum. Quapropter in disputatione de persona Christi, promiscuè & rectè eodem vti licet loco Humanitatis, vt idem prorsus significet Homo, quod humanitas, seu humana natura.

Disputatio de abstracto & concreto cur necessaria.

Latibulum erroris sub vocabulo (HOMO.)

Neque verò quisquam arbitretur, hanc disputationem de abstracto ociosam, aut minimè necessariam in hac disputatione esse. Nam res ipsa in hac collatione docebit, sub vocabulo Hominis latibulum erroris maximum positum esse, quo aduersarij nostri non literaliter, sed figuratè & tropicè, Christum hominem Deum esse dicunt, sicut suo loco apertè omnibus ad oculum demonstrabitur. Sed aliud quero ex D. Beza: cum Ioannis primo scriptum legimus: Verbum caro factum est: an hoc loco vocabulum (CARO) abstractum vd concretum vocabulum sit?

D. BEZA.

*Est concretum.*

D. IACOBVS.

Quid Beza concreta vocabula appellet.

Quomodo concretum vocabulum dicere potes, cum nihil aliud significet phrasi Hebræa, quàm solum naturam humanam assumptam? Nam vos concreta vocabula in hac disputatione appellatis, QVAE TOTAM PERSONAM, non alteram duntaxat naturam significant. Vt cum dicitur, Homo est omnipotens: Homo ideo concretum vocabulum esse dicis, quia totam personam significet, quæ simul Deus & Homo est, alias non esset enunciatio vera. Sic quando dicitur: Deus est passus: vocabulum (DEVS) vobis est concretum vocabulum, quia denotat totam personam, quæ non tantum Deus,

Deus, sed verè etiam Homo est. Si ergo vocabulum (CA-  
RO) est vocabulum concretum, quod totam personam si-  
gnificat, quæ diuina & humana natura constar: sequeretur,  
quod Verbum assumpsisset carnem, quæ priusquam assume-  
retur, Deus fuisset: quod absurdum esset. Quemadmodum  
ergo (VERBVM) in hac enunciatione: Verbum caro fa-  
ctum est: non est concretum vocabulum, quod personam de-  
notet, quæ simul Deus & Homo sit: aliàs enim Verbum prius  
incarnatum quam caro factum fuisset: quod similiter absur-  
dum esset: Sic vocabulum (CARO) non est vocabulum  
concretum, sed significat humanitatem, seu humanam natu-  
ram, quæ sunt abstracta vocabula, quod nemo sanus nega-  
re potest. Nam Verbum, hoc est, Filius Dei, qui sine carne  
assumpta, ab æterno persona fuit Trinitatis secunda, factus  
est caro, hoc est, assumpsit carnem in suæ personæ vnitatem,  
quæ prius caruerat. Ideoque in hac enunciatione: Verbum  
caro factum est: Verbum significat Filium Dei sine carne: &  
caro significat Humanam Naturam sine Verbo: adeoque  
SOLVM NATVRAM Humanam. Nam Verbum,  
quod nihil, nisi Verbum erat, factum est caro, hoc est ve-  
rus Homo.

Caro non est con-  
cretum vocabulum.

Quod, oro omnes Auditores diligenter obseruent. Plurimum enim in hoc situm est, vt rectè intelligatur. Sed satis est de vocabulo (abstracto) dictum: quod in disputatione de persona Christi, aliquid auulsum & per se consideratum significat, quod tamen non re ipsa, sed mente duntaxat fiat, hoc est, naturam sine respectu alterius, siue humanæ, siue diuinæ consideratam, quocunque tandem nomine, siue Deus, siue Deitas, siue Homo, siue Humanitas, appelletur.

D. B E Z A.

*Nos per vocabula abstracta formam intelligimus, non auulsum ab ea re, cui inest, sed in ea permanentem consideratam.*

Ff 3

D. IACO-



D. IACOBVS.

Quomodo hæc vocabuli significatio huic disputationi non conueniat, satis dictum est. Cuiusmodi verò error sub illis vocabulis, quæ vos concreta appellaris, occultetur, paulò post magis perspicuè demonstrabo. Nunc omîssis vocabulis illis artis (concreti & abstracti) ad rem ipsam accedamus.

Status disputationis  
de COMMUNI-  
CATIONE Idio-  
matum.

Communicatio du-  
plex: 1. Naturarum,  
2. proprietatum.

Vnio naturarum Be-  
za sine communica-  
tione reali.

Quæstio est: An à Diuinitate seu λόγῳ, assumptæ naturæ aliquid eorum, non verbotenus, aut titulotenus, sed verè & realiter communicatum sit, quæ sunt Diuinitatis propria? Oro autem auditores pariter omnes, animum diligenter attendere velint. Suprà autem dictum est de duplici communicatione: Altera est naturarum, quæ vnio personalis effectus est. De prima communicatione, quæ est naturarum, D. Beza interrogatus, de vnione naturarum semper respondet.

Discrimen inter co-  
municationem &  
vnionem natura-  
rum.

Communicatio du-  
plex.

I.

Communicatio es-  
sentialis.

Ingens autem discrimen est inter vnionem & communicationem. Possunt enim res vniri, quæ sibi inuicem prorsus nihil communicent, ita, vt vna ab alia nihil accipiat. Sicut hæc duæ pennæ (habebat autem D. Iacobus duas pennas in manibus) si copularentur, & altera esset ex puro auro, altera verò anserina, sibi inuicem nihil communicarent: neq; enim aurum anserinæ, neque anserina aureæ quicquam daret, sed duntaxat combinatæ & coniunctæ essent. Quæ vnio harum duarum pennarum, sicut videtis, sine omni communicatione fieri potest. Deinde ipsa quoque communicatio duplex est: Alia esse essentialis, seu naturalis, & hæc tribus personis Diuinitatis in Trinitate duntaxat communis est. Pater enim ab æterno gignens filium, eidem & essentiam, & proprietates suas essentielles communicauit. Sic Spiritus sanctus ab utroque procedens, cum patre & filio essentiam Diuinitatis, eiusque propria essentialiter & naturaliter communia habet. Est enim vna trium personarum Diuinitatis essentia & natura. Ideoque propter illam communicationem non tres om-  
nipoten-

nipotentes Dñj, sed vnus omnipotens est Deus. Hoc modo essentia Diuinitatis nulli creaturæ communicatur cum suis proprijs. Si enim hoc modo communicaretur creaturæ, efficeretur essentialiter & naturaliter Deus. Altera communicatio personalis est, vbi non vna duntaxat natura est: sed duæ diuersæ naturæ in vna persona filij Dei conueniunt sine omni confusione: neque simpliciter vniuntur, sed ita vniuntur, vt vna alteri suam essentiam cum suis proprijs communicet. Sic Filius Dei secunda persona Trinitatis, in suæ personæ vnitate naturam humanam assumens, essentiam Diuinitatis suæ, & propria eius ei communicat. Hic aduersarij dicunt, quod communicatio hæc ita fiat in persona Christi, vt vtrique natura seipsam & sua propria PERSONÆ huic communicet, quæ dicitur Christus, propter naturarum concursum, quæ in illa persona vniantur, non autem sibi inuicem communicentur: vnde hæc persona dicatur Deus omnipotens, Creator cœli & terræ, omnipræsens, omniscius, viuificator, adorandus: Item, Homo mortalis, passus, crucifixus: quia vtrumque est, Deus & Homo, ideo etiam propria vtriusque naturæ huic personæ tribuantur: Sicut autem naturæ sunt diuersæ, & manent etiam in ipsa vnione distinctæ: ita quoque distinctè agant, quod singulis naturis proprium est: Ita vt λόγος distinctè agat sine omni communicatione reali, quod est λόγος: & caro distinctè exequatur, quod carnis est. Talem autem vnionem naturarum in Christo, neque Scriptura facit, neque Orthodoxi Patres docent, sicut suo loco ostendimus. Vnionem enim duarum naturarum in Christo personalem sine communicatione non definierunt. Ad quam explicandam similitudinibus ferri igniti, & animæ cum corpore vsi sunt. Nam in ferro ignito duæ concurrunt substantiæ, ferrum & ignis. Non autem eo modo, quo dixi duas pennas vniri, quarum neutra alteri aliquid communicet. Nam ignis se vnâ cum suis proprietatibus ferro ita communicat, vt totum reddatur ignitum, quasi in ignem conuersum sit. Hoc ferrum incendit: hoc ferro perforatur in momento lignum, quod ferrum sine igne, & ignis

2.

Communicatio naturarum & proprietatum personalis.

Communicatio naturarum & proprietatum in Christo qualis secundum Beza.

D. Beza in Responsione ad Thesin. 10.

Refutatio huius opinionis de communicatione. Sententia Patrum de personali vnione.

Simile de ferro ignito.

Communicatio substantiæ ignis & proprietatum eius in ferro.

Communicationis effectus.

232 *Colloquium Mompelgartense*

Simile de corpore &  
anima rationali in  
homine.

& ignis sine ferro non faceret. Neque propter hanc communicationem ignis & proprietatum eius, ferrum in substantiam ignis conuertitur, vel aboletur, sed illustratur. Si ignis absque ferro est: eiusmodi foramen in ligno non efficit, sed lignum consumit. Fit igitur ferrum ignitum, neque tamen substantia eius in substantiam ignis mutatur. Sic anima rationalis cum corpore vnitur, sed non sine communicatione. Nam anima substantiam suam cum omnibus potentijs suis corpori communicat. Non autem eiusmodi est vnio, in qua anima distincte, & corpus quoque distincte operetur, sed operationes animæ & corporis sunt communes, vt non modo vnum *ἐκτέλεσμα*, hoc est, vnum opus efficiant, sed actionem ipsam communem habeant, vt anima nullam prorsus sine corpore exerceat, quam diu est in corpore. De sensu & motu manifestum est. Nam anima sine oculo non videt, sine auribus non audit, sine lingua non gustat, sine naribus odores non percipit. Sic etiam sine phantasia nihil intelligit, secundum illud vulgare dictum: Nihil est in intellectu, quod non prius fuerit in sensu. Quod experientia ipsa docet, si quis capite læsus fuerit, vt in momento omnem intellectum amittat, & planè stupidus fiat. Ex quo manifestum est, quod communicatæ animæ cum corpore non sit nuda vniulque vnio seu combinatio, sed realis communicatio, qua anima corpori vitam, sensum, motum, adeoque se ipsam totam ei communicat, sine qua non amplius corpus, sed cadauer dicitur, & sic corpus ab anima separatur. Et sic vt anima cum corpore, & corpus cum anima omnes actiones & passionis communes habent: sic quoque omnis plenitudo diuinitatis assumptæ naturæ in Christo personaliter communicata est, in qua habitat corporaliter: quod alias nulli creaturæ contigit, in quibus vel per essentiam est, vel per gratiam habitat. Neque tamen humana natura in diuinam mutata est: sicut corpus non fit anima, sed animatum: Ita assumptum corpus non fit ipsa Deitas, sed Deificatum, sicut Nazianzenus & Damascenus loquuntur.

Quod

Quòd autem Reuerentia tua dicit: Diuinitatem suas acti-  
ones habere à carne distinctas, quia proprias: hæc ipsissima  
Nestorij doctrina est, à ducentis Concilij Ephesini Patribus  
damnata. Nam Nestorius VNITATEM personæ in Chri-  
sto nunquam negauit, neq; duas in Christo personas vnquam  
asseruit: sed VNAM SINGVLAREM personam ore  
constanter confessus est. Ideoque Concilio Ephesino succen-  
sui, & conquestus est vsque ad mortem, sibi iniuriam factam  
esse, qui hoc nomine damnatus sit.

Nestorij Confessio  
de vnitatem personæ  
Christi.

Hæresis autem ipsius hæc fuit: quòd propria humanitatis,  
videlicet ex muliere nasci, pati, mori, Diuinitati tanquam  
Deo indigna, tribuere noluit.

Nestorij hæresis quæ  
fuerit.

Noli gloriari Iudæ, inquit, quoniam hominem, non De-  
um, crucifixisti. Item, Mariam *Χριστοῦ ἡ μήτηρ*, & matrem Chri-  
sti, qui sit Filius Dei, appellauit: sed *θεοτόκος*, id est, matrem  
Dei, aut filij Dei esse, concedere noluit. Ego, inquit, in bime-  
strem & trimestrem Deum non credo. Et aperte testatus est,  
se Mariæ matris Dei appellationem non inuidere, sed ei mi-  
nimè conuenire docuit, quia ex eo (secundum ipsius Nesto-  
rij intellectum & opinionem) sequeretur, Mariam Diuinita-  
te priorem esse, siquidem omnis mater annis suum filium ex  
ipsa natura superet. Cum autem Diuinitas sit ab æterno: ideo  
ex muliere Deum nasci non posse, contendit. Ex hac autem  
doctrina Nestorij, Patres Concilij Ephesini aduersus Nesto-  
rium rectè concluderunt, eum duas personas in Christo con-  
stituere. Quandoquidem actiones & passionem non vtrique  
naturæ communes esse, asserat, sed distinctè alias carni, alias  
diuinitati, sine vlla reali communicatione, tribuat. Et si enim  
verum est, quod Leo scribit: quòd quælibet forma in Chri-  
sto agat, quod suum est: non tamen hoc absolute & distinctè  
vni tantum naturæ, sed toti personæ in Christo tribuit. Nam  
addit Leo: cum communione alterius formæ. Cuius hæc  
sunt verba: Agit vtrique forma cum alterius communio-  
ne, quod proprium est, Verbo scilicet operante, quod Verbi  
est, & carne exequente, quod carnis est, Quapropter Lutherus

Nestorius de verbis  
non vult litigare.

Nestorius separatio-  
nis naturarum in  
Christo iure damna-  
tus.

Leo Epistola 10. ad  
Flavianum.

Nestorij error non  
fuit damnatus in  
Synodo Ephesina.

## 234 Colloquium Mompelgartense

Nestorianus error  
quantia heresis.

Vnio naturarum in  
persona Christi est  
vera & realis com-  
municatio.

Col. 2.

Communicatio  
omnis plenitudinis  
Deitatis in carne  
Christi.

Epheſ. 3.

Matth. 28.

dicat: Nestorium non satis damnatum esse à patribus Con-  
cilij Ephesini, qui nullum articulum fidei de persona Christi re-  
liquerit syncerum, sed simul omnes corruperit, & deprauaue-  
rit: quia primum hominem ex Maria natum, passum, crucifi-  
xum esse, statuit: quod ex diametro cum articulis Symboli  
Apostolici pugnat. Nam de Filio Dei expressè omnes arti-  
culi Symboli Apostolici in persona Christi loquuntur: Cre-  
do in Iesum Christum FILIUM eius vnicum, QVI con-  
ceptus de Spiritu sancto: QVI NATVS: QVI passus:  
QVI crucifixus: QVI mortuus, &c. filius, inquam, Dei na-  
turalis & vnigenitus. Hæc cum pertinaciter oppugnaret Ne-  
storius, iure hereseos damnatus est. Est ergo vnio naturarum  
personalis, non nuda combinatio sine communicatione, sed  
vera & realis communicatio naturarum, in qua vna natura  
alteri dat, & altera accipit. Quam communicationem Paulus  
paucis verbis diserte complexus est: In ipso (inquit) inhabi-  
tat omnis plenitudo Deitatis corporaliter. Nam Filius Dei,  
in cuius persona hæc vnio facta est, assumptæ suæ naturæ om-  
nem plenitudinem Deitatis communicauit. Erat enim Deus  
omnem suam plenitudinem Deitatis vbique secum habet, qui  
etiam in nobis per fidem habitat: tamen nulli beatorum ho-  
mini eam communicauit. Ideo solus Christus Iesus Mariæ fi-  
lius verè dicere potest: Mihi data est omnis potestas in cælo  
& in terra,

D. B E Z A.

*Similitudo de duabus pennis combinatis, nihil ad nos per-  
tinet. Non enim talem unionem naturarum in persona Chri-  
sti docemus, aut credimus. Quod autem de Nestorio dixisti,  
eum unitatem personæ Christi credidisse, & non duas per-  
sonas constituisse. Respondeo: si re ipsa unitatem personæ cre-  
didisset, etiam communicationem idiomatum confessus es-  
set. Quapropter fuit merum ludibrium, quod de vna singu-  
lari persona dixit, aut quid diceret, non intellexit. Et quo-  
modo Pelagius imposuerit Ecclesijs, ex Historia Ecclesiastica  
notum est.*

Dein-



Deinde Nestorius naturas & earum actiones re ipsa in persona Christi separauit, quod nos non facimus. Et si enim cuiuslibet natura proprias suas & distinctas actiones tribuimus: non tamen propterea dicimus, quod natura humana à diuina, aut diuina ab humana separata hoc efficiat, sed in ipsa vnione permanentes, qualibet efficiat, quod ipsius proprium est.

An D. Beza naturas  
in Christo separet.

Sic Iesus Christus dicit: se Nathanaelem sub ficu uidisse: quod non secundum humanitatem, sed secundum diuinitatem factum est. Et Eutyches dum videri noluit, determinationem Patrum Synodi Ephesinae contra Nestorium sequi, in contrarium errorem incidit, et contendit: Diuinitatem passam esse. Qua ratione naturas confudit, cum diuinitatem eiusque proprietates ab humanitate & eius proprietatibus distinguere oportuisset.

## D. I A C O B V S.

Vos nudam combinationem duarum naturarum in Christo asserere sine communicatione, quam similitudine duarum pennarum explicauit, res ipsa docebit.

Nestorium quoque non simulasse, sed apertis & minimè dubijs verbis VNAM SINGVLAREM personam Christi asseruisse, Epistola ipsius aperte docet. Quæ causa fuit, quod se à Concilio iniquè damnatum fuisse, vsque ad mortem suam conquestus est, sicut Historia Ecclesiastica docet.

Nestorius vnâ singularem personam in Christo confessus. Nestorius in Epistola ad Cyrillum. 2. Tom. Concil. pag 662.

Quapropter hac in parte inter Nestorium & Pelagium ingens discrimen est: quod Pelagius apud aliquos reuocasse dicitur, quod alij non crediderunt: cuius causa Augustinus ad Innocentium Rom. Episcopum scripsit: Nestorius autem suam opinionem constanter & semper confessus est: sed quod sibi ipsi contradiceret, non intellexit.

August. Epist. 95. & 96.

Patres verò Ephesinæ Synodi cum intelligerent, vnionem naturarum, & communicationem idiomatum seu proprietatum

Nestorius à Concilio Ephesino hæresim osi iure damnatus.

tum naturarum tanquam causam & effectū in personā Christi coniunctas, (nam ex vnione communicatio illa sequitur) idēoque etiam nulla ratione confessionis illius de vna singulari persona habita, rectē pronunciarunt: Nestorium vnionem personalem in Christo soluisse: & naturas in Christo separasse, quod passiones in Christo sine omni communicatione, soli humanæ naturæ tribueret, & à Diuinitate separaret, Nam Deum neque natum ex muliere, neque passum aut crucifixum dicere voluit.

Nestorius in Epist.  
ad Cyril. Tom 2.  
Concil. pag. 661.

Quamuis non negaret, Christum, qui ex Maria natus, passus & crucifixus est, verum Deum, adeoque vnigenitum filium Dei esse. Nam sub vocabulo (Deus) Diuinitatem  $\tau\omicron\lambda\omicron\gamma\omicron\upsilon$  intellexit, quæ à persona  $\lambda\omicron\gamma\omicron\upsilon$  separari non potest. Quapropter etsi apertè & ingenuè confessus est, quod Iesus Christus sit verus Deus: non tamen Deum passum, aut crucifixum esse, dicere voluit. Hæc enim humanitatis propria dixit esse: Idēoque ad solam humanitatem eius referenda, & Deo nequaquam tribuenda esse, contendit. Verba eius hæc sunt: Quoniam memoriā mortis facturus erat, ne Deum Verbum quisquam ex hoc passibile suspicetur, ponit Christū, tanquam impassibilis & passibilis substantiæ, **IN VNA SINGVLARI PERSONA** appellationum significatiua, quatenus & impassibilis Christus, & passibilis sine periculo vocetur: Impassibilis quidem Deitate, passibilis autem corporis natura.

Accommodatio doctrinæ D. Beza, ad errorem Nestorij.

Ne quidem verbalē communicatione in naturis concedunt.

D. Beza in Responsione ad 2. & 9. Thesin.

Affertio operationis distinctæ, est naturarum separatio.

Sic ex parte vestra etiam in Christo vna singularis persona docetur, in qua duæ naturæ in vnam hypostasim coeant, & inseparabiliter vnitæ sint: sed proprietatum naturarum erga se inuicem nullam realem, imò ne quidem verbalem & Grammaticam communicationem esse, conceditis. Quod negari non potest, & scripta vestra apertè testantur. Quod autem dicitis, vos naturas non separare, etiamsi dicatis, quod operationes naturarum sint distinctæ: respondeo, idem Nestorium dixisse: contrariū verò Ephesinæ Synodi Pares demonstrasse. Nam regula est perpetua veritatis; Quod in Christo actio

actiones & passionēs nō NATVRIS, sed TOTI PERSONÆ tribuendæ sint. Id quisquis non fecerit, quicquid dicat & faciat, re ipsa hæresin Nestorij proficitur. Neq; Christus dicit: Mea Diuinitas vidit Nathanaelem sub ficu: sed inquit: Priusquam te Philippus vocaret, cum esses sub ficu, VIDI TE. Hoc videre personæ tribuitur. Aliter autem vidit Nathanaelem, vt homo, quia Deo vnitus: & aliter vidit eum vt Deus, ad quod non indigebat, vt cum homine vniretur. Quando autem vos solum hoc Diuinitati tribuitis, eo ipso etiam naturas separatis.

REGVLA.  
Actiones & passionēs Christi non naturarum, sed personarum sunt.  
Christus quomodo Nathanaelem vidit sub ficu.

D. B E Z A.

*Nos non separamus naturas: sed dum naturis distinctas operationes tribuimus, naturarum confusionem Eutychanam fugimus.*

D. I A C O B V S.

Res ipsa contrarium docet. Sicut enim in homine anima, quam diu est in homine, nihil facit sine corpore, sed omnia per corpus, & cum corpore: corpus autem sine anima nihil eorum per se agere potest: Ita in persona Christi λόγος nihil facit aut operatur sine assumpto homine, sed sicut orthodoxi Patres testantur, in, cum & per Eum. Sicut Athanasius testatur: Deus λόγος vnitus homini, edit miracula, & operatur non SEORSIM aut SEPARATIM à natura assumpta, sed pro sua bonitate placuit ipsi PER assumptam humanitatem IN EA, & CVM EA, propriam Diuinitatem suam potèntiam operando, exercere. Si igitur sola Diuinitas vidit Nathanaelem sub ficu: an non hoc est seorsim & separatim à natura humana, videre, atque hoc modo personam diuidere, & naturas separare: quamuis vnitas esse dicas.

Λόγος  
omnia, IN, CVM  
& PER humanam  
Naturam operatur.

Athanasius Dial. 5.  
de Trinitate.

D. B E Z A.

*Voluisses autem tu damnare Nestorium, si ad hunc modum*

G 3

dum

## 238 Colloquium Mompelgartense

*dum locutus, testatus esset, se personam in Christo non di-  
uidere, aut naturas separare, & duas personas consi-  
tuere.*

D. I A C O B V S.

Quomodo trahan-  
dus Nestorius.

Ego dixissem ei: si idem sentis, quod nos: corrige linguam,  
& retine mentem. Si enim cum Ecclesia sentis, etiam cum  
Ecclesia loquaris. Nam sacra Scriptura, & Symboli Aposto-  
lici articuli aperte testantur & loquuntur: Deum seu Filium  
Dei natum, passum & crucifixum esse.

D. B E Z A.

*Nestorius non potuit inter concretum & abstractum  
distinguere, aliàs in illum errorem non incidisset. Aliud  
enim est: Deum esse ex muliere natum, passum, crucifixum.  
Aliud verò diuinitatem esse natam, passam, crucifixam.  
prius verum est, posterius falsum, & in Ecclesia orthodoxa  
damnatum.*

D. I A C O B V S.

Nestorij constans &  
perpetua sententia.

Non tam imperitus fuit Nestorius, quin intelligeret,  
Deum Verbum non sine diuinitate ex muliere natum. Tolle  
enim diuinitatem à λογῶν & λόγῳ non amplius erit Deus.  
Quomodo enim Deus absque Deitate sua esse potest? Qua-  
propter cum vocabulo (Deus) idem significetur, quod est  
æternum & increatum, adeoque ipsa Deitas: ideo tam op-  
pugnauit has enunciationes, cum dicitur: Deus est natus ex  
muliere, passus, crucifixus: quàm illam: Diuinitas est nata ex  
muliere, passa, crucifixa. Contra autem Cyrillus dixit: Ver-  
bum passum esse impassibiliter. Patitur, inquit, corpore pa-  
tiente, eo quod ipsius dicitur fuisse proprium, cui se totum  
communicauit. Manet verò Deus ipse impassibilis, eo quod  
ipsum est porro proprium, vt pati non possit. Et Vigilii scri-  
bit: Diuinitatem clauis cōfixam, sed non transfixam esse. Vbi  
vterque

Verbum quomodo  
passum sit impassi-  
biliter.

Tom. 1. Concil. pag.  
616. Vigilii lib. 3.  
cap. 3.

utque Cyrillus & Vigilius, vocabulis Dei & Diuinitatis promiscue tanquam Synonymis vtuntur, atque hoc modo Diuinitati passiones Christi tribuunt. Nam siue Deus, siue Diuinitas nominetur, proprietate suæ naturæ impassibilis est, & manet semper, siue extra vnionem, siue in vnione consistens, sed propter vnionem cum natura passibili factam personalem, à passione nequaquam excluditur. Cum enim corpus assumptum Filij Dei proprium fuerit: non poterat sine Deitate quicquam illi passionum accidere, quod non etiam in ipsam Deitatem redundaret. Quemadmodum etiam passionibus quædam rectè in ipsius diuinitatem diriguntur, cum inquit: si Filius Dei es, descende, & credemus in te: quæ non sola humanitas eius audiuit & perpeffa est, sed ipsa quoque Filij Dei Deitas sustinuit & tulit, quæ ipsos blasphemus perdere statim potuisset.

Deus & Diuinitas idem orthod. Patribus significant.

Diuinitas quomodo à passione in Christo non exclusâ sit.

D. B E Z A.

*Quæro ex te: an eadem sit ratio harum duarum prædicationum, quando dicitur: Filius hominis est omnipotens: & Dei filius est crucifixus?*

An reciproca sit communicatio proprietatum in Persona Christi.

D. I A C O B V S.

Causam harum prædicationum dico esse vnâ & eandem, sed non propterea etiam rationem eandem. Nam causa harum prædicationum est vna & eadem, videlicet vnio naturarum in persona Filij Dei. Nisi enim hæc vnio hypostatica facta esset, Deus nunquam crucifigi, neq; Homo omnipotens fieri potuisset. Ex vnione ergo habet filius hominis, quod factus est verè omnipotens, & quod Filius Dei dicitur & est passus. Ratio autem harum prædicationum est longe diuersissima, propter naturarum diuersitatem, qua in se considerantur. Nam diuina natura est immutabilis, cui nulla perfectio, vel imperfectio accidere potest. Humana natura autem mutabilis est, quæ humiliari & exaltari, debilitari & confirmari potest. Ex quo sequi-

Communicationis idiomatum eadem causa, sed non eadem ratio.

Communicationis idiomatum causa est vnio & communicatio naturarum.

Ratio diuersitatis communicationis proprietatum in persona Christi.



## 240 Colloquium Mompelgartense

Quomodo in passione Christi natura Diuina requieuerit.

sequitur, quod non eodem modo Diuinitas passionum sit particeps, quemadmodum Humanitas gloriæ & Maiestatis Diuinitatis propriæ particeps facta est. Nam humana natura in se recipere potest omnipotentiam: sed Diuinitas I N S E non potest eodem modo recipere passionem, ut quæ vulnerari & lacerari non potest. Passa autem est Diuinitas in propria carne, sicut λόγος in passione requieuisse dicitur, respectu carnis suæ, hoc est, non solum sustentauit naturam humanam, ut talia pati posset, sed ipsa quoque Diuinitas non repulit à propria carne passionem, quod facere potuisset, si uoluisset, sed passa est sic fieri.

D. B E Z A.

Ego utriusque predicationis & enunciationis non modo eandem causam, sed etiam rationem eandem esse dico. Quemadmodum enim Deus crucifixus dicitur: sic hominem Omnipotentem effectum esse dico. Natura enim in ipsa unione sunt, & manent perpetuo distincta, & singula natura suas proprietates in se ipsis retinent. Quæ propria suum subiectum non egrediuntur, sed manent quoque distincta, sicut natura distincta manent. Quemadmodum igitur Deus passus dicitur, non quia passionem in se recepit, sed κατ' ἀνθρώπου, hoc est, secundum humanam naturam est intelligendum, quod illa passa sit: Ita quoque Homo omnipotens factus esse dicitur, non quod Humanitas omnipotentiam I N S E receperit, aut eius particeps facta sit, sed quia cum Deo Verbo unita est.

D. I A C O B V S.

Contrà Cyrillus cum tota Orthodoxa vetustate testatur, quod caro Christi ita locupletata sit diuinis operationibus, ut Diuina natura expers passionum permanferit.

D. B E Z A.

D. B E Z A.

*Vis ergo stare sententia Cyrilli?*

D. I A C O B V S.

Volo.

D. B E Z A.

*Recitabo ergo sententiam ex Cyrillo, qua Deitatis propria ita soli Deitati tribuuntur, ut carni communicata esse neget.*

*Eius verba sic sonant: Decebat nullam aliam rem viuificare posse, etiamsi intelligatur esse caro Christi, secundum quod caro est, nisi solam diuinitatis naturam. Item, Non ergo carni, ut caro est, operationis diuina virtutem, sed natura Verbi attribuimus. Nulla enim res, qua propria opera DEI sunt, facere potest, NISI SVBSTANTIALITER Deus sit.*

Cyrrillus lib. 6. de Trinitate.

Lib. 11. in Iohannem cap. 21.

D. I A C O B V S.

Non modo hic locus, sed similes quàm plurimi in Cyrillo inueniuntur, in quibus asserit, quòd nulla res, ea quæ diuinitatis propria sunt, PER SE facere possit, nisi sit substantialiter Deus. Voluit autem hoc docere Cyrillus, quando Diuinitatis propria carni seu humane nature Christi tribuuntur, non tribui carni Christi, IN QVANTVM HVMANA CARO SIT. Non carni, VT CARO EST (inquit Cyrillus) sed nature Verbi diuinæ operationis virtutem tribuimus. Inde autem non sequitur, quòd propterea diuinitatis opera propria, carni Christi non sint re vera communicata. Quin idem ipse Cyrillus contrarium apertissimis verbis asserit, cuius hæc sunt verba: Non imperite omnino viuificā carnem esse negatis. Nam si SOLA intelligatur, nihil prorsus viuificare potest, quippe, quæ viuificante indigeat. Cum ve-

Cyrrilli perpetua & constans sententia de communicatione proprietatum Deitatis.

Propria diuinitatis nulli creaturæ per se infunt.

Cyrrillus lib. 11. cap. 21.

Cyrrillus in Iohannem lib. 4. cap. 23. Caro Christi quomodo viuifica sit, & non sū.

Hh

rō in-

## 242 *Colloquium Mompelgartense*

Caro Christi viuifica  
quomodo.

Lib. 3. cap. 7 de or-  
thodoxa fide.

Communicationis  
ratio non eadem.

rò incarnationis Myſterium ſcrutati fueritis, et VITAM ha-  
bitantem in carne cognoueritis, quamuis NIHIL PENITVS  
CARO PER SE IPSAM poſſit: VIVIFICAM TAMEN  
FACTAM ESSE credetis. Nam quoniam cum viuificante  
• Verbo coniuncta eſt, TOTA EST EFFECTA VIVIFICA.  
Non ad corruptibilem ſuam naturam iunctum DEI VER-  
BUM detraxit, ſed ipſa AD MELIORIS VIRTUTEM ele-  
uata eſt. Quamuis ergo natura carnis, VT CARO EST, vi-  
uificare nequeat: facit tamen hoc, QVIA TOTAM VERBI  
OPERATIONEM SVSCEPIT. Item, Damalcenus: Diuina  
natura PROPRIAS excellentias, ſeu glorificationes CAR-  
NI COMMVNICAT, IPSA verò IN SE paſſio-  
num carnis manet expers. His verbis manifeſte demonſtra-  
tum eſt, quòd non ſit eadem ratio illarum enunciationum:  
Deus eſt crucifixus: & Homo eſt omnipotens. Quia proprio-  
rum diuinitatis humana natura aliter particeps facta eſt, quam  
diuinitas paſſionum humanitatis in perſona Chriſti.

D. BEZA.

Communicationem  
qualem Beza cum  
ſuis doceat.

*Communicatio quidem facta eſt proprium vtriusque  
natura in perſona Chriſti: ſed in naturis IN SE non eſt fa-  
cta, vt humanitas facta ſit IN SE omnipotens. Hæc enim  
Eutychetis hæreſis fuit, quam orthodoxa Eccleſia ſemper  
damnauit. Ideo & nos eam largiri non poſſumus.*

D. IACOBVS.

Eutychetis hæreſis  
quæ fuerit.

Hiſtoria Eccleſiaſtica teſtatur de Eutychetè, quòd vnam  
duntaxat naturam in Chriſto poſt aſcenſionem in cælum  
crediderit & docuerit, videlicet, diuinam tantum, in quam hu-  
manitas in gloria abſorpta ſit. Et Vigilius contra eundem  
errorem ſcribens, à proprijs corporis & naturæ humanæ  
concludit, quòd in Chriſto non tantum ſit vna natura, ſed  
duæ naturæ. Eutychetis verba in Euagrio hæc ſunt: Con-  
ſiteor Dominum duabus naturis conſtituiſſe, ante vnionem:  
poſt

post vnionem verò, vnam illius naturam confiteor. Item, Confessio Eutychetis, de persona Christi, corpus Christi nostris corporibus non mansit *ἁποσύνεσιον*, aut simile: sed in diuinam naturam prorsus commutatum est, & absorptum.

Quod ad phrasin attinet (IN SE) ea dupliciter intelligi potest: Primò, vt idem significet, quod PER SE & absolute, & proprietate suæ naturæ, sine respectu alterius. Hoc modo omnipotentia nulli creaturæ inest, aut inelle potest, nisi sit ipsa Deitas.

Ambiguitas phrasidis (IN SE,) quæ dupliciter intelligi potest.

Deinde, (IN SE) intelligitur, quòd re vera IN alio reperiatur, cui inesse dicitur, etiam si alicundè aduenerit. Et hoc modo VIS VIVIFICANDI, aliaque diuinitatis propria sunt & esse dicuntur IN HUMANITATE ASSUMPTA: cui per vnionem personalem à filio Dei communicata & donata sunt.

Similitudo autem animæ & corporis, per quam Patres hoc Mysterium explicauerunt, etsi non per omnia quadrat (nulla enim similitudo quatuor pedibus currit:) tamen nos in hac vna questione facile expedire potest: sicut altera quoque de ferro ignito: quibus demonstratur, quòd vera & realis communicatio substantiæ ignis & propriorum eius, substantias & earum propria nequaquam commisceat, neque substantiam alterius naturæ aboleat, cui fit hæc communicatio. Quemadmodum enim propter hanc communicationem animæ, & potentiarum eius, corpus quidem nouam appellationem & definitionem acquirit, quòd est & dicitur animatum: item ferrum ab igne dicitur ignitum: neque tamen vel naturæ cum proprijs suis confunduntur, vel altera natura, videlicet corpus aut ferrum, aboletur: sic humanitas quoque à filio Dei assumpta in hac communicatione reali essentia & propriorum *τῶ λόγῳ*, non aboletur, aut in diuinitatem mutatur, sed acquirit nouum nomen & appellationem, quòd dicitur Deificatum. Acquirat itaque à filio Dei Maiestatem, quæ ipsius Dei propria est, quam Deitas in hac communicatione non amittit, sed IN SE retinet. Personaliter autem cum assumpto homine communem, sicut essentialiter

similitudinum ferri igniti, & animæ cum corpore vsus.

Communicatio realis non efficit confusionem naturarum, aut humanæ abolitionem.

## 244 Colloquium Mompelgartense

Matth. 28.

cum Patre & Spiritu sancto communem habet. Vnde vnus hic homo Iesus Mariæ filius VERE dicere potest: Mihi data est omnis potestas in cœlo & in terra: quod Petrus, Paulus, aut alius Sanctus dicere non potest. In quibus tamen Deus, omnem plenitudinem suę diuinitatis in se retinens, gratia sua habitat.

Causa erroris Bezz.,  
& fratrum eius.

In eo autem vos fallimini, quod existimatis, nullam veram & realem communicationem fieri posse, vel naturarum, vel proprietatum diuinitatis, nisi essentialis sit: qualem propter essentialitatem diuinæ vnitatem diximus Patris, Filij, & Spiritus sancti esse in diuinitate: quam solam etiam in disputatione hac de communicatione idiomaticum oppugnatis, cum aliam non posse existere falso opinemini: quæ tamen in personali communicatione locum habere non potest. Hanc opinionem, commemoratæ similitudines vobis facile eximere possunt, quæ planè contrarium docent.

D. B E Z A.

Obiectio contra similitudines ferri igniti & animæ cum corpore.

*Vos effectum vñionis duarum naturarum ita explicatis istis similitudinibus, vt aliquid tertium ex utroq. fiat. Corpus enim non est anima, & anima non est corpus, sed corpus per vñionem cum anima fit animatum. Vnde aliquid tertium, quod neque corpus tantum, neque anima tantum, sed ex utroque, tanquam partibus compositum, homo dicitur. Verum in hoc Mysterio vñionis, ex Deo & homine non constituitur aliquid tertium, quod neq. Deus, neque homo sit, sed Christus, qui nihil aliud, quàm Deus & homo est. Vnde etiam de se inuicem pradicantur: Deus est homo: & homo est Deus in Christo: quod de anima & corpore dici non potest. Non enim dicitur, anima est corpus: corpus est anima. Sic quoque dici non potest: ferrum est ignis, ignis est ferrum.*

D. I A C O.



## D. IACOBVS.

Paulo antè dixi, similitudines illas non per omnia quadrare: sed tamen communicationem optime, & accommodatissimè explicare, quæ fiat sine confusione naturarum, aut alterius abolitione: in quem finem duntaxat à Patribus usurpate, & in Ecclesiam introductæ sunt.

Aliàs verum est, quod ingens sit discrimen. Nam homo ex anima & corpore constat, tanquam ex partibus suis substantialibus: quarum neutra sine altera perfecta est. Corpus enim (vt diximus) sine anima cadaver est: & anima à Deo condita est, non sicut Angelus, vt extra corpus suas energias exerceat, sed in corpore, & per corpus.

Diffimilitudo priorum duarum similitudinum cum persona Christi.

Persona autem Christi ex duobus totis, integris, & perfectis, & non ex partibus composita est (liceat enim compositionis vocabulo, exemplo piarum Synodorum vti.) Nam λόγος in se perfectus Deus est, neque ad illius perfectionem requiritur homo. Item, homo perfectus est homo, qui corpore, & anima rationali constat. Cum igitur neutrum alterius pars sit, ideo propter illam admirandam unionem & communicationem, & arctissimam coniunctionem, qua λόγος & natura humana assumpta, vnita & sibi inuicem communicata sunt, de se inuicem prædicantur, quod de anima & corpore dici non potest. Quemadmodum etiam de ferro ighito: ignis & ferrum de se inuicem non prædicantur, quamuis vnum constituent, quod dicitur ferrum igitum.

Persona Christi quomodo composita dicatur. Synodus 5. & 6. Constantinopolitana.

## D. BEZA.

Non nego, quod λόγος assumpta natura hypostasim suam cōmunicet, et ita personaliter ab eo sustentetur, quod fit per unionē: sed hanc unionem nō indico cōmiscendam cum cōmunicatione idiomatū seu proprietatū, quam vos ex hac unionē sequi dicitis. Nos verò dicimus, quod humanitas

Hh 3

à λόγος

## 246 Colloquium Mompelgartense

An humana natura à  
λόγῳ subsisten-  
tiam tantum acci-  
piat.

à λόγῳ tantum sustentationem accipiat, sine omni pre-  
priorum alterius naturæ communicatione, ex qua confusio  
naturarum sequeretur. Sic enim natura humana cum λό-  
γῳ unitur, ut ab eo subsistentiam acquirat.

D. IACOBVS.

Simpliciter nego, quòd humana natura tantum subsisten-  
tiam à λόγῳ accipiat.

D. BEZA.

Ego dico, hanc communicationem subsistentia, funda-  
mentum esse communicationis proprietatum.

D. IACOBVS.

Consensus in verbis,  
non rebus.

Ego idem dico: Sed quando ad explicationem peruen-  
tum est, quid sit hæc communicatio, hanc communicatio-  
nem vos longè aliter interpretamini, quam nos interpreta-  
mur, sicut supra dictum est.

D. BEZA.

Nos dicimus, quòd talis sit unio, qua humana natura  
in persona Filij Dei subsistat.

D. IACOBVS.

Quid amplius propter hanc unionem assumptæ naturæ  
tribuitis?

D. BEZA.

Nos addimus, quòd etiam in proprietatibus subsistat.

D. IACOBVS.

Quomodo autem hanc subsistentiam explicatis, aut quid  
per eam humanæ naturæ accedere dicitis?

D. BEZA.

Tantam dignitatem, qua supra omnes creaturas ex-  
celsa est.

D. IACO-

D. IACOBVS.

Est autem hæc summa dignitas creatum, vel increatum donum.

D. BEZA.

Non est increatum, sed creatum donum.

D. IACOBVS.

Hinc iam manifestè elucet, vos exemplo Nestorij An D. Beza communica- tionem idio- matum credat.  
 ἡ ἀποδοχὴ τοῦ αὐτοῦ, hoc est, communicationem proprietatum diuinitatis prorsus negare. Si enim summa illa dignitas **EST CREATVM DONVM**: ergo non est proprietas Dei, hoc est, propria Dei Maiestas, quam Christo secundum humanitatem communicatam esse suprà verbis D. Pauli probauimus, qui apertè cōfirmat, quòd in Christo inhabitet omnis plenitudo Deitatis corporaliter, qua plenitudine humana natura in Christo donata est. Hæc autem plenitudo non est **CREATVM DONVM**, sed Dei Maiestas æterna & infinita. Maiestas hominis Christi non est creatum donum.  
 Quemadmodum etiam ad dexteram huius Maiestatis Dei infinitæ & propriæ humana Christi natura, & non ad creatam Maiestatem collocata ab eodem Paulo dicitur, & symbolum Apostolorum confirmat.

Quapropter **NIHIL** nisi verba & verborum præstigiis esse, cum dicitis, vos credere: Hominem Christum Iesum Mariæ filium omnipotentem, omniscientem, & omnipræsentem esse: vestra explicatio in vestra Responsione posita In Responsione ad dogma 1.  
 apertè docet. Dicitis enim: Homo est omnipotens, id est, Deitas humanitati vnita est omnipotens.

Rogo autem auditores omnes, diligenter hoc apud se expendant, quomodo ex sententia Theologorum alterius partis, Homo Iesus Mariæ filius dicatur & sit omnipotens. Dicunt. n. sententiam horū verborum (Homo est omnipotens) hanc esse: Deitas humanitati vnita est omnipotēs. Sed in qua lingua? in qua Grāmatica quæso, homo idem significat, quod Deitas? Item, quomodo homo omnipotens verè dici potest, cuius

D. Beza quomodo hominem Christum omnipotentem dicat.

## 248 *Colloquium Mompelgartense*

cuius humanitati, hoc est, animę & corpori eius non est communicata omnipotentia : quę etiam de humanitate nullo modo, ne in vnione quidem verē dici possit : sicut Responsio vestra habet.

Ad Theſ. 6. & 7.

In Responsione ad  
Theſ. 6. & 7.

Quid enim aliud dicitur hac enunciatione : Deitas humanitati vnita est omnipotens, quāſi, Deitatem ita esse omnipotentem, vt eam humanitati nullo modo communicaram doceat : Et vt, quę vestra sententia sit, omnes planē intelligant, in Responsione vestra apertē hæc verba posita sunt : Itaq; communicationem, cuius fit mentio, qua dicitur : *HUMANITAS* suo quodam modo est omnipotens, &c. *NE VERBALEM QUIDEM ESSE DICIMVS*, sed tam falsam esse existimamus, quā falsum est, vnione Hypostatica *HUMANITATEM* euasisse Deitatem.

Quidquid ergo de proprietatum communicatione à vobis dicitur, qua homo Christus dicatur omnipotens, omiscius, & similia: ita intelligenda esse vultis, vt *HUMANITATI CHRISTI* ne quidem nomen huius Maiestatis verē attribui posse apertē dicatis.

Coloff. 2.

Quę omnia sicut auditu horrenda sunt : ita quomodo cum Pauli verbis suprā positis, In ipso inhabitat omnis plenitudo Deitatis corporaliter, consentiant, omnes intelligere existimo : qui testatur, humanam Christi naturam, plenitudinem diuinitatis corporaliter communicatam habere, & in ipsius Deitatis propriam sedem & thronum collocatam esse.

D. B E Z A.

*Paulus in dicto ad Colossenses aduersus Nestorium ostendit, Christum non tantum πρῶτος, hoc est, assistentiā Filium Dei sibi habere coniunctum, sed ipsam substantiam τῆς λόγῃ perfectissimam. Et sic distinguimus gratiam habitualement, à gratia unionis personalis.*

D. IACO.

Nunc aliquoties diximus, substantiam  $\tau\theta$   $\lambda\acute{o}\gamma\omicron\upsilon$ , qua in se est & manet semper perfectissima, in omnibus creaturis esse, & in sanctis per gratiam habitare. Quod autem aliter Christo Mariæ filio vniatur, quàm cum reliquis beatis hominibus: id non, nisi à posteriore, seu hanc vñionem consequente, intelligitur, videlicet, ex communicatione Maiestatis, de qua hoc loco Paulus loquitur: quod omnes veteres orthodoxi Patres nobiscum senserunt, & docuerunt. Deus (scribit Augustinus) vbique præsens est, & vbique totus præsens, nec vbique habitans, sed in templo suo, cui per gratiam benignus est & propitijs. Capitur autem habitans, ab alijs amplius, ab alijs minus. De ipso verò capite nostro Apostolus ait: In ipso inhabitat omnis plenitudo Deitatis corporaliter. Item, Origenes: Anima Christi tota totum  $\lambda\acute{o}\gamma\omicron\upsilon$  recipit, atque in eius lucem splendoremque cedit. Item: Anima Christi cum verbo Dei coniuncta, filij Dei PLANE capax fuit. Damascenus: Humana Christi voluntas naturaliter NON ERAT OMNIPOTENS. Vt autem verè, & secundum naturam, Dei Verbi voluntas est facta, ET OMNIPOTENS EST. Quæ verba commentator eius ita explicat: Diuina voluntas suapte natura habet potentiam omnia efficiendi, quæ velit. Humana verò Christi voluntas NON SVA NATVRA habet omniefficacem virtutem, SED VT VERBO DEI VNITA EST.

Substantia diuinitatis quomodo cum humanitate assumpta vniatur.

Testimonia Patrum de communicatione substantiæ diuinitatis in homine Christo  
August. in Epist. 57. ad Dar.  
Orig. de prin. lib. 2. cap. 6.

Damasc. lib. 3. cap. 18. de orthodoxa fide.

Quomodo humana voluntas in Christo sit omnipotens.

Hæc Spiritus sancti, & orthodoxorum Patrum verba, longè aliter de communicatione omnipotentiae humanæ naturæ in Christo facta loquuntur, quàm Responsio vestra habet.

Et res adeò manifesta est, vt sensus etiam rationem consequentiæ capere possit. Si humana natura habet omnipotentiam: ergo etiam, suo modo, VERE ET REALITER omnipotens est, & dicitur. Quod autem humana Christi natura habeat omnipotentiam, luce meridiana clariùs demonstra-



## 250 Colloquium Mompelgartense

tum est. Quomodo ergo omnipotens non erit? Quantus igitur error est, asserere, eam ne quidem verbaliter omnipotentem esse, hoc est, nomen omnipotentiae ei non competere.

D. B E Z A.

*Patres de unione Hypostatica loquuntur, quae huius communicationis fundamentum est: et nos non negamus, Christum hominem esse omnipotentem, sicut Deus est.*

D. I A C O B U S.

Sed humanitatem Christi non dicitis omnipotentem factam, neque villo modo omnipotentem fieri posse, nisi fiat ipsa Deitas? Quomodo autem homo verè omnipotens dici potest, cuius humanitas cum omnipotentia nihil habet commune, cuius neque capax neque particeps esse potest? imò cui etiam nomen omnipotentiae secundum opinionem & sententiam vestram tribui non potest?

In Respons. ad 8.  
& 9.

D. B E Z A.

*Id fit propter unionem personalem, quòd humanitas in persona Verbi subsistit.*

D. I A C O B U S.

Cum autem aliud sit unio, & aliud communicatio: quomodo propter unionem haec de homine verè praedicari possunt, quae tamen non communicantur?

D. B E Z A.

In Respons. ad Theol.  
1. & 9.  
Confusio unionis  
personalis, & communicationis idiomatum.

*Ὁμολογία est in vocabulo communicationis, quod modo pro unione hypostatica, modo pro illius effectis accipitur. Realem igitur communicationem quando admittimus: per communicationem, unionem naturarum intelligimus, in qua manent singula natura per se, etiam in unione suis proprietatibus distincta, citra ullam aliam communicationem.*

D. I A C O B U S.

D. I A C O B V S.

Haftenus à vobis in hac controuersia accusati sumus, quòd vnionem & communicationem confundamus in hac controuersia: Nunc vos ipsi vnionem & communicationem vnum esse dicitis.

Quomodo autem vnum & idem esse potest vnio naturarum & communicatio idiomatum, quæ sicut causa & effectus differunt? Aliud enim est vnio naturarum, aliud communicatio proprietatum naturarum. Sicut aliud natura humana, aliud proprietates humanæ naturæ.

Vnio naturarum, & communicatio idiomatum, non sunt vnum & idem.

D. B E Z A.

*Vnio naturarum in Christo talis est, qua non modo natura, sed etiam propria naturarum uniuntur: propter quã vnionem propria Dei de homine, & propria hominis de Deo dicuntur, sed κατ' ἄλλο, hoc est, respectu alterius naturæ, cui per se propria insunt, neque alteri naturæ hoc modo insunt. Ideo, etiam de ea predicari non possunt.*

Quomodo phrasis κατ' ἄλλο intelligenda sit secundum Beza.

D. I A C O B V S.

Dicimus nos quoque, propria vnus naturæ de altera dici et prædicari, sed κατ' ἄλλο, hoc est, non absolute, & in abstracto, sed in concreto, hoc est, in vnione personali, respectu alterius naturæ.

Vera & germana sententia phrasis, κατ' ἄλλο.

Nos autem hæc verba κατ' ἄλλο, id est, secundum aliud, sicut & distinctiuas particulas in Scriptura vsurpatas, (secundum carnem, secundum spiritum) aliter interpretamur, & intelligimus, quàm vos intelligatis.

Vos enim sic intelligitis, & interpretamini, cum dicitur: Deus est passus: hoc κατ' ἄλλο, hoc est, respectu humanitatis intelligendum esse: qua in parte inter nos consensus est. Nisi enim Deus factus fuisset homo, hæc propositio in æternum non fuisset vera: Deus est passus. Quia Deus per se, & in sua Diuinitate est impassibilis.

## 252 *Colloquium Mompelgartense*

Deinde illud κατ' ἄλφω sic intelligiris, & interpretamini: Deus est passus, id est, humanitas est passa, quæ Deitati vnita est: vt passio nihil ad Deitatem pertineat, adeo quidem, vt ne verbalis quidem communicatio dici possit respectu naturæ diuinæ, sed ad SOLAM HUMANITATEM, cuius proprium sit pati, referatur.

Corruptio, & deprauatio articuli de passione Christi.

Hæc explicatio falsa est, & articuli Apostolici de passione Christi manifesta abnegatio. Nam ita soli humanitati tribuitur passio, qua genus humanum redemptum est, vt Filius Dei sua diuinitate prorsus ab ea excludatur. Quod cum Symbolo Apostolico pugnat, quod sic sonat: Credo in Iesum Christum FILIUM EIVS VNICVM, DOMINVM NOSTRVM, QVI passus est: & non inquit, cuius natura humana passa est.

Vera intelligentia, & sensus particulæ distinctiuarum.

Scripturam autem sacram, & Symboli Apostolici articulos secuti Patres, has particulas distinctiuas longè aliter interpretati sunt. Nam particulae illæ distinctiuæ non tantum naturam monstrant, cuius proprium est, quod toti personæ tribuitur: sed causam quoque significant, quare alteri naturæ tribuatur, videlicet, quia cum ea personaliter vnita sit.

Rom. i.

Sic Paulus de Filio Dei scribit: quòd sit factus ex semine Dauid: quod absolute positum, non esset verum: quia Filius Dei ex semine virili fieri non potest, qui nihil corporeum est, sed spiritus indiuisibilis. Addit, ergo Paulus particulam distinctiuam, κατ' σάρκα, secundum carnem. Qua particula causam ostendit, cur filio Dei tribuatur, quod cum ipsius natura pugnat, videlicet, fieri ex semine humano.

Quia cum Maria conciperet Christum, non concepit tantum hominē: sed etiam cum semine virginis erat Filius Dei, cum fieret homo: nec sine Filio Dei ex semine virginis, filius Mariæ factus est.

Si quis ergo nunc hanc particulam, secundum vestrum sensum & opinionem sic interpretaretur: Filius Dei factus est ex semine Dauid secundum carnem: id est, caro cum Filio Dei vnita,

vnita, facta est ex semine Dauid hoc modo, vt ne verballi quidem prædicatione hoc ad filium Dei pertineat: quis verè dicere posset, Mariam filium Dei concepisse, & peperisset: cum hæc omnia duntaxat de carne, sine vlla reali communicatione cum filio Dei facta esse dicantur: quæ opinio & hæresis Nestoriana fuit.

Nam Nestorius quoque sensit, carnem ex semine Dauidis (hoc est, virginis, quæ ex semine Dauid erat) factam, cum filio Dei vnitam fuisse: & quod ex Maria natum fuit, dixit filium Dei esse, non nudum hominem: sed nasci ex muliere, hoc noluit de Filio Dei dici, quia proprium humanitatis sit ex muliere nasci: quod Deo, seu Filio Dei vnigenito non conueniat.

Nestorij hæresis  
quæ fuit.

Vos autem dicitis quidem de filio Dei, quòd sit natus ex Maria virgine: sed eodem planè modo, quo Nestorius, verbaliter scilicet: imò ne verbaliter quidem, si naturam diuinam spectes, quia soli carni competat: quod planè & apertè Nestorianum est.

D. B E Z A.

*Num ergo vos dicitis, filium Dei realiter ex semine Dauidis factum esse, sicut caro eius ex semine facta est?*

D. I A C O B V S.

Nequaquam dicimus, aut credimus. Et hic aperit sese error vester, quòd existimatis filium Dei non posse realiter fieri carnem, nisi ad eum modum, quo ipsa caro est: quòd falsum est. Nam Verbum caro factum est, inquit Ioannes, idque verè & realiter: non tamen caro factum est, sicut ex semine caro fit,

*Verum est qd. pater. aliquid  
mutaretur in carnem.*

In eodem planè errore Nestorius fuit, qui non potuit aliter cogitare: si filius Dei ex semine Dauid, & ex Maria natus dicatur, id non posse aliter fieri, quàm si Diuinitas initium

Causa erroris Nestorij.

## 254 *Colloquium Mompelgartense*

Nestoriana contro-  
uersia non fuit  
λογομαχία.

sumpsisset ex virgine Maria : quod manifestè falsum, & im-  
pium est sic dicere. Ideo dixit : Mariam peperisse Chri-  
stum hominem, qui sit Deus, non autem Deum peperisse.  
Vbi non fuit λογομαχία, hoc est, certamen de verbis tan-  
tùm, sed de re longè omnium maxima : An filius Dei sit verè  
natus ex Maria : an filius Dei sit verè passus : an filius Dei pas-  
sione sua genus humanum redemerit : Quæ omnia Nesto-  
rius negauit.

Eadem etiam est doctrina vestra, quando hanc propo-  
sitionem sic interpretamini : Filius Dei est passus, id est, caro  
filij Dei est passa, quæ cum filio Dei vnita est. Communica-  
tio autem passionis (vestra opinione) ne verbaliter quidem  
filio Dei tribui potest, quia naturæ humanæ proprium sit,  
quod filio Dei non comperat.

D. B E Z A.

*Nobis cum errore Nestorij nihil est commune, quia ad-  
mittimus hanc enunciationem : Deus est passus : Homo est  
omnipotens : quod Nestorius non fecit, sed eas oppugnavit.*

D. I A C O B V S.

Collatio doctrinæ  
Nestorij & D. Bezæ,  
de persona Christi.

Nestorij opinio.

Vos phrasin quidem admittitis, vt videamini nobiscum  
consentire, & à Nestorio dissentire ; sed quando ad explica-  
tionem ventum est, deprehenditur, eandem vestram cum  
Nestorij explicatione, & opinione esse. Sunt enim planè ea-  
dem verba Nestorij, quæ vestra : qui fatetur, in vtero matris  
filium Mariæ verè filium Dei fuisse : & NON DVOS, sed  
vnum filium Dei & Mariæ confessus est. Sed nasci ex mulie-  
re, quæ est proprietas humane naturæ, filio Dei realiter non  
conuenire : quod vos quoque dicitis, dum asseritis, has duas  
propositiones æquipollere : Filius Dei natus est ex Maria vir-  
gine : & caro filio Dei vnita, est nata ex Maria virgine, sine re-  
ali communicatione proprij. Qua de re vt iudicent auditores,  
oro.

Multò verò intolerabilius est, quod asseritis : Eodem mo-  
do, &



do, & ratione planè eadem dici: Homo assumptus est omnipotens: & Deitas vnita humanitati est omnipotens, quæ suam omnipotentiam humanitati assumptæ NVLLO MODO communicet. Quam explicationem Nestorius abominatus fuisset, qui solum de communicatione propriorum humanitatis pugnavit, quæ tanquam Deo indigna, & ei minimè conuenire existimauit, videlicet, ex muliere nasci, pati, crucifigi: sed in Deum assumptam naturam humanam, diuinitatis propria gloria glorificatam esse, minimè negauit: & hoc nomine etiam *ἡγεμονία* à se remouere conatus est (quam illi Cyrillus & Patres obiecerunt) quod communicationem virtutis viuificæ in carne Christi non negaret.

Nestorius communicationem propriorum Deitatis non negauit.

D. BEZA.

*Quando igitur vos dicitis: Diuinitatem passam esse: id nos Eutychianum esse affirmamus: quod etiam ab Ecclesia tanquam falsum & erroneum est damnatum. Pati enim solius humanæ naturæ proprium est, & soli naturæ humanæ conuenit, NVLLO AVTEM MODO eius Diuinitati.*

D. IACOBVS.

Nos Diuinitatem IN SE & PER SE proprietate essentiae suæ passam esse nunquam diximus, nunquam scripsimus, nunquam sensimus, neque adhuc credimus, sentimus, aut docemus. Scimus enim, eam impassibilem esse. Sed propterea passionem prorsus à diuinitate remouere, qua redempti sumus, apertè Nestorianum esse, & cum consensu Orthodoxæ Ecclesiæ pugnare dicimus. Etsi enim non patitur Filius Dei proprietate essentiae diuinæ: patitur tamen secundum carnem, quas passiones realiter cum carne communes habet, in quem omnis contumelia redundauit, quam in carnem & humanitatem eius hostes, & verbo & facto effuderunt, cum qua vna persona est, sicut supra explicatum est. Alias redemptio humani generis soli carni realiter, Filio autem Dei ne verbaliter quidem tribueretur: quod impium & blasphemum esse dicimus.

Diuinitas IN SE & PER SE impassibilis.

D. BEZA.

D. B E Z A.

*Et nos quoque dicimus, quòd Filius Dei cum unita carne, passiones, propter unionem personalem factam, communes habeat.*

D. I A C O B V S.

Consensus in verbis, non rebus.

Nobiscum loquimini, sed non nobiscum sentitis. Quomodo enim tri personæ, quæ diuina & humana natura constat, passionibus tribuere potestis, cum dicatis: Diuinæ naturæ ne verbaliter quidem villo modo tribui possent?

D. B E Z A.

Simile de homine.

*Totus homo dicitur rationalis, cum tamen anima tantum sit rationalis, & non quoque corpus eius, quod rationi destituitur.*

D. I A C O B V S.

Est ne animæ in corpore humano ita proprium, ratio & intellectus, ut ad rationalem hominem nihil nisi anima rationalis requiratur?

D. B E Z A.

*Homo dicitur rationalis propter animam, quæ sola rationalis est, non item corpus.*

D. I A C O B V S.

Ad rationalem hominem non requiritur sola rationalis anima.

Concedo sanè hominem rationalem dici propter animam rationalem: sed ad usum rationis & intellectus requiritur etiam corporis dispositio, quod nulla ratione negari potest. Nam experientia docet, si quis in capite periculum vulnus accipiat, quòd planè stupidus fiat: & in perturbatione humoris Melancholici, nullus usus rationis animæ, quantumvis in se rationalis existentis, est. Nec anima sine corpo-

corpore, quandiu in corpore est, ratiocinatur. Fit ergo quodque corpus suo modo rationis particeps, quamuis per se nihil intelligat absque anima. Sic Scriptura passim prædicat cor sapiens, non duntaxat animam sapientem. Non dedit tibi Dominus Deus tuus cor sapiens, &c. quæ phrasis Spiritus sancti minime impropria est, toties in Scriptura repetita. Et ex corde, dicit Christus, prouenire cogitationes malas, quæ rationis opus sunt.

Non igitur homo rationalis est & intelligens, nisi simul anima & corpore valeat: nec sola anima ratiocinatur, sed vna cum corpore, sicut in fatuis est videre, qui etsi anima rationali præditi sunt, numerare tamen nesciunt.

Sic in opere redemptionis generis humani, nisi communicatio realis sit passionis: Christus TOTVS passione sua nos non redemit. Si enim à passione Christi Diuinitas eius remouetur, neque aliam communicationem admittis, quàm eam, quod humanam naturam sustentauerit, ne patiando succumberet: hanc Christus cum omnibus sanctis communem habebit: siquidem Deus omnes sanctos in passione ipsorum sustentauit, ne succumberent. Hic verò longè alia est ratio, cum passione & morte expianda essent peccata, quibus infinitus Deus fuit offensus. Non poterat autem caro, quantumuis à Deo sustentata, passione sua infinitæ iræ Dei satisfacere: sed necesse fuit, ipsum filium Dei, non tamen in suæ substantiæ proprietate, sed secundum carnem pati, vt Ecclesia, Dei sanguine redimeretur. In quem Deum filium omnes iniuriæ & contumeliæ redundarunt, quas in animam & corpus eius exercuerunt hostes: in quibus filius Dei non solum humanam naturam sustentauit & confirmauit, vt passionibus illas perferre posset, sed ipse quoque tanquam Deus patienter tulit & sustinuit, easque non violenter repulit.

Iniuriam autem & contumeliam verbis & facto inflictam tolerare & non repellere, num verò hoc passio dici non potest: vt maximè non doleat Deus, sicut homo? Num placet Deo? Num Deus non irasci, & vindicare posset? Miramur

Kk

sæpe,

Accommodatio similitudinis de homine sapiente & intelligente.

Cur passio Dei ad humani generis redemptionem necessaria fuerit.

## 258 *Colloquium Mompelgartense*

Patentia diuinitatis  
in tolerandis malis,  
& impijs homini-  
bus.

sæpe, & predicamus patientiam Dei, quod homines flagitiosos, & in nomen ipsius Deitatis proprium blasphemos tam diu tolerat, & non punit: quomodo igitur Diuinitatem à passionibus ita auellimus, vt ne verbalem quidem predicationem in ea locum habere posse cum Nestorio asseramus?

Communicationis  
diuersitas, & eius ratio.

Longè autem aliam rationem communicationis omnipotentiae Dei in humana natura Dei esse, supra ostendimus, cum humana natura sit alio modo diuinæ Maiestatis capax, quam diuina natura passionum particeps facta esse dicitur.

Quomodo passio in  
diuinitatem redu-  
det.

Natura enim diuina propter suam perfectionem summam in se nullas passiones recipere potest. Sed quia se carni per vnionem communicauit in Filio, à quo in vnitatem personæ assumpta est: ideo passio etiam in ipsam redundat. Natura autem humana omnipotentiae plenè capax est, sicut Origenes loquitur, vt possit etiam plenitudinem diuinitatis recipere: ideo ipsa alio modo realiter omnipotens effici potest, quam diuinitas passionum capax dicitur.

Orig. de princ. lib. 4.

D. B E Z A.

Communicatio ex  
sententia Bezz nihil  
nisi vnio.

*Ego communicationē credo, de qua dixi, videlicet, vni-  
nem naturarum, & proprietatum diuinitatis τὸ λόγον, cum  
humana natura assumpta. Verum si tu probaueris ex omni-  
bus Patribus, & in vnus vel alterius scriptis repperis, pro-  
prietates diuinitatis in carnem assumptam effusas vel infu-  
sas esse, viceris.*

De effusione pro-  
prietatum diuinita-  
tis in naturam hu-  
manam.

D. I A C O B V S.

Quot Patres similitudine ferri candentis seu igniti vti fuerunt, tot huius effusionis in carnem assumptam factæ, testes habeo.

Similitudo ferri  
igniti.

Sicut enim non sola substantia ignis cum ferro ignito vna est, sed eius propria, videlicet, vis lucendi & vrendi quoque in totum ferrum effusa est, vt omni ex parte luceat, & vrat: sic

sic *Ady* non tantum vnitus est cum humana natura, sed in eam quoque effudit omnem plenitudinem diuinitatis. Si enim de Spiritu sancto effudit Dominus in sanctos peculiaria dona: quomodo non effudisset in Christum illam plenitudinem omnis Deitatis, cui spiritus non ad mensuram datus est? Hanc Spiritus sancti Phrasin & verba Patres sunt imitari. Calsianus in recitatione confessionis, cui omnes Africani & Gallicani Episcopi subscripserunt, inquit: Deus PER INFUSIONEM potentiae suae, misericorditer est mixtus Naturae Humanæ. Hilarius teste Theodoro Dial. 2. Deus PER INFUSIONEM potentiae suae, tanquam misericors mixtus est HUMANÆ NATURÆ: non autem humana natura mixta est diuinæ.

Col. 2.  
Ioc. 2.  
1. Cor. 12.  
Agor 2.  
Ioan. 3.

Nequaquam verò EFFUSIONIS vocabulo vtitur, sicut nobis falsò imputatur, quasi doceamus: à diuinitate in humanam naturam effusam esse creatam omnipotentiam & diuinitatem, quæ essentiali Deitati & omnipotentiae æqualis sit. Quæ impia doctrina & opinio mihi nobisque omnibus ex parte nostra in mentem nunquam venit. Quæ opinio etiam cum statu disputationis nostræ pugnat. Talis enim creata omnipotentia non esset idioma seu proprietas Dei.

Omnipotentia, & propria Dei quomodo in humanam naturam effusa fiat.

Constat autem nos in hac disputatione semper, non de communicatione donorum creatorum, sed de communicatione reali idiomatum, seu proprietatum diuinæ naturæ disputasse, quòd realiter assumptæ naturæ communicatæ sint.

Ex quo omnibus manifestum est, nobis aperte iniuriam fieri ab ijs omnibus, qui in suis scriptis D. Brentio, & mihi propter assertionem realis communicationis idiomatum, creatam diuinitatem, & creatam omnipotentiam tribuunt, quam in nullis scriptis nostris vnquam demonstrare possunt. Quapropter si talis effusio priorum diuinitatis ab aduersarijs nostris oppugnatur: non nostra doctrina, sed proprium ipsorum figmentum duntaxat oppugnatur ab illis, qui nobis contradicunt. Et cogitabunt ipsi, quomodo Deo reddituri sint rationem in nouissimo die, qui eiusmodi de nobis in varijs regnis falsò sparserunt.

Calumnia de creata & increata diuinitate & omnipotentia.



## 260 Colloquium Mompelgartense

Quod toties admoniti, facere tamen non desinunt. Ideo autem faciunt, ne lectores verum ac proprium statum controversiæ animaduertentes in veritatem recte inquireant, & ipsorum errorem deprehendant.

D. B E Z A.

De duplici Diuinitate  
excusatio D. Beza.

*Ego memini me legere in scriptis tuis & Brentij, de duplici diuinitate, & duplici omnipotentia: neg. aliter verba vestra intellexi, studio nihil calumniari volui: Nam veritatem & pacem amo: atque utinam nos inuicem melius & rectius intelligeremus, si qua ratione pia concordia inter nos constitui posset. Et vellem omnia scripta euulgata, abolita esse, quæ huic paci & concordia obstare, aut veritatem obscurare videntur.*

D. I A C O B V S.

Et ego vellem omnia combusta esse. Heret enim perpetuo in animis hominum peruersa opinio, qui talia legunt, & de doctrina nostra peruersè iudicant.

In Christo vna tantum  
Diuinitas, &  
omnipotentia.

Nos enim in natura humana nullam creatam vel diuinitatem, vel omnipotentiam docemus, aut docuimus vnquam, quæ humane nature habitualiter insit, seu subiectiue: de quo etiam præfatio Libri Concordiæ Ecclesiarum nostrarum prolixè testatur: sed agnoscimus in Christi persona VNAM TANTVM DIVINITATEM ET OMNIPOTENTIAM, essentialē illam æternam, quam Christus cum Patre & Spiritu sancto essentialiter, cum assumpta autem humana natura personaliter, verè & realiter communem habet.

Vnius Diuinitatis &  
omnipotentia in  
Christo diuersa ratio.

Hæc etsi numero sit vna, tamen ratio eius diuersa est: quando per se & in se, suapte natura, & quando in vniōe personali consideratur. Ideoque participans & participata ab Augustino dicitur. Sicut Aristoteles duas definitiones vnius & eiusdem

eiusdem animæ tradit, qua per se, & qua, ratione corporis consideratur, cum quo vnitur, & ei communicatur.

D. B E Z A.

Nos sicut vnā omnipotentiam Deitatis aterna propriam in Christo agnoscimus: sic quoque eam cum carne unitam esse dicimus, vt præterea nullum communicationis modum agnoscamus. Eamq. distinctè in persona Christi agere dicimus, quod eius proprium est: quæ ratione naturæ non separantur. Quod etiam in Damasceno reperies, cum similitudinem de ferro ignito in cauterio explicat. Nam ignis in ferro urit, ferrum non urit. Item, ferrum secat in cauterio, ignis non secat. Ferrum agit quod suum est, & ignis quoque quod suum est: sectio est ferri, vstio est ignis. Sic Deitas & humanitas in Christo vniuntur, nec fit aliqua diuinitatis effusio in humanitatem. Ideoq. etiam manent distinctæ operationes: & non agit Deus, quæ sunt hominis, neque homo, quæ sunt Dei.

Peruersa explicatio  
similitudinis ferri  
candentis.

Præterea, anima habet quasdam actiones, quas non cum corpore, aut per corpus operatur.

D. I A C O B V S.

Quemadmodum nemo negat distinctionem naturarum: ita etiam virtutis agendi in operatione cuiusque naturæ nemo negat: sed vnā naturam, quod ipsius proprium est, sine alterius virtutis communicatione agere, neque Damascenus, neque quisquam alius ex synceris Patribus concedit. Non secundum PROPRIAM operationem, inquit Damascenus, sed propter vnitum sibi Verbum, diuina operabatur CARO Domini, Verbo per eam propriam suam operationem manifestante. Nam & ferrū ignitum urit, nō naturali ratione possidet vstiā operationem, sed obtinens EAM ex

Vera eius explicatio  
ex Damasceno.

Damas lib. 3. cap. 17.  
de orthodoxa fide.

“  
“  
“  
“

Kk 3

vnione

» vnione ad ignem. Ipsa igitur caro Domini mortalis erat pro-  
 » pter se ipsam, ET VIVIFICA propter hypostaticam ad  
 » Verbum vnionem. Non dicit Damascenus : Verbum ope-  
 » rabatur diuina, sed caro Domini operabatur diuina. Eadem  
 » reliquorum Patrum est sententia, quorum plurima testimo-  
 » nia producere possem.

D. BEZA.

Contra communi-  
 cationem proprio-  
 rum, fundamentum  
 opinionis D. Bezz  
 vnicum.

*Nulla potest esse communicatio omnipotentia, & pro-  
 priorum eius IN NATURA HUMANA, nisi huma-  
 na natura in diuinitatem mutetur. Ideoq; hæc enunciatio-  
 nes equipollent: Humanitas facta est omnipotens: & hu-  
 manitas facta est Deitas: quia Deitas, & omnipotentia  
 Deitatis sunt vnum & idem: si vnum communicatum  
 est, communicatum est & alterum.*

D. IACOBVS.

Refutatio huius  
 fundamenti.

Communicatio  
 proprietatum non  
 præsupponit naturæ  
 humanæ mutatio-  
 nem in Deitatem.

Duabus similitudinibus ex scriptis orthodoxorum Pa-  
 trum productis, videlicet ferri candentis seu igniti, & vnio-  
 nis animæ cum corpore demonstraui, quod vera & realis  
 communicatio priorum & substantiarum, sine omni  
 confusione earum, aut abolitione alterius, fieri possit. Per-  
 rum enim non aboletur, nec amittit substantiam suam,  
 quando ignis cum qualitatibus proprijs lucendi & vrendi  
 communicatur.

Sic quoque non necesse est humanitatem in Deitatem mu-  
 tari & Deitatem fieri, si omnipotentia ei à persona Filij Dei  
 communicetur.

Confirmatio realis  
 communicationis  
 ex verbo Dei.

Quæstio.

Sed omisis illis similitudinibus: ex verbo Dei, quo solo  
 fides nostra nititur, audiamus: an naturæ humanæ in Chri-  
 sto omnipotentia sit verè & realiter communicata. Et qua-  
 ro, in verbis Pauli: In ipso inhabitat omnis plenitudo Dei-  
 tatis corporaliter: an plenitudo Deitatis donum creatum si-  
 gnificet?

D. BEZA.

D. B E Z A.

*Paulus eo in loco voluit ostendere, quòd non tantum nomina, sed dua natura in Christo fuerint personaliter vnita, videlicet diuina, & humana natura.*

D. I A C O B V S.

Nihil ad quæstionem responsum est. Nam quæro an plenitudo Deitatis significet creatum donum? Paulus non inquit: In ipso inhabitat Deitas, sed ait: Omnis plenitudo DEITATIS. Quo vocabulo sanè non voluit aliquid creatum dicere: sed complectitur omnia sine mensura, quæ in Deo sunt, & de Deo dici possunt. Sicut scriptum est: de plenitudine eius accepimus omnes. Ioh. 1.

Quæ enim Deus nobis distribuit dona, creata sunt omnia & mensurata, secundum mensuram donationis Christi: de cuius plenitudine non mensurata, accepimus omnia, & adhuc accepimus. Ephes. 4.  
1. Cor. 12. 14.

Constat ergo, quòd dictum Pauli sit intelligendum, non de creatis donis, sed de ea plenitudine, quæ est essentialis & diuinitatis propria, quam nos vno omnipotentia vocabulo complectimur. Hanc affirmat Paulus in Christo habitare corporaliter. Quod omnes orthodoxi Patres interpretantur de Christo SECUNDVM CARNEM. Nam plenitudo Deitatis, non potest in Deitate habitare corporaliter, quia Deitas non est corpus, aut quiddam corporeum, sed est simplicissimus & indiuisibilis Spiritus. Ideo dixerunt Patres, hanc plenitudinem habitare IN CARNE, IN NATVRA ASSVMPTA, TANQVAM IN SVO PROPRIO CORPORE. Plenitudo omnis  
Deitatis in carne  
Christi habitat.

Ad probandam ergo communicationem omnipotentia in natura assumpta ex dicto Pauli loco, sic argumentor. Confirmatio com-  
municationis realis  
omnipotentia in  
carne.

Cuiusque communicata est omnis plenitudo Deitatis: et quoque communicata est omnipotentia. Sed assumptæ naturæ in Christo communicata est omnis plenitudo Deitatis. Ergo etiam omnipotentia est ei communicata.

D. B E Z A.

D. B E Z A.

Effugium D. Bezz.

Confusio vnionis,  
& communicatio-  
nis idiomatum.

*Si per communicationem vnio intelligatur : concedi non modò omnipotentiam , sed etiam reliqua attributa Deitatis humanæ naturæ communicata esse. Quia enim natura humana est unita cum diuina , & Deus & homo sunt una persona , ideo etiam cum omnipotentia est unita , quæ à Deitate separari non potest.*

D. I A C O B U S.

Discrimen vnionis  
naturarum , & com-  
municationis idio-  
matum.

Suprà dictum est & demonstratum , quòd plurimum inter se differant vnio naturarum , & proprietatum communicatio. Nam communicatio proprietatum , est vnionis naturarum quasi effectus , & consequens. Quare etsi tempore simul sunt , ratione tamen ordinis naturæ habent se , sicut prius & posterius.

Quapropter sicut naturarum vnio non est nuda & simplex vnio , sed vera & realis communicatio , quæ diuina dat , & humana accipit : ita communicatio proprietatum non est talis vnio , quæ naturæ nihil sibi inuicem propriorum suorum communicent : sed etiam vera & realis communicatio , quæ λόγος se ipsum , & omnia sua assumptæ naturæ communicauit.

D. B E Z A.

*Vnum sunt , vnio , & communicatio : & sicut diuine Naturæ non communicata est passio , ut eam IN SE habeat : ita quoque humanitati in Christo omnipotentia non est communicata , ut EAM IN SE habeat. Quemadmodum igitur Deitas est crucifixa : ita humanitas est omnipotens facta. Sed illud non est. Ergo neque hoc , quod dicis , humanitatem omnipotentem factam esse.*

D. I A C O.



D. I A C O B V S.

Non esse vnum & idem Vnionem naturarum, & Communicationem idiomatum seu proprietatum, satis demonstravi. Sic quoque non esse rationem eandem harum prædicationum: Diuinitas est crucifixæ: & humanitas est omnipotens facta: suprà dixi: idque propter naturarum diuersitatem. Ideoque ostendi, longè aliter humanam naturam omnipotentem factam, quàm diuinitatem passam, aut crucifixam esse.

Nam diuinitas nullam, neque perfectionem, neque imperfectionem IN SE recipit, propter naturæ suæ immutabilitatem. Sed humana natura IN SE recipere potest, & in persona filij Dei verè recepit summam Maiestatem, quæ Deitatis est propria: sicut verbis S. Patrum declaravi:

D. B E Z A.

*Fatemur nos quoque, summa dona Deitatis, quæ in creaturam cadere possunt, & quorum capax est humana natura, in humanitatem Christi collata esse: sed hæc dona non sunt proprietates Deitatis, quæ incommunicabiles sunt, sed habitualia creata dona, quæ humanitas Christi IN SE habet, quibus omnes creaturas superat.*

D. Beza tantum creata DONA Christo tribuit.

D. I A C O B V S.

Nihil ad testimonium Pauli, & ad questionem meam respondes: An plenitudo Deitatis sit creatum donum? Si ergo perfas in sententia, quod nulla alia dona, præter creata dona Christus secundum humanitatem, seu eius humanitas à filio Dei communicare habeat: manifestum est, doctrinam vestram, hæc in parte planè eandem esse cum Turcico Alcorano, qui eadem quoque dona Christo tribuit, quæ videlicet creata sunt, quibus omnes creaturas Christus superet.

Doctrina D. Beza de communicatione donorum Christo facta, eadem cum Alcorano.

LI

D. BEZA.

# 266 Colloquium Mompelgartense

D. B E Z A.

*Non venimus huc, ut audiremus conuitia: nihil habemus commune cum Turcico Alcorano, & eorum impietate, qui negant Christum esse Deum: Imò summam blasphemiam aiunt esse, si quis Christum Deum appellet, quod nos non facimus.*

Murmur Gallorum.

Post hanc vocem Bezæ emissam, ingens murmur Gallorum exortum est, quòd audirent, ipsorum confessionem de Christo, cum Turcico Alcorano conferri, sed oratione D. Iacobi iterum placati & quieti facti sunt.

D. I A C O B V S.

Reuerende D. Beza, qui veritatem dicit, non conuitiatur Recitabo enim verba Alcorani, quæ sic sonant:

Alcorani Turcici  
confessio de Christo.

” Omnium Prophetarum alio super alium per me sublimato, & eorum quibusdam cum Deo locutis, Christo Mariæ filio animam nostram propriè conferentes, vim & virtutem præ cæteris præbuimus. An verò non magnifica est hæc de Christo confessio? Quòd Deus dicitur illi ANIMAM SV- AM PROPRIE contulisse, & vim præ cæteris præbuisse. Quid enim est anima Dei, nisi Deus ipse? Vnde Bibliander ad marginem annotauit: cur igitur negas Filium Dei?

Anima Dei Christo  
communicata.

Hæc à Sergio Monacho Alcorano inserta sunt, qui aperte Nestorianus fuit. Ideoque facilis lapsus in illum errorem fuit, quo Christus Iesus Mariæ filius, Deus esse negatur: à quo omnes sibi cauere debent.

Quapropter oro, ne iniquè accipias, quæ à me studio veritatis dicuntur, ut omnes videant & intelligant, quid lateat sub hac doctrina, in qua humanitati Christi propriorum diuinitatis realis communicatio negatur, & tantum creata dona attribuantur, quo nomine etiam diuinitas eius negatur. Quid enim aliud est Diuinitas, quam omnia sua propria: quæ omnia

omnia in ipsa non sunt accidentia, sed essentialia, siue ipsa Deitatis essentia: quomodo autem ille homo potest esse Deus, qui tantum creata dona à Deo habet: & nihil realiter cum Deo, & eius proprijs commune habet: Quod, oro, piæ mentes diligenter apud seipsas expendant, & optimè interpretentur omnes, quæ à me in nullius hominis contumeliam ex Alcorano allata sunt.

D. B E Z A.

*Non potest quisquam tribuere Christo homini, quod nos ei non tribuamus. Dicimus enim assumptum hominem esse Deum verum, omnipotentem, omniscium: creatorem & gubernatorem cæli & terræ: sed non dicimus humanitatem esse omnipotentem. Tu autem semper confundis abstractum & concretum: quæ plurimum inter se differunt. Congeris varia in nos conuitia, comparas doctrinam nostram cum Machometismo & Turcico Alcorano. Rogamus igitur, ut, omisus eiusmodi conuitijs, de re ipsa conferamus.*

Homini Christo quod tribuit D. Beza, verbis, re ipsa negat; quod collatio luce meridiana clariùs docebit.

D. I A C O B U S.

Me non confundere abstracta vocabula cum concretis, supra satis dictum est. Neque enim concessi, vocabulum (H O M O) absolute positum concretum esse, quod nihil ab humanitate differt, cum sit species seu forma abstracta ab indiuiduis, omnibus illis conueniens. Quid autem sub his falso dictis concretis occultetur, vestræ Theses satis declarant: de quibus paulo post dicemus. Expresse enim ponitis, cum dicitur: Homo est omnipotens: sic intelligendum esse, id est, Deitas humanitati vnita est omnipotens. Quemadmodum & illa: Deus est passus, id est, humanitas seu caro Deitati vnita est passa. Ex quo manifestum est, quod homini assumpto nihil tribuatis de omnipotentia Dei, sed hæc omnia solum (S O L V M) inquam) de Deitate intelligenda esse contendatis: quod nos perperuo negamus, & constanter impugnamus. Nam

Concreta & abstracta vocabula non confundenda.

Consensus in verbis, non in rebus.

et bene

A' Moïse  
Beza damnata.

## 268 *Colloquium Mompelgartense*

Præterea notum est omnibus auditoribus : nobis in hac collatione sæpe Eutychianismum à vobis esse obiectum, quasi eiusdem hæreseos sit doctrina nostra de persona Christi : ad quod tamen placide semper respondimus : quemadmodum etiam Nestorianismi aliquoties à nobis mentio facta est,

D. B E Z A.

*Ferre possumus, quod nobis Nestorianismus obijciatur: sed Machometismum, & Turcicum Alcoranum audire non possumus.*

D. I A C O B V S.

Sufficiat, nos hæc dixisse. Posthac, cum videam vos offendi, à mentione Alcorani, temperabo mihi, & de re ipsa placide conferemus, sicut hactenus factum est.

D. B E Z A.

*Conuities Ecclesia Dei non adificatur. Quæ cum in vtriusque partis scriptis reperiantur, vellem pia concordia constituta, simul omnia combusta esse. Fateor enim à me multis esse scripta, quæ vellem non esse scripta. Idem te quoque sentire existimo. Studeamus paci, & ab illis acerbis scriptis, vtrunque porro abstineamus, donec Dominus piam pacem & concordiam nobis concesserit.*

D. I A C O B V S.

Neque ego conuities delector, sed pacem amo, & concordia sum studiosus, quod T. R. minimè ignotum esse existimo. Sed negare non potes, quàm horrendæ hæreses, Manichæorum, Arrianorum, Eutychianorum, Monotheletarum, nobis in scriptis vestris hactenus imputatæ sint, quas ab inferis resuscitemus, idque in scriptis vestris per multa regna sparsum esse : ad quæ sanè nobis tacere per conscientiam nostram non licuit.

Quod

Quod ad me attinet, dico me eorum, quæ de hac materia scripsi, neque pœnitere neque pudere: Scio enim vera, & verbo DOMINI, & analogiæ fidei Christianæ consentanea esse.

D. B E Z A.

*Vtrinque scriptis peccatum est. Et Deus nouit, an mea sponte, an verò prouocatus ad hoc certamen peruenerim. Non autem nunc de scriptis illis agitur: sed cōcordiam quaramus, & paci studeamus. Hac causa est, quòd etiam Holderonihil quidquam respondere, neque conuitia regerere hactenus voluerim: sed silentio sepeliam, & finem his imponam. Ipsum verò negotium Christo committo.*

D. I A C O B V S.

Ego scripta mea omnia Ecclesiæ, & omnium plorum iudicio de hac materia, sicut de alijs quoque articulis, subiſcio. Scio autem, me non autoritate humana, sed Scripturæ sacræ apertissimis, & minimè dubijs testimonijs, Ecclesiarum nostrarum doctrinam confirmasse, & contrariam ipsam fundamentis refutasse.

Quapropter firmus & immotus per gratiam Dei huic meo argumento insisto, quo probaui, quòd omnipotentia in persona filij Dei assumptæ naturæ verè & realiter communicata sit: quoniam in ipso inhabitat omnis plenitudo Deitatis corporaliter. Quæ inhabitatio realissima communicatio est. Ad quod argumentum & Scripturæ testimonium, mihi adhuc nihil responsum est.

*Scilicet in  
qui habet  
Dei naturam*

D. B E Z A.

*Omnipotentia humanitati Christi non conuenit, quia unicum fundamentum opinionis  
est idioma seu proprietas Deitatis. Sed in concreto rectè  
dicitur: Homo est omnipotens, quia homo est Deus. Quem  
D. Beza.*

admo-

Ll 3

*Id. in Antiquis  
pg 622.*



admodum etiam rectè dicitur & verè: Deus est passus, & mortuus.

D. I A C O B V S.

Refutatio eiusdem.

Paulò antè ex Damasceno ostendi, has enunciationes plurimum inter se differre: Deus est passus: & Homo est omnipotens: propter naturæ diuinæ immutabilitatem, quæ neque exaltari, neque humiliari, infirmari, aut perfici potest. Humana autem horum omnium capax est, & particeps in Christo facta, IN QVA omnis plenitudo Deitatis habitat corporaliter. Vnde etiam caro Christi non modo viuificatur, sed etiam re vera facta est, quoniam TOTAM VIM viuificandi HAVSIT, sicut Cyrillus loquitur.

D. B E Z A.

Caro Christi quomodo secundum D. Bezam viuifica.

Caro Christi viuifica dicitur ratione meriti, quòd per eam vita restituti sumus, & quòd per eam etiam vita, quæ est ipse λόγος, in nos deriuetur: qua ratione Christus in humana natura etiam nobiscum coniungitur. Non autem communicata est carni Christi vis viuificandi, ut eam IN SE habeat, & viuificet, sicut Deus.

D. I A C O B V S.

Cyrl. lib 4. cap. 24.

Libro 12. Thesauri cap. 15.

Natura humana Christi habet in se virtutem viuificantem

1. Cor. 15.

Cyrillus inquit: Christus totum corpus suum viuifica Spiritus virtute plenum esse ostendit: non quòd naturam carnis amiserit, & in spiritum mutata sit, sed quia summè cum eo coniuncta TOTAM VIVIFICANDI VIM hausit. Item: Natura nostra, à filio Dei assumpta, MENSURAM suam EXCESSIT, & in conditionem assimilationis eam, per gratiam translata est. Non habet quidem vitam in se assumpta caro, sicut λόγος ratione Diuinitatis suæ habet: sed habet in se personaliter habitantem, quæ ratione nulla alia caro, vitam in se habitantem habet. Sicut scriptum est: Primus homo factus est in animam viuentem, sed secundus homo in spiritum viuificantem.

D. B E Z A.

D. BEZA.

*Prius probandum est, humanitatem factam esse Deitatem: quam probetur, humanam naturam omnipotentem esse factam. Illud si probatum fuerit: de omnium proprietatum communicatione probatum erit, quia omnium proprietatum in Deo eadem est ratio. In primis verò causam quero, cur assumptæ naturæ æternitas & infinitas quoque non sint communicatæ à λόγῳ?*

D. Beza idem & unum suum fundamentum semper repetit.

D. IACOBVS.

Ego apertis verbis Pauli probavi, & syllogismo demonstravi, quod naturæ humanæ communicata sit omnipotentia, neque tamen necesse sit, humanam naturam in Deitatem conuertere. Quia enim omnis plenitudo Deitatis corporaliter in natura humana habitat, à qua plenitudine omnipotentia non est exclusa, sed inclusa: ideo etiam realiter est communicata: Sicut anima cum omnibus suis potentijs corpori animato, sine corporis in animam mutatione facta,

Quòd autem causam queris, cur æternitas & infinitas humanitati non sint communicata, vt pariratione dicere possumus, humanitas Christi est ab æterno, est infinita, qua dicitur esse omnipotens, omnisca: Respondeo, Attributorum diuinorum & eorundem communicationis, non eandem rationem & modum esse. Nam in diuina essentia actus quidam substantialia sunt energetici, quales sunt sapientia, potentia, vita, iustitia, misericordia, &c. Alia verò sunt, quæ (vt Athanasius loquitur) circa Deitatis essentiam versantur & considerantur, nec sunt energetica: qualia sunt esse ab æterno, per essentiam infinitum, incorporeum, immateriatum, & similia: quæ humanitati communicata dicuntur, quia ipsa Deitas communicata est, à qua separari non possunt. Ab his autem humanitas non denominatur, quoniam non sunt actus perfectiores naturam humanam, sicut in primo ordine commemorata propria.

propria eam perficiunt, & ab eis denominatur. Quamobrem etsi humana natura habet communicatam æternam & infinitam essentiam, in I P S A corporaliter habitantem, sicut omnipotentiam : non tamen infinita & æterna dicitur, sicut omnipotens verè dicitur.

D. B E Z A.

*Concedo totum argumentum, si intelligatur in concreto, videlicet, quòd homo sit omnipotens. Sed inde non sequitur, quòd humanitas facta sit omnipotens.*

D. I A C O B V S.

Vocabulum (Homo) non est concretum.

Nunc aliquoties diximus vocabulum (HOMO) non esse concretum, quia est species seu forma, quæ non concreta, sed abstracta dicitur.

Præstigia verborum  
D. Beza, de omnipotentia hominis  
Christi.

Præterea, in hac enunciatione vobis quoque non est concretum vocabulum, quod TOTAM personam significet, sed duntaxat alteram naturam in abstracto consideratam, sicut in responsione vestra apertè declarastis, cum dicitis : Homo est omnipotens, id est, Deitas humanitati vnita est omnipotens. Plerique enim sic intelligerent, quòd Homo, qui corpore & anima rationali constat, & verbo vnitus est, sit omnipotens, sicut verba sonant. At vos minimè sic vel intelligitis vel interpretamini. Sed hic necessariò ad tropum confugiendum esse docetis, quoniam enunciationem hanc veram esse non posse, confidenter affirmatis, si propria significatio vocabuli (HOMO) retineatur. Sed quæso, in qua Grammatica, aut in qua lingua, hoc reperitur? Hebræa, Græca, Latina, Italica, Gallica, Germanica, in qua homo idem significet, quòd Deitas humanitati vnita?

Diligenter ergo meminerint auditores eorum, quæ supra de vocabulis abstractis & concretis dicta sunt : & quam male & inconuenienter, contra omnem Grammaticam, Spiritus

rus sancti in omnibus linguis, ad hoc mysterium accommodentur, & horrendus error tegatur, quo homines credere persuadentur, hominem verum assumptum neque Deum vel omnipotentem esse.

Omissis ergo vocabulis (abstracti & concreti) quibus neque Dominus, neque Prophetæ, neque Apostoli vti sunt, quæ etiam nusquam in Scriptura sacra reperiuntur, neque etiam fortassis ab omnibus auditoribus tanquam scholastica vocabula intelliguntur: in explicatione huius mysterij *hjs* verbis utemur, quibus Spiritus sanctus in Scriptura sacra usus est. Sicut Paulus discipulum suum Timotheum diligenter monuit, ne de verbis contendat: quod nihil prodest, nisi ad subversionem auditorum, qui hæc non intelligunt, & incauti per ea facile in errorem induci possunt.

λογομαχίαι,  
in Ecclesia fugien-  
dx.

D. B E Z A.

*Omnino his terminis opus est in hac disputatione, alias controuersia hac explicari difficulter potest.*

D. I A C O B V S.

Mirum sanè omnibus videri debet, Spiritum sanctum, qui in veteri & nouo Testamento de Christo Deo & homine tam copiose & perspicue concionatus est, adeo inopem verborum esse, ut sine vocabulis (abstracti & concreti) ex scriptis Prophetarum docere & explicare non possit, quis sit Christus, & quid homini Christo, seu secundum humanitatem, communicatum sit.

Et per me sanè licebit, in hac controuersia his vocabulis in hac collatione vti, modo auditores intelligent, & rectè negotio accommodentur, quod à vobis non fit. Et illustris est similitudo de ferro ignito, quæ ab omnibus etiam medio-  
criter eruditis hominibus intelligi potest.

D. B E Z A.

*Similitudo in ferro ignito, non bene quadrat ad hoc My-  
M m sterium*

274 *Colloquium Mompelgartense*

An similitudo ferri  
igniti sit accommo-  
data in hac disputa-  
tione.

*sterium explicandum. Quia ignis in ferro, est tanquam in subiecto. Longè verò aliter se habet unio naturarum in persona Christi. Item, ferrum non urit, sed ignis in ferro. Sic Christus excitauit Lazarum: ubi quidem egit aliquid humanitas, vocem suppeditans, cum inquit Christus: Lazare veni foras. Diuinitas autem est, quæ sua potentia ipsum uitæ restituit.*

D. IACOBVS.

Ignis non est in ferro  
tanquam in sub-  
iecto.

Planè absurdum est, quod dicitur: Ignem in ferro esse tanquam in subiecto: quod cum ipsa Philosophia & ratione pugnat. Nam accidentia tantum in subiectis esse dicuntur, sicut albedo in pariete, iustitia in homine iusto. Hic verò duæ substantiæ vniuntur, & vna cum suis proprietatibus est in altera, & sic ei realiter communicata. Nam ignis non est accedens, sed est substantia non minùs, quàm ipsum ferrum. Ideo non potest in ferro esse tanquam in subiecto, sicut calor in aqua: ubi calor, tanquam accedens, est in aqua, tanquam in subiecto.

Hæc causa est, quod maiores nostri, & Patres primæ ac purioris Ecclesiæ, hanc similitudinem accommodatissimam esse arbitrati sunt ad explicationem vnionis personalis duarum naturarum in Christo, ubi similiter duæ naturæ cum suis proprietatibus concurrunt & communicantur inuicem: quamuis sublimitatem Mysterij vnionis personalis assequi & perfectè exprimere non possit.

Neque verò eodem modo vox Petri mortuos excitauit, sicut vox Christi, cum dixit: Lazare, veni foras. Nam vox Petri aliena virtute, videlicet Christi Dei & hominis, excitauit mortuos, cum inquit: Dico tibi in nomine Iesu, surge: quæ virtus cum Petro non fuit vnita, sicut cum Christo dicentes Lazare, veni foras. Cum qua voce virtus diuinitatis vnita effectus, vt statim resurgeret Lazarus: quod sine Christo vox Petri efficere non potuisset, si millies dixisset, surge, surge, surge, Sed



Sed vox Christi effecit, qui illi cooperabatur, sicut scriptum est: Illi profecti prædicauerunt vbiq̃ue, Domino cooperante & sermonem confirmante sequentibus signis. Dominus signa edidit, & illorum sermonem confirmauit, non Petrus, Paulus, &c.

Ideo suprà quoque dixi, mase a te omilla esse verba Leonis, (cum communicatione alterius formæ:) quæ prioribus adiecit, quòd videlicet vnaquęque natura agat quidem, quod suum proprium est, non autem absque, sed cum communicatione alterius nature.

Sic vox Christi non sine diuina eius potentia, neque potentia Dei sine hac voce Christi, (Lazare, veni foras) Lazarum excitauit. Quapropter vox Christi recte & verè omnipotens vox dici potest, & re vera est, quæ præstare potest diuinæ nature virtute, quæ aliàs humanæ voci adeoque omnibus hominibus impossibilia essent.

Quomodo Lazarus à Christo resuscitatus sit à mortuis.

D. B E Z A.

*Quòd non sit talis communicatio actionum & operationum diuina & humana natura, qualem T. R. asserit, similitudine ferri candentis demonstrabo. Quia ferrum secat, & non ignis. Item, ignis urit, & non secat sicut ferrum, quamuis vnum sit corpus utriusq̃, & vnum ἐκ τῆς ὁμοῦ. Eadem ratio est in similitudine anima & corporis, quòd aliud agit anima, & aliud corpus, & ita distinctæ sunt actiones anima & corporis. Sic quoq̃, distinctæ sunt actiones humanitatis et diuinitatis in persona Christi, ut aliud agat humana, aliud diuina natura. Humana natura sustinet dolores: diuina autem natura sustentat humanam naturam, ne succumbat.*

Damascenus negat, ferri & ignis esse vnum  
ἐκ τῆς ὁμοῦ,  
lib. 3. cap. 15.

D. I A C O B V S.

Nequaquam hoc modo distinctæ sunt actiones in ferro ignito, item corporis & animæ in homine, & naturarum

Mm 2

in per-

## 276 *Colloquium Mompelgartense*

Communicatio  
actionum natura-  
rum, non confundit  
naturas.

in persona Christi, sicut hic à te assertitur. Nam ferrum sine igne, non eo modo secatur: neque ignis sine ferro eodem modo urit. Sed in sectione, sicut & in adustione simul concurrunt ferrum & ignis, & simul non seorsim aut distinctè hoc opus perficiunt. Sic anima sine corpore, & corpus sine anima, nihil eorum facit, aut exequitur, quod cuiusque proprium est, ut distincta sit actio corporis ab actione animæ: sed simul coniunctim, non seorsim aut separatim omnia faciunt. Ad hunc modum diuinitas est, & manet quidem perpetuo distincta ab humanitate, & cum ea non miscetur, sicut neque ferrum cum igne, aut anima cum corpore miscetur. Passiones autem & actiones utrinque sunt communes, & toti personæ tribuuntur, etiam si pro diuersitate naturarum & priorum, quæ distincta manent, in operatione & actione concurrunt.

Hæc ab omnibus facile intelligi possunt: in quibus nullæ sunt insidiæ, nihil hic tropicum aut figuratum, sed res explicatæ & perspicuæ sunt, quæ videri & palpari possunt.

Quomodo Diuinitas passa dicatur.

Sic ferrum fortius urit, & maiorem dolorem affert, quam ignis tantum sine ferro. Et ferrum ignitum citius & alio modo penetrat & secatur, quam si ferrum frigidum (pro natura sua) tantum rei secandæ adhibeatur. Ita passione Christi, Dei & hominis, peccata TOTIVS MVNDI non potuissent expiari, nisi in ipsa passione quoque diuinitas, non sustentando tantum, sed PATIENDO (patiendi inquam eo modo, quo supra explicatum est) cum humanitate coniuncta fuisset, ut verè dicatur, passiones minimas non ad solam humanitatem, sed etiam ad ipsam Deitatem referendas esse. Quas tamen in se ipsa non sustinuit, sicut humana natura: sed nihilominus tamen, ut maxime impietas & factum Iudæorum non placerent, VERE TVLIT & perpessa est, & non violenter repulit, quas iniurias, si voluisset, repellere potuisset.

Quando autem actiones & passiones distinctè ita natu-

ris tribuuntur, vt distinctè aliquid vel operari, vel pati vna dicatur, quod altera non operetur aut non patiarur: hic statim vnio personalis soluitur, naturæ separantur, & duæ personæ constituntur. Ex quo etiam sequeretur: quia passione Christi redempti sumus à peccatis nostris, cum passio ad solam naturam humanam pertineat, cum qua diuinitas nihil reale communicatum habeat, quòd NON filius Dei, sed sola humana natura nos redemisset: aut quòd nondum redempti essemus, cum redemptio à peccatis non sit solius carnis, sed filij Dei, non autem solius filij sine carne, sed incarnati Filij Dei opus.

Separatio actionum,  
separat naturas.

Sola Christi caro  
nos non redimit.

D. B E Z A.

*Resuscitatio mortuorum est solius diuinitatis opus, quod humanitati Christi attribui non potest. Sic sola diuinitas Christi, suum corpus à mortuis resuscitauit. Hec autem est summa dignitas humanitatis in Christo, quòd in persona filij Dei subsistit. Nec vllum testimonium Scriptura produci potest, quo probetur, quòd humanitati in Christo, præter creata dona, Deitatis propria data aut communicata sint.*

Resuscitatio mortuorum solius diuinitatis opus, secundum Bezz opinionem.

D. I A C O B V S.

Planè nouum & inauditum est in Ecclesia Dei, resuscitationem mortuorum ita Deitatis propriam esse, vt humanitati assumptæ à Filio Dei non communicetur. Et si enim verum est, quòd humanitas per se, sicut spiritualiter viuificare non potest, ita etiam corpus mortuum resuscitare non possit: tamen communicatione diuinæ potentiae id non posse, non modo absurdum, sed etiam planè impium est asserere, adeoque ipsum Christum negare.

Diuinitas Christi si-  
ne communicatio-  
ne humanitatis  
mortuos non resu-  
scitat.

Quod ad ipsius Christi corpus mortuum attinet, negari non potest, mortuo corpore animam eius neque mortuam neque à filio Dei separatam fuisse, cum à patre suscepta esset, quam

An corpus Christi  
sola Deitate resu-  
scitatum sit.

## 278 Colloquium Mompelgartense

quam Christus moriens in manus ipsius commendauit. Huius ergo virtutis, cum etiam mortuo corpore particeps permansisset: quis intelligens eam à resurrectione corporis excludere auderet? Cum ipse Christus dicat: Ego habeo potestatem ponendi animam, id est, vitam meam, & eam iterum sumendi. Sicut ergo Christus corpus suum deposuit, quando ipse non modo secundum diuinitatem, sed etiam ANIMA ipsius voluit, & non quando ipsius hostibus placuit: ita eadem Christi anima, Dei Filio vnita, idem corpus resumpsit, quando voluit, videlicet tercia die, sicut dixerat. Quæ potestas nullius hominis animæ data est, vt quando velit, cum suo corpore vnatur denuò, & sic homo resurgat. Sed omnibus hora illa expectanda est, in qua vocem Christi Iesu Dei & hominis audituri sunt omnes, qui sunt in sepulchris, & resurgent à mortuis, vel ad vitam, vel ad iudicium.

Ioh. 1.  
1. Thes. 4.

Et hanc summam dignitatem Christus Homo, hoc est, secundum humanitatem, inde habet, quòd eius humanitas in Filio Dei subsistit, hoc est, vna cum illo persona facta, infinitæ huius potentie particeps est: quod nulli nequidem angelicæ creaturæ contigit.

Testimonia Scripturæ,  
omnipotentiam  
humanæ naturæ cõ-  
municatam esse.

Matth. 28.

Ephef. 1.

Nullum autem testimonium Scripturæ produci possit, quòd omnipotentia, & alia Dei attributa humanæ naturæ in Christo cõmunicata sint, præter id quod paulò antè ex Paulo allatum, & nullo modo refutatum est: id nequaquam verè dicitur. Idem enim alio non minùs conspicuo testimonio confirmabo, cum inquit: Mihi data est, & omnis potestas in cœlo & in terra. Quis est ille, qui dicit MIHI? Homo Iesus Mariæ filius: huic data est omnis potestas in cœlo & in terra. Idem confirmat Paulus, cum inquit: Qui credimus secundum operationem potentie virtutis eius, quam operatus est in Christo, suscitans illum à mortuis, & constituens ad dexteram suam in cœlestibus supra omnem principatum, & potestatem, & virtutem, & dominationem, & omne nomen, quod nominatur non solum in hoc seculo, sed etiam in futuro: & omnia subiecit pedibus eius.

Item,

Item, Petrus inquit: Sciat ergo omnis domus Israel, quia A&or. 6.  
 Dominum, & Christum fecit Deus **H V N C I E S V M**,  
 quem vos crucifixistis. Item, Donavit ei nomen supra omne Philip. 2.  
 nomen, ut in nomine **I E S V** omne genu flectatur coele-  
 stium, terrestrium, & inferorum, &c.

Item: Sistentur omnes ad **TRIBVNAL** Christi: scri- Rom. 14.  
 ptum est enim: Vivu ego, dicit **DOMINVS**, mihi flecte- Esai. 45.  
 tur omne genu. Quæ testimonia simul omnia confirmant,  
 Christo homini, ad dexteram omnipotentis virtutis & Ma-  
 iestatis Dei collocato & exaltato, omnipotentiam communi-  
 caram, qua totum Mundum, visibiles & invisibiles creatu-  
 ras sibi subiectas regere & gubernare illi datum est.

D. B E Z A.

*Omnis potestas, de qua Christus loquitur, Matth. 28.  
 [Mihi data est omnis potestas, in caelo & in terra] non est  
 intelligenda de omnipotentia Dei, sed tantum de Dominio  
 Christi, quod ei secundum humanitatem post exaltatio-  
 nem ad dexteram Dei, datum est. Nam omnis hæc potestas,  
 diversa prorsus est, ab ea, quæ est in Deo essentialis, & ab-  
 solutè consideratur. Quæ nihil aliud est, quàm secundum  
 Deum potestas in omnibus rebus creatis administrandis:  
 quæ inter dona in carnem Christi collata, ad gratiam habi- Beza in responsione  
 ad 2. Thesim.  
 tualem referenda est.*

D. I A C O B V S.

Cum contra testimonia Scripturæ à me allata, nihil affe-  
 ras quàm glossam, qua dicis illam potestatem prorsus diver-  
 sam esse ab ea, quæ in Deo essentialis est, & absolutè confide-  
 ratur: rogo, ut vnum duntaxat Scripturæ sacræ, veteris aut  
 novi Testamenti, testimonium producas, quo hanc tuam &  
 tuorum glossam probare velis & possis.

D. B E Z A.



D. B E Z A.

Beza glossam suam  
testimonijs Scriptu-  
ræ probare non  
potest.

*Non opus est, quia res manifesta est. Si potentia Dei es-  
sentialis humanitati realiter communicata esset: sequeretur,  
quod in Deitatem mutata, & Deitas facta esset: quod  
fieri non potest.*

D. I A C O B V S.

Ego postulo Scripturæ sacrae apertum testimonium vel  
saltem V N V M, quo hanc tuam glossam probes. Tu ve-  
rò ratiocinationem profers, quæ non minus probatione  
opus habet. Ideoque peramanter oro, ut probes V N O,  
V N O duntaxat Scripturæ testimonio, verum esse, quod  
dicis: Si humanæ naturæ potentia Dei essentialis communi-  
cata esset: humanitas Deitas facta esset. Non enim sufficit hoc  
dicere, sed oportet probare.

D. B E Z A.

*Res adeo manifesta est, ut nulla probatione indigeat.  
Quia potentia Dei est infinita. Humana autem natura est  
finita. Ideoque non potest infinita potentia capax aut parti-  
ceps esse.*

D. I A C O B V S.

Coloss. 2.

Adhuc nullum Scripturæ testimonium audio, sed tantum  
principium philosophicum, quod finitum non sit capax in-  
finiti: quod suum locum in Philosophia & rebus naturalibus  
habet. Sed in hoc mysterio locum habere non potest. Nam  
supra verbis Pauli probavi, quod omnis plenitudo Deitatis  
(Q V A E I N F I N I T A E S T) in carne Christi (Q V A E  
F I N I T A E S T & manet) corporaliter habiter: quod fieri  
non posset, neque etiam factum esset, si hoc philosophicum  
principium hic locum haberet.

Quapropter adhuc peto, ut V N V M, V N V M inquit,  
V N V M duntaxat Scripturæ S. testimonium proferas, quo  
probes,

probes & demonstres : si omnipotentia humanitati communicata esset , quòd in Deitatem conuersa , & DEITA Sipfa facta esset. Id si T.R.præstare non potest, consistit nostra sententia firma & immobilis , quòd humanæ naturæ in Christo, secundum allegata Scripturæ testimonia , omnipotentia Dei essentialis realiter sit communicata, de qua Christus Matt. 28. loquitur , cùm inquit: MIHI (homini IESV Nazaræno, Mariæ filio ) data est omnis potestas in cœlo & in terra.

Eam cùm vos negetis: manifestum est omnibus, vos cum Nestorio in Christo duas personas constituere , etiamsi cum ipso Nestorio vnâ singularem personam ore fateamini.

D. B E Z A.

*Nestorius non seriò vnâ singularem personam in Christo confessus est, sed simulauit tantum. Nos autem seriò vnâ tantum personam in Christo fatemur: & duas naturas essentia, proprietatibus, et operationibus distinctas credimus. Neque naturas separamus, sed eas vnitas dicimus, etiamsi actiones distinguamus. Eutyches enim cùm hanc separationem naturarum effugere vellet: in contrarium errorem, videlicet in confusionem naturarum & proprietatum, incidit, & diuinitatem crucifixam esse dixit: quod ne nobis quoque accidat, cauendum est.*

D. Beza Nestorianissimum à se remouere studet.

D. I A C O B V S.

Nestorium seriò vnâ singularem personam in Christo assensisse, manifestè ipsius Nestorij proprijs verbis suprà demonstratum est. Ex negatione autem communicationis proprietatum realis , separationem naturarum sequi , & duas personas constitui, ducenti Patres Concilij Ephesini, duce Cyrillo, ipsi Nestorio ad oculum demonstrarunt. Idem vos cum eo facere, satis superque ostensum esse confido; & in reliquis

Nestorius quomodo separationis naturarum conuictus.

Nn

liquis

## 282 *Colloquium Mompelgartense*

liquis, quæ sequuntur, non minùs apertè ostendam & probabo. Quisquis enim consequens bonæ consequentiæ negat, is quoque eius antecedens negat. Cum igitur communicatio proprietatum & operationum realis, à parte vestra negetur: eo ipso etiam vnio vera personalis, quæ huius communicationis causa est, à vobis negatur, etiamsi eam cum Nestorio, VNAM ET SINGVLAREM ore & verbis fateamini.

Quomodo autem Dei Verbum impassibiliter passum dixerit Cyrillus: & Vigilius Diuinitatem clauis confixam, sed non transfixam esse scripserit: suprà dictum est.

D. B E Z A.

*Nos unionem personalem naturarum in persona CHRISTI, nequaquam negamus, sed constanter asserimus. Negamus autem, ex ea communicationem idiomatum seu proprietatum diuinitatis in humana natura, sequi: quæ locum habere non potest, nisi humanitas in Deitatem mutetur: quod Eutychianum, & ab Ecclesia damnatum est.*

D. I A C O B V S.

Tom 1. Conc.

Suprà dictum est, quòd de Eutychete Historia Ecclesiastica testetur, eum vnā duntaxat naturam in Christo post humanam assumptionem, & humanitatem in Deitatem absorptam, credidisse & docuisse. Ideoque eius hæresis nihil ad nos.

Nestorius optimo  
iure hæreseos dam-  
natus est.

Nihil autem obstitit, quòd Nestorius vnā personam singularem in Christo confiteretur, quò minus à Synodo Ephesina optimo iure hæreseos damnatus sit, quòd videlicet duas personas propter negatam communicationem idiomatum constituerit. Nam si maximè in corde suo cum Ecclesia sensisset, sensum verò animi exprimere non potuisset: tamen

amen propter pertinaciam iure damnatus est, quod toties admonitus, cum Ecclesia loqui noluerit, cum qua sentire videri voluit.

Manet ergo adhuc immota probatio Syllogismi mei de omnipotentia, quem supra posui: Cui communicata est plenitudo omnis diuinitatis: eidem quoque communicata est omnipotentia. Humanitati Christi communicata est omnis plenitudo Deitatis. Ergo eidem etiam omnipotentia est communicata. In qua communicatione, summa consolatio pijs mentibus reposita est.

Est enim absoluta Dei potentia infinita, nobis in cruce & calamitatibus, adeoque in summis tentationibus sufficeret: ea tamen nobis absque mediatore formidabilis est. Quando autem afflicta, summè perturbata, & hostibus propemodum oppressa conscientia cogitat, in manu hominis potestatem coeli & terræ positam esse, qui sit frater, redemptor, saluator, & opitulator noster in omnibus tribulationibus: tum maiorem fiduciam capit, & se liberatum iri nihil dubitat.

Consolatio piorum  
quanta in commu-  
nicatione Christi  
omnipotentia reposita sit.

Sed de his satis. Illustrissimus enim Princeps, quia hora cœnæ iam pridem audita est, ut nunc finem faciamus, & cras hora septima ad persequendam collationem denuò conueniamus, monet.

*XXVI. MARTII, AN=*  
*no 1586. hora 7. ante Me=*  
*ridiem.*

D. I A C O B V S.

1.

Natura humana in  
 Christo verè est om-  
 nipotens.



EVERENDE D. Beza: Heri inter nos placide  
 & familiariter collatum est, de primo Dei attri-  
 buto, videlicet, de omnipotentia: quam nos  
 apertis sacre Scripturę testimonijs probauimus,  
 assumptę humane nature in Christo verè & rea-  
 liter communicatam esse, vt etiam verè sit, & dicatur esse om-  
 nipotens.

2.

Potentia homini  
 Christo communi-  
 cata, non est creatum  
 donum.

Matth. 28.

Demonstrauit quoque potentiam homini Christo in tem-  
 pore daram, non esse creatum donum in homine Christo: sed  
 ipsam essentialem omnipotentiam Dei, siquidem vna ran-  
 tum in Christo est omnipotentia, non duę: sicut vna quo-  
 que tantum diuinitas. Et plenitudo diuinitatis, sub qua etiam  
 omnipotentia comprehenditur, nihil nisi essentiam diuini-  
 tatis, & quicquid est & esse dicitur Deus, significat, quę cor-  
 poraliter in assumpta natura habitat. Vnde Christus quo-  
 que dixit: Mihi data est omnis potestas in cœlo & in terra:  
 quę potestas est æterna & infinita Dei potestas, de qua Dani-  
 el. 7. Cum creata potestas ad cœli & terrę gubernationem non  
 sufficiat.

Gubernatio cœli &  
 terrę, totius Christi.

Gubernat ergo nunc cœlum & terram, visibilia & inuisi-  
 bilia, non sola diuinitas, sed etiam assumpta Christi humani-  
 tas: ad quam illi æterna & infinita potentia opus est, quę ipsi  
 per vnionem data & realiter communicata est. Contra hęc,  
 si tua Reuerentia aliquid ex Scriptura amplius habet: rogo in  
 medium proponat: paratus sum ad omnia & singula pro mea  
 tenuitate respondere. Fides enim nostra non ratione huma-  
 na, sed solo verbo Dei nititur, quod in sacris literis compre-  
 hensum est.

D. BEZA.



D. B E Z A.



**AGNOSCIMVS** verba ex Scriptura allata. Sed de illorum verborum sensu & interpretatione quaritur. Omnis autem interpretatio testimoniorum sacrae Scripturae, ad analogiam fidei reducenda est. Hoc posito, respondeo: non negare nos, quin homini, ut essentia diuinitatis unita est, ita etiam cum eo unita esse hypostaticè, quæ in Deo sunt. Sed aliud est, cum dicitur: Homini data esse: & aliud, Humanitati eius data esse. Nam in hypostatica unione, ut natura, ita etiam proprietates manent distinctæ. Et quod proprium est, non sit commune. Quapropter dicimus, Christo homini datam potentiam creatam, non increatam, quæ si communicaretur, proprium diuinitatis non esset.

Quod ad locum Matth. 28. Data est mihi omnis potestas: referimus hoc ad potestatem creatam, quæ in hominem Christum collata est. Neque obstat, quod obijcitur: Hominem creatam potentia cælum & terram gubernare non posse. Potest enim Deus in naturam humanam assumptam, quot & quanta vult, conferre. Quapropter dicimus: Christum secundum humanitatem Dominum omnium esse, excepta illo, qui eum Dominum constituit.

1.

2.

3.

4.

5.

1. Cor. 15.

D. I A C O B V S.

Ad analogiam fidei, omnem interpretationem sacrae Scripturae & testimoniorum eius, referendam esse, nihil dubitamus.

Sed quod cum analogia fidei pugnet, quod nos de homine Christo, & eius omnipotentia docemus, per unionem personalem humanitati eius verè & realiter communicata:

1.

2.

Nn 3

hoc

Communicatio omnipotentia, cum analogia fidei non pugnat.

3.

hoc nondum audiuius. Quare nostram doctrinam analogia fidei aperte confirmat, quæ testatur, humanitatem ad dextram Dei patris collocaram esse.

Nam quod affertur, in ipsa vnione hypostatica non modo naturas, sed etiam proprietates distinctas manere: extra omnem controuersiam positum est. Id verò non prohibet, quò minus personaliter communicentur, quæ sunt diuinitatis propria.

4.

Omnipotentia quomodo maneat diuinitatis propria, etiam communicata.

Et non definit omnipotentia Diuinitatis proprium esse, etiam si personaliter assumptæ naturæ humanæ communicetur. Si enim persona secunda Trinitatis Filius Dei, quæ incommunicabilis est & esse definitur, humanæ naturæ verè communicata est: quomodo proprium eius quoque communicari non posset, vt nihilominus eius proprium maneat? Idem similitudo ferri candentis ad oculum demonstrat. Nam proprietas lucendi & vrendi manet ignis propria, quæ nunquam ab ea separantur naturaliter, vbicumque est ignis: ferro tamen realiter communicantur. Sic omnipotentia Dei essentialis, manet Deitatis propria, etiam si humanæ naturæ realiter in persona Filij Dei communicetur, quam Filius Dei in unitatem personæ assumpsit.

5.

Verba Christi de creata potentia intelligenda esse, dicitur quidem, sed non probatur. Et quamuis verum sit, Deum potentiam largiri posse, quantam velit: tamen Scriptura aperte testatur, hanc non creatam, sed æternam & infinitam potentiam esse, cuius participatione humana Christi natura etiam recessus cordium videre & iudicare potest, quod creatæ potestatis non est.

Damasc. lib. 3. cap. 19.

Et non nostris, sed Damasceni verbis heri demonstrauimus, potentiam hanc non creatam, sed infinite potentia Dei participationem esse, qua cum λόγῳ assumpta humanitas omnibus in cœlo, terra, & inferno dominatur. Caro (inquit) operanti Deitati verbi COMMUNICAT ideo, quod diuine operationes per organum corporis perficiebantur. Ita sancta eius MENS etiam naturales suas operationes operatur.

ur. COMMUNICAT autem & Deitati verbi operanti, & disponenti, & gubernanti vniuersum, INTELLIGENS ET COGNOSCENS, ET DISPONENS, NON VT NVDA MENS HOMINIS, SED VT DEO secundum hypostasin vnita, ET DEI MENS constituta. Vbi etiam particula vniuersalis obseruetur, omnis: Omnis potestas MIHI Iesu Mariæ filio data est: quam vt Deus ab æterno semper habuit (imò per essentiam hæc ipsa porentia est) ita eam, vt homo, a Deo accepit. Gloriam (inquit Cyrillus) quam semper habuit VT DEVS, VT HOMO PETIIT: nec quia gloriæ propriæ vnquam expers fuit, hæc ab eo dicuntur: sed quia in GLORIAM, quæ sibi semper adest, VT DEO, PROPRIVM TEMPLVM subducere voluit. Quid quæso de reali communicatione GLORIÆ, quæ diuinitatis propria est, & sub qua omnipotentia etiam intelligitur, magis apertè dici possit?

Quapropter adhuc peto, vt D. Beza vnum duntaxat Scripturæ testimonium apertum proferat, quo demonstrèt, hanc potentiam Christo homini datam, creatam potentiam esse: quod non potest.

D. B E Z A.

*Analogiam fidei adduco, quæ docet, quòd proprietates diuinitatis sint & mancant etiam in ipsa vniione personali incommunicabiles. Et quando dicimus, Deum esse omnipotentem: intelligimus Hoc Deum IN SE, & per se esse, & manere solum.*

*Deinde sunt radij diuinæ omnipotentia, & hi radij sunt qualitates creatæ, quæ à substantia diuinitatis in humanitatem Christi emanant: nempe creatæ dona, eaq; absolutissima, perfectissima, & summa in humanitatem Christi collata, quæ ab illa absoluta Dei potentia distinguenda sunt.*

D. I A C O.

# 288 Colloquium Mompelgartense

D. I A C O B V S.

Pero ex analogia fidei mihi demonstrari, quòd communicatio omnipotentiae in assumpta humana natura, cum hac analogia pugnet.

D. B E Z A.

Argumentatio ex analogia fidei contra communicationem omnipotentiae.

*Analogia fidei docet, quòd Christus in utero D. virginis Mariae verum corpus, & veram naturam humanam, finitam & circumscriptam assumpserit, quæ suas essentielles proprietates etiam in vnione retinet: hæc illam communicationem realem non admittunt, sed humanam naturam Christi prorsus abolent, & in Deitatem mutant.*

D. I A C O B V S.

Hæc non est fidei analogia, sed ratiocinatio ex Philosophia humana, contra fidei analogiam petita.

Et si enim verum est, quòd analogia fidei doceat, Filij Dei assumptam humanam naturam esse verè humanam naturam finitam & circumscriptam, nostræ, excepto peccato, per omnia similem, quod etiam sensus nostri probant & testificantur: tamen simul eadem analogia fidei docet, quòd hæc humana natura sit cum Filio Dei in utero matris personaliter vnita, & supra omnes creaturas exaltata. Primum quidem per gratiam vnionis, per quam à puncto conceptionis omnis plenitudo diuinitatis in hac assumpta natura habitauit corporaliter, quæ omnipotentiam complectitur, seu tota hoc vocabulo potius exprimitur.

Deinde, eadem analogia testatur, quòd ad dexteram virtutis & Maiestatis Dei Patris omnipotentis hæc ipsa humana natura collocata sit in throno Deitatis proprio, *QUI IPSA OMNIPOTENTIA EST.*

Pugnat ergo hæc Bezae Philosophica collectio cum ipsa analogia fidei, quamuis ex ipsa analogia fidei, sed per fallaciam diuisionis, facta. Nam vtrumque testatur hæc ipsa analogia.

gia: Christi humanitatem propria humanitatis in se retinere, & simul omnipotentis Maiestatis Dei participem factam esse: quæ simul stare possunt. Non enim vel contraria, aut contradictoria, sed diuersa & disparata sunt, quæ se inuicem non evertunt.

Quapropter denuò insto, & à T. R. peto, vt vnum Scripturæ testimonium proferas, quo glossam tuam, & opinionem probes, quod Christo homini, seu humanitati eius, non ipsa Dei omnipotentia, sed creata duntaxat potentia data & communicata sit, mediata videlicet potestas inter angelos, beatos homines, & Deum: quæ maior sit, quam potentia angelorum, & beatorum hominum: & minor, quam potentia Dei propria. Hoc inquam, cupio mihi VNO tantum illustri Scripturæ testimonio probari.

Media potentia  
Christi ex S. Scriptu-  
ra probari non po-  
test.

D. B E Z A.

*Probet T. R. ex Scriptura sacra suam sententiam.*

D. I A C O B V S.

Ego meam sententiam non vno, sed aliquot apertis Scripturæ testimonijs probati: contra quæ T. R. nihil aliud quam glossam attulit, eaque de potentia creata interpretatus es: quam glossam autem nullo testimonio Scripturæ probare potuisti. Quod, vt adhuc fiat, oro.

D. B E Z A.

*Ego non aliter communicari, quam vniri, dico. Quara-  
tione enim Deus homo est: eadem homo, Deus & omnipo-  
tens, &c. est.*

D. I A C O B V S.

Vnionem naturarum, & communicationem proprietatum, non idem esse, sed differre tanquam causam & effectum, supra demonstratum est. Quemadmodum etiam, quam diuersa ratio communicationis proprietatum diuinarum & huma-

O o



## 290 *Colloquium Mompelgartense*

humanarum, etiam si vna vtriusque causa sit, quoque diximus. T. autem R. probet potentiam illam, quam sacra Scriptura Christo homini datam prædicat, esse qualitatem, seu creatum donum.

D. B E Z A.

An potentia Christi  
sit creatum donum.

*Dona Dei, sunt essentia Dei qualitates, 1. Cor. 12. Diuisiones gratiarum sunt, sed idem Spiritus: diuisiones ministeriorum sunt, idem autem Dominus: diuisiones operationum sunt, idem verò Deus, qui operatur omnia in omnibus. Ergo & in Christo, potentia data qualitas est.*

1. Cor. 12.

D. I A C O B V S.

Discrimen inter dona  
sanctorum, & dona  
in Christi humanitatem  
collata.  
Ioan. 3.

Col. 2.

Damasc lib. 3. cap. 7.  
& cap. 18.

Hæc sunt particularia dona, quæ Deus distribuit membris Christi, secundum mensuram donationis Christi: ideo sunt qualitates. Sed Scriptura sacra testatur, Christo datum spiritum NON AD MENSURAM. Ergo non de qualitatibus potest intelligi, quæ omnes sunt mensurate. Plenitudo diuinitatis totius habitat in Christo corporaliter, non particularia, aut particularia dona in illum collata, sicut in alios sanctos. Damascenus inquit: Diuina natura PROPRIAS SVAS EXCELLENTIAS CARNI communicat: quæ vt verè, & secundum naturam Dei voluntas facta est, omnipotens est. Et Ambrosius: Non enim Deus SVÆ SEDIS Apostolis dat consortium: Christo verò secundum humanitatem datur consortium diuinæ sedis, Tu contrarium ex sacra Scriptura proba.

D. B E Z A.

*Confiteor unitam Deitatem omnipotentem carni Christi, & nego aliam communicationem, quam unionem.*

D. I A C O B V S.

Nullum adhuc Scripturæ testimonium contra communica-

nicatam omnipotentiam audio: cuius communicationis fundamentum est vnio: non autem est ipsa proprietatum communicatio.

D. B E Z A.

*Audiuimus Cyrillum lib. 2. Theſauri, differentem: quæ ſolius diuinitatis propria ſint, diuinitati etiam ſoli tribuenda eſſe, ne natura confundantur.*

D. I A C O B V S.

Verba Cyrilli ſunt plana & perſpicua: in quam ſententiam plura alia quoque eiufdem authoris afferri poſſunt. Quibus docet, ſi quis abſolutè, & ſine reſpectu vllò vnionis cum diuinitate τὸ λόγῳ humanitati Chriſti tribueret, quod diuinitatis proprium eſt: quòd hac communicatione propriorum humanitas aboleretur, & in diuinitatem commutaretur. Sed optimus verborum ſuorum interpres eſt ipſe Cyrillus, qui ſuam ſententiam apertè ſequentibus verbis explicat, quæ heri quoque allata ſunt. Non imperitè omninò (inquit) viuificam carnem eſſe negatis. Nam ſi ſola intelligatur, nihil proſus viuificare poteſt, quippe quæ viuificatione indigeat. Cum verò incarnationis Myſterium ſcrutati fueritis, & vitam habitantem in carne cognoueritis, quamuis nihil penitus caro per ſeipſam poſſit: viuificam tamen factam eſſe credetis.

De communicatio-  
ne propriorum, Cy-  
rilli perpetua & con-  
ſtans ſententia.

Cyril. in Ioan. lib. 4.  
cap. 23.

D. B E Z A.

*Propter unionem dicimus nos quoque, hominem eſſe omnipotentem.*

D. I A C O B V S.

Verba ſunt. Nam vos per (Hominem) diuinitatem ſolam intelligitis, idque per tropum, qui Metonymia dicitur: quemadmodum apertè in veſtra reſponſione poſitum eſt: Homo eſt omnipotens, id eſt, Deitas humanæ naturæ vnita eſt omnipotens, ſine omni communicatione reali, humanitati facta: quod nos falſum eſſe, nunc aliquoties diximus, & probauimus.

Conſenſus in ver-  
bis, non in rebus.

In reſponſ. ad The-  
ſ. 8. & 9.

D. B E Z A.

Depravatio verborum Lutheri.

In respons. ad dogmat.

*Lutherus ipse reprehendit eos, qui docent, hominem Christum esse omnipotentem : cuius hæc sunt verba in sermone Natalitio super Ebr. 1. Humanitas Christi æquæ ac alius sanctus, & naturalis Homo, NON SEMPER omnia cogitavit, dixit, voluit, animadvertit, sicut quidam ex ipso omnipotentem hominem faciunt, imprudenter confundendo duas naturas, & earum operationes.*

D. I A C O B V S.

Verba Lutheri cum doctrina nostra nihil pugnant prorsus, quæ ipsius Lutheri, imò Spiritus sancti doctrina est, quam Lutherus in assertionione de Cœna Domini constanter asseruit, & apertissimis Scripturæ testimonijs confirmavit.

Lutherus de communicatione scientiæ Christi.

Lutherus in Ecclesiastica Postilla super Epistolam Dominicalem in festo Nativitatis Christi.

Nam in loco à te allegato, Lutherus reprehendit interpretationem verborum Christi, Marc. 13. (De die autem illa & hora nemo scit, neque Angeli in cœlo, neque filius, nisi pater:) quam quidam intempestivè asserunt. Non opus est (inquit Lutherus) hic glossa: filius non novit, id est, non vult scire. Quid facit hæc glossa? Humanitas Christi æquæ ac alius, homo naturalis non semper omnia cogitavit, &c. Et post verba hæc addit: Quemadmodum non semper omnia vidit, audivit, & sensit: ita etiam NON SEMPER corde suo omnia aspexit: sed quemadmodum spiritus illum duxit, & illi obvoluit. Plenus gratia & sapientia fuit, quod omnia iudicare & docere POTUIT, quæ ipsi proposita fuerunt. Idcirco hæc ex causa, quod divinitas, quæ sola omnia scit, in ipso personali ter præsens fuit. In summa, quicquid de Christi humilitate & exaltatione dictum est, HOMINI tribuendum est; quoniam natura divina neque humiliari, neque exaltari potest. Hactenus Lutheri verba, quæ apertè nostram sententiam confirmant, & opinioni D. Beze minimè patrocinantur.

Non

Non enim Lutherus negat, Christum esse omnipotentem hominem: sed tantum falsam interpretationem verborum Christi reprehendit, quæ in statu humilitatis de se ipso locutus est Christus. Quibus offendere voluit, quod non eodem modo secundum hominem omnia sciat, sicut secundum Deitatem. Cum enim Deitas sit immutabilis, & scientia Dei sit essentia eius: ideo sicut non potest non semper esse Deus, ita non potest non OMNIA semper scire. Sed quia humana natura est mutabilis, & aliunde habet, ut sciat omnia, videlicet, sicut Lutherus hic loquitur, ex personali præsencia Deitatis, quæ in statu humilitatis se non semper exeruit per humanam naturam: ideo falsam esse docet illam glossam, NON scit, id est, NON VULT scire, quem tamen omnia scire potuisse, aperte dicit. Non enim simulavit se nescire diem & horam extremi iudicii: sed cum hæc verba loqueretur, VERE ignoravit, quia se ipsum, ut Paulus loquitur, exinaniverat. Εἰς ταῦτα, inquit Paulus, euacuavit seratione humanitatis: quæ euacuatio seu exinanitio nihil simulatum fuit in homine Christo, sed serio & realiter facta est. Quemadmodum etiam filijs Zebedæi respondet: MEVM non est dare, ut hic sedeat ad dexteram, alter ad sinistram: quod non simpliciter, sed ratione suæ exinanitionis loquitur. Nam idem Christus alios ad dexteram, alios ad sinistram suam collocabit, & dicit: Ite: venite. Quapropter in serui forma hæc omnia locutus est, quasi diceret: Nunc hanc ob causam non adsum. Hæc autem euacuatio seu exinanitio præsupponit præcedentem impletionem infinitorum donorum, quod secundum hominem habuerit quidem maiestatem illam, sed non usurpare voluerit. Plenus (inquit Lutherus) erat gratia, & sapientia, quod potuit omnia intelligere, &c. Et hæc est omnipotentiae communicatio, de qua paulo post plura in tractatu de omniscientia Christi hominis dicemus.

Matth. 25.

Sed quæro, mi Domine Beza: An hæc duæ propositiones æquipolleant: Deus est omnipotens: Homo est omnipotens: Cum enim secundum tuam opinionem, nulla sit om-

## 294 Colloquium Mompelgartense

nipotentiae communicatio in natura humana: quomodo ergo homo est omnipotens? aut verè omnipotens dici potest quod tu asseris verè dici, ut maxime pertinaciter neges, humanitati omnipotentiam communicatam esse.

D. B E Z A.

Homo Christus  
quomodo secundum  
Bezam Deus &  
omnipotens sit.

Ego has propositiones non dico equipollere. Nam aliter ratione dicitur Deus omnipotens, videlicet proprie, & essentialiter IN SE, & PER SE. Homo autem dicitur omnipotens, non quod humanitati communicata sit omnipotentia: sed quia est unita omnipotenti diuinitati, quae sola est & ita manet omnipotens, ut suam potentiam nulli creaturae, & ita etiam humanitati Christi non communicet.

Sic dicimus: Illum hominem esse Deum. Intelligimus autem sub vocabulo hominis, Deitatem vel Filium Dei hoc modo: Filius Dei, qui unitus est humanitati, & Deus ipse, est Deus. Deitas enim humanitati non est communicata.

D. I A C O B V S.

Ego ex responsione vestra ad Thesin nostram 8. & 9. respondendo, quod communicationem omnipotentiae, quando humanitas dicitur suo modo omnipotens, ne quidem verbalem esse credatis, hoc est, non solum non rem, id est, omnipotentiam, sed ne quidem nomen & appellationem omnipotentiae Dei, humanitati Christi tribui verè posse doceris: quae auditu horrenda sunt. Quomodo enim hic homo verè omnipotens dici potest, cuius humanitati animae & corpori non solum neque omnipotentia: sed ne quidem nomen omnipotentiae villo modo communicatum est? Hoc, quaeso, auditores diligenter expendere velint, quomodo cum Scriptura sacra conueniat, & allatis ex ea testimonijs consensiat, quae Christo non solum N O M E N, sed rem ipsam, hoc est, Maiestatem diuinitatis propriam, & omnipotentiam aperte tribuunt.

D. B E Z A.



D. BEZA.

D. Brentius locum Ioannis primo, [ *Verbum caro factum est* ] non de *unionem naturarum*, sed de *communicatione proprietatum diuinitatis*, & *ratione donorum* exposuit, quibus Petrum Christus superet, aliàs *vnam diuinitatis unionem cum Petro & Christo fore*. Verba eius hæc sunt: Itaque *discrimen Christi & Petri non est sumendum simpliciter ab inhabitatione Filij Dei: sed à communicatione proprietatum eius*.

D. IACOBVS.

Simpliciter nego, Brentium asserere: Eandem *unionem diuinitatis cum Petro esse*, quæ est cum assumpto Homine Christo. Nam contra Petrum Martyrem disputans (qui scripserat: Sufficit Deitatem, quamuis immensam & infinitam sua hypostasi fulcire ac SVSTENTARE humanitatem, vbicunque illa fuerit) hæc verba subiungit: Certè si sententiam Martyris, quam suprà commemorauì, de *unionem personali*, rectè introspexeris, talem facit *unionem Filij Dei, & filij Mariæ virginis*, qualis est Filij Dei & omnium creaturarum, aut saltem Petri & Pauli aliorumque Sanctorum. Tantum igitur abest, vt Brentius eandem *unionem Christi & Petricum Deo asseruerit*, vt hanc tanquam omnium absurdissimam sententiam ex Petri Martyris descriptione sequi demonstrauerit, si ad constituendâ *unionem personalem* sufficiat in sua hypostasi *FVLCIRE ET SVSTENTARE*.

Quòd autem *unionem personalem per communicationem idiomatum* definiuerit, hæc causa est, quod *unionis hypostaticæ Mysterium* ita comparatum sit, vt à priori definiri non possit. Quando ergo non habemus specificas differentias: in earum locum, quæ magis nota sunt, siue propria, siue accidentia, siue operationes reponimus: quibus ab alijs rebus discernantur, vt aliquo modo quid sint, intelligi possit.

*Vnio hypostatica duarum naturarum in Christo, cur per communicationem idiomatum definitur.*

Sic

Animæ rationalis  
cum corpore vnio.

Cur duæ definitio-  
nes animæ, ab Ari-  
stotele traditæ.

Vnio animæ cum  
corpore vnde co-  
gnoscatur.

Cur D. Brentius &  
D. Iacobus Andree  
vniõnem persona-  
lem per communi-  
cationem idioma-  
tum definiuerint.

Collatio personæ  
totius Christi cum  
Petro.

Discrimen vniõnis  
diuinitatis in Chri-  
sto & Petro, vnde  
sumendum.

Sic qualis sit vnio animæ cum corpore in quolibet homi-  
ne, à priori non possumus scire. Definimus ergo à posteriori,  
hoc est, à communicatione potentiarum animæ cum corpo-  
re, qua corpus viuit, sentit, mouetur. Hinc Aristoteles, cum  
alias vniuscuiusque rei vna tantum sit definitio, duas defini-  
tiones animæ tradit: alteram, qua anima quid per se & in se  
sit, ratione potentiarum suarum describit: alteram verò ea  
ratione tradit, qua corpori vnitur, & se cum potentijs suis  
communicat. Anima, inquit, est actus corporis physici Or-  
ganici vitæ habentis in potentia. Item: Anima est, qua  
viuimus, sentimus, mouemur & intelligimus. Et cum vi-  
deamus, animam nullam harum potentiarum sine corpore  
exercere quamdiu est in corpore, sine quibus etiam corpus  
nihil agere potest, sed instar lapidis & trunci est: Ex hac com-  
municatione tanquam vniõnis consequente intelligimus,  
quanta sit vnio, & quàm arcta corporis cum anima con-  
iunctio.

Sic cum nos multò minùs Mysterium vniõnis personæ  
diuinæ & humanæ naturæ in Christo intelligamus, vt qui nos  
iplos ignoramus: D. Brentius & Collegæ ipsius, Scripturæ  
sacræ, & S. Patrum vestigia secuti, hanc admirandam vniõ-  
nem per communicationem Maiestatis diuinæ descripserunt,  
qua discrimen inter Petrum & Christum hominem conspi-  
ciatur, qui alias multa communia habent.

Non .n. negari potest, diuinitatem totam, quæ *diuinitas*  
est, & in partes non diuiditur, in Petro non solum totam ef-  
se, sed etiam in ea habitare, quæ numero non alia est diuini-  
tas, quàm quæ in Christo est. Ex quo autem minime sequi-  
tur, quod idem modus vniõnis & coniunctionis Dei cum  
Petro fuerit, qui est in homine Christo.

Vnde autem hoc discrimen sumendum, quod neque ocu-  
lis corporis, neque mente percipi potest:

Ex consequente nimirum huius admirandæ vniõnis effe-  
ctu, qui in Scriptura sacra explicatus est: videlicet à commu-  
nicatione Maiestatis, quam Scriptura sacra Christo homini  
tribuit,

tribuit, quæ nulli homini aliàs quantumvis sancto & excellenti tribuitur. Nam homo Christus dicit: Adolefcens, tibi dico, Surge: & statim refurgit. Ad hunc modum Petrus non loquitur: sed inquit, Dico tibi, in nomine IESV CHRISTI NAZARENI surge, & ambula. Vnde colligitur, alia ratione Petrum, alia ratione Christum refuscitasse mortuos: Luc. 7.  
Act. 3.

Sed ais: Quid fuscitauit mortuos? Respondeo: Omnipotens virtus diuinitatis, cuius solius proprium est mortuos refuscitare.

Cur autem homo Christus simpliciter dicit: Adolefcens, tibi dico, surge, & statim ad hanc vocem Christi adolefcens surgit? Petrus autem non simpliciter inquit: Dico tibi surge: sed dicit: IN NOMINE IESV surge & ambula: cum tamen vna & eadem sit diuina virtus, qua excitati sunt? Hic discrimen vnionis diuinitatis cum Petro, & cum homine assumpto, conspicitur: quod homo Christus propria, Petrus autem aliena virtute mortuos fuscitauit, & miracula edidit.

Quia omnipotens illa virtus diuinitatis, communicata est humanitati Christi: cuius solius humanitatis seu hominis, RESPECTV ALIORVM SANCTORVM hominum propria fuit: vt respectu illarum propria, communicata tamen à diuinitate virtute homo Christus mortuos fuscitaret: quod propter defectum communicationis huius, Petrus facere non potuit, sed semper coactus est addere: IN NOMINE IESV. Sicut Apostoli orasse leguntur, vt Dominus extendat manum suam ad sanitates, signa & prodigia efficienda per nomen sancti FILII SVI IESV. Ex qua communicatione reali in Christo facta intelligitur, longè aliam vnionem esse diuinitatis cum homine assumpto in persona Christi, quàm cum Petro.

Quomodo hominis assumpti omnipotentia simul propria & communicata sit.

Hæc mens & sententia D. Brentij, in collatione Petri cum Christo fuit, quando per communicationem Maiestatis diuinæ in Christo vnionem personalem definire, & ab alijs vnionibus D E I cum beatis hominibus discernere voluit.

Refutatio falsæ doctrinæ, D. Brentio imputatæ.

Pp

Nequa-

## 298 Colloquium Mompelgartense

Nequaquam verò eandem vnionem diuinitatis cum humanitate Christi & Petri docuit, vt discrimen duntaxat in donorum gradu vel numero collocauerit. Sicut falsò ipsi Brentio in Domino quiescenti, & mihi quoque, tribuitur: quasi doceamus aut docuerimus, quòd diuinitas *non potest* tantum adfuerit homini Christo, sicut reliquis sanctis, quos gradu donorum superauerit, & creata potentia & sapientia Deo similis, Deus & Deo æqualis dicatur. Quæ omnia ne per somnium quidem Brentio aut mihi vnquam in mentem venerunt.

Cur Brentius vnionem personalem per communicationem idiomatum definiuerit

Ioan 3.  
Col 2.  
Ioan 1.  
1. Cor. 12.  
Rom 12.

Sed per hanc collatam Maiestatem, homines aliquo modo ad illam admirandam & ineffabilem vnionem diuinitatis cum assumpto homine Iesu Mariæ filio perducere voluit, quæ toto genere ab omni alia vnione diuinitatis cum sanctis hominibus differat: in qua Spiritus Christo non ad mensuram, sed sine mensura donatus est. Neque potentia aliqua creata sed OMNIS plenitudo Deitatis ei communicata est: ex qua plenitudine nos omnes accepimus dona, secundum mensuram donationis Christi.

D. B E Z A.

*Dico, nos non negare: homini huic datam omnipotentiam, quia homo ille est Deus: sed nego humanitati datam esse. Sicut enim dici non potest: Humanitas est Deitas: ita etiam dici non potest, humanitas est omnipotens.*

D. I A C O B V S.

Hæc nunc aliquoties audita & à te repetita sunt: & quomodo sub vocabulo (Homo) Deitatem solam absque humanitate intelligas & lectori fucum facias, ex responsione vestra ostensum est. Sed peto VNVM, VNVM duntaxat Scripturæ sacræ testimonium, quo hanc glossam probes, quæ assertis, & toties repetis, atque inculcas: si humanitati à Filio Dei assumptæ communicata esset omnipotentia, quòd in Deitatem conuersa esset: Hoc quæso proba.

D. BEZA.

D. B E Z A.

*Hoc perinde est, ac si quis peteret à me testimonium Scriptura, ut probem, quod simus Mompelgardi. Res aperta & manifesta est: ideo nullo Scriptura testimonio indiget.*

D. I A C O B V S.

Contrarium ego ex Scriptura aperte & manifestissimè probavi, & similitudine ferri igniti demonstraui: ad quæ testimonia tu nihil aliud, quàm glossam contra apertum textum attulisti, eamque nullo Scripturæ testimonio probare potes, quòd videlicet potentia hominì Christo data, sit creata qualitas & donum creatum.

D. B E Z A.

*Certum est, omnia dona hominibus data, esse qualitates creatas. Quapropter cum Christus sit caput corporis, quòd dicitur Ecclesia: ideo certum est, etiam dona eius humanitati data, esse qualitates creatas, quorum numero & excellentia, Christi humanitas non modò omnes beatos homines, sed etiam Angelos superat.*

Beza argumentum à membris ad caput.

D. I A C O B V S.

Ego simpliciter nego consequentiam. Omnibus enim pijs & fidelibus sunt creata dona collata, quia non sunt hypostatiguenti. cè cum Deo vniti. Et Scriptura sacra aperte testatur, quòd membrorum corporis Christi omnia dona sint mensurata, nec vni cuncta dederit Dominus, sed secundum mensuram donationis Christi, quantum cuique sufficit: Sed Christo cuncta dedisse sine mensura, Spiritus sanctus adeoque ipse Christus de se testatur: Et omnem plenitudinem, non donorum creatorum, sed totius diuinitatis, inquit Paulus, in Christo habitare. His verbis Spiritus sancti, conscientia pij hominis turò inhærere, & in eis acquiescere potest: cum deglossa vestra nullo Scripturæ testimonio confirmata semper dubitare cogatur, an sit vera vel falsa. Sed cum nullo Scripturæ testimonio probari possit, potentiam humanæ na-

1. Cor. 12. 14.  
Rom. 12.  
Ioan. 3. 13.  
Col. 2.

Pp 2

næ na-

EZA.



## 300 *Colloquium Mompelgartense*

næ naturæ Christi datam, creatum donum esse: videamus etiam de reliquis Dei attributis, quæ sunt, omniscientia, omnipræsentia, viuificatio, & religiosa adoratio: (nam hæc omnia sunt Deitatis propria) an ea quoque assumptæ humanitatis Christi communicata sint.

D. B E Z A.

Confes. D. Beza de  
communicatione  
attributorum Dei-  
tatis.

*Quid opus est de singulis dicere? cum omnium attributorum Dei eadem sit ratio & communicatio. Si enim demonstraueris, unum Dei attributum proprium communicatum esse: de reliquis nihil disputandum cenſeo.*

D. I A C O B V S.

Omnipotentiam diuinitatis, humanitati Christi assumptæ communicatam esse: luce meridiana clariùs apertis Scripturæ testimonijs me demonstrasse, confido. De quo iudicium sit penes auditores.

Deinde, non ignoras, quosdam omnipotentiam & omniscientiam tribuere Christi humanitati: sed omnipræsentiam communicatam esse, negare & oppugnare. Ideo etiam de illis dicendum erit.

D. B E Z A.

D. Heshusij opinio,  
quomodo à Beza  
damnata.

*Scio Doctorem Heshusium hoc facere: sed toto cælo errare, & stultè facit. Nam si una proprietas diuinitatis naturæ humana communicata est, reliquæ omnes communicatæ sunt. Id si tu de una demonstraueris: ego de reliquis tecum nihil prorsus contendere aut disputare volo.*

D. I A C O B V S.

Age ergo, vt de reliquis quoque placidè conferamus, id quæ potissimum propter auditores, vt videant & cognoscant, nos ex parte nostra Christo homini seu humanitati

eius nihil tribuere, quod non Scripturę sacrę apertis testimonijs (qua sola, fides nostra Christiana nititur) probari & demonstrari possit.

D. B E Z A.

*Si ita placet, fiat.*

D. I A C O B V S.

Nos Christo homini, hoc est, humanitati eius, omniscientiam realiter communicaram asserimus. Quod autem vera sit hæc nostra doctrina, hoc argumento confirmo. Cuiusque datus est spiritus sine mensura: huic omniscientia data est. Sed Christo homini seu secundum humanitatem datus est spiritus non ad mensuram. Ergo data est illi etiam omniscientia. Probatio minoris propositionis: Ioan. 3. scriptum est (Quem misit Deus, verba Dei loquitur. Non enim ad mensuram dat Deus Spiritum. Pater diligit filium, & omnia dedit in manu eius.)

II. De omniscientia.  
Humanæ naturæ in Christo, omniscientia verè & realiter communicata.

D. B E Z A.

*Concedo, quòd omnia dona Spiritus sancti sint data Christo sine mensura, quæ sunt creata qualitates. Et sic concedo etiam nunc Christum in gloria OMNIA SCIRE, quæ prius in statu humilitatis seu exinanitionis non sciuit: quia nunc gubernationem omnium tenet.*

D. I A C O B V S.

Quæro igitur: An spiritus Christi humanus, hoc est, anima Christi nunc in gloria omnia sciat, quæ Deus scit?

D. B E Z A.

*Non dubito, etiam nunc OMNIA scire, QUAE prius non sciuit, cùm in statu exinanitionis esset. Et suprâ dixi: Lutherũ in Serm. Natalitio distinguere inter cognitionem*

Pp 3

huma-

## 302 Colloquium Mompelgartense

*humanitatis & diuinitatis Christi : quòd Christus multis ignorauerit secundum humanam naturam , quæ secundum diuinitatem nouerit. Et fatetur ipse Lutherus , se etiam sæpe errasse in hoc & in alijs Scripturæ locis , quòd natura tribuerit , quæ persona conueniunt : & contra.*

D. IACOBVS.

An Lutherus suam doctrinam de persona Christi reuocauerit.

Quo anno hæc scripsit Lutherus? Nam à vestris fratribus hæc eadem Lutheri verba , in hunc potissimum finem proferuntur & allegantur , vt probent : Lutherum ipsum doctrinam suam de persona Christi reuocasse. Potissimum verò illa , quæ de persona Christi in Maiori Confessione de Com Domini , & in libro cui titulus est : Quòd verba Christi (Hoc est corpus meum) adhuc firma & immota persistant , scripserit. Ideò quæro , quo anno hæc scripserit?

D. B E Z A.

*Ego nescio.*

D. IACOBVS.

Lutherus cùm tyro esset , in sacrarum literarum studio sæpe errauit.

In Epistola dedicatoria ad Comitem Mansfeldensem notatum est tempus , quo hæc Lutherus scripsit : videlicet , anno Domini 1521. editam Postillam istam , quam præcedentibus annis scriptam esse docet. Quomodo ergo his verbis Lutherus ea retractare potuit , quæ anno 1527. & 1528. hoc est , sex vel septem annis post scripsit? Non enim posteriora per priora , sed priora per posteriora scripta corriguntur. Sensus ergo verborum Lutheri in sua Ecclesiastica Postilla est : cùm adhuc tyro sacrarum literarum esset , fatetur , quòd sæpe in eiusmodi Scripturæ sententijs errauerit , & naturæ tribuerit , quod personæ est.

Celsario scriptorum Lutheri , ratione temporis.

In posterioribus autem scriptis non amplius hac ignorantia laborauit , sed ex vera & genuina interpretatione Scripturæ sacræ testimoniorum , contra hostes veritatis solide disputauit , & eisdem verbo Domini profirauit , Scripturam enim per

per Scripturam interpretatus est : qui optimus modus interpretandi est. Et explicatione dexteræ Dei , non ex humanis glossis , sed apertissimis sacræ Scripturæ verbis demonstravit : Christo secundum humanam naturam omnipotentiam diuinitatis propriam verè & realiter communicatam esse. Et regula Lutheri supra posita , omnibus sacrarum literarum studiosis , tyronibus maximè , valde necessaria est : Ne tribuant naturis , quod personæ est , ne naturas confundamus aut separemus : de quo alias.

Sed quero ampliùs : An Christi anima nunc in gloria , omnia sciat , etiam cogitationes hominum ?

An Christi anima  
etiam cogitationes  
hominum sciat &  
videat.

D. B E Z A.

*Nescio. Ex reuelatione diuinitatis potest scire , quantum vult scire , & quantum illi opus est.*

D. I A C O B V S.

Sic quoque olim Heydelbergenfes Theologi scripserunt , Christum scire , quantum velit scire , & quantum illi opus sit ad exercendum iudicium : tantam etiam Dei ipsius , & operum Dei cognitionem habere , quantum ei conueniat scire. Quæ vox in auribus piorum hominum non modo dura , sed planè impia est. Quasi verò Christus secundum humanitatem suam nondum perfectam Dei , & operum eius cognitionem habeat :

D. B E Z A.

*Illi quid scripserint , ego ignoro : ipsi pro se respondeant. Ego dico , Christum secundum humanam naturam nunc scire omnia , QUAE VELIT SCIRE.*

D. I A C O B V S.

Vult ne homo Christus omnia scire ?

D. B E Z A.

*Nescio. Non sum cum illo hac de re collocutus.*

D. I A C O B.

# 304 Colloquium Mompelgartense

D. I A C O B V S.

Est ne homo Christus secundum humanum suum spiritum, hoc est, secundum animam seu animâ suâ καὶ σῶμα  
545?

D. B E Z A.

NON.

D. I A C O B V S.

Cum in terris versaretur, an non suo humano spiritu vidit cogitationes in cordibus hominum? Item: Oporteret illum cogitationes hominum scire, quia futurus est iudex viuorum & mortuorum, qui etiam cogitationes cordium est iudicaturus & puniturus, voluntati & legi diuinæ contrarias.

D. B E Z A.

*Solus Deus est καὶ σῶμα ὧν καὶ, id est, scrutator cordium: communicat autem humanitati, quæ vult: cuius animæ habet scientiam, quæ est qualitas: Et tantam scientiam, quantam vult Deitas. Sic Deitas Christi, cum Christum localiter & visibiliter in terris versaretur, vidit cogitationes cordium, & humanitati reuelauit, quantum voluit & quando voluit. Talis etiam nunc est gloriæ eius ratio, sed excellentissima, quanta in creaturam cadere potest: qualitas tamen & donum creatum.*

D. I A C O B V S.

Quomodo Deus omnia viderit & no-  
uerit.

Psal. 139.

Quomodo Deus cogitationes in cordibus hominum videat, nos non intelligimus. Non enim, sicut nos, per senescentiam prospicit, vt videat, quid in terris agatur. In Psalmo scribitur: Intellexisti cogitationes meas de longè. Sic quoque de Christo non queritur, quomodo cogitationes hominum viderit: sed an viderit etiam tanquam homo? Tu respondes: ex reuelatione diuinitatis habere; de quo minime  
quæsi-



quaesitum fuit. Testantur autem Euangelistę de homine Christo, quod viderit cogitationes Phariseorum, & aliorum, qui-  
 bus cum conuersabatur, malorum maximę. Quid male cogi-  
 tatis, inquit, in cordibus vestris? Ergo Christus etiam quate-  
 nus homo, est καὶ ἰσχυρός, & nouit cogitationes homi-  
 num, non solum vt Deus, sed etiam tanquam homo.

Matth. 9.  
 Mar. 2.  
 Luc. 5.

D. B E Z A.

*Scientia Dei est absoluta. Sed scientia hominis est quali-  
 tas, qua homo scit ea, qua Deus reuelat.*

D. I A C O B V S.

Nostra cognitio in altero seculo non erit talis, qualem vos  
 ipsi Christo asingitis. Sicut Apostolus testatur: scientia de-  
 structur: ex parte enim cognoscimus, ex parte prophetamus;  
 cum autem venerit quod perfectum est, euacuabitur, quod  
 EX PARTE est. Nunc cognosco ex parte: Tunc autem  
 cognoscam, SICVT COGNITVS SVM. Si ergo in  
 nobis quod ex parte est, abolebitur: & sicut à Deo cogniti su-  
 mus, cognoscemus: multo minus illud (EX PARTE) hu-  
 manitari Christi in cognitione Dei & operum eius, tribuen-  
 dum est.

Differentia cogni-  
 tionis in hoc & in  
 futuro seculo.  
 2. Cor. 13.

D. B E Z A.

*Humanitas Christi, quia creatura est & finita, ideo sci-  
 entia eius quoque est finita qualitas, etiamsi omnium crea-  
 turarum scientiam superet.*

D. I A C O B V S.

Sed hæc finita humanitas, habet in se corporaliter inha-  
 bitantem infinitam plenitudinem Deitatis: & accepit spiri-  
 tum non ad mensuram. Ergo non potest esse qualitas, seu sci-  
 entia finita: sed ipsius Dei propria scientia infinita. Quic-  
 quid enim mensura caret, immensum & infinitum est, Spiritus, Ioan. 3.

Scientia Christo da-  
 ta non est mensura-  
 ta.  
 Col. 2.

Q 9

quem

## 306 Colloquium Mompelgartense

quem Christus accepit secundum hominem, sine mensura datus est. Ergo infinita & non mensurata est eius cognitio atque scientia.

D. B E Z A.

*Spiritus, pro donis Spiritus sancti accipitur. Ioan. 7. cap. legimus: [Nondum erat spiritus, id est, dona Spiritus sancti.]*

D. I A C O B V S.

Ut maxime tibi concederem, quod eo loco (Spiritus) pro donis Spiritus sancti accipiarur, quod rectius de reuelatione Spiritus sancti, quam de donis Spiritus sancti intelligitur: tamen restrictio, Ioan. 3. apposita: per e indicat, dictum Christi non de creatis donis intelligi posse, sicut Ioan. 7. Non enim absolute ponitur vocabulum spiritus, sicut in allegato loco, Ioan. 7. sed additur: NON ad mensuram: quibus verbis a creatis donis manifeste distinguitur. Nam nihil caret & est sine mensura, præterquam SOLVS DEVS.

D. B E Z A.

*Est ne Spiritus sanctus humanitati Christi essentialiter datus?*

D. I A C O B V S.

Ambiguum est vocabulum (Essentialiter.) Ego dico hoc in loco intelligi ipsum Spiritum sanctum, non dona Spiritus sancti creata: quæ non sunt Spiritus S. sed Spiritus sancti effectus, seu opera in sanctis. Hic Spiritus S. est datus Christo homini absque mensura: secundum illud, Ioan. 1. (Super quem videris Spiritum S. descendentem & manentem super eum.) Si igitur Spiritus non ad mensuram datus, esset donum creatum, tum Spiritus S. tertia Trinitatis persona esset quiddam creatum: quod absurdum & planè impium est dicere.

D. B E Z A.

*Tu transis à persona Filij ad Spiritum. Cum enim dixeris humanitatē à diuinitate Filij & eius communicatione habere infinita et increata dona: nunc Spiritui S. attribuis & ascribes.*

D. I A.

D. IACOBVS.

Collatio hæc donorum, qui Spiritui sancto tribuitur, nullam facit confusionem personarum. Cum enim Spiritus sanctus sit Patris & Filij communis Spiritus: ideoque quicquid Spiritus sanctus donorum in assumptam naturam humanam confert, id totius diuinitatis, Patris & Filij & Spiritus sancti opus est, à quibus Spiritus sanctus accipit.

Quomodo eadem dona non mensurata à Filio Dei & Spiritui sancto humanitati Christi data sint.

Habet igitur assumpta humanitas à diuinitate filij infinitam potentiam & scientiam per Spiritum sanctum collaram, sicut scriptum legimus: Super quem videris Spiritum sanctum descendentem & manentem. Non dicit: Super quem videris dona Spiritus sancti descendere. Cum igitur hunc Spiritum sine mensura habeat: ideo Ioannes dicit, de plenitudine eius nos accepisse: quæ infinita est, non mensurata aut creata.

D. BEZA.

*Virgo, Christum etiam secundum humanum spiritum omniscium esse?*

D. IACOBVS.

Sic sentio. Non enim volo dimidium Christum habere, sed TOTVM, Deum & hominem, & maxime hominem, de quo Epistola ad Hebræos testatur: Non habemus Pontificem, qui non possit compari infirmitatibus nostris, tentatum per omnia, absque peccato. Item: IN QVO passus est ipse tentatus, POTENS est & eis qui tentantur, auxiliari. Summæ autem tentationes internæ sunt in cordibus piorum: quas, si Christus quatenus homo est, *καρδιογυῶνς*, id est, scrutator cordium non est, non videret: & maxima consolatio nobis in eiusmodi tentationibus adempta esset.

Christus secundum humanum spiritum omniscius.

Heb. 4.  
Heb. 2.

Vt enim maxime Christum hominem adorarem, & miseriam meam in sinum eius effunderem: tamen si cogitationes cordis mei non nouit: quæ consolatio, quæso, in homine Christo mihi repolita esset?

Qq 3

D. BEZA.

# 308 Colloquium Mompelgartense

D. B E Z A.

*Non est dimidius sed totus Christus, qui omnipotens, omniscius, & omnipræsens est. Non autem totum Christi est omnipotens. Sola enim diuinitas est omnipotens: Humana verò natura non est omnipotens.*

D. I A C O B V S.

Præstigias verborum, & nihil nisi verba esse, supra ostendimus, cum dicunt aduersarij nostri: Totus Christus est omnipotens, omniscius, omnipræsens. Nam sine humanitate Christus non est totus Christus, sed ὅλον & duntaxat. Ad totum Christum autem requiritur etiam humanitas: quam cum apertè ab omnipotentia excludant, quomodo ergo totus Christus Deus & homo omnipotens esse aut dici potest?

D. B E Z A.

Ludus Sophisticus  
in vocabulis, T O -  
T V S & T O T V M.

*Vocabulum [T O T V S] nomen persona est, quæ omnipotens est. Nomen autem [T O T V M] ad naturas refertur: quarum altera tantum omnipotens est, videlicet diuina natura, non autem humana natura. Ideoque totum Christum, non autem totum Christi, hoc est, humanitatem eius quoque omnipotentem esse dicimus.*

D. I A C O B V S.

Deceptio & Sophistica sub vocabulo,  
T O T V S, latitans.

Christus sine humana natura non est totus Christus.

Totus Christus & totum Christi, & qui-  
pollentia.

Deceptio later sub vocabulo, T O T V S. Nam si candidè hoc vocabulo (T O T V S) de Christo vtaris: significat personam, quæ duabus naturis, & non vna duntaxat natura constat. Si quis ergo dicat: Totus Christus est omnipotens: & intelligat hoc tantum de diuina natura, exclusa humana: manifesta est deceptio & Sophisticatio. Nam sola diuina natura non est totus Christus, sed ad totum Christum requiritur etiam humana natura. Ideoque (Totus Christus, & Totum Christi: ) æqui-

fi) æquipollent, cum totum Christi nihil aliud sit, quam Filius Dei & assumptus homo : Et totus quoque Christus nihil aliud est, quam Filius Dei, cum assumpta natura humana. Sicut Augustinus disertis verbis testatur: Accipe, inquit Augustinus, totum Christum, verbum, mentem rationalem ac carnem. Hoc totum est Christus.

August. Tract. in Ioan. 23.

Totus ergo Christus, Deus & homo, est omnipotens, si naturas ratione vnionis personalis consideremus: quamuis quo ad naturas, si considerentur proprietate essentiae, non eadem ratione. Nam λόγος seu natura diuina τὸ λόγος, siue in vnione, siue extra vnionem considerata, IN SE ET PER SE semper est omnipotens & omnisca. Humana autem natura non IN ET PER SE, sed ratione vnionis & factæ participationis omnipotens & omnisca est, quæ à filio Dei omniscio habet, vt ipsa quoque omnisca effecta sit. Quando autem dicitur: Totum Christi non est omnipotens: Naturæ non ratione vnionis, sed in se & per se considerantur, & hoc modo verum est, quod dicitur: Totum Christi non est omnipotens: quia natura humana per se & in se, id est, proprietate naturæ suæ non est omnipotens, sed tantum ratione vnionis & in vnione.

Totus & totum Synonyma. Christus totus quomodo verè omnipotens.

Totum Christi non est omnipotens, quomodo verè dici possit.

Hæc vera & germana sententia est huius dicti: Christus omnipotens, omnisca, & ubique est T O T V S, sed non T O T V M. Quod si quis aliter interpretetur, sicut aduersarij nostri, sophisticatur & simplicia corda decipit.

D. B E Z A.

Cum dicitur: Christus totus est omnipotens: intelligo Filium Dei non ab humanitate separatum, sed cum ea personaliter unitum. Hoc verò nihil obstante, verè tamen possum dicere, quod sit omnipotens, etiamsi humana eius natura non sit omnipotens.

Fallacia diuisionis: Beza.

D. I A C O B V S.

Noua hæc fallacia est, quæ dicitur diuisionis. Nam vocabulum,

Qq. 3



## 310 Colloquium Mompelgartense

*Christus totus est  
omnipotens, dupli-  
citer potest intelli-  
gi.*

bulum (Totus) in enunciatione D. Bezae, non refertur ad prædicatum (est omnipotens:) sed ad subiectum (Christus). Ut hæc sententia sit: Christus totus, id est, Filius Dei ab humanitate non separatus, sed cum ea vnitus, est omnipotens. Hac ratione enuntiatio est vera, etiam si de vna duntaxat natura intelligatur. Quando autem vocabulum (TOTVS) ad prædicatum (omnipotens) refertur, hoc modo: Christus est totus omnipotens: tum est falsa, si de vna tantum natura intelligatur: quod aduersarij nostri faciunt.

D. B E Z A.

*Dona Christi hominis, inter quæ etiam scientia ei numeratur, & reliquorum sanctorum hominum dona, differunt secundum maius & minus: quæ pariter omnia, & non minus in Christo quàm in sanctis, creata Dei dona sunt.*

D. I A C O B V S.

*Dona Christi & san-  
ctorum, non tantum  
secundum magis &  
minus differunt.*

Ephes. 4.  
1 Cor. 12. 14.  
Rom. 12.  
Psalm. 69.

Dona Christi & sanctorum hominum, tantum secundum magis & minus differre, nunquam concessero. Nam ex vni-  
one personali habet Christus homo, quod vnctus est oleo Spi-  
ritus sancti præ confortibus suis: Idque non gradibus dono-  
rum. Nam scientia Christi hominis toto genere differt à san-  
ctorum scientia: quod dona nostra singulis secundum men-  
suram donationis Christi sint distributa, hoc est, sicut Chris-  
tus homo singulis mensus & partitus est, qui in altum asce-  
dit, vt daret dona hominibus. Sed ipsi Christo homini spiri-  
tus datus est non ad mensuram.

D. B E Z A.

*Metonymia D. Bezae.*

*Effectus accipit nomen causæ, vt spiritus pro donis Spi-  
ritus S. intelligatur: quæ Christus simul omnia summè &  
plenissimè habuit in sua humanitate. Quia Deitas duplici-  
ter in ipsius humanitate est, videlicet, tanquam λόγος &  
Spiritus S. quod alijs sanctis non accidit. Nullus enim e-  
rum omnia dona Spiritus sancti habuit: neque vlli datus  
fuit, præterquam homini Christo.*

D. I A C O.

## D. I A C O B V S.

Hanc glossam euertunt verba Baptistæ: non ad mensuram dat Deus spiritum. Nam si omnia dona omnium sanctorum in vnum cumulum congeras, quemadmodum ipsi sancti sunt numerabiles, sic etiam dona illa numerari possent, si in vno Christo homine omnia eo modo, de quo aduersarij loquuntur, concurrerent. Sed Baptista inquit: Filio datus est spiritus non ad mensuram. Ergo nullo modo de creatis donis intelligi potest, sed de ipsius Spiritus sancti increatis donis, quibus intelligitur participatio diuinæ & Deo propriæ scientiæ, quæ homini Christo tota collata est, vt nunc etiam sciat, quæ Deus scit, neque quicquam ab eo absconditum aut reconditum sit, quod non sciat. Ioan. 9.  
Christus homo omniscius est.

## D. B E Z A.

*Si talis scientia humanitatis Christi communicata esset, sequeretur, quod humanitas Deitas facta esset: quod impossibile est.*

## D. I A C O B V S.

Profer vnum (vnum inquam) Scripturæ testimonium, quo hanc sententiam probes, quod videlicet illa scientia in homine Christo sit creatum donum, aut quod non possit fieri omniscius, nisi humanitas in Deitatem conuertatur: & paratus sum tibi respondere. Non enim satis est hoc dicere, sed oportet etiam probare, non humana Philosophia, sed verbo Dei ex Scriptura sacra deprompto, quod testatur: in Christo omnes thesauros sapientiæ & scientiæ absconditos esse, idque sine mensura. Quibus testimonijs magis tuò conscientia & fides hominis nititur, quam rationis humanæ argumentis & glossis, quæ manifeste & aperte verbo Dei opponuntur.

## D. B E Z A.

*Illud quod dicitur: Filio datū spiritū nō ad mensurā: fateor ad solū Christū pertinere. Sed dicitur de nobis quoque, quod simus*

*simus vnus spiritus cum Christo. Item, Rom. 8. Qui spiritu Dei ducuntur, Filij Dei sunt. Aliam ergo diuinitatem Spiritus Christo homini tribuis, & aliam sanctis hominibus: qui sunt Christi membra, & eiusdem spiritus participes.*

## D. IACOBY S.

Vnus spiritus in homine Christo & sanctis: sed non vna & eadem communicacionis ratio.

Vna quidem est diuinitas Spiritus sancti in homine Christo, & in alijs sanctis hominibus, qui sunt Christi membra sed non vna & eadem est eiusdem participatio seu communicatio. Nam in homine Christo omnia sunt sine mensura, hoc est, increata, immensa, & infinita: in omnibus alijs autem sanctis hominibus, Christi membris, omnia sunt creata, mensurata, finita dona communicata. Quæ communicatio ratione particularium donorum, non solum gradibus & numero donorum, sed toto genere, sicut vnio quoque humanitatis cum Filio Dei in Christo facta, differt. Quorum donorum in sanctis, Christus ipse quoque Deus & homo, largitor & dispensator est, quæ ex eius plenitudine infinita, omnia eius membra accipiunt.

III. De omnipræsentia Christi secundum humanitatem.

In Respons. ad The-  
sin 13. 14.

Sed quoniam nullum Scripturæ testimonium profertur, quo probetur: Scientiam hominis Christi, creatum donum esse: nos ad aliam Thesin vestræ responsionis accedamus, videlicet, de omnipræsentia Christi hominis, quam in vestris scriptis Vbiquitatem appellatis: qua nos asserimus: quod Christus non solum sua Deitate, sed etiam assumpta sua humana natura, vbique præsens sit. Quam doctrinam tanquam nouum & in Ecclesia prius inauditum dogma rejicitis & damnatis. Ego autem illam non minus illustribus sacre Scripturæ testimonijs, quam omnipotentis & omniscientis communicationem in humanitate Christi realiter factam probabo, & ad oculum demonstrabo: si modo expressus Spiritus S. verbis fides habeatur, Argumentum est tale:

Quicumque

Quicumque implet omnia, ille ubique præsens est. Homo à filio Dei in unitatem personæ eius assumptus, implet omnia. Ergo homo ille assumptus ubique præsens est.

Argumentū pro omni præsentia Christi hominis.

Maior probatur primum testimonio & autoritate Ieremiæ, cap. 23. Cuius verba sic sonant: Putasne Deus è vicino ego sum, dicit Dominus? & non Deus de longè? Si occultabitur vir in absconditis, & ego non videbo illum, dicit Dominus? Nunquid non cœlum & terram ego impleo? Et illud Elia: Cœlum sedes mea, & terra scabellum pedum meorum.

Hæc verba D. Osiander ex libro recitavit.

Probatio minoris propositionis, Ephes. 4. Christus ascendit super omnes cœlos, ut omnia impleret, quod de Christo filio hominis, seu respectu humanæ naturæ dicitur. Ex quo sequitur, quod Christus homo, qui super omnes cœlos ascendit, nunc omnia impleat, & omnibus præsens sit. Vnde etiam dulcissimæ promissiones eius: Ero vobiscum omnibus diebus, usque ad consummationem seculi. Item: Vbi duo vel tres congregati sunt in nomine meo, IBI SUM IN MEDIO ipsorum.

Esa. 66.

Matth. 28.  
Item 18.

D. B E Z A.

Ad maiorem propositionem syllogismi respondeo: Quod is, qui implet omnia, sit verus Deus, non autem homo. Quapropter non simpliciter de Christo concedo, sed de solo Deo vero. Quisquis igitur non est Deus, de eo non concedo, sicut de humanitate Christi, quæ non est Deus. Omnia enim implet Deus, sed non humanitas.

An solus Deus omnia impleat.

Ad minorem propositionem, ubi dicitur: quod Christus impleat omnia: idq; ex verbis Pauli Ephes. 4. probatur, qui testetur: Christum sua humanitate ideo ascendisse supra omnes cœlos, ut omnia impleret, respondeo: quod verbum [implere] nō referatur ad substantiam vel diuinitatis, vel humanitatis, sed ad officium Christi. Quo Apostolus demonstrare & docere voluit, iam officium Christi consummatū, hoc est, omnia per Christum impleta esse, quæ ad ipsius officium per-

An humanitas Christi etiam omnia impleat.

Et

tinebant.

# 314 Colloquium Mompelgartense

tinebant. Nam ascensus Christi in cælum finem imponit Ministerio Christi in terris peracto. Ideoq; peractis rebus omnibus in terris sibi à patre mandatis, ascendit ad cælos, ut ostenderet, nihil superesse, quod non impleuisset. Sic verbo hoc implendi Christus quoque usus est, cum à Ioanne baptizaretur. Sine modo, inquit: Sic enim decet nos implere omnem iustitiam.

Matth 3.  
Attulit hic verba Vi-  
gilij, Orig. homil. 13.  
in Matth.

D. IACOBVS.

Explicatio vera ver-  
borum Pauli.  
Ephes. 4.

Verba textus Pauli apertissima glossæ & interpretationi manifestè repugnant, neque eam admittunt, quam hoc loco Beza affert. Nam quæ commemorata verba Pauli præcedunt, apertè testantur hic de præsentia Christi ascendentis agi, non de consummatione officij eius, sed de locis superis & inferis apertè mentionem fieri. Verba sic sonant: Quod autem ascendit, quid est, nisi quia & descendit primum in inferiores partes terræ. Qui descendit, ipse est, & qui ascendit supra omnes cælos, ut omnia adimpleret. Hactenus verba Pauli. Vbi vocabula, in altum, ad inferiores partes terræ, supra omnes cælos, ascendere, descendere, nullam partem officij Christi expriment, sed solum de varia Christi præsentia loquuntur, qualiscunque eius ratio sit.

De ascensu Christi  
nihil carnale cogi-  
tandum.

Diligenter autem obseruandum est, quòd Paulus non dicit: Eum ascendisse in cælos, vel ad cælos, sed supra cælos. Et quidem addit: supra omnes cælos: Ne quid carnale de hoc Christi ascensu cogitemus.

Neque diuinitas ne-  
que humanitas  
Christi localiter im-  
plet omnia

Ex quo etiam docemur, vocabulum (implere) idem ad Ephesios, quod Ieremie. 23. significare, videlicet, veram præsentiam, qua Deus & homo Christus vbique adesse dicitur, etsi alio modo diuinitati Christi, quàm humanitati eius tribuatur. Nam diuinitas seipsa, per se, sine respectu alterius, implet omnia. Humanitas autem non per se, aut suæ naturæ proprietate, sed respectu & participatione diuinitatis & maiestatis eius qua indiget, implet omnia: non tamen carnaliter, physice, aut localiter de vtraque accipiendum & intelligendum esse dicimus.

Quam



Quamvis enim essentia diuinitatis sit infinita, quæ cælum & terram essentialiter implet, & omnibus rebus creatis præsens est: tamen quia Deus non est magnus mole & quantitate, sed virtute, nulla corporalis extensio aut diffusio imaginanda est localis, qua essentia diuina in creaturis præsens sit, quemadmodum stramen in sacco, aut panis in cibario est. Sed, sicut Augustinus loquitur, IN SE IPSO vbique præsens & est, & omnia implet: quem præsentis modum ratio & intellectus humanus non percipit.

Deus sua essentia  
quomodo omnia  
impleat.

August. Epist. 57. ad  
Dard.

Quum igitur humanitati Christi tribuatur, quod ipsa quoque omnia impleat cum diuinitate, cum qua personaliter vnita est: quamprimum de hac impletionem cogitare incipimus, localis extensio in omnia loca procul remouenda est. Sed cogitandum de participatione diuinæ Maiestatis, ad quam Christi caro ascendisse dicitur, & collocata ad dextram virtutis Dei, quæ neque locus est, neque in loco, sed cælum & terram, & omnia implet. Et cum diuinitas non sit extensa aut diffusa, nulla quoque humanitatis Christi coextensio vel diffusio imaginanda est: sed respicienda maiestas, quæ cælum sedem, & terram scabellum pedum eius constituit. Quæ omnia si quis physice & localiter de Deo intelligat: quam absurdas & impias, de ipso Deo, ne dicam de humanitate Christi, cogitationes in animis hominum gignet?

Quomodo de omni-  
præsentia humani-  
tatis Christi cogitan-  
dum sit.

Humanitas Christi  
non est coextensa  
cum diuinitate.

Absurda refutatio  
omnipræsentis hu-  
manitatis Christi.

His omnibus necessario positis, euanescent omnia argumenta vestra, quibus hactenus contra præsentiam illam spirituales & cœlestem humanitatis Christi, & omnipræsentiam eius, qua omnia Christus tanquam homo etiam implere dicitur, disputatum est. Ad quam explicandam & refutandam, varijs similitudinibus vestri Scriptores vsi sunt. Nam diuinitatem orbibus seu circulis cœlestibus, corpus Christi autem corporibus planetarum comparantes, sic ratiocinati sunt: Quemadmodum orbis seu circulus planetæ semper est, ubi corpus planetæ est, quia orbem seu circulum suum nunquam egreditur. Non autem est contra, ubi orbis planetæ est, etiam corpus

Carnales, crasse, &  
absurdæ similitudi-  
nes contra omni-  
præsentiam huma-  
nitatis Christi.

*r.*  
Similitudo de orbi-  
bus, & corporibus  
planetarum: & ine-  
pta contra Maiesta-  
tem hominis Chri-  
sti argumentatio.

## 316 *Colloquium Mompelgartense*

planetæ est: quia orbis planetæ maioris ambitus est, quam corpus planetæ. Ita diuinitas quidem præsens est, vbicunque assumptus homo est: sed non contrà, vbi diuinitas est, ibi assumptus homo quoque præsens est.

2.  
Similitudo gemmæ  
in annulo.

3.  
Similitudo Antvver-  
piæ, & Oceani.

Idem similitudine gemmæ in annulo pariter explicarunt. Et in Maulbronnenſi Colloquio, Heidelbergenses Theologi comparatione & exemplo Antvverpiæ & Oceani, hoc modo contra nos argumentati sunt: Quemadmodum non sequitur, Oceanus circumluit vniuerſum orbem terræ: Antvverpia coniuncta est cum Oceano: Ergo Antvverpia etiam circumluit vniuerſum orbem terræ: Sic quoque non sequitur, si propter coniunctionem Verbi cum humanitate assumpta, ipsam humanitatem etiam in Christo vbique præsentem asserere velimus, vbicunque diuinitas præsens est.

Ad eundem quoque modum, similitudine capitis & membrorum in humano corpore, stipitis & ramorum arboris, vtuntur: & ex ijs contra præsentiam humanitatis Christi argumentantur, quæ omnia cum diuinitate implere dicitur.

Crassæ & carnales  
cogitationes de my-  
sterio incarnationis,  
de diuinitate, & hu-  
manitate Christi.

Hæ similitudines, quæ in scriptis vestris, & vestrorum fratrum reperiuntur, ostendunt, quam crassas, carnales, absurdas, atque falsas cogitationes de mysterio incarnationis Filij Dei, & non solum de humanitatis, sed etiam diuinitatis Christi præsentia in omnibus locis, habeant.

Phantasie de Deita-  
tis præsentia in crea-  
tura.

Carnales cogitationes de præsentia humanitatis Christi, in gubernatione omnium.

Fingunt enim: Deum instar orbis planetarum, & Oceani, extensum & diffusum esse, quasi mole & quantitate sit magnus. Inde dicunt: Humanitatem diuinitati non COEXTENDI. Hoc enim verbo vtuntur Petrus Martyr, & multi alij. COEXTENSVM verò præsupponit EXTENSIONE. Cum autem diuinitati propter præsentiam suam, in coelo & in terra, qua omnia implet, non opus sit EXTENSIONE, neque ea extensa sit: quæ causa quæso est, si humanitas Christi cum diuinitate omnia implere dicitur, propterea ipsam quoque cum diuinitate coextensam dici?

Deinde

Deinde fingunt vnionem naturarum in Christo talem, quod quemadmodum corpus Planetæ à sui orbis ambitu, & gemma ab annuli circulari forma, & Antvverpia ab amplitudine Oceani nihil accipit, sed extremitatibus tantum & superficiebus vniuntur & copulantur: sic assumptam naturam humanam à Filio Dei, & ipsius maiestate propria nihil participare, sed cum ea solum vniri.

Carnales cogitationes de vnione personali.

Cuius absurditas vel vnò illustri Scripturæ testimonio aperte refutatur, quod paulò ante copiose explicatum est. Nam Paulus testatur, quod in Homine assumpro, videlicet in Christo, OMNIS PLENITUDO DEITATIS CORPORALITER INHABITET. Nomine plenitudinis autem Deitatis, totam diuinitatem intelligi extra omnem controuersiam positum est, & nullo modo negari potest. Hoc si verum est, quomodo hæ similitudines simul consistere, & presentie humanitatis Christi quicquam derogare possunt? ex quibus contra vniuersalem presentiam humanitatis Christi, vestri argumentantur & disputant? est ne totus Oceanus in vrbe Antvverpiæ? est ne totus annulus in gemma? est ne totus ambitus orbis in corpore planetæ? continentur ne omnia membra corporis in capite? sunt ne omnes rami in stipite arboris?

Refutatio absurdissimarum similitudinum, de persona & naturis in Christo, Coloss. 2.

Est igitur imaginatio falsa & prorsus carnalis, cum de ipsius Deitatis, cum humanitatis Christi vniuersali presentia: quæ non contra nostram, quæ Spiritus sancti doctrina est, sed contra suum ipsorum carnale & crassissimum figmentum pugnat.

Ad cognoscendam ergo & dijudicandam hanc controuersiam, ante omnia opus est, vt omnipresentiam diuinitatis rectè consideremus: cuius participatione & communicatione, humanitati quoque tribuitur, quam ex diuinitate & vnione cum persona Filij Dei habet.

Controuersia de vniuersali presentia: dijudicatio, vnde petenda sit.

De hac autem presentia non possumus dicere, quid & qualis sit, sed duntaxat quid & qualis non sit. Nam diuinitatem omnibus creaturis presentem esse, ipsæ creaturæ suis

Deus quomodo vbique præsens sit, ignoratur.

Ephes. 4.  
Jerem. 23.  
Esaï. 66.  
Psal. 139.

admirandis effectibus & proprietatibus concionantur, & Scriptura aperte testatur, quod Deus sit super omnia, per omnia, & in omnibus, adeoque omnia, cœlum & terram impleat. Quò fugiam à spiritu tuo? inquit Dauid. Sed QVO MODO præsens sit, non intelligimus.

Si enim localiter accipiamus, & naturaliter seu carnaliter de ea cogitemus, aut ratiocinemur: In quas absurditates non incidemus? Nam ratione Physicæ seu localis præsentia: consideratus, si est in omnibus, non est super omnia: si super omnia, non est in omnibus. Nam IN, & S V P E R, diversa loca significant. Cum ergo nullo horum modorum sit præfens, verè tamen & realiter præfens sit, rectè dicitur: supra, infra, extra, & intra omnia, nullibi vel inclusus, vel exclusus. Et notum est illud vulgare & verè dictum: Deus est intra omnia, non inclusus, extra omnia non exclusus, supra omnia non elatus, infra omnia non detrusus.

Non autem assumpsit λόγος humanam naturam, & ubi ita coniunxit eam, sicut corpus planetæ suo orbi, Avverpia Oceano, & gemma annulo, membra humani corporis capiti, ramis stipiti arboris, coniuncta sunt. Omnes ergo illas similitudines in huius Mysterij consideratione abijcimus. Quamdiu enim animis nostris inhaeserint, nihil rectè aut verè, & Scripturæ sacrae consentaneum cogitabimus. Quæ similitudines cum multorum animos occupauerint: ideo neque mysterium hoc capere, neque veram eius explicationem audire, neque se illi subijcere possunt.

Has verò cogitationes cum abijcerimus: restat solum verbum Dei, quod de illa præsentia admiranda Deitatis in omnibus creaturis concionatur. Cuius præsentia: modus, neque sensibus, neque ratione percipitur, sed sola fides intelligit eum, quæ captivum ducit intellectum, & à Maiestatibus eius perscrutatione prorsus abstinet.

Deinde cum eadem sacra Scriptura doceat, quòd Filius Dei in suæ personæ unitatem humanam naturam assumpsit, & omnis plenitudo Deitatis IN ipso corporaliter habet

ret, eamque suæ propriæ Maieſtatis participem fecerit, quam ad dextram virtutis & Maieſtatis Dei Patris omnipotentis collocauerit, in ea ſede, quæ cœlum & terram implet: Et aper- tereſtetur, quòd ad cœlos, in cœlos, & ſuper omnes cœlos aſcenderit, vt omnia impleret: Quæ cauſa eſt, vt de ea quo- que maieſtate communicata tantillum dubitemus: & tam apertis testimonijs Scripturæ alienum ſenſum aſſingarimus: quæ de hac Maieſtate hominis Chriſti tam magnifice con- cionatur, ad quam ſecundum carnem Chriſtus exaltatus eſt: Condonent mihi Domini auditores, quòd tam prolixus fue- rim in explicanda ſententia noſtra, vt intelligatur, qua de re controuerſia ſit: poſthac breuior ero.

D. B E Z A.

*Noſtri uſi ſunt commemoratis ſimilitudinibus, quòd his ſignificare voluerint: Humanitatem, cùm ſit circum- ſcripta, non tam latè patère quàm diuinitatem, vt que in ipſa vnione maneat finita, circumſcripta, & organica. Vnde non ſequitur, quòd diuinitas extra eam nihil agat, ſicut non ita ab humanitate continetur, vt non poſſit extra il- lam agere. Ego dico, hominem Chriſtum implere omnia, & vbique præſentem eſſe: ſed non humanitatem.*

D. I A C O B V S.

Similitudines illas ineptiſſimas eſſe, nunc demonſtraui- mus: quæ neque diuinitati, neque humanitati Chriſti, neque vnioni perſonali naturarum applicari poſſunt. Et falſum eſt, quòd dicitur: Diuinitatem extra carnem aſſumptam quid- quam agere: Quia I N E A, C V M E A, & per E A M omnia agit, ſicut ſuprà probatū eſt. Præterea cùm dicis, Ho- minem omnia implere: nihil ad rem reſpōdetur. Nam reſpon- ſio veſtra (in qua hanc phraſin explicatiſtis), ſatis docet, quòd ſub vocabulo Hominiſ, Deitatem ſolum intelligatis, quando dici-

Conſenſus in ver-  
bis, deceptio in ro-  
bus.



dicitis : Homo Christus implet omnia. Vobis enim idem significat, quod Deitas humanitati vnita impleat omnia : que manifesta fraus & deceptio est, qua simplices Christiani putant, vos idem sentire quod nos, cum nobiscum duntaxat iisdem verbis loquamini, interim tamen aliud intelligatis & sentiaris.

D. BEZA.

Obiectio petita à  
proptio corporis.

*Et si diuinitas non sit extensa vel diffusa in omnia loca, quia est spiritus, qui vbique totus est: non tamen sequitur, humanitatem, quia diuinitati in persona Verbi vnita est, vbique etiam presentem esse cum diuinitate. Id enim proprietas & veritas corporis Christi non admittit: Quod verè & essentialiter adesse non potest, nisi per extensionem, locali & physica circumscriptione, qua instar orbis planetarum cum diuinitate extendatur, ut vbique locorum præsens sit.*

D. IACOBY.

Refutatio.

Qualis est humane naturæ vnio cum persona Verbi seu Filij Dei, talis quoque est præsentia modus. Vnio autem non est localis, sed personalis, qua λόγος cum omni plenitudine diuinitatis in assumpta humana natura corporaliter habitat, sine qua seu extra quam nihil, sed omnia CVM EAM, IN EAM, & PER EAM agit, sicut Patres orthodoxi testantur. Ideoque ad illam vniuersalem præsentiam, nulla opus est locali diffusionem vel extensionem. Quia INTRA SE habet caro Christi, quod humanitati eius hanc realem præsentiam præstat, non extra se: sicut crassæ vestire similitudines falso inculcant. Si ergo λόγος vbique præsens est: cur non etiam humanitas, in qua λόγος cum omni plenitudine Deitatis corporaliter habitat?

D. BEZA.

D. B E Z A.

Λόγος ita in humanitate assumpta est, ut etiam extra eam sit in reliquis creaturis, neque in partes distributus, ut hic sit pars λόγου, illic altera pars: sed totus λόγος, qui totus est in humanitate assumpta, idem totus quoque est extra illam. Ideoque propter illam unionem, non necesse est, neg: sequitur: ubique est λόγος, ibi quoque est eius humanitas. Nam veritas & proprietates veri corporis, cuiusmodi Filius Dei assumpsit, non patitur neque admittit istud.

D. I A C O B V S.

Si de veritate corporis Christi, & locali eius circumscriptione, & tali præsentiæ modo loquaris: facile tibi concesserim, eo modo Christi humanam naturam localiter & circumscriptivè non esse ubique præsentem. Nam de locali hac præsentiâ, nulla unquam inter nos controuersia fuit, sicut nostra scripta aperte testantur.

Humana Christi natura, localiter non ubique præsens est.

Cum autem personalis unio non sit localis, sed personalis, qua non localiter, sed personaliter Filius Dei cum humana natura unitus est: quæro, an λόγος humanitatem assumptam personaliter, hoc est, eo modo, quo illi personaliter unita est, ubique secum præsentem habeat: ut non sit in vno loco Deus & homo, & in altero tantum Deus sine humanitate, sicut ab æterno fuit: sed ubique totus Deus & homo, ubique est λόγος; Hic mihi categoricè respondeas quæso, tum apparebit omnibus, quid cuilibet Christiano homini hac in parte credendum vel non credendum sit.

Quæstio, an Christi humanitas personaliter ubique sit cum λόγος præsens.

D. B E Z A.

Omnipræsentiâ necessariò præsupponit infinitam essentiam: idcoque uni Deitati prorsus, et quarto, ut loquuntur, modo propria est, ut eam nullo modo in humanitate Christi, quâ-

In respons. ad 13. 14. Thesis.

## 322 Colloquium Mompelgartense

*sumuis hypostaticè unita, & nunc etiam glorificata, agnoscere possimus. Quia corpus Christi suam circumscriptionem perpetuò retinet.*

D. IACOBVS.

Nihil ad quæstionem responsum est. Quæro enim de humanitate, in suæ naturæ proprietate circumscripta semper permanente, an λόγος hanc finitam & circumscriptam naturam humanam in suæ personæ unitatem assumptam, ubique personaliter præsentem habeat, ut ubique sit Deus & homo, & non vno tantum in loco tanquam homo præsens? Ad hoc responde.

D. BEZA.

Λόγος ubique est, cum natura humana unitus est: neque usquam est, ut à sua natura humana separatus sit: sed eam semper habet sibi personaliter unitam, quamuis natura humana certo & circumscripto loco continetur, & non sit ubique præsens, ubi λόγος præsens est.

D. IACOBVS.

Adhuc nihil ad meam quæstionem propositam responsum est, videlicet: An λόγος personaliter ubique præsentem secum habeat humanitatem?

D. BEZA.

Humanitas assumpta λόγος seu Filio Dei semper præsens est, quia ab eo non separatur: neque Filius Dei, quod assumpsit, unquam deponit: sed inde non sequitur, quod in omnibus illis locis præsens sit, ubi est λόγος, propter veritatem & circumscriptionem naturæ humanæ, quæ in vno loco est, nimirum in cælis & non in terra.

D. IACO:

D. IACOBVS.

Est ne λόγος nobis in terra præsens?

D. BEZA.

Est præsens.

D. IACOBVS.

Et in terris non habet secum presentem humanam naturam?

D. BEZA.

*Habet secum quidem presentem, sed ipsa manet in cælo circumscripta.*

D. IACOBVS.

Est ne modus ille presentie, quo ὁ λόγος in terris, hominem assumptum secum presentem habet, verus &amp; realis, an vero ficticius &amp; imaginarius?

D. BEZA.

*Corpus Christi in cælo est, & non in terris: neque simul in cælo & terris esse potest.*

D. IACOBVS.

X Vides ergo mi Beza, quod necessario statuere debeas, λόγος in cælis tantum esse Deum & hominem, ubi est humanitas Christi. Neque tamen etiam in omnibus locis cæli, sed vno dumtaxat loco, ubi est homo assumptus: extra cælum autem nudum λόγος sine sua humanitate: quod tamen non aperte audes dicere, quia intelligis absurditatem, in quam incidis.

Causa autem huius erroris est, quod in articulo de Coena Domini, de corpore Christi asseruisti: Humanitatis Christi tantum.

quantumvis glorificati substantiam, non posse re ipsa in terris esse & presentem statui *ALITER, QUAM LOCALI ET PHYSICA CIRCUMSCRIPTIONE*: quod falsum est.

Nam & nos illam physicam & localem presentiam corporis & sanguinis Christi, adeoque totius humanitatis in terris, in pluribus locis, nunquam credidimus, nunquam docuimus, nunquam scripsimus.

Ss 2

Quæ-

*Falsa habes hypotesin in Jacobo. Quasi ad Filium Dei et hominem. Quasi enim illud Naturæ Semper ea illis requiratur, ut in cælo non habet hypotesin. Falsum est enim in cælo non habet.*



AB

X Vides. &c. Minime. Scilicet in Jacobo. Verum enim est. Quæ respectu humanæ Naturæ localiter tantum in cælis est. Deum et hominem. Interim vero secundum quod humanitas localiter tantum est in cælis. Ergo. Scilicet tantum in cælis. Quæ dicitur deus et homo. Quæ enim diuinitas per se habet deum ad se. Quæ in terris est. Quæ est alia quædam in cælis. Quæ enim diuinitas habet conjunctionem cum humanitate.

324 *Colloquium Mompelgartense*

Questio ergo adhuc indiscussa relinquitur, ad quam categoricè atè respondendum erat, quidd non est factum: cum vnio non sit localis, & tamen realis, an salua localitate humanitatis Christi, vera & realis eiusdem præsentia, virtute illius vnionis existere possit, vt vbiunque sit λόγος, ibi propter personæ vnitatem quoque sit assumpta natura humana: non autem localiter, sed personaliter, non nominè tenus aut verborum tenus, sed reuera & realiter.

Ephes. 4.  
De omnipræsentia  
humanitatis Christi,  
categorica assertio  
Theologorum  
Vvitembergenium

Nos cum D. Paulo constanter & intrepidè assertiuam tenemus & asserimus, qui dicit: Christum ascendisse supra omnes cœlos (ascendit autem secundum humanitatem, quod negari non potest, qui secundum Deitatem semper fuit in cœlis) VT OMNIA IMPLERET, id est, omnibus præsens esset.

Quod Christus quoque confirmat, cum inquit: Ego sum vobiscum omnibus diebus, vsque ad consummationem seculi. Item: Vbi duo vel tres congregati sunt in meo nomine, sum in medio ipsorum. Modum autem præsentia tam non scrutamur, quam modum vnionis personalis ratione & intellectu humano capere non possumus, qui ineffabilis & inscrutabilis est, quem ipse Deus solus nouit. Nobis autem sufficiat, quòd, secundum aperta hæc, & minimè dubia testimonia Christi & Pauli, in terris non dimidium, sed totum Christum præsentem habeamus, maximè autem Christum hominem fratrem nostrum, adiutorem in omnibus tribulationibus, vbiunque locorum sumus.

D. B E Z A.

Crambe.

*Natura diuina & humana in persona Christi ita unita sunt, vt salua semper maneant natura, earumq; proprietates distinctæ. Quapropter etiamsi dicamus: Deitatem alicubi esse, vbi non est humanitas: non tamen propterea personam diuidimus, aut naturas separamus. Quia sicut propriè di-*  
ninita-

Ratiocinatio humana contra mysterium fidei.



unitatis est, esse ubique: ita proprium est humanitatis, esse certo loco circumscriptum. Cum ergo humana Christi natura, hanc proprietatem etiam in gloria saluam retineat: non video, quomodo aliter præsens esse possit, quàm physica & locali circumscriptiōe.

De personali præsentia, quod dicis, ego vnionem quidem humana naturæ cum Filio Dei agnosco & credo: sed substantiæ humanitatis Christi in terris veram & realem præsentiā nullam aliam video & credere possum, quàm localem & physicam: qua ego eam nunc in cælis, & nusquam aliàs esse dico. Et verba Pauli, cùm dicit: Christum ascendisse super omnes cælos, ut omnia impleret: ad officium Christi, & non ad omnipræsentiā referenda esse dico.

Opinio Beza contra modum præsentiæ in Mystico.

## D. I A C O B V S.

Naturam humanam in vnione personali, & in gloria, suas proprietates retinere, nemo dubitat, aut contradicit: sed saluis proprietatibus illis, an eadem natura humana diuinæ gloriæ & maiestati Deitatis propria ornari possit, quæritur. Quod de omnipotentia & omniscientia nunc probauimus, easque assumptæ naturæ realiter communicatas esse, luce meridiana clariùs apertis Scripturæ testimonijs demonstrauimus.

Probasti Gra. o' pau  
per Jacobe.

Repono igitur in iudicio omnium auditorum & piorum hominum: an ipsi quoque credant, quod Deus nullum alium modum præsentiæ habeat, quo assumptus homo verè & realiter cum Ἀὐτῷ ubique adsit & adesse possit, quàm localem & physicum? Non enim existimo, aliquem in toto auditorio esse, qui id asserere, & hoc modo diuinæ omnipotentiae detrachere auit. Non enim præsentiā nudam aut ociosam, sed valde negociosam & efficacem Christo secundum humanitatem Paulus tribuit, Ephes. 1. cum inquit: Constituens

Summa summarum in controuersia de Cœna Domini.

Hebr. 2.

Psalm. 8.

Gubernatio omniū  
creaturarum præ-  
sentiam necessariò  
præsupponit.  
Discrimen inter gu-  
bernationem Chri-  
sti, & regnum mun-  
danum.

tuens eum ad dexteram suam in cœlestibus, super omnem principatum, potestatem, virtutem, & dominationem, & omne nomen, quod nominatur non solum in hoc, sed etiam in futuro seculo. Item: Omnia subiecisti sub pedibus eius. In eo autem, quod omnia ei subiecit, nihil dimisit ei non subiectum. NVNC AVTEM (inquit Epistola ad Hebr.) NON VIDEMVS OMNIA EI SVBIECTA ESSE. Quare gubernatio, dominium, & administratio omnium visibilibus & inuisibilibus, in cœlo & terra, diuinam & cœlestem præsentiam necessariò præsupponit. Non enim absens, sed præsens Christus homo hæc omnia sibi subiecta gubernat: nisi regnum Christi, in regnum mundanum conuertere velimus: in quo non ipse rex, sed autoritate eius præfecti & vicarii dominantur ipsi in locis, ad quæ rex non peruenit, aut ubi ipse præsens non est.

D. B E Z A.

*Deus multa potest, quæ non facit, quia non vult. Non autem vult, vt res simul sit, & non sit: simul localis, & illocalis seu non localis sit. Cum igitur Christus veram humanam naturam perpetuò retineat, cuius proprium est circumscriptio localis: ideo non vult simul in cœlo, & in terris, & ubique adesse. Aliàs contra veritatem suam, quæ ipse Deus est, faceret.*

D. I A C O B V S.

Nunc verbis Pauli & Christi demonstravi, quòd CHRISTVS VELIT sua humaritate omnia implere: Ideo enim ascendit, inquit Paulus, vt omnia impleret, non sua diuinitate tantum, ad quam illo ascensu non indigebat, quæ iam inde ab orbe condito omnia impleuit: sed cum CARNE SVA, vt loquitur Oecumenius, cuius hæc sunt verba: Ascendit super omnes cœlos, vt omnia impleret: Etenim (inquit)

NVDA

NVDA quoque diuinitate olim implebat omnia. Et incarnatus, vt omnia cum CARNE implet, descendit & ascendit.

Neque hac præsentiā humanitatis Christi Deus contra regulam veritatis agit, qua dicitur: quod Deus non velit, vt res simul sit, & non sit. Possunt enim vni & eidem rei diuerso respectu, non modo diuersa, sed etiam contraria tribui. Ex quo tamen non sequitur, quod propterea res simul sit, & non sit.

Contraria diuerso respectu eidem rei tribui possunt.

Sic humanitati Christi contraria tribuuntur, locale & illo- locale: sed diuerso respectu. Nam localis dicitur, & est proprietate sitæ naturæ, & manet semper: Illocalis autem, ratione personæ Filij Dei. Nam vna est & eadem numero humanitas, quæ localiter est in cælo, & illocaliter in Deo & cum Filio Dei vnita: quod nemo sobrius, ne dicam pius, negare potest. Deus enim neque locus est, neque in loco. Eo ergo modo, quo aliquid in Deo, illocaliter in eo esse, necesse est. Quia in Deo locus non est: neque tamen propterea sequitur, quia illocaliter est in Deo: Ergo non potest localiter esse in cælo.

Humanitas Christi, quomodo simul localis & illocalis.

Christi humanitas illocaliter in Deo est.

Sic igitur verè cum Paulo & cum Christo dicere possumus, quod eadem Christi humanitas sit in cælo localiter & circumscriptiue, hoc est, proprietate naturæ humanæ, quæ semper manet: qua illi ratione substantiæ in resurrectione conformes erimus: & simul illocaliter in terris cum Filio Dei, eo modo, quo in Deo, hoc est, cum Filio Dei personaliter vnita est.

Hic nulla implicatio contradictionis est: quia contraria non simpliciter, sed diuerso respectu, vni & eidem tribuuntur.

Manifesta autem fallacia est à dicto secundum quid, ad dictum simpliciter, quando ad hunc modum vos argumentamini: Humanitas Christi non adest in terris physica locatione & circumscriptione: Ergo NVLLO MODO ADEST, Nam verè adesse iam demonstrauimus. Nullū n. Christi

Fallacia à dicto secundum quid, ad dictum simpliciter.

## 328 Colloquium Mompelgartense

Christum in terris credimus, qui tantum Deus, & non quodque homo sit. QVOMODO autem adfit, diuinę potentię, sapientię & veritati tribuimus, qui dixit: EGO SVM VOBISCV M, Non dixit: Mea diuinitas est vobiscum.

Matth. 28.

D. B E Z A.

*Vnde veniet Christus?*

D. I A C O B V S.

E coelis veniet.

D. B E Z A.

*Verbum ergo (implere) non ad presentiam illam vniuersalem, sed ad consummationem officij Christi pertinet. Diuinitas implet omnia, humanitas non est omniprensens.*

D. I A C O B V S.

Implere Paulo præsentiam, non consummationem officij significat.

Ephes. 4.  
Matth. 1.  
Luc. 24.

Simplicissimè nego, verbum (implere) hoc loco apud Paulum consummationem officij Christi significare. Scriptura enim, quando de impletione eorum loquitur, quæ ad officium Christi pertinent, addit: vt impleretur, quod scriptum est. Hic autem nullius Scripturæ fit mentio, quæ impleta sit, sed de descensu, de ascensu, & impletione præsentię apertè dicitur.

Humanitas Christi non implet omnia, sicut diuinitas.

Deinde verum est, quòd humanitas non omnia impleat, sicut diuinitas, quia diuinitas se ipsa & proprietate suæ essentiæ, Humana autem natura, personali participatione & communicatione ipsius diuinitatis, sibi communicare: In qua de circumscriptione humanitatis Christi nihil agitur, & communicatione huius maiestatis non aboletur. Quia hæc maiestas non est localis, ideoque & præsentia eius maiestatis localis non est.

D. B E Z A.

*Circumscriptio humana natura in Christo eiusmodi præsentiam*

*sententiã non admittit, quæ solius Dei propria est, in quarto modo. Et humana natura secundum proprietatem suã naturã, ut manet finita & circumscripta, sic uno duntaxat loco continetur, neque simul in cælo & in terris præsens esse potest.*

D. I A C O B V S.

Probes ergo VNO, VNO (inquam) saltem Scripturæ testimonio, quòd hoc veritas corporis non admittat, & credam tibi. Nam ego apertis verbis Scripturæ probavi, quòd humana natura capax & particeps facta sit TOTIVS plenitudinis diuinitatis: cur igitur non etiam huius præsentia? Deus enim, ut creaturæ præsens sit, extra se non egreditur.

D. B E Z A.

*Analogia fidei hoc probat & confirmat, quod non possit fieri.*

D. I A C O B V S.

De analogia fidei suprà satis est dictum, quòd contra nos non pugnet. Ego autem testimonium Scripturæ postulo, VNVM tantum, quo id probes: sed nullum audio. Cum igitur nullum possis producere, iudicium auditoribus relinquo. Spero autem, me satis demonstrasse, quia Christum sua humanitate supra omnes cælos ascendisse Paulus testatur, ut impletet omnia: hoc de presenti gubernatione creaturarum intelligi, & non de consummatione officij, quod illi a Patre in terris iniunctum fuit.

D. B E Z A.

*Mediatoris officium est, non solum per passionem & mortem suam, nos Deo Patri reconciliare: sed etiam mediatorem agere in cælis, ubi pro nobis apud Patrem adhuc intercedit.*

De mediatoris officio in cælo.

T t

Item,



## 330 Colloquium Mompelgartense

Ioan. 17.

*Item, officium eius est, nos quoque accersere, ut cum ipso simus. Sicut scriptum est: Pater volo, ut ubi ego sum, sint etiam mecum, quos dedisti mihi, ut videant gloriam meam. Hoc ante ascensionem Christi in cælum, nondum impletum fuit: quod nunc Christus in cælo implet, cuius causa etiam ascendit.*

D. IACOBVS.

Christus quomodo mediator & aduocatus noster in cælo sit.

Quod ad mediatoris officium, & eius partes attinet, quorundam puerilis est cogitatio de Christo, si fingatur prostratus, vel supplex genibus, manibus expansis coram Patre pro nobis intercedere, & Patrem pro nobis deprecari, sed virtus mortis & resurrectionis, loco intercessionis perpetuò in Christo apparet coram Patre, & loco efficacissimæ orationis est coram Deo Patre, propter quod in vera fide atque fiducia in Christum, Patrem inuocamus, & petitiones nostras consequimur.

Quapropter quod Paulus dicit: Christum nunc post ascensum suum omnia implere: ad presentiam & in cælo & in terra, & ad regni administrationem refertur, quod à Patre super omnes visibiles & inuisibiles creaturas accepit: qui piorum miseriam, tanquam homo non eminens aspicit, sed presentissimus videt, & eos contra malos defendit atque tuetur.

D. BEZA.

*Ostende humanitatem factam esse Deitatem: & concedimus, eam quoque omnipresentem esse.*

D. IACOBVS.

Communicatio maiestatis non commutat humanitatem in Deitatem.

Nunc demonstraui participatione diuinæ Maiestatis omnipresentem factam: neque tamen propterea in Deitatem conuersam, aut Deitatem factam esse. Tua autem Reuerentia proferat VNVM (VNVM inquam) Scripturæ testimonium, quo probet, quod Maiestas diuinitatis propria, humanitati Christi realiter communicata, quam sacra Scriptura commendat,

inendat, sit donum creatum. Proba quæso, vno saltem testimonio, & contentus ero. Nam in sacris, salutem animarum nostrarum concernentibus, sine verbo Dei nihil affirmare aut negare debemus.

D. B E Z A.

*Ego ex analogia fidei probavi, quam sufficere puto: quæ docet, quòd Filius Dei veram humanam naturam cum omnibus essentialibus proprietatibus assumpserit, neque eam unquam deponat. Præterea quia hæc maiestas donum est, ideo creata: siquidem omnia dona creata sunt.*

D. I A C O B V S.

Quòd hæc maiestas donum sit, nemo unquam negavit: quia non est humanæ naturæ proprietas, sed à diuinitate Filij Dei humanæ naturæ accessit. Sed D. Beza demonstrat, ubi scriptum sit in sacris literis, quòd sit creatum donum? Nam Christus nos non ad ratiocinationes humanas, sed ad Scripturam ablegat. Vbi scriptum est:

D. B E Z A.

*Totus Christus est ubique & omnipotens: sed non totum Christi. Tu semper confundis abstractum & concretum: & humanitati tribuis, quod homini tribuendum erat. Doce autem humanitatem factam Deitatem.*

D. I A C O B V S.

De illo trito & vulgari dicto: quòd totus Christus sit ubique, sed non totum Christi: quomodo verum aut falsum sit, & quomodo ad hoc negocium applicari possit, supra à me factis dictum, sed à te non refutatum est. Similiter quoque ostensum est, nos abstractum & concretum minime confundere. Vos autem pro concretis habere, quæ sunt abstracta, ad oculum demonstrauimus.

T t 2

Sic

## 332 Colloquium Mompelgartense

Sic quoque non opus esse, vt doceamus: Humanitatem Deitatem factam, satis dictum est. Quia hæc communicatio naturarum, ex communicatione maiestatis, nulla ratione sequitur, aut verè colligi potest.

D. B E Z A.

*Peto mihi probari, humanitatis Christi substantiam omnia implere.*

D. I A C O B V S.

Substantia humanitatis Christi omnia implet.  
Causa vnica erroris & controuersia de presentia humanitatis Christi in Cœna Domini, & de Vbiquitate.

Explicatio verborum Christi, Ioan. 3.

Ego iam probaui. Non enim accidens, sed substantia humanitatis Christi ascendit super omnes cœlos, vt omnia impleret. Errat autem Dominus Beza (vt pace eius dicam) in eo, quod putat humanitatem Christi sua substantia non omnia implere posse, nisi fiat physicè, localiter, & circumscriptiue. Quæ opinio si vobis eximi posset, facilis in hac tota controuersia & expedita via ad concordiam esset.

Filius hominis quando in terris cum Nicodemo loquebatur, (inquit Christus) est in cœlo. Non ait: Filius Dei, ne de sola diuinitate intelligatur: sed filius hominis. Non autem physicè, localiter, & circumscriptiue fuit in cœlo, sed VNITATE personæ, sicut Augustinus loquitur: seu propter vnionem personalem, qua Christus humanitate sua non modo in cœlo, sed ipsis cœlis sublimior factus est.

Heb. 7.

D. B E Z A.

*Aliud est filius hominis, aliud humanitas. Nam nos minimè negamus, filium hominis tum in cœlo fuisse, quando in terris cum Nicodemo loquebatur: sed humanitatem eius in cœlo fuisse, negamus.*

D. I A C O B V S.

Si verbis Christi, humanitati ipsius nihil tribuitur, cum inquit: Filius hominis qui est in cœlo: tum etiam Petrus in cœlis

coelis fuit, cum in terris versaretur. Nam diuinitas, quæ in terris in ipso Petro est & habitat, ea quoque in coelis erat. Vos autem per filium hominis nihil aliud, quam Deitatem intelligere, suprà ex Thesibus vestris demonstraui. Sicut enim in enunciatione hac: Homo est omnipotens: per hominem, solum Deitatem intelligitis humanitati unitam: sic etiam per filium hominis, eandem diuinitatem duntaxat accipitis, vt sit hæc sententia: Filius hominis est in cælo, id est, diuinitas (quæ cum humanitate unita est, vnde Filius Dei Homo denominatur) est in cælo. Quod nemo verè pius & intelligens probabit. Si enim hæc verborum Christi sententia fuisset, potuisset etiam aliter loqui.

Sed progrediamur etiam ad viuificationis communicationem: quæ non minus propria diuinitatis est, quam nunc commemorata propria. Puto enim auditores nostros satis intellexisse, quod contra omnipræsentiam humanitatis Christi, nullum Scripturæ testimonium asserre, neque glossam verborum Pauli à vobis allatam, probare possis, qui tam apertè testatur: Christum sua humanitate super omnes cælos ascendisse, VT OMNIA IMPLERET: quod nequaquam de impletione officij eius intelligendum est, sed de præsentia ipsius in administratione cæli & terræ apertè con-  
*Hissem banyia a Baka a Dicit De ang  
 cerik ang nem De ang hll apl erent*

D. B E Z A.

*Nos de partibus tam prolixè disputamus, hoc est, de aliquot proprietatibus diuinitatis, an ea assumpta natura communicata sint realiter: cum nos paucis expedire possemus. Nam nisi probes, Humanitatem esse Deitatem factam: frustra de singulis attributis diuinitatis laborabis, vt eas assumpta humanitati communicatas doceas.*

D. I A C O B V S.

Cur de singulis attributis diuinitatis, & eorum communicatione in persona disputemus, causam ab initio exposui.

Tt 3

Vide

Cur de singulorum  
 attributorum Dei-  
 tatis communica-  
 tione disputetur.

Videlicet, vt auditores omnes intelligant, nos ex parte nostra, in nostris Ecclesijs & Scholis, humanitati Christi nihil adscribere, cuius non aperta & manifesta minimeque dubia testimonia Scripturæ sacræ habeamus.

IIII De viuificatione & eius communicatione in carne Christi.

In primis verò necessarium est, vt de communicata virtute viuificandi certi simus: cum in Cœna Dominica carnem Christi non aliam ob causam, quàm propter viuificationem, queramus & sumamus. Non enim corpus Christi cibis ventris est, quod instar vitulinæ carnis per guttur in ventrem traiciatur: sed ore sumitur, vt sit nobis cibus æternæ vitæ: quam Christus nobis sua passione & morte meruit.

Caro Christi vnde viuifica effecta sit.

*Ab. Nege, quia Nege per se nec per participationem diuinitatis subee viuificandi. Ratio est quia non confirmatio, carnem Christi viuificam esse. deuenit quoniam corpus suum in carnem dei non viuifica neque ipse deus. Joh. 6. v. 67.*

*Hanc virtutem autem non habet Christi caro per se, sed participatione seu communicatione diuinitatis & λόγου, id est, Filij Dei. Quoniam solius Deitatis est viuificare: quid enim magis Deus proprium habet? aiunt ducenti Patres Synodi Ephesinæ. Ad hunc ergo modum arguor.*

Si caro Christi est viuifica: participatione virtutis solius Deitatis propriæ viuificat. Sed caro Christi verè est viuifica. Ergo participatione virtutis diuinitatis propriæ viuificat. Vel:

Quicquid realiter viuificat, ei virtus Deitatis propria communicata est. Sed caro Christi verè & realiter viuificat. Ergo carni Christi virtus diuinitatis propria communicata est.

Ma ior probatur: quia solius Dei proprium est, viuificare: quod à nemine negatur.

Ioan. 6.

Minor probatur Ioan. 6. Caro mea verè cibus est. Non autem cibus ventris, sed vitæ æternæ.

D. B E Z A.

*Si communicationem pro vniione accipis, quod caro Christi vnita sit cum virtute viuificandi: quæ est diuinitatis propria: concedo totum argumentum.*

*Interim verò non negamus, carnem Christi etiam verè viuificam esse, Quia Filius Dei in illa carne & per eam imple.*



implevit & perfecit omnia, quæ nobis ad consequendam vitam æternam necessaria fuerunt.

Deinde etiam eam ob causam, quia eum carne nostra est ὁμοούσιος, id est eiusdem substantiæ: & nos non nisi communicatione illius carnis, quam in sua personæ unitatem assumpsit, membra Christi effecimur, qui caput corporis est: unde vita in nos promanat.

Quod autem carni Christi vis & virtus aliqua insit viuificandi, propter quam vim communicatam viuifica facta & viuificare dicatur: hoc nos pernegamus. Quia in parte sententiam nostram Cyrillus confirmat, lib. 6. de Trinit. Docebat nullam aliam rem & creaturam viuificare posse, etiamsi intelligatur esse caro Christi, SECVNDVM QVOD CARO EST, nisi solam Deitatis naturam.

Quibus Cyrillus non carni Christi, sed soli diuinitati hanc vim atque virtutem, tanquam Filij Dei propriam & incommunicabilem tribuit.

## D. IACOBVS.

Peto vt mihi exhibeantur eadem verba Cyrilli denuo recitanda, quæ cum nostra sententia prorsus nihil pugnant, Eadem enim à Cyrillo non semel posita, sed aliquoties & copiose repetita & inculcata sunt.

Si enim diuinitas & caro inter se ratione proprietatum suarum conferantur: solius diuinitatis ita proprium est viuificare, vt etiam caro Christi hac virtute indigeat, qua se ipsam viuificare non potest, sed à diuinitate vitam accepit, vt ipsa quoque viuat. Quapropter si naturæ carnis proprietatem consideres, ea nunquam est, nunquam fuit, nunquam erit viuifica, sed ipsa viuificatione indiget. Quid vis amplius? Si vero eandem carnem in vnione & ratione vnionis personalis in Christo cōsideres: non solum viuit in Deo, sicut nos viuimus,

1.  
Caro Christi, quomodo secundum opinionem D. Bezzæ sit viuifica.

2.

An in carne Christi insit vis viuificandi.

Caro Christi quomodo non dicatur viuifica.

*Nota est limitatio in corpore seu carne Christi. Quæ respectu naturæ suæ propriæ consideratur. Et respectu unionis personæ consideratur. Quia caro Christi in se habet diuinitatem et in se habet gloriam in qua gloriam habet semper et ubique sine separatione unice. Unde hoc videtur limitatio. Caro Christi quæ absente, per se semper habet naturam propriam consideratur. hoc modo enim potest limitatio considerari et notari.*

A. 17. p. 28.

qui nobis omnibus vitam præstat, *sicut scriptum est*: In ipso  
 viuimus, mouemur & sumus: sed etiam virtutem viuificandi  
 IN SE habet, à diuinitate sibi communicatam. Sicut scri-  
 ptum est, Ioan. 5. Dedit Filio vitam habere IN SE IPSO,  
 & potestatem dedit ei etiam facere iudicium, *QVIA FILIVS*  
*HOMINIS EST*. Quæ vis nulli aliæ cœlesti aut terrestri  
 creaturæ communicata est. Sicut scriptum est: Primus homo  
 Adam factus est in animam viuentem: *Extremus Adam in*  
*SPIRITVM VIVIFICANTEM*. *Extr. in fine de seculo*

Cyrl. in Ioan. lib. 4.  
 cap. 23.

Cyrilli perpetua  
 sententia de viuifi-  
 fica carne Christi.

Et hanc esse Cyrilli perpetuam sententiam, qui suorum  
 verborum optimus interpret est, ipsius apertissimis verbis  
 demonstrabo, quæ sic sonant: Non imperite omnino *VIVI-*  
*FICAM CARNEM* esse negatis. Nam si *SOLA* intelliga-  
 tur, *NIHIL* prorsus viuificare potest, quippe quæ viuifi-  
 cante indigeat. Cum verò incarnationis mysterium laudabili  
 cura scrutati fueritis, & habitantem IN CARNE cogno-  
 ueritis: Quamuis *NIHIL PENITVS CARO, PER SE*  
*IPSAM, POSSIT, VIVIFICAM TAMEN FACTAM*  
*ESSE CREDETIS*. Nam quoniam cum viuificante verbo  
*CARO* cōiuncta est, *TOTA VIVIFICA EFFECTA EST*.  
 Non enim ad corruptibilem suam naturam, iunctum DEI  
*VERBUM* detraxit, sed *IPSA AD MELIORIS VIR-*  
*TUTEM ELEVATA EST*. Quamuis ergo *NATURA*  
*CARNIS, VT CARO EST*, viuificare nequeat: facit ta-  
 men hoc, *QVIA TOTAM VERBI OPERATIONEM*  
 suscepit. Corpus enim est, non cuiusvis hominis, cuius caro  
 prodesse quicquam non potest: (Non enim Pauli, aut Petri,  
 aut cæterorum) sed ipsius *VITÆ* & saluatoris nostri Iesu  
 Christi *CORPVS*, IN QVO plenitudo Deitatis habi-  
 tat corporaliter, facere hoc potest. Nam si mel cum naturali-  
 ter dulce sit, ea dulcia facit, quibus immiscetur: non ne stul-  
 tum erit, viuificam verbi naturam putare non dedisse Homi-  
 ni, in quo habitat, viuificandi virtutem? Quas ob res caro  
 quidem cæterorū omnium, *NIHIL* prodest: *CHRISTI*  
*AVTEM CARO*, quia in ipsa vnigenitus Filius Dei ha-  
 birat *SOLA* viuificare potest, Hactenus Cyrillus.

NB.

Hæc

Hec Cyrilli verba tam manifesta, perspicua, & aperta sunt, ut nulla glossa indigeant, neque glossam tuam admittant. Quibus aperte testatur, carni Christi vim & virtutem viuificandi communicatam inesse, qua non modo ipsa viuat, sicut Petrus & Paulus, sed alios quoque viuificare possit. In quam sententiam, quam plurima similia eius dicta reperiuntur, quorum pauca quædam recitabimus.

De viuifica carne Christi testimonia Cyrilli.

**Viuiificat corpus CHRISTI, & ad incorruptionem** In Ioan. lib. 3. cap. 27.  
sua participatione reducit. Non enim alterius cuiusdam, sed Hæc doctrina Cyrilli  
ipsum **VITÆ CORPVS EST**, virtutem Verbi incarnati retinens, & plenum potestate illius, quo & vniuersa sunt D. Iacobus ex scheda recitauit.  
& viuunt.

**CORPVS MEVM VITA REPLEVI** mortalem carnem Idem cap. 18. lib. 4.  
assumpsit: Sed quia naturaliter **VITA EXISTENS**, ha- in Ioan.  
bito in ipsa: **TOTAM AD VITAM MEAM REFORMAUI**.

Item: **NATVRA CARNIS ipsa PER SE viuifi-** ibld. Cap. 24.  
care non potest: quid enim maius natura Deitatis haberet?  
Nec **SOLA ESSE** in Christo intelligitur, sed habet **Filium**  
Dei sibi coniunctum, **QVI CONSVBstantialiter**  
**VITA EST**. Quando igitur viuificam Christus carnem suam appellat, **NON ITA ILLI, VT SIBI**, siue proprio spiritui vim viuificandi attribuit. Nam propter seipsum spiritus viuificat, **AD CVIVS VIRTVTEM CARO** per coniunctionem conscendit. **QVOMODO** autem id fiat, nec mente intelligere, nec lingua eloqui possumus, sed silentio **AC FIRMA FIDE ID** suscipimus.

Idem: **Caro vitæ facta vnigeniti caro, AD VIRTVTEM** Lib. 10. in Ioan.  
**VITAE TRADVCTA EST.** cap. 13.

Quibus verbis Cyrillus vim viuificandi carni Christi non solum attribuit, sed simul quoque diuersitatis rationem ostendit, quod aliter **VERBO**, seu Filio Dei, aliter carni tribuatur. Verbo tanquam essentialiter & naturaliter propria; carni autem, quia Verbo personaliter iuncta est.

Vis viuificandi aliter in diuinitate, aliter in humanitate Christi.

## 338 Colloquium Mompelgartense

Expedita via ad san-  
ctam concordiam.

Vtinam verò exemplum Cyrilli pariter omnes sequeremur, & id firma fide susciperemus, quod neque mente intelligere, neque lingua eloqui possumus. Sic pia, sancta, & Deo grata concordia in hoc summo fidei Christianæ articulo facile constitui posset, imò iam constituta esset.

Nam si caro Christi, VT CARO EST, consideretur etiam in Christo, tam non viuificare potest, quam mea, aut alterius hominis caro: quoniam essentiae nostræ carnis, excepto peccato, per omnia similis est. Sed quoniam cum diuinitate Filij personaliter vnita est, QVI VITA EST: inde hanc vim (sicut Cyrillus loquitur) hausit, vt ipsa quoque huius VITÆ communicatione, verè & realiter effecta sit viuifica.

D. B E Z A.

*Cyrillus in omnibus commemoratis dictis carni Christi viuificam virtutem & vim illam tribuit, quia PER illam oportet nos fieri membra Christi: quod nobis Christus sua passione & morte in CARNE ET PER CARNEM promeruit, & caro ex carne nostra, & os ex ossibus nostris factus est.*

*Deinde nego, quòd verbo [H A V R I E N D I] aliquam vim in carnem Christi effusam intelligat: sicut tu vis, carnem extra Deitatem VIM VIVIFICANDI IN SE habere à diuinitate effusam, qua non minus, quam ipsa Deitas, propria sua virtute viuificet. Quod nos non concedimus, sed prorsus negamus. Vis enim viuificandi ita Deitatis propria est, vt neq. carni Christi, neque ulli creatura communicari possit, nisi in Deitatem conuertatur.*

D. I A C O B V S.

Quòd in commemoratis testimonijs & dictis non ratione meriti, Cyrillus carnem Christi viuificam appeller, sed vim

vim & virtutem viuificandi, adeoque operationem diuinitatis propriam carni Christi per inhabitationem communicatam tribuat: ad iam commemorata Cyrilli dicta auditorem remittimus, & ipsius iudicio committimus. Verba enim Cyrilli clariora esse non possunt.

Deinde, quod D. Beza de vi seu virtute viuificandi in carnem Christi effusa loquitur, quasi à substantia diuinitatis Carnis Christi vis viuificandi non est à diuinitate separata.  
 ἢ λόγῳ, seu Filij Dei separata & perinde in humanitatem assumptam effusa sit, ac si quis oleum ex vno vase in aliud effundat: sciat, hanc opinionem vel cogitationem nobis in mentem nostram nunquam venisse.

Vna enim est vita, vis & virtus viuificatrix seu viuifica- Vna vis viuificandi in Christo.  
 ta in Christo, videlicet, æterna illa infinita diuinitatis propria & essentialis, & non duæ, vna æterna essentialis diuinitatis propria, altera creata, & à diuinitate essentiali separata, in humanam naturam effusa, qua humanitas IN SE ITA sit effecta viuifica, sicut Filius Dei IN SE IPSO viuificam virtutem habet. Absit, inquam, à nobis, vt tale quid de Christo homine vnquam cogitauerimus, ne dicam crediderimus, dixerimus, aut scripserimus. Quemadmodum supra quoque de duplici, æterna, increata, & de creata diuinitate & omnipotentia diximus: quæ omnia nobis falso tribuuntur.

Sed dicimus: vitam, vim & virtutem viuificandi diuinitatis propriam & essentialem, humanæ naturæ Christi per vnionem personalem, & cum Verbo coniunctionem realiter communicatam esse, vt nunc post vnionem factam & glorificatam humanam naturam hæc vita, quæ ipse λόγος Filius Dei est, non ita distinctè agat, vt huius operationis vis, vis viuificandi Deo essentialis, carni Christi communicata.  
 non sit humanitati communicata: sed quod caro Christi agat & operetur vitam, & viuificationem reali & vera communicatione virtutis viuificandi. Viuiificationis vis opus totius Christi est.



## 340 Colloquium Mompelgartense

Sic Synodi Ephesine Patres docent, nos ad Eucharistiam percipiendam accedere, & carnem Christi manducare non tanquam communis alicuius, aut etiam sanctificati hominis corpus, sed ipsius vitæ proprium corpus, quod propter hanc communicationem virtutis viuificandi, quam in SE habeat, etiam verè viuificus cibus sit. Sine qua reali communicatione manducatio corporis Christi in Cœna Domini, quæ sit ore, mera Capernaïtica *προφαιτα* & cyclopica laniena carnis Christi esset: cuius Nestorium Patres accusarunt, ipse verò reus esse noluit, quòd solum de communicatione propriorum humanitatis contenderit.

Caro Christi quomodo IN SE vitam habere dicatur.

Verba Patrum Ephesini Concilij sic sonant: Accedimus itaque ad mysticas benedictiones, & sanctificamur, participes sanctæ carnis & pretiosi sanguinis omnium nostrum Salvatoris effecti: & non quasi carnem communem percipientes, quod absit, neque etiam vt viri sanctificati, & Verbo coniuncti secundum dignitatis vnitatem, aut sicut diuinam possidentis inhabitationem: **SED VT VERE VIVIFICATRICEM**, & ipsius Verbi propriam factam. Vita enim naturaliter **VT DEVS** existens, quia vnum cum carne sua, viuificatricem eam professus est. Et ideo quamuis dicatur ad nos: Amen dico vobis, nisi manducaueritis carnem filij hominis: non tamen eam vt hominis **VNIVS** ex nobis existimare debemus. Quomodo enim **IVXTA NATVRAM SVAM** viuifica esse poterit caro hominis? **SED VT VERE PROPRIAM EIVS FACTAM**, qui propter nos filius hominis factus est. Hactenus verba Patrum Ephesini Concilij.

Præterea meminerint auditores Colloquij, phrasin (IN SE) supra à nobis explicatam, quæ ambigua est, cum dicitur: quòd caro Christi IN SE virtutem viuificandi habeat, vel non habeat. Aliàs enim intelligitur tanquam eius rei proprium, cui hac phrasi tribuitur: qua ratione sola diuinitas vim illam IN SE habet: aliàs verò significat communicationem, sicut Paulus de Christo: In ipso inhabitat omnis plenitudo Deitatis corporaliter, hoc est, IN CARNE EIVS:

**EIVS**: sicut omnes Orthodoxi Patres interpretantur. Plenitudine autem diuinitatis quoque vitam, seu vim viuificandi contineri, nemo dubitat. Ideo etiam carnem Christi **IN SE** habere vitam, verè & rectè dicitur, etiamsi diuinitas eam aliter in se habeat, quàm humanitas aut caro eius in se habet. Et sic quoque Scriptura, imò Christus ipse, loquitur, cum inquit: Dedit filio habere *VITAM IN SEMETIPSO*, Ioan. 5. & potestatem dedit ei etiam iudicium facere, *QVIA FILIVS HOMINIS EST*.

Cum igitur Christus vitam dupliciter in se habeat, videlicet, tanquam Deus & tanquam homo: idè operatio viuificationis **NON DISTINCTE** vni tantum naturæ, id est, solum diuinitati, neque soli humanitati, sed vtrique simul tribuitur. Et quidem vtrique **IN SE**, sed diuinitati duntaxat **PER SE**, humanitati autem duntaxat propter conjunctionem cum Verbo ascribitur.

Viuificandi vis quomodo vtrique naturæ communis.

Hac ambiguitate phraseos explicata, omnes intelligunt, communicatione viuificationis in carne Christi, Deitati nihil adimi, quod ipsius proprium est: neque humanitati quicquam tribui, cuius capax aut particeps non sit facta. Et sic Christus totus, Deus & Homo, viuificationem in mysterijs operatur.

Quia verò vestræ Theses apertè habent, quòd vis illa viuificandi diuinitatis propria, non sit assumptæ naturæ communicata: quæro, & peto saltem **V N V M** sacræ Scripturæ testimonium à te proferri, quo probetur, vim illam viuificam in carne Christi, non diuinitatis propriam, sed quiddam creatum esse?

D. B E Z A.

*Quod proprium est, communicari non potest. Vis illa viuificandi & virtus, de qua tu loqueris, est diuinitatis propria. Ideo humana natura assumpta non potest communicari.*

An carni Christi vis viuificandi diuinitatis propria, sit communicata.

# 342 Colloquium Mompelgartense

*cari. Si enim commune est, proprium esse desinit. Si proprium manet, communicari non potest. Quando homo Christus, Iehoua dicitur: vis viuificandi ei tribuitur. Ideq; non negamus homini tribui: sed humanitati tribui, non dicimus, aliâs humanitas esset Iehoua, aut diuinitas: quod mihi probari cupio.*

D. IACOBVS.

Ratiocinationem & glossam tantum, sed nullum Scripturæ testimonium audio, quo probetur, vim viuificandi IN CARNE Christi, esse quiddam creatum, & non ipsius diuinitatis propriam vim & virtutem. Peto igitur VNVM tantum Scripturæ testimonium, quo id probetur, aut probari possit.

Cyrillus abstractis vocabulis de communicatione viuificationis vtitur.

Deinde ex Cyrillo quatuor aut quinque aperta produxi testimonia, in quibus vim viuificandi carni Christi ascribit. In quibus non concreto vocabulo, vt vos vocatis (hominis) sed abstracto (carnis) vtitur. Caro (inquit) Christi, corpus Christi, natura carnis, viuificat. Corpus vitæ ad vitam Dei reformatum est: caro ad virtutem vitæ reducta est, & descendit, &c.

D. BEZA.

An propria communicari possint, vt tamen propria mancant.

*Quod proprium est, nullo modo communicari, & cum altero commune esse potest, nisi desinat esse proprium. Commune enim & proprium opponuntur, neque simul consistere, aut de vno & eodem predicari possunt.*

D. IACOBVS.

Communicatio priorum qualis sit.

Simile de ferro ignito.

*U. J. m. d. 12  
Condemnatione  
D. Jacobi H. H.  
p. 598.*

Propria sine omni confusione communicari posse, suprà similitudine ferri igniti ad oculum demonstratum est. Etenim ignis vim lucendi & vrendi ferro communicat, quæ sunt & manent ignis proprietates, neque vnquam ferro, sicut igni insunt: ferro tamen verè & realiter communicantur, & insunt pro vnionem, quorum communicatione ferrum efficit, quod sine hac communicatione præstare non posset. Neque propterea

propterea tamen vis lucendi & vrendi fit ferri propria, aut desinit esse ignis propria.

Sic operatio viuificationis, seu vis illa & virtus viuificandi, manet diuinitatis propria, neque vnquam fit humanitatis Christi propria: eidem tamen nihilominus verè & realiter communicatur. Caro enim Christi non viuificat naturali aliqua insita inseparabili virtute viuificandi creata, sed virtute diuinitatis propria sibi quæ communicata agit, quæ ipsa agit diuinitas. Nam à diuinitate non potest separari hæc vis viuificandi, quoniam essentialis, & essentialiter Dei propria est. Sed si diuinitas à carne Christi separaretur (quod tamen nunquam in æternum fiet) vis illa viuificandi à carne Christi quoque separaretur. Sicut à corpore separantur omnes virtutes & operationes animæ, quando ea à corpore separatur. Quod puto omnes auditores intelligere posse.

D. B E Z A.

*Tu probes: humanitatem Christi factam esse Deitatem, tum probasti quoque, & ego etiam cōcedam, eam in se vim & virtutem viuificandi habere, sicut Deitas habet.*

D. I A C O B V S.

Cum nullum prorsus Scripturæ testimonium contra nos etiam de communicatione attributi, viuificationis Diuinitatis propriæ, à te afferri possit, quod carni Christi secundum aperta verba Christi, & Patrum testimonia minimè dubia, cōmunicatum esse, manifestè demonstrauimus: ad postremum attributum Dei accedamus, quod est **RELIGIOSA ADORATIO**. Et probabimus, eam quoque carni, seu humanitati Christi verè & realiter cōmunicatam esse: quam nisi quis **VNA ADORATIONE**, cum Filio, tanquam verum obiectum adorationis inuocauerit, eum personæ Christi unitatem soluere, & cum Nestorio naturas in Christo separare, constanter & intrepide asserimus. Sic autem argumentor.

Quis-

▼.  
De religiosa adoratione carnis seu humanitatis Christi.

Syllogismus.  
Separatio adorationis,  
separat naturas  
in Christo.

Quisquis adorationem in Christo ad solam Deitatem dirigit, ille naturas separat, & personalem diuidit. Vos docetis adorationem religiosam ad solam Deitatem, tanquam ad obiectum adorationis vnicum, dirigendam esse. Ergo naturas in Christo cum Nestorio separatis, & personam eius diuiditis.

D. B E Z A.

D. Beza vnū & perpetuum responsum  
ad questionem de  
communicatione  
attributorum Dei.

Simile de rege coronato,  
purpurato, &  
sceptrum tenente.

*Nemo nostrum docet: hominem Christum non esse adorandum: sed duntaxat negamus, humanitatem adorandam esse. Nam aliud est homo, & aliud humanitas. Homo Christus adorandus, quia est DEVS. Humanitas autem, seu caro Christi, non est Deus: ideoq; etiam non est obiectum adorationis, etiamsi λόγος personaliter sit vnita. Totum Christum adoramus, sed non Totum Christi, id est, humanitatem cum Deitate. Quod similitudine explicabimus. Regem vel Principem adoro purpuratum, coronatum, dextra tenentem sceptrum. In illa adoratione non respicio vel ad coronam, quam in capite gestat: aut ad purpuram, quam indutus est: aut ad sceptrum, quod manu tenet: nec tamen separo coronam, purpuram, aut sceptrum à Rege. Sic in adoratione religiosa Christi, inuocationem nostram dirigimus ad Filium Dei, id est, ad diuinitatem eius, tanquam ad vnicum proprium obiectum religiose adorationis, & non ad humanitatem eius: nec tamen humanitatem à Deitate Filij Dei separamus. Naturas enim & earum proprietates distinguimus, non separamus.*

D. I A C O B V S.

Reuerende D. Beza, non modò dignitatem tuam, sed in primis Illustrissimum Principem Comitem Fridericum, & cæteros Dominos auditores, submissè & reuerenter oro, vt

patien-



parientes mihi aures præbere velint, donec ex libro, quem in manibus habeo, pauca quædam recitauero.


Est autem liber Lamperti Danæi, Geneuæ, Anno Christi 1581. typis excusus, cuius Titulus est: Examen libri D. Kemniti, de duabus naturis in Christo, in quo sequentia verba leguntur, quæ breuiter recitare volo.

Lamperti Danæi  
blasphema doctrina  
de religioſa adora-  
tione carnis Christi.  
Pag. 415.

Primum igitur nostra sententia est breuibus explicanda, ista nimirum: Totum quidem Christum à nobis adorari & inuocari, ne personam Christi (quæ est vnica ex vtraque natura constans) diuidamus, seu separemus: Non autem IN TOTVM CHRISTI adorationem propriè dirigi, ne naturas, quæ in ea inconfusæ manent, confundamus, aut humanam diuinæ exequemur. Nostra enim illa & adoratio, & inuocatio, propriè & per se neque fertur, neque dirigitur IN IPSAM CHRISTI carnem, seu humanam naturam, SED IN IPSAM CHRISTI DEITATEM, non quidem quæ subsistat seorsim & separatim extra naturam humanam assumptam (quod sensit Nestorius, & Cyrillus in Anathematismis refutauit) sed quæ cum eadem assumpta natura in vna persona semper coniuncta, & copulata maneat. Quemadmodum enim laudantes quempiam (exempli gratia Apollo, illum Pauli Apostoli: ὁ ἰσχυρότης) Vt ἐν λόγῳ, & maxima ratiocinandi, intelligendique facultate præditum, totum quidem ipsum hominem, qui animo & corpore constat, laudamus, nominamus, prædicamus: ratiocinationis tamen istius, ac intelligentiæ laus, & prædicatio AD ILLIUS DVNTAXAT ANIMVM PERTINET ET RESPICIT, qui non separatim & per se, sed vnà cum suo corpore manet nihilominus coniunctus. Sic totum quidem Christum (qui Deus & homo est) adorantes & inuocantes, tamen propriè & per se illam laudem, inuocationem, & adorationem, NON AD TOTVM CHRISTI, SED AD EIVS DEITATEM REFERIMVS, ET IN TVEMVR: quanquam non ἀνὰ μέν subsistentem, id est, non extra humanam naturam hypostasim suam seorsim habentem. In summa igitur, dum Christum adoramus, & inuoca-

## 346 *Colloquium Mompelgartense*

Religiosam adorationem ad carnem Christi etiam in ipsa vnione non dirigendam esse.

**NB.**  mus (hic autem de religioso cultu, id est, religiosa, non autem ciuili adoratione, & inuocatione agimus, de quo nobiscum consentit Kemnitius) ad ipsam Christi carnem **ETIAM IN ILLA VNIONE PERSONAE MANENTEM**, propriè & persè **NON DIRIGITVR, AVT SPECTAT NOSTRA illa INVOCATIO, ET ADORATIO.** Atque huius nostrę sententię hę sunt è multis aliquot rationes.

**1.**  
Qui in hominem Christum confidit, & eum adorat: maledictus est, secundum Danqum.

**Prima.** Maledictus (ait, ex ipsa Dei persona loquens, Propheta) vir ille, qui fiduciam habet in homine, et statuit carnem brachium suum, Iere. 17. 5. Caro autem Christi, est vera caro, & homo Christus, verus homo. Qui autem religioso cultu quempiam hominem adorat, aut inuocat, ille fiduciam suam in eo habet, quem ita inuocat & adorat. Quare, qui ad ipsam Christi carnem suam adorationem dirigit, is ex ipsius Deiore maledictus est.

**2.**  
Carnem Christi adorantes Idololatę sunt, secundum Danqum

**Secunda.** Ii sunt veri Idololatę, qui seruiunt, id est adorant, seu inuocant eos, qui natura non sunt Dñi, Galat. 4. At caro Christi non est natura Deus, quamuis sit vero Deo hypostatice vnita. Ergo qui ad eam propriè dirigunt suam inuocationem, sunt veri Idololatę. Hęc autem vox **NATVRA**, tanti est in hoc loco Pauli momenti, vt etiam si verum esset Kemnitij de reali cõmunicatione essentialium Deitatis proprietatum in naturam humanam assumptam commentum, tamen propterea carnem Christi esse obiectum adorationis, non efficeretur: quia gratia, non natura esset Deus.

Caro Christi an obiectum adorationis.

**3.**  
Carnem Christi adorantes, secundum Danqum damnati.

**Tertia.** Qui conseruos suos, & qui sunt ex fratribus, religioso cultu adorant vel inuocant, ij ab ipso Spiritu sancto per angelum reprehenduntur, & damnantur, Apocalip. 19. versu 10. 22. versu. 8. At Christus, qua homo, est conseruus, & vnus ex fratribus nostris, licet primogenitus. Ergo qua homo, non est adorandus vel inuocandus Christus.

**4.**

**Quarta.** Solus Deus est adorandus, Apoc. 19. versu 10. Caro verò Christi non est Deus. Ergo.

**5.**

**Quinta.** Qui creaturam inuocat, aut adorat cultu religioso, est

fo, est in Deum blasphemus, Deut. 4. 6. 10. 17. Matth. 4. ver- Carnem Christi ad-  
orantes, secundum  
Danxum sunt blas-  
phemi.  
fu 10. Caro Christi etiam glorificata, & in vnione personæ  
Christi manens est creatura, Augustinus in Iohannem Ser. 58.  
**ERGO QVI AD EAM SVAM ADORATIONEM DI- Auditu horrendum;**  
**RIGIT, DEVM BLASPHEMAT.**

6. Paulus, quum Christum ait esse adorandum, explicat,  
cuius naturæ ratione id illi tribuendum sit, appellans eum De-  
um, Rom. 9. 5. Ergo Christus, qua Deus, & **NON QVA**  
**HOMO**, est adorandus.

7. Ait Dominus Isai. 43. Gloriam meam alteri non da- Gloria adorationis,  
humanitati Christi  
non est communica-  
ta, secundum Dan-  
xum.  
bo. Caro Christi non est Deus. Ergo gloria Dei non est illi  
danda. Est autem hæc gloria Dei, adoratio religiosa.

8. Hic olim fuit Nestorij error, vt Christum, quæ homo  
est, vnâ cum Verbo doceret esse adorandum. Ergo Nestoria-  
nus est, qui idem hodie docet, & vrget. Falsum.

9. Patres Orthodoxi omnes docent: Nosfram inuoca- Falsum.  
Contrarium omnes  
Patres docent.  
tionem & adorationem **NON** in ipsam carnem Christi  
**ETIAM IN HYPOSTASI** Filij Dei **MANENTEM**, **DI-**

**RIGENDAM ESSE, SED IN IPSAM** Filij Dei- “ Caro Christian  
adorationis ob-  
iectum.  
“ Pag. 419. NB.  
“  
tatem. Ergo Patribus Orthodoxis, & piæ, eruditæque vetu-  
stati ac Ecclesiæ contradicit, qui vult & sentit, & dicit, cum  
Christus adoratur, aut inuocatur, **IPSAM CHRISTI CAR-**  
**NEM ESSE QVOQVE** huiusmodi adorationis, & inuoca- “ Ratiocinatio huma-  
na falsa & impia.  
“  
tionis obiectum. Et paulo post: Quî verò id fieri, obsecro,  
potest, vt, vt si humana Christi natura, religioso cultu, velut  
& diuina, colatur ac adoretur, non sit ipsa quoque diuina seu  
Deus: & per consequens, vt iam salua maneat naturarum dif-  
ferentia: Et paulo post: Primum omnium laborat (Kemni- Pag. 420.  
Vnicui fundamen-  
tum Danai, contra  
religiosam adora-  
tionem carnis  
Christi.  
tius) partim in solidissimo & inuieto illo fundamento disso-  
uendo, quo dicitur: Nullam creaturam esse adorandam:  
partim in illa verissima, & apriissima de diademate, quo  
Rex ornatur, quodque cum ipso Rege salutatur, similitudine  
dudenda. Ait igitur (Kemnitius) non esse adorandam carnem

## 348 *Colloquium Mompelgartense*

Caro Christi etiam  
in ipsa vnione non  
adoranda, si Danao  
credimus.

Nevnita quidem  
caro cum Verbo, ob-  
iectum adorationis  
religiosa.

Horrendum auditu.



In religiosa adora-  
tione Christi, cogi-  
tatio de humanita-  
te Christi, procul re-  
mouenda secundum  
Danzum,

NB.

Pag 38.39.

Opinio blasphema.  
Danzii de adoratio-  
ne Christi.

Christi **EXTRA VNIONEM**. Sed quis hoc vnquam  
dixit, aut sensit? Imò Patres ipsi, quorum testimonia protuli,  
ad carnem Christi, etiam in vnione manentem, negant diri-  
gendam esse adorationem nostram, idque aperte. Petit igitur  
principium Kemnitius, & Patres peruerit, dum vult eo-  
rum sententias in suam sententiam contorquere, qui tam per-  
spicue docent: ne vnitam quidem λόγῳ carnem in Christo ef-  
se obiectum nostræ illius adorationis. Ratio est: quoniam ca-  
ro Christi, **ETIAM IN VNIONE**, vera caro est, &  
verè creatura. Ideoque **NVN QVAM RELIGIOSO**  
**CVLTV ADORANDA**. Hactenus verba Danæi, ex eius li-  
bro recitata.

Scripsit quoque in libello, haud ita pridem etiam Gene-  
uæ impresso, cui titulus est: Assertio, &c, cogitationem de hu-  
manitate Christi in religiosa adoratione non modo non ne-  
cessariam, sed etiam **PROCVL AB EA REMOVENDAM**,  
**NE CVLTVS**, qui soli Deo debetur, ei quoque tribuatur.  
Verba eius sunt: Nulla verò carnis aut humanæ naturæ cogi-  
tatio necessaria est: Imò **PRORSVS REMOVENDA**  
à religiosa Dei diuinæque naturæ etiam **IN CHRISTO**  
**IPSO** adoratione. Quoniam hic **HONOS SOLI**  
**DEO** debetur. Deut. 6. Matth. 4. Hactenus Danæi verba.

Hæc verba, Princeps Illustrissimè, & Auditores huma-  
nissimè, humiliter & obnixè oro, vt diligenter expendantur.  
Quorum hæc sententia est: quòd in religiosa adoratione &  
inuocatione Christi, omnis cogitatio ad solam diuinitatem,  
tanquam vnicum obiectum adorationis religiosæ, sit dirigen-  
da, vt **QVÆ VNA** sit religiosæ adorationis obiectum. Quis-  
quis autem diuinitatem & humanitatem Christi in religiosa  
adoratione & inuocatione eius coniunxerit, & hæc duo si-  
mul obiectum adorationis dixerit, vt non solum in diuinita-  
tem, sed etiam in assumptum hominem confidat, & vnare-  
ligiosa adoratione inuocet: hunc ex ore Dei maledictum,  
Idololatram, blasphemum, & damnatum esse: quia creaturæ  
hono-

honorem tribuat, qui soli Deo & diuinitati tribuendus sit. Ac ne quis putet, quum dicit: Humanam naturam NON PROPRIE & PER SE obiectum religiosæ adorationis esse, eum hoc intelligere de humana natura sine respectu vnionis considerata, & quasi separata: se ipsum disertis verbis explicat, quid his vocabulis (proprie & per se) significari aut intelligi velit, videlicet, quod humana Christi natura NVLLO MODO obiectum sit adorationis, ETIAM IN IPSA VNIONE considerata: quia sit creatura, & NON NATVRA Deus: quia etiam in ipsa vnione creatura, permaneat, ideoque sine Idololatria NVNQVAM inuocari possit. Quapropter disertè, & expressis verbis ponit: NVNQVAM RELIGIOSO CVLTV ADORANDA. Me nihil calumniari, sed bona fide verba eius recitalse, & eorum sententiam breuiter explicare, minimè corruptam aut deprauatam, ipsius apertissima nunc recitata verba docent. Hæc Illustriss. Princeps, & auditores humaniss. doctrina de adoratione Christi, auditu valde horrenda est. Quod videlicet in homine Christo non sit confidendum: quisquis autem id fecerit, eum ex ore Dei maledictum esse: Neque eundem in tentationibus, cruce, & afflictionibus, à nobis inuocandum: Cum tamen summa consolatio nobis in homine Christo, seu ipsius humanitate reposita sit, quoniam sine hoc Mediatore nullus nobis ad Deum in precibus nostris accessus pateat. Mediator autem non est Filius Dei solus sine sua humanitate: sed quoties de Mediatore cogitamus, toties quoque ipsius humanitas in mentem veniat prijs cogitationibus, necesse est. Sicut scriptum est: Vnus est Deus, vnus etiam Mediator Dei & hominum, HOMO IESVS 1. Tim. 2. CHRISTVS.

Quid intelligat Danæus per vocabula, proprie & per se.

Horrenda & abominanda doctrina Danæi de adoratione Christi.

Eum igitur adorando, non solum cum diuinitate eius loquimur, sicut Danæus falso & impiè docet, remora humanitate (quantumuis à diuinitate inseparata, sed cogitatione duntaxat seposita, ne particeps fiat huius honoris & cultus) sed ad ipsum humanum Spiritum Christi tanquam ad verum



# 350 Colloquium Mompelgartense

rum quoque huius religiosæ adorationis obiectum, vna & minime separata oratione inuocationem nostram dirigimus, tanquam ad Pontificem, qui secundum carnem tentatus, nostris tentationibus affici, & nobis credere & auxiliari potest, vt Apostolus loquitur.

Hebr. 2. 4

Et si enim humana eius natura est & manet creatura, etiam in ipsa vnione: Dominus tamen eam in vnitatem personæ suæ assumptam, & ad dexteram virtutis & Maiestatis Dei collocatam, honore suo proprio religiosæ adorationis dignatus est, vt cogitationibus à religiosa adoratione Filij Dei non remoueatur, sed non minus in illam, quàm in ipsam Deitatem dirigatur, QVIA cum Filio Dei personaliter vnita, & in thronum Dei proprium, ad dexteram Patris omnipotentis collocata est.

Actor. 7.

Quemadmodum etiam Stephanus fecisse legitur, cum videret Christum ad dexteram Dei stantem, orauit: DOMINE IESU suscipe spiritum meum. Stephanus diuinitatem non vidit. Ideoque non ad solam Deitatem, sed etiam ad illum hominem, quem vidit ad dexteram Dei stantem, tanquam ad obiectum verum suæ adorationis, quem verum Deum esse credidit, suam inuocationem direxit, & ab humanitate eius inuocationem non auertit. Ita nos quoque non seorsim Deum, & seorsim hominem, sed vna adoratione Totum Christum inuocamus: qui Totus, Deus & homo, obiectum adorationis est religiosæ, diuinitatis quidem propriæ, naturæ autem humanæ communicæ.

*Mentis Dni Jacobi  
quia vidit fide?*

*Non omnis (Episcopus)*

*Unde etiam*

*Summa*

Totus Christus, De-  
us & humanitas  
Vna adoratione  
adoratur.

In admonitione de  
lib. Concordiæ.

Quando igitur dicitur, quod Christi humanitas non sit obiectum adorationis religiosæ: quod etiam preces nostras in cælo secundum humanitatem, non audiat: sicut Heidelbergenses Theologi aperte scripserunt: maxima pars consolationis pijs conscientijs in cruce & calamitatibus adimuntur: quod in Ecclesia Dei intolerabile, & Anathematismo octauo Concilij Ephesini tanquam impium & blasphemum aperte damnatum est. Cuius hæc sunt verba: Si quis aude-  
cerit

cere : assumptum hominem coadorandum , & conglorificandum , & coappellandum cum Deo Verbo, VT ALTERVM CVM ALTERO, & non potius vna adoratione colit Immanuelem , & vnam illi glorificationem adaptat , secundum quod Verbum caro factum est : Anathema sit.

*Recht*

Quod ad similitudinem de Diademate, scepro, & purpura Regis attinet, quam vos accommodatissimam esse dicis : Respondemus nos, eam duplici nomine longe ineptissimam esse. Quoniam neque intelligens est Diadema, purpura, aut sceprum Regis, neque cum Rege personam vnam constituunt. Quapropter Regem adorans homo, & genu flectens, non Regis diademati, scepro & purpuræ loquitur, aut genu flectit, neque honor adorationis ad illa dirigitur, sed ad ipsum Regem.

Similitudo de Rege purpurato, coronato, & sceprum gerente, ineptissima.

Humanitas autem Christi non est instar diadematis, scepri, aut purpuræ : sed ad constituendam personam Christi necessario requiritur, sine qua natura Filius Dei non est Christus, cum rex sit, & maneat rex, etiamsi diadema, purpuram, vel sceprum deponat, quod etiam facere solet.

Quapropter cum Christum adoro, non tantum Deitas est religiosæ meæ adorationis obiectum, sicut Lampertus Danæus impie asserit : sed humanitas cum Deitate est illud obiectum, & sic proprie TOTVS Christus Deus & homo, quem pariter vt Dominum & fratrem atque carnem meam sic adoro : Ecce Domine Iesu Christe, sum caro tua : Tu vero ad tantam maiestatem euectus me tamen non despicias, sed pro fratre tuo agnoscere dignatus es : In tuum ergo finem meam miseriam depono, tu sis mihi adiutor in hac tribulatione mea, in qua constitutus sum.

Similitudo animæ & corporis humani, magis accommodata adorationi Christi est.

Longè ergo & magis accommodata similitudo est, qua Patres vruntur, de corpore & anima hominis : (Quemadmodum caro & anima rationalis, habet Symbolum Arthanasi, est

## 352 *Colloquium Mompelgartense*

est vnus homo : sic Deus & homo est vnus Christus.) In cuius inuocatione seu adoratione (si Rex fuerit) non cum sola anima, neque cum solo corpore, sed cum corpore & anima eius loquimur, non solum animam, sed corpus eius intuentes tanquam obiectum adorationis, & corporis quoque gestum accuratè obseruamus, an sereno vultu Rex nostram orationem audiat, quam non solum anima, sed corpore quoque audit.

Hæc (inquam) accommodatissima & aptissima similitudo est, qua communicatio honoris adorationis explicatur, qui VNVS & idem non solum Deitati, sed etiam carni, id est, humanitati Christi, in inuocatione religiosa, exhibetur. Qua etiam exprimitur, quòd non sola diuinitas, sed etiam humanitas eius, adeoque Torus Christus, Deus & Homo preces nostras exaudiat, & intelligat: non quidem proprietate naturæ suæ humanæ, aliàs Petrus & Paulus nos quoque audirent, sed communicatione diuinæ Maiestatis propriæ, quæ in vnione Personali per exaltationem in Thronum diuinitatis proprium naturæ humanæ verè & realiter in Christo communicata est.

Quam cōmunicationem proprietatum diuinitatis in humanitate Christi assumpta, dum negant aduersarij: in hunc retrum & horrendum errorem incidunt, quòd docent: Christum secundum humanam naturam preces nostras non exaudire, quia hoc sit solius omnipotentis naturæ proprium, ideoque etiam secundum humanitatem non inuocandum esse, Quod sanctæ Ecclesiæ Dei horrendum auditu est.

D. B E Z A.

*Hoc est concionari, non disputare & argumentari.*

D. I A C O B V S.

Ego paulo prolixior fui in explicanda doctrina Ecclesiarum nostrarum, de vera & religiosa adoratione Christi, quam

## De Persona Christi.

353

quam iudico necessariam, & auditoribus minimè molestant  
fuisse. Posthac, quantum fieri potest, breuitati studebo.

D. B E Z A.

*Si adesset Danaus, haberet quod respondere posset. Nobis  
hæ partes non sunt datæ, ut pro ipso respondeamus. Non re-  
peries autem apud ipsum aliud, quam humanitatem non  
adorandam, quia caro non est Deus. Vos abstracta pro con-  
cretis sumitis, & dicitis idem esse, si dicatur: Homo Christus  
est adorandus, & Humanitas Christi est adoranda. Prius  
concedit Danaus, sed posterius negat, quod nos quoque nega-  
mus. Quapropter inde colligi non potest, Danaum sensisse:  
Hominem Christum non adorandum, seu inuocandum esse.  
Nam Totus Christus adoratur, sed non Totum Christi. Vo-  
cabula abstracta & concreta non sunt confundenda: & na-  
turarum atque proprietatum distinctio contra Eutychianam  
confusionem naturarum & proprietatum est retinenda: quod  
à Cyrillo accuratè factum legimus, qui in Ioan. lib. 2. cap. 92.  
sic scriptum reliquit: Simpliciter humanitas illa IN SE SE,  
& non in illo respectu considerata (inquit Cyrillus) seipsam  
adorantibus connumerat, & adorat etiam Christus, V T  
H O M O, postquam factus est Homo. Adoratur autem  
semper cum Patre, & Spiritu, quia verus Deus secundum  
naturam est. Et idem: Num ut hominem (in sese, videlicet  
absolutè etiam in unione consideratum) Immanuelèm ado-  
rabimus? Absit. Deliramentum enim hoc esset, & deceptio  
& error. In hoc enim nihil ab ijs differremus, qui creatu-  
ram ultra factorem, & conditorem colunt.*

Excusatio, & appro-  
batio libri Danzi  
contra Religiosam  
carnis Christi ado-  
rationem.

Vide in Responso  
Beza ad Theol. 20.

Cyrril. in Ioan. lib. 2.  
cap. 92. super hæc  
verba: Nos adora-  
mus quod scimus.

Cyrril. de recta fide  
ad Theodosium.

D. I A C O B V S.

Verba Danæi, ex libro eius recitata, sunt aperta, plana &  
per-

Y y

## 354 *Colloquium Mompelgartense*

Danxi verba & sententia sunt impia & blasphemia in Christum.

perspicua, cum inquit: Caro Christi est vera caro, & Homo Christus est **VERVS HOMO**. Qui autem religioso cultu **QVEMPIAM HOMINEM ADORAT**, ille fiduciam suam in eo habet, quem ita inuocat & adorat. Et ad Christum **HOMINEM**, dictum Ieremiæ, non sine maxima blasphemia, accommodat: **Maledictus vir, qui FIDVCIAM HABET IN HOMINE**. Quid igitur magis aperte dici posset in **HOMINEM** Christum, contumeliosum & blasphemum?

Consensus in verbis, dissensio in rebus & verborum intellectu.

Quod autem tu inter hominem & humanitatem discrimen facis, & propositionem concedis, cum dicitur: Homo Christus est adorandus: sed negas, quando dicitur: Humanitas Christi est Omnipotens, aut adoranda: nihil aliud, quam præstigias verborum esse, iam pridem dictum & demonstratum est. Quid autem quæso est homo sine humanitate? Tolle ab homine corpus & animam, quid reliquum manebit? Nomen sine re. Si humanitas Christi etiam **IN IPSA VNIONE**, (quod Danæus aliquoties repetit, & inculcat) non est adoranda: quomodo vnquam vere à vobis dici potest, quod homo Christus sit adorandus? Sicut enim supra has enunciationes intellexistis & explicastis: Homo est omnipotens, omniscius, omnipræsens: id est, Deitas humanitati iuncta est omnipotens, omniscia, omnipræsens: Ita etiam hanc propositionem: Homo est adorandus: intelligitis, & explicatis, id est, Deitas humanitati iuncta est adoranda. Non autem existimo quenquam in hoc coetu esse, qui non intelligat, hoc merum ludibrium verborum esse ad decipiendos simplices homines excogitatum, ut cum audierint, vos quoque dicere: quod homo Christus sit adorandus: existiment, nullam inter nos hæc in parte dissensionem esse: cum in tantum dissentiamus, quantum coelum à terra distat.

Latibulum erroris sub propositione: (Homo est adorandus) detegitur.

Ludibrium verborum in phrasibus vtitatis. Deceptio simplicium hominum.

Responsio ad dictū illud vulgare, de **TOTO** Christo, & **TOTO** Christi.

Idem respondemus quoque ad dictum toties à vobis aliarum: Christus Totus est adorandus, sed non Totum Christi est adorandum, quia eius humanitas non est adoranda. Et hic denuo ad iudicium auditorum prouocamus, an Christus totus sit sine sua humanitate: aut ad totum Christum non requiratur.



ratur etiam humanitas? Quoniam persona tota Christi, non sola diuinitate, sed etiam humanitate constat, & sine humanitate non est Christus. Falsissimum ergo esse omnes vident, & manibus palpant auditores, quod vos asseueratis: Totum Christum adorari: si humanitas eius cogitationibus nostris, à religiosa adoratione remouetur, & non simul etiam adoretur.

Ad dicta Cyrilli respondemus: ea verissima esse, sicut illa quoque omnia, quæ de viuificatione ex hoc autore à vobis allata sunt. Quemadmodum enim caro Christi, VT CARO viuificare non potest: ita etiam humanitas Christi IN SESE, sine respectu vnionis cum diuinitate, adoranda non est.

Respectum autem illum neque intellexit, neque explicauit Cyrillus, sicut D. Beza intelligit, & explicat. Cyrillus enim per respectum vnionis intelligit realem communicationem dignitatis, & honoris adorationis, in natura humana factam. Christus (inquit Cyrillus) semper accepit ab Angelis cultum & adorationem. Erat enim semper Deus. Jam autem adorant IPSVM etiam VTHOMINEM. Quod Chrysostomus clarioribus verbis explicauit: Re vera magna, admirabile, & stupore plenum est, CARNEM NOSTRAM sursum sedere, & adorari ab Angelis, & Archangelis, & Cherubin, & Seraphin. Hoc sapius ego in mente versans, ECSTASIN PATIOR. D. Beza autem cum suis, respectum illum sine communicatione huius honoris intelligit, perinde ac si quis cum pileo, sceptro & purpura Regis loquatur, quando Regem alloquitur: Et quantum pileus seu corona, aut diadema, sceptrum, & purpura audiunt, & intelligunt: tantumdem quoque Christi humanitatem in coelis audire, cum Christum inuocamus, quoniam solius omnipotentis naturæ sit, omnium cordium cogitationes, & suspiria (quæ efficacissimæ preces sunt, si os maxime non mouetur) exaudire: quod nulli creaturæ, etiam ne quidem humanæ naturæ Christi, secundum vestram opinionem, communicetur. Vnde etiam hic honor inuocationis, & religiosæ adorationis illi non conueniat. Quod non modo falsum, sed etiam planè impium iudicamus asserere.

Refutatio depronationis verborum Cyrilli.

Respectus vnionis, quomodo in Cyrillo & Patribus accipiendus.

Cyrl. in Epist. ad Heb. 1.

Chrysost. ad Heb. 2.

Falsa interpretatio respectus vnionis cum Verbo.

Beza similitudine purpuræ Regis decipitur.

## 356 *Colloquium Mompelgartense*

Quomodo in erro-  
rem de adoratione  
incidant aduersarij

Incidunt autem in illum errorem, peruersa applicatione similitudinis de rege purpurato, vel coronato, quasi eadem sit vnio purpure cum Rege, quæ est humanitatis Christi cum Filio Dei. Quod etsi ipsi non dicunt, tamen ex hac similitudine contra Religiosam adorationem carnis Christi contra nos ad hunc modum argumentantur, & horribilem illum errorem defendunt.

Germana sententia  
verborum Cyrilli.

Quando autem Cyrillus inquit: quòd humanitas seipsam adorantibus connumeret, & Christus VT HOMO adoret: Item, quòd deliramentum sit, si VT hominem Immanuelem adoremus Christum: non simpliciter, sed secundum quid loquitur & intelligit, videlicet, si intelligamus hominem Christum duntaxat ratione proprietatis naturæ humanæ, sine respectu diuinæ Maiestatis communicare. In eodem enim libro ad Theodosium inquit Cyrillus: Neque opinor humanitatem, si in Christo intelligatur & dicatur, diuina gloria priuandam.

Nam quatenus HOMO, & in quantum HOMO IN SE ET PER SE EST, adorauit sicut alius homo Deum Patrem manibus in cælum leuatis, qua ratione etiam adorantibus connumeratus est. Et quatenus HOMO IN SE & PER SE consideratus, non est Immanuel, sed quatenus cum Filio Dei personaliter vnitus & coniunctus est.

Quia verò vt Mediator & intercessor pro nobis orauit, Mediator autem non est vt homo tantum, sed etiam vt Deus, adeoque simul Deus & Homo: vt hoc Mediatoris officium impleret, seipsum ratione communicatæ Maiestatis exinaniuit: vt simul tanquam Deus & homo adoret, & simul ipsum tanquam non solum Deum & Filium Dei, sed etiam tanquam hominem adorantes non repelleret. Sic Petrus inquit: Tu es Christus Filius Dei viui. Cum autem discipuli in nauis eum inuocarent tanquam hominem, (non enim cum sola ipsius diuinitate locuti sunt) non repulit eos tanquam blasphemos idololatrias, sed imperauit ventis & liberauit eos, idque cum summa admiratione populi, qui hoc miraculum

culum homini tribuebat. Quis est ille, inquit, cui & mare & ventri obediunt?

Ludit autem hic iterum D. Beza æquiocatione, seu ambiguitate vocularum (IN SESE) quas ita ad humanitatem Christi refert, vt eam absolute ab adoratione excludat, siue in vnione, siue absque vnione intelligatur: quod Cyrillus non facit. Ideoq; deliramentum, decipio & error est, sicut Cyrillus loquitur.

Quamuis enim humanitas in SESE non adoratur sicut diuinitas, quæ vt adoretur, humanitate non indiget: adoratur tamen hæc IPSA HUMANITAS IN SE ratione vnionis, seu propter, seu per vnionem cum Filio Dei, qui hanc humanitatem, in suum proprium Thronum diuinitatis collocauit, & **ÆQUALITATEM GLORIÆ** ei communicauit, sicut Patres in explicatione verborum Psalmi: Sede à dextris meis: aperte testantur. In Theod. dialog. 1. Athanasius: Corpus est cui dicit Dominus: Sede à dextris meis.

Quomodo humanitas Christi IN SE SE adoretur, vel non adoretur.

Sichodie quoque in cœlis apud Patrem Mediatorem agit, & intercedit pro nobis. Inde autem nequaquam sequitur, quod illi falso colligunt, ideo humanitatem Christi in cœlis existentem à nobis in terra existentibus sine blasphemia adorari non posse. Non enim seruii habitu genua coram Deo Patre flectendo, sicut in terris factum est, sed consideratione meriti, intercessorem & aduocatum agit: quod non solius humanitatis, sed Totius Christi, Dei & hominis est: sicut etiam Deus & Homo simul, & non vt homo tantum, Mediator inter Patrem & peccatores est.

Christus Deus & Homo, mediator in cœlis & in terra,

Vilus sum fortassis iterum concionari: sed non modò doctrina nostra explicanda, verum etiam ambiguitas phrasium ostendenda, & germanus verborum Cyrilli sensus reddendus fuit, quæ sub ambiguis phrasibus in alienam & prorsus contrariam sententiam trahitis. Ideo prolixitatem mihi condonari pero, qua mihi in Colloquio sæpe necessario vrendum fuit. Quam etiam auditoribus, qui veritatis cognoscendæ cupidi sunt, non ingrati fuisse confido.

Excusatio prolixitatis in dicendo.

D. B E Z A.

*Caro, seu humanitas Christi, non est adoranda: quia non est Deitas seu Deus. Nihil autem adorandum, quod non est Deus. Hic honos solius Dei proprius est, sicut scriptum est: Dominum Deum tuum adorabis, & illi soli seruias. Hominem Christum adorandum non negamus, sed humanitatem Christi IN SE SE adorandam esse, non concedimus.*

D. I A C O B V S.

De Phrasi, caro est Deus.

Damascen. lib. 4. cap. 19.

Phrasis hæc: Caro est Deus: non nostra est, quam nobis Danus obtrudere conatur, vt nos tanquam nouatores aliquo pretextu accusare possit: sed est Damasceni, Scriptoris Ecclesiastici minime contemnendi, si Authori etiam Orthodoxi scilicet vestri consensus credimus: quam phrasin ex verbis Ioannis Euangelistæ collegit. Si enim verum est, quod Ioannes dicit: Verbum caro factum: Ergo & hæc propositio vera est: Caro Verbum Dei facta est: vbi caro hominem significat. Verba Damasceni hæc sunt: Διὰ τὸ τὸ καὶ τὸ σαπρὸν ὡς ὁ πρῶτος, ὁ σαφὲς τεθεωρεῖται λέγειν, καὶ θεὸς γενεῖται, καὶ ὁμοθεῖς τῷ λόγῳ. Id est: Nam propter vnionem secundum hypostasim & CARO deificari dicitur, ET DEVS FIERI, ET SIMVL DEVS CVM VERBO. Habes ergo, semel pro semper responsum, non meis, sed Damasceni verbis, ad obiectionem toties à te, & socijs tuis nobis obiectam, de phrasi: Quòd CARO SIT DEVS: quam nobis tanquam authoribus obijcere non potestis. Nam Damascenus apertè scribit: quòd CARO DEVS FIAT, & simul cum Verbo Deus sit: quid vis amplius?

Deinde aliquoties dictum est, quòd in hac enunciatione Homo est Deus: Homo significet verum hominem, ex substantia D. virginis Mariæ à λόγῳ in suæ personæ vnitatem assumptum. Ideoq; falsum & deprauatum est, si dicatur æquipollere propositioni huic: Filius Dei est Deus, qui cum hoc homi-

homine coniunctus est. Cum igitur assumptus homo sit verus Deus, non proprietate humanæ naturæ, sed propter vnionem personalem cum Filio Dei, & nō duo filij, sed vnus tantum filius: ideo hoc non obstante, quod humanitas non sit in diuinitatem conuersa, verè tamen hic homo est Deus. Quapropter Filius Dei adorari non potest, quin simul humanitatem vna atque eadem inuocatione quoque adores, nisi humanitatem à Filio Dei auellere, & personam diuidere velis. Hæc vera esse, etiam mediocriter instituti intelligere possunt.

Cuiusmodi verò error sub voculis (I N S E S E) lateat, & quomodo regatur: suprà satis dictum est, ne quis decipiarur: Quæ vnioni opponuntur personali, propter quam humanæ naturæ hic honos adorationis non verbaliter, sed realiter tribuitur, qui per se ei extra hanc vnionem non competeret.

D. B E Z A.

*Aliud est adorare hominem, & aliud est adorare humanitatem.*

D. I A C O B V S.

Ego dico idem esse, sicut re vera in Christo idem sunt. Nam Filius Dei assumpsit hominem, & Filius Dei assumpsit humanitatem. Et vtraque phrasi idem significante vsi sunt orthodoxi Patres.

D. B E Z A.

*Ego non concedo eadem esse. Adoramus Regem purpuratum, sed purpuram non adoramus.*

D. I A C O B V S.

Iudicio ergo auditorum hoc commendo. Et similitudinem de Rege & purpura non modò ineptam, sed etiam absurdam & eius applicationem ad carnem Christi impiam esse, demonstrauimus. Sed V N V M profer Scripturæ testimonium, quod prober, humanitatem ne quidem in vnione cum <sup>alio</sup> adorandam esse.

D. I A C O.



D. B E Z A.

*Dominum Deum tuum adorabis , & illi soli seruias.  
Caro seu humanitas Christi nō est D O M I N U S D E U S.  
Ergo non adoranda.*

D. I A C O B U S.

Cur negare potes phrasin Spiritus sancti , carnem non esse Deum? cum Ioannes dicat: Verbum caro factum est: Vbi caro pro homine sumitur & intelligitur, quod negare non potes. Ideoq; etiam apud omnes Scriptores Ecclesiasticos, hæ enunciationes æquipollent: Verbum caro factum est: Deus homo factus est. Item, homo est Deus: Caro est Deus: quia caro hic phrasi Scripturæ totum hominem significat: sicut ex Damalceno paulo antè apertissimè demonstraui.

D. B E Z A.

*Verum Ioannes non dicit: Caro Verbum factum est:  
sed inquit: Verbum caro factum est.*

D. I A C O B U S.

Postquam autem Verbum caro factum est: quæro, an non sint conuertibiles hæ propositiones, Verbum caro factum est: &, Caro Verbum facta est: Deus homo factus est: & homo Deus factus est:

D. B E Z A.

*Scriptura non sic loquitur.*

D. I A C O B U S.

Rectè. Nam cum dicit Ioannes: Verbum caro factum est, significare voluit, Verbum, hoc est Filium Dei prius existisse, quàm factum esset caro. Caro autem, id est, homo assumptus, non prius fuit, quàm assumeretur, Eo ipso autem  
momento

momento, cum homo ille esse coepit, Deus fuit. Ideoque reciprocationis harum propositionum causa est eadem, videlicet vnio-personalis, quamuis conditio Verbi & Carnis non sit eadem. Postquam autem Filius Dei factus est homo: Scriptura sacra non modo aperte dicit, hunc hominem Deum esse, sed etiam Deitatis propria illi tribuit, inter quæ etiam religiosa adoratio numeratur & existit: de qua in Psalm. 72. Et adorabunt (Regem illum) omnes Reges terræ.

D. B E Z A.

*Caro non est Deus. Ideo non est adoranda.*

D. I A C O B V S.

Si caro hominem significat, sicut Ioan. 1. accipitur, cum Ioannes dicit, Verbum caro factum est: cui hæc propositio æquipollet: Deus homo factus est: Respondeo, non modo falsam, sed etiam blasphemam & damnatam vocem esse, si quis dicat, quod caro non sit Deus: quia aperte negat hominem esse Deum, qui nomine CARNIS intelligitur.

Ecclesia quidem damnauit has propositiones: Deitas est humanitas: humanitas est Deitas: & recte, quia in his naturæ de se inuicem absolute, id est, sine respectu vniōis personalis prædicantur, quod falsum est. Nam etsi naturarum facta est communicatio: tamen non absolute, sed in persona Filij Dei facta est, in qua vnitæ sunt.

Quas phrasas Ecclesia damnauerit.

Hæc autem propositio: Caro Christi facta est Deus: (vbi vocabulum CARO hominem significat) nusquam ab Ecclesia damnatur, sed à Damasceno usurpata & propugnata est.

Damasc lib. 4. de Orthod. fide, cap. 19.

Sed de phrasi litigare nolumus, secundum præceptum 2 Tim. 2. Pauli, cum seueriter monet: Obresteris eos coram Domino, λογوماχῶτε ne de verbis contendat: quod nihil prodest, quam ad subuersionem auditorum. De hac igitur phrasi cum Damasceno con-

Z z

no con-

## 362 Colloquium Mompelgartense

no contendant, qui eam piè vsurpauit. De re ipsa nos dicamus. Questio enim est quando (Caro) significat verum hominem assumptum, an illa assumpta caro seu humana natura adoranda sit.

D. BEZA.

*Ego eadem ratione hanc propositionem nego: Caro est adoranda: qua hanc propositionem nego: Caro est Deus.*

D. IACOBVS.

Testimonia Patrum  
de adoratione car-  
nis Christi.

Tu ergo non solum cum expresso Dei Verbo, sed etiam cum tota Antiquitate pugnas: quæ apertis verbis testatur, carnem Christi adorandam esse.

De verbis Domini,  
sermone 58.

Augustinus: Si Christus non est natura Deus, sed creatura: nec colendus est, nec vt Deus adorandus. Quid igitur est, quòd CARNEM EIVS, quam creaturam esse non negas, simul CVM DIVINITATE ADORAS, ET EI NON MINVS quam Deitati deseruis? Ego DOMINICAM CARNEM, imò perfectam in Christo humanitatem ideo adoro, quia à diuinitate suscepta & Deitati vnita est.

In Psal. 98.

Idem in verba Psalmi: Adorate scabellum pedum eius: Scabellum est terra: & Christus suscepit terram de terra, quia CARO DE TERRA EST, ET DE CARNE MARIAE carnem accepit. Et quia in ipsa carne hic ambulauit, & ipsam carnem nobis manducandam ad salutem dedit: Nemo autem CARNEM illam manducat, nisi prius adorauerit: inuentum est, quomodo adoreretur tale scabellum pedum DOMINI.

**NB.**

„NI, ET NON SOLVM NON peccemus adorando,  
„sed peccemus non ADORANDO. Damascenus: Caro Christi secundum sui naturam non est adorabilis. ADORATR autem in incarnato Deo Verbo, non propter seipsam, sed propter coniunctum ipsi secundum hypostasim Deum Verbum.

Lib. 4. cap. 3.

Chrysoſt. Heb. 2.

Item Chrysoſt. CARNEM NOSTRAM ADORARI AB ANGELIS dicit: quod quories cogitet, Ecstasin patitur,

tur. Hic audit R. T. mi Beza, carnem adorari, humanitatem adorari: quid vis amplius?

D. B E Z A.

*Patres interdum etiam improprie loquuntur: homo adoratur, non humanitas.*

D. I A C O B V S.

Sed quæ tandem certitudo erit eorum, quæ credenda & facienda sunt, si neque in verbis Scripturæ, neque in dictis Patrum, proprium verborum sensum retinere debemus, & omnes tibi improprie loquuti sunt, quando ipsorum apertissima verba tibi opponimus.

D. B E Z A.

*Phrases Scripturæ Patribus non ignota sunt, quas ipsi quoque sunt imitati.*

D. I A C O B V S.

Phrases Scripturæ sunt aperte, similiter & phrases Patrum. Ab illis igitur recedere, & singulis alienum sensum affingere si licebit: nihil certi in religione nostra habituri sumus. Sed quæro mi D. Beza, An homo Christus, seu Christus secundum humanitatem, aut humanitate sua, etiam audiat preces nostras in terris.

D. B E Z A.

*Si velit, puto.*

D. I A C O B V S.

Hæc non est certitudo fidei, sed oportet certò scire, quòd preces nostras audiat, priusquam orare incipiamus, & inuocationem nostram ad illum dirigamus, alias frustra orabimus.

Z z z

D. BEZA.

D. B E Z A.

*Respectiue adoratur caro seu humanitas Christi: verum  
in ipsam carnem non fertur adoratio, sed ad Deitatem filij,  
qui audit preces & videt gemitus cordium.*

D. I A C O B V S.

Quod hic respectus locum non habeat, sicut vos intelligitis: paulo ante dictum est. Non enim respectus talis est, qualis est purpuræ ad Regem, sicut vos fingitis, cum humanitatem Christi respectiue adorari dicitis: sed humanitas cum diuinitate obiectum est adorationis, quando Christum inuocamus, vt non minus ad ipsam humanitatem, quam ad Deitatem adoratio religiosa dirigatur. Sed quoniam idem perpetuo abs te, non sine molestia auditorum reperitur: non video, quid amplius hac de re disseri possit. Et sufficiat nobis nullo Scripturæ testimonio probari posse aut probatum esse abs te illud tuum: Si caro seu humanitas Christi religiose adoretur, quod necesse sit eam in diuinitatem conuerri & Deitatem ipsam esse. Potest enim huius honoris & gloriæ particeps fieri, sicut re vera particeps facta est, etiam vera humanitas in persona Christi permaneat. Hunc honorem quisquis humanitati Christi derogauerit, eum cum Nestorio personam Christi diuidere, & naturas separare, dicimus.

VI.

De propositione:  
Hic homo est Deus:  
an sine Tropo sit  
vera.  
Blasphemia Heidel-  
bergenſium Theo-  
logorum in Admo-  
nitione.

Sed vnum Epilogi loco adijcere liceat. Nam Heidelbergenses Theologi scribunt: hanc propositionem seu enunciationem: hic homo est Deus: in æternum veram esse non posse, sed impossibilem esse, si terminorum, subiecti & prædicati cum copula, id est, singulorum vocabulorum propria significatio retineatur: VT VIDELICET HOMO significet hominem, DEVS significet Deum, EST significet verè esse, ita vt verus homo sit verus Deus. Idque tam absurdum esse contenderunt, ac si quis dicat: Bouem esse asinum: nisi per Tropum intelligatur & explicetur. Quoniam species disparatæ,



ratæ, de se inuicem non possint dici aut prædicari : quæ sine dubio ( quantum in hac disputatione de persona Christi animaduertere potui ) etiam tua est sententia, quam à tua Reuerentia audire cupio.

D. B E Z A.

*Heidelbergenſes non egent noſtra vel explicatione vel deſenſione: ipſi pro ſe reſpondebunt: quid ad nos, quod illi ſcripſerunt.*

D. I A C O B V S.

In Orthodoxo vestro Consensu etiam hæc verba leguntur : An vnquam pro vero defendere cum Luthero audebunt, in hac locutione, *ISTE HOMO EST FILIVS DEI*, per subiectum, *ISTE HOMO*, non ipſummet Filium Dei, sed assumptæ humanitatis naturam intelligi, sicut hoc ista inconsideratè dicta Lutheri manifestè innuere videntur. Et in præfatione eiusdem orthodoxi Consensus : Principio per verbum substantiuum *EST*, Tropum omnem excludi, illis dare non possumus. Etenim Ioannes Euangelista scribit: Verbum caro factum est : quæ locutio plus quiddam sonat, quàm si verbum carnem esse dixisset. Si quis tamen literæ pertinaciùs inhærere velit, in hæresin incidet, & Christi Deitatem negabit, vt quæ mutationem passa, & in humanam naturam conuersa sit. *NECESSARIO IGITUR AD TROPVM RECVRRERE OPORTET*. Hactenus verba Orthodoxi Consensus : quam sententiam an tua Reuerentia quoque probet aut damnet, audire cupio. Nam hoc volunt, has euunctiones: Homo est Deus: Verbum est caro factum: non secundum literam sicut verba sonant, sed figuratè & tropicè intelligendas esse, aliàs consistere & veras esse non posse. Quemadmodum etiam in verbis Christi : Hoc est corpus meum : tropum inesse, nec sine tropo vera esse posse, contenditis.

Fol. 18. fa. 2. primæ editionis.

Zz 3

D. BE-

D. B E Z A.

Excusatio authoris  
Orthodoxi Con-  
sensus.

*An putas authorem Orthodoxi consensus tam indo-  
ctum hominem fuisse, ut negaret: Deum hominem, & ho-  
minem Deum esse? Qui fuit religiosus vir, & nunc cum  
Deo versatur. Quod ad rem attinet, non negant nostri  
hanc propositionem: Homo est Deus: sed quomodo explican-  
da sit, docent.*

Explicatio propo-  
sitionis: Homo est  
Deus, secundum  
Bezam.

*Nos tropicam locutionem esse dicimus, quam vos innu-  
tatam esse dicitis, cum enunciat: Hic homo est Deus: quia  
non est usitata seu regularis predicatio, in qua disparata de  
se inuicem predicantur, utpote, Deus de homine, quia una  
species, non est altera.*

*Quapropter verbum EST, per verbum [assumptu]  
interpretantur. Vnde deinde quoque illa enunciationes:  
Deus est mortalis, passus, crucifixus, & his similia. Quia  
Deus seu Filius Dei in sua hypostasi sustentat illum homi-  
nem, seu carnem, qua mortalis, passa & crucifixus est.*

D. I A C O B U S.

Enunciatio non ideo figurata seu tropica est, quia inu-  
tata est, & esse dicitur. Tropus enim locum habet in his duc-  
taxat enunciationibus, in quibus propria significatio sin-  
gulorum vocabulorum, salva fidei analogia retineri non  
poteat.

In verbis Joannis,  
VERBUM CA-  
RO FACTUM  
EST, nullus tropus  
inest.

1. Verbum.

2. Caro.

3. FACTUM  
EST.

Quæ autem quæso necessitas nos impellit, ut in verbis Evan-  
geliste: Verbum caro factum est: à propria significatione vo-  
cabulorum recedere, & necessario ad tropum confugere de-  
beamus: aut in quo vocabulo inest tropus? Nam (Verbum)  
hoc loco propriè Filium Dei æternum denotat, & nihil aliud.  
Deinde (Caro) hominem significat, phrasi Scripturæ, He-  
bræis usitata. Postremò Verbum (FACTUM EST)  
signi-

significat ὁ ἄνθρωπος, videlicet, verè & realiter hoc Verbum factum esse, quod prius non erat, videlicet carnem seu hominem: Vt Verbum, hoc est, Filius Dei, verè & realiter sit factus HOMO, quod prius Verbum duntaxat, & non homo fuit.

Si igitur in hac enunciatione: Hic homo est Deus: vocabulum HOMO, vera significatione, propriè & non figuratè aut tropicè hominem verum significat, qui corpore & animarationali constat, videlicet Iesum Mariæ filium ex semine David: & alterum vocabulum DEVS, significat verum & æternum essencialem Filium Dei, & id quoque propriè, non figuratè aut tropicè: Tertio, Verbum EST, significationem suam propriam retinet, qua aliquid re vera esse & existere dicitur, quod enunciatur: Vbi ergo aut in quo vocabulo erit tropus: si oratio (secundum vestram opinionem) est tropica, aut si necessariò ad tropum recurrendum est: Nulla (nulla inquam) necessitas nos cogit ad tropum recurrere, nisi incarnationem Filij Dei veram, & vnitatem personæ Christi, prorsus abnegare velimus. Verè enim & realiter Verbum caro factum est, & vere atque realiter Deus homo factus est, vere inquam & realiter sine omni figura, & sine omni tropo,

D. B E Z A.

*Num ergo tu dises, Verbum in carnem mutatum & conuersum esse? quod certè sequeretur, si verba Ioannis, Verbum caro factum est, sine tropo accipias.*

D. I A C O B V S.

Num verò Verbum nullo modo, verè & realiter caro fieri potest, nisi in carnem conuertatur? Vnde quæso hoc probabis? Num vnus tantum modus est, quo aliquid verè fieri dicitur, & nullus alius, quàm is, quo substantia in aliam substantiam conuertitur? Aut tibi videtur, quòd  
Ver-

# 368 *Colloquium Mompelgartense*

Verbum non realiter caro factum sit, nisi Verbum in carnem, & Deus in hominem transmutatus, seu transubstantiatus, & conuersus fuerit.

D. B E Z A.

*Inusitatam tamen predicationem vos quoque dicitis: Cur ergo non figurata aut tropica esse aut dici possit?*

D. I A C O B V S.

Res inusitata est, ideo etiam prædicatio inusitata est & dicitur. Inde autem non sequitur, quod figurata aut tropica sit, quia regularis non est. Nam inter regularem & figuratam, seu tropicam prædicationem, est tertia prædicatio, quæ dicitur inusitata. Quia res, id est, Mysterium incarnationis, res inusitata, & Aristoteli ignota fuit: cuius organi, sicut aliorum quoque Dialecticorum, regulis non subijcitur.

Omnis tropus à prædicationibus, in enunciationibus de persona Christi, remouendus.

Manet ergo inconcussa veritas, quod hæc enunciationes: Verbum caro factum est: &, Deus homo factus est: sine omni tropo, secundum literam sint intelligendæ, & singulorum vocabulorum propria, vñitata, & Grammatica, vera & genuina significatio retinenda sit.

Abusus doctrinæ Aristotelis in doctrina de Persona Christi.

Hoc Mysterium si Aristoteles audiisset, & credidisset intellectum suum in obsequium Christi captiuum duxisset: & regulas sui Organi & Dialecticæ ad illud minimè accommodandas esse, seueriter monuisset.

Regula in Philosophia verissima de prædicationibus.

In rebus enim, quæ sensibus & rationi, atque humano intellectui subiectæ sunt, hæc regula verissima est: Quicquid de alio prædicatur, id vel propriè seu regulariter, aut figuratè & tropicè, prædicari & dici. In hoc Mysterio autem hæc regula non valet.

Causa cæcitatæ Iudæorum & Turcarum, quod ad veram cognitionem Christi non perueniunt.

Etenim hæc res & hoc Mysterium miseros & excecatos Iudæos & Turcas adhuc exercet & impedit, quod minùs ad cognitionem Christi peruenire possint. Cum enim ratione & intellectu humano comprehendere non possint, quomodo Deus verus, sit verus homo, & verus homo sit verus Deus: Ideo

Ideo etiam hoc Myſterium neque credere poſſunt: neque vo-  
lunt: eoſque pro blaſphemis hominibus habent, qui talia, &  
rationi humanæ tam manifeſte abſurda ſibi perſuaderi pa-  
tiuntur, vt credant & profiteantur, Ieſum Mariæ filium eſſe  
verum & naturalem Deum, Omnipotentem cœli & terræ  
Creatorem.

Hanc doctrinam Turcicus Alcoranus ſummam blaſphe-  
miam, & longè horribiliſſimum mendacium eſſe affirmat,  
abufu huius regulæ confirmatus: quod diſparata de ſe inuicem  
realiter & verè prædicari non poſſint, niſi figuratè & tro-  
picè.

*Regulæ Dialecticæ  
de diſparatis, abufus.*

Si autem conſeſſum fuerit, has enunciationes: Verbum  
caro factum eſt: Item, hic Homo eſt Deus: non veras eſſe, ſi  
literalem ſenſum ſequamur, ſed neceſſariò ad tropum recur-  
rendum eſſe: quid quæſo abſurditatum non ſequetur? aut in  
quos errorum labyrinthos tandem non delabemur?

Si enim Verbum, non niſi per tropum, caro factum eſt:  
& homo non niſi per tropum Deus eſt: tropicum ergo & fi-  
guratum habebimus Chriſtum, non verum Chriſtum, qui  
verè & realiter neque homo, neque Deus ſit: & Filius Dei non  
verè & realiter, ſed tropicè & figuratè, ex Mariæ virgine na-  
tus, paſſus, crucifixus, mortuus, & ſepultus erit? Hac ratione  
Filius Dei non verè & realiter, ſed tropicè, patiendū nos à  
peccatis noſtris redemit. Ideoque non verus, ſed tropicus  
tantum eſſet Redemptor & Saluator? Et homo Chriſtus non  
verè & realiter, ſed tropicè eſſet omnipotens, tropicè omni-  
ſcius, tropicè in terris vbique præſens, tropicè in cœlo & ter-  
ra omnia gubernans, tropicè viuificans, tropicè demum ado-  
randus eſſet?

*Abſurda, quæ tropi-  
cam prædicationem  
in articulo de perſo-  
na Chriſti comitan-  
tur.*

Quemadmodum & Coenam Domini haberemus tropi-  
cam & figuratam, in qua non res præſentes diſtribuerentur,  
ſed adumbrarentur & ſignificarentur tales in cœlo ita per-  
manentes, vt nobis noſtris cogitationibus ad eas in cœlum  
euolandum eſſet, ſi eas præſentes habere, & illis frui vellemus.



# 370 Colloquium Mompelgartense

Tropica Theologia,  
omnia in Scriptura  
facit incerta.

Et quid tandem certi in vniuersa Scriptura, aut vbi literalis sensus manebit? si in omnibus dictis de Christo, & de Coena Domini, & alijs Sacramentis necessario ad tropum recurrendum est?

Tropica Coena Domini.

Quando enim verbum Christi producimus, Hoc est corpus meum, &c. statim responderetur, non intelligenda esse hæc verba  $\epsilon\iota\delta\iota\gamma\mu$ , id est, sicut sonant, sed per tropum explicanda esse: Hoc significat corpus meum, est figura, est signum corporis Christi. Si proferimus verba Testamenti Christi: Hic est sanguis meus: responderetur, hæc verba non intelligenda esse; sicut sonant, sed ad tropum confugiendum, qui Meronymia dicitur: Hoc est signum sanguinis mei. Sin ex Scriptis Patrum, (ad quæ remittimur, vt genuinum sensum verborum Christi eruamus) aperta testimonia produci-  
mus, qui  $\epsilon\iota\delta\iota\gamma\mu$  verborum Testamenti Christi: Hoc est corpus meum, &c. & eorum literalem sensum retinentes, nullum tropum in eis agnoscunt: non modo tropus sed hyperbole etiam nobis obijciunt. Hæc enim tua verba sunt:  
"Dicit quidem Chrysostomus, I P S V M. (Christum) vides, ipsum tangis: Sed profectò vel hyperbolen faceris  
"oportet, qua nimirum exprimitur summa perceptionis veritas: vel videri & tangi, siue solum, siue cum signo, nobis demonstres, quod inuisibile &  $\alpha\pi\rho\iota\gamma\alpha\pi\theta\omicron\mu$  esse contendis.

Hyperbole in testimonijs Patrum.

Beza contra Vvestphal. Tom. I. fol. 250.

Tom. I. fol. 273.

Item, quando ex Cyrillo assertur, nos non tantum spiritualiter per fidem Christo coniungi, sed etiam corporaliter communicare carni Christi, & Christum participatione naturali in nobis habitare, quod benedictio sit Mystica virtutis: Reuerentia tua respondet: Omnia hæc concedo, quamuis satis constet Cyrillum, vt vnionem naturarum aduersus Nestorium tueretur, interdum  $\upsilon\pi\rho\beta\omicron\lambda\iota\kappa\omega$ ; locutum esse, si quis singula eius verba vrgeat.

Ibidem 293.

Et ibidem. Hinc sanctæ illæ veterum hyperbolæ, & Chrysostomi quidem in primis, idcirco ab illis frequentissimè inculca-

cūctatæ, vt fidelium animos docerent, Sacramenta à rebus communi vsui destinatis distinguere, & res æternas spiritua-  
liter in Sacramentis propositas, vera fide apprehendere. Ha-  
ctenus tua verba.

Si igitur omnia tropica & hyperbolica sunt dicta, quæ  
vel Christus ipse, vel Apóstolus Paulus, vel Patres & Docto-  
res primitiuæ purioris Ecclesiæ de hac reali corporis & sangui-  
nis Christi præsentia in Cœna Domini, & de reali communi-  
catione naturarum & Maiestatis diuinæ in persona Christi,  
tam apertè tradiderunt: quid quæso tandem certum & fir-  
mum in vtroq; articulo manebit, in quo fides hominis Chri-  
stiani tutò acquiescere possit?

D. B E Z A.

*Locutiones et phrasæ Sacramentales, tum in veteri, tum  
in nouo Testamento consueta et vsitata, cum Apostolis ipsis,  
tum etiam primitiuæ Ecclesiæ Patribus & Doctoribus non  
ignota fuerunt. Et sic eas docet analogia fidei intelligere, &  
explicare, nisi veritatem corporis & humane nature in  
Christo negare, & in Eutychianam hæresin incidere veli-  
mus,*

D. I A C O B V S.

De illis locutionibus & phrasibus sacramentalibus, cum  
in collatione instituta satis dictum, & apertè demonstra-  
tum sit, quòd longè aliter se res habeat, & quòd tropis il-  
lis in eiusmodi locutionibus locus esse non possit: sufficiat  
nobis apertis verbis Christi, & testimonijs Scripturæ sacræ  
manifestis, absque omni glossa humana, veritatem doctri-  
næ Ecclesiarum nostrarum demonstrasse. Iudicium nunc &  
electionem relinquimus auditoribus, an velit simplici fi-  
de verbis Testamenti Christi, cum explicatione Pauli de  
Cœna Domini insistere, & apertissima sacræ Scripturæ te-  
stimonia de persona Christi, de Maiestatis diuinæ commu-  
nica-

# 372 Colloquium Mompelgartense

nicatione reali IN NATURA humana facta, completi, quorum literalem sensum Patres veteris Ecclesiæ purioris retinuerunt, & suis auditoribus diligenter inculcarunt: An verò tropos & hyperbolas, adeoque loco apertissimi textus, glossas humanas sequi, quæ in tentationibus grauioribus non consistunt.

D. B E Z A.

*Nos auditores nostros per tropum non à verbo Dei abducimus, sed quomodo intelligendum sit, ne contra fidei analogiam peccemus, eos ad hunc modum erudiemus.*

D. I A C O B V S.

Illustrissimus Princeps Fridericus, Reuerende D. Beza, petit cognoscere, an plura in hoc articulo de persona Christi habeatis, quæ velitis proponere. Sin minus: censeat in hoc articulo quoque concludendum, & ad collationem de Prædeterminatione accedendum esse.

D. B E Z A.

*Reuerende Domine, non video aliquid superesse in hoc articulo: optarem autem finem imponi disputationi. Neque enim existimauimus, nobis etiam de alijs articulis (sed tantum de Cæna Domini, & de persona Christi) disputandum fore. Ingrediemur etiam altissimam abyssum, si de Prædeterminatione conferendū erit. Neque, consultum est, coram omnibus de hoc articulo conferre, ne fortè plures offendantur, quam erudiantur, qui illa capere non possunt. Sed tamen non desugio. Præterea etiā libenter ad Pascha domum reuerteremur ad Ecclesias nostras. Constituatur consensus in his duobus articulis. Doctrina de Prædeterminatione nullas discordias in nostris Ecclesijs ferit. Si tamen Princeps nostrā de Prædeterminatione sententiam audire velit, priuatim exponemus: meq;*

opus

opus er  
institue

Vn  
rimus.

Mu  
Prædesti  
bimus.

XX



uerfiarum  
& plus q  
sancto pr  
satisfacer

Nun  
qua non e  
expediri  
breui scri  
sumus, &  
Comes Fr

*opus erit eius causa nouam disputationem coram omnibus instituire.*

D. IACOBVS.

Vna hora enim in ea collatione nos facillè expedire poterimus.

D. B E Z A.

*Multitudo memoriam meam obruit. Sed vestras de Prædestinatione Theses oblatas legemus, & respondemus.*

XXVII. MARTII, AN=

no 1586. hora 3. pomeri-  
diana.

D. B E Z A.

**I**LLVSTRISIME Princeps, Domine cle-  
mentissime, ceterique auditores humanissimi:  
Duc causa nos huc pertraxerunt: Altera, vt  
testaremur, nos seriò compositionem contro-  
uersiarum querere, quæ hætenus Ecclesias miserè afflictas,  
& plùs quàm satis perturbatas exercuerunt: Altera, vt  
sancto proposito Illustrissimi Principis, Comitis Friderici  
satisfaceremus.

Causa, cur D. Beza  
cum suis fratribus  
Mompelgartum  
venerit.

Nunc noua disputatio proponitur, de Prædestinatione,  
quæ non est vnius horæ, diei, aut mensis: neque tam facillè  
expediri potest, quàm quibusdam videtur. Quapropter  
breui scripto sententiam & petitionem nostram complexi  
sumus, & humiliter rogamus, vt Illustrissimus Princeps,  
Comes Fridericus, legere dignetur.

Aaa 3

D. BE-

374 *Colloquium Mompelgartense.*

*D. BEZÆ, ET COLLEGARVM  
EIVS SVPPPLICATIO, AD ILLVSTRISSI-  
mum Principem, Comitem Fridericum: qua  
prima vice Beza abruptit Col-  
loquium.*

*ILLVSTRISSIMO  
PRINCIPI AC DOMINO, D. FRI-  
derico, Comiti VVirtembergenſi, & Mompel-  
gartenſi, &c. Domino noſtro cle-  
mentiſſimo.*

**I**LLVSTRISſIME PRINCEPS, VT  
ſancto tuo deſiderio obſequeremur, ex conſenſu  
ampliſſimorum noſtrorū Magiſtratum, Ber-  
nenſis & Geneuenſis Reipubl. huc aduenimus,  
vt de cōtrouerſia, de Cæna Domini, cum D. Iacobo Andrea  
placide & amicè ex ſacro verbo Dei conferremus: nec vlla  
facta eſt in Celſitudinis tue literis mentio collationis, alijs  
de rebus inſtituenda. Exiſtimamus aut̃, nos pro virili de-  
functos eſſe noſtro hac in re officio: quod liquere arbitramur  
ex Dominorum Collocutorū vtroque ſcripto, vno de Cæna  
Domini, altero de perſona Domini noſtri Ieſu Chriſti, cum  
noſtris ad vtrumq; reſponſis, itidem ſcriptis collato. Neq;  
nos ad rationes humanas vllas confuſiſſe: ſed ijs ipſis teſti-  
monijs ex verbo Dei petitis, & ſecundum fidei analogiam  
expoſitis, uſos ad noſtra confirmanda fuiſſe, quibus R. D.  
Collocutores ad aſtrueda ſua uſi ſunt: cætera verò hinc &  
inde ab illis & a nobis dicta, cum ab electis notarijs & ſecre-  
tarijs ſcripta nō ſint: & nos initio postulauerimus, vt tota  
hac collatio ſcriptis vltro, citroq; miſſis, et ſubſcriptione col-  
locuto-



## Colloquium Mompelgartense. 375

locutorum signatis, perageretur: quod tamen R. D. Collocutores non admiserunt: nullam prorsus illis habendam fidem arbitramur. Quod idcirco significamus, ne idem in hac collatione eueniat, quod in alijs nimium multis: nempe ne istis, si fortè divulgarentur, quod minimè factum velimus, nonnulli ad alēdas istas miserabiles discordias abutantur, quas potius ut nunc penitus aboleri non possint, tamen paulatim sopiri, & extingui cupimus. Caterum quod hodie propositas de Prædestinatione Theses attinet: in hanc disputationem ingredi (quod Illustrissimæ Tuae Celsitudinis pace dictum sit) non possumus, non modò quoniam noua est, & ab ea diuersa, cuius causa huc accessimus, sed alijs maximis de causis duabus, quas velimus C. T. diligenter expendere. Vna est, quod nō per semihoram (sicut D. Collocutores, V. C. polliciti sunt) sed vix per integram hebdomadam ista de Prædestinatione disputatio peragi vllō modo possit: quod nos pro certo scimus, non ignorantes, quanti momenti sit hac grauissima disputatio: nobis autem abesse tamdiu à nostris Ecclesijs non licet. Altera causa est, quod in publico cætu haberi hac disputatio non possit sine graui eorum offendiculo, qui tanti mysterij capaces non sunt, siue nostra, siue contraria sententiæ assentiantur. Vnde nouum exoriri dissensionis seminariū possit: ut hac disputatio potius in scholis, inter exercitatos Theologos, quàm in publico quorumuis cætu discipulanda sit.

Interim tamen, si cupit C. T. plenius nostram ad D. D. Collocutorum Theses sententiam intelligere: libenter illas Theses ad Ecclesias nostras reuersi, vnā cum nostris Collegis, collaturos nos pollicemur, & sententiam nostram diligenter perscripturos.

Metuunt sibi à publicatione Colloquij.

Declinant disputationem de Prædestinatione.

Paucis impietas doctrinæ ipsorum illic demonstrata est.

Morsus conscientiarum ipsorum in hoc articulo.

Doctrina hæc ad omnes Christianos pertinet.

Quod

# 376 Colloquium Mompelgartense

Quod superest, Illustrissime Princeps, ne tot à C. T. frustra suscepti sint labores, & nullo cum fructu facti sumptus: quàm humilimè C. T. in Dei nomine precamur, et pro Christiana charitate D. collocutores rogamus, ut postquàm utrinque, quibus de rebus in duabus superioribus collationibus consentiamus, animaduersum communi scripto fuerit: in-  
 eatur aliqua ratio Christiana, qua fiat, ut licet expediri hæc controuersia nunc non possit, quemadmodum maximè optaremus, tamen omnis ista acerbitas, & amarulentia, tum in cõcionando, tum in scribendo (qua magis & magis exacerbantur utrinque animi, & communibus aduersarijs ludi præbentur) eò usque tollatur, ut tantisper dum Dominum largiatur meliora, vnaqueque pars suam doctrinam, suis gregibus proponere, contenta, ab ijs inuidiosis & minimi Christianis, Zuinglianorum, Calvinistarum, Sacramentariorum, Ubiquitariorum, & cæteris alijs similis notaminibus abstinatur, & alijs pro alijs Dominum corde & ore precentur, ut nobis tandem plenum donet in istis quorū rebus consensum.

Hoc illis largiri non possumus.

Non minùs de dignorum, quàm indignorum manducatione controuertitur.  
 Impudens postulat.

Deinde & hoc petimus, ut cùm in causa sacramentaria manifestè conueniamus in ijs, quæ verè sunt essentialia, veluti in vera rerum significatarum veri corporis & sanguinis Domini perceptione: quamuis de præsentia Sacramentalis modo inter nos nondum conueniat, neque de impiorum manducatione, quorū causa indignum fuerit, pios inter se diuelli: liceat nostra Confessionis fratribus, suam confessionem sine ullo alterius præiudicio, retinentibus, sacram Cænam ex aliorum manibus percipere, & ita suam fraternitatem colere ac testari.

Qua

ius co  
 gnum  
 tegrat  
 cum C

Ob  
 fratribus  
 re, don  
 gat, & c

Post  
 & cum  
 per D.  
 modum

## Colloquium Mompelgartense. 377

*Quasi à Cels. Tua impetrare potuerimus, magnum huius collationis fructum retulisse nos arbitrabimur. Et magnum à Cels. T. Ecclesijs factum aditum sperabimus, ad integram aliquando pacem ijs restituendam, magnâ et insigni cum C. T. apud omnes Ecclesias Christianas gloriâ.*

*Mompelgarti, 26. Mart. Anno 1586.*

Theodorus Beza, Geneuensis Ecclesiæ Minister.

Abrahamus Musculus, Bernensis Ecclesiæ Minister.

Anthonius Paius, Ecclesiæ Geneuensis Minister.

Claudius Alberius, D. & Professor Philosophiæ in Academia Laufannensi.

Petrus Hübnerus, Græcæ linguæ, in Gymnasio Bernensi publ. Professor.

Oblato libello supplici, iussus est Beza cum suis fratribus & auditoribus reliquis, paululum recedere, donec Princeps, Comes Fridericus scriptum legeret, & quid porro faciendum sit, deliberare possit.

Postquam ergo Cels. ipsius supplicationem legit, & cum Theologis Vvirtembergicis collocuta est; per D. Iacobum paucis responderi iussit, quemadmodum sequitur.

Bbb

D. IACO.

# 378 *Colloquium Mompelgartense.*

D. I A C O B U S.

Responsum Illust.  
Princ. Comitis Fri-  
derici, ad supplica-  
tionem D. Beza &  
fratrum eius.

Illustrissimus Princeps, Comes Fridericus, Dominus nos-  
ter clementissimus, libellum vestrum supplicem legit, atque  
diligenter expendit. Et sanè Celsitudo eius, nihil magis in-  
votis habet & optat, si vlla ratione fieri queat, quàm, vt in in-  
stituta collatione, etiàm de reliquis articulis controuersis pu-  
blice procedatur: ex qua auditores omnes intelligere pos-  
sint, in quibus consentiamus aut dissentiamus.

Cur Comes Fride-  
ricus in literis suis  
ad Bezam reliqua-  
rum controuersia-  
rum mentionem  
non fecerit  
Cur Comes Fride-  
ricus continuationem  
Colloquij vserit.

Quòd autem Celsitudo ipsius reliquorum articulo, am-  
in suis literis mentionem non fecit, causa hæc vnica est, quòd  
ipsius Celsir. reliquæ controuersie hætenus prorsus igno-  
tæ fuerunt. Neque etiàm eius Celsir. Ecclesiæ consultum iu-  
dicat, aut magnum fructum ex hoc Colloquio sperandum, si  
tantum in vno atque altero articulo aliquis consensus con-  
stituatur, in reliquis autem, qui non minoris momenti sunt,  
qualis est articulus de Prædestinatione in primis, dissensio per-  
niciosa relinquatur.

Doctrina de Præde-  
stinatione vtilis, ne-  
cessaria, & consolati-  
onis plena.

Optaret igitur Cels. ipsius, si fieri posset, vt per gratiam  
Spiritus sancti, de omnibus controuersis articulis, plenus  
consensus & pia concordia constitueretur: aut saltem per-  
spicue ab vtraque parte ostendatur, in quibus rebus discor-  
dia aliqua relinquatur, quæ cuiusque partis constans & per-  
petua sit in singulis articulis doctrina, & quibus fundamen-  
tis, vtrinque nitantur. In primis verò doctrina de Prædestina-  
tione in Ecclesia Dei non modò vtilis, verum etiàm valde  
necessaria est: de qua passim in explicatione sacræ Scriptur-  
æ testimonia occurrunt: quin etiàm in summis tentationi-  
bus consolatio plenissima est: qua docemur, salutem no-  
stram æternam non in manibus nostris positam, (qua citius,  
propter naturæ corruptionem, quàm primi parentes nostri  
in statu innocentie excidere possemus:) sed in manu Dei si-  
tam esse, secundum illud Christi: Oves meas nemo de ma-  
nu mea rapier.

1622. 10.

Dea

## Colloquium Mompelgartense. 379

Dea igitur vt recte instituantur concionum nostrarum Institutio vera de  
auditores, valde necessarium est. In ea enim si erraretur, & non Prædestinatione  
recte ad fidei analogiam explicetur: fenestra non solum ad valde necessaria.  
Epicuræam vitam aperietur, sed etiam occasio ad despe-  
rationem afflictis, & à Sathana tenratis conscientijs, dabi-  
tur.

Quapropter non tantum eruditjs & doctjs, sed etiam ru-  
dioribus hominibus eam noram esse oportet: in quorum om-  
nium auribus vox Christi sonat, quæ singlis annis in Evan-  
geliorum explicationibus proponitur: Multi sunt vocati, pau-  
ci verò electi: vt etiam certo statuere discant, se à numero  
electorum nequaquam exclusos esse. Matth. 20.

Quapropter hæc doctrina de Prædestinatione non ita in  
Scholas ableganda est, vt non opus sit eam etiam rudi & im-  
perio populo proponere. Quin maximè necessarium est, vt  
populariter & solide illis explicetur, ne à Sathana circumuen-  
ti, in tentationibus succumbant, & pereant. Quæcunque  
enim præscripta sunt, (inquit Apostolus) ad nostram doctri-  
nam præscripta sunt, vt per patientiam & CONSOLA-  
TIONEM Scripturarum spem habeamus. Quæcunque er-  
go pars doctrinæ Christianæ ita tractatur, vt spem Christia-  
nam labefactet: non recte eam doceri, certum est.

Doctrina de Præde-  
stinatione nō solum  
in scholis, sed etiam  
in Ecclesia propo-  
nenda.

Rom. 14.  
Scopus totius sacrae  
Scripturae.  
Regula.

Quia verò Domini semel constituerunt ad festum Pa-  
schatis ad suas Ecclesias redire, neque amplius de reliquis  
quoque articulis controuersis colloqui cupiunt: reponit hoc  
Illustrissima Celsitudo eius in vestro arbitrio & voluntare.

Videtur autem eius Cels. consultum, priusquam vtrinque  
discedatur, cum præter articulum de Prædestinatione, adhuc  
alij duo sint reliqui, videlicet de Baptismo, & de Templorum  
& Imaginum demolitione, in quibus, maximè verò de Ba-  
ptismo, non minor quàm de cœna Domini inter nos dissensio  
est, vt Theses nostræ, quas de tribus iam commemoratis arti-  
culis breues conscripsimus, & de singulis sententiam nostram,  
Illustrissimus Co-  
mes Fridericus petit  
Vrtembergensium  
Theses de Prædesti-  
natione, de Baptis-  
mo, & Templorum  
reformatione,  
publicè recitari.



### 380 Colloquium Mompelgartense

nostrarumque Ecclesiarum complexi sumus, publice omnibus audientibus recitentur. Eas Theses, postquam publice recitatae, & vobis exhibitae fuerint, poterunt deinceps Domini ad suos fratres, Geneuam & Bernam referre, & ad eas quoque quando illis sic visum fuerit, respondere: modo nunc auditoribus, & de Ecclesiarum Augustanae Confessionis doctrina, & de vero quoque controuersiarum in singulis articulis statu, qua de re inter nos contendatur, certo confiter.

Summa doctrinae  
D. Bezz & fratrum  
eius, de Praedestina-  
tione.

Nam de Praedestinatione, aduersa pars docet: à Deo, æternum, occultum, & immutabile decretum factum esse, quod maximam partem hominum non velit saluari, aut ad agnitionem veritatis peruenire, sed eos ad æternam damnationem creasse, ordinasse, & destinasse, neque velle, ut poenitentiam agant, promissionibus Euangelij credant, & saluentur. Quibus etiam precium mortis & sanguinis Christi nihil velit prodesse, utpote ad quos non pertineat: pro quibus etiam neque passus neque mortuus sit. Quam doctrinam nos tanquam erroneam & falsam, & quæ omnem consolationem afflictis & perturbatis conscientijs adimat, & vsum totius Ministerij verbi et Sacramentorum prorsus tollat, aperte damnamus.

Summa doctrinae  
D. Bezz de Baptismo.

De Baptismo quoque docent: quod Baptismus non sit lauacrum regenerationis, sed duntaxat sigillum & obsecratio eius: neque omnes infantes regenerari, qui baptizantur, sed infinitos pueros baptizatorum in æternum damnari, qui in occulto Dei decreto, & numero saluandorum comprehensi non sint, quos etiam Deus nunquam saluari & regenerari voluerit.

Status controuersiae  
de templorum &  
imaginum reforma-  
tione.

De templorum quoque & imaginum demolitione inter nos controuertitur: an prius ex oculis, quam ex animo remouendae sint imagines, quæ Idololatriæ occasionem præbere videantur. Et an in ijs templis vera Euangelij praedicatorio, & Sacramentorum vicius celebrari possit, in quibus Pontificij suam Idololatriam exercuerunt: an verò penitus euer-  
tenda,

## Colloquium Mompelgartense. 381

tenda, demolienda, & noua extruenda sint: Nam eas, quæ apertè ad Idololatriam prostant imagines, è medio, & ex conspectu hominum remouendas & abolendas esse, nulla quæstio, aut inter nos controuersia est.

Quòd si igitur Domini de Prædestinatione nihil colloqui voluerint, pròpter abyssum disputationis eius, vr ipsis quidem, nobis minimè videtur: reponimus in arbitrio & voluntate Dominorum, an de reliquis duobus articulis, videlicet de Baptismo, & de Templis atque imaginibus collationem placidam procedere velint. Idque inprimis vestrum, vestrarumque Ecclesiarum potissimum causa: cum non ignoretis, quantum odium vel hoc solum nomine sustineatis, quòd superioribus annis tot templa à vestris in Gallia & Belgio funditus euersa esse, audire cogimini: quod multi putant commodius omitti potuisse.

Vvitembergici  
Theologi petunt  
colloquium conti-  
nuari.

D. B E Z A.

*Illustrissime Princeps, quantum intelligere possum, Celsi. Tua videtur, vt collocutorum conscriptæ Theses de Prædestinatione, de Baptismo, & templorum atque imaginum demolitione, publicè coram omnibus auditoribus proponantur & recitentur. Nos autem petimus, ne fiat hæc publica recitatio, sed permittatur nobis Theses collocutorum nobiscum domum referre, vbi collatione sententiarum cum fratribus prius facta, respondebimus.*

D Beza deprecatur  
publicam recitationem Thesium Vvitemberg. Theologorum, de Prædestinatione: de Baptismo: de Imaginibus.

*Nam si, quod Vestra Celsi. vult, fiat, vt publicè commemorata Theses Dominorum collocutorum recitentur, nos autem non ad omnia statim respondeamus: posset in auditorum animis sententia harere, quæ nobis grauis esset.*

*Quantum enim ex Reuerendi Domini Doctòris sermone audio, non id docemus, ad quod Theses illorum diriguntur.*

Bbb 3

Quan-

## 382 Colloquium Mompelgartense.

*Quando igitur recitabuntur, putabunt auditores ita rem se habere, & hanc doctrinam nostram esse, quam illi in suis Thesibus complexi sunt & damnant. De Templorum demolitione in illis tumultibus bellicis facta, nemo nostrum omnia probauit, qua cauere & auertere non potuimus. Quapropter nostrum erit, nostram sententiam nostris verbis, & ex nostris libris explicare, de qua deinceps auditores & lectores iudicare poterunt.*

*Habetis vos libellos, quos vobiscum attulistis: quibus nos caremus: parati & instructi ad disputationem de his articulis venistis, de quibus nos non cogitauimus. Est disputatio de Prædestinatione omnium grauissima, post eam, qua est de Christo: ideoque accuratè & consideratè de ea conferendum. Et aliud est, uti est de ea proponere populo: aliud, rationes & argumenta tractare. Quoniam non omnes huius doctrinae sunt capaces, & plurimi hac disputatione abutuntur, Quae pericula diligenter cauenda sunt.*

D. IACOBVS.

Illustrissimus Princeps, Comes Fridericus vrget continuationem Colloquij.

Reuerende Domine Beza: Audiuit Illustrissimus Princeps, Comes Fridericus, quæ nunc abs te commemorata sunt. Sicut autem ab initio à me dictum est, ita nunc quoque eius Celsi, repetere iussit. Oportet omnino Celsi ipsius, ut infutura collatio etiam de reliquis tribus articulis propositis continuaretur, & absolueretur.

Iudicat etiam Celsi ipsius, cum Tua Reuerentia per Dominum Baronem, Dominum Vesinum, de his admonita sit, non opus esse ad multos libros recurrere: Hæc enim Tuæ D. tanquam veterano Theologo omnia optimè nota, & perspecta esse, nihil dubitat. Nam de nobis id verè affirmare possumus, nos de his quoque articulis *NE VNVM QUIDEM LIBRVM AVT LIBELLVM*, aut scriptum aliquod nobiscum attulisse.

Sed

## Colloquium Mompelgartense. 383

Sed cum animum attulerimus veritatis amantem, paciæ & concordiaæ piæ studiosum, si firma pax & concordia inter nos omnino constituenda sit, necessariò de his articulis tribus quoque conferendum fore censuimus. Cuius rei causa, cum hic ante vestrum aduentum, nobis aliquandiu subsistendum fuisset: sententiam nostram in breuissimas, disertas, & perspicuas Theses coniecimus, vt eò magis expedita controuersiarum explicatio in instituta collatione deinceps esse posset.

Quod vt fiat, Cels. ipsius magnopere expetit. Sin verò in sententia persistere, & nō vltra colloqui & conferre volueritis: permittit Cels. ipsius, vt Theses nostras vobiscum domum feratis.

D. B E Z A.

Cum hūc venimus, verè testari possumus, nihil cognitum nos habuisse, nos de Baptismo acturos: quemadmodum etiam de euerfione Templorum. Et optarem nos quoq, institutam collationem de illis Articulis institui, & procedere posse. Sed quoniam propter commemoratas causas fieri non potest: rogamus, vt istæ Theses non legantur, ne in mentibus auditorum aliquid inhereat, quasi ista doceamus, quæ in Thesis vestris posita sunt. Et nostrum est, nostram sententiam, nostris verbis explicare. Sed eas domum referemus, ad quas moderatè & forsan commodiùs respondebimus, quam si de ijs nunc quoq, disputaretur.

D. I A C O B V S.

Illustriss. Princeps, Comes Fridericus sic iudicat: si scriptis omnia expedienda fuissent, conuentu hoc minimè opus fuisset. Nam in eum finem potissimùm hæc placida & familiaris collatio instituta est, vt auditores omnes ex vtriusq; partis ore audiant, quæ cuiusque constans & perpetua sententia sit: quod in scriptis aut impressis libris non tam facile perspici & cognoscere.

Cur Comiti Friderico non placuerit omnia in scriptis proponi.

# 384 *Colloquium Mompelgartense.*

cognosci & iudicari potest. In quibus partes vtrinque con-  
queruntur, sibi ab aduersario iniuste tribui, quæ nunquam  
senferint aut docuerint.

Et lectores de vtriusque partis scriptorum ita affecti sunt,  
quando aliquid in scriptis Bezae occurrit, de quo hæsitant  
cogitatio statim incidit, quod cuperent de hac re nunc co-  
ram D. Iacobum audire, quid ad ea responsurus esset. Vicis-  
sim qui mea scripta legit: cuperet interdum, vbi hæret, D.  
Bezam coram audire. Huic desiderio auditorum omnium in  
hoc Colloquio de duobus articulis satisfactum esse, confidit  
Illustrissimus Princeps, Comes Fridericus. Quæ enim cuius-  
que partis constans & perpetua sit sententia, & quæ vtrius-  
que doctrinæ fundamenta: satis superque intellexisse omnes  
arbitror, vt maximè consensus non sit constitutus. Idem in  
reliquis articulis fieri optasset Cels. ipsius. Quod etiam re-  
liquos auditores expetere, nihil dubito. Nam vox viua,  
nescio quid latentis energiæ habet, quæ in animos homi-  
num penetrat, & magis tenaciter inhæret, quàm si literis  
mandetur.

Illustrissimus Prin-  
ceps, Comes Fride-  
ricus, concordia &  
paci studiosus

Sed quoniam Cels. ipsius videt, vos in proposito persi-  
stere: non potest ipsa quoque aliter agere, & totum negotium  
Deo Opt. Max. commendat. Neque sumptibus vllis peper-  
cisset, si modo pia, sancta, Deoque grata, doctrinæ celestis  
per omnia illæsa & inuiolata veritate, in omnibus controuer-  
sis articulis concordia constitui potuisset. Neque dubitat  
Cels. ipsius, Dominos de toto negotio, maxime de duobus  
articulis, de Cœna Domini, & de persona Christi, domi dili-  
genter cogitatuos, quæ ad veritatis propagationem & piam  
concordiam porro facere videbuntur. Quod vt Domini fa-  
ciant, nos quoque peramanter oramus.

Doctrina & funda-  
menta Theologo-  
rum Vvitembergi-  
corum, quomodo  
comparata.

Nam ex his, quæ vtrinque collata sunt, facile perspicere  
poterunt omnes, nos in assertionem doctrinæ nostræ, non ra-  
tionis humanæ argumenta, aut glossas humanas, sed perspi-  
cium, apertum, & manifestum verbum Dei proposuisse, &  
omnes & singulos hortatos esse, & hortari, vt intellectum  
suum



## Colloquium Mompelgartense. 385

suum in obsequium Christi captiuum ducant, & verbo Domini humiliter subiiciant, eique simpliciter credant. Sic fore, vt nunquam fallantur aut decipiantur, sed secure & tutissime ambulent, & in tentationibus non succumbant, contra Diabolum exultent atque triumphent,

Et omnibus notum est, hoc infaustum & perniciosum certamen de Coena Domini, & de persona Christi, à nobis minime exortum, neque nos ei vllam causam vel occasionem dedisse: Qui sine omni disputatione simplicem & literalem sensum verborum Testamenti Christi semper retinuimus, & adhuc retinemus. Atque vt idem omnes pñ & fideles faciant, explosis omnibus tropis & figuris, sedulo monemus, & strenue hortari eos sumus.

*Certamen de Coena Domini & persona Christi, non à Theologis Vvitemberg. exortum.*

Quam doctrinam nostram, ex parte vestra oppugnare coeperunt, neque adhuc desinunt, qui nos ab expressis verbis Testamenti Christi ad tropos & figuras abducere sunt conati. Quibus necessario resistendum, & non concedendum fuit, vt Testamentum Christi corrumpatur, & planissima eius verba in alienum sensum detorqueantur: idque pro ratione fidei & Ministerij nostri & facere, & vigilare tenemur, nisi Deo & Saluatori nostro Iesu Christo, durissimam rationem reddere velimus.

*Quis causam & occasionem controuersia de Coena Domini, & persona Christi, dederit.*

Studebimus autem paci & tranquillitati publicæ, quantum illæsa conscientia, & inuiolata veritate fieri potest. Neque vllam causam ad maiores distractiones dabimus: sed quantum in nobis est, operam dabimus, vt sopiantur magis, quam refrientur controuersia. Quod non alia ratione, quam veritatis doctrinæ cœlestis, syncera & aperta declaratione fieri potest.

*Vvitembergici Theologi pacis & concordia studiosi.*

*Quomodo pia, sancta, Deo grata & Ecclesiae salutaris concordia restitui possit.*

Videmus ipsi quoque, & res atque experientia testatur, scriptis parum profici. Sed cum errores sparguntur, qui Paulo teste, sicut cancer serpunt, & simplicium atque innocentium corda & mentes occupant: omnino illis semper resistendum esse, idem Apostolus docet,

*Falsis doctoribus in Ecclesia resistendum.*

*2. Tim. 2.*

## 386 Colloquium Mompelgartense

Virtembergensium  
Theologorum affe-  
ctus & charitas erga  
Gallicas Ecclesias.

Nos Gallicarum Ecclesiarum miseria serio & vehemen-  
ter affici, illisque non modo ex animo condolere, sed etiam  
pro illis sedulo orare, & Ecclesias nostras ad publicas preces  
exhortari: Deum ipsum, & nostras Ecclesias, auditores no-  
stros, testes habemus: & opramus atque precamur, ut Deus  
vel tandem illis malis finem faciat, & piam pacem atque con-  
cordiam largiatur. Idem nunc quoque facimus, & faciemus,  
quoad vixerimus. Neque vnquam ex parte nostra, nos illis  
defuturos pollicemur, in omnibus illis, quæ ad illorum piam  
pacem, tranquillitatem & æternam salutem facere videbun-  
tur.

Apostrophe ad Au-  
ditores, vñ in omnib.  
controuersijs reli-  
gionis ad solum Dei  
verbum respicien-  
tes, ab eius simplici-  
tate se nulla glossa  
abduci pariantur.

Hortamur autem postremo auditores pariter omnes &  
singulos, ut suæ æternæ saluti inprimis consulentes, non tan-  
tum in præsentibus controuersijs agitatis, sed etiam in reli-  
quis omnibus religionis certaminibus, hominis nullius, huius  
vel alterius Glossa, sed **SOLO ET VNICO DEI VERBO**  
**NITANTVR**, eique constanter adhæreant, neque se ab eo ab-  
duci patiantur.

Constantia & firmi-  
tas fidei in **SOLO**  
**DEI VERBO**.

Sic enim fides ipsorum firma & immota stabit contra om-  
nes tempestates & furores Diaboli: & fortius animi coalescent  
& coniungentur, quando **VNVS DOCTOR** ab omni-  
bus, pro vnico præceptore & duce agnosceretur, & ab illius ore  
omnes pendebunt, nulla ratione habita, quod sensus & ra-  
tio nostra non capit: Quorum cogitationibus in mysterijs  
sacris, pñ non indulgent, sed in Christi obsequium intellectum  
& sensus captiuos ducunt, & se verbo Domini solo doceri pa-  
tiuntur.

Concordia quando  
firma.

Concordia pijs pre-  
cibus à Deo impe-  
tranda.

Et speramus nos pijs precibus vel tandem consecuturos,  
ut sancta, Deo grata, & Ecclesijs salutaris concordia consti-  
tuatur. Quod faxit, & largiatur Deus æternus, Pater Domini  
nostri Iesu Christi, per Spiritum sanctum, Amen.

D. B E Z A.

Gratiarum actio  
Bezæ.

*Illustrissime Princeps: Cels. Tuæ agimus ingentes gratias,  
pro hoc sanctissimo tuo desiderio, et promouende pia concor-  
diæ studio. Eamq; precamur, ne arbitretur, aliam ob causam*  
nos

## Colloquium Mompelgartense 387

nos collationem hanc detrectare, quàm quòd iustissimū ind-  
dicamus, & tutissimum, scripto agere. Deumq; precabimur,  
ut hoc sanctum tuū desiderium promouere, & toti familie  
Vvitembergice magis magisq; benedicere velit.

Gallicas enim Ecclesias nominatim & sepe expertas, no- Prædicatio merito-  
ui, insignem pietatem & benevolentiam beata memorie rum Illust. Principi  
Ducis Christophori, & Tuae Celsitud. patris, quibus præditi Vvitembergensium  
fuerunt. Apud quos & legatos & literas minimè inanes im- in Ecclesias Galli-  
petrauimus: ut verè dicere possim, quamplurimas familias, cas.  
secundum Deum illis suam salutem debere. Quæ vestigia,  
cūm Tua Illust. Celsitud. sequatur: nostrum est, nos grata  
mente agnoscere, & pro ista orare, & Illustriß. Celsitud. Tuae  
salutem, omnem benedictionem et incrementum à Deo pre-  
cari. Et speramus, nostra hæc vota non futura irrita.

Quod ad collationem attinet, petijmus scriptis agere, non Cur D. Beza & fra-  
ideo quidem, ut cætus nihil intelligat: sed arbitrati sumus tres eius, scriptis agi  
multo compendiosius, & circumspectius argumenta scripto petierint.  
comprehendi posse.

Nos autem Reuerendi viri, Domini Doctoris Iacobi An- Prædicant & pro-  
dræ oratio reficit, quæ nobis benevolentiam pollicetur. Ne mittunt mutuam  
que Gallica Ecclesia ea se indignas reddent. Dabimus enim benevolentiam.  
operam, ut parem quoque benevolentiam ipsis præstemus:  
& quod facimus, melius facere studebimus.

Testari enim possum per Dei gratiam, in nostris concio-  
nibus & prælectionibus, Vbiquistas, Lutheranos, & similes  
voces inauditas esse. Solemus enim simpliciter nostram sen-  
tentiam proponere & argumenta recitare, & sine omni  
amarulentia vestram sententiam, in quibus dissentimus,  
exponere.

# 388 Colloquium Mompelgartense

*Vtinam verò memoria omnium eorum aboleretur, communi consensu, quæ utrinque superioribus annis tanta animorum acerbitate scripta sunt. Hac nostra sunt vota & gemitus: & ne inanis nostra videatur oratio, ausim polliceri, nos exitu rem totam & opere demonstraturos, & operam daturus, ut neque dictum, neque scriptum in Ecclesia nostra oriatur, quod turbare Ecclesiam possit.*

Postquam igitur à Theologis Vvirtemberg. D. Beze & fratribus eius, Theses de reliquis articulis tribus exhibitæ sunt, neque ipsis Illust. Principis, Comitis Friderici voluntas & desiderium ignotum esset, quod cōtinationem colloquij expeteret, idemque etiam plurimi ex Gallis vrgerent, & peterent; re prius inter se priuatim deliberata, Vvirtemberg: Theologis significari curant, se die sequenti, qui erat 27. Martij, de quinto Articulo, qui est de Templorum & Imaginum Papisticarum reformatione: & sequentibus diebus etiam de reliquis duobus, videlicet de Prædestinatione, & de Baptismo, pari modestia, sicut in prioribus articulis factum est, placidè collocuturos. Quod Vvirtemberg: Theologis, inprimis autem Illust: Principi, Comiti Friderico, pergratum fuit.

De Templis Imagin. & Organis. 389

XXVII. MARTII,

Anno 1586.

D. IACOBVS.

**R**EVERENDE D. Beza, quandoquidem nobis hodierno die de quinto articulo, videlicet de Templorum & Imaginum reformatione, placide & modeste conferendum erit: Illustriss. Principi, Comiti Friderico placet, ut eadem quoqueratio obseruetur, quam in præcedentibus articulis secuti sumus: videlicet, ut primum à nobis conscriptæ Theses, ante collationem institutam publicè recitentur, ut gustum aliquem Auditores habeant, ad quem scopum tota collatio directa sit.

THESES THEOLOGO-

RVM VVIRTEMBERGENSIUM, DE

*Templis Papisicis, de Imaginibus, Organis*

*Musicis in templo, & eorum refor-*

*matione: quas D. Lucas*

*Osiander recita-*

*uit.*

*Extra controuersiam sunt posita.*

I.

**T**EMPLA diuino cultui destinata, ut in illis verbum Domini doceatur, & audiarur, Sacramenta distribuantur & percipiantur, cum Idolatria contaminata fuerint, iuxta verbum Domini purganda esse.

Ccc 3

Ima-



# 390 *Colloquium Mompelgartense*

## II.

Imagines siue pictas, siue sculptras, quibus historiar, & res sacræ repræsentantur, adiaphoron esse.

## III.

Imagines quæ ad Idololatriam prostant, abrogandas & abolendas esse.

## IIII.

Status controuersæ.

Queritur autem : An propter Idololatriam, quæ passim in Templis Papisticis exercetur, ipsa Tempia & altaria Imaginibus, sacris historijs minimè Idololatricis exornata, & dispensationi corporis & sanguinis Christi in Eucharistia destinata, diruenda : Item, Organa Musica, tanquam à Deo prohibita essent, ex Templis eliminanda sint : In hac questione negatiuam amplectimur & defendimus.

## V.

### *FVNDAMENTA DOCTRINAE ET assertionis nostræ, hæc sunt.*

Joan. 10.

Christus in Templo Hierosolymitano docuit, quem locum aliàs speluncam latronum appellat. Et legitimus facta esse Encœnia, non Templum dirutum esse.

Act. 17.

Paulus Athenis ad altare Deo ignoto consecratum, gentibus Christum prædicat. Neque in Actis Apostolorum vquam legimus, quod vel ab Apostolis, vel ab illorum auditoribus tale quid tentatum sit.

## VI.

Imagines siue sculptræ, siue pictæ, non absolute, sed ratione cultus diuini in lege prohibiti sunt, ne ad Idololatriam prostarent.

Si enim Deus in lege sua omnes Imagines ( etiam extra periculum adorationis & Idololatriæ ) prohibere voluisset, ( cum dicit : Non facies tibi sculptrile, neque omnem similitudinem

## De Templis, Imagin. & Organis. 391

tudinem, quæ est in cœlo desuper, & quæ in terra deorsum, nec eorum quæ sunt in aquis sub terra, Exod. 20.) cerrè non præcepisset fieri dtos Cherubin aureos in arca fœderis, Exod. 25. & in velo, Exod. 26. sed & in Templo Ierosolymitano iussu Domini ædificato, fecit Salomon in Sancto sanctorum duos Cherubim, 1. Reg. 6. Et in luteribus sacris erant in latere Cherubim, & Leones, 1. Reg. 7. & sub mari fusili duodecim boues, ibidem: quæ omnia in templo conspiciantur. Neque ramen his Imaginibus peccatum est in legem Dei, dum nemo eas Imagines coleret. Et Moyse æneum serpentem in deserto Israelitis inspiciendum proposuit, Num. 21. quem Ezechias non contriuisset, nisi populus Israeliticus ei 2. Reg. 18. serpenti thymiamata adoleuisset, eoquæ ad Idololatriam abusus fuisset.

Et quantum à pictura Imaginis Dei distat, quod Isaïas dicit: Vidisse se Dominum sedentem super solium excelsum, & eleuatum: Isaïæ 6. Er, an non Daniel pingit nobis Deum Patrem antiquum illum dierum: cuius vestimentum candidum erat quasi nix: & capilli capitis eius, quasi lana munda. Deinde pingit filium hominis, venientem vsque ad antiquum dierum, Danielis 7. An non hæ sunt picturæ: Quare si eas Imagines remoueamus, quæ coluntur: satisfactum erit hac in parte legi diuinæ: à cæteris Imaginibus & picturis, nihil erit periculi.

### VII.

Regula à D. Paulo præscripta, de infirmis non offendendis, accuratè obseruanda est: & Idola prius verbo Domini ex animis hominum euellenda, quàm ab oculis eorum remoueanur, &c.

### VIII.

Quod ad Organa, & instrumenta Musica attinet, manifestum Dei verbum extat: Laudate Dominum in choris & Organo. Laudate eum in Cymbalis benè sonantibus. Laudate eum in Cymbalis iubilationis. Exempla 3. Reg. 10. Regum

2. Paralip. 20.  
2. Par. 29. 35.

Regum pijsimorum Dauidis, Salomonis, Ezechiae, Iosiae, &c. hoc idem testantur: quorum Musica instrumentalis in Templo à Spiritu sancto non reprehensa, sed commendata est.

SEQVENTIA DOGMATA, SCRIPTA  
re sacra non consentanea cen-  
semus, &c.

I.

Non posse doceri Euangelium in Templo, in quo prohibita & Idololatræ sacra celebrata sunt.

II.

Non licere Cœnam Domini celebrare in altari, quod prius abominationi Missæ Pontificiæ seruierit.

III.

Mensam ex ligno confectam loco altaris lapidei in templis necessario constituendam esse, in quo Cœna Domini celebretur: cum tamen Christus vnâ cum discipulis suis non mensa vsus sit, sed humi pro more & consuetudine gentis discubuerit.

IIII.

Abrogationem Imaginum populo permittendam: quæ pierati & sapientiæ Regum, Principum, & cuiusque loci ordinarij Magistratus commendata est.

*Iacobus Andrea D*

*Lucas Osiander D.*

Quamuis autem Responsum D. Bezae & fratrum eius, ad singulas Theses in isto cōfessu recitatū non sit, quòd nondum conscriptum, sed postea demum exhibirū esset: iudicauimus tamen Lectori non ingratum fore, si hoc loco etiā insereretur. Sic. n. quæ  
vtriusque

vtriusque partis constans & minimè dubia sententia esset, plenius intelligere, & institutam de hoc articulo placidam collationem, vtra pars firmis & immotis veritatis testimonijs niteretur, lector pius faciliùs iudicare possit.

## RESPONSIO AD Theses de Imaginibus.

Ad I.

A<sup>s</sup>sentimur.

Ad II.

Picturam & sculpturam agnoscimus in rebus ciuilibus magnum usum habere: qua de re hic non agitur. Usus autem historys sacris representandis, etsi per se est & diuina & magis tamen<sup>b</sup> nocere, quàm prodesse, si in sacra loca inferantur, propter humani ingenij ad Idololatricum cultum propensionem ipsa experientia ostendit. <sup>c</sup> Nec temerè & sub veteri sedere, & ampliùs quàm trecentis annis post<sup>d</sup> Christum, hic mos non fuit, ut ista alibi quàm in sancto Dei verbo scripta, vel sculpta, vel picta extarent. Imò cum Paulinus<sup>e</sup> Nolanus Episcopus istum morem pingendorum parietum simplici zelo inuexisset: videmus, quòd res euaserit, ut hoc fuerit meritò ab<sup>f</sup> Elibertino Concilio expresse prohibitum. Et extat Epiphanijs Epistola à Hieronymo è Græcis in Latinum translata, ex qua apparet, intolerabile fuisse illo seculo in ade sacra extare Christi vel sancti ullius imaginem.

Ddd

Ad

ANNOTATIONES  
marginales D. Iac. Andr.  
quibus ad Theses D. Be-  
ze, post absolutum col-  
loquium exhibitæ, bre-  
uiter responde-  
tur.

a. Furor ergo, non zelus, aut saltem zelus non secundum scientiam fuit, quòd passim in Gallia & Belgio quàm plurima Tempia amplissima diruerunt, & funditus euerterunt.

b. Fallacia accidentis est. Id enim non fit vicio picturarum aut sculpturæ, sed negligentia Episcoporum & Ministrorum Ecclesiæ, quorum fideli opera hæc omnia facile caueri possunt.

c. Vbi non est lex, ibi nulla transgressio. Picturæ & sculpturæ non aliter prohibita sunt, quàm si ad cultum prostant, Exod. 20.

d. Nullo præcepto diuino prohibiti fuerunt hoc facere: sed ips temporibus omnia persecutionibus perturbata erant, ut de his non cogitarent. Mos ergo fuit, non præceptum.

e. Nolanus impietatis arguendus non est, sed accusanda negligentia pastorum & Episcoporum in docendo: qui hæc omnia facile cauere potuissent, quæ secuta sunt mala.

f. De Elibertino Concilio, & Epiphanijs Epistola, infra in Colloquio videantur acta.

g) De his imaginibus nulla inter nos controuersia est. Idem enim prorsus nos quoque sentimus.

h) Consensus est etiam in hoc, quòd ad cultum Deus eas non solum adorari, sed etiam fieri prohibeat.

i) Hac euerfione quàm plurimi infirmi in fide offensi sunt, vrabiefta veritatis doctrina, quam gustare cœperunt, iterum ad vomitum redirent. Et hostes veritatis in Idololatria propugnanda pertinaciores facti sunt.

k) Idola tollenda esse, consentimus. In ijs verò quæ ad representandas sacras historias vel picta vel sculpta sunt, ædificatio Ecclesiæ spestanda, & considerate agendum. Inprimis verò infirmorum perpetua ratio habenda est.

l) Harmonica Musica singulari Dei donum est, cuius præcipuus vsus ad cultum Dei destinatus esse debet, sicut exempla piorum Regum docent.

m) Imò maximè mentes piorum ad pietatem, & deuorẽ Deo cultum debitum præstandum, excitantur.

n) Nos nullo modo probare possumus illos furores populi: cū abrogatio ad cuiusq; loci Magistratũ pertineat in quo tamen etiam prudentia cum pietate requiritur, ne quid intempestiuè aut cum offensione piorum fiat.

o) Imò maximè huc spectat. Euerfiones enim templorũ magis propter impiam doctrinam & Missas Pontificias, quàm propter Idololatrias imagines in Gallijs & Belgio factæ sunt. Quo nomine Hierosolymitano Templo tempore Christi maximè respondent.

## Ad III.

*Non tantum imagines, quibus manifestè abutuntur homines, sed quibus & allici possunt ad Idololatriam, cuiusmodi sunt, quæ in locis sacris spectantur, tollendas censemus, & in genere expresso Dei verbo assentimur, qui de<sup>h</sup> cultu suo loquens, non tantum adorari, sed etiam fieri imagines vetuit. Præclare enim Augustinus in Psal. 113. Plus valent, inquit, simulachra ad curuandam infelicem animam, quòd os, oculos, pedes, aures habent, quàm ad corrigendam, quòd non loquuntur, neq; vident, neq; audiunt, neq; ambulant.*

## Ad IIII.

*Aliud est<sup>i</sup> euerfio templorum, quam minimè probamus, quàm manifestorum<sup>k</sup> Idolorum sublatio, quibus vel nunc abusi fuerint homines, vel probabile est non posse non abuti. Et quod ad Organa Musica attinet: Musicen minimè damnamus: sed vbi cantatur harmonicè,<sup>l</sup> quod mentem non intelligitur, res ipsa ostendit, quid inde consequatur, nempe vt paulatim magna pars cultus Dei in cantiunculas mutetur, & non Dei verbo<sup>m</sup> mentes pascantur, sed in axibus sonis aures mulceantur.*

## Ad V. &amp; VI.

*Rectè docetur templorum euerfio minimè esse necessaria, nec temerè<sup>n</sup> probanda. Sed quod dicitur de templo Hierosolymitano, nullo modo<sup>o</sup> huc spectat. Tantum enim abest, vt, cum Christus in eo doceret, vllis esset idolis vel sculptis vel pictis contaminatum, vt Iudæi postea extrema quæq; potius pati maluerint, quàm aquila simulachrum in eo statui. Et disputari posset, an Christus passurus fuerit in templo spectari, qui tanto zelo vendentes et ementes è tẽplo eiecit, & numula-*



mulariorum mensas euerit, cum tamen prae-textum aliquem speciosum haberent, qui prae-texti nullis simulachris potuit.

Quod autem dicitur, imagines non absolute, sed ratione cultus in lege prohibitas fuisse; si sic intelligitur, quasi ceremoniale praeceptum, ut observatio Sabbathi, negamus: idque probamus perpetua & accurata eius praecepti secundi in veteri purae Christiana Ecclesia observatione, quae tamen ceremoniales leges aboleuit. Quod enim ad Cherubinos attinet, perinde id fuit, ac si in templo non fuissent positi, nimirum extra omnium etiam Sacerdotum conspectum, & propositi etiam, ut typi Maiestatis illius Messiae ipsis angelis dominantis, cuius nunc veritatem habemus.

Aliae vero imagines, ut leonum & boum, nihil ad rem pertinent, ut quae fuerint Vasorum sacrorum ornamenta extra omne Idololatriae periculum & praeterea expresso Dei verbo ita fabrefacta. Aeneum denique serpentem, quam non oportuerit omnium oculis exponi, euentus declarauit: & utinam imitarentur Christiani Magistratus Ecclesiae exemplum in his conterendis, in quibus longè minùs excusabili prae-textu Ecclesia Christiana foedissime est prophanata, & praecipue quidem in crucis & crucifixi imaginibus, quae quomodo pingenda & spectanda sint Christianis, declarat Paulus, Gal. 3. Idem dicimus de Propheticiis visionibus, quas idcirco minimè Dominus seruis suis exhibuit, vel ab illis describi voluit, ut alibi quam in verbo ab illis spectarentur, ubi minime res mutae sunt, quales sunt pictorum imagines.

Ddd 2

p) Nequaquam praeceptum Dei de prohibitis imaginibus, ad ceremoniales leges referimus: sed ad prohibitum Dei cultum, neque fabricandas neque adorandas, praeceptum Dei sonare docemus.

q) Nihil refert, quod illas imagines populus non aspexit. Sed quaeritur: an liceat illarum exemplo imagines pingere aut sculpturam exprimere? An id perse impium sit? Ad quam quaestionem haec exempla accommodantur, contra eorum errorem, qui arbitrantur, simpliciter à Deo prohibitum esse, imagines pingere aut sculper.

r) Eadem ratio harum quoque imaginum est, quae ad hunc scopum & quaestionem propositam allatae sunt, sicut de Cherubim dictum est. s) In hoc non peccatum est, quod omnium oculis expositus est serpens aeneus: sed quod Sacerdotes populum per doctrinam Moysi non recte erudiuerint. Sic enim nihil periculi in illo spectaculo publico fuisse: quo pii fidem suam quotidie confirmare potuissent.

t) Exemplum Ezechiae, pii Principes nostro tempore imitati sunt, in tollendis imaginibus, quae ad cultum prostabant. In reliquis qui moderate egerunt, adificationi Ecclesiae plurimum seruiuerunt.

u) De crucis & crucifixi imaginibus nihil periculi est, quam diu populus recte docetur. Quando autem doctrina corrupta est, nihil sanum aut syncerum relinquitur, siue ad sint siue ab sint imagines in templis.

x) Cum pictura crucifixi Christi in Epistola ad Gal. 3. non pugnat etiam externa pictura, quae neque praecepta neque prohibita cum sit, tanquam Adiaphoron habenda est. Neque pro Papisticis templis habenda sunt, in quibus crucifixi imagines adhuc reperiuntur, si populus pie & recte doceatur.

y) Idem nos quoque dicimus. Sed interim nulla ratione doceri potest, impium esse, si ad eum modum pingantur, quemadmodum à Spiritu sancto in Verbo comprehensa sunt.

## Ad VII.

*Danda quidem est opera, ut paulatim ex ipsorum Idololatrarum mentibus euellantur idola: sed vicissim<sup>a</sup> fouendum esse tam fœda superstitionis morbum negamus. Nec videmus, quinam non foueantur in eorum animis, ante quorum oculos prostant obiecta, quibus ad illam retinendam commoneantur.*

*z. Si sana doctrina Euangelij populo tradatur, plus periculi est à festinatione, quam à cunctatione & mora longiore in tollendis imaginibus. Prius enim verbo Dei ex animis hominum eximenda sunt idola, quam ab oculis remoueantur. Qua in re certum tempus nec potest neque debet definiri.*

## Ad VIII.

*a Instrumentalis Musica adhibita est quidem Leuitico cultui: sed expressum Dei speciale mandatum de ea non habuerunt pij Reges, qui eam instituerunt, cum à Mose instituta & obseruata non fuerit. Ideoque ad omnes pertinent, quæ ex sacra Scriptura deprompta sunt à Theologis Vvирtembergicis testimonia, pro instrumentali Musica in templis retinenda. Et male faciunt, qui eam, tanquam à Deo prohibitam, ex Ecclesijs & Templis eliminant.*

*b. Esse hæc dogmata à Zvvinglianis & Calumnianis sparsa & opere completa, infra in Colloquio copiose demonstratur.*

*c. Sacrificium altaria, non altaria sacrificia perpererunt De quo etiam plura in ipsa collatione sequentur.*

*Leuitici cultus partem hanc<sup>a</sup> fuisse non minimam constat, authore Deo, non hominum placitis institutam: alioquin necessario in omnibus Ecclesijs Christianis instituendam si hoc Dei mandatum ad eos pertineret.*

## AD DOGMATA.

*A Reuerendis Dominis Collocutoribus damnata, & superioribus Thesis subiecta, neq; ad nos, neque ad vllas, ut existimamus, Christianas Ecclesias pertinent. Hoc tamen dicimus, quamuis res per se sit ἀδύνατον, lapideam structuram, quam altare vocant, vel ligneam mensam communem habere in usu sacrae Cœnae Dominica: tamen probabile non est, Satanam unquam potuisse Cœnae Dominica Sacramentū in illud horrendum sacrificium denuo offerendi Christi commutare, si altaribus Christiana Ecclesia caruissent.*

## De Templis Imagin. & Organis. 397

*sent. Et utinam ista Sacramenti altaris appellatio nunquam fuisset usurpata.*

Theodorus Beza, Geneuensis Ecclesiæ Minister.  
Abrahamus Musculus, Bernens. Ecclesiæ Minister.

Petrus Hübnerus, Græcæ linguæ in Gymnasio Bernensi pub. Professor.

Antonius Faius, Geneuensis Ecclesiæ Minister.  
Claudius Alberius D. Professor Philosophiæ in Academia Laufannensi.

*Mompelgarti 29. Martij, 1586.*

D. I A C O B V S.

**R**EVERENDE Domine Beza, Theses nostras non eo consilio conscripsimus & proposuimus, quòd Idolorum patrocinium suscipere velimus: nam ipsa Thesium recitatio aperte demonstravit, quòd non minus, quàm vos, omnia idola, & idolorum cultum abominemur & aperte damnemus.

*Vvirtembergici  
Theologi non sunt  
Idolorum patroni.*

Quia verò intempestiva non solum imaginum demolitione, sed etiam Templorum vastatione & euerfione, quàm plurimi in Gallijs & Belgio offensi, & à doctrina Evangelij eiusmodi actionibus deterriti sunt, qui nondum in doctrina Christi verè instituti fuerunt: & quòd valde metuendum, multi etiam in impietate sua confirmati, & corporibus & animabus in æternum perierunt: iudicauimus admonitionem nostram vobis non ingratam fore, si ea de re, quid faciendum arbitremur, placidè & familiariter conferamus. Nos autem existimamus, vos hac in parte parum aut nihil à nostra sententia discrepare. Ideoque etiam sperauimus, huius controuersiæ, si quæ esset, facilem compositionem fore. Et simul etiam auditores admonendi sunt, vt intelligant, quid in hac re Magistratibus & subditis faciendum sit, ne dum saluti ani-

*Frustris disputationis & collationis de quinto Articulo.*

Ddd 3 marum

marum abrogatione imaginum consulere videamur, quam plurimi in presentissimum & æternum exitum præcipientur.

D. B E Z A.



**A**TEOR me in disputatione proposita nonnihil miratum esse, quo consilio hac de templis & imaginibus à vobis proponerentur. Neque enim arbitror quicquam produci posse, unde statui queat, ad nos ista dogmata, qua in Thesibus vestris damnantur, quadrare, aut nobis tribui posse.

D. Beza non probat  
euerfionem Tem-  
plorum & Imagi-  
num in ciuilibus  
Bellis Gallicis fa-  
ctam.

Non negamus huiusmodi in Gallia in exortis tumulti-  
bus & ciuilibus bellis facta esse aliquo zelo, sed non secun-  
dum scientiam, quoniam modum excesserunt. Illa aut no-  
stra confessione & doctrina approbata esse, non puto contra  
nos doceri & demonstrari posse. Cuius rei ego testis esse pos-  
sum, qui bello huic ab initio vsque ad finem interfui. Testa-  
ri enim possum, me & collegas meos, Principes & Duces sa-  
pè monuisse verbis, & re tentasse, vt hos conatus impedire-  
mus, & qua in illa ataxia acciderunt: sed frustra monuisse,  
& nihil efficere potuisse.

Cum igitur nunc agatur duntaxat de ijs, qua in Eccle-  
sijs nostris docentur, non qua in ciuilibus motibus, in Gal-  
lia, aut Belgio, aut alijs in locis acta sunt: mirati sumus, il-  
lam questionem huic tractationi permixtam esse.

Sed quoniam ita vobis in vestris Thesibus facere visum  
fuit: non volumus repugnare, & relictis illis, qua extra  
controuersiam sunt posita, ad ea nos conuertemus, de qui-  
bus dubitari queat. Sunt enim quadam à vobis in illis The-  
sibus scripta, de quibus queri posset. Quapropter si ita pla-  
cet, ordinem Thesium vestrarum sequar, & ad singulas re-  
spondebo, vt appareat, in quibus consentiamus vel dissen-  
tiamus:

## De Templis, Imagin. & Organis. 399

*niamus : Et qua de omnibus & singulis sit sententia nostra. Idq. breuiter, cum tempus profectionis nos urgeat, quod breue est.*

D. I A C O B V S.

Reuerende Domine Beza: Grata nobis oratio Tuę Dignitatis fuit, qua testaris tibi & collegis tuis illam intemperiem & a<sup>u</sup>ta<sup>u</sup> p in euerfione Templorum minimę probari, neq; vnamquam probatam fuisse, quę superioribus annis in ciuilibus motibus Gallicis & Belgicis accidit.

Quod autem eorum in Thesis nostris aliqua mentio facta est, vicissim tibi sanctę affirmare possumus, hoc consilio à nobis factum esse, cum minimę dubitaremus, eiusmodi inconsideratas actiones vobis minimę probari, vt apud alios quoque consensus vestri hac in parte publicum testimonium extaret, quò minùs hoc nomine Ecclesię vestrę grauentur, quibus eiusmodi actiones, tanquam ab ipsis probatę tribuuntur & impurantur. Qua ratione apud omnes verę pios facillę purgari & excusari poterunt.

Quia verò T. D. iudicat, quedam in Thesis nostris proposita esse, de quibus non inutilis collatio videatur: petimus vt à vobis placidę proponantur, ad quę etiam nos modestę respondebimus.

D. B E Z A.

*Ego singulas Theses primùm recitabo, & in quibus hæreamus, significabo.*

*Extra controuersiam sunt hæc posita.*

### I. THESIS VVIRTENBER-

gensium Theologorum.

Templa diuino cultui destinata, vt in illis verbum Domini doceatur, & audiatur, Sacramenta distribuantur & percipiantur, quę Idololatria contaminata fuerunt, iuxta verbum Domini purganda esse.

D. B E Z A.

Euerfionis Templorum cur in Thesis Vvirmberg. Theologorum facta sit. mentio.



# 400 Colloquium Mompelgartense

D. B E Z A.

Publicis Templis & statis temporibus opus est.

*Assentimur. Cùm enim Dominus ordinis & non confusionis Deus sit, iudicamus opus esse, publicis locis & statis temporibus, ubi, & quando cœtus Ecclesiasticus ad audiendum verbum Dei, ad percipienda Sacramenta, & ad publicas preces conveniat, ut secundum Apostoli admonitionem & ordine & decenter fiant. Quapropter templis opus esse dicimus.*

## II. T H E S I S.

Imagines siue pictas, siue sculptas, quibus historiæ & res sacræ repræsentantur, ἀνάφωρον esse.

D. B E Z A.

Sculpturas & picturas & earum artifices non improbat D. Beza.

*Nos non modo picturas, sed etiam sculpturas nunquam improbauimus: quarum magnus est usus, non solum in sacris historijs representandis, sed etiam in rebus civilibus, maximè in plantis describendis & depingendis. Ideoq; etiam artes illas non improbamus, sed cōmendamus, & exercendas esse, tanquam Reipub. viles, affirmamus.*

De picturis & Imaginibus in locis sacris.

*Quod verò ad imagines siue pictas, siue sculptas attinet, quamuis earum usum non reiçimus, quibus res, aut historia sacræ repræsentantur: non tamen in locis sacris eas facile admittimus. Neg. etiam tutū iudicamus, sculptas Imagines præsertim, in Templis proponi: non quòd per se impium esse, aut non licere existimemus, sed propter tristem faciem Ecclesiarum, quam in Templis Pontificiorum aspiciamus, quæ ex usu Imaginum & picturarum ortum sumpsit.*

Paulini Episcopi factum malè cessit.

*Paulinus Nolanus Episcopus, bono quidem consilio instituit Imagines: sed malè cessit. Etsi enim eius studium nemo impro-*

## De Templis, Imagin. & Organis. 401

improbare aut reprehendere potuit: euentus tamen docuit, à picturis abstinendum esse. Quoniam à picturis ad cultū perueniunt: quæ tandem in altaria euaserunt, & locū Christi occuparunt, ex quo Iesum Christum tandem expulerunt. Ideo in Elibertino Concilio in Hispania imagines prorsus abrogatae sunt, sicut Canon 36. docet: Placuit picturas in Ecclesia esse non debere, ne quod colitur, aut adoratur, in parietibus depingatur. Tutiùs enim extra templa, & aedes sacras, quàm in ipsis tēplis collocatur. Quod D. Augustinus in Psal. 114. quoque confirmat: Ducit enim (inquit) & affectu quodam infirmo rapit corda mortalium formæ similitudo, & membrorum imitata imago.

Imagines in Concilio Elibertino abrogatae.

Accedit veteris Ecclesiae consuetudo, quæ picturis caruit: à qua non temerè recedendum est.

Et nota est Praestantiae T. Epistola Epiphani ad Hieronymo cōuersa, qui Chrysostomi ὁ ὕψιστος fuit. In qua scribit: se venisse in villam quandam, et ibi in Ecclesia inuenisse velum pendens in foribus illius Ecclesiae, tinctam atq. depictā habens imaginem hominis pendentis, probabile est, imaginem crucifixi fuisse, quod velum scidit, & consilium dedit, ut pauperes mortui eo obuoluerentur & efferentur. Illi contra murmurantes dixerunt: si scindere voluisti, æquū erat, ut aliud dares velum, atq. mutares: quod se daturum pollicitus est. Ex quo constat, eo tempore imagines rem ignotam fuisse in templis. Oportet igitur & nos exemplis & periculis praecedentium temporum sapere, & quantum in nobis est, omnes occasiones Idololatriæ cauere.

In Epistola Epiphani ad Ioannem Episcopum Hierosolymitanum.

Quapropter, ut maximè concedam, vsum imaginū, quibus res et historia sacra representatur in templis, ἀδὲ φῶρον ἔστι φῶρον.

Vsus imaginum in templis

Ecc locis

# 402 Colloquium Mompelgartense

locis spectantur: eos sapienter facere iudico, qui omnia hac ex templis eliminant. Et potuit Ecclesia primitiua trecentis annis usu imaginum carere, possumus & nos. Et quod ab octingentis annis euaserint, postquam in templa & loca sacra introducta sint: res ipsa docet. Quae nos monere merito debent, ne in tanta luce Euangelij illarum usum admittamus. Videmus enim, quàm sit difficile homines nunc ab illis reuocare, qui in eis harent, nec se auelli inde patiuntur.

Ideoq; Thesin vestram admittimus: sapienter tamen eos facere iudicamus, qui hunc lapidem offensionis è medio tollunt, ne homines cadant. Nam periculum est, ne quis haret in picturis, sicut factum esse videmus.

Quapropter sic vestram Thesin non improbo: ne tamen nostri propterea minus sapienter fecisse putentur, qui picturas, & sculptas imagines ex causis commemoratis amouerunt.

2. Reg. 18.

Quemadmodum Ezechias Rex pie fecit, quod aene serpentem contriuit, cui populus sacrificia obtulit. Sic enim sa-

NB. ciendum est, ne in illos scopulos impingant homines. Loquor autem de ijs locis, in quibus hac omnia ordine peracta sunt.

D. B E Z A.

Imagines siue pictæ,  
siue sculptæ

ἱδωλολατρίαν.

Reuerende D. Beza, pergratum est nobis, audire, quod T. D. secunda Thesis quoque probatur. Qua in parte inter nos consensus est. Sunt enim imagines, siue pictæ, siue sculptæ, sua natura res adiaphoræ, quibus sine peccato carere, & eadem quoque habere possumus, modo abusus non accedat, in verbo Domini expresse prohibitus: qui est cultus seu adoratio, quæ imaginibus nequaquam debentur.

Idololatriæ cultus  
imaginum, quæ prin-  
cipalis causa fuerit.

Quod verò T. D. de periculo addidit, & cautè ac circumspecte agendum monuit, ne occasio ad Idololatriam detur, præsertim in templis, & locis sacris, idque historica narratione

cx

## De Templis, Imagin. & Organis. 403

ex Paulino Nolano Episcopo, Epiphanio, Augustino, Concilio Elibertino, & consuetudine veteris Ecclesiæ confirmavit, & ostendit, quantum damni Ecclesijs, quàm plurimis in locis, imagines siue sculptæ, siue pictæ, dederint: ideoque tutissimum iudicat, vt è templis & locis sacris eliminentur & amoueantur. Respondeo: Verum est, quòd natura nostra corrupta, ad Idololatriam admodum prona & procliuis sit: ideoque in hoc assentior, cautè & circumspèctè hac in re agendum, ne imaginibus, siue pictis siue sculptis occasio aliqua ad Idololatriam detur.

Natura ad Idololatriam prona.

Quòd autem, quæ bono consilio in templa & loca sacra introducta sunt, infelicitè ceciderint, & posteritas ad Idololatriæ cultum conuerterit: culpam existimamus nos non imaginum seu pictarum seu sculptarum vsum, sed negligentiam doctorum Ecclesiæ fuisse, qui suum officium docendo non fecerunt.

Erst enim imagines, quibus res & historiæ sacræ representantur, & quæ passim in Scriptura sacra extant, literarum imperitis res gestas in memoriam reuocant (qui vnicus in templis, alijsque siue sacris, siue prophanis locis imaginum vsum est) sine impietate & absque offensione Dei retineri possunt: tamen si Ecclesiarum ministri docendo officium non faciant, fateor, facilem lapsum ad prohibitum cultum esse.

Imaginum vsum in templis & locis sacris.

Sed propterea simul omnes abolendas, & ex templis & locis sacris, sine omni discretione, eliminandas esse, non video: modo Ecclesiarum pastores officium suum sedulo & diligenter fecerint. Si enim rectè & purè verbum Dei in templis & omnibus locis sacris sonat: nihil periculi ab imaginibus est, quæ res duntaxat repræsentant sacras, & populo imperito in memoriam reuocant.

Quòd autem T. D. dicit, eos, qui imaginibus inhærent, magis à Scriptura sacra auocari, quàm eiusdem commone fieri, & ad eam reuocari: dico, quòd res est: Cum ferè vniuersam Saxoniam peragrarem, in qua multos annos, sicut nosti, versatus sum, vidi præcipuas Ecclesias, & in ijs quidem plurimas, in quibus paucæ, aut nullæ prorsus imagines, siue pictæ

An imagines & picturæ homines à sacra Scriptura auocent.

# 404 *Colloquium Mompelgartense*

Imagines & plura  
in Saxonis tem-  
plis, sine omni super-  
stitione.

Lutheri modestia &  
prudentia in refor-  
manda Ecclesia.

Quando imagines  
ex oculis hominum  
remouenda.

Lutherus cur tam-  
diu cucullam gesta-  
uerit.  
Opinio de monasti-  
co cultu.

Lutherus modera-  
tione sua plus dam-  
ni dedit Romano  
Pontifici, quam alij  
suo inconsiderato  
zele.

siue sculptę, & templis, & locis sacris publicis remotę & elimi-  
natę sunt: Et, quod amplius est, quę adhuc totam *πλονηλίστην*  
vestium retinent, quibus in celebratione Missę Pontificię,  
superioribus annis vsi sunt. Vbi tamen ne vnus quidem ho-  
mo, quod ego audierim, reperitur, qui Pontificię Romane  
religionis superstitioni & Idololatrię sit addictus.

Lutherus enim, pie memorię, solo verbo Domini ab in-  
tío, in ijs locis Ecclesias purgauit, & per hoc vnum Organum  
Spiritus sancti, idola omnia, quibus animi hominum occu-  
pati fuerant, ex auditorum cordibus euulsit, priusquam ne  
quidem res minutissimas ex oculis remoueret. Idolum enim  
in mundo nihil est, sicut Apostolus, 1. Corinth. 8. testatur: sed  
in cordibus resident hominum à Sathana fabricata. Ea cum  
ex cordibus eliminata fuerint, nihil amplius ab imaginibus  
periculi est.

Quia verò non omnes pariter affecti sunt, nec statim aut  
in momento corda hominum omnia simul mutari possunt:  
ideo certum tempus definiri, aut describi non potest, quando  
hęc omnia ex hominum oculis remouenda sint.

Sic Lutherus cucullam seu habitum monasticum mul-  
tis annis gestauit: quum minimè ignoraret, quę opinio homi-  
num de monastico vestitu esset, quo finxerunt etiam in con-  
spectu Dei peccata regi posse. Sicut principibus viris persua-  
sum fuit, vt mortua ipsorum corpora tali habitu induta sepe-  
lirentur, quò meritorum monastici ordinis omnium fierent  
participes.

Hac moderatione plus ædificauit Lutherus Ecclesias, &  
Papatui derogauit, quàm illi, qui vix vna atque altera con-  
cione habita, bipenni (sicut Germani loquuntur) omnia su-  
stulerunt, quibus homines ad cultum Dei prohibitum abusi  
sunt.

Quemadmodum in Ducatu Vvirtembergensi experti  
sumus, vbi primo anno, post introductam & accensam lucem  
Euangelij, & abrogatam Pontificiam Idololatriam, passim  
ex omnibus templis imagines remotę sunt, priusquam ex  
animis



## De Templis, Imagin. & Organis. 405

animis hominum opinio cultus prorsus euelleretur : vnde factum est, vt quam plurimi hac intempestiua reformatione, bipenni ( quod aiunt ) suscepta, ita offenderentur, vt neque conciones Euangelicas audirent, neque ad Sacramenta amplius accederent, sed Idololatriæ Papisticæ vsque ad extremum vitæ spiritum, contempta Euangelij doctrina, & verò Sacramentorum vsu, adhærent. Hic fructus fuit intempestiue illius reformationis, in qua nulla infirmorum in fide ratione habita, omnia demoliti sunt.

Cum igitur imagines siue pictæ, siue sculptæ, quibus res, aut historiæ sacræ representantur, natura sua sint adiaphoræ: prudentia opus est in abrogandis imaginibus. prudentia cum in retinendo, tum in abrogando opus est, ne vel infirmi offenderantur, & à doctrina Euangelij deterreantur, aut homines superstitiosi in sua impietate confirmentur & pertinaces fiant.

Et quoniam minus periculi est, quando pura & sincera doctrina sonar, qua omnes ab Idololatria ad verum Dei cultum quotidianis concionibus reuocantur, si retineantur, quam si temerè & inconsideratè aboleantur: iudicamus, Magistratum cuiusque loci minus peccare, & longè melius animarum salutem consulere, si diutius tulerint, quam intempestiue abrogauerint. Etenim non minus in libertatem Christianam peccatur, si populus doceatur, necessariò hæc omnia abolenda esse, quam si persuadeatur, necessariò retinenda esse. Si enim ἀνάφορα sunt, sicut consensus inter nos est: qua ratione hoc vel illud necessariò vrgeri potest? Et solent plerunque eiusmodi inconsiderato zelo, vnâ cum imaginibus etiam alia abrogari, quæ à Maioribus non temerè aut cum impietate introducta, vel saltem ordinis & decori causa præstaret retineri, quam non sine offensione multorum de nouo instaurari, quæ semel tanquam impia & superstitiosa seu Idololatrica abrogata, & eliminata sunt, cum sua natura minime impia, aut verbo Dei contraria essent. Quorum neutrum fit, quando tam inconsideratè furori populi hæc res committitur, etiam si Magistratus auctoritate fiant.

Scopuli dño in retinendis & abrogandis imaginibus.

Cum abrogatione imaginum multa salutaria sublata.

# 406 Colloquium Mompelgartense

Petri Vireti vox de  
crucifixo Christi.

Scripsit alibi Petrus Viretus, per vaccam crucifixum Christum magis representari, quàm per imaginem vel pictam vel sculptam. Quæ oratio pios homines etiam imaginibus minimè addictos non parum, neque immerito offendit. Ab eiusmodi ergo dictis & factis abstinendum iudicamus, & eò elaborandum, ut doctrinæ puritas retineatur, tum ab eiusmodi imaginibus nihil periculi erit, quæ in templis retinentur, ut videant, hanc domum seu templum, in hunc solum usum, videlicet ad cognoscendum Christum crucifixum extructam esse: In qua omnes cogitationes de rebus Politicis & Oeconomicis quiescere, & diuino cultui mentes addicte esse debeant.

D. B E Z A.

Totum hoc negotium in duabus potissimum rebus positum est, videlicet in prudentia pastorum, & in circumstantiarum consideratione. Nam certum est, obiecta mouere sensus. Quàm diu ergo hac in oculis hominum retineatur, tam diu etiam Idololatria retinetur, ut homines illis adharcant. Consuetudo in quibusdam locis obseruata est, ut eiusmodi imagines ad quatuor annos post reformationem retinerentur. Verùm de his nolo cum quoquam contendere, aut aliorum facta reprehendere: modò occasiones omnes ad Idololatriam, quantum fieri potest, caueamus.

D. I A C O B V S.

Certum tempus ab-  
rogandis imagini-  
bus non præfixum.

Ego certum tempus abolendi imagines definiri non posse existimo: sed ad ædificationem Ecclesiæ semper respiciendum esse censeo, ubi plus periculi est in intempestiua demolitione, quàm si eo modo retineantur, sicut dictum est.

D. B E Z A.

Procedam ergo ad tertiam Thesin, quæ sic sonat.

III. THESIS.

Imagines, quæ ad Idololatriam prostant, abrogandas & abolendas esse.

RESPON.

# De Templis, Imagin. & Organis. 407

RESPONSIO D. BEZAE.

Si rectè intelligo D. V. in hac Thesi non intelligitis imagines, quibus homines abutuntur: sed qua ad exercendam Idololatriam proposita, & in Ecclesias in hunc usum inuenta sunt, quarum aliàs nullus usus est. Hæc si vestra sententia est, multæ imagines stabunt, quæ abroganda essent. Ego enim iudico, eas quoq; remouendas imagines, quæ homines ad Idololatriam inuitare possunt.

Quæ imagines ex templis remouendæ sint.

Nō permisit Rex Ezechias stare serpentem ancū (qui benesicij Israelitico populo in deserto præstiti, memoriale fuit) quod populū ad Idololatriā inuitaret. Cur igitur nō liceret, etiā eandem ob causam imagines ex sacris locis tollere, vt similis Idololatria caueatur, & populus ad eam nō inuitetur.

2. Reg. 18.

Quacung; ergo ratione vel pingantur vel sculphantur imagines: maiorem illarum abusum, quàm verum usum in templis esse existimo. Nescio etiam, qua ratione passim pingantur. In templis enim Papisticis per Galliam & Italiam, alijsq; in locis virgines meretricio habitu pinguntur, vt homines per eas ad preces inuitentur, scilicet.

Virgines meretricio habitu pictæ in templis.

Quapropter nos, sine omni tamen præiudicio, mallems consuetudinem primæ & purioris Ecclesiæ obseruari, in qua NVLLÆ prorsus imagines fuerunt.

Vellē aut, passionem D. N. Iesu Christi, et crucifixū Christum prædicatione verbi, Christianis pingi: sicut ad Gal. à Paulo depictū legimus. Quib; (inquit) præ oculis Iesus Christus ante fuit depictus, et inter vos crucifixus. Hæc vera est pictura et imago crucifixi Christi, si ad hūc modū pingatur, & passionis, & mortis eius meritū populo prædicetur. Reliquæ aut vel pictæ vel sculptæ imagines, homines ad terrenareuocāt, ad quæ naturā pelles sunt, q; perdidit Ecclesias. Nā cū imaginibus, Idololatria in Ecclesias ingressa est: cū quib; etiam

Verapictura imaginis Christi. Gal. 3.

# 408 Colloquium Mompelgartense

etiā ipsa Sacramenta, in Idola degenerarunt: adeo quidem, ut Papistæ, non ut Sacramentum, sed ut Idolum colerent. Sicuti hostia consecrata in Festo corporis Christi, & in Missis quotidianis Papisticis accidit.

Ideoq; usum & abusum imaginum, si maximè conseramus: nulla comparatio erit usus, respectu abusus. Quapropter nostro iudicio debebant tolli. Nolo tamen tot doctissimis & religiosissimis viris quicquam præscribere: sed melius interim facere puto eos, qui simul omnes remouent, & ab illis homines reuocant. Olim si Christianus homo imaginem in priuatis adibus conspexisset, eam non tulisset, sed forsitan zelo, ut maximè non secundum scientiam, sustulisset.

D. I A C O B V S.

Imagines res sacras  
representantes in  
Ecclesia Dei retineri  
posse.

Respondebo breuiter ad declarandum consensum. Nos iudicamus salua & illæsa conscientia tamdiu imagines in templis retineri posse, quibus res aut historiæ sacræ representantur, quamdiu homines illis ad Idololatriam non abutantur. Ideoque propter abusum NON NECESSARIO abolendas, ut nisi aboleantur, Ecclesiæ non reputatæ, & ad præscriptum verbi Dei minime reformatæ esse videantur. Si enim adiaphoræ: idè etiam neque necessario remouendæ, neque necessario retinendæ sunt.

Quæ imagines ne-  
cessario abolendæ.

Neque Ezechias Rex serpentem vnquam sustulisset, nisi populum ei sacrificare vidisset. Quapropter, quæ ad eiusmodi cultum prostant, nos quoque abolendas esse censemus.

Turpes picturæ &  
imagines abolendæ.

Quod ad imagines vel pictas vel sculptas attinet, vbi virgines meretricio habitu, magna parte corporis nudatæ, depictæ & altaribus impostæ, ut earum aspectu Sacrificuli & Monachi suas Missas priuatas admodum DEVOTE celebrent, scilicet: verè testari possumus, in Ducatu Vvirtembergico,

## De Templis, Imagin. & Organis. 409

gico, in celeberrimis Monasterijs omnibus, vbi conspectę fuerunt, simul cum alijs sublatas & deletas esse.

Ideoq̃ue etiam de hoc inter nos nulla vel dissensio aut con-  
trouersia est. Sed hoc solum quæritur: An talis imago, vna  
aut plures, verbi gratia, crucifixi Christi, in Ecclesia, sine su-  
perstitione & impietate retineri queat, vel non? Nam si tales  
circumstantiæ accedant, de quibus locutus est D. Beza: demo-  
liendas & abrogandas esse simul omnes iudicamus. Quia in  
rectam inter nos consensum esse arbitror.

Status disputationis  
de pictis & sculptis  
imaginibus.

D. B E Z A.

*Ad Thesin igitur quartam accedamus, quæ sic sonat.*

### IIII. T H E S I S.

Quæritur autem: An propter Idololatriam, quæ passim  
in templis Papisticis exercetur, ipsa templa & altaria imagini-  
bus, sacris historijs minimè Idololatricis, exornata, & ad dis-  
pensationem corporis & sanguinis Christi in Eucharistia de-  
stinata, diruenda? Item, organa Musica, tanquam à Deo pro-  
hibita essent, ex templis eliminanda sint? In hac quæstione  
negatiuam nos amplectimur & defendimus.

D. B E Z A.

*Reuerende Domine Doctor: Hac de re, ut prolixè inter  
nos agamus, non puto opus esse, quoniã consentimus, videli-  
cèt, posse retineri templa & altaria ad vsum Cæna Domini  
destinata. Et si enim illi ad Idololatriam suam abusi sunt: nos  
tamen ad habendas conciones pias, & ad verũ vsum Sacra-  
mentorum, piè & rectè uti possumus. Sic nos quoq; Geneva,  
& alijs in locis eadem retinemus templa, ad eũ vsum, cuius*

Templa & altaria à  
Papistis prophanata  
retineri possit.

*Fff*

*causa*



# 410 Colloquium Mompelgartense

*Non placeat  
Hic*

Harmonia Musica  
magna & occulta  
vis.  
Musica præstantissi-  
mus usus.

causa ab initio extracta & instituta sunt. Similiter etiam altaria ad usum Cæna Domini retineri possunt.

Quod ad Organa Musica attinet: scimus, Musices et Harmonia illius magnam vim esse ad permouendos animos hominum. Neg. præstantiorem eius usum videmus, quàm ut ad celebrationem & laudem nominis diuini, & permouendos atq. excitandos animos hominum ad verum Dei cultum dirigatur & seruiat.

Sed videmus, quid in Papatu contigerit. Nam organa non loquuntur, & harmonia tantùm auditur, sine intellectu, quæ aures tantùm, non animus, reficitur: quibus cantores adhibentur. Quid autem vel organo, vel varijs vocibus Musicorum canatur, plebs non intelligit, sed animus in harmonia tantùm, quæ aures ferit, retinetur.

Musica cuius usus  
fit in templis.

Cantus Psalmorum  
in templis præbatur.

Eius autem Musica usus est in templis, quæ ab omnibus intelligitur, ubi mens percipit, quod in auribus sonat: atque hoc modo intelliguntur, quæ cantantur, & cantus aptus sit, ad id, quod canitur. Talis est cantus Psalmorum in Ecclesia receptus, quem nos minimè improbamus.

Musica figuralis cur  
ex Ecclesia remo-  
uenda videatur.

Quando autem Organo aut alijs instrumentis Musicis in Ecclesia luditur, aut varijs vocibus canitur, ut à populo non intelligatur: ibi sonus tantùm in auribus retinetur, et de sono magis cogitatur, quàm de rebus, quæ canuntur. Ideo illam Musicam remouemus, cuius in Ecclesia nullum usum esse videmus. In priuatis adibus eius usum esse, minimè negamus: sed in Ecclesijs animus totus in illas res defixus esse debet, quæ ad Deum, & ad eius verum cultum deducunt.

Organi & aliorum  
instrumento-  
rum usus, est  
ἀδίαφοποι.

Et notum est, Organistas in organis sæpe impudicas cantilenas ludere: quod similiter in Ecclesia fieri non debet. Hac instrumenta Musica similiter ἀδίαφοποι esse non negamus:

## De Templis, Imagin. & Organis. 41

*gamus: quibus sine offensione Dei, uti vel carere possumus.  
Procedo igitur ad sequentem Thesin.*

D. I A C O B U S.

Ego testificandi consensus causa, pauca quædam adijciam.  
Quantum enim intelligo, R. T. D. iudicat, organa in templis  
rem adia phoram esse, quæ neque mandata, neque prohibita  
sint à Deo, in quo etiam consentimus.

Quod verò addis, in Musica figurali, siue organo instru-  
mentoque Musico, siue voce humana fiat, auditores sonos &  
harmoniam tantum, non res spectare, quæ canantur: quæ ra-  
tione nullus vsus figuralis Musicæ in templis esse videatur,  
siquidem aures tantum, non animus reficiatur. Respondeo,  
res ipsas, quæ figurali Musica canuntur, non omnibus igno-  
tas, sed eruditis, & qui latine, aut ipsam Musicam didicerunt,  
bene notas esse, quibus etiam in illa harmonia afficiuntur.  
Et de me ipso sanctè affirmare possum, ut qui Musica figura-  
li, & organo plurimum delector, non modo aures sonum per-  
cipere, sed animum quoque harmonia illa affici mirifice, &  
vel ad preces, vel ad conciones ardentiore spiritu habendas  
vel audiendas excitari, quando suauissima harmonia cantu-  
rum Ecclesiasticum vel organo luditur, aut à cantoribus, prius-  
quam concionator suggestum conscendat, recepta consuetu-  
dine, cantari solet: adeoque vim illam diuinitus harmoniæ  
indicam, in me ipso efficaciter sentire affirmo, de qua ab initio  
dixisti, quod Musicæ figurali insit. Idem quoque à multis alijs  
prijs viris, etiam Laicis, artis Musicæ ignaris audiui, quod simi-  
liter in seipsis experiantur.

*Vsus Musicæ figura-  
lis, & organi in tem-  
plis.*

Præterea de Dauide nota est historia, cum coram Saule,  
quando à spiritu Domini malo exagitabatur, cythara lude-  
ret, quod harmonia malignum spiritum repulerit. Quæ har-  
monia non modo aures Regis Saulis seriebat, sed animum quo-  
que eius afficiebat, ut à malo spiritu ad tempus liberatus &  
quietus esset. Non enim Dauidem cecinisse, sed instrumen-  
to Musico, quale tandem illud fuerit, luisse tantum scribitur.

*Dauid Cytharæ vsu,  
in Saule spiritum  
Domini malum re-  
pulit. 1. Sam. 18.*

## 412 *Colloquium Mompelgartense.*

*Musice figuratæ vis  
quanta sit.*

Non igitur contemnenda vis est harmoniæ Musicæ figuræ, quæ spiritum Domini malum repressit: quæ ad animum usque, etiam si, quod luditur aut canitur, non ab omnibus intelligatur, penetrat. Quam vim multò maiorem in se experiuntur & sentiunt, qui vna cum harmonia res quoque sacras, quæ canuntur, intelligunt.

*Organorum Musicorum  
abusus non  
tollit verum usum.*

Quod verò ad abusum organorum in templis attinet, in quibus interdum prophana & impura ludantur: iudico fallaciam accidentis, & propter abusum, verum & legitimum usum organorum in templis minimè abrogandum esse. Aliàs vini vlu omnibus interdicens esset, quòd plurimi eo ad ebrietatem usque abutuntur.

Quapropter cum Organistæ ludunt turpia, quæ cœtum Ecclesiasticum minimè decent: seueriter cohibeantur, ne porro faciant: & sedulo caueamus, ne templum profanetur magis, quam Deus celebretur, sed omnia in Ecclesia ordine & decenter fiant.

*Disputationi de organis,  
quid occasio-  
nem & causam de-  
derit.*

Occasionem autem, & causam huic quæstioni dedit, vt eam proponeremus: quoniam multis in locis non modò cantus & organorum Musicorum in templis vsus prorsus, tanquam res prophana, & Deo minimè grata, abrogatus est: sed in ipso templo equi adhibiti sunt, vt fûnibus & catenis vniuersum corpus organicum Musicum, tanquam profanum vno impetu deiceretur, & ex templo eliminaretur. Quasi à Deo essent prohibita organa Musica in templis, neque bona conscientia sine offensione Dei retineri possent. Cum constet esse adiaphora, & non modò licita, sed etiam egregia templorum ornamenta: modò illis ad celebrationem numinis diuini vrantur, quod non modò non prohibitum, sed expresse mandatum est, Psalm. 150. Laudate Dominum in sono tubæ: Laudate eum in psalterio, & cythara: Laudate eum in tympano & choro: Laudate eum in chordis & organo: Laudate eum in cymbalis bene sonantibus: Laudate eum in cymbalis iubilationis.

*Psalm. 150.*

*Sic*

## De Templis, Imagin. & Organis. 413

Sic, cum ARCA DOMINI de Cariathiarim reduceretur : Dauid cum vniuerso Israele ludebat coram DEO, omni virtute, in canticis, & citharis, & psalterijs, & tympanis, & cymbalis, & tubis.

D. B E Z A.

*Cum in re ipsa sit inter nos consensus : nihil amplius hic addere volo. Quapropter ad Thesin quintam accedamus, in qua fundamenta sententiae vestrae de templorum, & imaginum usu ponuntur.*

### THESIS V.

Christus in templo Hierosolymitano docuit, quem locum tamen alias speluncam latronum appellat: & legimus facta esse Encœnia, non templum dirutum esse.

Paulus Athenis, ad altare Deo ignoto inscriptum, gentibus Christum prædicat. Neque in Actis Apostolorum usquam legimus, quod vel ab Apostolis, vel ab illorum auditoribus tale quid tentatum sit.

Fundamenta doctrinae Theologorum Vvitembergensium de imaginibus, & instrumentis Musicis in templis.

### RESPONSIO D. BEZAE.

*Non existimamus, aliam rationem templi Hierosolymitani fuisse, quàm nostrorum templorum. Non enim tantum in hunc finem extructum fuit, vt esset aliquis locus, in quo ad audiendum verbum Dei conuenirent, ac sua sacra secundum mandatum Dei ritè peragerent: sed fuit etiam aliquid caerimoniale. Etenim templum illud Christum adumbravit: sicut ex illo Ioan. 2. intelligitur: Destruite templum hoc, &c.*

Discrimen inter templum Hierosolymitanum, & alia templa.

Templum Hierosolymitanum typus Christi, Ioan. 2.

*Bene tamen hac afferuntur, vt intelligatur, templa Papisticis falsis cultibus prophanata, sine abusu à Christianis hominib. retineri posse. Sicut templum hic Mompelgarti falsis cultibus Papisticis prophanatum, nunc verbo Dei puro, &*

Fff 3

synce-

# 414 Colloquium Mompelgartense

*ſincero dicatum eſt, ut ibi doceatur, & audiatur, & Sacramenta ritè adminiſtrentur.*

D. I A C O B V S.

Conſenſus eſt: nec quicquam habeo, in quo hac in parte diſſentiamus.

D. B E Z A.

*Legam ergo etiam ſextam Theſin.*

## THE SIS VI.

Imagines ſiue ſculptæ, ſiue pictæ, non abſolutè, ſed ratione cultus diuini in lege prohibitiæ ſunt, ne ad Idololatriam proſtarent.

Si enim Deus in lege ſua, omnes imagines (etiam extra periculum adorationis, & Idololatriæ) prohibere voluiſſet, cum dicit: Non facies tibi ſculptile, neque omnem ſimilitudinem, quæ eſt in cœlo deſuper, & quæ in terra deorſum, neque eorum quæ ſunt in aquis, ſub terra: certè non præcepiſſet fieri duos Cherubim aureos in arca fœderis, Exod. 25. & in velo, Exod. 26.

Et in templo Hieroſolymitano, iuſſu DOMINI ædificato, fecit Salomo in Sancto ſanctorum duos Cherubim, 1. Reg. 6. Et in luteribus ſacris erant in latere duo Cherubim, & Leones 1. Reg. 7. Et ſub mari fuſili duodecim boues, ibidem.

Quæ omnia in templo conſpiciebantur. Neque tamen his imaginibus peccatum fuit in legem Dei, dum nemo eas imagines coleret.

Et Moyſes æneum ſerpentem in deſerto Iſraelitis inſpiciendum propoſuit, Num. 21. Quem Ezechias non contriuiſſet, niſi populus Iſraeliticus ei ſerpenti incenſum adoleuiſſet, eo quæ ad Idololatriam abusus fuiſſet.

Et quantum à pictura imaginis Dei diſtat, quòd Eſaias dicit, ſe viſiſſe DOMINVM ſedentem ſuper ſolium excelſum, & eleuatum, Eſai, 6.

Et,



## De Templis, Imagin. & Organis. 415

Et, an non Daniel pingit nobis Deum Patrem, antiquum illum dierum? Cuius vestimentū candidum erat sicut NIX: Et capilli capitis eius, quasi lana munda.

Deinde pingit filiū hominis venientem vsq; ad antiquum dierum, Dan. 7. an non hæ sunt picturæ? Quare, si eas imagines remoueamus, quæ coluntur: satisfactum est hac in parte legi diuinæ. A cæteris imaginibus & picturis nihil erit periculi.

### RESPONSIO D. BEZÆ.

Nefarium fuit tempore fæderis veteris, quamdiu *ve-* Cur non licuerit  
imagines in tem-  
plum Hierosolyimi-  
tanum. inferre  
rus, & purus cultus Dei in populo Israelitico durauit, neq; ulla ratione licuit simulachrum vel minimum in templum Hierosolymitanum inferre. Quod ex visione Ezechielis manifestum est.

Quod verò ad legem ipsam attinet: Non facies tibi scul- Lex de non facien-  
dis imaginibus,  
quomodo intelli-  
genda, Exod 20.  
ptile, neq; omnem similitudinem, quæ sub cælo est desu-  
per, &c. duo prohibuit DOMINVS: alterum, ne fierent:  
alterum ne adorarētur. Quæ tamen non nisi ratione cultus  
diuini conscientijs posita est, ne videlicet in hunc finem  
fiant, neq; si facta fuerint, adorentur.

Quod de duobus Cherubim affertur, qui in Sancto san-  
ctorum fuerint positi, nihil ab illis periculi fuit, quia extra  
omnem conspectum humanum erant, neq; à Sacerdotibus  
ipsis conspiciebantur, sed à solo summo sacerdote, idq; semel  
duntaxat in anno, quando in Sanctum sanctorum ingres-  
sus est.

Constituit aut DOMINVS hos duos Cherubim circa Cur duo Cherubi  
propitiatorio adhi-  
biti sunt.  
1. Petr. 1.  
arcam, & propitiatoriū: quoniam hæc typus Christi erant,  
quem representabant: quibus significare voluit, Christo ho-  
mini Angelos seruituros, in quem desiderant inspicere: ut  
omnes intelligerent, quāti vêturus Messias faciendus esset.

Quod

# 416 Colloquium Mompelgartense

Quod ad boues & leones attinet : erant illi ornamenta adificij: à quibus etiam nihil periculi erat , ratione cultus, ut adorarentur. Præterea Moyses & Salomon nihil fecerunt , cuius rei mandatum à Deo non accepissent. Ideoq; hæc etiam diuino præcepto & mandato facta sunt , quæ in Theſibus veſtris commemorantur.

Bene tamen, ut puto, inde colligitur, ſculpturas per ſe à Deo non damnari. Sed imagines in ſacris locis non iudiſco collocandas , niſi valdè circumſpectè caueatur , ne occaſionem idololatria dent.

Quod de ſactò Regis Ezechia dicitur , reſpondeo: ſi ille ſerpens pridem fuiſſet contritus & abſolitus, populus ille inſenſum adolere, & eo ad Idololatriam abuti non potuiſſet. Sed voluit Deus pio ſactò Ezechia Regis ſignificare, non ſapienter feciſſe eos, qui hunc aneum ſerpentem reſeruauerunt. Potuiſſet reſeruari , ſed non debuit publicè proponi in conſpectum totius populi, quem ad idololatriam inuitauit. Sed utcunq; res ſe habeat , video tamen etiam in hac Theſi inter nos conſenſum eſſe: ideo ad aliam Theſin progrediar.

D. IACOBVS.

Imagines duntaxat, ratione cultus, prohibitas eſſe.

Cur imagines in templum Hieroſolymitanum non licuerit inferre.

Quod ad hanc Theſin attinet, video equidem conſenſum inter nos eſſe. Sententia enim tuæ Dignitatis eſt , Imagines duntaxat ratione cultus, & non ſimpliciter lege diuina prohibitas eſſe. Sua enim natura & eſſe & manere adiaphora , modo ad cultum his non aburamur.

Conſenſus etiam in eo eſt , hanc potiſſimum ob cauſam non licuiſſe Iſraelitis in templum DOMINI ſimulachrum minimum inferre, quia templum ipſum cum propitiatorio, & quæ circa illud extructa erant , typus & figura fuerunt Chriſti Meiſie venturi, quem repræſentabant. Hæc repræſentatio ne obſcuraretur, tam ſeuere DOMINVS populo præce-

## De Templis, Imagin. & Organis. 417

precepit, ne cum alijs simulachris, & imaginibus commisce-  
rentur. Ideoque recte fecerunt Iudæi, cum ab Antiocho rem-  
plum Idolis profanaretur, quod illud repurgarunt.

Neque pios Reges antecessores Regis Ezechie, peccasse De æneo serpente, &c.  
existimo, quod æneum serpentem memoriale præfuit bene-  
ficij causa conseruarunt. Neque semper publice propositum  
arbitror. Quamuis etiam inter figuras, & umbras numeran-  
dus est, qui Christum repræsentauit, sicut Ioan. 3. aperte di-  
citur. Sic Salomonem, & Dauidem hoc serpente æneo pie &  
recte vsos esse, non dubitandum est: qui eum minimè conte-  
rere voluerunt, cum nullam causam, vel occasionem Idolola-  
trie daret.

Postquam verò Reges relicta lege Mosaica, & vero Dei  
cultu neglecto, Idololatræ facti sunt: æneo quoque serpente  
abusi sunt, sicut alijs rebus omnibus, quæ illis furor, spiritus  
fornicationis suppeditauit.

Sed his omnibus omisis, consensus inter nos est, serpen-  
tem æneum sua natura, postquam suo officio in deserto per-  
functus est, adiaphoron fuisse: quem populus salua conscien-  
tia tam diu retinere potuit, quam diu Idololatriæ cultu non  
fuit contaminatus. Sed postquam Idololatria accessit, recte  
factum ab Ezechia Rege, quod contritus fuerit. Idem etiam  
cum imaginibus faciendum, si per eas Idololatria exerceatur,  
ut ex conspectu hominum remoueantur, & aboleantur.

D. B E Z A.

*Vix puto vlla imagine Pontificios magis abuti, quàm cru-  
cifixi, quapropter recte fieret, quæro, si tollerentur crucifi-  
xi imagines ex locis sacris? Nam ita insaniunt Papistæ, ut  
illi non modò Thymiama adoleant, sed etiam intolerabili  
Idololatria adorent: O crux, inquiunt, &c.*

An imago crucifixi  
propter abusum su-  
periorum annorum  
ex templis tollenda  
sit.

(Recitauit autem D. Beza precationem valde im-  
piam & Idololatricam, quæ non notata fuit.)

Ggg

Quæ

# 418 Colloquium Mompelgartense.

*Quæ ipse vidi, & audiui: & fateor me toto corpore perhorrescere, quoties illa facta esse cogito. Nam spes nostra in vera cruce DOMINI nostri IESV CHRISTI, non illa imagine posita est. Quapropter fateor, ME EX ANIMO CRUCIFIXI IMAGINEM DETESTARI. Quæ est imago crudelitatis Iudeorum in Christum: IDEO EAM NON POSSVM FERRE. Laudatur*

*2. Reg. 10. tur Ezechias, quod contriuerit serpentem aneum, cui cultus diuinus exhibebatur: Ita etiam laudandos existimo eos, qui ad cauendam eandem Idololatriam etiam crucifixi imaginem abolent, et ex templis omnibusq; locis sacris eliminant. Sed ad aliam Thesin accedamus.*

D. I A C O B V S.

*An imago crucifixi ex templis omnibus tollenda sit.*

Agitur de periculo, & salute animarum, ne quid detrimenti ex vsu imaginum accipiant. Quod igitur Reuerentia tua de imagine crucifixi Christi quæsiuit: quoniam Pontificij ea ad Idololatriam abutantur, an propterea prorsus tollenda sit?

*2. Cor. 3.* Respondeo, sicut antea quoque à me responsum est: Idololatriam non tolli, quando res ex conspectu hominum, ac oculis eorum remouentur, quibus ad eam abutuntur. Quoniam Idolum est in corde, sicut Apostolus testatur: quo ex corde sublato, imago nihil nocebit, quæ ad representationem rerum sacrarum posita est. Et eo ingenio est mundus, ut instigante Diabolo, quod res sunt meliores, & præstantiores, eo magis ipsæ abutantur.

*Abusus in omnibus rebus, etiam præstantissimis dominatur.*

**REGVLA.**  
Propter abusum non est tollendus rei vsus.

Quid enim præstantius est verbo Dei, quod in scriptis Prophetarum & Apostolorum continetur? Quam rursus autem homines Idololatræ ad suam impietatem propugnandam eo abutuntur? Regula ergo seruanda est: Propter abusum, non est tollendus rei vsus, alias optima quæque abijcenda essent. Nam ad abominationem Mulsæ priuatæ Pontificis,

## De Templis, Imagin. & Organis. 419

ſictia, qua re non abuſi ſunt Pontificij: Oratione Dominica, Symbolo Apoſtolico, Epistoſis Apoſtolicis, Euangelio, &c. Quæ omnia huic Idolo ſeruire coacta ſunt. Num propterea hæc omnia abiicienda, & è templis eliminanda erunt?

Et dixi de Saxoniciſ Eccleſijs, in quibus non modo crucifixi imago, ſed etiam quàm plures aliæ imagines, fortaiſſis eorum etiam, quorum animæ in inferno ſunt, in Eccleſijs adhuc extant: quibus tamen nemo ad Idololatriam abuti- tur. Si enim verbum Dei purè ſonet, nihil amplius ab imaginibus periculi eſt. Quando autem ab oculis remouentur, priuſquam verbo DOMINI Idololatria ex cordibus hominum, euellatur: periculum animarum eſt maius in pertinacia eorum, quòd deinde nolunt amplius verbum audire. Cuius rei exempla in Ducatu Vvirtembergensi vilà ſunt.

In Saxoniciſ Eccleſijs nullum periculum ab imaginibus.

Neque hominibus preſcribi poteſt certum tempus con- uerſionis. Vnus enim hora tertia, alter ſexta, nona, quidam etiam yndecima hora in vineam DOMINI veniunt: erga quos omnes patientia, & charitas in rebus adiaphoris ex- ercenda eſt, quantum religio, & conſcientia ferre poteſt. Et vnus animæ ſalus toti mundo preferenda eſt: in qua lucrifi- cienda elaborandum eſt, ne intempeſtiua actione in rebus adiaphoris offendatur. Quibus malis omnibus publica vox Euangelij facile mederi poteſt, modo infirmorum ratio ha- beat: quam ſuo tempore repurgatio externa templorum cum ædificatione Eccleſiæ ſequitur, dum non modo nemo amplius eiufmodi imaginibus abuti- tur, ſed eas etiam ipſi ſub- latas cupiunt, qui hiſ priuſ addicti fuerunt: Adeoque eo loco habent, quaſi non adſent.

In abrogandis ima- ginibus prudenter agendum.

D. B E Z A.

*Ingens diſcrimen inter verbum Dei, & imaginum abu- ſum eſt. Nam verbum Dei nobis neceſſarium eſt, quo ca- rere non poſſumus. Sed imagines non ſunt neceſſariæ, qui-*

Ggg 2

*bus*



## 420 Colloquium Mompelgartense

*bus carere possumus. Et quod Augustinus dixit de Donatistis pio Magistratui, id etiam de imaginibus rectè dici potest.*

*Et quamuis verum est, quòd nostrum non sit, hominibus certum tempus conuersionis prescribere: & in Saxonicijs reformatis Ecclesijs, quando non amplius ibi est Papista, quorsum igitur imagines? aut quis illarum usus? Fortassis plures simulant consensum in doctrina, quia Magistratus est Christianus: quòd si is semel tolleretur, quid futurum existimas? Et pictura Antiqui dierum in Daniele non ideo proposita est, ut pingatur. Quamuis non negem, eiusmodi pingere non esse peccatum, sed adiaphoron.*

D. I A C O B V S.

*Doctrina de libertate Christiana, in Ecclesia conseruanda.*

1. Cor. 8.

*Doctrina de libertate Christiana etiam in rebus adiaphoris diligenter conseruanda est. Siquidem non minus in excessu, quam in defectu peccari potest. Maximè verò, quando cum offendiculo proximi coniuncta est, vnde Apostolus: Si esca scandalizat fratrem meum, non manducabo carnem in æternum, ne fratrem meum scandalizem. Cum igitur T. Reuerentia quoque in ea sententia sit, infirmorum rationem semper habendam, & concedat, hæc omnia sua natura adiaphora esse: etiam in hoc inter nos consensus est. Omnia enim ad ædificationem, & non ad destructionem, dirigenda sunt.*

D. B E Z A.

*Scriptas, non pictas imagines probamus, quales sunt quæ ex Daniele, & Esaia prolatae sunt visiones, quas Dominus voluit esse perpetuas. Nam pictura non loquuntur, verbum Dei autem loquitur semper: ideo in verbo manendum, non in pi-*

## De Templis, Imagin. & Organis. 421

*in pictura habendum. Nihilominus tamen re ipsa consentimus, quòd eiusmodi pictura sint adiaphora.*

D. IACOBVS.

Descriptio Dei in Daniele & Esaia proposita, si pingatur: putatne D. Beza, quòd etiam inter adiaphora numeranda sit?

D. BEZA.

*Ego adiaphoron esse concedo, modò nulla occasio ad Idolatriam detur: sed ad Thesin VII. accedo.*

### THESIS VII.

Regula à D. Paulo præscripta de infirmis non offendendis, accuratè obseruanda est. Et Idola prius verbo Dei ex animis hominum euellenda sunt, quàm ab oculis hominum remoueantur.

### RESPONSIO D. BEZAE.

*Regulam Apostoli de infirmis in esu eorum, qua Idolis immolata sunt, certissimam esse, minimè dubitamus. Sed cum duplex sit eius obseruatio: infirmorum in fide rationem habendam esse censemus, ne etiam in sua infirmitate confirmetur, & in pertinaciam abeat. Quapropter cauere oportet, ne obiecta illis noceant. Ideoq; melius esse existimo, si instrumenta Idololatriæ ex oculis illorum remoueantur & subtrahantur.*

Infirmorum in fide quando ratio habenda.

D. IACOBVS.

Consentio. Si modò debita ratione, & suo tempore fiat, ne quid ratione infirmorum periculi habeat.

D. BEZA.

*Procedo ad octauam Thesin.*

Ggg 3

THE-

## THESIS VIII.

Quod ad organa, & instrumenta Musica attinet, manifestum Dei verbum extat: Laudate Dominum in chordis, & organo. Laudate eum in cymbalis bene sonantibus. Laudate eum in cymbalis iubilationis. Exempla Regum piissimorum, Davidis, Solomonis, Ezechiae, Iosiae, &c. hoc idem testantur. Quorum Musica instrumentalis in templo à Spiritu sancto non reprehensa, sed commendata fuit.

## RESPONSIO D. BEZAE.

Præceptum de laudando Deo in organo, quomodo intelligendum.

*Ego ista præcepta de chordis, organo, & cymbalis ad cultum ceremoniale refero, qui in veteri Testamento institutus fuit. Et puto aliam fuisse Musicam, quàm quæ nunc est: & fortassis non deessent, qui eam reducere possent. Non autem puto ita præcipi, ut ceteri, qui his non utuntur, reprehendendi sint, qui putant ad ædificationem non prodesse. In summa, non puto nos ad organa in templo restauranda obligari: usurpentur ubi possunt, & quibus placuerint. Ex præcepto autem & mandato DEI necessario sonare debere, non existimo. Habemus verbum Dei valde sonorum, & Sacramenta. Si possunt externa etiã ad ædificationem usurpari, fiat. Sed hæc nobis præscribi, tanquam in lege à Deo mandata, non puto vestram quoque sententiam esse.*

## D. IACOBVS.

Musica instrumentalis, an mandato Dei à Regibus instituta sit.

Nos sic sentimus: Reges veteris Testamenti, Davidem, Salomonem, Ezechiam, Iosiam, non speciale mandatum habuisse, ut instrumentalem Musicam instituerent in templo: sed pro ipsorum pietate fecerunt hoc ex generali illo mandato, quod in Thesi nostra positum est: Quo Dominus præcipit, ut omnia, quæ ab homine proficisci possunt, ad celebrationem

## De Templis, Imagin. & Organis. 423

tionem nominis Dei dirigantur. Cum igitur vox humana, VOX HUMANA.  
& articulata inter præstantissimæ dona Dei numeretur: ideo  
& ipsa etiam ad laudandum Deum dirigi debet, ne aubus in-  
feriores hac in parte censeamur, quæ suauissimo suo cantu  
DEVM perpetuò celebrant. Quando autem instrumenta-  
lem etiam Musicam adhibent: eam quoque Deo probari, Spi-  
ritus sanctus Psalmi allegati verbis aperte testatur.

Musica figurat  
etiam Deo proba-  
tur.

Præterea vulgus harmoniâ illa excitatum, ad conciones Musicæ harmoniæ  
vltus apud imperi-  
tum vulgus.  
accurrit audiendas, quas magno numero alias negligenter.  
Qua ratione etiam ædificationi Ecclesiæ seruiunt.

Quorum omnium mentionem propterea facimus, quòd Cur organi & alio-  
rum instrumento-  
rum Musicorum  
mentio sit facta in  
hac disputatione.  
ficut suprâ dictum est, quibusdam in locis, equis adhibitis  
organa ex Ecclesijs eliminantur, quasi à Deo prohibita, &  
in templis Christianorum minime licita essent. Sed consen-  
sus inter nos est: sua natura adiaphoron esse, in templis orga-  
na Musica habere, aut his carere. Quod in cuiusque Ecclesiæ  
arbitrio est positum.

D. B E Z A.

*In re ipsa consentimus, tantum hoc addo: Gradus Leni-  
tarum, Cantorum, in veteri Testamento, ex Spiritus san-  
cti præcepto sic distributos fuisse. Quapropter illa Musica  
ex præcepto, & mandato Dei sic introducta fuit, idq. certo  
suo fine. Sed nos illis quoque benè uti possumus ad excitan-  
dum zelum audiendi verbum D O M I N I. Proceda-  
mus ad dogmata examinanda, quæ ve-  
stris Theſibus subiecta  
sunt.*

T H E O-

## I.

Non posse doceri Euangelium in templo, in quo prohibita & Idololatræ sacra celebrata sunt.

## II.

Non licere Cœnam Domini celebrare in altari, quod abominationi Missæ priuatæ seruierit.

## III.

Mensam ex ligno confectam, loco altaris lapidei in templis necessario constituendam esse, in qua Cœna Domini celebretur. Cum tamen Christus vnâ cum discipulis suis non mensa vsus sit, sed humi pro more & consuetudine gentis discubuerit.

## IIII.

Abrogationem imaginum populo non permittendam, quæ pietati, sapientiæ Regum, Principum, & cuiusque loci ordinarij Magistratus commendata est.

## RESPONSIO D. BEZAE.

*Quod ad templa attinet, supra exposui nostram sententiam: videlicet, quod Euangelium in illis doceri possit, in quibus prius Idololatræ sacra celebrata sunt. Ideoq; illa Thesis nihil ad nos pertinet.*

Cœnam Domini  
etiam in altari ce-  
lebrari posse.

*Deinde, quod ad altaria: nihil in eo positum est, an in altari lapideo, vel in mensa lignea Cœna Domini celebretur. Est enim res adiaphora. Sed tamen res ipsa ostendit, quàm astutus sit noster hostis. Si enim nunquam altaria extructa fuissent, nunquam Cœna DOMINI in sacrificium conuersa fuisset. Nam altaria sacrificia nobis pepererunt.*



## De Templis, Imagin. & Organis. 425

*Quapropter etsi rem ipsam non damno, quòd Cæna Domini in altari lapideo celebratur, & distribuitur: dico tamen, Sathanam hac occasione usum, ut nobis Sacramentũ Eucharistia in sacrificium conuerteret. Nam ubi non est altare, ibi non est sacrificium. Et Paulus mentionem facit mensa Domini, & non altaris.*

*Sed non repugno, quin Cæna Domini in altari celebrari possit. Nam et à Losanna altare marmoreum Bernam translatus est, in quo Cæna Domini ibi celebratur.*

Altare marmoreum  
Losanna Bernam  
translatum est.

### D. I A C O B U S.

Non altaria, sed perniciofa doctrina Pastorum & Episcoporum Cœnam Domini in sacrificium conuerterunt: quos vigilare oportuisset, ne à verbis Testamenti Christi, & institutione eius sacra recederent. Et Paulus etiam ethnicorum Idololatrarum altaria appellat mensas, quarum Corinthios non velit participes esse. 1. Cor. 10.

Quòd autem multi in ea opinione versentur, minimè adiaphoron esse, Cœnam Domini in altari celebrari, in quo prius Papisticum sacrificium oblatum est: libet veram historiam breuiter recitare.

Fuit Comes quidam vestrę confessionis, qui cum Principe quodam nostrę religionis communem habuit iurisdictionem in Ecclesia quadam. Cum igitur Comes iudicaret, se plus iuris in illa Ecclesia habere: altare dirui, & mensam in templo extrui curauit. Quod postquam Princeps rescivit: mensam remoueri, & altare denuò extrui mandauit. Comes contra secunda vice, altare dirui, & mensam restitui curauit. Princeps similiter altera vice mensam aboleri & altare restitui mandauit. Id an tertia vice factum sit nescio. Sed Comes postquam seueritatem Principis animaduertit, de suo proposito remisit, ut loco mensæ altare in templo remaneret.

Historia de controversia inter Principem quendam, & Comitem, de mensa & altari in templo.

Hhh

Ex

## 426 Colloquium Mompelgartense

Ex quo intelligitur, valde necessarium esse, vt homines etiam hac de re recte erudiantur. Si enim Comes iudicasset adiphoron esse, in altari, vel in mensa Coenam DOMINI celebrare: hæc lis, & contentio inter ipsum, et Principem nunquam cum tanta offensione & scandalo subditorum eius loci exorta fuisset.

D. B E Z A.

K. COY 14.

*Veteres non humi discubuerunt, sed habuerunt etiam suas mensas: sed de hoc pugnare nolo.*

D. I A C O B V S.

Mos & consuetudo gentis Orientalis hodierno etiam die illam consuetudinem confirmant: qui mensis non vtuntur, sed humi discumbentes cibum capiunt.

D. B E Z A.

*Extra controuersiam est, omnia in Ecclesia debere ordine fieri, secundum illud Apostoli: omnia ordine & decenter fiant.*

Nam. 25.

*Quod igitur ad statuarum demolitionem factam, nolim eorum zelum temerè damnare in illis motibus. Nam vt maxime videantur minùs rectè fecisse: postea tamen apparet, eos piè fecisse, quos nunc grauitè reprehendimus. Què admodum de Phinea legimus, filio Eleazari filij Aaron Sacerdotis extraordinarium factum, qui zelo excitatus arrepto pugione virum Israelitam cum scorto Moabitico perfodit. Quapropter specialia illa nolim temerè damnare.*

D. I A C O B V S.

De suis factis singuli sunt Deo rationem reddituri. Sed  
nos

## De Templis, Imagin. & Organis. 427

nos testamur, illam intemperiem nobis minimè probari. Intemperies in euerendis templis non probanda.  
**DEO** autem gratias ago, pro consensu nostro in hoc articulo. Neque enim hæc dogmata proposuimus, quòd existimaremus, vos in contraria sententia esse: sed quia Ecclesiæ vestræ hoc nomine passim male audiuerunt, quòd in illis motibus templa euerfa, & imagines contritæ sunt, idque à vulgo factum est. Quapropter prodest omnes scire, illam confusionem vobis minimè probari, sed omnia ad ordinem reuocanda esse, vt primum populus erudiat, & recte instituat, Imagines per se, & sua natura adiaphoras esse: Easque si non ad Idololatriam prostant, sine offensione Dei retineri posse, quibus res sacræ repræsententur: In reliquis Magistratum pium circumspectè, & prudenter agere debere, ne vel infirmi in fide lædantur, vel occasio ad Idololatriam detur. In primis autem promiscuo vulgo hanc licentiam non permittant, vt ipsi in imagines sæuiant, & in abolitione earum talia agant, quæ ad offensionem infirmorum facere possunt.

Epilogus Colloquij de imaginibus templorum, & organis.

**DOMINVS** det, vt in reliquis controuersis Articulis similiter purè consentiamus,

A M E N

Hhh 2

DE

428 *Colloquium Mompelgartense*  
**DE BAPTISMO.**

D. B E Z A.



**A**CCEDIMVS nunc ad *Theses vestras de Baptismo conscriptas, in quibus quadam ad generalem questionem de substantia & fructu Baptismi pertinent: quæ vis sit Baptismi, & in quibus rebus consistat. Quadam verò peculiariter ad Baptismum infantium spectant: an baptizandi sint illi, qui in Ecclesia nati sunt.*

D. I A C O B V S.

*Illustrissimus Princeps, Comes Fridericus, vult prius Theses nostras publicè recitari, quàm ad collationem accedamus.*

D. B E Z A.

*Placet, ut fiat.*

*Sequentes ergo Theses Doctor Lucas Osiander recitauit.*

**DE BAPTISMO.**

*Extra controuersiam posita.*

I.

**B**aptismum aqua & verbo Dei constare.

II.

*Baptismum in locum circumcisionis successisse.*

*Baptismum*

III.

Baptismum etiam infantibus Christianorum conferendum esse.

IIII.

In controuersiam autem venit: An Baptismus sit lauacrum regenerationis & renouationis in Spiritu sancto: An verò signum duntaxat, quo adoptio significetur & obli-  
Status controuersia.

V.

In hac quæstione assertio nostra hæc est: Baptismus non signum duntaxat, sed lauacrum regenerationis verè esse.

VI.

Huius fidei & confessionis nostræ fundamenta hæc sunt: Christus dilexit Ecclesiam, & se ipsum tradidit pro ea, vt il-  
Ephes. 5.  
lam sanctificaret, mundans eam lauacro aquæ in verbo.

Nisi quis renatus fuerit ex A Q V A & Spiritu, non po-  
Ioan. 3.  
test introire in regnum Dei.

Non ex operibus iustitiæ, quæ fecimus nos, sed secun-  
Tit. 3.  
dum misericordiam suam saluos nos fecit per lauacrum regenerationis & renouationis Spiritus sancti.

Quotquot baptizati estis, Christum induistis.

Gal. 3.

Quicumque baptizati sumus in Christo Iesu, in mortem  
Rom. 6.  
ipsius baptizati sumus: consepulti sumus cum illo per Baptismum in mortem: vt quemadmodum Christus surrexit à mortuis per gloriam patris, ita & nos in nouitate vitæ ambulemus.



SEQUENTIA DOGMATA  
ta cum sacra Scriptura pugnare  
iudicamus.

## I.

CVM docetur: latentem virtutem Sacramentis non annexam affixamque esse, qua S. S. gratiam baptizatis conferant: sed hoc duntaxat munus illis diuinitus iniunctum esse, testari nobis & sancire Dei in nos beneuolentiam.

## II.

Ineptos esse, qui Spiritum S. & ipsius in nobis effecta Sacramentis alligant. Cum idcirco potius adhibeantur, ut in credentium quidem infantibus adoptionem, in adultis vero etiam fidem obfignent.

## III.

Regenerationem seu salutem non à Baptismo pendere.

## III.

Improprias seu figuratas loquendi formas esse, 1. Baptismus ablutio est peccatorum. 2. Baptismus abluat peccata: propriam vero loquendi formam esse: Baptismus est signum ablutionis peccatorum.

## V.

Cum Baptismus ab Apostolis lauacrum peccatorum, & innouationis, item ablutio vocatur: non secundum literam accipiendum esse.

## VI.

Baptismum ablutionis peccatorum, regenerationis, innouationis, adoptionis denique arrhabonem esse certissimum, in electis: in quibus solis illius virtus se exerat.

Non

VII.

Non omnes infantes qui baptizantur, gratiæ Christi participes esse & regenerari.

VIII.

Infantes carere fide, & nihilominus baptizandos.

IX.

Effectum fœderis neque à Baptismo, neque ab vllis accessionibus pendere.

X.

Non ideo baptizari fidelium liberos, vt filij tunc primum fiant, qui antea alieni fuerunt ab Ecclesia : sed solenni potius signo ideo recipi in Ecclesiam, quia promissionis beneficio iam antè ad Christi corpus pertinebant.

XI.

In casu extremo necessitatis, mulieribus illicitum esse infantes baptizare.

*Jacobus Andrea D.*

*Lucas Osiander D.*

Et si verò Responsiones D. Bezae & fratrum eius hic recitatae non sunt : visum tamen est eas hoc loco inferere, vt pius lector eas cum Theologorū Vvirtembergensium Thesibus conferre, & subsequentem collationem facilius percipere possit.

*AD*

## ANNOTATIONES

marginales D. Iacobi  
Andree: quib. ad Theses  
D. Beza post absolutum  
Colloquium exhibitas,  
breuiter respon-  
detur.

AD THESES DE  
Baptismo.

## Ad I.

a: Cum ea ab initio ponere  
visum esset, quæ extra om-  
nem controuersiam essent,  
& negari non possent: gene-  
raliter quoque prima The-  
sis posita est, Baptismum  
Aqua & Verbo Dei consistere.  
Vocabulo autem (verbi  
Dei) inclusum est, quod hic  
desiderant aduersarij: vide-  
licet, non sine sanguine  
Christi ablutionem à pec-  
catis fieri.

b: Aqua non significat san-  
guinem Christi: sed organum  
est, per quod in sanguine  
Christi, virtute Spiritus san-  
cti, à peccatis abluimur, re-  
generamur, renouamur.  
c: Ritus essentialis etiam  
in verbo Dei comprehensus  
est, baptizate. Ideo sine  
causa reprehendimur, quasi  
à nobis omisus esset.

d: Eadem prorsus doctrina  
D. Beza, & fratrum eius de  
Baptismo, quæ est de Coena  
DOMINI: videlicet OFF-  
FERRI, sed non conferri  
regenerationem, obigna-  
tionem, & remissionem  
peccatorum omnibus bap-  
tizatis.

e: Hic excluduntur, quos  
dicunt à Deo iam inde à  
conceptione & natiuitate  
sua ad æternam damnatio-  
nem creatos & ordinatos,  
quos Deus non velit rege-  
nerari & saluari.

**R**equirimus in hac Thesi præcipuam huius Sacramenti  
partem prætermisam, nempe <sup>a</sup> sanguinem CHRISTI,  
<sup>b</sup> cuius signum sacramentale est aqua. <sup>c</sup> Minimè aut præ-  
termitti debuisse dicimus, essentielles eius sacra actionis ri-  
tus ab Apostolo explicatos, Rom. 6. v. 4. & 5. Col. 2. v. 12.

## Ad II. &amp; III.

*Assentimur.*

## Ad IV.

*Vtraque ista, nempe & adoptionis obsignationem, & re-  
generationem, imò etiam peccatorum remissionem in Bapti-  
smo ritè administrato, <sup>d</sup> præberi à Deo baptizatis omnibus  
asserimus: quamuis non semper <sup>e</sup> à quibusuis, neque eo ipso  
<sup>f</sup> tempore, quo baptismus administratur, accipiuntur.*

## Ad V.

*Neg. nos Sacramenta docemus <sup>g</sup> nuda esse signa sed <sup>h</sup> ex-  
terna tamè actioni negamus tribuendū esse, <sup>i</sup> quod est vni-  
us Spi-*

f: Quia electos baptizari docent, qui non statim, sed interdum in extrema sa-  
necta demum regenerantur. Quia baptismus sit DVNTAXAT signum rege-  
nerationis, non verò lauacrum regenerationis, vt quotquot baptizentur, rege-  
nerentur, & renouentur infantes. De quo plura in articulo de Prædestinatione.

g: Verbis quidem non asseritis, sed in explicatione verborum re ipsa facitis.  
Quoniam substantiam Sacramentorum IN SIGNIFICANDO duntaxat  
collocatis.

h: Et si distincta res est externa actio Baptismi, & interior vis Spiritus sancti  
tamen propter Dei ordinationem externæ actioni rectè tribuitur vis Spiritus  
sancti, cuius proprius effectus est regeneratio. Separatio autem hæc errorum  
Schvvenckfeldianum sapit.

i: Duos Baptismos faciunt, dum à proprio effectu Baptismi, qui est Spiritus  
sancti, aquam excludunt.

us Spiritus sancti. Sicut à Ioanne, Matth. 3. v. 11. & à Petro, 1. Epist. 3. v. 2. non separantur quidem, sed distinguuntur: dicente etiam Apostolo de uniuerso Ministerio: cum, qui plantat & rigat, nihil esse.

## Ad VI.

Omnia hæc sacra Scriptura testimonia approbamus, quibus & Baptismi institutio, & eius effecta declarantur <sup>k</sup> in ijs quidem, qui sua indignitate beneficia sibi præbita non repudiant.

## AD DOGMATA superioribus Thesis subiecta.

## Ad I. &amp; II.

**A**liquam <sup>l</sup> latentem virtutem aliam aquæ ( licet sacramentali ) attribuere, quàm sacramentalis <sup>m</sup> significationis, nunquam ( quod ad Deum promittentem attinet ) vanæ & inanis, existimamus manifestam esse <sup>n</sup> Idololatriam, quæ ( quod ne ipsorum quidem Angelorum est ) nempe remittendorum peccatorum, & renouandi cordis hominum vis, ad <sup>o</sup> aquam, quantumuis sacramentalem, transfertur.

## Iii

## Ad

<sup>n</sup>) Blasphemiam hoc in auctorem Baptismi Christum esse, minimè dubitamus. Non enim Idololatria, sed cultus Dei est de Baptismo sentire, sicut paulatim possumus.

<sup>o</sup>) Non simpliciter aquæ, aut perse tribuitur hæc vis latens regenerandi: sed quia diuinitus ad hoc in Baptismo ordinata est.

<sup>k</sup>) Hic excludunt eos homines, vel baptizatos, vel baptizandos, qui æterno & occulto Dei decreto, priusquam aliquid boni vel mali fecerunt, ad æternam damnationem ordinati sunt. Hos enim, si milles baptizarentur, nunquam regeneratos fore affirmant: quod auditu horrendum est.

<sup>l</sup>) Si latens vis omnis ab aqua Baptismi tollitur: quid quæso aliud, quam nulla signa relinquuntur? quod cum substantia Baptismi pugnat. Non enim Spiritus sanctus sine aqua, neque aqua sine Spiritu sancto, sed Spiritus sanctus per aquam, & aqua virtute Spiritus sancti, ex ordinatione diuina, in Baptismo regenerat.

<sup>m</sup>) Aqua Baptismi non ad significationem duntaxat, sed realem exhibitionem regenerationis tanquam organum à Deo ordinata est. Ideo hæc assertio aperte falsa & impia est.

## Ad III.

*Miramur hic pratermitti unum ex praeipuis Baptismi finibus<sup>p</sup> nempe peccatorum remissionem. <sup>q</sup> Salutem autem nostram hactenus à Baptismo suspendimus, ut nec ipsius salutis fundamentum ab eo inchoemus, neque eius carentia, sed contemptu homines à salute excludi arbitremur.*

<sup>p</sup>) Remissio peccatorum in vocabulo (salutis) comprehensa est. Nulla enim salus est, ubi remissio peccatorum non est.

<sup>q</sup>) Hoc responsum manifestè impium est, quod omnem consolationem adimit credentibus, quam in Baptismo, tanquam fundamento salutis, repositam habent, secundum illud Christi; qui crediderit & baptizatus fuerit, saluus erit.

## Ad IV. &amp; V.

*Quoties, quod rei signata est (qualis est in Baptismo C H R I S T I sanguis & Spiritus sancti opus, quod est interior mundatio, per Christi sanguinem) externa actioni tribuitur, <sup>r</sup> Metonymiam sacramentalem esse affirmamus.*

## Ad VI.

<sup>r</sup>) Metonymiam hanc, sicut in Coena Domini, apertè damnamus: quæ substantiam Sacramenti Baptismi euerit. Non enim ad significandam regenerationem, sed conferendam aqua Baptismi à Christo ordinata est. Nulla ergo hic Metonymia, nulla nominum permutatio locum habet.

<sup>s</sup>) Duplicem Baptismum fingunt, interiorem & exteriorem: cum vnus duntaxat sit Baptismus, qui re externa, aqua videlicet, & re interna spiritus regenerationis virtute, constituitur.

*Quibusuis adultis, qui baptizantur, praeberi semper totum Baptismum asserimus: sed ab ijs demum recipi<sup>t</sup> interiorem, qui veram fidem afferunt, vel eo ipso tempore, quo baptizantur, vel cum per Dei gratiam ipsis hoc contingit. Nec enim efficaciam Baptismi, ad id<sup>t</sup> momentum referimus, quo praestatur: sed ipsa Christi in eo oblata beneficia interdum illam procedere, ut in Cornelio, Actorum 10. Sicut etiam Abraham prius iustificatus, quàm circumcissus fuit: interdum verò subsequi affirmamus, in ijs videlicet, qui fidem non habent, sed suo tempore habebunt, quam profitentur, cum baptizantur.*

Ad

<sup>t</sup>) Hæc manifesta & aperta est diuini nominis profanatio in actione Baptismi, qua virtus Baptismi vsque ad senectam rejicitur.



## Ad VII.

*Infantes, putamus absurdum esse dicere, <sup>u</sup> renouari, ut vel eo ipso tempore, quo baptizantur, vel etiam antè, non modò adulta etatis, verùm etiam cogniti, & per fidem apprehensi Christi tempus, vetere extincto homine, noui fiant homines. Obsignari tamen in illis adoptionem fœderis, in quo nati sunt, & remissionis peccati originis gratiam asserimus: modò adulti facti his beneficijs sese non priuarint.*

u) Hæc quoque assertio aperte falsa & impia est, quæ negat infantes in Ecclesia natos & baptizatos regenerari.

x) Non minùs manifeste falsa & impia est hæc quoque assertio, qua affirmatur: Infantes propria fide carere, contra expressum Christi verbum: Quicumque offenderit V N V M E X M I N I M I S his, Q V I in me credunt. Et facilius credunt infantes, quàm adulti, cum vltus rationis magis impediat, quàm promoueat fidem, 1. Cor. 2.

y) Non probabiliter, sed certò censentur filij Dei, & fructu adoptionis donantur infantes baptizati: quoniam Deus promissione sua fallere non potest. Reddunt ergo dubiam consolationem, & virtutem Baptismi prorsus evertunt, qui talia de Baptismo sentiunt & docent, adeoque Sacramentum ipsum à Christo institutum profanant.

## Ad VIII. &amp; X.

*Et si propria fide, præsertim actuali <sup>x</sup> carent infantes (vtpote quæ sit ex prædicati verbi auditu, Roman. 10.) tamen ex formula fœderis: Ero Deus tibi, & semini tuo, Genes. 17. v. 7. à parentibus ipsorum sibi & suis liberis per fidem apprehensi (qua etiam ratione sancti vocantur, 1. Corinth. 7. v. 14.) merito baptizantur, & adoptionis fructu donari <sup>y</sup> probabiliter censentur, <sup>z</sup> relictis Deo arcanis suis iudicijs.*

## Ad IX.

*Ad hoc responsum est, suprà ad 1. & 2. Theses.*

## Ad XI.

*Baptismus pars est Ministerij publici, quod est expresso Dei verbo <sup>a</sup> mulieribus, imò etiam priuatis personis interdictum: neque vel Baptismus videri potest contempsisse,*

Iii 2

qui

<sup>z</sup>) Respiciunt ad impium suum dogma de occulto Dei decreto contra maximam partem humani generis, quam Deus nolit per Baptismum regenerari. Ideo millies baptizatos, siue in infantia, siue adulta ætate, nunquam regenerari, aut in gratia à Deo recipi, sed ad damnationem creatos & ordinatos perire, docent.

a) Mulieribus I N E C C L E S I A non est permissum loqui, hoc est, concionari in cœtu virorum 1. Cor. 14. Sed vbi nullus vir præfens est: & concionari, & in casu necessitatis baptizare licet. Quia in Christo neque mas, neque femina, sed V N V S sumus omnes in Christo Iesu, Gal. 3.

# 436 Colloquium Mompelgartense

b) Nulla lex in verbo Domini extat, quæ in casu necessitatis mulieres vel à baptizando arceat.

*qui nulla sua culpa excedens ex hac vita non baptizatur: neque necessitas vlla incidere potest, publici urgentis ministerij<sup>b</sup> leges transgredi.*

*Mompelgarti 29. Martij, 86.*

Theodorus Beza, Geneuensis Ecclesiæ Minister.  
Abrahamus Musculus, Bernens. Ecclesiæ Minister.

Petrus Hübnerus, Græcæ linguæ in Gymnasio Bernensi pub. Professor.

Antonius Faius, Geneuensis Ecclesiæ Minister.  
Claudius Alberius D. Professor Philosophiæ in Academia Lausannensi.

## COLLATIO DE BAPTISMO.

D. B E Z A.

*Si placet, sequemur eum ordinem, quem in precedente articulo obseruauimus, vt ad singulas vestras Theses respondcamus, & si quid desideremus, breuiter addamus.*

D. I A C O B V S.

Placet.

D. B E Z A.

De substantia Baptismi, in quibus rebus consistat.

*In prima Thesi quæro, mi Domine: quid ibi Baptismi nomine intelligas? Num ipsam externam actionem cum aqua, an verò etiam internam actionem Spiritus S. adeoq, simul interiorem & exteriorem Baptismum?*

D. I A C O B V S.

Nos per Baptismum intelligimus omnia ea, quæ ad substantiam Baptismi pertinent & necessario requiruntur: videlicet externum Elementum; & verbum mandati atque promissionis Dei.

D. BEZA.

Nos quoque dicimus, externum Baptismum externo Elemento & verbo constare. Ideoq; hanc Thesin vestram de externo Baptismo veram esse, affirmamus. Sed ratione interioris Baptismi, dicimus insufficientem descriptionem Baptismi esse. Quia Baptismus nō solum verbo & Elemento seu signo, sed etiam re significata constat, videlicet, sanguine Christi, qui in Baptismo maximè requiritur.

Nam actio Baptismi, quo ad Elementum aquæ, in oculos, verbum autem promissionis in aures incurrit. Sed quemadmodum de Cæna Domini diximus, nō solum externa signa panis & vini in oculos, & alios externos sensus incurunt, sed res significata menti præbetur & offertur, videlicet corpus & sanguis Christi: Ita etiā Baptismus (quoniam Sacramentorum est eadem ratio, quæ signis & rebus significatis constant) non solum externo Elemento & verbo, sed etiam re significata, videlicet, sanguine Christi constat, qui mundat nos ab omnibus peccatis. Qui sanguis, aqua Ba- 1. Ioan 1.  
ptismi repræsentatur: cuius rei nos ritus externa actionis Baptismi admonet, de quo Paulus ad Rom. 6. concionatur, cum inquit: An ignoratis quòd quicumque baptizati sumus Rom. 6.  
in Christum Iesum, in mortem eius baptizati sumus? Sepul-  
ti igitur sumus cum illo per Baptismum in mortē, ut quemadmodum excitatus est Christus ex mortuis per gloriam Patris, ita & nos in nouitate vitæ ambulemus.

Nam per immersionem in aquam Baptismi, mortificatio veteris Adami, & insertio in mortē Christi: per emersionem autem resurrectio spiritualis repræsentatur, qua à morte peccati resurgimus ad iustitiam & vitæ nouitatem: quæ omnia nobis sanguis Iesu Christi præstat. Hac per actionem

Significatio externi  
ritus in Baptismo.

# 438 Colloquium Mompelgartense

*Baptismi representantur, & baptizato offeruntur. Et hæc interior actio per Spiritum S. virtute sanguinis Christi peragitur: Ideoq; necessariò etiam addendus fuisset sanguis Christi, quo Baptismus non minùs quàm verbo & aqua constat. Vos autem in Thesi vestra dicitis, quòd Baptismus tantum verbo & aqua constet: cum propter significationem Christi sanguis quoque addendus fuisset. Loquor autem non de nuda significatione, sed eiusmodi representatione, qua res significata simul offertur etiam, & cum externo signo prabetur.*

D. I A C O B U S.

Ephes. 4.  
Baptismus vnus tantum.

Ioan. 3.

Matth. 28.

Tit. 3.

Reuerende Domine Beza: Ego non meis, sed Apostoli Pauli verbis respondere volo, qui ad Ephesios sic scribit: Vnus Dominus, vna fides, vnum Baptisma, vnus Deus, & Pater omniũ, qui est super omnia, & per omnia, & in omnibus. Ex quibus verbis Apostoli manifestum est, quòd vnus tantum sit baptismus, & non duo, interior & exterior, sicut tu disseruisti. Vnus hic Baptismus aqua & Spiritu constat, sicuti Christus inquit: Nisi quis renatus fuerit ex aqua & Spiritu, non potest ingredi in regnum cœlorum. Nam aqua sine Spiritu non est Baptismus, neque Spiritus est Baptismus sine aqua, sed aqua cum spiritu, & spiritus cum aqua verbo Christi copulata: sub quo verbo in Thesi nostra prima Spiritum sanctum intelleximus, quem complectitur: quo verbo etiam Christus Baptismum instituit. Baptizate, inquit, eos in nomine Patris, & Filij & Spiritus sancti. Quæ efficiunt Baptismum, qui est lauacrum regenerationis & renouationis in Spiritu sancto.

Quapropter frustra quæritur: num vocabulo Baptismi externum duntaxat, & non simul quoque internum Baptismum intelligamus; cum vnus tantum sit Baptismus, non duo

duo Baptismi, alter interior alter exterior. Deinde, quod ad sacramenta quomodo inter se differant, communem rationem Sacramentorum attinet Baptismi & Cœnæ Domini: et si sanguis Christi in omnibus concurrat, non tamen ideo per omnia eadem omnium Sacramentorum est ratio. Etenim non solum Elementis, sed etiam causa formali, quæ ex verbo petitur, & finibus seu effectis, differunt. Nam in Baptismo regeneramur, non reficimur: in Cœna Domini prius renati reficimur, & non regeneramur. Item, in Baptismo Spiritus sanctus nos regenerat per aquam in sanguine Christi: In Cœna Domini autem Christus suo corpore & sanguine nos reficit.

Quapropter et si in utroque Sacramento Baptismi & Cœnæ Domini applicatio fit sanguinis Christi ad gratiam conferendam, si fide accipiantur: tamen singula Sacramenta suas certas & à se inuicem distinctas rationes & definitiones habent, in verbo expressas.

Cum igitur Christus aquam cum Spiritu, & Spiritum cum aqua coniunxerit, cum inquit: Nisi quis renatus fuerit ex aqua & Spiritu: & non dicat: Nisi quis renatus fuerit ex aqua tantum, neque ex Spiritu tantum: Idemque in Baptismi institutione repetit, cum inquit: Baptizare eos in nomine Patris, & Filij, & Spiritus sancti: Ideoque non possumus duos Baptismos agnoscere, alterum interiorem, qui per exteriorem significetur: alterum exteriorem, qui interiorem significet & repræsentet: Sed vnum tantum Baptismum, non autem duos.

Neque etiam effectum Baptismi, qui est regeneratio, cum substantia Baptismi, quæ aqua & Spiritu constat, confundere debemus. Aliud enim est regeneratio, & aliud Baptismus, qui aqua & Spiritu constat, quibus regeneratio fit, secundum verbum Christi in Baptismo. Nam Spiritus sanctus per asperionem aquæ in nomine totius Trinitatis factam, regenerat. Ideoque Spiritus & aqua in Baptismo

Effectus Baptismi cum substantia eius non confundendus.

Spiritus & aqua in Baptismo non diuclenda.



## 440 Colloquium Mompelgartense

primo nequaquam diuellenda, quæ in actione hac verbo Christi coniuncta sunt, & ita coniuncta manent, ut neutrum sine altero in hac actione Baptismus dici aut esse possit. Hæc enim sunt substantialia Baptismi, sine quibus Baptismus consistere non potest.

D. B E Z A.

*Non videntur mihi verba Pauli ex Epistola ad Ephesios, hoc loco aptè citari: in quibus solum monet, ne diversas religiones sequamur, sed sub uno Christo maneamus omnes. Et nos quoque agnoscimus unū tantum Baptisma, neque dicimus duo genera Baptismi esse. Est enim unus Baptismus.*

D. I A C O B V S.

Aptè à me Pauli verba citata esse, res ipsa demonstrat. Non enim quaeritur, quò Paulus respexerit, & in quem finem hæc scripserit: sed hoc sufficit, quod dicit: V N V M esse Baptisma. Vos autem facitis duos Baptismos, exteriorem aquæ, & interiorem Spiritus: quod verbis Pauli reclamation,

D. B E Z A.

*Sed qua causa est, cum partem Baptismi facias Spiritum sanctum, quòd non etiam in hac Thesi posueris, in qua dicis: Baptismum duabus rebus constare, Elemento & verbo: cur Spiritum sanctum prateris?*

D. I A C O B V S.

Quòd non expressè in hac Thesi posuerimus Spiritum sanctum, causa est, quòd ab initio ea tantum ponere voluerimus, in quibus inter nos consensus sit: quemadmodum in prioribus articulis etiam factum est. Nam vos nunquam  
nega-

negaturos existimauius: Baptismum verbo & Elemento constare: secundum illud Augustini vulgò notum dictum: Accedat verbum ad Elementum, & fit Sacramentum. Sed quomodo hæc & quàm dissimiliter à vobis & à nobis intelligantur, non ignorauimus: quin cum illas Theses conscriberemus, ea de re inter nos colloqui sumus, illud Dominis explicandum fore, quando ad controuersas Theses perueniremus. Modò hoc axioma firmum & extra controuersiam positum sit: Baptismum verbo & Elemento constare: quod nemo intelligens negare potest. Quid autem verbum complectatur, & per illud intelligatur: alia quæstio est, in alijs sequentibus Theisibus explicata. Præterea Spiritus sanctus tanquam principalis & substantialis pars Baptismi (si ita loqui licet) in verbo comprehensus est & inclusus. Quemadmodum enim in Cæna Domini, corpus & sanguis Christi inclusa sunt verbo Testamenti: Accipite, manducate, hoc est corpus meum: Accipite, bibite, hic est sanguis meus: Ita etiam in verbo Baptismi Spiritus sanctus inclusus, & cum aque externo Elemento coniunctus est, quo Christus baptizare iussit. Nam si quis alias millies & iterum millies aqua aspergeretur: à peccatis suis nunquam mundaretur. Quando autem ad aquam verbum Dei, & per verbum Dei Spiritus sanctus accedit, & aqua hæc in nomine Patris, & Filij, & Spiritus sancti aspergitur: tum demum baptizatus à peccatis mundatur, regeneratur, & renouatur, & planè nouus homo fit.

D. B E Z A.

*Cur Spiritum sanctum potius Baptismo, quàm Cæna Domini tribuis?*

D. I A C O B V S.

Quia hoc verbum Dei expressè docet, & Deo sic placuit, qui ordinauit, vt Spiritus sanctus in Baptismo regeneret:  
 Kkk Corpus

corpus autem & sanguis Christi spiritualiter nos in Cœna Domini reficiant.

D. B E Z A.

*Quemadmodum in Cœna Domini constituis signa, & rem verbo Christi expressam, videlicet corpus Christi pro nobis traditum, & sanguinem Christi pro peccatis nostris effusum: Sic fatearis quoque necesse est, in Baptismo te constituere, signa & rem verbo comprehensam. Cur ergo non potius sanguinem Christi, quàm Spiritum sanctum ponis? Nam sanguine Christi ablui mur à peccatis nostris, sine quo nulla purgatio à peccatis fieri potest. Sanguis enim Christi est res Sacramenti in Baptismo, sicut supra declaratum est, quòd necessarìò ad Baptismum requiratur: aliàs nulla est ablutio & purgatio à peccatis in Baptismo, qua ad interiorum Baptismum requiritur.*

D. I A C O B V S.

De singulis Sacramentis & sentiendum & loquendum est, sicuti verbum Dei sonat. Neque inane verbum dicimus, sed continet hoc verè, quod sonat. Est autem verbum Christi in Baptismo: Baptizate eos in nomine Patris, & Filij, & Spiritus sancti. Hoc verbum præsentiam trium personarum sanctæ Trinitatis complectitur, Patris, Filij, & Spiritus sancti. Ideoque etiam opus regenerationis in Baptismo, opus totius Trinitatis est. Quia verò Pater & Filius per Spiritum sanctum regenerationem & renouationem operantur, ideoque Christus regenerationis hoc opus peculiariter Spiritui sancto tribuit, cum inquit: Nisi quis renatus fuerit ex aqua & Spiritu. Quapropter in Baptismo rem Sacramenti dicimus Spiritum sanctum esse, qui virtute sanguinis Christi homines ad vitam æternam regenerat.

Est ergo sententia nostra: nunquam rectè aut verè dici posse,

Regeneratio est opus trium personarum diuinitatis in Baptismo.  
Res Sacramenti in Baptismo Spiritus sanctus.

posse, Baptismum alium exteriorem, alium interiorem esse. Nam nunquam verè baptizatus est, qui duntaxat externa aqua ablatus est. Quoniam Baptismus, ut non tantum aqua, ita neque etiam tantum Spiritus, sed simul aqua & Spiritus est. Ideoq; Baptismus etiam spiritualis aqua rectè dicitur. Quemadmodum etiam panis Cœnæ Domini non communis panis, sed panis DOMINI, & corpus Christi est, quod verbum Testamenti Christi cum pane sacramentaliter coniunxit, cum inquit: hoc est corpus meum.

Quemadmodum igitur non sunt duæ aut duplex Cœna Domini, altera exterior, altera interior: ita etiam non sunt duo Baptismi, vnus exterior, alter interior: sed vnus est tantum Baptismus, re interna & externa, videlicet aqua & Spiritu constans, verbo Domini coniunctis: quæ simul iuncta Baptismum vnum efficiunt, à Deo institutum.

D. B E Z A.

*Nondum disputatur de toto negotio, sed hic tantum agitur de partibus Baptismi. Neque ego constituo duos Baptismos. Sicut enim in Cœna Dominica vsu, quæ vna est, aliqua est manducatio interior, & aliqua exterior (quoniam fideles præter panem accipiunt & manducant corpus Domini per fidem, & sic aliquid interius habent, quod alij non habent, qui vera fide carent:) sic in Baptismo, qui verè fideles & electi sunt, non solum aqua asperguntur & abluuntur, sed interius sanguine Christi asperguntur, quod infidelibus non accidit.*

*Sed quero ex te, ut mihi diserte explices, quid in hac Thesi intelligas, per verbum Dei, quo Baptismus constat. Num sanguinem Christi? Quia enim Pater, Filius & Spiritus sanctus non sunt pars Baptismi: Ideo necesse est, ut sanguinem Christi intelligas, qui per aquam Baptismi sacramentaliter & efficaciter representatur.*

Quid verbe Dei in Baptismo exprimitur.

Kkk 2

D. IACO.

# 444 Colloquium Mompelgartense

D. IACOBVS.

Christus suorum verborum est optimus interpres, qui  
 Ioan. 3. Ioannis tertio, paucissimis verbis mentem suam expreſsit,  
 inquit: Nisi quis renatus fuerit ex aqua & Spiritu, non po-  
 test ingredi in regnum cœlorum. His verbis Christus nullam  
 expreſſam mentionem facit, Patris, aut Filij, neque etiam ſan-  
 guinis filij, ſed ſancti Spiritus tantum: quemadmodum nec et-  
 iam opus fuit. Nam Pater & Filius, & Spiritus ſanctus ſunt  
 vnus ſpiritus ſimpliciſſimus. Coniunxit autem cum Spiritu  
 aquam, & vtrique regenerationem tribuit, quod videlicet  
 Spiritus per aquam ad vitam æternam regeneret. Quapro-  
 pter manifeſta verba Chriſti ſecuti, Baptiſmum aqua & Spi-  
 ritu conſtare dicimus, quæ per verbum Chriſti coniungun-  
 tur, quo baptiſmum inſtituit.

D. BEZA.

*Sed quid fiet de ſanguine Chriſti in Baptiſmo? aut quo  
 loco illum collocas?*

D. IACOBVS.

Quomodo ſanguine  
 Chriſti in Baptiſmo  
 aſpergamur.

Exod. 25.

Sanguis Ieſu Chriſti Filij Dei (inquit Iohannes) emun-  
 dat nos ab omni peccato. Cuius aſperſione Spiritus ſanctus  
 per aquam Baptiſmi nos regenerat. Quæ aqua Spiritus ſan-  
 cti organum & inſtrumentum eſt, per quod regenerationem  
 operatur. Regenerat ergo & renouat nos Spiritus ſanctus per  
 aſperſionem aquæ in nomine ſanctæ Trinitatis ſuper infan-  
 tem effuſæ, aut in eam immerſos, virtute ſanguinis Chriſti,  
 quæ aſperſio in veteri Teſtamento varijs modis adumbra-  
 ta fuit, quando populus ſanguine ſacrificiorum aſpergebatur  
 & aqua lauabatur.

D. BEZA.

*Tu aſperſionis ſanguinis Chriſti meministi. Sicut igitur  
 aqua corpus aſpergitur: ſic nos etiam animam aſpergi dici-  
 mus.*



*mus. Ideoq; aqua Baptismi sanguinem Christi repræsentat, qui à Baptismo excludendus non est.*

D. I A C O B V S.

Christus non dixit de aqua Baptismi : Hoc est sanguis meus. Neque dixit : aqua repræsentat sanguinem meum : sed dixit : Nisi quis renatus fuerit ex aqua & Spiritu. In his verbis oportet nos acquiescere : Ideoque non possumus asserere aquam Baptismi à Christo institutam & ordinatam esse , vt sanguinem ipsius significet & repræsentet : quia nullum hic verbum Dei habemus. Sed verbum Dei sonat duntaxat de asperzione aquæ, in nomine Trinitatis : vbi nulla repræsentatio, sed veræ & realis regenerationis lauacrum describitur. Sicut enim in Cœna Domini panis & vinum non ad repræsentationem , sed ad dispensationem corporis & sanguinis Christi ordinata sunt : Ita aqua Baptismi quoque non ad repræsentationem , sed ad dispensationem spiritualis lauacri regenerationis in nomine Trinitatis ordinata est. Vbi verè regenerantur baptizati : cuius regenerationis organum est aqua, per quam virtute sanguinis Christi Spiritus sanctus id operatur, quod nobis Christus suo sanguine meruit.

Aqua Baptismi non ad repræsentationem sanguinis Christi instituta est.

Et quamuis ritus immersionis seu asperisionis in Baptismo, spiritualis mortificationis & regenerationis quædam repræsentatio est : non tamen repræsentandæ, sed efficiendæ regenerationis causa instituta est , ne figuras & vmbras , sed corpus & veritatem quæramus & credamus. Et huc pertinet illud Pauli : Christus dilexit Ecclesiam suam, & semetipsum exposuit pro ea, vt illam sanctificaret mundans **L A V A C R O A Q V A E I N V E R B O**. Vbi Apostolus Paulus, sicut Thesis nostra prima habet , substantiam Baptismi duabus his partibus descripsit, videlicet aqua & verbo.

Ritus immersionis seu asperisionis aquæ in Baptismo non significatiuus tantum.

Ephes. 5.

D. B E Z A.

*Lauacrum aqua est tantum significatio & repræsentatio*

K k k 3

*spiri-*

## 446 Colloquium Mompelgartense

An Baptismus sit lau-  
acrum regenera-  
tionis.

*spiritualis lauacri, in quo anima lauatur, hoc est, munda-  
tur à peccatis, quod fit per sanguinem Christi: quam ablu-  
tionem aqua Baptismi externa & Elementaris significat &  
repræsentat. Non autem est ipsa ablutio, seu lauacrum: neq;  
etiam illam præstare aut efficere potest.*

D. I A C O B V S.

Ephes. 5.

Pauli Apostoli verba nunc à me recitata aperè repu-  
gnant, neque interpretationem vestram falsam admittere  
possunt, cùm inquit: *MUNDAUIT ECCLESIAM LA-  
VACRO AQUAE IN VERBO.* In quo verbo? In eo quod  
Spiritus sanctus cum aqua copulauit. Non enim significatiue,  
sed realiter mundauit eam. Et aperè dixit: *ἀβλῶ*, id est la-  
uacro aquæ: quo docere voluit, meritum effusi sanguinis  
Christi homini baptizato per asperisionem aquæ Baptismi ap-  
plicari: sine qua applicatione, facta effusio sanguinis Christi  
infanti non baptizato, & non regenerato ad purgationem à  
peccatis nihil prodesset, secundum illud Christi: Nisi quis re-  
natus fuerit ex aqua & Spiritu, non potest ingredi in regnum  
cælorum.

Ioan. 3.

D. B E Z A.

*Nomen [lauacri] in Baptismo, quando ad animam re-  
fertur, figuratè & metaphoricè accipitur: quia anima non  
abluitur aqua, sed corpus tantum. Cùm igitur Baptismus  
dicitur lauacrum: necesse est, ut significet tantum lauacrum  
illud spirituale, quod intus fit per asperisionem sanguinis  
Christi. Ideoq; Baptismus non rectè à vobis definitur, in  
quo sanguis Christi excluditur, qui substantialis pars Ba-  
ptismi est. Sic in Baptismo concurrunt visibile & inuisibi-  
le. Visibile est aqua significans aut repræsentans sanguinem  
Christi: Et inuisibile, est sanguis Christi, aqua repræsentan-  
tus. Quemadmodum & ritus externus visibilis asperisionis  
aquæ,*

*aqua, significans & representans inuisibilem asperſionem sanguinis Chriſti, qua fit per fidem.*

D. I A C O B V S.

Nunc aliquoties dixi, ad Baptiſmum duo neceſſario requiri, aquam & Spiritum : quæ tu in Baptiſmo diuellis & ſeparas, & duplicem Baptiſmum ſtatuiſ, cum ſit vnus tantum. Cum enim ſola aqua vel aſperſio aquæ non ſit Baptiſmus, ſed aqua cum Spiritu : Ideoque nulla hic figura, nulla metaphora, nulla ſignificatio locum habet, de qua vos loquimini. EST, EST, EST lauacrum regenerationis.

Etſi enim aqua non pertingit ad animam : quia tamen Spiritus per aquam virtutem ſuam exerit, & actio illa tota eſt ſpiritualis, neque aqua ſordibus corporis abluendis, in hac actione ſeruit, ſed vt pariter corpus & anima lauentur à peccatis, ne imputentur, & Spiritus regeneretur, qui carnem etiam ſecum in obſequium Dei trahit : placuit Spiritui ſancto, vt per externa & viſibilia inuiſibilia adminiſtrentur & perficiantur, non repræſententur, & ſignificentur tantum, ſicuti de Cœna Domini ſuprà quoque dictum eſt.

Quomodo per aſperſionem aquæ Baptiſmi, anima mundetur.

Et vt paucis complectar omnia : diſtinguenda ſunt viſibilia & inuiſibilia in Baptiſmo, ſed non diuellenda ſunt, aut viſibilia in nudam ſignificationem ſpiritualis regenerationis conuertenda : quam regenerationem tu ſignificari duntaxat, Baptiſmum autem aquæ regenerationis lauacrum RE VERBA ESSE negas, quod falſum eſt.

In Baptiſmo diſtinguenda non diuellenda ſunt corporalia & ſpiritualia.

D. B E Z A.

*Cur tu autem illa Theſi hanc ſpiritualẽ regenerationem præteriſ?*

D. I A C O B V S.

Ego nequaquam præteriui: ſed eam ſub VERBO DEI complexus ſum, in quo includitur,

D. B E Z A.

# 448 Colloquium Mompelgartense

D. B E Z A.

*Sed cur prateris sanguinem Christi, qui est substantialis pars Sacramenti Baptismi, sine quo nulla fit ablutio à peccatis, quam aspersio aquæ Baptismi representat & offert?*

D. I A C O B V S.

Sanguis Christi in verbo comprehensus.

Eum similiter in verbo Dei comprehensum esse dico. Nam in mortem Christi baptizamus, quod verbum Dei docet. Et Spiritus sanctus virtute sanguinis Christi corda à peccatis abluat, hominemque regenerat & mentem renouat. Ideoque dicit Augustinus: Accedat verbum ad Elementum, & fit Sacramentum. Quicquid igitur præter externum elementum in Baptismo adest, id in V E R B O inclusum & comprehensum est.

D. B E Z A.

Descriptio Baptismi.

1. Pet. 3.

*Sacramenti vocabulo nõ una significatione vsi sunt Patres. Communiter autem pro externis signis, quibus res sacræ representatur, & offeruntur. Et D. Petrus Baptismum verum describit, qui saluos nos faciat, non sordes carnis abijciendo, sed vt bona cõscientia bene respõdeat apud Deum, per resurrectionem Iesu Christi. Tu aut solum exteriorem Baptismum definis, quod aqua & verbo constet. Et interiorem Baptismum & sanguinem Christi omittis, qui verus Baptismus est, quem Baptismus aquæ exterior representat.*

*Quod ex Ioannis capite tertio affertur: Nisi quis renatus fuerit ex aqua & Spiritu: non substantiam, sed effectum tantum veri interioris Baptismi describit, qui est regeneratio, quam aqua efficere non potest.*

D. I A C O B V S.

Non ignota est mihi varia significatio vocabuli Sacramenti in scriptis Patrum & Doctorum Ecclesiæ. Quando  
autem

autem Patres interdum pro signo tantum usurparunt: alteram duntaxat partem Sacramenti, non totam substantiam eius intellexerunt. Quod Augustinus frequentissime facit: sed de Cœna Domini differens, Sacramentum nihilominus testatur duabus rebus constare, visibili pane & vino, & invisibili corpore & sanguine Domini nostri Iesu Christi. Et Petri locus opinioni tuæ e diametro repugnat, ubi Baptismum aquæ cum aqua diluvij confert, & Baptismum aquæ *ἀντίτυπον* aquæ diluvij appellat, non quod ipse sit typus spiritualis ablutionis, quem duntaxat repræsentet. Nam talis typus aqua diluvij erat: sed *ἀντίτυπον* appellat. Nam *τύπος* adumbrationem rei, *ἀντίτυπος* verò rem typo significatam indicat. Quemadmodum hoc loco Petrus diluvium & servationem Noë, typum Baptismi facit: ita ut Baptismus sit *ἀντίτυπος*, & *τύπος* respondeat, & quod aqua Baptismi ad nobiliorem usum destinata sit, videlicet, ut conscientia per eam salva facta, id est, remissionem peccatorum consecuta, & gratiam Dei adepta, bene coram Deo respondeat. Qua ratione non alius Baptismus est interior, alius exterior, sed unus & idem Baptismus aqua & Spiritu constans, quo corpus & anima spiritualiter, sed tamen verè à peccatis abluuntur, regenerantur & renouantur. Et Ioan. 3. Christus non tantum de fructu & effectu Baptismi concionatur, sed substantiam Baptismi simul describit, quibus partibus constet, videlicet, aqua & Spiritu, verbo Dei copulatis, quarum neutra sine altera Baptismus est.

Sacramenti vocabulum quando pro signo tantum usurpatum.

Baptismus aquæ *ἀντίτυπος* aquæ diluvij.

Explicatio loci 1. Pet. 3.

- Quod autem in hac prima Thesi non explicitè posuimus, quæ in Baptismo concurrunt: causa hæc est (sicuti paulo ante etiam responsum est à nobis) quod primo loco ea duntaxat posuerimus, quæ extra omnem controuersiam sunt: sicuti vos quoque negare non potestis, Baptismum verbo Dei & aqua constare. Si enim alterum desit, Baptismus non est. Quid autem sub verbo Dei comprehendatur: alterius loci fuit ponere.



# 450 Colloquium Mompelgartense

D. B E Z A.

*Cur non idem de Cæna Domini quoque dixisti? Quòd constet verbo Dei, ac pane et vino? Sed loco verbi Dei posuisti corpus & sanguinem Christi, quibus Cæna Domini constet.*

D. I A C O B V S.

Quia in verbis institutionis Cœnæ Domini, corpus & sanguis Christi expressè posita sunt: Accipite, manducate, hoc est corpus meum: Bibite, hic est sanguis meus. Quod in verbis institutionis Baptismi non est factum: vbi nulla prorsus mentio sanguinis Christi expressa, sed solius Trinitatis mentio facta est, in cuius nomine sit baptizandum.

Præterea cùm in Sacramentis noui Testamenti non sint significationes aut τύποι, hoc est, figuræ & vmbiæ, quæ res absentes significant: sed ἀντίτυπα, hoc est, res ipsæ vmbriæ & figuris significatæ & repræsentatæ, & verbum Christi expressum sit: HOC EST CORPVS MEVM: HIC EST SANGVIS MEVS: Ideo partes substantiales Cœnæ Domini etiam expressè posuimus, verbo Testamenti Christi coniunctas. Sicuti etiam aquam & Spiritum in sequentibus Thesis expressè coniunximus.

D. B E Z A.

*Sed procedo ad sequentem Thesis secundam. Baptismus in locū circumcisionis successisse concedo: Quamuis inter circumcisionem cordis, & circumcisionem carnis externam, distinguendum erat.*

D. I A C O B V S.

Sufficiebat hoc loco simpliciter circumcisionem ponere quia non duæ circumcisiones, sed vna tantum est, quam Deus Abraham commendauit.

Circumcisio vna,  
non duæ.

D. BEZA.

D. B E Z A.

*Theſin tertiam etiam probamus. Nam infantes in Eccleſia natos baptizandos eſſe, nemo apud nos dubitat. Quapropter ad quartam Theſin accedimus, in qua nos malleſus dicere per Spiritum ſanctum, quàm IN Spiritu ſancto. Cum enim Baptiſmus conſtet ſigno et re ſignata: idcirco dicimus à Spiritu ſancto per Baptiſmum nos regenerari.*

De Phraſibus:  
In Spiritu ſancto, &  
per Spiritum S.

D. I A C O B V S.

Quod ad phraſin attinet, qua in Theſi quarta uſi ſumus: an Baptiſmus ſit lauacrum regenerationis & renouationis IN SPIRITU SANCTO: pro quo vos malleſis dici, per Spiritum ſanctum: Reſpondeo, phraſin eſſe Spiritus ſancti, Hebræis uſitatam. Et apud Latinos (per) plerunque instrumentalem cauſam ſignificat. Cum autem Spiritus ſanctus ſit cauſa efficiens regenerationis principalis, quam per aquam tanquam per instrumentum, in ſanguine Chriſti operatur: ideo potius uoculam IN, quàm PER poſuimus. De qua tamen cum quoquam litigare nolumus, ſi modo de re ipſa conſiter, quod NVDÆ AQVÆ hoc opus non tribuamus, ſed Spiritui ſancto per aquam.

Cur potius IN Spiritu S. quàm PER Spiritum S. ponendum.

Quod autem hanc Theſin poſuerimus, quæ ſtatum controuerſiæ complectatur, hæc potiffimum cauſa fuit: Quod in veſtro Orthodoxo conſenſu, quem ſic vocatis, expreſſe poſitum ſit: quum dicitur: Baptiſmus eſt lauacrum regenerationis & innouationis: nequaquam ſecundum literam accipiendum, ſed neceſſario (ſicut & in verbis Cœnæ Domini, & locutionibus de perſona Chriſti) ad tropum confugiendū eſſe: quod uidelicet non ſit, ſed ſignificet & repreſentet tantum regenerationem, cuius etiam ſigillum ſit, ſed duntaxat in electis. Quod nos tanquam aperte falſum damnamus, & conſtanter aſſerimus: uerbum (eſt) ὑποκείμενον, hoc eſt, eo modo, quemadmodum etiam reliqua uocabula, non per tropum ſed ſecundum literam accipiendum & intelligendum eſſe, ſicuti ſecundum

An Baptiſmus ſit lauacrum regenerationis.

In præſatione Apologetica, a. 5.

In Baptiſmo uerbum EST ſine tropo accipiendum.

## 452 *Colloquium Mompelgartense*

EST.

Lauacrum

Regeneratio.

Gen. 17.

Baptismus non est  
nudum signum  
adoptionis.

dum literam in genuina & propria significatione sua sonant. Vocabulum enim (Baptismus) non aquam tantum, sed aquam cum Spiritu, & totam actionem à Christo institutam significat. Verbum (E S T) significat idem, quod vere & realiter esse, non significare, figurare, adumbrare, representare. Lauacrum propriè intelligitur, quando reuera homo aqua lauitur. Renouatio & regeneratio veram & realem regenerationem & renouationem exprimunt. Vbi igitur aut in quo vocabulo est tropus? ad quem, iuxta illum consensum minime Orthodoxum, vestra quoque opinione, tam necessario confugiendum est? Nulla, nulla inquam, necessitas hoc facere cogit: Imò ipsa Baptismatio talem tropum prorsus non admittit. Nam quotquot infantes baptizantur, reuera & realiter in filios Dei adoptantur, regenerantur & renouantur. Vt qui prius, hoc est, ante perceptum Baptismum, in gratia Dei non erat: post Baptismum in gratiam Dei receptus, verè in Filium Dei adoptetur. Vbi adoptio non significatur tantum, sed REALITER confertur. Nam Spiritus sanctus in ista asperzione aquæ Baptismi adest: qui præstat, quod nuda aqua sine Spiritu sancto præstare non possit. Ideo nulla est hęc tropica significatio adoptionis, sed vera adoptionis communicatio. Nam homo baptizatus in Baptismo accipit, & post susceptum Baptismum habet, quod ante perceptum Baptisma non habebat. Sicut enim si infans octauo die non circumcisus esset, deleta fuisset anima eius ex populo Dei, etiamsi ex pijs parentibus natus esset, quia pactum Dei irritum fecit, sicut verba Moyses expresse sonant: Masculus cuius præputij caro circumcisa non fuerit, **DELEBITVR ANIMA** eius de populo suo: **QVIA PACTVM MEVM IR- RITVM FECIT.** Idem de Baptismo quoque iudicandum est. Cui tamen Dominus adeo certum tempus non præscripsit. Ideo non est signum nudum adoptionis Baptismus, sed per illud ipsa adoptio confertur. Nam eo ipso momento, quo infans circumcisus fuit, eodem etiam momento adoptatus fuit in Filium Dei. Cuius adoptionis externum quidem signum in carne præputij ablata accipit: sed sola ablatio

latio illa tantum beneficium Dei præstare non potuisset, nisi accessisset verbum, per quod Spiritus sanctus efficax in adoptionem & eiusdem obsignationem fuit. Sicut nunc in nouo Testamento quoque per Baptismum efficax est, & adoptionem nobis Christi sanguine & merito acquisitam, per hoc Sacramentum Baptismi, applicat & obsignat.

D. B E Z A.

*Neque nos docemus, Sacramenta nuda signa esse: sed externa tantum actioni, tantam vim tribuendam esse, negamus, quantam vos ei tribuitis: quod solius Spiritus sancti est. Præterea in Baptismo ritè administrato non significari tantum, sed peccatorum remissionem & regenerationem omnibus baptizatis offerri quoque & præberi dicimus, quamuis non ab omnibus, qui baptizantur, accipiantur.*

Devi &amp; efficacia Sacramenti Baptismi.

*Nam Baptismus aquæ ita regenerationem & adoptionem repræsentat, ut vis latens ei non sit affixa: aliâs omnes homines, qui baptizarentur, etiam regenerarentur & renouarentur. Et Baptismum aquæ non esse, sed significare & repræsentare duntaxat lauacrum regenerationis & renouationis, eorum vita probat, qui etsi baptizati sunt, tamen neque renati sunt, neque innouati, sed veterem hominem cum suis desiderijs in se regnare sinunt, totiꝫ peccatis seruiunt.*

*Neque enim Baptismi efficacia ad id momentum astringenda est, quo homo baptizatur: sed ipsa Christi in eo oblata regenerationis & renouationis beneficia, interdum illum præcedere, ut in Cornelio, interdum verò subsequi dicimus, in ijs videlicet, qui fidem non habent, sed suo tempore habebunt, quam ore profitentur, cum baptizantur.*

LII 3

D. IACO-

D. I A C O B U S.

An nuda signa in Sa-  
cramentis ponan-  
tur.

Id responſi: ad Do-  
gma 1. & 2.

An Spiritus S. vim  
ſuam ſtatim in aëre  
Baptiſmi exerat.

Non ignoro, veſtros conſtanter negare, quòd non po-  
nant nuda ſigna aut ſignificationes & repræſentationes in-  
anes in Sacramentis noui Teſtamenti: quia dicitis, quòd res  
ſignificatæ ſimul cum ſignis offerantur ac præbeantur. Sed  
ſuprà in loco de Cœna Domini demonſtratum eſt, reuera nu-  
da ſigna à vobis ſtatui in terris. Quoniam nullam realem  
præſentiam earum rerum in terris creditis, quas per panem  
& vinum in Cœna Domini ſignificari dicitis. Ita etiam hoc  
loco de Baptiſmo affirmatis: ſiquidem aperte in veſtris The-  
ſibus ponitis, Idololatriam manifeſtam eſſe, SI ALIAM  
VIRTUTEM AQVÆ quàm ſacramentalis SIGNI-  
FICATIONIS, quantumvis ſacramentalem attri-  
bucamus. An verò hoc non ſit nuda ſigna ſine re ſignata ſta-  
tuere, iudicio auditorum committimus. Deinde non alia ra-  
tione offerri & præberi dicitis res ſignatas, quàm ſignifican-  
do & repræſentando. Quod ſimiliter nullam realem præ-  
ſentiam ſtatuit, ſed relationem duntaxat ſigni ad ſignatum:  
quorum alterum, videlicet ſignum, ſit in terris, res ſignata  
in cœlis, vel aliàs non præſens, ſed longo tempore demum  
ſecutura. Quod etiam iudicio auditorum committimus, an  
non ſit nuda ſigna aſſerere. Siquidem hæc relatio omnibus  
ſignis adhæret: quæ res ſimpliciter tantùm ſignificant & re-  
præſentant, de qua hic diſputatis. Quòd autem Spiritus ſan-  
ctus in Baptiſmo legitimè adminiſtrato vim in Baptiſmo la-  
rentem non exerat eo tempore, quo homo baptizatur: mi-  
hi valde nouum & mirum eſt auditu. Et ſanè hæc ipſa aſſer-  
tio planè confirmat, vos nuda ſigna in Sacramentorum vſu  
ponere. Tolle enim ex Sacramentis ſubſtantiam rerum ſigna-  
tarum, & earum quoque effectum ac vſum: quid, quaſo,  
niſi nuda ſigna relinquuntur? Quòd in Baptiſmo non ſolum  
damnatorum (qui etiam baptizati, ſed veſtra opinione rege-  
nerati, aut Spiritui ſancto donati nunquàm ſunt) ſed etiam  
electorum fieri dicitis. Vbi effectum Baptiſmi, non eo tem-  
pore, quo homo baptizatur, ſed longo interpolito tempore  
ſequi dicitis. Cauſa autem huius erroris eſt, quòd Baptiſmum  
vnum



unum in duos Baptismos diuiditis, interiorē & exteriorē: cum hos duos Baptismos Scriptura ignoret, & unum tantum Baptismum prædicet. In quo metonymiæ locus esse non potest, nisi nuda signa asserre velimus: quod ne vos quidem facere videri vultis.

Metonymia in Baptismo nullum locum habet.

Nequaquam autem Deus instituere, sed abrogare voluit repræsentationem ablutionum, quæ in veteri Testamento varijs modis vtitæ fuerunt. Quæ omnia nunc per Baptismum abrogata sunt, quando ipso Christi sanguine per aquam Baptismi corpore & anima in nomine Trinitatis aspersi, ab omni immunditie purgamur, & coram Deo mundi reputamur.

D. B E Z A.

*Nobis minimè nuda signa videntur, quæ tam effectus significationes & repræsentationes coniunctas habent: quibus res significata non solum repræsentantur, sed simul etiam cum signis offeruntur & præbentur. Ut enim corpus aqua abluitur: ita etiam per interiorem Baptismum Spiritus, anima à peccatis sanguine Christi purgatur. Hic Baptismus Spiritus, verus est Baptismus: quem Baptismus externus aqua significat, & repræsentat, & adoptionem obsequat, etiamsi non statim eo tempore fiat, quo homo baptizatur.*

Quomodo non nuda signa constituat Beza.

D. I A C O B V S.

Aliud est significatio seu repræsentatio rei, & aliud exhibitio rei. In Baptismo non tantum significatur & repræsentatur adoptio, sed etiam exhibetur, & re vera in præsentem præstatur. Quantum igitur differunt repræsentatio seu significatio, & exhibitio rei: in tantum etiam differt nostra

sententia.

# 456 Colloquium Mompelgartense

sententia à vestra. Baptismus enim quoniam est lauacrum regenerationis, non duntaxat aquæ asperzione significatur & repræsentatur, sed in asperzione aquæ exhibetur, vt diximus: ideo etiam in illo actu eam præstat.

Quomodo significatio, locum in Baptismo habere possit.

In respons. ad The-  
sin 3. & 4.

Quod ad significationem attinet seu repræsentationem: si partes Baptismi inter se conferantur, suo modo ferre possumus, quod aqua signum sanguinis, & asperio eius, seu immersio, spiritualis mortificationis & regenerationis significatio seu repræsentatio dici possit. Verum hæc aqua & eius nuda asperio, non est Baptismus, sed pars duntaxat Baptismi. Nam cum numero vnus tantum sit Baptismus, qui constat aqua ET SPIRITU, non sola aqua, nec solo Spiritu, sed aqua & Spiritu simul: Metonymia vestra sacramentalis, quam fingitis, locum hic habere non potest, quia alterum pro altero sumatur, aut alteri tribuatur, quod alterius est. Sed vnus & idem effectus vtrique simul tribuitur, videlicet Spiritui & aquæ. Quoniam non aqua sine Spiritu, neque Spiritus sine aqua, sed Spiritus per aquam, & aqua virtute Spiritus sancti, hominem verè regenerat & renouat. Vbi omnis tropus prorsus excludendus est, & nullo modo recipiendus, de quo vester Orthodoxus consensus falsò disputat.

## D. B. E. Z. A.

De vocabulo Sacramenti.

Verbum Euangelij.  
Baptismus.

Baptismi definitio.

*Appellatio Sacramenti, interdum angustius, interdum latius sumitur. Interdum .n. tantum externa signa intelliguntur, quæ res significant & repræsentant. Interdum rem significatam, & effectum simul cum signis cõplectitur. Sicut Euangelium interdum externum verbum prædicatum: interdum ipsum Dei internum, et æternū verbum significat. Ita in Baptismo dicitur ablutio illa externa, quæ fit per asperisionem seu immersionē aquæ, Baptismus: quæ repræsentatur spiritualis immersio, quæ verus Baptismus est. Ideoq; talis definitio*

*fnitio causalis est, quando res ab effectis definitur, ut cum Baptismus dicitur lauacrum regenerationis & renouationis Spiritus sancti.*

Nos igitur rem significatam, hoc est, effectum coniungimus cum signo, cum dicimus, quod Baptismus sit signum significans & obsignans adoptionem filiorum Dei. Quain re Paulum sequimur, qui de Abrahamo inquit: Et signum ac-  
Rom. 4.  
 cepit circumcisionis, signaculum iustitiæ fidei: ne plus tribuamus signo, quàm par est, videlicet, quod rei est, id est, efficaciam interioris Baptismi, qui Spiritus sancti est, & ei soli tribui debet. Sic de Sacramentis loquentes, primum Genus ponimus, videlicet signum: Deinde, efficaciam addimus, quam signum significat & representat, quod in oculos incurrit.

Definitio Baptismi secundum Beza.

## D. I A C O B V S.

Aliquoties nunc à nobis dictum est, in Sacramentis corporalia & externa, à spiritualibus, & internis distinguenda quidem, sed non diuellenda & separanda esse. Item, aliud esse ob signationem, aliud exhibitionem rei. Nam ob signatio, exhibitione rei confirmatio est. In Baptismo ergo, non ob signatur futura & longo tempore post secutura adoptio, sed iam in præfenti, vel in adultis prius collata adoptio: quam Spiritus sanctus per aquam Baptismi confert, vel præsentem confirmat. Vnde lauacrum regenerationis non tropicè, figuratè, Metonymicè, sed verè & realiter est, & dicitur esse. Nam eo momento, quo infans baptizatur, reuera filius Dei fit, & regeneratur, & adoptionem filiorum Dei consequitur.

Differentia inter ob signationem, & exhibitionem rei.

Adoptio quomodo per Baptismum ob signetur.

Baptismus non est lauacrum regenerationis tropicè.

Quemadmodum Princeps donans ministrum feudo aliquo, non modo literas tradit, sed suo etiam sigillo ob signat, Sigillum Principis, non est quidem res ipsa, sed rem præsupponit in literis comprehensam, quam ob signando confirmat. Sic Baptismus lauacrum regenerationis est infantis,

Simile de Principe, feudum ob signante.

M m m

non

# 458 Colloquium Mompelgartense

non incertę, aut futurę post aliquot annos securę, sed pręsentis, & in hoc ipso actu factę adoptionis: vt certò dicere possumus: Hic infans est verę filius Dei, quia in nomine & in mortem Iesu Christi baptizatus est.

Quod ad locum Pauli attinet, de circumcisione Abrahę: non modò signum, sed etiam signaculum (σφραγίς) iustitię fidei eam fuisse dicit. Vbi Paulus externum signum, videlicet, auulsionem pelliculę, à verbo fœderis non separat, quò adoptio inclusa erat: neque adoptionem & iustitiā fidei longè post securam dicit: sed rei pręsentis signaculum, obsignatio & confirmatio fuit. Sic Baptismus quoque pręsentis ablu-tionis & adoptionis signaculum, obsignatio, & confirmatio reuera est: & non tantum eam significat & repręsentat, aliquando & suo tempore securam.

D. BEZA.

*Quæro mi domine: An Cornelius fuerit adoptatus, an sequam baptizaretur?*

D. IACOBVS.

Fuit: Sed alia est ratio infantium, alia verò adul-torum, qui audito externo verbo Dei, crediderunt.

D. BEZA.

*Si ergo infantes credunt: iam sunt adoptati, priusquam Baptismum suscipiant?*

D. IACOBVS.

Nego. Nam priusquam baptizentur infantes: non possumus affirmare, quòd credant. Quoniam fides illis in Baptismo datur. In perceptione ergo Baptismi, infantes simul & adoptantur in filios Dei, & adoptio in ipsis obsignatur. Quapropter Anabaptistis contradicimus, qui in eo errore versantur, quoniam infantes actu carent intellectu, ideo etiam impossibile esse, vt credant. Nos contra dicimus: non modò possibile, sed Deo facilimum esse, fidem in infantibus operari, etiam sine beneficio rationis humanę. Et quidem etiam re ipsa

Refutatio argumen-  
ti Anabaptistarum  
de fide infantium.

re ipsa factum, & in Iohanne Baptista demonstratum esse: qui LUC. 1.  
 Christum agnouit, cum adhuc in utero matris esset: & ad vo-  
 cem Mariæ matris Dei, in utero Elisabethæ matris exultauit.  
 Quod autem mirabiliter etiam gratiam, infantibus vel cir-  
 cumcisis vel baptizatis contulerit & conferat, ipse Christus  
 testatur, cum inquit: Sinite paruulos ad me venire. Qui Chri- Mat. 19.  
 sto per Baptismum adducuntur: & nisi ex aqua & Spiritu re- Matth. 28.  
 generentur, regnum Dei illis polliceri non possumus. Ioan. 3. Parti-  
 cipes ergo fiunt in Baptismo vtriusque, videlicet & regene-  
 rationis seu adoptionis, & oblationis eiusdem, ut verè fi-  
 lij Altissimi vocentur. Hic nihil tropicum, nihil figuratum, sed  
 res ipsa confertur: Infans baptizatus in anima & corpore mu-  
 tatur, & regeneratur: ex veteri homine fit nouus, ex iniusto  
 iustus, ex polluto sanctus, ex filio gehennæ filius regni cœ-  
 lestis. Etsi autem id externo oculorum sensu comprehende-  
 re non possumus: tamen verbum Dei intuentes, non dubita-  
 mus, quippe quod de hoc Dei opere testatur: videlicet do-  
 nari infantibus baptizatos gratia adoptionis, fide, & Spiritu  
 sancto.

D. B E Z A.

*Quamuis infantes propria fide carent, videlicet actua-*  
*li: tamen eos baptizandos esse censemus propter formulam* Cur paruuli etiam  
*fœderis, qua dictum est Abraha, & posteritati eius: Ero* sine fide baptizandi,  
*Deus tuus, & Deus seminis tui post te. Et sufficit paren-* secundum Bezzæ opi-  
*tum fides, quia & suo & liberorum nomine hanc promissio-* nem.  
*nem apprehendunt: Ideoque merito baptizantur.*

*Quod Ioannis Baptista exemplum, in utero matris exul-* Exemplum Ioannis  
*tantis affertur, singulare est. Neque in Scriptura usquam* Baptistæ singulare.  
*extat, quod similiter Deus in omnibus infantibus Christia-*  
*norum pari ratione operetur.*

M m 2

Et erant



## 460 Colloquium Mompelgartense

*Et erant in illo fœdere liberi, de quibus Christus loquebatur: Sinite paruulos ad me venire, quoniam talium est regnum cœlorum: sed non omnium. Deus enim suo arcano iudicio reliquit, quos infantes suâ gratiâ donare velit. Ideoq̃ PROBABILITER tantum, fructu adoptionis infantes baptizatos donari, affirmare possumus.*

D. IACOBVS.

Nemo aliena fide saluatur: ideo infantes propriam fidem habere necesse est. Sicut Scriptum est: Impossibile est, sine fide placere Deo. Et, iustus ex SVA FIDE uiuet: non aliena sed propria. Et Christus aperte dicit, pueros illos credere, quos suis discipulis proposuit. Qui scandalizauerit vnum de pusillis illis, QVI CREDVNT IN ME, expedit ei, vt suspendatur mola asinaria in collo eius, & demergatur in profundum maris. His verbis Christi plus fidei tribuendum est, de fide infantum & puerorum differenti, quàm si quis adultus millies affirmaret, se credere. Nec est quod obiciatur, illos pueros, non fuisse infantes. Et si enim paruulus ille seu puer, non in cunis iacebat, quem Christus in medio discipulorum suorum statuit: tamen nullum inter illum, & in cunis infantem iacentem, discrimen est, ratione spiritualis huius discretionis in intellectu, si cum adultis conferantur. Cuius tamen nulla ratione habita, Christus aperte inquit: QVI IN ME CREDVNT: in quod verbum Christi respiciendum, & plus fidei ipsi, quàm iudicio cœcæ rationis nostræ, de fide infantum aliter iudicantis, tribuendum est.

D. BEZA.

*Si igitur infantes credunt: ergo erunt adoptati in filios Dei, antequam baptizarentur.*

D. IACOBVS.

Nequaquam. Ideo enim baptizantur, vt adoptentur. Si  
cut

Heb. 11.  
Hab. 2.

Matth. 18.

Infantes, & pueri,  
spirituali intelligen-  
tia pares.

aut in veteri Testamento, ideo circumcidebantur, ut in fœ-  
 dus reciperentur: quod neglecta circumcissione non fiebat.  
 Quoniam carnalis natiuitas eos non saluat, quod ex fideli-  
 bus parentibus nati sint. Nam quidquid ex carne natum est, Gen. 17.  
 caro est, id est, damnatum est. Ideo ex Spiritu & aqua renasci Ioan. 3.  
 oportet, ut in fœdere censeantur: ad cuius salutarem perce-  
 ptionem fides necessaria est.

D. B E Z A.

*Quæro Domine Doctor, an Simon Magus etiam credi- De Simone Mago,  
 derit, cum baptizaretur? an crediderit.*

D. I A C O B V S.

Maximè. Id enim Scriptura apertè testatur.

Act. 8.

D. B E Z A.

*At non habuit partem in regno Christi: quomodo ergo  
 fidem habuit, aut verè credidit?*

D. I A C O B V S.

Gratiam quam in Baptismo accepit, per suam impieta- Simon Magus fidem  
 tem, iterum amittere potuit. Fieri enim potest, ut verè cre- amittere potuit.  
 dens, fidem & Spiritum sanctum iterum amittat, quibus a  
 Deo in Baptismo donatus erat.

D. B E Z A.

*Simon Magus simulauit se credere, sed non credidit: Simon Magus an  
 ideoq; etiam maledictus esse dicitur. crediderit.*

D. I A C O B V S.

Videamus & audiamus ipsum Euangelistam Lucam, de  
 Simone Mago, & eius fide loquentem, qui sic inquit: Cum  
 verò credidissent Philippo Euangelizanti de regno Dei, in Act. 8.  
 nomine Iesu Christi baptizabantur viri & mulieres: T V N C  
 SIMON ET IPSE CREDIDIT. Hoc testimonium aper-  
 tum est, quo testatur Lucas, ipsum Simonem credidisse.

COLLIGIT

M m 3

D. B E Z A.

D. BEZA.

*Spiritus sanctus dicit, etiam hypocritas credere: Sic Simon Magus quoque simulauit se credere, sed reuera caruit fide.*

D. IACOBVS.

Textus reclamation. Nam Lucas testatur: Postquam Simon credidit, & baptizatus est, quod Philippo adhæserit: videns etiam signa & virtutes maximas fieri, stupens admirabatur. Et quamuis postea tentatus à Sathana, voluerit pecuniari credere, vt quibus manus imponeret, Spiritum sanctum acciperent, cui Petrus maledictionem imprecatur: Pecunia tua tecum sit in perditionem: tamen idem Lucas testatur, eundem Simonem Apostolos precatum esse, vt pro ipso apud Dominum intercedant. Precemini vos, inquit, pro me, ad Dominum, vt nihil veniat super me horum quæ dixistis. Quod Simon nunquam fecisset, si non verè credidisset.

D. BEZA.

*Non fuit vera fides, qua Simon credidisse scribitur, sed simulata fides: simulauit se credere, sed reuera non credidit.*

D. OSIANDER.

Reuerende Domine Beza: Rogo, vt Illustriss. Princeps, Comes Pridericus, & auditores mihi ignoscant, quod vnum verbum interloquar. Si ad hunc modum, semper licebit omnia aperta Scripturæ sacre testimonia, per glossas eludere: quid tandem certi in vniuersa sacra Scriptura retinebimus? Exempli gratia: Credidit Simon, id est, simulauit se credere.

ABRAHAM MVSCLVS,

*Cor eius non erat rectum.*

D. IACO-

D. IACOBVS.

An non potest fieri, vt verè regeneratus incidat in scortationem, aut aliud flagitium? Quo facto certè fidem & Spiritum sanctum amitteret? An qui veram fidem habent, eam amittere possint.

D. BEZA.

*Ex maledictione Petri constat, quòd cor Simonis non fuerit rectum coram Domino. Ideoq; etiam Petrus ei dixit: Non est tibi pars, neque sors in sermone isto.*

D. IACOBVS.

An non potuit fieri, vt fidem iterum amitteret, quam prius in suo corde veram habuit? Quia Lucas aperè testatur, quod crediderit.

D. BEZA.

*Non: Si enim veram fidem habuisset: eam nunquam amisisset. Nam qui semel vera fide à Deo donantur: eam nunquam amplius amittere possunt.*

D. IACOBVS.

Quæro igitur: num Dauid adulterium perpetrans cum Bathseba, vxore Vriæ, fidem & Spiritum sanctum amiserit? An Spiritus S. per mortalia peccata amittatur.

D. BEZA.

*Nequaquam amisit: sed retinuit.*

D. IACOBVS.

Hoc ego neque in Scriptura sacra, neque vllò Scriptore Ecclesiastico legi. Quod etiam cum verbis Pauli manifestè pugnat, cum inquit: Si secundum carnem vixeritis, moriemini. Si mori possunt: Ergo fidem quoque amittere possunt: quam habens & retinens, quàm diu habet, mori non potest: quemadmodum sine ea nemo seruetur: & quàm diu eam homo retinuerit, mori non potest.

D. BEZA.

# 464 Colloquium Mompelgartense

D. B E Z A.

*Ego dico, Davidem in adulterio perpetrato, retinuisse fidem & Spiritum sanctum, neque eam amisisse. Quod similitudine declarabo. Ebrius non amittit intellectum, seu rationem: etsi, quàm diu ebrietas caput eius occupat, ratio sese non exerat, sed similis sit animali bruto. Et quemadmodum ignis cineribus tectus, minimè extinctus est, sed latet: Ita etiam, gratia, fides, & Spiritus sanctus, in lapsibus Electorum, ad tempus teguntur, ut non sentiantur, donec ad se ipsos redeant, & peccatum suum agnoscant, & pœnitentiam agant. Quod in Davidis adulterio quoque, factum est: in quo gratia Dei ad tempus tecta, sed non amissa fuit.*

Simile de ebrio.

D. I A C O B Y S.

Refutatio argumenti à simili de ebrio homine.

*Hæc non similitudo, sed dissimile est, quod de ebrio proponis exemplum. Ratio enim & intellectus humanus potentia substantialis animæ est, cuius vsum etsi ad tempus amittat homo, ipsa tamen ratio, hoc est potentia animæ non amittitur, quàm diu homo est & manet. Sed longè alia ratio est gratiæ Dei, fidei, & Spiritus sancti: quæ non substantiales partes hominis, sed dona Dei sunt. Sicut igitur à Deo data sunt, ita amitti quoque posse, & reuera adeoque ipso facto amissa esse, sacra Scriptura apertè testatur. Ne pronicias me à facie tua, & Spiritum sanctum tuum ne auferas à me. REDDE MIHI lætitiā salutaris tui, &c. orat Psaltes. Neque etiam instar ignis sub cineribus teguntur: sed prorsus extinguuntur, & hoc modo etiam amittuntur.*

Psal. 51.

D. B E Z A.

*Sicut ebrietas vsum rationis aliquandiu auferre potest, non autem ipsam rationem: Sic quoque Spiritus sancti, fidei et gratia Dei vsum, in Electis perpetrata peccata, aliquandiu auferre*



auferre possunt, non autem ipsam gratiam Dei, fidem et Spiritum sanctum, qui in illis manet, & ab eis non recedit, sicut quoque à Davide non recessit.

D. I A C O B V S.

Non vellem mille florenos, imò ne totum quidem terrarum orbem accipere, ut talia meis auditoribus proponerem, tam manifestè impia. Quòd videlicet, perpetrantes peccata contra conscientiam, scortatores & adulteri, si sint electi, retineant in ipso actu peccati, fidem & Spiritum sanctum.

D. B E Z A.

Ego vellem perire, si aliter docerem. Et dabis ne tu mihi hominem, qui sit sine aliqua labe? In quo non sit caro? Fieri potest, ut aliquis ita scortetur, ut vix sentiat se scortari? Num propterea Spiritum sanctum amitteret?

D. I A C O B V S.

Distingue inter infirmitatis humane labe, & manifesta scelera contra legem Dei. Illæ enim peccata venialia sunt, hoc est, quæ credentibus & electis non imputantur, secundum illud: Septies in die cadit iustus, & resurgit: quibus Spiritus sanctus non amittitur. Hæc vero mortalia, secundum illud Pauli: Si secundum carnem vixeris, MORIEMINI. Discrimen inter peccata venialia & mortalia. Prou. 24.

D. B E Z A.

Nullum peccatum est veniale: sed omnia sunt mortalia, hoc est, digna morte. Ideo hæc distinctio peccatorum, tanquam Papistica, hic locum habere non potest.

D. I A C O B V S.

Verum quidem est, omnia peccata esse æterna morte digna: sed nihilominus Spiritus sanctus discernit infirmitates, Nnn

## 466 *Colloquium Mompelgartense*

Rom. 8.  
Galat. 5.

Rom. 7.

Matt. 5.

Rom. 8.

Mal. 32.

res, quæ non expellunt Spiritum sanctum, ab illis manifestis flagellis: quibus fides & gratia Spiritus sancti, post acceptum Baptismum amittitur. Nam quædam sunt peccata, quæ Spiritum sanctum excutunt, de quibus Paulus citato loco loquitur: Si secundum carnem vixeritis, moriemini. Item, manifesta sunt opera carnis, quæ sunt fornicatio, immunditia, impudicitia, luxuria, &c. **QVI TALIA AGVNT**, regnum Dei non consequuntur. Alterum est genus peccatorum, quæ etiam electi deponere non possunt, donec moriantur: sed contra illa usque ad extremum vitæ spiritum pugnant, adeoque non ex proposito, sed contra voluntatem suam peccant. Cuius rei Paulus suum exemplū vniuersæ Ecclesiæ proponit: Si autem, inquit, quod nolo, illud facio: non iam ego operor illud, sed quod in me habitat peccatum. Sic aliquis corruptione naturæ præ alio pronus est ad iram: cum alius vix, aut difficulter ad iram prouocari possit. Cum ergo contra voluntatem suam irascitur: non tamen propterea fidem & Spiritum sanctum amittit, quamuis ira peccatum sit mortale, hoc est, æterna morte dignum, Matth. 5. Et huc pertinet illud Pauli: Nulla igitur nunc est condemnatio in illis, qui sunt in Christo Iesu. Et: Beati quorum tecta sunt peccata. Alia verò est ratio adulterij Davidis & scortationis, quando aliquis tollit membrum Christi, & facit ex eo membrum meretricis: qui certè spiritum Christi non retinet, nec manet membrum Christi. Ideo Paulus non simpliciter dicit: nullam condemnationem esse in illis, qui sunt in Christo Iesu: sed addit, qui non secundum carnem ambulat. Quibus verbis aperte ostendit, eos, qui sunt in Christo, si secundum carnem ambulent, gratia Dei excidere & damnari. Quando irascor: tum quod nolo, facio. Sed quando quis scortatur: quod vult facit, & Spiritum sanctum expellit. Ideoque cum David non nolens, sed volens adulterium perpetraverit: certè damnatus permansisset, si in hoc peccato, ante actam poenitentiam mortuus fuisset.

D. BEZA.

D. B E Z A.

*Absit, ut omnia peccata equalia esse dicamus: sicut Stoici opinati sunt. Omnia quidem sunt sua natura mortalia: sed fiunt venialia in electis, (excepto vno, de quo Ioannes<sup>1. Ioan. 5.</sup> dicit, quod pro eo non sit orandū: quod est peccatum in Spiritum sanctum.) Ii autem in quibus vera fides est (quam vos electos amittere posse dicitis) eam amittere non possunt: sed latet, sicut ignis sub cineribus tegitur.*

D. I A C O B V S.

Quæro igitur hoc vnum tantum: Si Dauid post peccatum adulterium in securitate sua, fuisset mortuus, priusquam concionem poenitentiae ex Propheta Nathan audiuit, an ne saluatus vel damnatus fuisset?

D. B E Z A.

*Dauid, quoniam in numero electorum fuit, ideo gratia Dei excidere non potuit. Et sic suo tempore in viā redeunt, quotquot sunt electi, etiamsi ad tempus, sicut Dauid, peccēt. Nam Dei dona sunt ἀμεταμέλητα, hoc est, Deum non pœnitet donorum, quæ in electos suos contulit. Ideoque gratia Dei excidere non possunt.*

D. I A C O B V S.

Ego sic sentio: si Nathan non corripuisset Dauidem, neque Dauid poenitentiam egisset: nunquam saluatum fuisse. Nam post concionem Nathan, demum inquit: Peccaui. Et postquam absolutionem accepit: Dominus transtulit peccatum. Dona Dei quomodo sint ἀμεταμέλητα, id est, sine poenitentia.

# 468 Colloquium Mompelgartense

tum tuum: tum demum orauit: Et Spiritum sanctum tuum ne auferas à me: à quo certè ablatum erat, quam diu in illa securitate vixit. Non rectè igitur, nec analogiæ fidei consentaneè, citantur verba Pauli de donis Dei. Non enim hoc vult Paulus: Deum sua dona adimere non posse illis, qui verè credunt: quod suo exemplo testatur, cum inquit: Ego castigo corpus meum & in seruitutem redigo, ne dum alijs prædicauero, ego reprobus fiam. Non autem dubium est, Paulum verè regeneratum fuisse, & fidem veram habuisse: qui tamen testatur, se ita alijs prædicare posse ad salutem, vt ipse reprobus fiat, nisi seipsum castigauerit. Quapropter nequaquam hæc verborum Pauli sententia est, quæ illis hoc loco falso & peruersè affingitur: videlicet, dona Dei ita esse sine poenitentia, quòd semel collata dona non auferat ab illis, quibus ea donauit. Sed prædicat Dei veritatem, quòd mentiri non possit, & seipsum negare nequeat. Quæ simul ad pios & simplices pertinet, quibus Deus gratiam suam ex æquo offert. Siue ergo homines non admittant, siue admittant iterum abijciant: ipse tamen Deus in seipso, sine poenitentia est: & tota die, vt Propheta loquitur, expandit manus suas, ad omnes peccatores, & per legatos suos nos rogat etiam turpiter lapsos, vt cum Deo in gratiam redeamus. Quam igitur gratiam Deus semel in Baptismo nobis contulit, eius ipsum nunquam poenitet. Sicut & semel copulati coniuges, ad tempus separati, non de nouo in templo, copulantur: sed reconciliatio fit, virtute prioris vinculi coniugalis, quo ab initio copulati fuerunt: Ita etiam semel baptizati, etiam si spirituale diuortium commissum esset, non tamen de nouo baptizantur, sed virtute semel percepti Baptismi, reconciliatio tantum fit per veram poenitentiam, qua peccatores iterum cum Deo in gratiam redeunt, quam peccato amiserunt. Si dimiserit vir (inquit Ieremias) vxorem suam, & recedens illa ab eo, nupserit alij viro: nunquid reuertetur ad eum vltra? nunquid non polluta & contaminata erit mulier illa? Tu autem fornicata es cum amatoribus multis: tamen reuertere ad me, dicit Dominus.

2 Cor. 9.

Veritas Dei in oblationibus suis donis.

Esaï. 65.

2 Cor 5.

Iere 31.

Quem

Quemadmodum igitur non opus fuit noua circumcisio-  
ne, per pœnitentiam ad Deum redeuntibus: Sic etiam non  
est opus nouo Baptismo, pœnitentiam agentibus, qui post  
acceptum Baptismum, gratiam Dei, fidem, & Spiritum san-  
ctum amiserunt. Deus enim non mutatur, sed firmus est in  
suis promissionibus. Etiam si enim quis gratiam Dei abiciat, Num. 23.  
Mal. 3.  
fidem & Spiritum sanctum amittat, si per pœnitentiam re-  
surgat, & ad Deum conuertatur: ab eo, qui est ratione suo-  
rum donorum μεταμέλειτο, id est, sine pœnitentia, ite-  
rum in gratiam recipitur.

D. B E Z A.

Quos Deus aeterno & arcano suo consilio, ad gratiam &  
vitam aeternam ordinauit, his etiam donat fidem & Spi-  
ritum sanctum: quem retinent quoque & minimè amittunt,  
etiam si interdum peccent, sicut Dauidi accidit. Nam tales  
vel tandem redeunt ad se ipsos, & gratia Dei finaliter non  
excidunt. Quos verò Dominus hoc modo non elegit, et-  
iam si millies baptizarentur externo aqua Baptismo: illis ta-  
men nunquam fides aut Spiritus sanctus donatur, sed iusto  
Dei iudicio relictì, sua culpa pereunt. Horrenda audita.

Quod autem ad substantiam Baptismi attinet, & eius  
effectum, quando dicitur esse lanacrum regenerationis: non  
semper necesse est, illum effectum sequi eodem tempore, quo  
baptizantur. Quoniam hoc ipsum finem tantum Baptismi  
declarat: manet tamen verus Baptismus, etiam si regenera-  
tio in reprobis & ad vitam aeternam non electis, minimè  
sequatur.

Quemadmodum .n. Euangelium, est potentia Dei ad sa- Rom. 1.  
lutem, sua naturâ: id est, per illud offertur illa potetia sal-  
uandi, qua non significatur tantum, sed reuera etiâ offertur:  
nō tamen simpliciter, & statim se illa potentia in omnibus



## 470 Colloquium Mompelgartense

*auditoribus Euangelij exerit, sed in paucis, videlicet, qui in numero electorum continentur. Sicut & in Cæna Domini corpus & sanguis Christi omnibus offeruntur, & tamen non ab omnibus percipiuntur, sed à credentibus tantum: Ita etiam gratia adoptionis offertur omnibus in Baptismo aqua, quem promiscuè boni & mali, electi & reprobi accipiunt. Sed effectus tantum in Electis sese exerit: non autem statim eo tempore, quo baptizantur, sed interdum in senectute demum eam Spiritus sanctus operatur.*

D. IACOBVS.

Reuerende Domine Beza, ab initio Colloquij constitutum est, ne articuli controuersi, de quibus conferendum erat, commisceantur, sed vt singuli suo loco tractentur. Ideoque etiam quæ hic de electis dixisti, quòd in illis saltem virtus Baptismi, & regeneratio sese exerat: in locum & collationem de Prædestinatione rejiciemus.

Quomodo consolatio de adoptione facta ex Baptismo petenda sit.

Vnum autem duntaxat hoc loco quæro: quomodo aliquis in conscientia sua perturbatus, & in summis tentationibus constitutus, consolationem ex Baptismo semel accepto, petere possit? Si non certum est, quòd in Baptismo adoptatus sit?

Nam secundum vestram sententiam, non omnes regenerantur, qui baptizantur, sed ij duntaxat, qui in æterno DEI decreto, ad vitam æternam electi & ordinati sunt.

D. B E Z A.

*Quòd non omnes baptizati regenerantur ad vitam æternam: culpa non est Dei, sed hominum impiorum, quibus Deus nihil debet, si in sua impietate relinquantur.*

*Conso-*

*Consolatio autem, quod adoptati simus, petenda est ex effectus Spiritus sancti: quando videlicet sentimus in nobis eiusmodi motus Spiritus sancti, qui testificantur nos verè regeneratos & in filios Dei adoptatos esse.*

Certitudinem adoptionis factæ, unde Beza querere doceat.

*Nam Spiritus sanctus perhibet testimonium spiritui nostro, quod simus filij Dei. Hos motus in nobis si sentiamus, minimè dubitemus, nos verè adoptatos & filios Dei esse.*

Rom. 8.

## D. I A C O B U S.

Quid autem in summis tentationibus fiet, quando eiusmodi motus Spiritus sancti, non solum non sentiuntur, sed etiam cogitationes à Satana contrariæ inspirantur, quæ nihil nisi desperationem minantur? Quia enim horribiliter peccauerimus, ideo nullam gratiam à Deo nobis sperandam esse. Unde igitur firma consolatio petenda erit? Cum in Baptismo (secundum vestram doctrinam) nullam consolationem inueniat: quem docetis non certum testimonium adoptionis in omnibus esse, qui baptizati sunt, sed in electis tantum, & occulto Dei decreto ad vitam æternam ordinatis. Quomodo igitur talis conscientia erigi potest? Si enim ad illos motus internos Spiritus sancti remittatur, quos in se non sentit, sed contrarios: desperatio augetur, non minuitur. Necessè ergo est recurrere ad verbum & ad Sacramenta, eaque pluris facienda sunt, quàm desperabundæ illæ cogitationes. Si nos cor nostrum condemnat (inquit Ioannes) Deus est maior corde nostro: Qui per verbum nobiscum loquitur & agit, in Baptismo gratiam adoptionis omnibus baptizatis contulit, & in eis obsignauit: In his consolatio firma querenda est, ubi etiam certo inuenitur. Sicut in Monomachia Davidis cum Goliath videre licet: ubi David oronem consolationem contra Goliath, & spem certissimam victoriæ in circumcissione posuit, quam in infantia acceperat. Quis est, inquit, hic Philistæus incircumcissus, qui probris afficit aciem viuen-

1. Ioan. 2.

1. Sam. 17.

## 472 Colloquium Mompelgartense

viuentis Dei. Et iterum: Erit igitur & Philistæus incircumciscus, quasi vnus ex eis, qui ausus est maledicere exercitui Dei viuentis. Quasi diceret: Hic Philistæus, quia non est circumciscus, ideo apud Deum non est in gratia. Ego verò circumciscus sum: ideoque sum in Dei gratia: cuius adiutorium mihi certissimum est. Hac consolatione armatus Dauid, Goliath aggreditur, & eundem prostermit, & obtruncat. Quæ consolatio minimè certa & firma fuisset, si Dauid in ea opinione fuisset, quòd per circumcisionem non in omnibus adoptio facta esset. Idem prorsus de Baptismo quoque nos dicere possemus: Nullam in eo nobis consolationem relictam esse, & relinqui: si vera est vestra doctrina de Baptismo, quod non omnes baptizati in filios Dei adoptentur.

D. B E Z A.

*Non dico, quòd nullam consolationem in verbo & Sacramento querere debeamus: sed hoc solum dicimus: Spiritum sanctum per Baptismum aquæ externum, non in omnibus vim interioris Baptismi exerere: sed in electis tantum. Quando ergo electi hoc interius testimonium Spiritus sancti habent & sentiunt, tum pars consolationis etiam in externo aquæ Baptismo reposita est, ad quem perturbata conscientia recurrere possunt & debent.*

D. I A C O B V S.

Beza consolationem  
tentatis adimit,  
quam in Baptismo  
repositam habent.  
Psalm. 31.

Sed nihil ad rem responsum est. Hæret enim adhuc dubitatio, cum ille sensus & motus Spiritus sancti in perturbatis conscientijs non sentiatur, sed eueniat illis, quod Dauid de se ipso loquitur: Ego, inquit, dixi in excessu meo: projectus sum à facie oculorum tuorum. Nec ego certo scire possum, an Deus occultum de me saluando decretum fecerit: quid ergo mihi consolationis acceptus Baptismus afferre potest: qui effectum regenerationis coniunctum non habet, sed interdum

verum in senecta demum in electis sese exerit? Contrà autem Scriptura sacra aperte testatur: Baptismum esse LAVA-  
CRVM regenerationis & renouationis in Spiritu sancto, &  
figillum adoptionis infallibile. Neque in summis illis tenta-  
tionibus, ad illos internos motus respiciendum, sed Sathanæ  
per Baptismum insultandum, & huiusmodi verbis depellen-  
dus est: Recede à me Sathan, nullam partem in me habes, quia  
in nomine sanctæ Trinitatis baptizatus, & verè in filium Dei  
adoptatus sum. Quod firmissima fide credendum mihi est,  
nisi totam Trinitatem mendacij arguere, & acceptum Baptis-  
mum ociosam cæremoniā & ludibrium fuisse, dicere velim.  
Qui (inquit Christus) crediderit & baptizatus fuerit, saluus  
erit, Mar. 16. cap. Item: Quotquot baptizati estis, Christum  
induitis, Galat. 3. capite.

## D. B E Z A.

Nos dicimus: Baptismum aquæ esse lauacrum regenera-  
tionis, hoc est, significare & representare regenerationem  
interiorem: Non autem ita significare, quòd fiat in omni-  
bus, sed ostendit finem, cuius causa Baptismus institutus est:  
videlicet, ut in electis obsignet gratiam, in quam à Deo  
aeterno & occulto decreto, electi & ordinati sunt. Quemad-  
modum suprà de Euangelij potentia ad salutem, & de Cænæ  
Domini signis diximus: quibus potentia saluandi, & corpus  
& sanguis Christi, omnibus offertur: sed non nisi ab electis  
percipiuntur. In quorum numero quisquis comprehensus  
fuerit, etiamsi grauitèr peccet, sicuti de Dauide dictum est,  
non tamen gratiā excidit, in quam à Deo semel receptus est.

Baptismus quomo-  
do lauacrum regene-  
rationis sit, secundò  
Bezam.

Distinctio autem in duobus exemplis Davidis & Saulis  
Regis, manifestè conspicitur. Nam uterq; grauitèr peccauit  
coram Domino: sed Dauid seruatur, Saul verò damnatur.  
Quia Dauid aeterno Dei decreto fuit electus: Saul verò ad  
aeternam damnationem creatus & ordinatus.

# 474 Colloquium Mompelgartense

D. I A C O B V S.

Fuit ne Saulus etiam circumciscus ?

D. B E Z A.

*Secundum literam: sed non secundum Spiritum.*

D. I A C O B V S.

Vna circumcisio Dauidis & Saulis.

Vna fuit circumcisio Dauidis & Saulis: vnum & idem verbum Dei: vnus & idem ritus & cœremonia: quod negari non potest. Sicut enim Dauid circumciscus est: ita etiam Saul, cum octo dierum esset infans, secundum Dei mandatum circumciscus fuit.

D. B E Z A.

An duplex, vel vna sit circumcisio tantum.  
Rom. 2

*Duplicem esse circumcisionem ex verbis Pauli manifestum est, cum inquit: Non qui in manifesto Iudeus est, nec ea quæ in manifesto fit carnis circumcisio, circumcisio est: sed qui in occulto Iudeus fuerit, is Iudeus est: et circumcisio cordis, circumcisio est, quæ Spiritu constat, non litera.*

*His verbis Paulus apertè docet, duplicem circumcisionem esse, videlicet, carnis & spiritus, literæ & spiritus: vna exterior in externo ritu, altera interior in corde & spiritu.*

*Dico igitur, Saulem fuisse quidem circumciscum, circumcissione carnis, secundum literam, sed non circumcissione spiritus, qui longè aliter in Saule, quàm in Dauide fuit.*

D. I A C O B V S.

Contrarium historia Saulis manifestè docet: quæ testatur, Saulem à pueritia egregijs donis Spiritus sancti exornatum fuisse, videlicet, reuerentia, honore, & obedientia erga patrem, animi humilitate egregia erga omnes, patientia, & moderatone singulari, prudentia quoque Rege digna. Accedit huc quoque, quod apertè de Saule scribitur: quod spi-

2. Sam 16.

ritus



ritus Domini recesserit ab eo, & spiritus malus illum exagitauerit. Si recessit Spiritus sanctus: ergo prius eum habuit, quem iterum amisit.

Deinde, D. Paulus, nequaquam duplicem circumcisionem facit: sed in Iudæis abulum & falsum intellectum circumcisionis à Deo traditæ reprehendit: qui abiectio Christo, & doctrina Euangelij sprete, gloriabantur, se propter circumcisionem susceptam, esse in gratia, & verum populum Dei. Quod cum circumcisione Abraham aperte pugnabat: In qua circumcisio sigillum iustitiæ fidei fuit: quæ non solum in auulsione pelliculæ præputij, sed etiam in promissione consistebat, sine qua externa illa cæremonia prorsus inutilis, & vna duntaxat, eaque minima pars circumcisionis fuit.

Rom. 2.

Explicatio vera verborum Pauli de circumcisione.

Quam promissionem cum negligerent Iudæi, Christum contemnerent, & doctrinam eius damnarent: eos frustra de suscepta circumcisione gloriari, docet hoc loco Paulus, cum gratiam in circumcisione acceptam iterum abijciant, & sibi circumcisionem suam inutilem reddant. Ideoque etiam litteram tantum appellat circumcisionem sine fide promissionis susceptam, quæ in Christum respiciebat, qua dictum est Abraham, & semini eius: In semine tuo benedicentur omnes gentes terræ. Ablato hoc verbo: circumcisio littera, imò nihil est, nihil prodest. Neque verus Iudæus ille est, si millies circumcideretur, qui hanc promissionem abijcit, in qua ipse per circumcisionem in gratiam receptus est.

Cur circumcisionem infidelium litteram appeller Paulus.

D. B E Z A.

*Ex Pauli verbis recitatis manifestum est, quod sint duo genera circumcisionis, alterum litteræ, alterum spiritus. Et externa illa circumcisio carnis significabat & representabat circumcisionem interiorem spiritus, qua signum erat & ob-signatio adoptionis.*

D. I A C O B V S.

Ooo 2

Si

## 476 Colloquium Mompelgartense

An Saul per circum-  
cisionem sit adopta-  
tus in filium Dei.

Si externa illa circumcisio carnis, obsignatio fuit adoptio-  
nis: Saul autem (secundum vestram opinionem) à Deo in fi-  
lium non adoptatus est: quomodo igitur in ipso suscepta cir-  
cumcisio obsignatio fuit, aut esse potuit? Nam quod non est:  
eius nulla obsignatio est.

D. B E Z A.

*Circumcisio externa, quo ad Deum, omnibus offert, quod  
significat & repræsentat: sed non in omnibus suam vim exe-  
rit: idque non culpa Dei, sed hominum, qui hanc gratiam  
respuunt.*

D. I A C O B V S.

Quòd Saul tempore circumcisionis suæ non respuerit  
hanc gratiam, quam infans in circumcissione accepit, suprà de-  
monstratum est. Spiritus enim Dei in ipso erat, & signa gra-  
tiæ manifestè edebat, donec ab eo recessit, tum demum spiri-  
tus Domini malus eum exagitavit. Et quanta fuisset profa-  
natio nominis Dei, si dicatur, Deum circumcissione gratiam  
adoptionis in Saule infante obsignasse, eum tamen nunquam  
adoptatum fuisse:

simile de Principe.

Si Princeps sigillo suo obsignaret membranam, in qua ni-  
hil scriptum esset, & promitteret subdito non modò gratiam,  
& clementiam, sed spem etiam faceret de amplissimo feudo:  
quomodo cum honore Principis hoc factum coniunctum es-  
set?

Profanatio nominis  
Dei in Baptismo re-  
probatorum, exten-  
tentia Bezz.

Quanta igitur profanatio nominis sacrosanctæ Trinita-  
tis, Dei Patris, Filij, & Spiritus sancti esset, si sigillo suorum Sa-  
cramentorum obsignaret gratiam, & amplissimam spem de  
vita æterna consequenda factam testaretur homini, quem  
tamen sua gratia nunquam dignatus esset, neque vnquam  
voluerit, neque etiamnum, aut in æternum eum vellet salua-  
ri, sed ad æternam poenam occulto suo decreto destinaverit?  
Absit

Abfit à nobis, abfit inquam, vt tam impia, & blasphema de Deo, & eius Sacramentis cogitemus in cordibus nostris, quod Princeps iustus summæ contumeliæ loco duceret, si de ipso talia spargerentur.

Si autem vera esset opinio vestra, talia de Deo fateri cogeremur, quod in Baptismo nobiscum luderet, & non serio ageret, siquidem dicitis: externam circumcisionem obfignationem gratiæ fuisse, & Baptismum nunc esse obfignationem gratiæ in ijs, quos Deus nunquam dilexerit, neque eos saluari velit, sicut responsiones vestræ ad nostras Theses aperte testantur.

In respons. ad  
Thes. 4.

Longè verò aliter Dominus de Saule abiecto per Samuel loquitur. Non enim ait: Tu abiectus es à Deo, quoniam te Deus nunquam dilexit, & ab æterno reprobatus, ad æternum interitum à Deo creatus & destinatus es. Nihil horum dicit Samuel, sed inquit: Pro eo quod abiecti sermonem Domini, abiecti te Dominus, ne sis Rex.

1. Sam. 15.

Fuit ergo Rex Saul in circumcissione verè in filium Dei adoptatus, & adoptatio ei non modò significata & oblata, sed etiam re ipsa in eum collata fuit, & habuit conspicua & manifesta signa Spiritus sancti in ipso habitantis, quem postea sua impietate iterum amisit, & multoties admonitus, & ad poenitentiam reuocatus, non tamen resipuit, aut verè poenitentiam egit, sed pertinaciter in contemptu Domini perseverauit. Hæc est causa abiectiōis eius, quod periit, non ex occulto Dei decreto, quod Deus illum noller saluari: sed quia saluatori sua malitia resistit.

Saul Spiritum sanctum habuit, & iterum amisit.

Eadem ratio est in infantibus omnibus in Ecclesia natis. Quotquot enim baptizantur, Christum induunt, & verè in filios Dei adoptantur, Spiritu sancto donantur, & promissio gratiæ in illis obfignatur. Sed quando adolescere incipiunt, fieri potest, vt negligentia parentum, aut propria petulantia Spiritum sanctum iterum amittant, & gratia Dei spoliuntur semel accepta. Qua ratione causam & culpam sui

Omnes baptizati in filios Dei adoptantur.

## 478 Colloquium Mompelgartense

Causa abiectionis  
damnatorum non  
occultum Dei de-  
cretum.

Galat. 5.

interitus, non in Dei occultum decretum transferre possunt, qui eos in gratiam recepit, verè regenerauit, & in filios adoptauit. Ipsi verò cum adoluerent, non secundum spiritum, sed secundum carnem ambulantes, gratia Dei iterum exciderunt. Quare de re apertum testimonium apud D. Paulum extat, cum inquit: Si circumcidimini, Christus vobis nihil proderit, euacuati estis à Christo, qui in lege iustificamini: **A GRATIA EXCIDISTIS.** Quomodo autem à gratia excidere potest, qui nunquam apud Deum in gratia fuit?

D. B E Z A.

Jerem. 7.

*Hæ sunt glossæ contra manifestum textum verborum Pauli, qui de duplici circumcissione apertè loquitur, videlicet litera, & spiritus. Ideoq; quod spiritus est, litera, hoc est, externo ritui non est tribuendum. Cum igitur adoptio filiorum Dei, sit solius Spiritus sancti opus, neque eam Baptismus aquæ præstare possit, quæ non ad animam usque penetrat: sed corpus tantum abluit: ideo Baptismus aquæ exterior, significatio, & representatio est duntaxat illius spiritualis ablutionis, quam solus Spiritus sanctus per sanguinem Christi, idq; in electis tantum operatur: in reprobis non item, quia carent fide, nec recipiunt hanc gratiam representando & significando oblatam. Ideoq; etiam Paulus circumcissioni literæ detrahit vim spiritualis circumcissionis cordis, in qua sola Iudæi gloriabantur, clamantes: Templum Domini, templum Domini, circumcisio, circumcisio: sicut etiam in suis sacrificijs confidebant. Et ostendit Paulus circumcissionem illam carnis non esse circumcissionem illam veram, qua cor circumcidatur, sed tantum huius representationem, & oblationem, quæ promiscuè fiat omnibus circumcisis, vim autem in solis electis Spiritus sanctus exercat,*

exerat, quorum corda circumcidit & regenerat, relictis alijs qui damnantur, & electi non sunt. Sicut sol lucet omnibus, sed cæci lumen non recipiunt, culpa non est in luce & splendore solis, sed in vitio oculorum cæci: Ita etiam adoptio non tantum significatur, & representatur, sed etiam offertur omnibus in circumcisione, qui circumcisi sunt: sed electi tantum recipiunt eam, quibus Deus aperit oculos, ut videant, & saluentur. Reliqui iusto Dei iudicio sunt relictæ: quos hac gratia non dignatus est: & manet nihilominus Deus verax. Idem in Baptismo quoque fit, quem multa millia infantum accipiunt, qui tamen nunquam regenerantur, sed in æternum pereunt.

Horrenda vox: multa millia infantum baptizatorum in æternum perire.

## D. I A C O B U S.

Num sint glossæ, an verò aperta Scripturæ testimonia sine vlla humana glossa, quæ ego ad confirmandam sententiam nostram attruli, iudicent auditores omnes. Et sententia verborum Pauli est manifesta: qui vnam duntaxat circumcisionem, sicut vnum quoque Baptismum nouit in Ecclesia: neque pro circumcisione agnoscit eam, quæ est absque Spiritu. Sic aquæ asperio sine Spiritu minimè Baptismus est, qui non sola aqua, sed etiam Spiritu constat: qui Spiritus per lauacrum aquæ regenerationem & renouationem in baptizatis efficit. Sed valde horrendum auditu est, quod ais: multa millia infantum baptizari, qui nunquam regenerentur, sed in æternum pereant. Nec puto vllum nunc in hoc coetu auditorum esse, qui tibi hac in re assentiatur.

Omnes. n. sine dubio in ea sunt sententia, ante perceptum quidem Baptismum, infantes ex parentibus carnaliter natos, carnem, id est, naturam quidem filios ire esse, qui iusto Dei iudicio



## 480 *Colloquium Mompelgartense*

cio damnentur, nisi per Baptismum à Deo in gratiam recipiantur & regenerentur. Postquam autem in nomine Patris, Filij & Spiritus sancti baptizati sunt: nihil dubitant, tales infantes omnes, iam verè in filios Dei adoptatos, quos patres cum gaudio, matribus puerperis lactandos & educandos, tanquam filios Dei commendant. Ecce, inquit pius pater è templo domum reuersus ad vxorem puerperam: Qui prius erat filius iræ, is nunc à Deo adoptatus & verè filius Dei per Baptismum factus est.

Nequaquam ergo, & nullo modo in Ecclesia Dei admittenda est hæc doctrina & opinio, qua Spiritum in Baptismo externo ab aqua separatis, & doceris, de adoptionis gratia, & infantum regeneratione demum ex moribus Spiritus sancti, quos sentiant, iudicandum esse, videlicet, si adoleuerint, & signa ediderint regenerationis factæ, ex eo demum certò pronuciari posse, esse electum & verè regeneratum: quod falsum est. Non enim opinari debemus, nos in Baptismo regeneratos: sed certò & sine dubio scire, & in fiducia accepti Baptismi firmiter credere debemus. Quod Dauidem post acceptam circumcisionem externam fecisse supra diximus: qui circumcisione sua confirmatus plena fiducia diuini auxilij ipsum Goliath adortus est. Malè ergo à vobis fit, quòd pios parentes in perpetua dubitatione relinquitis, an ipsorum liberì per Baptismum acceptum in filios Dei adoptati sint.

In respons. de Baptismo ad Thesin 8. & 10.

Nam secundum responsiones vestras in Thesibus positas hoc vultis: non certò pronuciari posse aut debere, infantem baptizatum verè in filium Dei adoptatum, aut regeneratum esse, *SED PROBABILITER TANTVM* censerì eos fructu adoptionis donari, relictis Deo arcanis suis iudicijs. Idè contra aperta verba Pauli: Quorquot baptizati estis, Christum induistis, Galat. 3.

D. B E Z A.

*Si sentio Spiritum sanctum & eius motus in me: certò pronu-*

*pronunciare possum, me verè regeneratum esse, secundum illud Pauli: Qui spiritu Dei aguntur, hi sunt filij Dei. De nobis ipsis singuli iudicare et pronunciare possunt, an sint regenerati nec ne: sed iudicium de alijs dubium & falsum esse potest.*

## D. I A C O B U S.

Suprà dictum est, si consolatio de adoptione in filios Dei facta, duntaxat à motibus Spiritus sancti ita sumenda sit, vt ex Baptismo in infantia percepto, non certam, sed probabilem tantum spem concipere debeam, me etiam in filium Dei adoptatum esse: hac doctrina fenestram ad desperationem perturbatis & tentatis conscientijs manifestè & sine dubio aperiri.

*In summis tentationibus de gratia Dei, ad Baptisma recurrendum est.*

In maximis enim tentationibus, non solum nullos, sed planè contrarios motus sentiunt etiam verè pijs & electi homines: ex quibus aliter statuere non possunt, quàm se à Deo abiectos esse. Ideoque in huiusmodi tentationibus non solum ad verbum, sed etiam ad Sacramenta, Baptismum inprimis, recurrendum est, & Sathanæ opponendum, quia semel baptizati simus, ideo nos etiam verè in filios Dei adoptatos esse. Et sicut Ioannes loquitur, vt maximè cor nostrum nos condemneret, neque alias cogitationes suppeditet, quàm quòd in æternum damnati simus: tamen eiusmodi cogitationibus à Diabolo inspiratis opponere debemus, quòd Deus sit maior corde nostro, qui in Baptismo non solum adoptionem nobis obtulit, sed etiam reuera contulit. Sicut dixit: Qui crediderit, & baptizatus fuerit, saluus erit. Hæc firma est & vera consolatio, quam vestra opinio non modo labefactat, sed prorsus & in vniuersum tollit: quia neminem, nisi in occulto Dei decrero ad vitam æternam destinatos, creatos, & ordinatos, ad Baptismum acceptum remittitis, in quibus solum promissio gratiæ obsignata sit.

# 482 Colloquium Mompelgartense

D. B E Z A.

Consolatio Bezz in  
summis tentationi-  
bus de gratia Dei.

*Quod ad consolationem attinet, in summis tentationibus afflictas conscientias eâ non spoliâmus, sed eam qua in sacra Scriptura proposita est, exponimus. Sic enim ego dicerem afflictô & perturbato homini: Tu de gratia Dei non dubites. Nam quia Deus te per prædicationem Euangelij ad agnitionem filij sui vocavit: nonne sensisti aliquoties in te tales motus, quod te peccatorum tuorum pœniteat, quod fiduciam tuam in Christo colloces, quod sanctè vivere, res aduersas patienter ferre, & ad æternum filij Dei regnum aspirare cupias? Hi motus sunt filiorum Dei, quos si sensisti vnquam, non dubites, te etiam in numero electorum esse, et proprium Deum habere.*

D. I A C O B V S.

Si quis autem non sentiat tales motus in se: quomodo se consolabitur?

D. B E Z A.

*Tentato homini dicendum est, solem ortum esse, etiam si nondum ortus sit. Sicut enim nocte lux solis non videtur: spes tamen eius certissima fieri potest homini, cum oritur: sic etiam tentato homini dicendum: ut maxime sol iustitiæ nondum ortus sit, neq; ipse tales motus sentiat: tamen hunc solem quoque oriturum, & ipsum sensurum aliquando tales motus, quos nunc non sentiat.*

D. I A C O B V S.

*Hæc consolatio in tentationibus nihil proficere potest: quoniam tentatus homo nescit, sed dubitat, an in numero electorum sit; in quibus solum talis sol exoriturus sit, quodque Deus tales motus accendere velit. Cum igitur perpetuo dubitet, an ille sol ei vnquam sit exoriturus: in desperationem certissimam venit, & miserè perit. Sicut exempla eorum docent,*

docent, quibus vera consolatio proposita non fuit, & in eiusmodi tentationibus succubuerunt. Quia ex tali doctrina, nemo quisquam ullam consolationem haurire potest, qua illi dubius fructus & efficacia Baptismi statuitur, qui tantum in illis sit gratiæ obsequium, qui occulto Dei decreto ad vitam æternam ordinati sint: alijs verò non, etsi eum quoque perceperint, de quibus Deus contrarium decretum fecerit.

D. B E Z A.

*De electione nostra ad vitam æternam, non nisi à posteriori, hoc est, ab illis motibus Spiritus sancti iudicare possumus: an simus etiam in electorum numero comprehensi.*

De electione quemodo à posteriori iudicandum, secundum Beza.

D. I A C O B U S.

Multa sunt à te dicta ad consolationem eorum, qui summis tentationibus obruuntur, & nullam prorsus Baptismi mentionem fecisti. Vnde tamen initium consolationis faciendum erat, ut cogitet homo, se baptizatum, & adoptatum, ideoque à Deo minimè abiectum esse. Quapropter dico, hanc doctrinam falsam esse, & in Ecclesia intolerabilem, quæ verbi Dei & Sacramentorum verum usum prorsus tollit, & conscientijs tentatis omnem consolationem adimit. Nam consolatio nostra T O T A in verbo promissionis, & percepto usu Sacramentorum posita est.

Quamvis enim motus ille Spiritus sancti sunt regenerationis & adoptionis fructus, & eius signa: tamen in summis illis tentationibus Sathan eos ita obscurare potest, ut inde nullam prorsus homo tentatus consolationem sentiat, sed contraria omnia experiatur. Vbi Sathan per Ecclesiæ Ministerium ab homine tentato, ad hunc modum repellendus erat:

Solida consolatio Christianorum, in verbo & Sacramentis posita.

Tu es (inquit sincerus Ecclesiæ Minister) in nomine sanctæ Trinitatis baptizatus infans, & in filium Dei verè adoptatus. Qui Deus verax est, & promissionum suarum seruans, ut si nos negauerimus, ipse seipsum negare non potest. Quapropter nihil dubites, Baptismum acceptum, esse obsequium veram adoptionis, quæ non per aquam significetur,

Vera consolatio in summis tentationibus.

## 484 Colloquium Mompelgartense

sed verè tibi in infantia collata est. Quare nihil dubites, te iam esse filium Dei electum & Christo insertum per Baptismum, qui te in tentationibus non relinquet, sed ex illis omnibus te certò eruet, de quo tu minimè dubites. Non enim tibi mentietur sancta Trinitas, quæ in Baptismo tibi suam gratiam promissit, obtulit, exhibuit, & obsignavit. Quare dicas Diabolo: Vade post me Sathan, nullam partem in me habes. Scio mihi affuturum Christum Salvatorem, cuius sanguine in Baptismo ablutus sum ab omnibus meis peccatis.

D. B E Z A.

De adoptione liberorum baptizatorum, secundum Bezz doctrinam usque ad adultam ætatem dubitandum.

*Vis & fructus Baptismi, non ad tempus certum referri debet, quo homo aqua baptizatur. Non enim credibile est, omnes internè baptizari spiritu, qui externè aqua aspergantur. Sed tempus docet, quando aliquis sit regeneratus nec ne: quando videlicet homo adoleuerit, & vita atque conuersatione sua demonstret, se regeneratum aut non regeneratum esse.*

D. I A C O B U S.

Non credo quenquam inter pios patres reperiri, quos Deus liberis donauit, qui suæ vxori post baptismum infantem dicturus sit: Charissima coniunx, filius recens nobis à Deo datus, nunc quidem baptizatus est: sed nescimus, nec certi sumus, eum in filium Dei adoptatum, & receptum esse in gratiam. Non credo, inquam, aliquem ex auditoribus nostris esse, qui in hac opinione versetur,

D. B E Z A.

Beza de infantum adoptione sperare, sed credere non docet.

*Ego quidem omnes bene sperare in Deo: sed non sum Propheta, ut possim predicere, hunc puerum fore virum bonum.*

D. I A C O.



D. IACOBVS.

Neque opus est. Quoniam gratiam Dei in Sacramento perceptam, amittere potest, qui Baptismum suscepit. Sed hoc quæritur: an postquam baptizatus est infans, à Deo sit adoptatus in filium Dei?

D. BEZA.

Respondeo: *Infantes Baptismo aquæ aspersos, PROBABILITER, probabiliter inquam, censerì filios Dei: sed renouari eo tempore, quo baptizantur, ut veterè homine extincto, non fiant homines, absurdum esse putamus asserere. Quoniam pueri fidem non habent, præsertim actua-* In respons. ad Thef. 7.  
*lem: sed in fide parentum baptizantur.* Ad Thef. 8.

D. IACOBVS.

Sed quæ certitudo salutis, aut consolationis in Baptismo esse potest, quando homines docentur: Nullos infantes in Baptismo renouari: & non solum reprobos, & arcana, æterno, immutabili, decreto Dei absoluto æternæ damnationi destinatos, neque antè vel post, aut in Baptismo, hoc est, nunquam renouari, si millies baptizarentur, sed etiam eos qui saluandi sunt, in Baptismo non renouari, sed adoptionem, & renouationem, seu regenerationem tantum obsignari, quæ interdum etiam in extremo agone sequatur?

D. BEZA.

Nos quibusuis adultis, qui baptizantur, totum Baptismum præberi asserimus: sed interiorem Baptismum tantum ab illis percipi affirmamus, qui veram fidem prius habent, vel aliquando consequentur. Nam efficaciam Baptismi non ad illud referimus tempus, quo homo baptizatur. Prodest tamen nihilominus baptizatis illis quidè per fidem, aut quam In respons. 6. Thef.  
Opinio D. Beza de adultis baptizatis.

# 486 Colloquium Mompelgartense

*habent præcedentem eo tempore, quo baptizantur: aut qui fidem non habent, sed suo tempore habebunt.*

D. IACOBVS.

Ego de infantibus quæro, & tu mihi de adultis respondes. Vnum Baptismum esse, & non duos, nunc aliquoties dictum & demonstratum est. Ideoque exterior non sine interiore, neque interior sine exteriori, qui fingitur, vnquam datur.

Quoniam ergo vnus est Baptismus, qui aqua & Spiritu constat: ideo etiam vnus est effectus aquæ & Spiritus. Quæ duo semper in Baptismo coniuncta sunt, quamuis non eandem rationem causæ habeant: quoniam Spiritus per aquam, & aqua virtute Spiritus sancti coniuncta regenerat, renouat, & adoptionem obsignat.

Sed nihil ad quæstionem respondetur, cum asseritis: Baptismum, non nisi per tropum Metonymiæ lauacrum regenerationis dici: quæ causa sit, quod non omnes infantes baptizati regenerentur? Et ne quidem electi, eo tempore, quando baptizantur infantes:

Baptismus aquæ,  
Metonymicè lauacrum  
regenerationis est, secundum  
Hebræos.

D. IACOBVS.

*Quoniam non omnes sunt electi, quod a adolescentia demonstrat. Nam soli electi regenerantur, reliqui iusto Dei iudicio relictæ sunt in peccatis & miseria, in qua concepti & nati sunt: quos Deus reprobauit, ut suam in illis iniustitiam demonstraret, neque sicut saluandos ad vitam elegit. De quo cum ante adultam ætatem iudicari non possit: ideo bene sperandum de pueris dicimus, donec res ipsa demonstraret, quod sint electi.*

D. IACOBVS.

Iudicent auditores omnes, an non hoc sit Sacramento Baptismi omnem vim suam derogare, & Christianos parentes in perpetua dubitatione, de adoptione liberorum suorum in filios Dei, retinere, adeoque ipsos vnâ cum liberis consolatione

tionem omni priuare, quam in Baptismo repositam habent: & hoc modo omnia in dubio relinquere, ut nemo certo credere possit, aut debeat, se per Baptismum in filium Dei adoptatum esse: sed PROBABILITER tantum sperare, aliquando regenerationem secuturam, quæ in infantibus baptizatis fieri non possit, quod actuali fide careant.

D. B E Z A.

*Vis Baptismi potest sese demum in ultimo agone exercere: sicut exemplum latronis docet, quem baptizatum fuisse, non est verisimile. In illo tamen momento, quo Christus cum alloquitur, conuersus & saluatus fuit.*

D. I A C O B U S.

Neque nos vim regenerandi respectu Dei ita aquæ Baptismi alligatam esse dicimus, ut Spiritus sanctus sine aqua regenerare non possit: sed nos homines ad Baptismum aquæ, ita alligatos esse docemus, ut sine eo nobis salutem & vitam polliceri non possimus, si nobis Baptismus contingere possit: secundum illud Augustini pie dictum: Contemptores Sacramentorum priuantur gratia Sacramentorum. Nunquam autem probari potest, aliquid à Deo in Baptismo obsignari, quod non fit.

D. B E Z A.

*Suo tempore fiet, quod obsignatur per Baptismum. Nam sicut semen in terram proiectum non statim germinat, sed latet in terra aliquandiu absconditum: Sic quoque semen Spiritus Baptismi interioris tam diu absconditum manet, donec suo tempore aperiatur, qui sint verè regenerati, & in quibus secuturus sit fructus, & certissima indicia facta regenerationis, in quibus verè non sequantur.*

D. I A C O.

D. I A C O B V S.

Cum autem toties dixeris, quod etiam nunc aliquoties confessus es, quamplurimos baptizari, qui nunquam regenerentur, quoniam æterno & occulto, sed iusto Dei decreto ad æternam damnationem sint creati & destinati, quos Deus non velit regenerari: quomodo in illis adoptio obsignari potest per Baptismum aquæ, quæ in æternum non sequitur? An verò hæc non est non solum Baptismi, sed etiam nominis Dei manifesta prophanatio?

D. B E Z A.

*Beneficium adoptionis omnibus offertur: sed quòd non ab omnibus percipitur, Deus in culpa non est.*

D. I A C O B V S.

Aliud est adoptionis oblatio, quæ non percipitur, & aliud eius perceptæ obsignatio. Nisi enim percipiat, obsignatio locum habere non potest. Item, quomodo aut cur reprobis offertur, cum Deus non velit, ut ab ijs percipiat?

D. B E Z A.

*Non Dei sed ipsorum propria culpa fit, quòd non percipiat.*

D. I A C O B V S.

Duo vos statuitis, quæ Scripturæ sacræ testimonijs nunquam demonstrari possunt. Alterum, quod dicitis: Quoniam Deus non omnes ad vitam æternam elegerit, ideo multa millia infantum baptizari, qui non regenerentur, aut renouentur, neque in filios Dei adoptentur: quos Deus constituerit relinquere in ipsorum miseria ad declarandam iustitiam suam: de quo plura in sequenti articulo de Prædestinatione. Alterum verò est, quod infantes eo tempore, quo baptizentur, non renascantur & renouentur, etiam qui ad vi-  
tam

tam æternam electi sunt per Baptismum, quia careant propria fide. Neque quenquam certum esse posse, liberos suos etiam baptizatos, in filios Dei adoptatos esse: sed bene de illis duntaxat sperandum, & probabiliter censendum esse, eos adoptionis fructu donari. Quod nos aperte damnavimus, & cum Scriptura sacra manifestè pugnare demonstravimus.

Iudicium sit penes auditores, qui utriusque partis argumenta, rationes, & ex sacris literis producta testimonia audierunt: ex quibus facile cognoscere, & iudicare possunt, utri parti adhærere debeant.

D. B E Z A.

*Nos doctrina nostra fundamenta, rationes, & argumenta de utroq; capite in Thesibus nostris posuimus, quas etiam auditorum iudicio, & omnium piorum commendamus.*

## XXVIII. MARTII, ante Meridiem.

D. I A C O B V S.



**P**OSTQUAM heri de Baptismo actum est, ex Thesibus nostris scripto comprehensis & vobis exhibitis: non video quid amplius à nobis dici possit. Idem enim habent Theses reliquæ, quod in prioribus tractatum est.

Vnum autem colophonis loco addere visum est. Placuit enim querere: cum Heydelbergenſes Theologi apertè scribant: Baptismum aquæ sine fide ocioſam & inutilem cærimoniam esse: vos autem in responsione vestra apertè asseratis, infantes fide carere: & eos tamen nihilominus baptizandos esse censeatis: quis fructus sit eius Baptismi, aut esse possit, quem infantes sine propria (secundum vestram opinionem)

An Baptismus infantibus sine propria fide prodeſſe possit.



nem) fide percipiunt? Si enim infantes non credunt: quid illis Baptismus prodesse potest? Ociosa igitur ceremonia erit.

D. B E Z A.

Cur infantes baptizati, secundum Be-  
zam, fide careant.

Rom. 10.

Si adessent Domini fratres Heidelbergenses, commodius respondere possent ad ea, quae ipsi prius scripserunt. Quilibet enim optimus suorum verborum interpret est. Dicimus tamen, si de fide loquamur quae actu est, nos non videre, quomodo infantes fidem habere queant, cum verbum Dei neque audiant, neque intelligant: Paulus autem aperte testetur: quod fides sit ex auditu verbi Dei. Nam fides actualis praesupponit notitiam rei, quae creditur. Haec autem infunditur, aut modo extraordinario, cuius testimonium in sacra Scriptura non habemus: aut ordinario, qui sit per externum auditum verbi Dei, Rom. 10. Semper ergo haec duo causa coniuncta sunt, efficiens principalis, & instrumentalis, quando fides donatur aut infunditur homini, videlicet, Spiritus sanctus, & auditus verbi Dei. Eiusmodi fidem nos infantibus tribuere non possumus, si de actuali fide intelligatur. Sin verò demus, infantes semen seu radicem fidei habere: fides tamen non est actualis, de qua Paulus loquitur: fides ex auditu.

Quomodo infan-  
tibus sine propria fide  
baptizatis Baptis-  
mus profit.

Et si igitur infantes Christianorum fide carent: non tamen propterea Baptismus illis inutilis, aut ociosa ceremonia est. Potest .n. fieri, ut tempore administrati Baptismi, aliquis non credat, postea tamen incipit ei prodesse Baptismus, cum incipit credere: quae fides Baptismum reddit efficacem, quo obsignantur solum electi. Sicut etiam fieri potest, ut aliquis audiat verbum Dei, cui tamen longè post credat, ut non opus sit noua predicatione, sed per Spiritum sanctum prior Pradicatio facta in corde resuscitetur, & ex auditu verbi  
olim

olim auditi fides nascatur. Ad hac infantes Christianorum nascuntur in Ecclesia, & sic in fœdere sunt comprehensi, secundum illud: Ero Deus tuus, & seminis tui. Quapropter illos baptizamus: Turcarum autem liberos non baptizamus, nisi ad interrogata respondere possint, & se credere profiteantur. Quemadmodum de Philippo legimus, qui Eunuchum baptizaturus, prius quaerit, an credat? Cum enim Eunuchus diceret: Ecce aqua, & quid prohibet me baptizari? dixit ei Philippus: Si credis ex toto corde tuo. Qui respondens ait: Credo filium Dei esse Iesum Christum. Et baptizavit eum. In infantibus autem in Ecclesia Dei baptizandis fidem Ecclesia prae-supponimus, in qua baptizantur, non autem propriam fidem, quam propter defectum actualis intellectus habere non possunt, qua per solum auditum verbi Dei datur.

Sic ergo in Baptismo infantis in Ecclesia, cum fide parentum concurrat fides Ecclesiae. Ex quo putamus, & probabiliter censemus, omnes ad Ecclesiam & ad numerum filiorum Dei pertinere, qui in illo fœdere nascuntur. In quo etiam ipsi infantes comprehensi sunt, reservato tamen semper occulto Dei decreto de electis, quos Deus constituit ab aeterno saluos facere.

In Respons. de Baptismo ad a. & 10. Thefin.

## D. I A C O B U S.

Si rectè percepi sententiam tuam, differuit tua dignitas de duplici ratione fidei, quarum altera cum intelligentia coniuncta sit, altera verò instar seminis à vobis censeatur. Item, de ordinario & extraordinario modo, quo fides à Spiritu sancto infundatur. Quam distinctionem nos concedere non possumus.

Fides infantibus non extraordinario modo in Baptismo datur.

Cum enim in Baptismo fides datur & infunditur: hoc non extraordinario, sed ordinario modo fit. Et fieri id posse, ut

## 492 *Colloquium Mompelgartense*

infantibus quoque detur, & spiritus sanctus in illis eam operetur, exemplo Iohannis Baptiste contra Anabaptistas hactenus constanter asseruimus, & aperto verbo Dei probauimus, de quo scriptum est, quod ad vocem salutationis D. virginis Mariæ, Elisabethæ factam, infans cum gaudio in utero eius exultarit.

Exultatio Ioannis  
Baptistæ extraordi-  
naria in utero Eliza-  
bethæ.

Quod igitur ad hoc exemplum attinet, quamuis hoc fuerit extraordinarium, quod cum gaudio ad vocem Mariæ in utero matris exultauit: tamen hoc extraordinarium non est, quod Deus fidem in infantibus baptizatis operatur.

Et i enim non omnes infantes baptizati ad eundem modum insolito more exultent, in utero matrum: tamen Deus in illis fidem operatur, qua propter Christum placent, & filij Dei adoptiui non probabiliter censentur, sed certo pronunciantur, alias Baptismus cæremonia ociosa esset, qua aliquid obsignaretur, quod non esset.

Christianorum libe-  
ri quomodo in fœ-  
dere sint.

Licet ergo Christianorum liberi in Ecclesia nascantur, non tamen propterea in fœdere censentur, nisi etiam quæ fœdus requirit, & in eo comprehenduntur, fecerint, aut in ipsis fiant.

Carnalis natiuitas  
ex pijs parentibus  
nihil facit ad ado-  
ptionem filiorum  
Dei.

Matth. 3.  
Ioan. 3. 3.

Quoniam carnalis natiuitas ex pijs parentibus nihil facit ad consecutionem regni cœlorum. Sicut scriptum est: Ne velitis dicere intra vos, patrem habemus Abraham. Dico enim vobis, potens est Deus de lapidibus istis suscitare filios Abraham. Item: Quicquid ex carne natum est, caro est.

Nisi ergo ex aqua & Spiritu (quod fit in Baptismo) regenerentur & renascantur liberi: ex pijs & Christianis parentibus nati, non possunt videre regnum Dei.

Liberi Israelitarum  
absq; circumcisione  
in fœdere non cen-  
sebantur.

Sicut enim in veteri Testamento, ex pijs parentibus nascebantur liberi: in fœdere autem non censebantur, nisi etiam in ipsis perficerentur, quæ in fœdere continebantur, videlicet, vt octaua die caro præputij præcideretur. Masculus enim, inquit Moses, cuius caro præputij circumcisa non fuerit, delebitur anima illa de populo suo, quia pactum meum irritum fecit,

Ita

Ita non probabili ratione, sed certissima quoque & indubitata consequentia sequitur & colligitur, in nouo Testamento infantes etiam ex pijs & Christianis parentibus natos, in fœdere non censerî, nisi etiam baptizati fuerint: secundum illud Christi, Ioan. 3. Nisi quis renatus fuerit ex aqua & Spiritu, non potest videre regnum Dei. Quibus Baptismus nihil prodesset, si non crederent: secundum verbum Christi: Qui verò non crediderit, condemnabitur. Et non dicit: Qui baptizatus fuerit, etiam si non crediderit, saluus erit.

Infantes non credentes non saluantur.  
Marc. 16.

Quòd autem T. D. ex sententia vestra semen fidei appellat, quod tamen non sit fides: Christus longè aliter loquitur, qui apertè fidem appellat, cum inquit: Qui vnum ex minimis illorum offendit, QVI IN ME CREDVNT, credunt, inquit Christus. Cui testimonio Christi de pueris, meritò plus fidei adhibetur, quàm ipsi adultis, qui fatentur ore, se credere, cum mentiri & fallere possint. Christus autem neque mentitur neque fallit. Etsi igitur nos non videmus, quomodo credant, qui beneficio actualis intellectus carent: non tamen Christus & Spiritus sanctus propterea mendacij arguendi sunt, qui apertè testantur, pueros illos credere. Erant enim circumcisi pueri, ex quibus vnum Christus discipulis suis humilitatis exemplum proponit, qui non modo in Ecclesia nati fuerant, sed etiam signum fœderis acceperant. In quo à Deo in gratiam recepti, fide & gratia Spiritus sancti donabantur.

Pueri Christianorum baptizati credunt.

Qualem puerum Christus discipulis suis proposuerit.

Neque est, vt in illis præ alijs infantibus rationis seu intellectus beneficium prædices. Tam enim in rebus spirituales nihil intelligunt pueri illi quatuor aut quinque annorum, aut etiam plurium, quàm infans in cunis iacens. Neque ratio aut intellectus humanus iuuat nos in fide consequenda: quin adulti eum captiuum ducere iubentur, vt fidem vel acquirant, vel eam retineant, quæ Spiritus sancti liberrium donum est.

Ratio & intellectus humanus non iuuat, sed impediunt fidem.

2. Cor. 10.

2. Thess. 3.

Philip. 1.

Quapropter vt concludam: Si infantes Christianorum fide carent, & nihilominus baptizandi sunt: non video, quomodo

# 494 Colloquium Mompelgartense

modo conciliari possit, quòd illorum Baptismus non sit ociosus & inutilis cæremonia, cum sine fide Baptismus nihil proficiat.

D. B E Z A.

*Non video quomodo sequatur: Ioannes Baptista in utero matris habuit fidem. Ergo omnes infantes baptizati quoque habent fidem. Argumentum enim est à particulari ad vniuersale: quod non concludit. Nam à posse ad esse, non valet argumentum. Præterea non puto fuisse pueros quatuor aut quinque annorum, de quibus Christus loquitur, quòd credant.*

D. I A C O B V S.

Et si exemplum Ioannis hoc nomine est singulare, quòd actuali intellectu fidei in utero matris exultat: in hoc tamen non est singulare, quòd fide in infantia donatus est.

Fundamentum doctrinæ de fide infantum baptizatorum.

Matth. 18.  
Luc. 18.

Et sane ab exemplo Ioannis Baptistæ ad infantes omnium Christianorum, non liceret argumentari, tanquam à particulari, seu potius singulari, ad vniuersale, nisi Christi verbum extaret, qui eos credere affirmat. Et Lucas expressè testatur: quòd ad Christum allati sint, non pueri duntaxat (παιδία) quatuor, quinque aut plurium annorum, sed τὰ βρέφη, hoc est, ab vberibus matrum pendentes, quibus Christus benedixit, & talium regnum cælorum esse pronunciauit.

2. Thess. 3.  
Hebr. 11.  
Philip. 1.

Cum igitur fides sit opus Dei Spiritus sancti, sine qua nemo Deo placere potest: tam facile est Deo, imò facilius est in illis fidem operari, in quibus caro non ita sicut in adultis repugnat, quàm in ipsis adultis, ubi caro (id est, intellectus & ratio, quæ sunt in homine potentia animæ excellentissimæ) semper repugnat:

Nam ratio impedit magis, quàm promouet aut confirmat fidem in nobis. Ideoque etiam vsque ad extremum vitæ spiritum contra eam, tanquam truculentissimum hostem salutis nostræ æternæ, pugnandum est.

D. B E Z A.



D. B E Z A.

*De adultis intelligenda sunt verba Christi de fide, qua datur per auditum verbi, ad quem usus rationis & intellectus actualis requiritur. Si enim verbum Dei audiat, & non intelligatur: nihil prodesset, neque fides conciperetur. Qua cum destituantur infantes: asserere non possumus eos credere.*

*Quos tamen nihilominus baptizamus, quòd aliquando credituri sint, etiamsi nunc, quando Baptismum accipiunt, non credant, sed fide destituantur, & in fide parentum atq; Ecclesia baptizentur, quòd in fœdere censeantur, quia in Ecclesia nati sunt. Aliàs omnes infantes damnati essent, <sup>Ios 5.</sup> qui tempore Moysis in deserto, non circumcisi mortui sunt.*

D. I A C O B V S.

Christum non de adultis, sed de pueris loqui, Marcus & Lucas apertè testantur. Quos etiam apertis verbis dicit CREDERE: Ideoque minime offendendos esse. Neq; curandum est, quomodo illi audiant verbum Dei, & quomodo fides eis infundatur, cum baptizantur: sufficit Christum hoc testari.

Deinde quòd ad infantes non circumcisos attinet, non ex ratione humana, sed ex verbo Domini iudicandum est. Verbum Domini sic sonat: Masculus, cuius præputij caro circumcisa non fuerit, delebitur anima illa de populo suo, **QVIA PACTVM DOMINI IRRITVM FECIT.** Quapropter grauitè peccarunt parentes in deserto, sicut in alijs etiam quamplurimis, quòd contra tam expressum Dei mandatum suos infantes octauo die circumcidi non curauerint, & hac ratione eos in discrimen & summum periculum æternæ salutis & vitæ amittendæ adduxerint.

De infantibus ex verbo Domini iudicandum.

Gen. 17.

Israelitarum peccatum in neglecta circumcissione filiorum in deserto.

Quia verò sæpenumero festinanter & inopinatò castra mouenda fuerant: & liberi in discrimen vitæ videban-

IUR

# 496 Colloquium Mompelgartense

tur non adducendi esse : Dominus ipse errorem hunc in eis correxit , dum etiam incircumcisos mirabiliter conseruaret , ne in deserto absque circumcissione morerentur , sed anteingressum in terram promissam circumciderentur , quod iubente Domino sub Iosue factum legimus.

Ios. 5.

Masculi ante octauum diem incircumcisi mortui an saluati.

Sic minimè dubium est , ante octauum diem quamplurimos infantes masculos mortuos esse incircumcisos : quibus tamen ad damnationem imputatum non est , quoniam diem non attigerant à Deo definitam : quo nomine parentes cum liberis incircumcisis coram Deo & hominibus excusati fuerunt. Quoniam foedus Domini neque transgressi sunt , neque irritum fecerunt. Idem est iudicandum de infantibus Christianorum , vbi nulla culpa parentum , & nullus contemptus Sacramenti accedit.

D. B E Z A.

*Iudicas autem ex verbo Dei, omnes illos perijisse, qui incircumcisi in deserto mortui sunt? Quia scriptum est: Delebitur anima eius de populo suo?*

D. I A C O B V S.

Excusatio omisse circumcissionis in deserto.

Si ex verbo Dei iudicandum est , certè aliter iudicari non potest , maximè si negligentia & cōtemptus mandati Dei accessisset . Sed per frequentes & inopinatas peregrinationes excusari aliquo modo possunt à negligentia & contemptu Sacramenti. Vnde etiam mirabiliter conseruati sunt , ne sine circumcissione morerentur , & in æternum perirent. Et verisimile est , cum præter Iosua & Caleb omnes in deserto mortui sint , qui in virili ætate ex Ægypto egressi sunt , liberi autem eorum tanto & tam admirando numero creuerint : paucissimos in deserto mortuos fuisse.

D. B E Z A.

*Si iudicas omnes infantes in deserto incircumcisos , in æter-*

*in aeternum perijſſe: Moſen & Aaronem accuſas negligē-  
tia, quod populum de peccato illo non monuerint, ut maſcu-  
los recens natos infantes, conſtituto tempore circumcidi non  
curauerint: quod non legimus ab illis factum eſſe. Ego verò  
ſic iudico, quod Deus propter negligētiā parentum in-  
fantes incircumciſos non abiecerit. Sic quoque negligētia  
parentum nihil officiit ſaluti infantium Chriſtianorum,  
quando non baptizati ex hac vita decedunt.*

## D. IACOBVS.

Multa tulit contra ſuam voluntatem Moſes, in populo Iudaico, populo durę ceruicis, quę mutare non potuit. Moſes in Iſraelitis multa tulit, quę mutare non potuit. Quapropter non modò veriſimile: ſed ſine dubio quoque factum eſt, quod Iſraelitas ſui officiij hac in parte etiam commoneſcerint Moſes & Aaron: ſed pro ingenio ſuo illis populus non obtemperauit, in quos Dominus duriter ſæpe animaduertit.

## D. BEZA.

*Sic ergo ſimpliciter neceſſariam facies circumciſionem, quia ſcriptum ſit: cuius præputij caro præciſa non fuerit, delebitur anima eiſ de populo ſuo. Quod ego non credo, neque ſiſ ſentio. Nam circumciſio differebatur uſque ad octauum diem, & interim miſellus puer moriebatur: num propterea deletus eſſet de populo ſuo? Si autem poteſt circumcidi, et non uſi ſunt, ſed contempſerunt: tales perijſſe ego quoque affirmo. Idem de Baptiſmo, & infantibus non baptizatis iudicandum cenſeo.* An circumciſio ſimpliciter ad ſalutem neceſſaria fuerit.

## D. IACOBVS.

Quando infans ante octauum diem circumciſioni deſtinatus moritur, & parentes & liberi excuſati ſunt coram  
Rrr Deo

## 498 Colloquium Mompelgartense

Deo & hominibus: & quid de illis infantibus velit statuere, illius voluntati relinquitur, de qua nos ex verbo iudicamus. Quoniam foedus Domini infans irritum non fecit: Ideo etiam illi non imputari censemus.

Baptismus infantium non extrahendus.

Ioan 3.

Psal. 51.  
Ephes. 2.

De Baptismo autem cum nullum certum tempus à Deo præscriptum sit, quo infantes Christianorum baptizandi sint: & Christus discipulos suos gravissimè corripuerit, qui prohibuerunt INFANTES & pueros ad illum adduci, quos tam humaniter ad se inuitavit, dicens: Sinite paruulos ad me venire, quoniam talium est regnum cœlorum: ideo omnibus parentibus summo studio in eam curam est incumbendum, ut nulla interposita longiore mora, recens nati infantes baptizentur, & per Baptismum in foedus recipiantur, quod Christus de æterna vita nobiscum pepigit. Secundum illud Christi: Nisi quis natus fuerit ex aqua & Spiritu, non poterit ingredi in regnum Dei. Quod beneficium non minus infantibus quàm adultis necessarium est, siquidem in peccatis concepti & nati, & natura filij iræ sunt. Et nisi propter Christum in gratiam recipiantur, nulla spes vitæ æternæ consequendæ illis relicta est in natiuitate carnali, quod in Ecclesia nati sunt. Nam quicquid ex carne natum est, caro est, hoc est, æterna damnatione dignum est.

Baptismus infantibus quomodo necessarius.

Mar. 16.

Ioan. 5.

Quapropter Baptismum infantibus ita necessarium iudicamus, ut solum necessitatem inevitabilem excusare censeamus, negligentiam autem et contemptum minimè veniam mereri statuamus. Qui salutem ita Baptismo alligamus, sicut verba sonant: Qui crediderit & baptizatus fuerit, saluus erit. Item: Nisi quis natus fuerit ex aqua & Spiritu, non potest ingredi in regnum cœlorum.

D. BEZA.

An infantes non baptizati, sint in foedere Dei.

*Si igitur nõ absoluta necessitate Baptismus necessarius est infantibus, aliàs quamplurimi non baptizati damnati essent, quos salvatos esse, piè credimus: Ergo hinc manifestum est, infantes*

*fantes in fœdere esse, priusquam baptizentur, aut etiam si non baptizarentur, sed sine Baptismo decederent.*

D. I A C O B V S.

Pij parentes & honestæ matronæ in tali casu necessitatis infantes constitutos, pijs suis precibus Deo commendant: quas exaudiri minimè dubium est. Secundum illud ipsius verum dictum: Perite & accipietis, pulsate & aperietur vobis. Infantes in summo articulo necessitatis sine Baptismo morientes, quomodo Deo commendandi.

Neque Deus ita alligatus aquæ est, ut sine ea gratiam operari inuocatus non possit, aut non velit.

Ne autem recens nati infantes summè infirmi in hoc periculum incidant: etiam mulieribus permissum est, ut in tali casu necessitatis baptizent.

Ποιῖ τὸ Γνωσ-  
κοβαπτιζμα-  
τῶ.

D. B E Z A.

*Baptizare pars est Ministerij Ecclesiastici: quod viris, non mulieribus commendatum est, & commendari debet. Sicut enim mulieri non permittitur in Ecclesia loqui, ita etiam non licet ei baptizare. Mulier, inquit Paulus, in silentio discat cum omni subiectione. Docere autem mulieri non permitto. Item, Mulieres in Ecclesijs taceant.*

An mulieribus com-  
missum sit, in casu  
necessitatis baptiza-  
re infantes.

1. Tim. 2.

1. Cor. 14.

D. I A C O B V S.

Verum est, quod baptizare sit pars Ministerij Ecclesiastici: quod ordinariè viris, & non mulieribus commendatum est, & commendari debet. Inde verò non sequitur, quod in casu necessitatis non liceat mulieribus baptizare. Baptismus à mulieribus administratus non damnandus.

Sicut enim in casu necessitatis, cum homo in extremo agone mortis versatur, iam iam spiritum extremum exhalaturus, absentibus vel Ecclesiæ Ministris, vel alijs viris extra hoc Ministerium constitutis, loqui, hoc est moriturum hominem prædicatione verbi Dei, & promissionum diuinorum consolari, & à peccatis absolueret (quid enim prædicatio

Mulier absenti-  
bus Ecclesiæ Minis-  
tris licet prædicare &  
absolvere.



## 500 Colloquium Mompelgartense

Prædicatio Euangelij, est absolutio à peccatis.

Euangelij, & annunciatio promissionum gratiæ Dei in Christo exhibitæ, aliud est quam absolutio à peccatis? ) piæ mulieri licet, in hunc modum: Confide (frater vel soror in agone) peccata tua sunt tibi remissa propter Christum, qui tibi hoc in verbo Euangelij promisit, quod Baptismo obsignauit, qui corpus & sanguinem suum, & Spiritum sanctum in Baptismo pignoris loco tibi dedit: Ita quoque in casu necessitatis absentibus Ecclesiarum Ministris, & viris omnibus, baptizare mulieribus licet. Vtrum enim maius est: Verbum & prædicatio verbi, an verò Sacramentum Baptismi, & eius administratio?

D. B E Z A.

Prædicatio verbi administratione Sacramenti maior.

*Verbum Dei.*

D. I A C O B V S.

Quomodo & vbi mulieribus prohibetur sit prædicare: Euangelium.

Si ergo licet quod maius est, mulieribus in casu necessitatis: licebit etiam quod minus est. Quod ad dicta Pauli attinet allata; nihil contra nos pugnant. Nam Paulus non simpliciter prohibet, ne mulieres doceant: alias domi liberos & familiam instituere quoque prohiberentur, quod sit salutari doctrina Euangelij, quam interdum mulieres melius norunt & intelligunt, quàm viri & mariti, seu domini, & patres familias. Ideo non simpliciter dicit: Mulier non doceat: sed addit, IN ECCLESIA, hoc est, in cœtu publico, qui viris & mulieribus constat: vbi dedecus esset, viros à mulieribus doceri & institui. Sed ipsarum officium est discere in silentio à viris. Alia autem ratio est in casu necessitatis, vbi nullus vir, nullus Ecclesiæ ordinarius Minister præsens est: ibi locum habet, quod alibi Paulus scribit: In Christo neque mas neque foemina est.

Mulier in Ecclesia non doceat.

Gal. 3.

D. B E Z A.

An mulieribus Cœnam Domini administrare liceat.

*Quæro igitur, si mulieribus in casu necessitatis baptizare licet: an etiam Cœnam Dominicam mulieribus administrare liceat?*

*liceat? Cùm Sacramentorum & administrationis eorundem eadem sit ratio. Si igitur unum licet mulieribus, licebit etiam alterum.*

D. I A C O B V S.

Respondeo, magnam dissimilitudinem esse inter administrationem Cœnæ Domini, & inter Baptismum in casu necessitatis. Infans enim recens natus nunquam adhuc baptizatus est, quem mulier in casu necessitatis extremo baptizat. Sed in agone constitutus Christianus; qui adultus est, prius sæpe Cœnam Domini in cœtu Ecclesiastico publico percepit. Eius si commonefiat per mulierem consolantem voce Evangelij, nihil periculi est, quod ad æternam salutem attinet, si maxime moriatur, & Cœnam Domini non accipiat. Baptismi autem longè alia ratio est, de quo Christi verba extant: Nisi quis natus fuerit ex aqua & Spiritu, non potest ingredi & videre regnum Dei.

Discrimen necessitatis in administratione Baptismi, & Cœnæ Domini.

Ioan. 3.

D. B E Z A.


*In absentia Ministrorum Ecclesiæ, viris talia conueniunt, non mulieribus, quæ à Ministerio Ecclesiæ prorsus exclusæ sunt.*

D. I A C O B V S.

Ordinatio Ecclesiastica Vvirmbergensis, de Baptismo per mulieres administrando, expresse continet, ne obstetrix aut alia mulier, nisi in summo, & extremo periculo & necessitate infantem baptizent. Sed si Minister Ecclesiæ haberi nequeat, honestus vir aduocetur, qui munus hoc baptizandi obeat. Eorum autem si copia quoque haberi non potest, nullo iure nulloque Dei expresso verbo ab hoc Ministerio Ecclesiastico mulieres arceri possunt aut debent, nisi eas quoque à munere docendi Euangelium, & consolandi ægrotantes & cum morte conflictantes, in absentia virorum arcere & repellere velimus. De quo iudicium penes auditores esto.

Ordinatio Ecclesiastica Vvirmbergensis, de Baptismo per mulieres administrando.

502 *Colloquium Mompelgartenſe*  
**DE PRÆDE-**  
**STINATIONE.**

 **U**IA Theodorus Beza cum ſuis fratribus reſponſiones ſuas ad Theſes Theologorum Vvittenbergenſium, de Prædeſtinatione, ſicut & de Baptiſmo, & Templorum Reformatione nondum conſcripſerat, & ex voluntate Illuſtriſſ. Principis, Comitis Friderici, etiam de hoc Articulo colloquendum eſſet: iuſſus eſt D. D. Lucas Oſiander Vvittenbergenſium Theſes publicè recitare, quæ ſequuntur. Diligenter autem rogauit D. Beza Illuſtriſſimum Principem, Comitem Fridericum, per Gallos primarios colloquij auditores, cum D. Iacobo Andreæ ageret, vt breuitati ſtuderet, & à prolixitate ſermonis abſtineret, quæ in collatione de præcedentib. articulis vſus eſſet: quod ſe facturum D. Iacobus promiſit.

**THEOLOGORVM VUIR-**  
*tenbergenſium Theſes de Præ-*  
*deſtinatione.*

*Extra controuerſiam quæ ſequuntur,*  
*poſita ſunt.*

I.

**Q**uod Deus ab æterno, non modò lapſum primorum parentum noſtrorum, ſed omnium quoque hominum præuiderit.

Quod

II.

Quòd saluandos non modò præsciuerit, sed etiam ab æterno elegerit, & ad vitam æternam prædestinauerit.

III.

Quòd electio facta sit in Christo, priusquam mundi fundamenta posita sunt: hoc est, vt per Christum saluarentur.

IIII.

Quòd saluandorum apud Deum certus sit numerus.

V.

Quæritur autem, an Deus electos suos ita ad vitam æternam prædestinauerit, vt quosdam, adeoque maximam partem hominum, priusquam nascerentur, æterno exitio, absoluto & occulto decreto facto, ad æternam condemnationem destinauerit, vt nolit eos poenitentiam agere, conuerteri, & saluari: Status controuersia.

VI.

Credimus nos & confitemur, quòd ex Scriptura occultum Dei decretum demonstrari non possit, quòd absq; omni indignitatis respectu, mero voluntatis suæ placito quencquam, multò minùs maximam partem humani generis ad æternam damnationem destinauerit, vt nolit eos poenitentiam agere, conuerteri, & saluari.

VII.

FVNDAMENTA assertionis nostræ hæc sunt:

Quæcunque scripta sunt, ad nostram doctrinam scripta Rom. 15.  
sunt, vt per patientiam & CONSOLATIONEM  
Scripturarum S P E M habeamus.

Deus vult omnes homines saluos fieri, & ad agnitionem 1. Tim. 2.  
veritatis peruenire.

Viuo ego, nolo mortem peccatoris, sed vt conuertatur Ezech. 18.  
& viuat.

Sic

## 504 *Colloquium Mompelgartense*

- Luc. 24.** Sic scriptum est, & sic oportuit Christum pati, & resurgere à mortuis tertia die, & prædicari in nomine eius pœnitentiam & remissionem peccatorum **IN OMNES GENTES.**
- Ioan. 3.** Sic Deus dilexit **MUNDUM**, vt vnigenitum Filium suum daret, vt **OMNIS**, qui credit in eum, non pereat, sed habeat vitam æternam.
- 1. Ioan. 2.** Ipse est propitiario, non pro nostris tantum, sed pro totius **MUNDI** peccatis.
- Marth. 11.** Venire ad me **OMNES**, qui laboratis & onerati estis, & ego reficiam vos.
- Rom. 11.** Deus omnia sub incredulitate cõclusit, vt **OMNIUM** misereatur.
- 2. Petr. 3.** Non vult Dominus **ALIQVOS** perire, sed **OMNES** ad pœnitentiam reuerti.
- Neque ex lege, neque ratione humana, sed ex solo Evangelio de Prædestinatione electorum iudicandum est.

**REIICIMVS TANQVAM**  
*verbo Dei minimè consentanea, & quæ*  
*omnem consolationem pijs menti-*  
*bus adimunt, cùm do-*  
*cetur*

I.

**R**e probationem esse sapientissimum Dei propositum, quo ante omnem æternitatem (vt ipsi loquuntur) constanter absque omni iniustitia decreuerit, **FORVM NON MISERERI**, quos non dilexit, sed præterit, quò iusta eorum condemnatione iram suam erga peccata, & gloriam declararet.

Causam



II.

Causam efficientem reprobationis esse propositum Dei, quo placuerit Deo quosdam creare, & IN EVM VSVM SVSCITARE, vt iram & potentiam suam ostenderet, vt in ipsis quoque glorificetur.

III.

Deum reprobos nondum NATOS nullo indignitatis respectu exirio destinasse, & quosdam ad iustum iudicium à DEO CONDITOS esse.

IIII.

Adamum sponte quidem, sed tamen non modo præsciente, sed etiam IVSTE ORDINANTE & decernente Deo, in istas calamitates prolapsus esse.

V.

Decreti Reprobationis & electionis causam esse, tum æternam benignitatem in IIS, QVOS LIBVIT ad salutem prædestinantis: tum æternum mali odium, ad IVSTAM DAMNATIONEM QVOS IPSI LIBVIT ORDINANTIS: Cur HOS autem potius, quàm ILLOS saluri, vel damnationi DESTINET, causam προκαταρκτηλω NVLLAM esse ALIAM, QVAM IPSIVS VOLVNTATEM.

VI.

Cunctos mortales cùm Scriptura sacra clamet, in vni-  
us hominis persona morti æternæ mancipatos esse, HOC NON NATVRÆ adscribi posse, sed ab ADMIRABILI DEI CONSIDIO PROPECTVM esse.

VII.

Quòd lapsus Adæ tot gentes vnà cum liberis, tot infantibus æternæ morti inuoluerit absque remedio, non aliam causam esse, quàm QVOD DEO ITA VISVM fuerit.

VIII.

Deum ideo præsciuisse, quem exitum esset habiturus homo, antequam ipsum conderet, **QVIA DECRETO SVO SIC ORDINAVERIT.**

IX.

Adamum non poruisse, nisi ex DEI decreto & ordinatione labi.

X.

**OPORTVISSE** hominem puritate & integritate sua excidere.

XI.

Quod Deus nolit Reprobationi destinatos **SERVARI, AUT ILLIS MORTEM FILII PRODESSE.**

*Iacobus Andrea D.*

*Lucas Osiander D.*

His nunc subiungere visum fuit Responsiones D. Bezae & fratrum eius, quamvis finita demum collatione exhibitas: ut, quod in præcedentibus articulis factum est, hic etiam ordinis causa observetur.

*AD*

AD THESES DE  
Prædestinatione.

Ad primam.

**G**eneraliter affirmamus,  
neg. inuito, neque igno-  
rante, neque otiosè præsciente  
Deo lapsos esse primos paren-  
tes, aut quicquam in mundo  
euenisse, euenire, aut unquā  
euenturū fuisse, à cuius<sup>a</sup> vo-  
luntate ne passeretuli quidem  
exipiuntur, Matth. 10. 39.

Ad II.

Assentimur, modò<sup>b</sup> eligen-  
gendi vox pro Prædestinatio-  
ne, siue electionis, suo tempore  
secutura, decreto sumatur: &  
cū is qui eligit, non omnia  
accipiat, necessariò consequi  
dicimus, reliquos eodem de-  
creto præteriri.

Ad III.

Assentimur.

Ad IIII.

Assentimur, & eadem ra-  
tione certum esse numerum  
apud Deum eorum, qui iuste  
damnationi sunt destinati,  
affirmamus,

## ANNOTATIONES

D. Iacobi Andrea.

a) Quod primi parentes nostri  
volente Deo peccauerunt, hoc est,  
quod Deus voluerit, ut transgre-  
derentur præceptum in Paradiso  
de fructu arboris scientiæ boni &  
mali à Deo traditū: hoc nusquam  
Spiritus sanctus in vniuersa Scri-  
ptura S. docet.

b) Eligendi vox vsitata Scriptura  
S. significatione à nobis in Thesi  
nostra ponitur, qua non absolu-  
tum Dei decretum intelligitur,  
sed in Christo limitatum & de-  
scriptum, Ephes. 1. Elegit nos in  
Christo Iesu, priusquam funda-  
menta mundi iacerentur. Item:  
Dilexit nos in dicto, sicut Thesis  
tertia nostra docet.

c) Non autem absoluto Dei de-  
creto, videlicet, quod Deus nolit  
eos saluari, sed propter impieta-  
tem suam, qua gratiam DEI  
aspernantur, in Christo oblatam,  
quem Deus pater ab omnibus vult  
audiri, Matth. 17.

S s s 2

Quod

## Ad V. &amp; VI.

Quod hic negatur, tam vasa<sup>d</sup> ire, quam vasa misericordiae destinata esse ab aeterno, affirmamus: non modo, quoniam<sup>e</sup> eadem est contrariorum ratio, & ut diximus, ipsa vox<sup>f</sup> electionis hoc enunciat: verum etiam quoniam id expresso Dei verbo, cum non paucis alijs locis, tum expresso ab Apostolo declaratur, & Roman. 9. 11. Hoc autem Dei decretum, tantum abest, ut quisquam possit<sup>h</sup> iniustitiae arguere, ut ne iniustus quidem futurus fuerit Deus, si nulum ad salutem praedestinasset, cum et omnes filij ira nascamur, et ipse nemini sit debitor.

<sup>d</sup>) Vasa ire non à Deo, vel absoluta eius voluntate, sed à Diabolo et propria voluntate facta et preparata sunt. Quapropter iusto ipsius Dei iudicio ad aeternam damnationem destinata sunt. Quorum damnationem nunquam voluit. Ideoque contra Dei voluntatem propria voluntate pereunt.

<sup>e</sup>) Non eadem hic est ratio. Nam interitus impiorum vnica & sola causa est, Diaboli & ipsorum mala voluntas. Salutis autem aeternae piorum, est Dei in Christo reuelata voluntas, sicut vox è caelo sonat: Hic est filius meus dilectus, in quo mihi bene complacui: HVNC AUDITE, Matth. 17. cui se fideles & electi subiiciunt.

<sup>f</sup>) Vox electionis id minimè enunciat, quia nusquam absolutum Dei decretum in Scriptura docetur, quo homines certos ad damnationem creauerit.

<sup>g</sup>) Ad Romanos 9. docet quidem Paulus, gratia & misericordia Dei saluari credentes, non autem ABSOLUTA MISERICORDIA, sed in Christo declarata & exhibita. Nihil autem de absoluta Dei iniustitia, qua maximam partem humani generis ad aeternam damnationem creauerit & ordinauerit, quos NOLIT saluari.

<sup>h</sup>) Non quidem iniustitia Deus argui posset, si hoc modo ageret: verum Scriptura sacra hoc non docet, sed contrarium omnes paginae scripturarum literarum inculcant, videlicet, quod Deus NOLIT CVIVSQVAM HOMINIS MORTEM.

bitor. Deinde dicimus, condemnationem eorum, qui in sua corruptione <sup>i</sup> ex aeterno illo Dei decreto relinquuntur, non rectè huic decreto attribui. Est enim nō euenire non potest, quod decreuit Deus, ac proinde nō absq; hoc Dei <sup>k</sup> decreto pereunt, qui pereunt: tamen huius decreti executionis, id est, damnationis eorum qui pereunt <sup>l</sup> causa non est illud Dei decretum, sed natura illorum corruptio, in qua nati sunt, & eius corruptionis fructus, à quibus Deo placet solos suos saluti prædestinatos eximere. <sup>m</sup> Maximum aut hunc semper fuisse & esse istorum pereuntium numerum res ipsa euincit: Et Dominus ipse ostendit, inquiens, <sup>n</sup> multos esse vocatos, paucos electos: Et paucos per angustā portam ingredi. Deniq; sic intelligendum est,

° Deum

seriō vocat peccatores ad penitentiam: ideo occulto decreto neminem damnat, sed eos duntaxat, qui electioni se opponunt, quæ in Christo reuelata est: Venite ad me OMNES.

<sup>i</sup>) Non ex aeterno Dei decreto, sed propter impietatem & contemptum verbi & oblata gratia in Christo relinquuntur in sua corruptione, qui damnantur, Matth. 23. Quoties volui cōgregare filios tuos, ET NOLVISTI.

<sup>k</sup>) Nusquam hoc decretum in Scriptura extat. Et hoc est opo-  
nere in calum, sic de Deo nō reuelato, ad euertendam omnem consolationem piorum, loqui.

<sup>l</sup>) Cū supra dixerint: Volente Deo primos homines peccasse: & infra ex istorum ore dicatur, oportuisse hominē labi: quomodo occultū hoc Dei decretum non esset causa executionis damnationis eorū? Si enim (ex illorum sententia) Deus non voluisset eos peccare, etiam ab hoc iudicio & eius decreto liberi essent. Quicquid enim est causa causa, idem etiam est causa causati.

<sup>m</sup>) Maximus numerus quidem est damnatorū, sed nō ex absoluto Dei decreto. Deus .n. neminē vult perire, sed omnes saluare. Cōtemptus aut oblata gratia in Christo; & verbi eius, causa interitus est; quem Deus non vult.

<sup>n</sup>) Quia Deus non simulatè, sed



\*o Deum nolle ipsos conuerti & saluari, non quasi ipsi velint, & Deus eorum desiderio resistat: sed quia ipsi quoque conuerti nolunt, & nec velle etiam possunt, in sua impænitentia iustè relictī.

## Ad VII.

Locus ex Rom. 15. ad 9 elektorū vniuersalitatem pertinet: nec enim alijs, id est, exitio destinatis, & extra Ecclesiam positīs Apostolus se accenseret.

Ad locum 1. Timoth. 2. respondemus, quod & ipse Apostoli<sup>s</sup> scopus postulat, & omnes orthodoxi Patres, præsertim Augustinus quā plūrimis locis, ex professo ostendit, omniū hominum appellatione intelligi non singulos generum sed genera singulorum. Agit enim ibi Apostolus de varijs hominum<sup>s</sup> statibus, quos Dominus ad Ecclesiam suam vocat. Et non modo per absurdum, sed & profanum fuerit existimare, si Deus

o) Horrenda hac vox est, quæ nusquam in sacra Scriptura reperitur, quod DEVS ABSOLUTA VOLUNTATE, NOLIT, vt homines conuertantur & saluentur.

p) Horrēda & abominanda hac vox est, quod ideo neque velint, neq; possint cōuerti, quia occulto Dei decreto relictī sint in sua impænitentia: quæ vniuersam doctrinam Euangelij, & vsum Sacramentorum euertit, & perturbatis conscientijs omnem consolationem adimit.

q) Vniuersalis est doctrina Pauli de vsu sacra Scriptura: omnia ad consolationem hominū peccatorum dirigit, qui veram penitentiam agunt, a qua nemo excluditur, sed OMNES HOMINES ad eam inuitantur.

r) Verba Pauli aperta et manifesta sunt, quib. iubet orare PRO OMNIBVS hominib: QVIA Deus velit OMNES HOMINES salui fieri. Ideoq; impietas est, ab hac vniuersali promissione quenquā excludere.

s) Non agit ibi Paulus de varijs statib. hominū, sed in genere de omnib. hominib. loquitur, p quibus orandū, maxime verd pro Magistratu, quod is plurimū in Ecclesia vel prodesse, vel obesse possit, ad aliorū salutem, vel interitiū.

Deus vult singulos homines saluari, ipsum nō posse, quod vult, exequi, vel voluntatis diuina effectum ab hominum arbitrio suspendere.

Ad locum Ezech. 18. respondemus, " indefinitam esse enunciationem, quæ ab vniuersali plurimis in rebus differt, & restrictio de cōuersione ostendit, hoc intelligendum de ijs solis, quibus datur cōuersionis gratia, quæ certè est electorum<sup>x</sup> propria. ⁊ Redduntur autem nihilominus inexcusabiles, qui Dei admonitiones & exhortationes, per verbum prædicatum factas, aspernantur: quod facere solent contumaciter, quos Dominus intus non conuertit. Iuxta illud: <sup>2</sup> conuerte me, & conuertar.

Ad

firmatis: illos ad exitiū æternum occulto & absoluto Dei decreto creatos & destinatos, quia Deus NOLIT illos conuerti, ideo etiā non posse cōuerti? Horrenda & abominanda sunt hæc auditu in Ecclesia Christi.

<sup>2</sup>) Precatio hæc non confirmat errorem de occulto & absoluto Dei decreto, in damnandis hominibus, sed docet: humanis viribus cōuersio-

<sup>1</sup>) Deus non absoluta voluntate voluit omnes homines saluos fieri. Sic n. omnes homines certò saluarentur. Quis n. eius voluntati resistere posset? sed restricta voluntate IN CHRISTO:

Extra quem neminem vult saluare. Quem omnib. hominibus per predicationem Euangelij, & vsum Sacramentorū offert. Huic quisquis se opposuerit, non Dei voluntate, sed sua propria impietate, cōtra Dei voluntatem perit.

<sup>u</sup>) Ipsa res docet, vniuersalē esse enunciationē, cum inquit DOMINVS: Nolo mortē morientis, quisquis fuerit. Manifesta ergo impietas est et doctrina abominanda, cōtra expressam litteram ex promissione vniuersali particularem efficere.

<sup>x</sup>) Electio autē non absoluto Dei decreto definitur, sed in Christo, qui omnes homines ad penitentiam vocat. Ideoq; ex numero electorū sese nemo excludat, sed cū Augustino dicamus: Si nō es prædestinatus, fac vt prædestineris.

<sup>y</sup>) Quomodo nō redderetur excusabiles, si verū esset, quod as-

nem ad Deum fieri non posse. Ideoq; gratiam Dei implorat, OMNI-  
BUS hominibus, adeoq; vniuerso mundo oblatam

Ad locum Luc. 24. Per  
 a) omnes gentes, mirabilis est  
 glossa, intelligere singulos  
 omnium populorum homines.  
 Et si verum istud esset, tamen  
 non de omni tempore hoc ve-  
 re dici posset, cum Deus b) de-  
 mum post missionem Aposto-  
 lorum omnibus gentibus vo-  
 luntatem suam saluificam pa-  
 tefecerit, & nunc maximam  
 partem orbis terrarum iusto  
 suo iudicio, non autem nunc  
 demum nouo capto consilio in  
 tenebris versari & perire  
 c) velit, Ioan. 3. appellatione  
 d) Mundi non vniuersaliter,  
 sed indefinite humanum ge-  
 nus intelligitur, & quidem  
 ijs accommodata, qui in ipsum  
 credunt, dicente ipso Christo,  
 e) se non  
 malitiā hominū causam esse, Paulus aperte docet, 2. The. 2. cum inquit:  
 Quia amorem veritatis non receperunt, VT SALVI FIERENT,  
 ideo misit eis Deus operationem erroris, vt credant mendacio. Quid  
 magis aperte contra opinionem de absoluto Dei decreto, in damnandis  
 hominibus dici posset?

d) Manifesta verborum Christi deprauatio & vocabuli [Mundi] falsa  
 interpretatio, quam ex Scriptura S. nunquam probare poterunt. Con-

a) Magis mirabile est, hoc à vo-  
 bis negari, cum sit res manife-  
 stissima, quod videlicet sub vni-  
 uersali particula (OMNES)  
 etiam singuli intelligantur ho-  
 mines in omnibus gentibus.

b) Deus iam inde ab orbe cōdi-  
 to, suā voluntatem in saluandis  
 hominibus patefecit, & in omni-  
 bus Monarchijs populū Israeliti-  
 cum illustrē reddidit, apud quem  
 hæ promissiones conseruata sunt.  
 Cum ergo propter merita  
 trans mare currāt homines, cul-  
 tus aut Dei tam fuerunt negli-  
 gentes: nō voluntatem Dei, aut  
 occultū eius decretū de damnā-  
 dis hominibus, sed suā ipsorū im-  
 pietatem accusare debebunt, qui  
 profelyti fieri & saluari potuis-  
 sent.

c) Nō ad occultū Dei & absolu-  
 tum decretū referri posse, quod  
 maxima pars orbis terrarum  
 NVNC in tenebris versatur, sed

se non orare pro mundo, sed tantum pro ijs, quos dedit ei pater, & nomini ipsius credituris. Prima Epistola Iohan. 2. quod dicit Iohan. non pro nostris tantum, sed pro peccatis <sup>e</sup> totius Mundi facta est propitiatio, de sola vniuersalitate electorum & credentium intelligitur, quæ iam non ex vnica ipsius Apostoli gente, nempe Iudeorum colligatur: sed diruta mæcærie, sicut copiose explicat Apostolus in Epistola ad Ephes. se in reliquas gentes effundat. Sicut Abrahæ promissum fuit: fore, ut per illius semen omnes gentes benedicerentur. Et videtur Iohannes hac ipsa Christi verba secutus de industria, qui in extrema illa sua ardentissima precatatione, Iohan. 17. ver. 20. Non pro his tantum rogo, inquit, sed & pro ijs, qui per sermonem eorum credituri sunt in me. Sicut etiam Iohannes dixit: Esse hunc agnum Dei, qui tollit peccata <sup>s</sup> Mundi. Num verò Christus totius mun-

trarium autem ipse Iohannes, optimus suorum verborum interpret docet, cum inquit: Christus est propitiatio pro peccatis T O T I V S M V N D I. Vbi non est indefinita vocula, sed vniuersalis particula posita.

c) Et si vocabulum [MUNDVS] hic restrictum est, non tamen errorem de absoluto decreto damnationis confirmat. Nam per M V N D V M contemptores doctrinæ Euangelij intelligit, qui se Christo opponunt: pro his se orare negat Christus. Non autem sequitur, quod absoluta voluntate Christus eos nolit saluari.

f) Verba Iohannis nimis aperta sunt, quàm ut admittere possint hanc tam manifestè falsam interpretationem. Non enim collatione instituit, inter Iudeos & gentes, sed vniuersaliter de TOTO M V N D O loquitur.

g) Nihil certius est, quàm Iohannem vocabulo [mundi] non inæfinitè, sed vniuersaliter omnes homines intellexisse, sicut alia prope modum infinita S. Scriptura loca testantur & confirmant.

## 514 Colloquium Mompelgartense.

mundi peccata <sup>h)</sup> sustulit, ut vos de singulis hominibus interpretamini? Et certè nobis intolerabilis vox vestra visa est, Christum esse mortuum pro damnatis, & homines <sup>k)</sup> non damnari propter peccata. Matth. II. compellantur omnes, qui laborēt & onerati sint, id est, sub peccatorum onere <sup>l)</sup> fatiscunt, quod certè ijs solis conuenit, qui se peccatores agnoscunt, & ad eum confugiunt, à quo se subleuari posse sperant.

<sup>m)</sup> Rom. II. Contextus ipse perspicuè ostendit, Apostolum ibi non agere de singulis hominibus per se: sed humanum genus distribuere voluit in duas partes, nempe Iudeos

<sup>h)</sup> Sufficiens pro singulorū hominum peccatis satisfecit, ut noua aut alia victima non opus esset, si mille mundi, ut sic loquar, restaret Deo reconciliandi, pro quibus una gutta sanguinis Filij Dei sufficeret. Quia verò maxima pars hominum contemnit; ideo illis nihil prodest, & eò grāuius damnantur.

<sup>i)</sup> Summam impietatem nos esse dicimus, si quis hoc neget. Quia ideo potissimum damnantur, quod non credere voluerunt, Christum pro ipsorum peccatis mortuum esse; quod summum & maximum peccatum est.

<sup>k)</sup> Hac non sunt nostra, sed Christi verba & doctrina, cum inquit: Hoc est iudiciū, (hoc est, causa iudicii & damnationis) quod lux venit in mundum, & mundus tenebras plus dilexit, quàm lucem. Et si igitur peccata suā naturā damnant: tamen amplius damnare non possunt, si in Christum verè credas.

Non ergo ideo damnantur homines, quia peccarunt, ut nulla ratione amplius illis succurri possit: alias etiam omnes sancti damnarentur, quoniam omnes peccauerunt: sed ideo damnantur, quia liberatorem respuunt, & in eum credere nolunt.

<sup>l)</sup> Horrendum auditu est, tam apertam vniuersalem vocationem particula rem fingere, quasi non serid omnes laborantes vocet. Quod impium est de Deo vel saltem cogitare.

<sup>m)</sup> Verba Pauli adeò manifesta sunt, ut nulla interpretatione indigeant, cum inquit: Conclussit Deus omnia sub peccatum, ut omnium miseretur. Sicut enim nō dicit: Conclussit quosdam sub peccatum, sed inquit, omnia: sic quoq; nō dicit ut quorundam, sed omnium miseretur, ut offe-



deret suam misericordiam omnibus serid offerri, & Deum velle, vt omnes credant & saluentur, sicut omnes peccauerunt.

daos & gentes, ex quibus suā Ecclesiā colligit Deus per misericordiam, cū & hi & illi digni fuerint perire: vt nemo, qui seruetur, aliter quā per misericordiam seruetur. Imò quoddā dicitur Deus omnes conclusisse sub incredulitatē: probat quod asserimus, nempe, neg.<sup>n</sup> nolente Deo, neque temerē homines in hanc miseriam incidisse; huius tamen rei<sup>o</sup> culpa omnis in hominis lapsum voluntarium, & eius posteros sic peccato mancipatos conferenda est.

2. Petr. 3. ver. 9. His verbis: Non vult Dominus<sup>p</sup> aliquos perire; liquet ex præcedentibus, totaq; adeo tractatione, Petrū solos fideles alloqui, quibus etiam se accenset. Deniq; quod additur; neg.<sup>q</sup> ex lege, neque ex ratione humana, sed ex solo Euangelio de Prædestinatione Electorum iudicandum esse, ap-  
pro-

n) Hæc assertio simpliciter impia est, & auditu horrenda, adeoq; expresso & reuelato verbo Dei contraria. Quicquid enim Deus prohibet, hoc non vult, vt quisquam faciat. Nolente ergo Deo, & non volente, sed contra ipsius voluntatem primi nostri parētes transgressi sunt præceptum in Paradiso traditum, & in hanc miseriam incidunt. Sic docet Spiritus S. in Scriptura sacra, et qui aliter docet, si Angelus è cælo esset, anathema sit.

o) Si vestra doctrina vera est, culpa omnis non in hominem conferri potest, sed in Deum creatorem, qui (secundum vestram opinionē) absoluto decreto suo, eos ad peccandū & damnationem creauit & ordinauit, vt qui noluerit eos aliter agere, conuerti aut saluari, quod auditu horrendum est & abominandum.

p) Est & hæc Petri sententia tam aperta, vt falsam hanc interpretationem vestrā nullo modo admittere possit. Nam non solum vniuersalis particula ponitur [omnes] sed etiā explicatio præmittitur, N O L E N S A L I Q V O S perire, sed

OMNES ad pœnitentiam reuerti. Horrenda ergo & blasphemata doctrina est Beza, qua contrarium impie asserit.

## 516 Colloquium Mompelgartense

probamus: <sup>¶</sup> modò illud intelligatur ex istis verbis, 1. Iohan. 3. ver. 24. Per hoc cognoscimus nos in ipso habitare, & ipsum in nobis, quòd de spiritu suo dedit nobis.

Et 1. Iohan. 3. ver. 10. per hoc <sup>1</sup> manifesti sunt filij Dei, & filij diaboli, quisquis non exercet iustitiam, non est ex Deo, & qui non diligit fratrem suum.

lium diaboli, quemadmodum David in adulterium, homicidium, &c. Vbi ergo consolatio & certitudo electionis eorum? aut vnde petenda aut sumenda erit? Quæ in præmissionibus Euangelij vniuersalibus, in Baptismo, in Cæna DOMINI, in Absolutione, secundum opinionem Beza & sociorum eius, non est certa. Quis igitur non videt, quid diabolus hac doctrina meditetur? videlicet desperationem in pijs, & Epicureismum in dissolutis hominibus, qui cerò sequetur.

q) Sape in tentationibus adeò infirmus est sensus, quo se à spiritu agi sentiunt, vt prorsus contrarium cor experiatur. Si ergo ex hoc solum sensu de electione iudicandum est, nullus vsus erit promissionum diuinarum Baptismi, Cæna Domini, Absolutionis, adeòq; totius Ministerij Ecclesiastici. Siquidem (secundum opinionem Beza) ex his omnibus N I H I L certi de electione nostra ad æternam vitam statui potest.

<sup>1</sup>) Ruunt interdum etiam electi filij Dei in manifesta scelera, sicut filij diaboli.

## AD DOGMATA subiecta.

### I.

**P**rimum dogma, quod rejicitis, nos vt verè Christianum & orthodoxum tuerimur.

<sup>s</sup>) Horrendum auditu & abominandum: quòd Deus quosdam æterno suo decreto NON DILEXERIT: sed ad iustam condemnationem eorum reliquerit, quorum NON VELIT MISERERI.

<sup>1</sup> Si

## II.

<sup>1</sup> Si per reprobationem intelligitur eius decretum, ineptè dicitur : propositum Dei, id est, ipsius decretum esse ipsius causam efficientem. Sin verò eo nomine accipitis eius decreti<sup>u</sup> executionem; falsum esse confitemur, quod repudiatis, vt ostendimus ad Thesin quintam & sextam.

## III. &amp; V.

Paulum ipsum oppugnatis hoc dogmate, Rom. 9. 11. Tam enim falsum est, <sup>2</sup> incredulitatem esse causam diuini huius decreti de iustè perdendis aliquibus, quàm fals-

<sup>1</sup>) Est & hoc horrendum & abominandum, asserere, quòd Deus quosdam CREAVERIT, & in eum vsum suscitauerit, vt iram & potentiam suam ostenderet, & Vt in ipsis quoq; glorificetur. Et si enim Apostolus testatur, quòd in hac vita Pharaonem suscitauerit, vt potentiam suam in hoc seculo in ipso declararet, tamen nusquam scriptum legimus : quòd eum ad aeternam damnationem creauerit, aded, vt absoluta voluntate noluerit eum poenitentiam agere & conuertri. Nam quòd de induratione dicitur, non absoluti decreti effectus, sed præcedentis crudelitatis iusta pœna fuit, quam in filios Israël immanissimè exercuit Pharaò.

<sup>u</sup>) Reprobationis nomine, siue decretum intelligatur, siue executio decreti: impium tamen est, asserere, quòd Deus absoluta voluntate decreuerit, quorundam hominum NON MISERERI. Quod cum ipsius reuelata voluntate apertè pugnat.

<sup>2</sup>) Non minus hoc quoque horrendum est auditu, & abominandum, quòd negare audet D. Beza: INCREDULITATEM causam esse decreti Dei de perdendis hominibus. Siquidem Christus apertè dicit: QUI non credit, iam iudicatus est. Item, Spiritus S. arguet Mundum de peccato, QVIA NON CREDVNT in me. Item, Qui non crediderit, condemnabitur. Quapropter nullo modo Paulum oppugnamus, qui nusquam dicit : quosdam ad aeternam damnationem CONDITOS ESSE, sicut Beza docet.

## 518 Colloquium Mompelgartense

falsum est<sup>1</sup> praevisam fidem, vel bona opera, causam esse Praedestinationis, vel electorum, quod Pelagianorum est dogma, ut dictum est ad eandem Theses V. & VI.

### III.

Quod dixit Apostolus, vobis ipsis citantibus, Deum conclusisse omnia sub incredulitatem, Rom. II. cum necessario ad<sup>2</sup> Adami lapsum, tanquam ad primam originem referatur: & a profanum sit existimare, Deo, vel inuito, vel otioso, vel temere praestantissimum Dei opus fuisse in tantā miseriā prolapsū: optimo iure, quod hic dānatis approbamus: nec propterea lapsus Adami<sup>b</sup> culpam in Deum con-

1) Fides in Christum non est natura, aut nostrarum humanarum virium, sed Spiritus S. opm. Cum ergo fides causa Electionis esse dicitur: nequaquam Pelagianorū dogma sapit, qui natura viribus tribuerunt, quod solus Spiritus S. prestare potest.

2) Apostolus nequaquam dicit Adamam Deo IVSTE SIC ORDINANTE ET DECERNENTE in istas calamitates prolapsū esse. Sensus enim verborum Pauli est: omnes homines esse peccatores, quorum omnium Deus velit misereri, si Christum per veram fidem recipiant. Non autem dicit: Deum ordinasse, ut homines omnes peccarent, & pereant.

a) Humana cogitatio est de Deo inuito, vel otioso, vel oscitantia eius, qua homo peccaverit. De Deo autem & ipsius voluntate NON NISI EX VERBO DEI iudicandum, loquendum, & sentiendum est, & Maiestas eius non scrutanda.

b) Paulō antē dictum est, si vera esset D. Beza, & fratrum eius opinio de absoluto Dei decreto, quo Deus ordinaverit & decreverit, ut homo peccaret: quis culpam in Deum iniuste conferret? quod lectoris iudicio committitur. Quod quidem in Thesi nostra quinta ipsorum proprijs verbis magis apertē posuimus, vbi dicunt: CVR HOS potius, quam illos saluti vel damnationi DESTINET, causam *περὸς τὰς ἐξελικὰς*, NULLA ALIAM esse, QVAM IPSIVS VOLVNTATEM. Quomodo ergo culpa in eos confertur, contra quos decretum aeternum & immutabile

conferimus, quæ tota hæret in ipsius voluntate minimè coacta, neque etiam tum concupiscentia obnoxia, utpote quæ nondum erat ingressa in mundum.

bile NVDA & SOLA Dei voluntate, nulla alia causa προα-  
ταρκτην præcedente, de ipsis dam-  
nandis factum est?

## VI. &amp; VII.

Superius responsum, hanc quoque Thesin non rectè scriptam refellit. Nec enim vel lapsus Adami aliunde, quàm à spontanea ipsius voluntate profluxit, vel posterorum eius contumacia, quàm ex ipsorum corruptione promanet, quamvis absq; decreto neutrum euenerit. Vnde illud Prudentij scitissimè dictum: Nemo nocens, si fata regunt, quod uiuitur, & sit: Imò nocens, quicumque volens, quod non licet, audet.

## VIII.

Cùm ordine causarū nihil prius sciat Deus futurum, quàm quod decreuit futurū, nisi (quod absurdissimū esset) absq;

c) Cùm ex decreto Dei sic ordinante oportuit homines primos labi, quemadmodum Thesi octaua & decima à nobis ipsorum verba recitata sunt; quomodo verè dici potest, non aliunde, quàm ex ipsius hominis voluntate profluxisse? Quia in parte D. Beza & socij eius sibi ipsis manifestè & apertè contradicunt.



## 520 Colloquium Mompelgartense

absq. Dei decreto aliquid esse  
vel fieri censeamus; consequi-  
tur decretum <sup>d</sup> scientiæ præ-  
ire, nec scientiam esse propri-  
am rerum causam.

### IX.

De hoc diximus ad dogma  
VI. & VII. <sup>c</sup>

### X

Neceſſitas iſta eſt ex <sup>f</sup> hy-  
potheſi, non ex ipſius Adami  
natura, ſicut hodie peccato  
mancipatum eſt humanum  
genus. Et ſic in verbo DEI  
dicitur: & oportuiſſe Chri-  
ſtum, alterum Adamum,  
crucifigi.

### XI.

<sup>h</sup> Quo ſenſu rectè & or-  
thodo-

ipſius fieri non potuit. Sed non eſt absoluta neceſſitas, quaſi non potuerit  
Deus omnia aliter ordinare.

<sup>h</sup>) Nullum pium ſenſum his verbis in eſſe, cum dicunt & aſſerunt ad-  
uerſarij: Quod Deus NOLIT reprobationi deſtinatos SERVARI, AUT  
MORTEM filij ſui PRODESSE: omnes verè p̃j & in rudimentis  
duntaxat fidei & religionis Chriſtiana mediocriter inſtituti facile in-  
telligere & iudicare poſſunt.

<sup>d</sup>) Aliud eſt præſcire, aliquid ta-  
lem exitum habiturum: & aliud,  
decreto ſuo ordinare. Illud enim  
intellectus, hoc voluntatis eſt. Quæ  
voluntas Dei ſi in peccato Ada con-  
currit; à cauſa excludi non poteſt.  
Quod enim quis vult, & ipſo ordi-  
nante & decernente ſit; eius cauſa  
quoq. iure dicitur.

<sup>e</sup>) Id magis confirmat iam recita-  
tam impietatem. Si enim non po-  
tuit Adam labi, niſi Deus ſic decre-  
uiſſet & ordinaiſſet, vt labi eum  
oportuerit: quomodo voluntas Dei  
lapſus eius cauſa non aperte à vobis  
conſtituitur?

<sup>f</sup>) Hæc hypotheſis, quam fingit Be-  
za cum ſocijs ſuis, nō eſt modo falſa  
ſed etiam impia, & in Deum blaſ-  
phema. Scilicet, quaſi Deus abſolu-  
tum decretū fecerit, quale ab ad-  
uerſarijs fingitur, tanquam in ar-  
cano Dei conſilio ſediſſent.

<sup>g</sup>) Hæc hypotheſis eſt vera: quia  
DOMINVS decretum fecit de  
genere humano per ſanguinem Fi-  
lij ſui redimendo. Quod ſine morte

*theodoxè dicatur, quod hic  
damnatis, exposuimus ad V.  
& VI. Thefin.*

*Cena Domini, Absolutionis; faciat, & omnem consolationem pijs &  
afflictis conscientijs auferat, meritò fugienda est, sicut collatio, qua se-  
quitur, perspicuè docet.*

*Qua vniuersa aduersariorum  
nostrorum doctrina, cum ad euer-  
sionem totius Evangelici Ministe-  
rij, certitudinis promissionum di-  
uinarum de Christo, Baptismi,*

Theodorus Beza, Geneuensis Ecclesiæ Minister.  
Abrahamus Musculus, Bernens. Ecclesiæ Mi-  
nister.

Petrus Hübnerus, Græcæ linguæ in Gymnasio  
Bernensi pub. Professor.

Antonius Paius, Geneuensis Ecclesiæ Minister.  
Claudius Alberius D. Professor Philosophiæ in  
Academia Lausannensi.

*Mompelgarti 29. Martij, Anno 86.*

Thesibus ergo VVirttembergensium Theologo-  
rum recitatis; iubente Illustrissimo Comite Frideri-  
co, D. Iacobus exorsus est.

D. I A C O B V S.



EVERENDE D. Beza, si quid habet tua Di-  
gnitas, quod velit recitatis Thesibus nostris de  
Prædestinatione, à nobis conscriptis oppone-  
re: id quoque nos libenter audiemus, & placi-  
dè, sicut hactenus ex parte nostra factum est, re-  
spondēbimus.

Vuu

Est

## 522 Colloquium Mompelgartense

Status principalis  
controversiæ de  
Prædestinatione.

Et si enim Theses numero sunt multæ, in pauca tamen capita redigi possunt. Et quantum ego quidem existimo, totius negotii & disputationis pars maxima & potissima, in hoc vno cardine versatur. An Deus in æterno, arcano & occulto suo consilio, æternum, absolutum, & immutabile decretum fecerit, quod maximam partem hominum non velit salvari, neque in Christum credere, & ad agnitionem eius peruenire, neque etiam precium sanguinis eius illis prodesse, sed quod eos ad æternam condemnationem destinaverit, ordinaverit & creauerit?

Hæc quæstio quando expedita fuerit, facilis deinceps ad reliqua, de hoc articulo, in nostris Thesisbus proposita capita omnia, responsio erit.

D. H E Z A.

*Reuerende D. Doctor: Ingredivimur hîc in altam abyssum, ideo nobis specialiter precandus D O M I N U S, ut nos suo sancto Spiritu gubernet, & in hoc mysterio ad semitam veritatis dirigat.*

Doctrina de Præ-  
destinatione rationi  
humana ignota.

Nulla enim pars doctrina Christiana est, à qua sensus & ratio humana magis abhorreat. Quapropter iterum oro, ut Spiritus D O M I N I nobis adsit.

I.  
Deus ad certum fi-  
nem hominem crea-  
vit.

Nos autem hæc principia ponamus: Deum tanquam sapientissimum opificem, cuius sapientia infinita est, cum constituisset mundum, imprimis autem hominem creare, certum finem propositum habuisse.

Si enim architectus seu paterfamilias, quando cogitat edificare domum aliquam, non ita desipit, quin priusquam aedificet, de fine cogitet, ad quem domum edificaturus sit: multò magis sic de Deo cogitandum est, qui cum sit infinita sapientia, certum finem in creando homine propositum habuisse, nullum dubium est.

Elp

*Et si verò via DOMINI imperuestigabiles sunt, tamen* Homo ad gloriam Dei conditus.  
*ex his, quæ euenerunt, colligimus, quis finis creationis hominum fuerit. Propositum enim Dei æternum & immutabile, omnes causas ordine quoque, antegrediens fuit, quòd in semetipso ab æterno decreuit, omnes homines ad suam gloriam condere.*

*Dei autè gloria neque agnoscitur, neque celebratur, nisi eius misericordia & iustitia declaretur. Quapropter æternum et immutabile decretum fecit, quo certos aliquos homines, merita gratia ad vitam æternam, quosdam verò iusto iudicio ad æternam damnationem destinauit, ut in illis misericordiã, in his verò iustitiã suam declararet. Hunc finem cum Deus in creatione hominum propositum habuisset, necesse fuit, cum etiam cogitare de via & ratione, qua ad illum finem peruenire potuerit, ut eius misericordia pariter & iustitia manifestaretur.*

*Cum enim misericordia præsupponat miseriam, nec misericordia locus esse, aut ea declarari possit, ubi nõ est miseria: ideo hominẽ ita creari oportuit, ut in eo locus misericordiæ Dei esse potuerit. Quod sine præcedẽte miseria fieri nõ potuit.*

II.

Homo qualis à Deo creandus fuerit.

*Sic, cum iustitia præsupponat culpã, sine qua iustitia exerceri non potest, (ubi enim non est culpa, ibi etiam iustitia locum non habet) ideo hominem quoque ita creari oportuit, ut seruata natura, aptus esset, in quo Deus iustitiã suam declarare posset. Iustitiã enim suam in homine declarare non potuisset, nisi eum ad æternã damnationem destinasset.*

*Proposuit ergo Deus, & ab æterno immutabile decretum fecit omnes causas secundariãs antegrediens, quòd pro sua infinita misericordia, velit aliquos homines eligere in Christo seruandos, aliquos verò secundum iustitiã suam reijcere, sua ipsorum culpa damnandos.*

III.

Propositum Dei in electione & reprobatione.

## 524 Colloquium Mompelgartense

### IIII.

Cur homo ab initio  
bonus creatus sit.

*Ad hunc finem ut perueniret, cum natura bonus, imò ipsa bonitas sit, Deus hominem malum condere nec potuit, nec voluit. In quo statu si homo permanfisset, neque misericordia neque iustitia in ipso declaranda locus fuisset. Via ergo inuenienda fuit, qua homo ad utrumque paratus & dispositus esset.*

### V.

Cur homo mutabi-  
lis à Deo creatus.

*Quapropter creauit hominem in recto statu quidem bonum, iustum, sanctum, sed tamen mutabilem: qui in manu consilij sui relictus, cadere & labi posset in miseriam, in qua deinceps & misericordia & iustitia locus esset.*

### VI.

Cur homo non sit  
immutabilis crea-  
tus.

*Si enim immutabiles homines creauisset, ut labi & peccare non possent: Deus sibi neq. ad misericordiam neque ad iustitiam viam aperuisset. Quoniam miseria in mundum ingressa non esset, sine qua misericordia Dei declarari non potuisset. Sic quoq. si peccatum non ingressum esset in mundum: iustitia Dei manifestata non esset. Quapropter hominem bonum creari oportuit, ne Deus author mali censeatur: non autem immutabilem, sed mutabilem, & qui (nulla tamen culpa Dei) peccare posset, ut Deus ad executionem sui consilij & arcani propositi peruenire potuerit.*

### VII.

Cur Masculum &  
femina creati  
oportuit.

*Oportuit etiam masculum & feminam condere, ex quibus deinceps genus humanum propagaretur, in quo iustitiam & misericordiam suam declarare DOMINVS decreuit & constituit.*

Ephef. 1.  
Prou. 16.  
Exod. 9.  
Rom. 10.

*Quae haecenus à me dicta sunt, non sunt humana, aut à me, vel ex me cogitata, sed habent Scripturae sacra testimonia, non solum de electis, quos Deus elegit ante constitutionem mundi, sed etiam de reiectis & reprobatis, quos Deus ad diem malum condidit, ut in eis potentiam & iustitiam suam declararet.*

*Postquam*



Postquam ergo ad hunc modum primi homines, Adam & Heua à Deo in recto statu, boni, iusti, & sancti & mutabiles conditi sunt, ita peccarunt, ut Deus culpa non inuolueretur.

VIII.

Primi homines sine culpa Dei peccarunt.

Oportuit igitur Heuam, per serpentem antiquum, Sathanam persuaderi, ut legem à Deo, de fructu arboris scientia boni & mali non gustando positam, unâ cum marito transgrediretur.

IX.

Oportuit Heuam à serpente decipi. Genes. 3.

Ad quam transgressionem, neg. à Deo, neque à Sathana coacta fuit, sed libera voluntate, qua bona, iusta, sancta & integra & minimè corrupta fuit, persuasioni serpentis assensit.

X.

Neque à Deo, neque à Sathana ad peccandum coacta est Heua.

Idq. Deo neg. inuito, neg. ignorante, neque OCIOSE PRAESCIENTE: à cuius voluntate nec passerculi excipiuntur, neque nuda & ociosa permissione aliqua, qua ab ipsius voluntate & decreto separetur. Quum enim finem ordinaverit: necesse quoq. est, ut causas ad eum finem ferentes constituerit, nisi vel temerè, vel causis ab alio ali-quo Deo ex Manichæorum opinione constitutis, eum finem euenisse contendamus.

Quapropter non temerè cecidit Homo, in integro statu constitutus. Si non temerè, certè ex prouidentia Dei. Quia euenire OPORTVIT, quod Deus decreuit, qui in hominis lapsu sibi viam & rationē quesivit, ut gloria eius in declaratione misericordia & iustitia sue manifestaretur, ita tamen ne Deus culpa inuoluatur. Quoniā homo ad peccandū nō coactus est, sed libera voluntate peccauit, qui resistere potuit & debuit serpentis persuasioni, qui animū Heuæ, contra Dei præceptū sollicitauit. Verūm ut Deus finem creationis hominis consequeretur, OPORTVIT Heuam & Ada-

XI.

Homo ex prouidentia Dei necessario peccauit.

Homo libera voluntate peccauit.

## 526 Colloquium Mompelgartense

*munus per Satanam decipi, ut misericordia in condonando delicto, locus esse posset.*

XII.  
Misericordiam nullus  
locus, nisi prius ius-  
titia Dei satisfiat.

*Quia verò Deus misericordiam suam erga peccatores de-  
clarare non potuit, nisi iustitia eius prius satisfaceret, qua tanta  
est, ut creatura, quantumvis iusta et sancta à Deo cōdita, eam  
sustinere non posset: in aeterno & arcano consilio suo, viam  
quoque inuenit, qua & iustitia huic pro peccatis electorū Deo  
satisficeret, & deinceps locus misericordiae in hominibus esset.*

XIII.  
Aeternum decre-  
tum Dei, de filio Dei  
incarnando.

*Quapropter in eodem arcano et aeterno cōsilio suo, sancta  
Trinitas decreuit, ut Filius Dei Patris vnigenitus, in per-  
sona sua unitatem, naturam humanam assumeret, in qua  
pœnas peccati secundū iustitiam Dei debitas perferret, &  
sua passione & morte pro peccatis electorum satisfaceret.*

XIII.  
Christus potuit non  
mori.  
August. de ciuitate  
Dei.

*Ideoq; à Spiritu sancto cōceptus, & ex Maria natus, cum  
sine peccato esset iustus & sanctus, talis homo fuit, ut potue-  
rit non mori: & sicut Augustin. loquitur, ut maxime Chri-  
sti ossa essent fragilia, tamen frangi non potuerint. Quia  
Deus sic ordinauerit, ne frangerentur. Sic etiam non ea ho-  
ra, qua hostes voluerunt, sed qua ipse voluit, mortuus est.  
Sicut scriptum est: Quarebant eum apprehendere, & nemo  
misit in illum manum: quia nondum venerat hora eius.*

XV.  
Mors Christi volun-  
taria.

*Neg, enim coacta, sed voluntaria Christi mors erat, &  
respectu Christi non debita, sed pro electis suscepta, quorum  
debita, hac morte Filius Dei expiare voluit.*

XVI.  
Comparatio Christi  
cum Adamo.

*Talis conditio Adæ & Heuæ non fuit. Nam Christus non  
potuit peccare, quia non solum homo, sed etiā verus Deus,  
vna persona erat. Ideo etiam potuit non mori: sed tamen ex  
decreto Dei, mortuus est: Sicut Petrus Act. 2. demonstrat.  
Adam verò potuit non peccare, sicut Bernhardus loquitur:  
tamen ex prouidentia Dei peccauit. Cōcludo igitur, ut Deus  
sibi viam ad misericordiam aperiret, cōtingenter disco qui-  
dem*

dem lapsum esse primum hominem, nulla necessitate urgente aut cogente, sed liberè ratione sua voluntatis, NECES-  
SARIO aut, QVO AD DEVM. Deus .n. suo aeterno decreto omnia conclusit sub peccatum, ut omnium misereatur, sicut Apostolus loquitur. Ideoq; oportuit etiã hominem peccare, non nuda & ociosa permissione Dei, ab eius voluntate & decreto separata: sed tamen sine culpa DEI, propria voluntate, qua serpenti magis quàm Deo obtemperauit.

Diligenter aut caendum, siue ab imo sursum, siue contra, à summo deorsum descendamus, ne ab extremo vno ad alterum extremum prateritis medijs excurramus: veluti à proposito Dei ad salutem, & multò etiam magis à salute ad propositũ Dei, itemq; à proposito ad damnationem, aut contra, prateritis iudicij Dei propinquierib. causis. Quas Deus GRADATIM ORDINAVIT, QVIBVS FIERET, ut tota ipsorum exitij culpa in ipsis haberet. Quos tanquam meritò reprobos, quatenus corrupti sunt, execrat. In quorum plurimos, SIMVL ATQVE NATI SVNT, IUSTAM IRAM SVAM EXERCET.

Si enim secundas & medias causas praterreamus, facile in absurditates incidemus. Verbi gratia: cum Paulus inquit. Conclusit Deus omnia sub peccatũ, ut omnium misereatur: si hoc modo explicemus: Adamum idè lapsum esse, ut omnes homines liberarentur ab hac miseria, quàm absurda sententia esset, & veritati minimè consentanea? Sequeretur enim, Deum mutasse suum decretum, voluntatem & propositum, quo constituit ab aeterno suam iustitiam, in certis quibusdã hominibus, in miseria sua relictis, declarare. Sed Scriptura apertè testatur, Deũ vasa ira ad aeternum interitũ creasse & praparassee. Ideoq; nõ est lapsus homo, ut omnes homines restituerentur, Et res ipsa docet, non omnes homi-

XVII.

Ab extremis ad extremum sine medijs causis non procedendum.

XVIII.

Deus causas damnationis hominis gradatim ORDINAVIT. Ira Dei in infantes damnationi destinatos.

Rom. 9.

## 528 Colloquium Mompelgartense

Horrenda vox.

homines saluari: sed maximam hominum partem damnari. Necessè ergo est, idè lapsos quoque esse homines primos, Deo sic ordinante, ut quidam damnentur.

XIX.

Causa mediæ executionis decreti Dei, rectè considerandæ.

Ne igitur in hoc mysterio impingamus, causa etiam secundaria & mediæ rectè consideranda sunt, qua inter Dei decretum occultum & eius effectum ultimum, salutem & condemnationem hominum intercedunt.

XX.

Quales homines Deus decreuerit saluare & damnare.

Cum enim Deus neg, omnes saluet, neg, omnes damnet: Spiritus sanctus causas ostendit, cur, & quales seruet & quales damnet. Vbi ordo causarum considerandus venit in Adam lapso, quem Deus saluum fecit. Non enim probabile est, ipsum damnatum esse. Quamprimum enim Adam & Heua peccauerunt, prodit se amor Dei gratuitus erga corruptos quidem in se ipsis, sed in Christo gratis electioni & saluti destinatos homines. Statim .n. illis remedium contra peccata, mortem, & damnationem in promissione de venturo Christo saluatore proponitur. Semen mulieris cõteret caput serpentis. Quo verbo DOMINVS patefecit electionem. Nam in Christo facta est electio, secundum illud Apostoli: In ipso electi sumus, priusquam fundamenta mundi iacta sunt. Et hæc electio fit gratuito illo favore, quo Deus dignatus est quosdam, quos æternæ salutis ab æterno destinavit.

Genes. 3

XXI.

Electiois patefactio.

Iam qui eligit, non accipit omnia, sed relinquit quædam. Nam eligere est unum accipere, alterum relinquere. Elegit ergo DOMINVS liberrima voluntate sua, qui ipsi placuerunt, & quos voluit saluos facere.

XXII.

Electio Dei gratuita.

XXIII.

Electio particularis non vniuersalis.

XXIIII.

Deus in damnandis hominibus non iniustus.

Quod aut non omnes elegit, sed multos in sua miseria reliquit æterno decreto Dei, ad æternam damnationem ordinatos & destinatos: Deus propterea nullius iniustitia aut crudelitatis argui potest. Quoniã nemini quicquam debet,

Rom. 9. 5.

cum

cum omnes in Adam peccauerint, & pariter omnes digni fuissent, qui in sua miseria relinquerentur. Potuisset enim omnes relinquere & nullum recipere. Rom. 9. 11.

Nunc ad electionis factæ executionem progrediamur. Si-  
cut enim elegit in Christo, quos secundum æternum proposi-  
tum suum suo paterno amore dignatus est: ita etiam rationem  
inuenit, qua id decretum ordine quodam causarum secunda-  
rum & mediarum exequeretur. Quos enim elegit (inquit Rom. 8.  
Paulus) hos etiam vocauit: & hæc vocatio efficax est, qua non XXV.  
solum externa predicatione Euangelij, ad veram pœnitenti- Vocatio electorum  
am & agnitionem Christi per Ministerium Ecclesiasticum efficax.  
vocat, sed simul etiam per Spiritum S. corda eorum trahit, se-  
cundum illud Christi: Nemo venit ad me, nisi Pater traxe- Ioan. 6.  
rit eum.

Vocationis huius efficacis, effectus est emollitio cordis, seu XXVI.  
conuersio ad Deum ex mera gratia. Quam sequitur fides seu Vocationis efficacis  
fiducia vera in Christum, qua electi Christum apprehendunt, effectus in electis.  
& eum cum omnibus beneficijs suis sibi applicant, in remissio-  
nem peccatorum & vitam æternam.

Ex fide autem iustificatio coram Deo, qua in imputatione XXVII.  
alienæ iustitiæ, id est, merito Christi consistit; & sanctificatio Iustificatio ex fide  
inchoata, qua electi Spiritu S. donati, renouantur in spiritu electorum Dei.  
mentis, & noui homines efficiuntur: Qui efficit etiam bona XXVIII.  
opera per ipsos, quæ Deo grata & accepta sunt propter Chri- Sanctificatio in-  
stum. choata.

Quemadmodum autem per secundarias & medias causas  
agit cum electis ad salutem: ita quoque cum reprobis agit per or-  
dinatas causas.

Cum enim odium Dei contra illos in seipsis corruptos sit  
iustum, qui causis adductus, quas ipse solus nouit, proposuit  
eos in hunc finem creare, ut in ipsis iram & iustitiam suam

XXX

osten-

XXX.

Executio decreti  
Dei in hominibus  
ad æternam damna-  
tionem.



## 530 Colloquium Mompelgartense.

XXXI.  
Damnatorum perti-  
nacia necessaria.

XXXII.  
Intelligentia & fides  
qualis in damnatis  
excitetur à Deo.

XXXIII.  
Causa cur Deus aut  
prorsus non, aut in-  
efficaciter vocet  
damnandos.

XXXIII.  
Incredulitatis obsti-  
natio & pertinacia  
vnde.

XXXV.  
Ignoratio & con-  
temptus Evangelij.

ostenderet, quos nunquam dilexit, ideo etiam vel prorsus non vocat, vel ut maximè vocet, tamen vocatio prorsus inefficax est, quia verbum predicatum ferit aures, sed cor non attingit, neq. ad conuersionem mouet. Horum quamuis NECES-  
SARIA, tamen spontanea est pertinacia, quibus non datum est, veritatis spiritum amplecti, & credere.

Et quamuis sint præterea alij, quorum intelligentia per verbum predicatum excitatur ad ea percipienda & creden-  
da, qua audiunt: sit tamen hoc generali illa fide, qua prædij diaboli contremiscunt. Nam vocationem non esse vniuersa-  
lem, ut omnes saluentur, ex eo patet, quoniam multi sunt, qui nunquam verbum Dei audierunt, quibus etiam nun-  
quam predicatum est.

Causa autem est, quòd vel prorsus non vocet, aut inefficax sit vocatio; quòd ut Deus nemini quicquam debet, ita etiam vocationem nulli populo aut homini debet, sed gratia est si quos vocet. Malitia autem hominum tribuendum est, si non vocet, aut inefficaciter vocet, hoc est, per Spiritum san-  
ctum non trahat. Et natura humana seu caro ita compa-  
rata est, ut non modò non subijciatur Deo, sed ei etiam per-  
petuò repugnet. Inde tandem incredulitatis obstinatio & per-  
tinacia, ut in sua cecitate sibi ita placeant, ut dicant se  
videre, quoniam vocati neque volunt, neque possunt respon-  
dere.

Hæc autem incredulitatis obstinatio & pertinacia non est ex Deo, sed à corruptione hominis innata, & à parentibus ac-  
cepta. Ex qua etiam ignoratio & contemptus Evangelij se-  
quitur. Non enim ignorant tantum Evangelium, sed etiam  
horribiliter contemnunt, cderunt, & persequuntur. Et tan-  
dem in omnem iniustitiam, pollutionem, omnisq. generis se-  
læra ruunt.

Quando

## Colloquium Mompelgartense. 531

Quando autem de iudicio Dei, de utrisq. electis & reprobis, differitur; diuersa illa esse testatur Scriptura S. Nam glorificatio est iustificatorum in Christo, & damnatio iusta peccatorum. Quorum tamen causa non est eadem, si executionem electionis & propositi Dei consideres. Nam causa salutis electorum est in Deo: causa verò interitus damnatorum est in malitia hominis, qua à diabolo est, non ex Deo, sicut scriptum est: Perditio tua ex te Israel, in me autem salus tua. Quod si

XXXVI.  
Diuersitatis iudicij  
Dei in electis & re-  
probis causa & ra-  
tio.

OSE. 13.  
Similitudo de Sole.

multitudine declarare libuit: Sol facit diem, facit quoque noctem; diem per se & propria sua luce, quando exoritur & splendet: Noctem quoque efficit, sed per opacitatem terræ, quia nec esset umbra illa, si sol non esset, neque hac umbra nox efficeretur. Sic Deus sua gratia & fauore propter Christum, absq. omni respectu operum aut meritorum nostrorum, saluat electos in Christum credentes, reprobos autem damnat propter malitiam & corruptionem, qua illi laborant, quos in sua miseria iusto iudicio reliquit.

XXXVII.  
Causa interitus  
damnatorum.

Conspicitur ergo iustitia Dei, cum in saluatis, tum etiam in damnatis. Quicumque enim in Christo electi sunt, illi etiam saluantur. Nam vita aterna coronatur obedientia Christi, etiam in membris eius, ipsis gratis imputata, passione & morte Christi acquisita. Mortis autem aternæ iusta pœna, peccatores in sua miseria, iusto Dei iudicio relictæ, multantur.

XXXVIII.  
Iustitia Dei in sal-  
uandis & damnan-  
dis hominibus.

## 532 Colloquium Mompelgartense

XXXIX.

Gloria Dei summè  
misericordis & se-  
ueri in salutaris &  
damnatæ patefacta.

*Vbi gloria Dei ex aeterno eius decreto summè misericordis & summè seueri patefacta, & toti mundo declarata est. Qui gratia & misericordia sua dignatur, quos arcano suo decreto, ad vitam aeternam elegit; & eodem arcano, sed minimè iniusto iudicio præterit, & aeternis cruciatibus propter malitiam ipsorum subijcit, quos occultis causis IPSI SOLI NOTIS, suo amore, in suo aeterno decreto nunquam dignatus est. Hæc paulò prolixius commemorare volui, ut omnes intelligant, nos causam damnationis, non in Deo, ut quidam de nobis falsò iudicant, sed duntaxat in malitia hominum constituere. Causa enim executionis iudicij Diuini, quod ad reprobos attinet, non est in Deo, sed, ut nunc diximus, in hominibus, quos iuste in sua impietate præterit, & non saluat, quod nemini mirum videri debet. Nec est iniustitia in Deo, qui noluit impios ingredi viam salutis, quos ad damnationem creauit. Et quæ iniuste ab ijs fiunt, ratione Dei ordinantis non sunt peccata, qui ordinauit ut fieret, sed ratione hominum, qui faciunt. Est enim differentia inter velle & velle, inter velle Dei & velle hominis. Nullum fuit maius peccatum, quàm crucifigere Filium Dei; hoc tamen à Deo decretum, ordinatum, & ex ipsius voluntate factum est. Quid enim, si omnes homines præterisset, & neminem saluasset? Quis propterea cum eo expostulare posset? Num dicit figmentum figulo, cur me sic fingis? Tu quis es, inquit Paulus, qui Deo respondeas? An non habet potestatem figulus luti, ex eadem massa facere aliud quidem vas in honorem, aliud verò in contumeliam?*

*Quapropter non est quòd miremur, Deum aliquos in miseria sua, occulto & arcano ipsius consilio reliquisse, quos aeterno suo, sed iusto decreto, ad aeternam damnationem creauit, neque unquam dilexit. Quin potius miremur, & Deo gra-*

rias agamus, quod aliquos saluari voluerit, quàm, ut eum accuseremus, tam multos damnari.

Quod enim Gentes, durante Politia Mosaica, reliquit ambulare in suis vijs peruersis; ratio dari nõ potest, quàm occultum illud arcanum & iustum decretum, quod in illis iram, potentiam, & iustitiam suam declarare voluerit.

Sed ait quispiam: unde scire potero, me etiam in numero electorum ad vitam & glorificationem Dei aternã comprehensum esse? Respondeo. Si vis, quisquis es, Prædestinationis tuæ & proinde salutis quoque tuæ aternæ, quam expectas, aduersus omnes Satanae insultus certior fieri, idq; minimè dubijs, & ex humano ingenio petitis coniecturis: Imò verò non minùs certis & exploratis, quàm si in cælum usque ipsum cõscendisses, & ex ipso Dei ore arcanum illud decretum audiuis- ses. Caue diligenter, ne à summo gradu illo incipias: alioquin futurum est, ut immensam illam Dei lucem non feras. Auspicare igitur ab imis gradibus, quare in verbo, quod te ad Christum vocat. Et ubi vocem Dei audieris, in auribus & animo tuo personantem, qua te ad Christum illum vnicum Mediatorem vocat, CONSIDERA PAVLATIM & diligenter SCRVTARE, ecquid in Christo sis per fidem iustificatus et sanctificatus. Hi enim sunt effectus, ex quibus fides, ipsorum scilicet causa intelligitur. Hoc autem cognoscēs partim ex Spiritu adoptionis, intus clamante, ABBA Pater; partim etiam ex eiusdem spiritus vi & efficacia in teipso, nempe si SENSERIS, & re ipsa etiam ostenderis, peccatum ut maximè adhuc in te habitet, tamen in te non regnare, ut improbus & sceleratis cupiditatibus habenas sponte nõ laxes. Si interdum scientes & prudentes peccamus, & postea non formidine pænæ, sed quod clementissimum patrem offenderimus, peccatum oderimus, & Deum Patrem intrepidè

X L.

Quomodo peccata  
rint volente Deo  
gentiles.

X L I.

Quomodo explorã-  
dum, an aliquis et-  
iam in numero ele-  
ctorum compre-  
hensus sit.

## 534 Colloquium Mompelgartense.

adeamus & inuocemus. Si ex his effectis possumus fidem colligere; relinquitur, nos cum efficacia vocatos & tractos esse. Et ex hac rursus vocatione intelligitur, nos videlicet, quia aeterno Dei consilio, quod in sese proposuit, predestinati fuimus, in filios Dei adoptatos esse. Ex quo demum sequitur, cum constantissima Dei voluntate, qua seipsa sola nititur, predestinati simus, ut nemo nos ex manu Christi rapere possit, ideoque nos usque ad finem perseueraturos, dubitare nefas sit.

Ioan. 10.  
Phil. 1.

Hac doctrina de Predestinatione, non facit Deum authorem peccati, vel causam peccati, aut damnationis reproborum; neque plena offendiculi est, ut quidam arbitrantur; neque etiam prauas cogitationes gignit, aut occasionem vel ad contemptum Dei, vel ad desperationem præbet.

### XLII.

Doctrina de Predestinatione, quomodo & quibus proponenda.

Neque est Lac pro pueris & infantibus in religione Christiana, sed cibus solidus. Et nunquam hac doctrina ita proponatur, ut cuiquam sigillatim applicetur. In visitandis egrotantibus, afflictorum conscientias electionis refectione erigant; obstinatè autem malos & contumaces, horrendo illo iudicio ita feriant, ut tamen ab extrema illa sententia abstineant, quoniam hæc iurisdictio ad solum Deum pertinet. Quapropter non quibusuis promiscuè hæc doctrina, aut temerè proponenda; sed prudenter considerandum & videndum, cum quibus agatur, an sint huius doctrina capaces, & ad eam idonei & rectè dispositi, hoc est, prius rectè de peccato, de lege, de iustificatione fidei instituti. Quem modum Paulus in Epistola ad Rom. observauit, & viam monstrauit, quomodo docenda sit. Qui in prioribus octo capitibus docet: Omnes homines coram Deo peccatores, & iusto iudicio Dei damnatos esse: Deum autem misisse Filium suum, ut patiendo & moriendo Deo Patri & iustitiæ eius satisfaceret. Id predicari iussit.

Methodus Pauli in  
Epist. ad Rom. obseruata.



## Colloquium Mompelgartense. 353

*tototerrarum orbe, & promisit; quisquis crediderit, coram Deo iustum & saluum fore. Hæc postquam tradidit, in capite nono assurgit ad explicandum illud arcanum Dei decretum in Christo factam, & per Verbi & Euangelij prædicationem reuelatum de hominibus saluandis & damnandis; quod vsq; ad caput duodecesimum persequitur. Insequentibus Ethica tractat.*

Cùm autem D. Beza, prope ad sesquihoram de hac re continuè differuisset; non semel, sed sæpe & plus quàm septies, Illustrissimus Princeps, Comes Fridericus D. Iacobum monuit, vt sermonem D. Bezæ interromperet, eò quòd Beza tam verbosus esset. Sed D. Iacobus recusauit, & Celsi eius diligenter aliquoties rogauit, vt patienter Bezam audiret, ne conqueri posset, se in tam graui negotio, & sublimi materia, non satis & sufficienter de Prædestinatione auditum esse, de qua materia priùs colloquium tantopere detrectauerat, & breuitatem sermonis in collatione à D. Iacobo tantopere flagitauerat. Si enim sermonem suum vsque ad vesperam extraheret Beza (dixit D. Iacobus Illustrissimo Comiti, Friderico) sibi tamen minimè molestum fore, quin paratus sit eum patienter audire, neque temporis iacturam metuendam esse. Se enim vno atque altero responso breuissimo, totum negocium absoluturum, ut Celsitudo eius cæterique auditores omnes intelligant, doctrinam hanc Bezæ & fratrum eius Scripturæ S. nullo modo consentaneam esse, minimeque consistere posse.

Beza patienter & sufficienter à D. Iacobo auditus est.

Et si

## 536 *Colloquium Mompelgartense.*

Et si verò Celsitudo eius ægrè passa est sibi persuaderi, vt Bezam diutius audiret: tamen molestiam illam deuorauit, donec prolixitatis sermonis pertæsus, in hanc vocem erupit: D. Beza, conclusio, conclusio.

D. B E Z A.

*Illustrissime Princeps: Ego iam conclusi.*

D. I A C O B U S.

Reuerende D. Beza, Tu ipse testaberis & simul auditores omnes, quòd te loquentem, & ferè per sesquihoram de hac materia prolixè disserentem, patienter audierim. Verùm, si quid præterea habes, quod iudices adijciendum illis, quæ prolixè nunc de negotio Prædestinationis abs te commemorata sunt, rogo vt ea proponas: paratus enim sum te sufficienter audire.

D. B E Z A.

*Nihil habeo amplius, quod addam illis, quæ à me dicta sunt.*

D. I A C O A B S

Cùm igitur ante collationem, de articulo Prædestinationis institutam, ab illustriss: Comite, Friderico per tuos petieris, vt breuitati in respondendo studeam, faciam id quoque libenter. Quòd enim in prioribus articulis paulò prolixior fuisse tibi visus sum: causa hæc vnica fuit, quòd Ecclesiarum nostrarum doctrina auditoribus, præsertim Gallis exulibus necessariò paulò copiosius explicanda fuerit, quæ in concionibus & scriptis vestris miserè deformata, & ipsis hætenus ignota fuit: ad quos nostrorum scripta de his cōtrouersijs non peruenerunt. Quòd cùm à me factum sit, & prolixitatem illam, auditoribus minimè ingratam fuisse confidam; nunc breuiter ad prolixam tuam orationem, & doctrinæ de Prædestinatione explicationem respondebo.

Primum

Cur D. Iacobus in hac collatione interdum prolixior fuerit.

## De Prædestinatione. 537

Primum omnium de decreto illo Dei arcano, occulto, & immutabili, quod Dominus cogitauerit, & in quem finem præsertim in creatione hominis respexerit, & media perueniendi ad illum, quomodo disposuerit: ita locutus es, vt visus fueris mihi in arcano illo consilio Dei assedisse, & non modo omnia coram audiuisse, quæ sancta Trinitas, Pater cum Filio & Spiritu sancto, de creatione hominis deliberauerit, sed etiam quasi tu quoque consiliarius illorum fuisses.

D. B E Z A.

*Ego non sum consiliarius Dei, neque humanas rationes secutus hanc rem explicari: sed quæ Spiritus sanctus in Scriptura sacra tradidit, exposui. Ideo non est, vt me eiusmodi verbis excipias.*

D. I A C O B V S.

Reuerende Domine Beza, ego te ad sequehoram summa patientia audiui: tu verò me vix tria verba proferentem, & ad orationem tuam respondentem audire potes. Rogo igitur vt me pari patientia audias, qua ego reaudiui. Quantum enim fieri potest, breuitati summè studebo, ne vel Illustrissimo Principi, Comiti Friderico, vel auditoribus reliquis, vlla ratione oratio mea molesta sit.

D. B E Z A.

*Audiam.*

D. I A C O B V S.

Si rectè percepi mentem & sententiam tuam, omnia ea defendenda & propugnanda suscepisti, quæ nos in Thesis nostris reiecimus & damnauimus. Summa enim orationis tuæ fuit: Deum tanquam sapientissimum architectum, in creatione hominis, ad duos fines potissimum respexisse, & propositos habuisse, vt in genere humano, suam misericordiam

Breuis repetitio doctrinæ & confessionis D. Beza de Prædestinatione.

Y y

cordiam

## 538 *Colloquium Mompelgartense*

cordiam pariter & iustitiam declararet, & gloriam tanquam summè misericordis & summè seueri reuelaret. Quapropter æternum occultum, & immutabile propositū habuisse, quod omnes causas secundas & medias præcelsierit, quod decreuerit ab æterno, certos homines ad suam ipsius gloriam tanquam summè misericordis & seueri, eligere in Christo saluandos, alios verò reijcere, sua ipsorum culpa damnandos.

Ad quem finem vt perueniret, sibi viam quoque parasse, & media necessaria disposuisse & ordinasse. Ideoque hominem in recto statu, bonum, iustum, sanctum, sed mutabilem creasse, vt posset peccare & labi.

Deinde, eum neque inuito, neque ignorante, neque ociose præsciente, sed volente Deo, lapsum & præceptum Dei transgressum esse, cum nihil quicquam in Mundo euenerit, eueniat, aut euenturum sit, sine voluntate Dei, à qua ne pascerculi quidem excipiuntur, Matth. 10.

*In responsō ad  
Thes. 1.*

Oportuisse autem hominem peccare & labi, vt in ipso locus misericordiæ & iustitiæ esse posset. Vbi enim non est miseria, ibi quoque nulla misericordia, qua homo ex illa miseria liberetur. Et vbi nulla culpa, nullum peccatum: ibi iustitiam locum ad multam infligendam habere non posse. Lapsum ergo esse hominem respectu decreti & voluntatis Dei NECESSARIO, sed respectu sui contingenter, & spontanea voluntate, sine vlla coactione Dei.

Quo lapso, amorem Dei gratuitum erga corruptos quidem in seipsis, sed in Christo gratis erga destinatos electioni & saluti sese exeruisse & reuelasse in æterno Dei & immutabili eius decreto conceptum. Quemadmodum & odium Dei iustum erga corruptos in seipsis, ex peccati per Adam propagatione patefactum sit.

Quapropter in executione æterni huius consilij, per predicationem verbi, quæ electis & reprobis communis est, Deum eos vocasse. Quæ vocatio respectu eorum, quos Deus æternæ vitæ occulto suo decreto destinauerit, efficax sit, quæ mera Dei gratia, illorum corda emolliantur, & ad Deum conuertantur.

uertantur. Et Spiritum S. per verbum prædicatum, fidem in illis operari in Christum, qua iustificentur & sanctificentur, & tandem etiam glorificentur, cum vita æterna propter obedientiam Christi, per fidem imputatam coronentur. Reprobos verò sine respectu harum causarum absoluto Dei proposito & decreto ad damnationem & æternam mortem destinatos, vel prorsus non vocari, vel inefficaciter. Quoniam Deus non velit eos conuerti, credere, neque pretium sanguinis Christi illis prodesse, aut illos saluari.

Relictos ergo iusto Dei iudicio (qui nemini quicquam debeat) induratione spontanea, Euangelium non modo ignorare, sed etiam contemnere, ac inde in omnem iniustitiam, & pollutionem ruere, donec iusto Dei iudicio damnentur, & mortis æternæ poena mulcentur.

Bona fide me sententiam tuam recitasse confido. Sumam autem vnum duntaxat confutandum: quo confutato, tota doctrina tua de Prædestinatione corruet, quod videlicet sentis: Deum, æternum, occultum, immutabile, & absolutum decretum fecisse, omnes causas ordine quoque antegrediens, quod maximam partem hominum in terris, ad æternam damnationem creare voluerit, quos etiam ad damnationem ordinauerit, & destinauerit: quos neque efficaciter vocare, neque conuerti, neque credere, neque illis precium sanguinis Christi prodesse, aut eos saluari velit: quia de illis immutabile decretum fecerit, quod in illis suam iustitiam declarare voluerit.

Hanc opinionem, & doctrinam, nos tanquam falsam, & cum verbo Dei expressè pugnantem aperte & constanter rejicimus & damnamus. Et discretè dicimus, Deum tale decretum nunquam cogitasse. De voluntate enim DEI nequam ex ratione & cogitationibus humanis, sed ex verbo Dei aperto, & minime obscuro, iudicandum esse docemus: In quo voluntas Dei erga genus humanum lapsum, expressa & reuelata est. Quo sublato: de voluntate Dei in genere humano vel saluando vel damnando, nobis nihil quicquam constar. Lucerna pedibus meis verbum tuum, inquit Psalmes.



## 540 *Colloquium Mompelgartense*

Hanc voluntatem Dei, vt ex verbo eius eruamus, & certo cognoscamus, vnum saltem ex te quæro, ad quod vt categoricè & discretè mihi respondeas oro: videlicet, an Deus vnquam dilexerit eos, qui nunc damnati sunt, aut in futurum damnabuntur?

D. B E Z A.

*NON.*

D. I A C O B V S.

Hoc mihi nouum, & antea nunquam auditum est. Quapropter oppono expressum Spiritus sancti testimonium, hoc est, ipsius Christi aperta verba, Ioan. 3. Sic Deus dilexit M V N D V M, vt daret vnigenitum Filium suum, vt omnis, qui credit in ipsum, non pereat, sed habeat vitam æternam. Et denuò quæro: quid in his Christi verbis significet vocabulum M V N D V S?

D. B E Z A.

*Electos.*

D. I A C O B V S.

Mundus totum genus humanum significat.

Ioan. 3.

Deus non vult impiorum mortem & damnationem æternam.

In his Christi verbis, per vocabulum (M V N D V S) iudicio & vnanimi consensu omnium scriptorum & interpretum sacrae Scripturae veterum & neotericorum, vniuersum genus humanum intelligi, certum & indubitatum est. Quod ipse Christus verborum suorum optimus interpret, eodem loco apertissimis verbis confirmat, cum inquit: Hoc est iudicium, quod lux venit in mundum, & mundus plus dilexit tenebras, quàm lucem. Vbi vocabulum M V N D V S, non potest intelligi de electis tantum: sed maximè de illis, qui reijciuntur & damnantur. Illi enim plus diligunt tenebras, quàm lucem. Qui etiam ideo damnantur, quod cum illos Deus ita dilexerit; vt pro eis Filium suum daret: ipsi tamen hoc beneficium spernant & contemnant, & propterea iudicentur & damnentur. Idem Iohannes Baptista confirmat: qui cum Christum digito

digito monstraret, dixit: Ecce agnus Dei, qui tollit peccata Ioan. 1.  
mundi, **MUNDI** inquit, non electorum tantum. Sic ad  
Roman. 5. scriptum est: Si enim, cum inimici essemus, re- Rom. 5.  
conciliati sumus Deo per mortem Filij eius: multo magis re-  
conciliati salui erimus in vita ipsius. Et. 2. Corinth. 5. Deus  
erat in Christo, Mundum reconcilians sibi, non reputans il-  
lis delicta ipsorum: & posuit in nobis verbum reconciliatio-  
nis. Pro Christo ergo legatione fungimur, tanquam Deo  
exhortante per nos. Obsecramus pro Christo, reconcilie-  
mini Deo.

Huc & illud Ezechielis pertinet: Nunquid voluntaris Ezech. 18.  
mea est **MORS IMPII**, dicit Dominus Deus: & non,  
vt conuerratur à vijs suis, & viuatur? Vbi expressè impiorum  
firmèntio, quorum æternam mortem non velle Dominum,  
expressè dicitur. Tantum verò abest, vt Deus impiorum  
damnationem velit, vt per eundem Prophetam testetur, se  
sanguinem eius, qui damnatus est, ex manibus speculatoris  
requisiturum. Si me dicente ad impium: Impie, morte mori-  
eris: **NON FVERIS LOCVTVS**, vt se custodiat  
impius (non inquit electus) à via sua: **IPSE IMPIVS**, in  
iniquitate sua morietur, sanguinem autem eius, de manu tua  
requiram. Adeo enim dilexit Deus impium etiam damna-  
tum, vt damnati sanguinem ex manu prophetæ requisitu-  
rus sit. Et iterum eodem loco: Quare moriemini domus Is-  
rael: quia **NOLO MORTEM MORIENTIS**, di-  
cit Dominus **DEVS**, reuertimini, & viuite: Vbi nomine  
mortis, non potest intelligi mors naturalis seu temporalis: sed  
æterna mors intelligitur, sicuti præcedentia verba Prophetæ  
aperte docent, vbi non dicit: Nolo mortem electorum, sed  
mortem morientis, hoc est, ad æternam damnationem cur-  
rentis, & qui iam mortuus, hoc est, damnatus est, vnde nun-  
quam amplius in æternum liberabitur, Luc. 16.

Sic Christus omnes peccatores ex æquo ad se vocat, non  
stimulare, sed seruo: Veni ad me omnes, qui laboratis, & Matth. 11.  
onerati estis, ego reficiam vos. Non dicit: Venite ad me ali-

## 542 *Colloquium Mompelgartense*

qui tantum, quos Pater in arcano consilio decreuit saluos facere: reliquos etsi quoque voco, tamen neque mea, neque Patris mei voluntas est, ut veniant, me audiant, & mihi credant. Absit longe à nobis tam impia cogitatio de Christo saluatore nostro.

1. Tim. 2. Eodem modo Paulus loquitur: Deus vult omnes homines saluos fieri, & ad agnitionem veritatis peruenire. Cuius verba non modo confirmat, sed etiam illustrat D. Petr. s, cum inquit: Non tardat Dominus promissionem suam, sicuti quidam existimant: sed patienter agit propter vos, qui non vult ALIQUOS PERIRE: sed OMNES ad poenitentiam reuerti. Vbi perspicue explicat, quid per vocabulum OMNES intelligat, dum addit: non vult aliquos perire: quod nunquam posuisset Petrus, si Deus ALIQUOS perire voluisset, & occulto decreto ad æternam damnationem creasset & ordinasset, quos noluerit ad poenitentiam reuerti.

Rom. 11. Conclulit omnia, inquit Paulus, sub peccatum, ut omnium misereatur. OMNIUM dicit, non inquit ALIQUORVM tantum. His apertissimis Scripturæ testimonijs, luce meridiana clariùs demonstratum confido, quod in verbis Christi, Ioan. 3. per vocabulum MVNDVS, totum genus humanum comprehendatur, quod Deus dilexerit, adeoque etiam damnatos ipsos dilexerit, ut illorum sanguinem de manu Prophetæ requisiturus sit, qui eis iudicium Domini non annunciauerit, sed metu poenæ, aut spe alicuius commodi, ne gratiam amitteret, tacuerit.

Falsa opinio de inefficaci vocatione.

Quapropter quod vos dicitis de vocatione inefficaci, qua Deus impios vocet, quos tamen non velit venire, & conuertere: glossa vestra est humana, verbo & gloriæ Dei contraria. Quantum enim ludibrium esset, si Princeps Illustriss. Comes Fridericus, in summa illa frumentorum caritate, omnes suos subditos ad se vocaret, & eis frumentorum copiam promitteret, tacite autem apud se cogitaret, quod non omnibus vellet dare, sed quam plurimos inanes dimittere? An  
non

non omnes verè & rectè dicerent, Principem luisse? quod ipsius persona indignum esset. Multò magis indignum est, hoc ipsum Christo in suis dulcissimis promissionibus tribuere, quibus OMNES peccatores ad se allicit & vocat: vt cogitemus, eum non seriò omnes peccatores ad se vocare, sed eos tantum, de quibus occultum decretum fecerit, quòd eos saluare velit. Hæc dicitis, hæc scribitis, hæc in vestris libris leguntur. Qua glossa perturbatis conscientijs, omnis consolatio adimitur. Etsi enim Christus dicit: Venite ad me OMNES, qui laboratis: tamen si certa est hæc glossa vestra, quòd aliquos tantum venire velit: quis tibi & mihi indicabit, aut te vel me certiore faciet, quòd velit nos quoque venire? Cum igitur dubitare cogaris, ante quoque voceris: nunquam ad eum venies.

Cum igitur ex omnibus promissionibus vniuersalibus Euangelij (quæ nos contra tentationes de particularitate electorum, & contra decretum æternæ damnationis de nobis factum, quod Sathan inculcat, consolantur) particulares faciatis, in quibus vocabulum OMNES, perpetuò ALIQUOS tantum significet: Venite ad me omnes, id est, aliqui: Deus vult omnes homines saluos fieri, id est, aliquos: Conclufit omnes sub peccato, vt OMNIVM, id est, aliquorum, misereatur: & quæ sunt his similia in nostris Thesis partim recitata: manifestum est omnibus, hanc doctrinam in Ecclesia Dei intolerabilem esse. Vbi enim consolatio illa firma manebit, quam in vniuersalibus promissionibus habemus, si omnes pariter particulares efficiantur, & Scripturæ sacræ testimonia tam illustria, hac interpretatione deprauabuntur: Quæcunque enim scripta sunt, inquit Paulus, ad nostram doctrinam scripta sunt, vt per patientiam & consolationem Scripturarum spem habeamus.

Rom. 15.

Hæc autem doctrina neque consolationem suppediat, neque spem facit vitæ æternæ consequendæ: sed in perpetua dubitatione conscientiam & cor hominis relinquit, an sit fortè etiam ex numero eorū, de quibus Deus æternū & immutabile decretum fecerit, quòd nolit eos saluari, sed ad damnationem eas.

Doctrina D. Beza de Prædestinatione in perpetua dubitatione relinquit conscientias perturbatas.

## 544 Colloquium Mompelgartense

eos occultro decreto hoc OMNES CAUSAS ANTE-  
GREDIENTE, creatos, ordinatos, & destinatos esse.  
Quod periculum eò maius & præsentius est, si secundum ve-  
stram opinionem, quàm plurimi in senecta demum regene-  
rentur, neque regenerationis villos morus prius senserint, ad  
quos remittuntur, vt de electione certiores fiant. Longe er-  
go, imò longissimè absit à me, vt meis Auditoribus hanc do-  
ctrinam vnquam proponam, siue pueri sint lacte indigentes,  
siue adulti, qui solidum cibum perferre possint. Absit, in-  
quam, à me, vt sic sentiam & doceam.

D. B E Z A.

*T. R. Dignitas in verbis Christi: Sic Deus dilexit Mun-  
dum, per MVNDVM, intelligit omnes homines: Ego  
verò non. Idq̃, probò ipsius Christi verbis, Iohan. 17. cum  
inquit: Non rogo pro mundo. Ergo non pro omnibus roga-  
uit Christus, sed pro electis tantum, quos Pater ei dedit.  
Ideoq̃, nomine mundi, non intelliguntur omnes homines,  
sed electi tantum Iohan. 3. quos Deus dilexit, non autem  
reprobi & damnati, quos nunquam dilexit.*

*Quando autem Scriptura interdum vniuersalibus par-  
ticulis [OMNIS, OMNES] utitur, sicut aliquot Scri-  
ptura dicta à te nunc commemorata sunt, in quibus ha par-  
ticula continentur: ad gentes respicit, ne quis ad Iudeos  
tantum pertinere arbitretur. Cum Deus non solum ex Iu-  
daeis, sed etià ex gentib. vasa misericordiae preparata ha-  
beat. Sicut Augustinus ad Simplicianum scribens, testatur:  
& ex scriptis Prophetarum, & Apostolorum manifestum est.  
In eiusmodi ergo dictis, quando vocabulum [MVNDVS]  
positum est, Ecclesiam significat, quæ electis tantum tan-  
quam suis membris constat, quos Deus in Christo dilexit: reli-*  
quos



*quos omnes ab aeterno, iusto odio habuit, & in aeternum habebit.*

D. I A C O B V S.

Quod ad locum Ioan. 17. attinet, cùm inquit Christus: Non rogo pro mundo: fateor eo loco non pro omnibus hominibus, sed de contemptoribus Christi, & beneficiorum eius intelligi. Quoniam eo in loco electi & mundus opponuntur expressis verbis, cùm inquit Christus: Ego pro eis (ELECTIS) rogo, non pro mundo (id est, contemptoribus verbi mei) oro. Sed Ioan. 3. absolute ponitur: Sic Deus dilexit mundum. Vbi non electos, sed omnes homines Christum intelligere, sequentia eius verba aperte docent: ut omnis qui credit, &c. ubi causam ostendit, cùm Deus omnes dilexerit, ut daret Filium suum pro illis, cur Christus non omnibus prosit, & omnes ex æquo saluentur. Quoniam illi tantum saluantur, qui credunt, hoc est, Christum vera fiducia complectuntur. Qui verò non crediderint, hi simul omnes damnantur, secundum illud Christi: Qui verò non crediderit, condemnabitur. Item, qui non credit, iam condemnatus est: quia non credidit in nomen Filij Dei.

Mundus quando reprobos tantum significet.

Mar. 16.  
Ioan. 3.

Sed verborum Christi interpres, minimè reprehendus, est Ioannes Euangelista, qui verba Christi: Sic Deus dilexit mundum: descripsit, & eorundem sententiam cùm optimè nouisset, perspicuis & disertissimis verbis explicauit. Verba eius sic sonant: Si quis peccauerit, aduocatum habemus apud Patrem Iesum Christum iustum. Et ipse est propitiatio pro nostris peccatis: NON pro nostris peccatis tantum, sed etiam pro totius Mundi. Vbi Apostolus non solum vocula seu particula vniuersali TOTIVS, vocabulo MVNDI addita: sed etiam collatione electorum, quos vocabulo (nostris) intelligit, & damnatorum, qui etiam nomine MVNDI intelliguntur, aperte docere voluit, Christum nomine mundi (Ioan. 3.) omnes homines intelligere.

1. Ioan. 2.

Z z z

D. BEZA.

D. B E Z A.

Depravatio manifesta verborum Ioannis.

Lib 1 quest 2.

*Ego dico, Ioannem in dicto loco (1. Ioan. 2.) non coniungere electos cum damnatis: sed discernere Iudæos & gentiles: ut nomine Mundi gentiles cum Iudæis, duntaxat autem electis, in utroque populo intelligat. Ut hæc sit verborum Ioannis sententia: Christum propitiationem esse, non solum pro peccatis Iudæorum, hoc est, electorum, qui sunt ex Iudæis, sed etiam pro ijs electis, qui sunt ex omnibus gentibus, quos nomine totius Mundi comprehendit Ioannes. Quemadmodum Augustinus ad Simplicianum questione secunda testatur: Quos & vocavit, nos (inquit) non solum ex Iudæis, sed etiam ex gentibus. Non enim omnes Iudæos, inquit, sed ex Iudæis, nec omnes omnino homines gentium, sed ex gentibus.*

D. I A C O B V S.

Nulla est hæc argumenti mei solutio, aut tuæ gloriæ confirmatio. Nam Euangelista Ioannes hanc Epistolam non ad Iudæos tantum, sed pariter quoque ad gentiles, hoc est, ad omnes discipulos Christi, doctrinam Euangelij amplectentes scripsit, quos simul omnes intelligit, vocabulo NOS TRIS, nomine autem TOTIVS MVNDI, omnes homines, nemine excluso: quod certissimum est, & apud omnes verè pios & sinceros doctores indubitatum. Hinc illud vulgare dictum: Christus mortuus est pro omnium hominum peccatis sufficienter: sed non efficienter: quia plurimi hoc beneficium contemnunt: ideo eis nihil prodest. Non quod Christus noluerit omnibus prodesse, sed quod maxima pars hominum, cum ex Iudæis, tum ex gentibus, id nihil curet, tenebras & voluptates Mundi plus amans, quam lucem & veritatem Euangelij.

D. B E Z A.

*Si Dominus vellet omnibus prodesse passionē & mortem suam:*

*suâ: una gutta sanguinis satis esset pro peccatis totius Mundi, etiam damnatorum. Christus autem non est mortuus pro peccatis damnatorum, aliâs etiam damnati saluarentur, quos Deus aeterno suo, sed iusto decreto, propter causas ipsi solitas, ad aeternam damnationem creauit, ordinauit, & destinauit. Catholica autem Ecclesia mundus ille est, de quo Ioannes hic loquitur: pro quo Christus passus, crucifixus, & mortuus est. Cuius etiam propitiatio est Christus in sanguine suo, quem pro illa, non pro impijs & damnatis effudit in remissionem peccatorum, membrorum Ecclesiae, non impii.*

## D. IACOBVS.

Hæc in auribus piorum sunt horrenda auditu. Et cupe-  
rem mihi saltem vnum ex Scriptoribus Ecclesiasticis veteri-  
bus & nouis nominari, qui in hunc modum verba Iohannis  
Euangelistæ interpretatus esset. Et vt maximè ostendi pos-  
set: manifestè tamen falsum, & apertam Iohannis verborum  
deprauationem esse, omnes piæ mentes intelligunt. Quin to-  
to corpore perhorrescunt pñ omnes, quando hanc vocem  
horrendam audierint: CHRISTVM NON pro TO-  
TIVS Mundi peccatis, hoc est, pro omnibus hominibus  
in Mundo mortuum esse & satisfecisse. Quis hanc vocem  
quæso ferre potest? Ego sanè in stuporem conuerto, & to-  
to corpore horreo, quando hæc nunc audio. Quapropter de-  
nuò dico, cum D. Beza doceat, quòd Christus non sit pas-  
sus pro damnatis, neque pro ipsorum peccatis satisfecerit,  
si ex vllò Scriptorum veterum aut neotericorum probato-  
rum hoc demonstrare potuerit, & hanc suam interpretatio-  
nem probauerit, paratum me esse, non solum ad Palinodi-  
am & publicam reuocationem, sed etiam durissimam poenam  
sustinere velle.

Horrenda doctrina  
Beza, Christum non  
pro totius Mundi  
peccatis mortuum.

Hic Beza cum suis  
fratribus, in altera  
mensa sedentibus,  
riliit

## 548 *Colloquium Mompelgartense*

*Sola incredulitas  
damnat homines.*

Rom. 3.

Ioan. 3.

Ioan. 16.

Non enim ideo damnantur æterno exitio adiudicandi, quòd peccauerunt : aliàs quoque omnes electi damnarentur : quoniam omnes peccauerunt, & egent gloria Dei : Sed ideo damnantur, quia nolunt vera fide amplecti Iesum Christum, qui NON MINVS pro ipsorum peccatis passus, crucifixus, & mortuus est, quàm pro peccatis Petri, Pauli, & omnium sanctorum. Hæc est æterna & immutabilis veritas, aduersus quam portæ inferorum non præualebunt. Sicuti Christus apertè testatur, cum inquit : Hoc est iudicium, quòd lux venit in mundum, & mundus plus dilexit tenebras, quàm lucem. Item, Spiritus sanctus arguet Mundum de PECCATO, QVIA NON CREDVNT IN ME. Hoc, inquam, peccatum, si hominis animum occupauit, nec tollitur, damnat : si totius Mundi iustitia eius propria esset. Contra si quis credat in Christum verè : totius Mundi peccata eum in infernum deprimere non possunt. Moriuntur ergo, & damnantur homines, non quia Deus æternum & immutabile decretum de illis fecerit, quòd non velit illos saluare, quasi eos ad declarandam iustitiam suam, ad damnationem creauerit & ordinauerit : sed ideo damnantur, quoniam beneficium mortis Christi sibi per fidem non applicant, qui pro ipsis mortuus est, & pro peccatis illorum satisfecit.

D. B E Z A.

*An sola incredulitas  
damnet, & non item  
alia peccata.*

*Hoc verò mihi planè nouum est, & prius inauditum, quod dicis : Non ideo damnari homines, quod peccauerint : cum peccatum unica causa sit æterna damnationis, cur improbi in sua malitia relinquantur, & damnentur. Deinde fateor, mortem Christi potuisse sufficere pro peccatis etiam damnatorum, si Deus voluisset illis prodesse. Sed nihil adhuc audio, quòd Christus pro omnibus etiam damnatis mortuus sit.*

Cum

Cùm tam absurda , horrenda , & manifestè im-  
piadiceret Beza de morte Christi , quòd videlicet  
Christus non pro omnibus peccatis , & peccatori-  
bus sit mortuus : Illustriss. Princeps, Comes Frideri-  
cus D. Iacobum monuit , vt finem colloquio impo-  
neret. Pertæsa enim erat Celsitudo eius talia am-  
plius audire.

D. I A C O B U S .

Illustrissimus Princeps, Comes Fridericus, iudicat finem  
collationi institutæ de hac materia imponendum esse , quia  
eadem perpetuò repetantur , & tam absurda fidei Christia-  
næ & Scripturæ sacræ apertè contraria , abs te proponantur,  
videlicet, Christum non pro omnibus hominibus , & totius  
Mundi peccatis mortuum esse. Ideoque frustra nos amplius  
disputaturos existimat. Hoc enim est principia negare , &  
apertissimis Scripturæ testimonijs contradicere , quibus fi-  
des nostra , in omnibus tentationibus nititur , eamque prorsus  
euertere , atque adedò omnem consolationem pijs menti-  
bus , in summis tentationibus , eripere , quam in promissio-  
nibus vniuersalibus Euangelij , & in Sacramentis repositam  
habent. Tu enim omnes illas promissiones vniuersales in  
particulares conuertis, neque in tota hac disputatione, vllò  
verbo Sacramentorum mentionem fecisti, quibus maximè  
electio nostra obsignatur & confirmatur , & homo in sum-  
mis tentationibus constitutus n̄idem erigendus , & in fide  
confirmandus est.

Consolatio piorum  
in Sacramentis re-  
posita.

Ideo enim baptizati sumus , ne de electione & salute no-  
stra dubitemus. Nam in Baptismo sancta Trinitas , gratiam  
suam, singulis qui baptizati sunt, promissit, quòd velit ipso-  
rum peccatis propitijs esse, eaque omnia gratis propter Chri-  
stum remittere: qui nō solum pro ipsoꝝ , sed etiā pro totius  
mundi peccatis mortuus sit , & pro illis omnibus satisfecerit.  
Ideo etiam Eucharistiam sumunt, & hoc ipsum corpus Christi

Consolatio ex Ba-  
ptismo.

Consolatio ex Cœ-  
na Domini.



in mysterio accipiunt, quod pro peccatis ipsorum traditum: & hunc ipsum sanguinem bibunt, qui non solum pro ipso-  
rum, sed etiam pro totius Mundi peccatis est effusus, ad ob-  
signationem promissionis vniuersalis, quod hæc etiam ad  
iplos pertineat, quibus certi fiant, quod Deus ipsis quoque  
per Christum velit propitius esse.

D. B E Z A.

*Nos nequaquam perturbatis conscientijs consolatio-  
nem adimimus. Quoniam docemus, electis dari Spiritum  
Rom 8. sanctum, spiritum adoptionis, qui testimonium perhibet  
spiritui ipsorum, quod sint filij Dei. Hi à spiritu Christi  
aguntur, cuius motus in se ipsis sentiunt p̄y: ex quibus col-  
ligere possunt, se esse filios Dei, & in numero electorum  
comprehensos.*

D. I A C O B V S.

Sed cur non remittis perturbatas conscientias ad promif-  
siones vniuersales? Item ad perceptum Baptismum, ad per-  
ceptam Cœnam Domini, vt ex his de cerūtudine salutis suæ  
æternæ statuant?

D. B E Z A.

*Quia non omnes accipiunt hoc verbum: & plurimi  
Baptismo aquæ tantum baptizantur exteriore, sed non in-  
teriore aqua Spiritus lauantur. Item, multi sine fide veræ  
accipiunt panem & vinum Cœna: sed ad spiritus partici-  
pationem non perueniunt.*

D. I A C O B V S.

Sic ergo in perpetua dubitatione hærent, nec quicquam  
illis promissio vniuersalis gratiæ in Christo promissæ, neque  
Baptismus, neque Cœna, prodest. Quæ omnia tu ita electis  
applicas, vt ex motibus Spiritus sancti demum de illis sta-  
tuant,

D. Beza doctrina  
vsum verbi, Euange-  
lij, & Sacramento-  
rum protius tollit.

uant, an sit in Baptismo quoque illis adoptio obſignata. Quam diu enim perſuaſus eſt homo, de illo occulto decreto, in arcano & æterno Dei conſilio facto, quod Deus maximam partem hominum ad æternam damnationem creauerit & ordinauerit, pro quibus non ſit mortuus Chriſtus, neque pro peccatis illorum ſatiſfecerit, neque etiam velit illis pretium ſanguinis ſui prodeſſe: nullam conſolationem in ſummis tentationibus, ex omnibus promiſſionibus Euangelij, & Sacramentis percipere poteſt. Semper enim in hominum tentatorum animis hæc opinio hæret: Promiſſiones Euangelij tantum ad eos pertinere, quos Deus arcano propoſito & abſoluto decreto ad æternam vitam deſtinauerit, qui etiam tantum in Sacramentis obſignentur: reliquos, vt maxime etiam vocentur, tamen illorum vocationem eſſe inefficacem, & in Sacramentis tantum putamina, hoc eſt, in Baptiſmo externam aquam: in Cœna Domini panem & vinum accipere, à nucleo autem excludi, quoniam in arcano illo Dei conſilio reprobari ſint. Cuius arcani conſilij nullam aliam cauſam nobis notam eſſe ſcribis, quam ipſius voluntatem, quia ſic Dominus voluerit, & eidem placuerit in ipſis iuſtitiam ſuam declarare. Sicut etiam ſcribis: (Miro & incomprehenſibili modo placuiſſe Deo, & voluiſſe, vt primi parentes noſtri peccarent.) Quis igitur tibi dicet, aut vnde ſcies, an ſis in numero electorum, aut reproborum comprehenſus? Nam quod dicis de Spiritus ſancti teſtimonio, & eius motibus, quos ſi ſentiant in ſe ipſis tentari, de ſua electione eos non debere dubitare: omnes intelligunt, eiufmodi conſolationes in ſummis illis tentationibus dubitationem de gratia Dei non tollere, ſed augere. Nam tu ipſe quoque fateris, & ſcribis, quod etiam intelligentia reprobis detur, & in illis excitetur, ad ea percipienda & credenda, quæ audiunt. Hanc autem fidem eſſe generalem, qua præditi Diaboli contremiſcunt. Cum igitur etiam pii, in ſummis illis tentationibus contremiſcant, & cum Dauide in ſe ipſis planè contrarios motus ſentiant, vt cum ipſo in exceſſu mentis dicant: Proiectus ſum à facie oculorum tuorum: vbi tum conſolatio quaerenda? In verbis. Quia promiſſiones (ex ſententia veſtra) omnes ſunt Particulares, quas ad electos tantum pertinere dici-

In voluminer. tract.  
Theolog. pag. 179.

In volum. Theolog.  
Tract. pag. 192.

dicitis, de quibus Deus occultum æternum decretum fecerit, quod eos tantum saluare velit. Non etiam de Baptismo consolationem quærere iubetis: Quia gratia Dei non in omnibus hominibus baptizatis, sed ijs tantum obsignetur, quos Deus secundum occultum suum decretum velit saluos facere. Quapropter neque certam consolationem ex Baptismo petere tentatus, neque minister verbi homini in summis illis tentationibus constituto, dicere potest: Confide frater, in nomine Iesu Christi baptizatus, & in sœdus Dei receptus es, in quo Deus tibi æternam salutem promisit, ideo de gratia illius nihil dubites. Sic, inquam, Ecclesiæ minister, perturbatum hominem, de gratia Dei dubitantem, secundum tuam doctrinam, consolari non potest. Quoniam doceris, Baptismum non esse certum signum adoptionis in omnibus baptizatis: neque in Baptismo omnes regenerari & renouari, & adoptari: sed eorum tantum signum, & repræsentationem, & obsignationem esse, idque duntaxat in illis, quos Deus absoluto, & occulto decreto, omnes causas secundas & medias antegrediente, ad vitam æternam elegerit, ordinauerit, destinauerit. De quo non ex percepto Baptismo, sed ex motibus Spiritus sancti iudicandum, & censendum sit: si quis eos in se ipso sentiat, vt inde colligat, se quoque in Baptismo ad adoptionem obsignatū esse. Cum igitur hac doctrina vestra de Prædestinatione omnis consolatio perturbatis conscientijs eripiat, & contra aperta Scripturæ sacræ testimonia, nihil nisi glossas adferatis: publicè testamur, nos in ea, sicut etiam in cæteris controuersis articulis, in hac collatione tractatis, vobis minime assentiri, sed eam apertè reiicere & damnare.

D. B E Z A.

*Nos non attulimus glossas: sed aperta & manifesta testimonia Scripturæ sacræ, quibus doctrinam nostram confirmamus. Quod etiam scripta nostræ demonstrant.*

D. IACO-

Anglossam, vel testimonia Scripturæ sacre in hac collatione de articulis controuersis attuleritis, quibus testimonia Scripturæ sacre aperta & manifesta, pro assertione & confirmatione doctrinæ nostræ à nobis allata, oppugnare conati estis; in iudicio Illustrissimi Principis, Comitissæ Friderici, & omnium auditorum ponimus.

ETENIM IN ARTICULO DE COENA DOMINI, cum nos vgeremus perspicua & manifesta verba Testamenti Christi, à quibus minimè recedendum sit: Hoc est corpus meum: hic est sanguis meus: Vos statim glossam proposuistis: Hoc significat corpus meum: Est signum & figura corporis mei, à terra absentis, & in cælo tantum existentis: Hoc significat sanguinem meum.

Breuis repetitio doctrinæ, & glossarum D. Bezzæ, in controuersis articulis.

I.  
D. Bezzæ Glossæ de Cœna Domini.

Cum Pauli verba proponeremus de impiorum manducatione: Qui indignè manducat & bibit, reus est corporis & sanguinis Christi; glossa vestra est, non manducando, sed negligendo, respuendo, & repudiando corpus Christi, impios fieri reos corporis & sanguinis Christi.

1. Cor. 11.

Item, cum textum Pauli produceremus: Qui manducat & bibit indignè, iudicium sibi manducat & bibit, non dijudicans corpus Domini: Ibi statim audita est vestra glossa: non dijudicans corpus, id est, non dijudicans panem hunc Cœnæ Domini à communi pane, qui habet nomen & appellationem corporis Domini, unde corpus Christi dicitur.

1. Cor. 11.

IN ARTICULO DE PERSONA CHRISTI, cum textum Ioannis produceremus: Verbum caro factum est. Item: Tu es Christus, Filius Dei viui: statim auditur glossa vestra: Deus est homo, id est, homo cum Deitate vnitus, est homo, qui à Filio Dei gestatur & sustentatur.

Ioan. 1.  
Matth. 16.

I I.  
Glossæ D. Bezzæ in articulo de persona Christi.

Cum dicitur: Hic homo (filius Mariæ) est Deus: glossa vestra auditur: hic homo, id est, Filius Dei cum humanitate vn-

Aaaa

tus

## 554 *Colloquium Mompelgartense.*

tus est Deus. Homo est omnipotens; id est, Deitas humanitati vnita est omnipotens. Deus est passus: id est caro Deitati vnita est passa.

### III.

Glossæ D. Beza in articulo de Baptismo.

IN ARTICVLO DE BAPTISMO, cùm textum produceremus, Tit. 3. Saluos nos fecit per lauacrum regenerationis Spiritus sancti; glossa vestra statim audita: id est, signum lauacri regenerationis, quod lauacrum regenerationis significat & repræsentat. Item, cùm textum proferremus: Nisi quis renatus fuerit ex aqua & spiritu: glossa auditur: Renatus, id est, obsignatus per Baptismū aquæ ad futuram & suo tempore subsequenter regenerationem, idque in electis tantum, qui in senecta demum sæpenuerò renascuntur.

Item, in Actis Apostolorum textus verba de Simone Magico sunt clara: Simon quoque credidit: hic statim adest glossa vestra: credidit, id est, simulauit se credere.

Item, de Paulo Actor. 23. textus clarus: Christus Paulo ASSISTEBAT. Glossa vestra; assistebat, id est, in visione nocturna ei apparebat.

### IIII.

Glossæ D. Beza, in articulo de Prædestinatione.

IN ARTICVLO DE PRAEDESTINATIONE, cùm contra occultū illud decretum pugnaremus, quo asseritis, maximam partem hominum à Deo, occulto, omnes causas secundas antegrediente, & immutabili decreto (cuius præter voluntatem Domini nulla causa reddi possit) ad æternam damnationem creatos & ordinatos esse, quos nunquam dilexerit, neque vnquam voluerit aut velit, vt conuertantur credant, & saluentur: Et cùm aperta sacræ Scripturæ testimonia produxissemus; glossa vestra omnia eludere conati estis; ad hunc videlicet modum.

1. Tim. 2.

Deus vult omnes saluos fieri: glossa vestra, OMNES, id est, ALIQUOS, de quibus decretum fecit, quod velit eos saluos facere.

Enoch. 18.

Viuo ego, nolo mortem morientis; glossa vestra: nolo, id est,



est, volo mortem morientis, id est, peccatoris ad damnationem creati.

Oportet predicari pœnitentiam & remissionem peccatorum in OMNES GENTES: glossa vestra: NON in omnes gentes, sed ALIQUAS tantum, quas, vel ex quibus aliquos occulto suo decreto elegerit Dominus, quos velit saluos facere.

Ipse est propitiatio non pro nostris tantum, sed TOTIVS MUNDI peccatis: glossa vestra; Totius mundi, id est, electorum tantum in Mundo.

Quoties volui congregare filios tuos, & noluisti: glossa vestra: volui, id est, nolui congregare vos, quia ad æternam damnationem vos creavi, ordinaui, destinaui.

Sic Deus dilexit Mundum: glossa vestra, Mundum, id est, electos tantum in mundo.

Venite ad me omnes, qui laboratis & onerati estis: glossa vestra: OMNES, id est, ALIQUI, videlicet electi tantum, quos ego decreui saluos facere: reliquos nolo ad me venire.

Deus omnia sub incredulitatem conclusit, vt OMNIVM misereatur: glossa vestra: OMNIVM, id est, ALIQUORVM, videlicet electorum.

Non vult Dominus ALIQUOS perire, sed OMNES ad pœnitentiam reuerti: glossa vestra; omnes, id est, aliquos, videlicet omnes fideles tantum & electos, reliquos vult perire, quos ad interitum & æternam damnationem creavit & ordinavit, quos nunquam dilexit, neque voluit, neque adhuc vult saluos fieri.

Christus pro omnibus est mortuus: glossa vestra: pro omnibus, id est, ALIQUIBUS, quia tantum pro electis est mortuus. Et similia sexcenta alia.

An verò hæ non sunt glossæ? quæ in præcipuis nostræ religionis articulis, (in quibus salus nostra consistit) apertissima sacræ Scripturæ testimonia labefactant, & ea prorsus inutilia nobis reddunt.

## 556 *Colloquium Mompelgartense.*

Has glossas cùm non semel, sed sæpè, præsertim in articulo de Persona Christi, vno tantùm Scripturæ testimonio probari peterem; nullum allatum, sed vel glossa repetita, vel ratiocinatio falsa à vobis recitata est.

Quæ omnia cùm à nobis non humana glossa, sed apertis & firmissimis sacræ Scripturæ testimonijs confutata sint; manifestũ est omnibus, ex nostra parte, verbum Dei & textum Scripturæ sacræ apertissimum stare: Vos autem glossam tantùm habere. A qua Theologia, vt sibi omnes pij caueant, & eam fugiant, omnes auditores monemus. Non enim substantia tantùm Sacramentorum, hoc est, Christus ex Sacramentis nobis eripitur: sed vnà cùm Sacramentis, verbum promissionum diuinarum de gratuita remissione peccatorum, tollitur. Vnde nullus vltus Scripturæ sacræ & Sacramentorum, in erigendis perturbatis conscientijs ampliùs erit; adeoque certitudo vniuersæ salutis nostræ æternæ consequendæ prorsus euertitur.

D. B E Z A.

*Tute ipsum iudicem ponis, & perinde pronuncias, ac si pro tribunali in Throno sederes, & iudicium de religione in tua potestate positum, & tibi soli à Deo commendatum esset. Non autem est æquum, vt pars sit iudex. Cùm igitur pars sis coram iudice Christo: ideoq; hoc tibi minimè competit. Nos non asserimus glossas, multò minùs veritatem & substantiam Sacramentorum negamus. Sed doctrinam nostram de Cæna Domini tot testimonijs Spiritus sancti probauimus, quot testimonia de veritate corporis Christi veri & naturalis, de eius ascensu in cælum, & de reditu ad iudicium, in Scripturis extant. Habemus etiam ex parte nostra testimonia quàm plurimarum Ecclesiarum & Martyrum, qui suo sanguine nostram doctrinam & confessionem obsignarunt, & fortassis plures*

plures ex nostra parte, quàm vos ex parte vestra. Et cogitate, vos ex parte vestra non esse concordēs. Quid enim Kemniti-  
us, Heshusius, & alij doceant, & in quibus à vobis dissentiant, non ignoratis; qui non per omnia vobiscum faciunt.

Sed oro Dominum, ut multa nobis non imputet. Nobis datum est credere & pati; & dolemus nos non consentire. Cupimus tamen vobiscum fraternitatem colere, quoniam magna est humani iudicij imbecillitas. Dominus & nobis & vobis aperiatur mentem, ut clariora videamus; qui suo tempore patefaciet, qui nam rectè crediderint.

D. I A C O B V S.

Non me ipsum iudicem constitui; neque pro tribunali, aut in iudicij Throno sedens, hæc dixi. Testes enim erunt omnes auditores huius Colloquij, Illustrissimus Princeps, Comes Fridericus in primis, quòd ad illorum iudicia, in hac collatione non semel, sed aliquoties prouocarim, & in singulorum iudicio reposuerim, ut cùm inter nos conuenire non potuerit, ipsi iudicent, vtra pars glossa aut expresso Dei verbo suam doctrinam confirmauerit. Quod adhuc ab omnibus & singulis peto, ut de toto negotio diligenter cogitèt, & vtriusq; partis doctrinam non ex humanis glossis, sed verbo Dei examinent & iudicent. Neque cogitent, à cuius parte plures vel pauciores stare videantur, sed quæ propius ad verbum Dei accedat, & eo solo nitatur.

D. Iacobus doctrinam suam piorum iudicio subijcit.

Quod ad consensum nostrum attinet; is in libro Concordiæ expressus est: quem nihil dubitamus, nulla humana glossa, sed expresso & sibi omni ex parte consentiente verbo Dei niti. Cui D. Chemnitius, D. Heshusius, alijque magno numero eruditi Theologi, Ecclesiarum, Academiarum & scholarum Ministri subscripserunt.

De controuersijs religionis quomodo sit iudicandum.

Consensus Ecclesiarum Vvittenbergensium, cum Ecclesijs August. Confessionis.

Etsi verò videamus, vos à nobis dissentire, neque adhuc sententiam mutare; non tamen propterea intermitteremus

558 *Colloquium Mompelgartense.*

pro vobis Dominum orare, vt vobis mentem aperiat, & suo sancto Spiritu illuminet, vt intelligatis, vos in errore versari, & vt vos à Filio Dei, & verbo eius aperto, simplici, perspicuo, & plano doceri patiamini. Hæc enim vnica ratio & via erit ad piam, sanctam, Deoq; gratam concordiam faciendam. Si quid durius dixisse fortassis visus sum, cuius tamen mihi cōfcius non sum: cogitent Domini, non carnali affectu factum, sed quod animus & cor abhorruerit à doctrina, quæ veritati opposita fuit. Et spero, auditores nobis ex parte nostra testimonium perhibituros, nos placidè omnia nostra proposuisse; neque conuitiari, sed monere tantum voluisse, vt omnes sibi ab ea doctrina caueant, quæ in gignendis nouis erroribus tam fecunda est; vt & auditores intelligant, quo Sathan tendat, si à verbo nos ad glossas abducatur, vt nobis non solum substantiam & vsum Sacramentorum verum, sed etiam totum Euangelium vnâ cum Christo eripiat, & omni consolatione nos spoliaret, quam in vno & solo Christo repositam habemus.

D. B E Z A.

*Nos pro vobis etiam Dominum orabimus, vt in charitate crescatis.*

Posteaquam in hunc modum colloquio finis est impositus; petierunt Theologi Vvirtembergici, à D. Beza & fratribus eius, vt responsiones ad Theses ipsorum de tribus postremis articulis, 1. de Templis, Imaginibus, Organis Musicis, &c. 2. De Baptismo. 3. De Prædestinatione, ipsis exhiberent; quod altero die factum est. Optassent autem Vvirtembergici Theologi, vt idem ordo cum illis seruatus, & responsiones ipsorum etiam ad illas Theses, ante collationem exhibitæ, & publicè quoque recitatæ fuissent, quemadmodum in duobus præcedentibus articulis obseruatum fuit, vt plenaria deinceps de singulis collatio institui potuisset.

Sed

## *Colloquium Mompelgartense. 559*

Sed cùm pleraque in collatione proposita sint, quæ in ipsorum Responsione continentur; Lector Christianus facilè deprehendet eandem sententiam cùm in scriptis tum in collatione sermone facta contineri. Quod Christianus Lector ex ipsorum quoque scriptis intelligere potuit, quæ Theologis Vvirtembergicis à D. Beza & fratribus eius exhibita, & suprà suo loco inserta sunt.



**A**LTERO die, qui fuit, 29. Martij, Illustriss: Princeps, Comes Fridericus, cum consiliarijs & nobilibus aulicis, cæterisque ministris in locum redijt, in quo collatio inter D. Bezam, & D. Iacobum instituta fuerat.

Ac primùm quidem Theologi Vvirtembergici Illustrissimæ Celsitud: ipsius gratias egerunt, quas potuerunt maximas, quòd Celsitudo ipsius nullis sumptibus pepercerit, si qua ratione offendiculum dissensionis hoc maximum tolli, & pia concordia constitui potuisset; tantaque patientia, vtriusque partis collocutores toto hoc tempore de controuersis articulis sententias conferre audisset.

Et si verò non consecuta sit Celsitudo eius hunc finē, quem maximè optabat; eos tamen nihil dubitare, hoc colloquiū suo fructu nō cariturum. Ex quo Cels: ipsius certò cognoscere potuerit, quæ cuiusque partis constans & perpetua sententia esset, & quibus fundamentis vtraque niteretur. Vnde etiam facilè intelligere potuerit, quæ pars glossas & opiniones humanas, quæ autem verbū Domini protulerit, & eius simplici,  
per-



560 *Colloquium Mompelgartense.*

perspicua, & plana interpretatione suam doctrinam confirmauerit. Et retributionem largissimam Celsit. ipsius pro hoc pietatis officio, Ecclesiæ Dei præstito, à Deo pollicentur. Cuius protectioni Cels. ipsius, cum coniuge pijsima, & liberis suauissimis commendent, & gratitudinem animorum perpetuam promittant.

Idem non modò D. Beza cum suis, quos Geneua & Lausanna secum adduxerat: sed Abrahamus quoq; Musculus, cum Senatore Bernensi, & Græcæ linguæ Professore in Gymnasio Bernensi, faciunt, & apud suos Illust: Principis pietatem, clementiam, humanitatem, studium pacis & veritatis prædicaturos promittunt, & preces suas pollicentur. Quibus Illustrissimus Princeps, Comes Fridericus, per Celsit. suæ Secretarium, N. Binningerum, vt à Gallis, qui colloquio interfuerunt, intelligeretur, lingua Gallica respondit in hunc sensum:

RESPON-

*RESPONSV M I L L V.*

*STRISSIMI PRINCIPIS FRI-*

*derici, Comitis VVirtember-*  
*genfis, &c.*

*Domine Beza: Illustrissimus Princeps*  
*Fridericus, Comes VVirtembergensis*  
*& Mompelgartensis, &c. Dominus*  
*meus clementissimus, mihi in mandatis de-*  
*dit, ut breuiter ad tuam orationem respon-*  
*deam, & tibi exponam, Celsitudinem ipsius*  
*omnino alium euentum Colloquij instituti*  
*sperasse, videlicet, ut in collatione facta dis-*  
*sidentium partium animi, in doctrina synce-*  
*ra & incorruptæ veritatis propius coniū-*  
*gerentur. Quod quidem non modò Celsitudo*  
*ipsius, verum etiam alij quàm plurimi pij*  
*homines magnis & ardentibus votis expe-*  
*tiuerunt. Sicut Celsitudo ipsius adhuc quo-*  
*que nihil magis in votis habet, quàm ut vel*  
*tandem piam pacem & concordiam in hac*  
*controuersia videre possit. Quamuis mini-*

*B b b b*

*mè du-*

562 *Colloquium Mompelgartense.*

*mè dubitet, Colloquium hoc institutum suo fructu non cariturum, sed tempore suo quoque aliquem editurum.*

*Quia verò in hoc conuentu aliter fieri non potuerit : totum negocium voluntati Diuinæ commendat, & aliter cogitare non potest, nondum venisse horam & tempus à Deo compositioni controuersie huius destinatum : neque fortassis voluisse Deum, ut in hoc primo congressu concordia sanciretur.*

*Sperat autem Celsitudo ipsius, Deum Opt. Max. pro infinita sua bonitate & sapientia, occasionem, viam et rationem interea temporis monstraturum, qua denuò conuentus aliquis instituatur, ex quo fortè plus utilitatis ad Ecclesiam Dei redire queat, quàm nunc factum est. Quo nomine Celsit. ipsius Deum, Patrem Domini nostri Iesu Christi rogare & pijs precibus sollicitare non remittet.*

*Tibi*

*Colloquium Mompelgartense. 563*

*Tibi verò (D. Beza) cum Collegis tuis  
Celsit. ipsius, quòd hanc collationem tam  
prompto animo accesseritis, clementer gra-  
tias agit: & ut frugalem tractationem boni  
consulatis, petit.*

Cùm autem in quatuor articulis præcipuis, nulla concordia constituta esset; qua ratione discessum fuerit, breui scripto comprehensum est, quod sequitur.

Cum ab Illust: Principe ac Domino, Domino Frederico, Comite Vvirtembergico & Mompelgartensi &c. Domino nostro clementissimo, ad petitionē Gallorum exulum, Colloquium inter D. Iacobum Andreæ, & D. Theodorum Bezam pio zelo, & concordie Christianæ studio institutum esset: in præsentia ipsius Celsi, & exulum Gallorum præcipuorum, familiariter & placidè 1. de Cœna Domini: 2. de persona Christi: 3. de Templorum reformatione & Imaginibus: 4. de Baptismo: 5. de Prædestinatione collocuti sunt. Vtrinque autem ab initio protestati sunt Theologi, se ut priuatos agere, quæ agerent, nullo cum cuiusquam Ecclesiæ præiudicio.

Et si autem in quinto Articulo (qui est de Templis & Imaginibus) vtriusque partis Theologi ita consenserunt, ut res illas, de quibus agitur, adiaphoras esse censerent: modò omnia ad Ecclesiæ ædificationem, & Idololatriæ prohibitionem dirigantur: tamen de qua-

## 564 *Colloquium Mompelgartense.*

tuor reliquis articulis, hoc quidem tempore consensus fieri non potuit, nisi in paucis capitibus, de quibus iam inde ab origine istarum controuersiarum, nulla fuit inter vtramque partem disceptatio.

Vtriusque autem partis Theologi in prædictis articulis nituntur ijs fundamentis, quæ in ipsorum scriptis inuicem exhibitis, comprehenduntur, neque ab ijs recedunt. Promittunt tamen, se id operam daturos, vt nihil in ipsis desiderari meritò possit, quòd quidem ad piam pacem, Deoque gratam concordiam (salua tamen Dei gloria, coelesti veritate, & salute Ecclesiæ) facere possit. Et quia ea, quæ in Colloquio vtriusque dicta sunt, non à notarijs sunt excepta: itaque si quæ sunt ab vtraque parte annotata, nolumus ea vllam vim, & authenticam auctoritatem Protocolli habere.

*Actum Mompelgarti, 29. Martij,  
Anno 1586.*

### THEOLOGI VVIR- tembergici.

*Iacobus Andrea D.  
Lucas Osiander D.*

### POLITICI VVIRTEM- bergici Consiliarij.

*Ioannes Vvolfgangus ab Anvveil.  
Fridericus Schutz D.*

### THEOLOGI GENE- uenses.

*Theodorus Beza.  
Abrahamus Musculus.  
Antonius Fains.  
Petrus Hubnerus.  
Claudius Alberius D.*

### POLITICI A PARTE D. Beza.

*Antonius Marfius.  
Samuel Maierus, Reipub. Bernen-  
sis Senator.*

— 33 —

Quòd



**Q**uod verò ad Protocolum attinet, cuius in literis recessus Colloquij, ut vocant, fit mētio, sic se res habet. Ut liberior collatio esset, neq; vlla pars ad certa verba adstringeretur, aut captiosè, ut interdum in disputationibus fieri solet, præsertim ubi affectus dominantur, vtrinque ageretur, ab initio Colloquij constitutum fuit, ne à Notarijs certis constitutis, vtriusque partis dicta exciperentur, sed liberum esset omnibus & singulis, etiam auditoribus, quæ vellent, annotare. Ex parte D. Iacobi, D. Lucas Osiander, & M. Casparus Lucius, concionator Mompelgartensis, quæ calamo consequi poterant, annotarunt. Eadem libertas etiam illis, qui ex parte D. Bezae erant, relicta est. Magno autem studio & sollicitudine petierunt Geneuenses Theologi cum Bernensi, ne vllam vim & authoritatem authenticam Protocolli, quæ vtrinque in Colloquio annotata sunt, haberent. Etsi verò Theologi Vvitembergici mirabantur, cur tanto studio hoc agerent & quærerent: (ipsi enim in nullo discrimine posuerunt, quæ vtrinque annotata essent, ut qui semper parati sint, ad reddendam rationem de omnibus & singulis, quæ ex parte ipsorum in Colloquio, in singulis congressibus, & de omnibus articulis dicta sunt) non tamen agrè consenserunt, quoniam ab initio ita conuentum erat. Vtriusque autem partis sententiam, candidè in hac descriptione annotatam, neque quicquam mala fide, aut calumniosè vel huic vel alteri parti tributum esse; non modò auditores omnes, qui Colloquio frequentes adfuerūt, & collocutores magna animi intentione audiuerunt, inprimis verò Illustriss: Princeps, Comes Fridericus. Sed scripta quoque

## 566 Colloquium Mompelgartense.

vtriusque partis, proprijs manibus de singulis articulis cōfirmata. Quemadmodum etiam libri, qui de his controuersis articulis extant, ab vtriusq; partis Theologis in lucem editi, testabuntur.

Valedictio D. Bezæ,  
D. Iacobi, & D. Osi-  
andri facta.

**Q**uibus omnibus peractis, Illustriss: Principe, Comite Friderico cum Consiliarijs, & aulicis Ministris, adhuc presente, D. Bezæ, D. Iacobum & D. Osiandrum alloquitur, eisdem quoque, cum collegis, valedicturus. Vbi denuò de sua voluntate & animo testificatur, quòd studio pacis & veritatis ad hanc collationem accesserit. Quapropter sibi plurimum dolere, quòd pax & concordia in controuersis articulis constitui non poterit. Se autem propterea de concordia in controuersis articulis facienda non prorsus desperare. Posteaquam enim nunc se inuicem audierint, vtrinque de toto negotio in timore Domini diligenter cogitaturos. Ipsos quoque Dominum inuocaturos, vt oculos vtring, aperiat, & mentes illuminet, vt vtra pars erret, in viam redeat, & se doceri patiatur à Spiritu Domini. Interim verò donec hoc fiat, rogat, vtrinque ab acerbis scriptis absteineatur, donec Dominus pacem largitus fuerit. D. Holdero & reliquis Theologis salutem dicant: Bezam cum suis symmisticis pro fratribus agnoscant, & dexteris fraternitatis ipsis porrigere velint. Se vicissim operam daturos, vt intelligant, concordiam & pacem ipsis cordi esse.

### D. I A C O B V S

Responsio D. Iacobi,  
& D. Osiandri ad valedictionem D. Bezæ.

Pariter de suo, & Collegæ sui animo ac voluntate vicissim testificatur, ipsis amorem piæ, sanctæ, & Deo grata concordia nunquam defuisse, neque etiam vnquam per Dei gratiam de-

## *Colloquium Mompelgartense. 567*

am defuturum. Ideo non minus ipsis, quàm Bezæ & fratribus eius ex animo dolere, quòd in hac collatione placida & familiari de controuersis articulis consensus factus non sit. Neque per ipsos stetisse, quo minùs fieret, cum prolixè testificati sint, se simplici verbo Domini, omiſſa omni humanaglossa, adhærere. Idem si ipsi facerent, iam iam, pia, sancta, Deoque grata concordia constituta esset.

Neque aliam ad hanc constituendam viam esse, quàm vt humanas suas opiniones abijciant: intellectum suum, in his Myſterijs, in obsequium Christi captiuum ducant, & se simplicitate fidei, verbo Domini subijciant. Et cum in collatione instituta probè intellexerint, quæ ipsorum sententia de singulis articulis controuersis sit; & quòd errores, quos D. Beza in suis scriptis publicis illis obiecerit, minimè doceant aut defendant, sed eos in omnibus & singulis controuersis articulis apertè damnent & detestentur, quo nomine tamen passim apud exterarum Ecclesiarum, sed falsò, traducti sint, cognita nunc & demonstratorum innocentia, ipsos quoque de pia concordia nondum desperasse; de quibus omnibus, vt D. Beza cum suis fratribus & collegis diligenter cogitet, ipsos rogare.

Velle etiam se, suosque pro eis Dominum diligenter orare, vt illis oculos aperiat, & suo sancto Spiritu mentes illuminet, vt veritatem videre, & se illi subijcere possint.

Vt autem illis dexteram fraternitatis præbeant: nō ignorare illos, quàm horribilium errorum, & teterriimarum hæreseon in suis scriptis coram Ecclesia ipsos reos egerint. Ideoque se mirari, quomodo eos pro fratribus agnoscere possint aut velint? aut eorum fraternitatem expetant, si pro talibus agnoscant, qui damnatas hæreses  
ab Or-

568 *Colloquium Mompelgartenje.*

ab Orco reuocent, & Ecclesiæ Dei obtrudant. Contrà verò, in quibus, & quàm tetrīs erroribus ipsi versentur, hac collatione eis demonstratum esse. In quibus cùm adhuc perseuerent; ipsos intelligere, quòd eos pro fratribus agnoscere non possint. Ideoque minùs etiam ægrè laturos, quòd dextram fraternitatis illis non præbeant. Acerba scripta sibi etiam minimè probari, testantur. Errores autem refutandos esse, ipsos quoque non ignorare. Datuos autem operam, si ad scriptionem denuò peruentum fuerit, vt illorum mansuetudo, & lenitas, quantum salua veritate, & gloria Dei fieri possit, omnibus innotescat. Ipsisque omnia humanitatis officia, quæ non semel tantùm in Vvirtembergicis Theologis, quemadmodum ipsorum Ecclesiæ quoque in Principibus Vvirtembergicis expertæ sint, & prædicauerint, præstituros; & hoc nomine etiam haud grauatim dexteræ humanitatis porrecturos.

D. B E Z A.

*Quia dexteræ fraternitatis nobis porrigere recusatis, & nos pro fratribus agnoscere non vultis; amicitia dexteræ etiam nolo.*

D. I A C O B V S.

Ergo intermittatur.

*Et sic discessum est.*

APPEN.

## Appendix:

## IN QVA DOCETVR, QVID IN

negocio communicationis & Protestationis Gallorum exulum,  
Mompelgarti post habitum Colloqui-  
um, actum sit.

**P**ETIERANT D. Beza, eiusque Collegæ, in Libello supplice, (qui his actis insertus est) inter alia, hoc etiā; vt liceret suæ Confessionis fratribus, suam Cōfessionem, sine vllō alterius præiudicio, retinentibus, sacram Cœnam ex aliorum manibus percipere, & ita mutuam fraternitatem colere ac testari. Ad hanc verò supplicis libelli partē, Illustrissimus Princeps ac Dominus, Dominus Fridericus, Comes Vvirtembergicus, & Mompelgartensis, &c. antequam Colloquium finiretur, nondum responderat. Cū autem absoluta collocutione D. Beza eiusq; Collegæ, iam abitum pararent, & in hospitio ad iter accingerentur, interimque Responsum ab Illustrississimo Principe flagitarent: Celsitas eius decretum suum, super ea re, illis in hospitium misit. Erat id decretum ei non dissimile, quod antea circa festum Natalis Christi Gallis dederat in suæ Cels. eiusque Consiliariorum atq; aulicorum præsentia: Idque clara voce Superattendentis Mompelgartensis promulgatum, postea etiam scripto ipsis exhibitum fuit. Cuius sententiam prius recitabimus: Deinde alterum, quod D. Beza eiusq; Collegis datum est, subiiciemus. Sic autem habet primum Illustrissimi Principis Decretum.

## PRIMUM RESPONSVM PRINCI-

pis Friderici, datum Gallis ante Col-  
loquium.

*Postquam Ministri<sup>a</sup> Ecclesiarum Mompelgartensium, Illustrissimum Principem, suum Dominum, Dominum Fridericum, Comitem*

Cccc

Uvir=

<sup>a</sup> Sunt ibi duæ Eccle-  
siæ, Germanica, &  
Gallica: pastor autē  
primarius Germa-  
nus est, & simul et-  
iam Superattenden-  
tis officio fungitur:



Esynā cum Collega  
suo Germano, &  
Gallica Ecclesia tri-  
bus Ministris scri-  
tum Gallorum ex-  
aminavit.

b In eo Scripto pe-  
tierant Galli, vt sub  
sua Confessione ad-  
mitterentur ad Cœ-  
nam Domini.

c Eahabetur vesperi,  
& tractatur de sub-  
stantia & vsu Cœnæ  
Domini.

*Uvirentbergensem & Mompelgartensem,  
de hoc<sup>b</sup> Scripto certiorē reddiderūt: illius Cel-  
situs hoc dedit ressonsum: Debere illis signi-  
ficari, quòd ILLIVS PIA ET PVRA Cōfessio pu-  
blice plus satis proftet: SVB QVA si communi-  
care velint, gratos ipsos fore: sin minus, posse  
ipsos abstinere, & hac ratione suæ conscientia  
cōsulere. Neminem etiam, si ad<sup>c</sup> præparatoris  
am concionem accessurus sit, iri exclusum. Actū  
in Arce, 17. Decembris, Anno, & c. 85.*

Frideric Comte de VVir-  
temberg, &c.

*ALTERVM RESPONSVM, QVOD*

Gallis exulibus datum est, post Colloqui-  
um, sic habet.

*AD Libellum supplicem Domini Bezae &  
Collegarum eius, quo petunt, vt liceat suæ  
Confessionis fratribus, suam Confessionem sine  
alterius præiudicio retinentibus, sacram Cœnā  
EX ALIORVM MANIBVS percipere: resson-  
det Illustrissimus Princeps ac Dominus, Do-  
minus Fridericus, Comes Uvirentbergicus et  
Moma*

*Mompelgartensis, etc. extare publicè suæ Cels.  
 CONFSSIONEM ET ORDINATIONEM  
 Ecclesiasticam: SI SECVNDVM ILLAM Con-  
 fessionem & ordinationem ad sacram Domini  
 Cœnam accedere velint, eaq; de re sententiam  
 suâ Ministro Ecclesiæ Mompelgartensis ape-  
 rire voluerint, repulsam non passuros. Actum  
 Mompelgarti, 29. Martij, Anno 86.*

Hoc (scilicet) est  
 Gallis permittere,  
 quod prius non fue-  
 rat permissum: sicut  
 Epistola nugarur.

Fridericus Comes VVirtembergens  
 sis & Montpelgartensis, &c.

Post hoc Decretum promulgatum, prima die Aprilis, quæ  
 fuit Veneris, ante Paschatis Festum, cum iam vtriusque partis  
 Legati abiissent: Ministri quidam Gallicarum Ecclesiarum (qui  
 bus vnâ cum alijs Exulibus Gallis Mompelgarti hospitium cō-  
 cessum fuerat) ampliùs instant, & petunt, vt decreto Principis  
 saltem hæc clausula addatur: Gallos communicando, interim  
 suam Confessionē nolle condemnare. Et, si obtineri non possit  
 apud Illustrissimum Principem, vt hæc decreto scripto inferan-  
 tur: orare se, vt Minister Ecclesiæ Mompelgartensis hæc verba  
 publicè in suggestu corā populo, aut ad altare stans, recitet. Qua  
 certè in re, isti Gallici Ministri non obsecuti sunt D. Bezæ con-  
 silio, qui dudum Gallis exulibus scripserat, ne vsquam Mompel-  
 gartensem Ecclesiam offenderent: sed absq; multa disputatione  
 illic communicarent. Vt autem exulantium Ministrorum Gal-  
 licorū petitio iniqua erat: ita nihil prorsus impetrare potuerunt,  
 tamethi apud Superattendentem Mompelgartensem etiam intē-  
 pesta nocte instarent. Ab eo .n. hoc responsum tulerunt: Illustris-  
 simū Principem velle, vt semel datum & subscriptum mandatū  
 strictè obseruetur, & ne ad pilum quidem ab eo recedatur. Hoc  
 responso accepto, vnus ex Ministris illis Gallicis sequenti die

Sabbathi manè cum aliquot Gallis, ex vrbe abiit, alibi suæ Confessionis homines quærens, cum quibus communicaret.

Nota simplicem & piam Domini de Vesinez petitionem.

Reliqui verò Galli exules, qui Mompelgarti remanserant, Ministros Ecclesiæ huius Gallicos ad se vocarunt: ibiq; Dominus de Vesinez (qui mensæ D. Bezæ, in Colloquio assederat, & diligentissimè auscultauerat) in hanc sententiâ Ministros Gallicos Ecclesiæ Mompelgartensis alloquitur: Se suosq; Gallos cum summo affectu atq; desiderio cupere vnâ cum Ecclesia Mompelgartensi communicare: & petere, ne ab communione sacræ Cœnæ excluderentur, neq; pro extraneis ab Ecclesia Christi haberentur: cuius nomine tot hætenus pertulissent persecutiones.

Hæc verba, quæ videntur protestationem in se continere, audita quidem sunt à Gallicis Ministris, sed non recepta, aut approbata.

Ad hunc sermonem respondere voluit Gallicus Ecclesiæ Minister, D. Richardus Dinotus: (quem interea Dominus ex hac vita euocauit) sed interfatus est peregrinus quidam exulum Minister, & dixit: Dominum de Vesinez non rectè & omnino mentem Dominorum Gallorum declarasse: ipsos enim petere, vt svb SVA CONFESSIOE ad communionem Cœnæ Dominicæ admitterentur.

Huic respondit D. Richardus Dinotus, neminem hætenus ab Ecclesia Gallica Mompelgartensi exclusum fuisse: siue Geneua, siue aliunde Mompelgartum venisset: dummodo, auditis priùs & approbatis ipsorum concionibus, sese ad sumptionem sacræ Cœnæ obtulisset: cur ergo nunc Gallos exules excluderēt, quorum iam antea multi cum ipsis communicassent? Neque enim se dubitare, quin Galli exules, ex suis atq; Collegæ sui multis concionibus, simplicem nostrarum Ecclesiarum Confessionem satis intellexissent: quam etiam copiosius ipsis cognoscere liceat ex Confessione Augustana, eiusq; Apologia, & ex Ducis Christophori Vvirtembergici Confessione, quæ Concilio Tridentino fuit oblata; item ex concordia D. Lutheri, & D. Bucer, Anno & c. 36. Vvirtembergæ facta: à qua pia Confessione, neq; ipse, neq; eius Collega recedere possit: propterea, quòd ea verbo Dei conformis, atq; in eo benè sit fundata. Quæ verò pafsim contra illam Confessionem spargantur, meras esse calumnias, mendacia, & manifestissimas falsitates.

Reuocati sunt Galli exules ad Confessionem Ecclesiarum Germanicarum: quæ certe plurimum à Gallica discrepat.

Ad hæc quidam Iurisconsultus Gallicus (qui antea sæpe in Ecclesia Mompelgartensi Cœnam Domini sumpserat) vnâ cū alijs exuli-

exulibus interfatus respōdit: Si Ministrorum Ecclesiæ Mompelgartensis Confessionem & cōciones improbarent, nequaquam petituros fuisse, vt liceret cum ipsis communicare. Interim tamē se non posse Gallicam suam Cōfessionem repudiare, & alias (vel in regno Galliæ vel alibi) Ecclesias condemnare. Cui respondit D. Richardus Dinotus: Neq; se, neq; suos Collegas vnquam vllas Christi Ecclesias condemnasse: quin potius semper de omnibus, quam optimē sperare. Non tamen se dissimulare posse, (si verum fateri velit) quōd Confessio Gallorum, præcipuē in 38. articulo, admodum sit ambigua & insufficiens: cū non intelligi possit, qui nam sint illi Sacramētarij, quorū Confessio mentionē facit.

Reatē distinxit Dinotus inter ipsas Ecclesias, & erroneas opinionones, quas illarum Ecclesiarum Ministri defendunt. Sæpe enim plebs puriores habet aures, quā labia & corda Sacerdotes.

Ad hæc Floretus Gallorum exulum Minister, respondens, ambiguitatem illam Gallicæ Confessionis ad hunc modum explicat: per Sacramentarios intelligi eos, qui sic reiicerent signa, vt dicerent, illa esse nuda, NEC CONIUNCTA CVM ILLIS REBUS, QVAS SIGNIFICANT: cū tamen Iesus Christus dixerit: Hoc est corpus meum: Hic est sanguis meus. Hic bonus ille Richardus Dinotus (ex candore suo iudicans de Floreto) Lutheranum se audire ratus, respondit: Quid ergo amplius restaret, Gallosq; exules impediret, (quandoquidem sic sentirent) quō minùs cum cæteris fidelibus ad Cœnam Domini accederent?

Irenæus de Hæreticis: Eadem loquentes: non tamen eadem sentientes.

Postea Floretus Richardi Collegam Samuelem Cucuellū Gallicæ Mompelgartensis Ecclesiæ Ministrum, compellans interrogauit: an haberet, quod Collegæ sui dictis cōtradiceret? Respōdit Samuel: se nihil quidem habere: Valde tamen mirari, quid si biuellent, quōd toties hæc reiterarēt, SVB GALLICA NOSTRA CONFESIONE? An Confessio Mompelgartensis Ecclesiæ ipsis non probaretur? & an illam condemnarent?

Statim autem excusauit se & suos Floretus, ne viderentur Cōfessionem Mompelgartensem damnare: & illius Iurisperiti (de quo suprā diximus) sententiam repetens, dixit: Non cuperemus vobiscum communicare, si non vestram Confessionem approbaremus. Nobis tamen (inquit Floretus) fit iniuria, dum insinuilamur, quasi euacuaremus Sacramenta: firmiter enim tenemus, quōd panis & vinum non sint solū signa, sed INSTRUMENTA, PER QVAE VERVM CORPVS ET SANGVIS CHRISTI DISTRIBUTVNTVR. Interim verō (ait Floretus) constat, te, Samue-

## NOTA.

Audis iterum Lutheranam Confessionem, quam non probaturus fuisset alter Minister Gallicus, qui Mompelgart cum suis discesserat.

lem Cucuellum, sapius pro concione Transsubstantiationem, Consubstantiationem, Ubiquitatem, & extensionem localem corporis Christi, reieciſſe: an adhuc, Cucuelle, in hac perſiſtis ſententia? Ad hæc Samuel Cucuellus aſſenſit.

Tandem quæſitū fuit ex Miniſtris illis duobus Gallicis Mompelgartenſibus: an quibuſdam Gallis, Cœnā Domini iuxta ipſorū modum & formam exhibere vellent: vt videlicet, panē in manus, & nō in os, illis porrigerent? Ad hæc Samuel Cucuellus reſpondit: Nihil poſſe in ipſorum gratiam, in ritu adminiſtrationis Cœnæ Dominicæ, mutari: facile enim fieri poſſe, vt ſimplex populus ex ea mutatione offenderetur. Inſtabant quidē Galli ſuper ea re ampliū: ſed cū nihil impetrarent, acquieuerunt, ſuumq; animum declararunt, quōd ea ceremonia ipſos non eſſet impeditura, quō minūſ ad Cœnam Domini accederent.

Cū autē Miniſtri Mompelgartenſes iam diſceſſiſſent, eorūq; omnium, quæ poſtea à Gallis facta ſunt, prorſus ignari eſſent: (id quod ſuperſtes Miniſter, Samuel Cucuellus, ſanctē affirmat) Galli clam, vocatis Notarijs & aliquibus ciuibus Mompelgartenſibus, Inſtrumentū quoddam erigunt, tali (ſcilicet) candore & fide, vt Illuſt. Princeps ac Dominus, Dominus Fridericus, Comes Vvirmbergicus & Mompelgartenſis, &c. grauiffimas iuſtiſſimasq; cauſas habuerit, cur illi Inſtrumento (in præfatione huius operis) omnē fidem, authoritatem atq; valorē derogaret & detraheret. Erectū enim fuit illud nō modō abſentibus ijs, quorū præſentia, rei ipſius cognitio, & cōſenſus inprimis, requirebatur: verū etiā talia inſerta ſunt, quorum in præſentia Miniſtrorum Mompelgartenſium, aut nulla prorſus facta fuerat mentio: aut quæ non fuerunt ipſorum conſenſu approbata: quo nomine Inſtrumentum à veritate rei geſtæ multū diſtat.

Cū autē Chriſtus veriſſimē dixerit: Nihil eſſe abſconditum, quod nō aliquando reueletur: non potuit etiam illud Inſtrumentum, illegitimē, & in detrimentū veritatis erectum, diu latere. Et quidem ad eiufdem reuelationē, occaſionem præbuit vaniſſimā ſua publicata Epistoſa, fictitiuſ ille Euſebius Schönbergius, qui eiuf Inſtrumenti primus mentionē fecit, idq; ſuo iudicio prodidit. Lecta. n. illa Epistoſa, ij, quibus abſente Principe Friderico, gubernacula Reipub. commiſſa erant, magna diligentia & induſtria



stria tandem illius occultè erecti Instrumenti copias nacti sunt. Quod cum redeunti Illustrissimo Principi exhibuissent, ipsius Celsitudo rem tam iniquam, clandestinam, temerariam, & non bona fide actam, grauius molesteq; tulit, & super ea vehementer commotus est. Neq; verò author illius Instrumenti impunè istam suam temeritatem & malitiam tulisset, nisi mors eum ante reditum Principis rebus humanis exemisset.

Hæc omnia Illustrissimus Princeps Fridericus in lucem emittenda iudicauit: vt publicum testimonium veritatis, de Actis Colloquij Mompelgartensis, ad omnem posteritatem extaret: vt vanitas illius Schönbergianæ Epistolæ (in qua plura ferè sunt mendacia, quàm lineæ) toti orbi innotesceret: deniq; vt Celsit. ipsius Persona ab omni falsa illa & sinistra suspicione, quasi à pia, pura, atque prima illa incorrupta Augustana Confessione deflexerit, vindicetur. Et quidem ipsius Celsitudo, horum Actorum publicatione, veram & firmam pacem Ecclesiarum (quæ nō nisi in ipsius veritatis demonstratione fundata esse, & consistere potest) promouere, non autem impedire studuit. Cui pio studio, vt felix euentus respondeat, vtq; per Spiritus sancti virtutem aduersæ parti, oculi mentis aperiuntur, vt veritatem cœlestem agnoscant, ament, atq; amplectantur, ipsius Celsitudo ardentibus votis precatur. Et vt huic etiam Appendici sua Authoritas constaret; ipsius Celsitudo, in publicum testimonium veritatis, ei propria manu subscripsit. Actum Mompelgarti in Arce, die 11. Febr. Anno Christi, 1587.

*Fridericus, Dei Gratia Comes Vvirmbergicus & Mompelgartensis, &c.*

